



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



BCU - Lausanne



1094799715

M. FABII
QUINCTILIANI
DE
INSTITVTIONE
ORATORIA
LIBRI DUODECIM
INNVMERIS LOCIS
EMENDATI
EX RECENSIONE
VLRICI OBRECHTI.



ARGENTORATI

Sumptibus JOH. REINHOLDI DULSSECKERI
ANNO M. DC. XCVIII.



VLRICI OBRECHTI

ad

Virum Clarissimum

EDMVNDVM GIBSON

Præfatio.

Quanto favore passim excepta sit, quam conferendis **QUINCTILIANI** codicibus non ita pridem operam impendisti, publicus ad Te, Vir Clarissime, applausus detulerit; mihi in fronte hujus editionis dissimulandum non fuit, si quid eâ rei literariæ bono præstitum est, id omne in tuæ diligentiae sive proventu sive fructu esse computandum. Dudum est quod omnia

)(2

quæ

quæ Quinctiliani nomen præferunt,
inprimis vero Institutiones hæc
Oratorias innumeris vulneribus, &
ædioribus etiam cicatricibus defor-
matas, adeoque virum felicissimo-
rum aliâs studiorum, hac tamen
parte voto suo frustratum esse cogno-
vi, ut quos emitteret, libri in ma-
nus hominum quam emendatissimi
venirent: Sed consumtis in priores
editiones præcipuarum bibliotheca-
rum præsidis, malum remedio ma-
jus, neque ulteriori curæ locum esse
arbitrabar; cum huc ad nos, licet
ob interrupta pacis commercia se-
rius, advectæ, quas operi utilissimo,
rese-

reſeratis Angliæ theſauris, demum ſup-
petias tulifti, & melioris meſpei, &
ſubinde novi conſilii fiducia imple-
verunt. Etenim ex quo diverſas ab
editis lectiones inſpexi, quas é Bod-
lejano præcipue, ſed & cæteris ma-
nu exaratis codicibus excerptas tex-
tui ſubjeciſti; ſic in animum indu-
xi, ut prorsus exiſtimem, nullum
deinceps in Quinctiliani libris men-
dum pro immedicabili habendum,
ſi tuo exemplo excitati, quibus ve-
tuſtorum forte adhuc exemplarium
uſus vel copia ſuppetit. ad hoc ope-
ras ſixas pari fide atque diligentia
conferant, ut de earum deinceps va-
rie-


rietate penitus constet. Neque de scriptura saltem loquor bonæ aut probabilis notæ: Vulnera ut sanari se patiantur, cruda sunt tractanda, & callus, quod obductis male cicatricibus fieri solet, ad vivum resuscandus. E corruptis certe locis nullos felicius correxerit qui arte & iudicio valet, quam qui & a librariis imperitissime scripti & ab emendatoribus pro desperatissimis abjecti sunt. Id infinitis experimentis olim hodieque compertum, dubio plane eximet hæc ipsa, qua superioribus aliquot mensibus graviores reipublicæ curas distinguere visum est, operum

rum quæ *Quinctiliano* tribuuntur, recensio ; cum emendationum quæ vel textui adhibita, vel notis peculiari volumine, quod præcipuos insuper eruditorum virorum commentarios complectetur, propediem representandis, reservatae sunt, fontes recludentur. Ad quod ut *Symbolas*, quas possunt, conferant, quotquot genuinae eloquentiae ; quid eloquentiam dico ? quotquot verae sapientiae favent, si ego hortator non sim, politissimi operis uti spero, pretium invitabit. Nos, quod unum nostrae facultatis est, merita quemque laude suo loco mactabimus, qui vel ha-

ctenus

*Genus, vel imposterum laboris huc
aliquid opisve contulerit. Ad te ve-
ro, Vir Clarissime, omnis quaecunq;
publice futura est navatae operae gra-
tia redundabit. Nisi enim tu no-
vae industriæ tam eximium sive spe-
cimen sive instrumentum præ-
buiſſes, hujus certe editionis ne-
mini cuiquam gratia deberetur.*

IN.



INDEX

Quorundam Locorum

Quos partim e variis lectionibus priorum
editionum,

Ac imprimis Oxoniensis nuperæ,

*Partim e vestigiis Codicis MSC. Bibliotheca Ar-
gentoratenſis, itemque e conjectura ſua emendavit*

ULRICUS OBRECHTUS.

EDITIO

OXONIENSIS

ARGENTORATENSIS

LIB. I.

Cap. I. Pag. 7. ed. Argent.

Hoc qui perviderit, protinus &c.

Pag. ead.

Nam bona facile mutantur in pe-
jus: nunc quando in bonum verteris
vitia?

Pag. ead.

Et Lælii filia reddidiſſe in loquen-
do paternam eloquentiam dicitur.

P. 9.

A ſermone Græco puerum incipere

Hac propter, protinus &c.

Nam bona facile mutantur in pe-
jus: nunquam in bonum verteris vi-
tia.

Et Lælii filia reddidiſſe in loquendo
paternam elegantiam dicitur.

A ſermone Græco puerum incipere
) () (malo:

EDITIO OXONIENSIS ARGENTORAT.

malo : quia Latinus , qui pluribus in-
usu est , vel nobis nolentibus , se perhi-
bet.

P. cad.

Quum æquali cura linguam utram-
que tueri cœperimus.

P. 10.

Lusus hic fit : & rogetur , & lau-
detur : & nonnunquam scisse se gau-
deat.

P. 12.

Syllabis nullum compendium est ;
perdiscendæ omnes : nec ut fit plerum-
que , difficillima quæque earum diffe-
renda : ut in omnibus scribendis de-
prehendantur.

CAP. III. P. 15.

Ante palatum eorum , quam os in-
stituimus.

P. 16.

Aut potest esse ulla tam perpetua
discantis intentio , quæ non , ut visus
oculorum obtutu continuo , fatigetur ?
cum præsertim multo plus secreti tem-
poris studia desiderent.

CAP. IV. P. 24.

Non enim sic *Optimum* dicimus ,
ut *Opimum*.

P. 25.

Atqui litera *ſ* sibi insidit.

P. 25..

Et hæc ipsa *S* litera ab his nomini-
bus exclusa , in quibusdam ipsa alteri
succedit : nam *mortare* atque *pul-
sare* dicebant. Quin *fordem fædus-
que* , pro aspiratione , *F* , vel simili li-
tera utentes : nam contra Græci aspi-

malo : quia Latinum , qui pluribus in-
usu est , vel nobis nolentibus perhi-
bet.

Quum æquali cura linguam utram-
que teneri cœperimus.

Lusus hic fit : & rogetur , & de-
liniatur : & nunquam non fecisse se
gaudeat.

Syllabis nullum compendium est ;
perdiscendæ omnes : nec , ut fit ple-
rumque , difficillima quæque earum
differenda : ut in nominibus scriben-
dis deprehendantur.

Ante palatum eorum , quam mo-
res instituimus.

Aut potest esse ulla tam perpetua
discantis intentio , quæ non , ut visus
oculorum obtutu continuo , fatigetur ?
cum præsertim multo plus secreti stu-
dia desiderent.

Non enim sic *Optimum* dicimus ,
ut *Opimum*.

A quidem literam *ſ* sibi miscet.

Atque ipsa *S* litera ab his nominibus
exclusa , in quibusdam ipsa alteri suc-
cessit : nam *mortare caput* & *os pulsa-
re* dicebant. Quin *fordem fædusque* ,
pro aspiratione , velut simili *F* litera
utentes : nam tantum Græci ista adpi-
tare

E D I T I O

OXONIENSIS ARGENTORAT.

sare solent *q.* ut pro Fundanio Cicerone
testem qui primam ejus litteram dicere
non posset, irridet. Sed B. quoque
in locum aliarum dedimus aliquando,
unde *Burrhus*, & *Bruges*, & *Balana*.

spirare solent: inde pro Fundanio Ci-
cero testem qui primam ejus litteram
dicere non posset, irridet. Sed B. quo-
que aliam vim dedimus aliquando,
unde *Burrhus* & *Bruges*, & *Belena*.

Cap. V. pag. 34.

Sunt etiam proprii quidam & in-
evitabiles soni, quibus nonnunquam
nationes reprehendimus.

Pag. 36.

Præterea numeros; in quibus nos
singularem ac pluralem habemus;
Græci & *Δωδεκ*.

Pag. 41.

Jam ne *balare* quidem aut *binnire*
fortiter diceremus, nisi judicio vetu-
statis niterentur.

Sunt etiam proprii quidam & in-
narrabiles soni, quibus nonnunquam
nationes reprehendimus.

Prætereo numeros; in quibus nos
singularem ac pluralem habemus;
Græci & *Δωδεκ*.

Jam ne *balare* quidem aut *binnire*
forte diceremus, nisi judicio vetustatis
niterentur.

Cap. VI. pag. 45.

Sed Augustus quoque in epistolis
ad C. Cæsarem scriptis emendat, quod
is *calidum* dicere quam *caldum* ma-
lit.

Pag. ead.

Ego tamen non alio magis angor,
quam quod obliquis casibus ducti et-
iam primas sibi positiones non inve-
nire, sed mutare permittunt.

Pag. 47.

Jam illa minora, in quibus maxime
studiosi ejus rei fatigantur, qui verba
paulum declinata, varie & multiplici-
ter ad veritatem reducunt, aut corre-
ptis aut porrectis, aut adjectis aut de-
tractis, aut permutatis literis syllabis-

Sed Augustus quoque in epistolis
ad C. Cæsarem scriptis emendatius
validum dicere quam *caldum* mavult.

Ego tamen non alio magis angor,
quam quod obliquis casibus ducti et-
iam primas sibi positiones non mi-
nuere, sed mutare permittunt.

Jam illa minora, in quibus maxi-
me studiosi ejus rei fatigantur, qui ver-
ba paulum declinata, varie & multi-
pliciter ad veritatem reducunt, aut
corruptis aut porrectis, aut adjectis aut
detrahitis, aut permutatis literis sylla-
bisve:

)(C 2



EDITIO OXONIENSIS ARGENTORAT.

bisve Inde pravis Ingeniis ad scdissi-
ma usque ludibria dilabuntur.

bisve : ut in parvis ingentis ad scdissi-
sima usque ludibria labantur.

Cap. VII. pag. 52.

Interim g. quoque, ut in pulvinari
Solis, qui colitur juxta ædem Quirini,
vesperug, quod *vesperuginem* accipi-
mus.

Pag. ead.

Quia etymologia ex divisione inter
syllabas facta, desideret eam literam.

Interim g. quoque, ut in pulvinari
Solis qui colitur juxta ædem Quirini,
vesperug, quod *vesperi arguginem* ac-
cipimus.

Quia etymologia ex divisione in tri-
syllabas facta, desideret eam literam.

Cap. X. pag. 65.

Fistula quam *torâeior* vocant,
Pag. 68.

At centeni & octogeni in quamque
partem pedes, idem spatium extremi-
tatis, sed multo amplius divisæ qua-
tuor lineis areæ faciunt. Id si com-
putare quem piget, brevioribus nume-
ris idem discat.

Fistula quam *torâeior* vocant.

At centeni & octogeni in quamque
partem pedes, idem spatium extra ter-
minant, sed multo amplius clusæ qua-
tuor lineis areæ faciunt. Id si com-
putare quem piget, brevioribus idem
discat.

Cap. XII. pag. 75.

Ergo cum grammaticus totum diem
occupare non possit, nec debeat, ne
discantis animum tædio avertat: qui-
bus potius studiis hæc temporum vel-
ut subsidia donabimus? Nam nec
ego consumi studentem in his artibus
volo: nec ut moduletur, aut musicis
modis cantica excipiat &c.

Ergo cum grammaticus totum diem
occupare non possit, nec debeat, ne
discantis animum tædio avertat; qui-
bus potius studiis hæc temporum ve-
lut subsidia donabimus? Nam nec
ego comminui studentem in his arti-
bus volo: nec ut moduletur, aut mu-
sicis notis cantica excipiat &c.

LIBER

EDITIO
OXONIENSIS ARGENTORAT.
LIBER II.

CAP. I. pag. 78.

Et rhetorice, cui nomen vis eloquendi dedit, officia sua non detrectet, nec occupari gaudeat pertinentem ad se laborem: quæ dum operæ cedit, jam bene possessione depulsa est.

Pag. ead.

An ignoramus antiquis hoc fuisse ad augendam eloquentiam genus exercitationis, ut theses dicerent, & communes locos, & cætera circa complexum rerum personarumque, quibus veræ fictæque controversiæ continentur?

CAP. II. Pag. 81.

Sic stylo facultas continget, auditioni iudicium.

Pag. 81.

Nam ut absit ab ultimis vitiis ipse præceptor, ac scola; ne præcipiendum quidem credo.

CAP. III. Pag. 84.

Nam tumidos & corruptos, & tinnulos, & quocunque alio cacozeliæ genere peccantes, certum habeo non virium, sed infirmitatis vitio laborare: ut corpora non robore, sed valetudine infiantur: & recto itinere lapsi, plerunque divertunt.

CAP. IV. pag. 88.

Erit suum paranda facultati scriptum, nec a nobis negligenter iste locus transibitur.

Et rhetorice, cui nomen virtus eloquendi dedit, officia sua non detrectet, nec occupari gaudeat pertinentem ad se laborem: quæ dum opere cedit, jam pene possessione depulsa est.

An ignoramus antiquis hoc fuisse ad augendam eloquentiam genus exercitationis, ut theses dicerent, & communes locos, & cætera citra complexum rerum personarumque, quibus veræ fictæque controversiæ continentur?

Sic stylo facultas continget, auditione iudicium.

Nam ut absit ab ultimis vitiis ipse præceptor hæc scola; ne præcipiendum quidem credo.

Nam tumidos, & corruptos, & tinnulos, & quocunque alio cacozeliæ genere peccantes, certum habeo non virium, sed infirmitatis vitio laborare: ut corpora non robore, sed valetudine infiantur: & recto itinere lapsi plerunque divertunt.

Erit suum paranda facultati scriptum, nec a nobis negligenter locus iste transibitur.

)((3

Pag.

7-5. 91.

Nam vitium aut in verbis est, aut in rebus. In verbis quaeritur - - - In rebus, *an lex sibi ipsa consentiat, an in populum ferri debeat, an in singulos homines.*

Pag. 96.

Multa ergo oportebit eligere, sed curandum erit, ne iis quibus permista sunt, inquinentur; quosdam vero etiam quos totos imitari oporteat, & nunc esse quidem, libenter non concesserim modo, verum etiam contenderim.

Nam vitium aut in verbis est, aut in rebus. In verbis quaeritur - - - In rebus, *an lex sibi ipsa consentiat, an in preteritum ferri debeat, an in singulos homines.*

Multa ergo licebit eligere; sed curandum erit, ne iis quibus permixta sunt, inquinentur. Quosdam vero etiam quos totos imitari oporteat, & fuisse nuper & nunc esse, quid ni libenter non concesserim modo, verum etiam contenderim?

CAP. VII. pag. 98.

Et qui erunt in difficiliore hujus generis iabore versati, sine molestia, quae ipsi composuerunt, jam familiarius animo suo affigent.

Et qui erunt in difficiliore hujus generis labore versati, sine molestia, quae ipsi composuerint, jam familiaria animo suo affigent.

CAP. VIII. pag. 100.

Neque ego contra naturam pugno. Non enim deferendum id bonum, si quod ingenitum est, existimo, sed augendum &c.

Pag. 101.

Si vero liberalior natura contigerit &c.

Neque ego contra naturam pugno. Non enim detereendum id bonum, si quod ingenitum est, existimo, sed augendum &c.

Si vero liberalior materia contigerit.

CAP. X. pag. 103.

Alioqui tumor ille inanis primo cujusque veri operis conatu deprehenditur.

Pag. 104.

Quae nos, quamlibet per alia in scholis exercitati sumus, tyrones in foro inveniunt. Si vero in ostentatio-

Alioqui tumor ille inanis primos cujusque veri operis conatus deprimunt.

Ob quae nos, quamlibet per alia in scholis exercitati sumus, tyrones in foro invenimus. Si vero in ostentationem

EDITIO OXONIENSIS ARGENTORAT.

nem comparatur declamatio, sane paululum aliquid inclinare ad voluptatem audientium debemus.

Pag. 110.

Quam quidem gratiam & delectationem afferunt figuræ, quæque in sensibus, quæque in verbis sunt. Mutant enim aliquid a recto, atque hanc præ se virtutem ferunt, quod a consuetudine vulgari recesserunt.

nem comparatur declamatio, sane paululum aliquid inclinare ad voluptatem audientium debemus.

Quam quidem gratiam & delectationem afferunt figuræ, quæque in sensibus, quæque in verbis summutant etiam aliquid a recto, atque hanc præ se virtutem ferunt, quod a consuetudine vulgari recesserunt.

CAP. XV. pag. 116.

... Ars inventrix, & judicatrix, & enuntiatrix decente ornatu secundam mentionem ejus quod in quoque potest sumi persuasibile in materia civili.
Pag. 118.

Non veram autem & honestam intelligit.

Pag. 119.

Civilis autem scientia idem quod sapientia est. Quidam etiam Philosophiæ, quorum est Isocrates. Huic ejus substantiæ maximæ convenit finitio, *Rhetoricen esse bene dicendi Scientiam.*

... Ars inventrix, & judicatrix, & enuntiatrix decente ornatu secundam mentionem ejus quod in quoque potest sumi persuasibile in materia civili.

veram autem & honestam intelligit.

Civilis autem scientia idem quod sapientia est. Quidam etiam philosophiæ. Sed Isocratis huic ejus substantiæ maxime convenit finitio, *Rhetoricen esse bene dicendi scientiam.*

CAP. XVI. pag. 120.

Sed bella etiam inexpugnabilia excutuntur.

Pag. 132.

Nam sive (ut Cleanthes voluit) ars est potestas viam ac ordinem efficiens.

Sed bella etiam inexpugnabilia excutuntur.

Nam sive (ut Cleanthes voluit) ars est potestas via, id est, ordine efficiens.

CAP. XXI. pag. 141.

Verum hoc ego non artem credo agere, sed artificem.

Verum hoc ego non artem credo egere, sed artificem.

LIBER

LIBER III.

CAP. VI. pag. 158.

Inde vero ingens male interpretantibus innatus est error, qui quia primam consilium legerant, credere statum semper ex prima quaestione dicendum.

Pag. 159.

Alii statum crediderunt primam ejus, cum quo ageretur, deprecationem.

Pag. 164.

Idem, qui ἄπορον & προληπτικὸν dicunt, quo dubium & praesumptum: significatur, de quo liquet.

Pag. 166.

Aristoteles in rhetoricis etiam sic omne opus dividit, in veritatem, & petenda ac fugienda, quod est suavior, & eodem atque alio partiendo ad hoc pervenit, ut, an sit, quid, quale, quantum, & quam multum sit, querendum putet.

Pag. 169.

Sed non sustineo esse conscius mihi dissimulanti.

Pag. 171.

Hoc illi simile est, *puniendus es, non sum*: videbit iudex an - - - sed non hic erit quaestio, nec hic status. Ubi ergo? *puniendus es, hominem occidisti: non occidi*: an occiderit. *Honorandus, quia tyrannum occidi: non occidi*: quaestio, & status. Similiter, *non recte agis ignominiosus*, queritur an *ignominiosus sit*, aut an *agere igno-*

Inde vero ingens male interpretantibus innatus est error; quia primam consilium legerant, crediderunt statum semper ex prima quaestione deducendum.

Alii statum crediderunt primam ejus, cum quo ageretur, depulsionem.

Idem, qui ἄπορον & προληπτικὸν dicunt, id est, dubium & praesumptum quo significatur, de quo liquet.

Aristoteles in rhetoricis etiam sic omne opus dividit, in veritatem, & petenda ac fugienda, quod est suavior, & de eodem atque alio: partiendo ramen ad hoc pervenit, ut, an sit, quid, quale, quantum, & quam multum sit, querendum putet.

Sed non sustineo esse conscius mihi dissimulanti iudicii.

Hoc illi simile est, *puniendus es, non sum*: videbit iudex an - - - sed non hic erit quaestio, nec hic status. Ubi ergo? *puniendus es, hominem occidisti: non occidi*: an occideris. *Honorandus sum, non es*: num statum habet? Non puto. *Honorandus sum, quia tyrannum occidi: non occidisti*: quaestio, & status. Similiter, *non recte agis* -
minio-

EDITIO. OXONIENSIS ARGENTORAT.

minioſo liceat : & quæſtio eſt , & ſtatus.

recte agis ; recte ago : non habet ſtatum : ubi eſt ergo ? *non recte agis ignominioſus* , quæritur , *an ignominioſo liceat* : & quæſtiones , & ſtatus.

CAP. VII. pag. 181.

Quoſdam claritas ipſa notiores circa vitia , & inviſos magis fecit : & in quibusdam , ut in Paride traditum eſt , prædicta perniciēs : & corporis ac fortunæ quibusdam mala contemptum , ut Therſitz : at vero quibusdam bona vitiis corrupta odium attulerunt : ut Nirea imbellem , Pliftinem impudicum , a poetis accepimus.

Quoſdam claritas ipſa notiores circa vitia , & inviſos magis fecit : & in quibusdam , ut in Paride traditum eſt , prædicta perniciēs : & corporis ac fortunæ quibusdam mala contemptum , ut Therſitz , atque Jro : quibusdam bona vitiis corrupta odium attulerunt , ut Nirea imbellem , Pliftinem impudicum , a poetis accepimus.

CAP. VIII. pag. 185.

In concionibus ſæpe eſt etiam illa quæ ordinem rei docet , neceſſaria , affectus , ut quæ maxime , implenda.

Pag. 188.

Liberos enim natura omnes , & iisdem conſtare elementis , & fortaiſe antiquis etiam nobilibus ortos , dici poteſt.

Pag. 192.

An eodem modo cogitavit , aut eandem perſonam induit Cicero cum ſcriberet Cn. Pompejo , & cum C. Appio , cæterisve.

In concionibus ſæpe eſt etiam illa quæ ordinem rei docet , neceſſaria. Affectus , ut quæ maxime , poſtulat.

Liberos enim natura omnes , & iisdem conſtare elementis , & fortaiſe aliquis etiam nobilibus ortus , dici poteſt.

An eodem modo cogitavit , aut eandem perſonam induit Cicero cum ſcriberet Cn. Pompejo , & cum Domitio Cæſarive.

)()()(

LIB.

LIBER IV.

CAP. II. pag. 222.

Reus contra tunc narrationem subtrahit, cum id quod obijcitur, nec negari nec accusari potest, sed in sola juris quæstione consistit.

Reus contra tunc narrationem subtrahet, cum id quod obijcitur, neque negari neque excusari poterit, sed in sola juris quæstione consistit.

Pag. 223.

Ficta interim narratio introduci solet, vel ad concitandos iudices, ut pro Roscio contra Chrysogonum, cujus paulo ante habui mentionem: vel ad solvendo aliquam urbanitatem, ut pro Cluentio contra fratres Cepasios.

Ficta interim narratio introduci solet, vel ad concitandos iudices, ut pro Roscio circa Chrysogonum, cujus paulo ante habui mentionem: vel ad resolvendo aliquam urbanitatem, ut pro Cluentio circa fratres Cepasios.

Pag. 224.

In quo genere plurimis figuris erit varianda expositio ad effugiendum tædium audientis.

In quo genere plurimis figuris erit varianda expositio, ad effugiendum tædium nota audientis.

Pag. 226.

Narratio est rei factæ, aut non factæ utilis ad persuadendum expositio.

Narratio est rei factæ, aut ut factæ utilis ad persuadendum expositio.

Pag. 231.

Omnia denique quæ probatione tractaturi sumus, personam, causam, locum, tempus, instrumentum, occasionem, narratione deliberabimus.

Omnia denique quæ probatione tractaturi sumus, personam, causam, locum, tempus, instrumentum, occasionem, narratione deliberabimus.

Pag. 232.

Quod non solum rebus ipsius vir eloquentissimus, quibus moras & lentum professionis ordinem ducit, sed verbis etiam vulgaribus & quo-

Quod non solum rebus ipsius vir eloquentissimus, quibus moras & lentum professionis ordinem ducit, sed verbis etiam vulgaribus & quotidiani-

tidianis , & arte occulta consecutus est : quæ si aliter dicta essent , strepitu ipsum judicem , deinde patronum excitassent.

Pag. 233.

Nam qui obscurare vult , narrat falsa pro veris : in quo debet laborare ut videantur quam evidentissima.

Pag. 236.

At si defensori sunt , proponere certe plerumque id quod confirmaturi sumus , oportet. Cur ergo non exponamus quod & dilui potest ? Ut hoc contingat , utique indicandum est.

Pag. ead.

Nam ne iis quidem accedo , qui semper eo putant ordine , quo quid actum sit , esse narrandum : sed eo modo quo expedit.

Pag. 243.

Figuræ , (*sint*) non illæ poeticæ , & contra rationem loquendi auctoritate veterum receptæ. Nam debet esse quam purissimus sermo , & qui varietate tædium effugiat , & mutationibus animum levet.

Pag. 245.

Fundum habet in agro Tigurino M. Tullius patrum.

tidianis , & arte occulta consecutus est : quæ si aliter dicta essent , strepitu ipsum judicem ad custodiendum patronum excitasset.

Nam qui obscurare vult , narrat falsa pro veris : & in his quæ narrat , debet laborare ut videantur quam evidentissima.

At si defensori sunt , proponere certe plerumque id quod confirmaturi sumus , oportet. Cur ergo non exponamus quod & dilui potest , & ut hoc contingat , utique indicandum est ?

Nam ne iis quidem accedo , qui semper eo putant ordine , quo quid actum sit , esse narrandum : sed eo malo , quo expedit.

Figuræ , (*sint*) non illæ poeticæ , & contra finem loquendi auctoritate veterum receptæ : (nam debet esse quam purissimus sermo) sed quæ varietate tædium effugiant , & mutationibus animum levent.

Fundum habet in agro Thurino M. Tullius patrum.

CAP. III. pag. 247.

Sed ut non semper est necessaria post narrationem illa procursio , ita frequenter utilis ante quætionem præparatio , utique si prima specie minus erit favorabilis , si legem

Sed ut non semper est necessaria post narrationem illa procursio , ita frequenter utilis ante quætionem præparatio : utique si prima specie minus erit favorabilis , si legem

() () (a

asperam tuebimur , aut pœnarias actiones inferemus. Est hic locus velut sequentis exordii , ad conciliandum probationibus nostris iudicem. Quod liberius hic & vehementius fieri potest , quia iudici nota jam causa est.

gem asperam tuebimur , aut pœnarias actiones inferemus ; est hic locus velut sequentis exordium , ad conciliandum probationibus nostris iudicem. Quod quo liberius , hoc & vehementius fieri potest ; quia iudici nota jam causa est.

CAP. IV.

pag. 249.

Sed nonnunquam valde utilis est (propositio) præcipue ubi res defendi non potest , de jure quæritur ; ut pro eo qui pecuniam privaram de templo sustulit , *sacrilegii agitur , de sacrilegio cognoscitur.*

Pag. 253.

Si vel occupatus , vel in aliqua potestate , vel etiam sic moribus compositus , cum convicio efflagitat.

Sed nonnunquam valde utilis est (propositio ;) præcipue ubi res defendi non potest , de fine quæritur ; ut pro eo qui pecuniam de templo sustulit , *sacrilegii agitur , de sacrilegio cognoscitur.*

Si vel occupatus , vel in aliqua potestate , vel etiam si moribus incompositus , cum convicio efflagitat.

CAP. V.

pag. 255.

Sed ut non semper necessaria , aut etiam supervacua partitio est , ita opportune adhibita plurimum orationi lucis & gratiæ confert.

Pag. ead.

Nam est certus ejus modus , & evitanda maxime concisa nimium & velut articulosa partitio.

Pag. 256.

Partitio prima est , quid sit de quo ambigatur.

Sed ut non semper necessaria , aut utilis etiam partitio est , ita opportune adhibita plurimum orationi lucis & gratiæ confert.

Nam est suus & in gestu modus , & vitanda ut quæ maxime concisa nimium & velut articulosa partitio.

Partitio prima est , quid sit de quo conveniat ; quid de quo ambigatur.

LIBER V.

CAP. VII. pag. 266.

Et si deficietur numero (*testium*)

Et si deficietur numero (*testium*)
pars

pars diversa, paucitatem : si abundabit , conspirationem : si humiles producet , utilitatem : si potentes , gratiam oportebit incessere.

pars diversa, paucitatem : si abundabit , conspirationem : si humiles producet , vilitatem : si potentes , gratiam oportebit incessere.

CAP. X. Pag. 280.

Nam fere versatur ratio faciendi circa bonorum adeptionem , incrementum , conservationem , usum ; aut malorum evitationem , liberationem , imminutionem , conversionem.

Nam fere versatur ratio faciendi circa bonorum adeptionem , incrementum conservationem , usum ; aut malorum evitationem , liberationem , imminutionem , tolerantiam.

Pag. 282.

Sed tempus subtilius quidam quam necesse erat, diviserunt , ut esset juncti , sonus auditus est : adhaerentis , clamor sublatus est &c.

Secundum tempus subtilius quidam quam necesse erat diviserunt , ut esset juncti , sonus auditus est : adhaerentis , clamor sublatus est &c.

Pag. 284.

Aut enim simpliciter quaeritur sitne hoc virtus. Aut antecedente finitione , quid sit virtus. Id aut universum verbis complectimur , ut, *Rhetorice est bene dicendi scientia* , aut partes.

Aut enim simpliciter quaeritur sitne hoc virtus. Aut antecedente finitione , quid sit virtus. Ita aut universam vim verbi complectimur , ut ; *Rhetorice est bene dicendi scientia* , aut partes.

Pag. 293.

Nam ut per se non sufficit scire, omnes probationes aut a personis aut a rebus peti , quia utrumque in plura dividitur : ita ex antecedentibus & junctis & insequentibus trahenda esse argumenta qui acceperit , protinus in hoc sit instructus , ut quid in quaque causa dicendum sit ex his sciat : praesertim cum plurimarum probationes in ipso causarum complexu reperiantur , ita ut sint cum alia lite nulla communes, eaque sint & potentissimae , & mini-

Nam ut per se non sufficit scire, omnes probationes aut a personis aut a rebus peti , quia utrumque in plura dividitur : ita ex antecedentibus & junctis & insequentibus trahenda esse argumenta qui acceperit , num protinus in hoc sit instructus , ut quid in quaque causa dicendum sit ex his, sciat? praesertim cum plurimarum probationes in ipso causarum complexu reperiantur , ita ut sint cum alia lite nulla communes, eaque sint & potentissimae

EDITIO OXONIENSIS. ARGENTORAT.

me obvia : quia communibus ex
præceptis propria inveniendæ sunt.

simæ, & minime obvia : quia com-
munia ex præceptis accepimus, pro-
pria inveniendæ sunt.

CAP. XI. pag. 299.

Si ad fortiter faciendum accen-
datur aliquis, non tantum afferent
momenti Horatius & Torquatus,
quantum illa mulier cujus manu
Pyrrhus est interfectus : & ad mori-
endum, non tam Cato & Scipio,
quod ipsum est ex minoribus ad
majora.

Pag. 303.

Solent tamen fallere similitudi-
nem species : ideoque adhibendum
est his judicium.

Si ad fortiter faciendum accenda-
tur aliquis, non tantum afferent
momenti Horatius & Torquatus,
quantum illa mulier cujus manu
Pyrrhus est interfectus : & ad mo-
riendum, non tam Cato & Sci-
pio, quam Lucretia : quod ipsum est
ex majoribus ad minora.

Solent tamen fallere similitudi-
num species : ideoque adhibendum
est his judicium.

CAP. XII. pag. 310.

Doryphorum illum aptum vel
militiæ vel palæstræ.

Doryphorum illum mactum vel
militia vel palæstra.

CAP. XIII. pag. 316.

Exempla rerum varie tractanda
sunt, si nocebunt. quæ si dubia erunt,
fabulosa dicere licebit : si vera, ma-
xime quidem dissimilia.

Pag. 318.

Hominum vitam rebus assignent :
ut si quis decemviratum accuset,
non Appium &c.

Exempla rerum varie tractanda
sunt, si nocebunt. quæ si vetera erunt,
fabulosa dicere licebit, siue dubia ;
maxime quidem dissimilia.

Hominum vitia rebus assignent :
ut si quis decemviratum accuset, non
Appium &c.

CAP. XIV. pag. 325.

Hujus assumptionis quarto in lo-
co aliam porro inducunt probatio-
nem,

Hujus assumptionis quarto in loco
jam porro inducunt probationem.

Pag.

EDITIO OXONIENSIS. ARGENTORAT.

Pag. 327.

Epicherema autem nullo differt a syllogismis, nisi quod illi & plures habent species, & vera colligunt. veris epicherematis frequentior circa credibilia est usus.

Pag. 329.

Sed ut potest esse vera connexio, & tamen falsa intentio, & ratio: ita si illa vera sunt, nunquam est falsa connexio.

Pag. 331.

Nunc illud adjiciendum, ne iis quidem consentire me, qui semper argumenta sermone puro, & dilucido, & distincto, cæterum minime lato ornatoque putant esse dicenda.

Epicherema autem nullo differt a syllogismis, nisi quod illi & plures habent species, & vera colligunt veris: epicherematis frequentior circa credibilia est usus.

Sed ut potest esse vera intentio & ratio, & tamen falsa connexio: ita si illa falsa sunt, nunquam est vera connexio.

Nunc illud adjiciendum, ne iis quidem consentire me, qui semper argumenta sermone puro, & dilucido, & distincto, cæterum minime lato ornatoque putant esse dicenda.

LIBER VI.

Proœm. pag. 335.

Quam etiam deficiens, quamque non tunc ipsum illum alienatæ mentis errorem circa solas literas habuit?

Quam etiam deficiens, jamque non noster, ipsum illum alienatæ mentis errorem circa solas literas habuit?

CAP. I. pag. 336.

Nihil est odiosius recta illa repetitione, velut memoriæ judicium diffidentis.

Pag. 337.

Provocare quæ inde sint fortia, non arguentis est, sed monentis.

Pag. 340.

Omnia quæcunque inimicus fecit, perferenda.

Nihil est odiosius recta illa repetitione, velut memoriæ judicium diffidentis.

Provocare quæ desint fortia, non arguentis est, sed monentis.

Omnia quæcunque inimicis animus fuerit, perferenda.

Pag.

Pag. 346.

Confragosis atque asperis evecti,
toto pandere possumus vela. &c.

Confragosis atque asperis evecti
tuto pandere possumus vela.

CAP. III. pag. 360.

Idem autem de vultu gestuque ridiculo dictum sit: in quibus est quidem summa gratia, sed major cum captare risum non videntur. nihil enim ex iis quæ dicuntur falsa, dicitur falsius.

Idem autem de vultu gestuque ridiculo dictum sit: in quibus est quidem summa gratia, sed major cum captare risum non videntur. Nihil enim ex iis quæ dicuntur falsa, dicitur insulsius.

Pag. 362.

Intra hæc enim est omnis vituperatio: quæ si gravius posita sit, seria est: si levius, ridicula. Hæc aut ostenduntur, aut narrantur, aut dicto notantur.

Intra hæc enim est omnis vituperatio: quæ si gravius posita sit, vera est: si levius, ridicula. Hæc aut narrantur, aut digito notantur.

Pag. 363.

Et Cælius cum omnia venustissime finxit, tum illud ultimum sic subsecutus. *Quomodo transferit, utrum rate, an piscatorio navigio, nemo sciebat.* &c.

Et Cælius cum omnia venustissime finxit, tum illud ultimum: *Hic subsecutus, quomodo transferit, utrum rate, an piscatorio navigio, nemo sciebat.*

Pag. 364.

Non quia excludenda sunt omnino verba duos sensus significantia, sed quia raro belle respondeant, nisi cum prorsus rebus ipsis adjuvantur.

Non quia excludenda sunt omnino verba duos sensus significantia, sed quia raro ad velle respondeant, nisi cum prorsus rebus ipsis adjuvantur.

CAP. IV.

Pag. 378.

At quidam litigatoribus suis illum modo ambitiosum declamandi sudorem præstitisse contenti, cum turba laudantium destituunt subfellia, pugnamque illam decertatoriam imperitis ac sæpe pullatæ turbæ relinquunt.

At quidam litigatoribus suis illum modo ambitiosum declamandi sudorem præstitisse contenti, cum turba laudantium destituunt subfellia, pugnamque illam decertatoriam imperitis ac sæpe pullatæ turbæ relinquunt.

Pag.

Pag. 368.

P. Oppius dixit de genere Lentulorum, cum assidue minores parentibus liberi essent in nascendo, decrescere genus Lentulorum.

Pag. 373.

Vel optima est simulatio contra simulationem; qualis illa Domitii Asri fuit: Vetus habebat testamentum, & unus ex amicis recentioribus sperans aliquid ex mutatione tabularum, falsam tabulam intulerat, consulens eum, an primipilatis ei testamento *suzderet* ordinare suprema judicia, *Noli*, inquit, *facere*: offendis illum. Iucundissima sunt autem ex his omnibus lenia, & (ut sic dixerim) boni stomachi, ut Afer ingrato litigatori conspectum ejus vitanti in foro, per nomenclatorem missum ad eum, *Amas me*, inquit, *quod re non vidi*? Et dispensatori, qui cum ad reliqua non responderet, dicebat subiinde, *Non comedi panem, & aquam bibo. Pasce, & redde quod debes. Quæ vrayayis* vocant.

Pag. 374.

Adjuvant urbanitatem & versus commode positi, seu toti ut sunt: . . . Seu fictis novis versibus, simile est quod *rapayia* dicitur, . . . nonnunquam accidit ut in nostra credulitate, aliena studia erubescamus. Neque tantum hoc ipsis monitoribus clarescit: quidam faciunt aperte quod rixemur. Videas enim plerosque ita percitos exclamantes,

LIB. VII.

CAP. I. pag. 390.

Ut in alia omnia subjectus sit: non

P. Oppius dixit de genere Lentulorum, cum assidue minores parentibus liberi essent, nascendo decrescere genus Lentulorum.

Vel optima est simulatio contra simulantem; qualis illa Domitii Asri fuit: Vetus habebat testamentum, & unus ex amicis recentioribus sperans aliquid ex mutatione tabularum, fabulam intulerat, consulens eum, an primipilari seni testato *suzderet* ordinare suprema judicia; *Noli*, inquit, *facere*: offendis illum. Iucundissima sunt autem ex his omnibus lenia, & (ut sic dixerim) boni stomachi; ut Afer ingrato litigatori conspectum ejus vitanti in foro, per nomenclatorem missum ad eum, *Amas me*, inquit, *quod re non vidi*: Et dispensatori, qui cum reliqua non responderent, dicebat subiinde; *Non comedi panem, & aquam bibo. Pasce me & redde quod debes. Quæ vrayayis* vocant.

Adjuvant urbanitatem & versus commode positi, seu toti ut sunt: . . . Seu ficti notis versibus similes, quod *rapayia* dicitur; . . . nonnunquam accidit ut in nostra cruditate, aliena studia erubescamus. Neq; tantum lisipis monitoribus clarescit: quidam faciunt aperte quo rixemur. Videas enim plerosque ira percitos exclamantes.

Ut in alia omnia subjectus sit: non
X X X X pro-

propter opinionem, & ut propter opinionem, non propter talem opinionem.

Pag. 394.

Sed plerique eloquentiæ famam affectantes, contenti sunt locis speciosis modo, vel nihil ad probationem conferentibus. Alii nihil vitantes, ea quæ in oculos incurrunt, exquirenda putant.

Pag. ead.

Hic illi eloquentes, quibusque nos circa lites raras sollicitiores, ridiculi videmur, invadent personas favorabiles.

Pag. 396.

Ad hæc rusticus, Tu vero causa damnationis fuisti: multos offenderas: inimicitias domi contraxeras.

Pag. 397.

Facimus hoc sæpe in iis controversiis, in quibus petuntur in vincula qui parentes suos non alunt; an eum qui testimonium in filium impietatis æum dixit? &c.

Pag. 401.

Interdum in aliquam personam, quæ extra discrimen iudicii est, transfertur (*crimen*;) & alias certam, alias incertam. Et cum in certam, aut in extrariam, aut in ipsius qui periiit voluntatem.

Pag. 406.

Alia propositio est accusatoris, contra quam loci oriuntur sæpe a persona; & interim generaliter, Incredible esse a filio patrem, ab uxore virum occisum &c.

propter optionem: & ut propter optionem, non propter talem optionem.

Sed plerique eloquentiæ famam affectantes, contenti sunt locis speciosis modo, vel nihil ad probationem conferentibus. Alii nihil invita re, ea quæ in oculos incurrunt, exquirenda putant.

Hic illi eloquentes, quibusque nos, circa lites paratas sollicitiores, ridiculi videmur, invadent personas favorabiles.

Ad hæc rusticus; *Tu vero causa damnationis fuisti: multos offenderas: inimicitias domui contraxeras.*

Facimus hoc sæpe in iis controversiis, in quibus petuntur in vincula qui parentes suos non alunt; an eum qui testimonium in filium petegrinitatis dixit? &c.

Interdum in aliquam personam, quæ extra discrimen iudicii est, transfertur (*crimen*;) & alias certam, alias incertam. Et cum in certam, aut in extrariam, invitam, aut in ipsius qui periiit voluntatem.

Alia propositio est accusatoris, contra quam loci oriuntur. Sæpe a persona prior ducit argumenta defensor; & interim generaliter; Incredible esse a filio patrem, ab uxore virum occisum &c.

Pag.

E D I T I O OXONIENSIS ARGENTORAT.

Pag. ead.

Probi vero mores, & anteaſta vitæ integritas, nunquam non plurimum profuerint. Si nihil obijcietur, patronus quidem in hoc vehementer incumbet: accuſator autem ad præſentem quaſtionem de qua ſola iudicium ſit, cognitionem allegabit, dicens neminem non aliquando cepiſſe peccare, nec per *ἐνχαίρια* ducendum ſcelus primum.

Pag. 408.

Et perſona quidem nescio an unquam utique in uno actu rei poſſit incidere, de qua neutra pars dicat.

Pag. 409.

Quæſtio an fecerit, incipit a ſecundo tempore, id eſt præſenti: ac deinde conjuncto, hoc eſt inſequenti: quorum ſunt ſonus, clamor, gemitus, latitatio, metus, ſimilia.

Pag. 410.

Nocte audita ex vox, Caveto tyrannicidam.

CAP. III. pag. 414.

Opus eſt aliquando finitione obſcurioribus & ignotioribus verbis, ut quid ſit *clarigatio*. Erit & interim notis nomine verbis: ut quid ſit *penus*, quid *litus*.

Pag. 417.

Quæ finitio etiam ſi conſtat æquo; niſi tamen propriis & differentibus adjuvetur, inanis eſt.

CAP. IV.

Nam & vis contra vim, & talia, nihil habent adverſum eum, qui prior fecit injuſte: & non quoniam res

Probi vero mores, & anteaſta vitæ integritas, nunquam non plurimum profuerint. Si nihil obijcietur, patronus quidem in hoc vehementer incumbet: accuſator ad præſentem quaſtionem de qua ſola iudicium ſit, cognitionem alligabit, dicens, neminem, mali quando cepiſſent, ſpectate, nec proſœnia ducendum ſcelus primum.

Et perſona quidem nescio an unquam, utique in vero actu, rei poſſit incidere, de qua neutra pars dicat.

Quæſtio an fecerit, incipit a ſecundo tempore, id eſt præſenti: ac deinde conjuncto, quorum ſunt ſonus, clamor, gemitus: inſequenti, latitatio, metus, ſimilia.

Nocte audita eſt vox, *Cavete tyrannidem*.

Opus eſt aliquando finitione obſcurioribus & ignotioribus verbis, ut quid ſit *clarigatio*, *proletarius*: interim notis nomine verbis: ut quid ſit *penus*, quid *litus*.

Quæ finitio etiamſi diſtat aliquo, niſi tamen propriis & differentibus adjuvetur, inanis eſt.

pag. 420.

Nam & vis contra vim, & talio, nihil habent adverſum eum, qui prior fecit, injuſtitia: & non, quoniam
() () () () 2
pares

pares sunt, etiam id est iustum, quod antecessit. *Pag. ead.*

Alterum est defensionis genus, in quo factum per se improbabile, assumtis extrinsecus auxiliis tuemur: id vocant *προσληπτικόν*. Latini hoc quoque non ad verbum transferunt: Assumptiva enim dicitur causa. *Pag. 423.*

Habetur in meritis gratia, periculum quoque, ac difficultas.

Pag. 424. & 425.

Nam juris quæstiones plerumque leges præcurrere solent, & ex quibus causis non fiat statutum. Quod tamen facto defendi non poterit, jure nitetur. Et quot & quibus causis abdicare non liceat, & in quæ crimina malæ tractationis actio detur, & cui accusare dementiæ non permittatur.

Pag. 425.

Quod non ausim dicere nunquam esse faciendum, (potest enim materia incidere quæ hoc exigat;) cæterum videndum est quoties aliter agi potest.

CAP. VIII.

Nam sæpe si finitio infirma est, in syllogismum delabitur. Sit enim lex, Venefica capite puniatur. Sæpe secubanti amatorium dedit; eundem repudiavit: per propinquos rogata ut rediret, non est reversa; suspendit se maritus: Mulier veneficii rea est, &c.

CAP. IX.

Tertia . . . est ex compo-
sitis, ut si quis corpus suum in occulto loco poni jubeat, circaque monumentum multum agri ab hæredibus

res pares sunt, etiam id est iustum, quod antecessit.

Alterum est defensionis genus, in quo factum per se improbabile, assumtis extrinsecus auxiliis tuemur: id vocant *καταληπτικόν*. Latine hoc quoque non ad verbum transtulerunt: Assumptiva enim dicitur causa.

Habentur in meriti gratia periculum quoque, ac difficultas.

Nam juris plerumque quæstiones præcurrere solent, & causæ ex quibus non fit statutum. Quod tamen facto defendi non poterit, jure nitetur, & quod, & quibus causis abdicare non liceat, & in quæ crimina malæ tractationis actio non detur, & cui accusare dementiæ non permittatur.

Quod non ausim dicere nunquam esse faciendum: potest enim materia incidere quæ hoc exigat: certe vitandum est, quoties aliter agi potest.

pag. 434.

Nam sæpe si finitio infirma est, in syllogismum delabitur. Sit enim lex: *Venefica capite puniatur*. Sæpe perseverandi amatorium dedit; repudiavit: per propinquos rogata ut rediret, non est reversa; suspendit se maritus: Mulier veneficii rea est, &c.

pag. 436.

Tertia . . . est ex compo-
sitis: ut si quis corpus suum in occulto loco poni jubeat, circaque monumentum multum agri ab hæredi-

E D I T I O OXONIENSIS ARGENTORAT.

in tutelam cinerum, ut solet, leget,
fit larns oculum.

bus in tutelam cinerum, ut solent,
leget; *Sic firmo offerio culus.*

LIBER VIII.

CAP. II. pag. 452.

Fallunt etiam verba vel regionibus
quibusdam magis familiaria, vel ar-
tium propria, ut *Atabulum* ventus, &
Ravin Saccaria, & *In malaco sanum*.

Fallunt etiam verba vel regionibus
quibusdam magis familiaria, vel ar-
tium propria: ut *Atabulum* ventus, &
navis *Saccaria*; & *Inmalaco* sane.

CAP. III. pag. 455.

Nec fortibus modo, sed etiam ful-
gentibus armis praeliatus in causa est
Cicero Corneli: qui non affecturus
esset docendo iudicem tantum, & u-
tiliter demum, ac latine, perspicue
dicendo, ut populus Romanus admi-
rationem suam non acclamatione
ne tantum, sed etiam plausu confiteretur.

Nec fortibus modo, sed etiam ful-
gentibus armis praeliatus in causa est
Cicero Corneli: cum affecturus esset
dicendo, ut populus Romanus admi-
rationem suam non acclamatione tan-
tum, sed etiam plausu confiteretur.

Pag. 456.

Sed hic ornatus (repetam enim) vi-
rilis, fortis, & sanctus sit: nec effe-
minatam levitatem, nec fucuminen-
tem colorem amet; sanguine & virib9
niteat.

Pag. 460.

Satis est verus; *Quæso* quid neces-
se est dicere, *Oppido*?

Pag. ead.

Horridum, reor: tolerabile, autumo:
tragicum, prolem ducendam: universam
ejus profapiam, insulsum.

Pag. ead.

Quædam tamen adhuc vetera vetu-
state ipsa gratius nitent, quædam et-
iam necessario interim somnolunt
enunciare, & fieri & mulier alia etiam au-
dientibus grata inseri possunt, sed ita
demum, si non appareat affectatio; in
qua mirifice Vergilius.

Sed hic ornatus (repetam enim)
virilis, & fortis, & sanctus sit: nec
effeminatam levitatem, & fucum-
mentium colorem amet; sanguine
& viribus niteat.

Satis est verus; quid necesse quæso
dicere, *Oppido*?

Horridum, reor: tolerabile, autumo:
tragicum, prolem; sed etiam universam
ejus profapiam, insulsum.

Quædam tamen adhuc vetera ve-
tustate ipsa gratius nitent, quædam
etiam necessario interim somnolunt
enunciare, & fieri, & mulier alia etiam
audientibus grata inseri possunt, sed
ita demum, si non appareat affecta-
tio; in qua mirifice Vergilius.

Hormetibrium amator iste verborum, iste iste rhetor, nam quatinus totus. Thucydides Britannus, Attica fides, Tau Gallicum, imminet: ipsemet male illisit. Ita omnia ista verba miscuit fratri.
Pag. 467.

Ornatum est quod perspicuo ac probabili plus est. Ejus primi sunt gradus in eo quod velis, exprimendo, concipiendoque: tertius, qui hæc nitidiora faciat: quod proprie dixeris cultum.

CAP. V. p. 483.

Sed horum quidem generum (sententia) & bonæ dici possunt, & malæ. Illæ semper vitiosæ, uti a verbo, Patres conscripti, Sic enim incipiendum est mihi, ut memineritis patrum. Pejus adhuc quo magis falsum est, & longius petitum. Contra eandem sortem gladiatoris, cuius modo feci mentionem, de digito pugnavi.

Pag. 484.

Clarum auctorem juvenis audiui, cum lecta e capite cujusdam ossa sententia gratia tenenda matri dedisset, Infelicissima femina, nondum exulisti filium, & jam ossa legisti.

Pag. ead.

Alia (sententia) nimias, ut de Germanis dicentem quendam audiui, Caput nescio ubi imposuimus.

P. 485.

Porro ut affertur lumen clavus purpureo loco infertur, ita certe nemi-nem decet intertextis pluribus notis vestis.

CAP. VI.

Quædam etiam parum speciosa di-

Corinchiurum amator iste verborum, Thucydides Britannus, Attica fides, Tau Gallicum, min, al, spina mala ill fcs, Ita omnia ista verba miscuit fratri.

Ornatum est quod perspicuo ac probabili plus est. Ejus primi gradus in eo quod velis exprimi decentius, quod hæc nitidiora faciat: quod proprie dixeris cultum.

Sed horum quidem generum (sententia) & bonæ dici possunt, & malæ. Illæ semper vitiosæ, abuti verbo, Patres conscripti, Sic enim incipiendam est mihi, ut memineritis patrum. Pejus adhuc, quo magis falsum est, & longius petitum. Contra eandem sortem gladiatoris, cujus modo feci mentionem, Ad digitum paritari.

Clarum auctorem juvenis audiui, cum lecta in capite cujusdam sententia ossa convenenda matri dedisset, Infelicissima femina, nondum exulisti filium, & jam ossa legisti.

Alia (sententia) nimias: ut de Germanis dicentem quendam audiui, Caput nescio ubi in nube posuimus.

Porro ut affertur lumen clavus & purpureo loco infertur, ita certe nemi-nem decet intertextis pluribus notis vestis.

Pag. 488.

Quædam etiam parum speciosa di-

EDITIO OXONIENSIS ARGENTORAT,

Et, per hanc (*αὐτοεργία*) explicantur.
Pag. ead.

Præcipueque ex his oritur mira sublimitas, quæ audaciæ proxima, periculo translationis attollitur, cum rebus sensu carentibus actum quendam & animos damus.

Pag. 490.

Atego in agendo nec *pastorem populi* auctore Homero dixerim: nec *volucres pennis remigare*, licet Virgilius in apibus ac Dædalo speciosissime sit usus.

P. 491.

Sed non id ago, ut unum ex multis intelligatur, (nam id est manifestum) sed nomen immuto: ut cum *aurata teba*, *aurea*, pusillum a vero discedo, quia non est nisi pars aurata.

Pag. 493.

Vix illa quæ *ἄγρια* vocant -
- - nobis permittimus, qualia sunt *fulguris*. - Sed hoc feliciter *evaluit*: at contra, *vio* pro *eo*, infelicitus. In Græcis *obelisco*, *coludumo*, &c; dure etiam jungere vetamur, qui toleranter *videre septentriones* videmur.

Pag. 494.

Et solet fieri aliis adjunctis epitheton tropis, ut apud Virgilium, *Turpin egestas*, & *Tristis senectus*.

Pag. 498.

Præter hæc usus est allegoriæ, ut tristitia dicamus melioribus verbis, aut bonæ rei gratia quædam contrariis significemus, aliud textu: quæ & enumeramus.

P. 500.

Hyperbolen audacioris ornatus

Et, per hanc (*αὐτοεργία*) exemplificantur;

Præcipueque ex his oritur mira sublimitas, quæ audaci & proxime periculum tolluntur translatione: cum rebus sensu carentibus actum quendam & animos damus.

Atego in agendo nec *pastorem populi* auctore Homero dixerim: nec *volucres per os sonare*, vel *alis remigare*, licet Virgilius in apibus ac Dædalo speciosissime sit usus.

Sed non id ago, ut unum ex multis intelligatur, (nam id est manifestum) sed nomina immuto: ut cum *aurata teba*, *aurea*, pusillum a vero discedo, quia non est pars auri *aura*.

Vix illa quæ *ἄγρια* vocant, -
- - nobis permittimus, qualia sunt *fulguris*. - Sed hoc feliciter: evanuit et contra *vio* in *eo*; ferimus in Græcis *obeliscos*. In *ap* bōreō, dure; & tamen jungere Maronem solleter, & dividere *septentriones* videmus.

Et solet fieri aliis adjunctis epitheton tropus, ut apud Virgilium; *Turpin egestas*, & *Tristis senectus*.

Præter hæc usus est allegoriæ, ut tristitia dicamus melioribus verbis; aut bonæ rei genera quædam contrariis significemus; aliud textu, quam mente innuamus.

Hyperbolen audacioris ornatus

summo loco posui. Est hæc ementiens superjectio. Virtus ejus ex diverso par augendi atque minuendi.

summo loco posui. Est hæc decens sermonis superjectio. Virtus ex diverso par augendi atque minuendi.

LIBER IX.

CAP. I. p. 504.

Itemque eadem figura dicimus *cur-sitare*, qua *lessitare*, id est eadem ratione declinasi.

P. 505.

Verum id ipsum anguste Zoilus terminavit.

P. 507.

Et huic (*explanationi*) contraria sæpe præcisio est: & ad plus intelligendum quam dixeris significatio: & distincte concisa brevitatis, & extenuatio.

CAP. II. p. 525.

Vera negotia nunquam adhuc habuerunt hanc silentij necessitatem, sed aliam huic similem.

Pag. 526.

Et caput quidem veri facile erat, si hoc diceremus palam: sed peribat hæreditas.

CAP. III. p. 536.

Nam receptis etiam vulgo auctore contenti sumus. Verum natura evaluit agentibus, quod Pollio in Labieno damnat.

Pag. ead.

Illud etiam in consuetudine remansit. Enimvero his amplius apud eundem:

Nam qui se juvenum confidentissime.

Cum qui, sermonis initium sit.

Pag. 541.

Et hæc initia sententiarum sunt.

Item eadem figura dicimus *cur-sare*, qua *latitare*, id est, eadem ratione declinari.

Verum id ipsum anguste Cæcilius terminavit.

Et huic (*explanationi*) contraria sæpe præcisio est: & ad plus intelligendum quam dixeris significatio: & dictionis concisa brevitatis, & extenuatio.

Vera negotia nunquam adducunt hanc silentij necessitatem, sed aliam huic similem.

Et caput quidem veri facile erat, si hoc diceremus palam: sed peribat hæreditas.

Nam receptis etiam vulgo auctore contenti sumus. Uti nunc evaluit rebus agentibus, quod Pollio in Labieno damnat.

Illud etiam in consuetudine remansit: Enimvero: his amplius apud eundem:

Nam qui se juvenum confidentissime.

quo sermonis initium sit.

Et hæc vitia sententiarum sunt.

P. 549.

Ex quibus (ὁμοιοτελευτοίαι) fere sunt,
- - - quæ τριπλάαι dicunt - - -
sed in quaternas quoque ac plures hæc
ratio ire sententias potest. Fit etiam
singulis verbis, Hæc cubat, dolet, pi-
get, pudet.

P. ead.

Ea vero (ὁμοιοπρῶτα) videntur o-
ptima, in quibus initia sententiarum &
fines consentiunt: ut hic, *presidio, so-*
lario. Et ut pene similia sint verbis, &
paribus cadant, & eodem desinant
modo.

P. 553.

Vultus mutatio, oculorumque con-
jectus, multum in actu valent: sed si
quis ducere eos exquisitis modis, &
frontis ac luminum inconstantia tre-
pidare non desinat, rideatur.

Ex quibus (ὁμοιοτελευτοίαι) fere sunt,
- - - quæ τριπλάαι dicunt - - -
sed in quaternas quoque ac plures hæc
ratio ire sententias potest. Fit etiam
singulis verbis, *Hecuba, hoc dolet, pi-*
get, pudet.

Ea vero (ὁμοιοπρῶτα) videntur o-
ptima, in quibus initia sententiarum
& fines consentiunt: ut hic, *presidio,*
solatio. Et ut pene similia sint, verbis-
que paribus cadant, & eodem desin-
ant modo.

Vultus mutatio, oculorumque con-
jectus, multum in actu valent: sed
si quis ducere eos exquisitis modis, &
frontis ac luminum inconstantia tre-
pidare non desinat, rideatur.

Cap. IV. Pag. 557.

Nam neque illud in Lysia dicendi
textum tenue atque rarum lætioribus
numeris corrumpendum erat.

P. 560.

Hæc arbitror, ut in brevi, de or-
dine fuisse dicenda: qui si vitiosus est,
licet & juncta sit, & apte cadens o-
ratio, tamen merito incompressa di-
catur.

P. 561.

Tum longe per se, & velut opti-
mæ syllabæ aliquid etiam mediis tem-
poris inter vocales, quasi interfistatur,
assumunt.

Nam neque illud in Lysia dicendi
textum tenue atque rarum lætioribus
numeris corrumpendum erat.

Hæc arbitror, ut in brevi, de ordi-
ne fuisse dicenda: qui si vitiosus est,
licet & juncta sit, & apte cadens o-
ratio, tamen merito incompressa dica-
tur.

Tum longæ per se, & velut opti-
mæ syllabæ aliquid etiam mediis tem-
poris inter vocales, quasi interfistatur,
assumunt.

X X X X X P. ead.

P. ead.

Quæ fuit causa & Servio (ut dixi) subtrahenda. S. literæ, quoties ultima esset, aliæque consonante susci- peretur. quod reprehendit Lantianus, Messala defendit. Nam neque Lucilium putant uti eadem ultima cum di- cit, *Servus fuit*; & *dignus loco*. Quin- etiam Cicero ita Oratore plures an- tiquorum tradit sic locutos: inde *bel- ligerare, post meridiem*: & illa Censorii Catonis, *Dis hanc*; æque M. litera in E mollita.

P. 563.

Sunt hi & metrici pedes: sed hoc interest, quod rhythmo indifferens est, dactylus ne illa priores habeat breves, ansequentibus. Tempus enim solum me- titur, ut a sublatione ad positionem in- dem sit spatium pedum.

P. 571.

Optime incipitur a longis, recte a- liquando a brevibus: ut *Novum cri- men*, C. *Cæsar*. Lenius, ut, *Animad- vertis, iudices*. Quod initium partiti- onis simile est, quæ celeritate gaudet.

P. 575.

Nonne ergo refrigeretur sic calor, & impetus pereat, ut equorum cur- sum qui dirigit, minuit: & passus qui æquat, cursum frangit? quasi numeri non fuerint in compositione re- prehensi.

P. 582. & 583.

Atqui corporis quoque motui sua quædam tempora, & ad signa pedum non minus saltationi quam modula-

Quæ fuit causa & sermoni (ut dixi) subtrahenda. S. literæ, quoties ultima esset, aliæque consonante susci- peretur. quod reprehendit L. Afranius, Messala defendit. Nam neque Lucilium putant uti eadem ultima cum di- cit, *Servus fuit*; & *dignus loco*. Quin- etiam Cicero in Oratore plures an- tiquorum tradit sic locutos: inde *bel- ligerare, post meridiem*: & illa Censorii Catonis, *Dis hanc*; æque M. emollita.

Sunt enim & hi metrici pedes: sed hoc interest, quod rhythmo indiffe- rens est, dactylus ne ille priores ha- beat breves, ansequentibus. Tempus e- nim sonum metitur, ut a sublatione ad positionem in dem sit spatium pedum.

Optime incipitur a longis, recte a- liquando a brevibus: ut, *Novum crimen*, C. *Cæsar*. Lenius, ut, *Animadver- tis, iudices*. Quod initium partitionis si- mul est, quæ celeritate gaudet.

Nonne ergo refrigeretur sic calor, & impetus pereat, ut equorum cur- sum qui dirigit minoris passibus, fran- gat? quasi numeri non fuerint in com- positione deprehensi.

Atqui corporis quoque motui sua quædam tempora, & ad signa pedum non minus saltationi quam modula- tionibus.

*Hyperargum sceptra mihi liquit Pe-
lops.*

*Ego impero Argis: sceptrum mihi liquit
Pelops.*

Digitized by Google

EDITIO OXONIENSIS ARGENTORAT.

cujus certæ fiducia partis, memoriam posteritatis speraverit?

P. 598.

Nec nihil profecto viderunt, qui orationes quæ Charisii nomine eduntur, a Menandro scriptas putent. Sed mihi longe magis orator probari in opere suo videtur, nisi forte aut illa mala judicia quæ *επιτρεποντας, επισκληρος, λοχος* habent: aut meditationes in *Πισφάδα*, & *Νεμοθητα*, & *Υποβολιμας* non omnibus orationis numeris sunt absolutæ.

P. 602.

Lucanus ardens & concitatus, & sententiis clarissimus, & ut dicam quod sentio, magis oratoribus quam poetis annumerandus.

cujus scientiæ fiducia, partiri memoriam artis speraverit.

Nec nihil profecto viderunt, qui orationes quæ Charisii nomine eduntur, a Menandro scriptas putant. Sed mihi longe magis orator probari in opere suo videtur, nisi forte aut illa civilia judicia quæ *Επιτρεποντας, Επισκληρος, λοχος* habent: aut illæ dictiones in *Πισφάδα*, *Νεμοθητα*, *Υποβολιμας* non omnibus orationis numeris sunt absolutæ.

Lucanus ardens & concitatus & sententiis clarissimus, & ut dicam quod sentio, magis oratoribus quam poetis imitandus.

CAP. II. *Pag. 614.*

Nihil est enim tam indecens, quam cum mollia dura fluunt.

Nihil est enim tam indecens, quam cum mollia durescunt.

CAP. III. *Pag. 620.*

Non tamen protinus audiendi qui credunt aptissima in hoc nemora, sylvasque; quod illa cæli libertas, locorumque amœnitas, sublimem animum, & beatorem spiritum parent.

Pag. 621.

Ideoque lucubrant, silentium noctis, & clausum cubiculum, & lumen unum velut rectos maxime teneat.

Non tamen protinus audiendi, qui credunt aptissima in hoc nemora sylvasque; quod illa cæli libertas, locorumque amœnitas, sublimem animum, & lætorem spiritum parent.

Ideoque lucubrant, silentium noctis, & clausum cubiculum, & lumen unum velut rectos maxime teneat.

CAP. V.

E D I T I O OXONIENSIS ARGENTORAT.

CAP. V. Pag. 626.

Nam qui hæc recta tantum, & in nullos flexus recedentia copiose tractaverit, utique in illis plures excursus recipientibus magis abundabit, eritque in omnes causas gratus.

P. 628.

Quod in gladiatoribus fieri videmus, in rebus actis exercentur: ut fecisse Brutum diximus pro Milone.

Nam qui hæc recta tantum, & in nullos flexus recedentia copiose tractaverit, utique in illis plures excursus recipientibus magis abundabit, eritque in omnes causas paratus.

Quod in gladiatoribus fieri videmus, dextris & levibus exercentur: ut fecisse Brutum diximus pro Milone.

CAP. VI. Pag. 630.

Eo tamen pervenit, ut is cui non refragetur ingenium, acri studio adjutus tantum consequatur, ut ea etiam quæ cogitavit, quæque scripserit atque edidicerit, in dicendo fidem fervent.

P. ead.

Sed si forte aliquis inter dicendum effulserit extemporalis calor, non superstitiose cogitatis demum est inhærendum.

Eo tamen pervenit, ut is cui non refragetur ingenium, acri studio adjutus tantum consequatur, ut ea etiam quæ cogitavit, æquo ac quæ scripserit atque edidicerit, in dicendo fidem fervent.

Sed si forte aliquis inter dicendum effulserit extemporalis calor, non superstitiose cogitatis demum est inhærendum.

CAP. VII. Pag. 636.

Sed non minore studio continetur hæc facultas quam paratur. Ars enim semel percepta, non labitur.

Sed non minore studio continetur hæc facultas quam paratur. Ars enim semel percepta, mora labitur.

LIBER XI.

CAP. II. Pag. 664.

Hinc est ex illa arte non inutile, attendere signa ad eos qui exciderunt sensus: anchoram (ut supra posui) si

Hinc est ex illa arte non inutile, appendere signa ad eos qui exciderunt sensus: anchoram (ut supra posui) si

) () () () (3 de na-

EDITIO OXONIENSIS ARGENTORAT.

de nave dicendum esset ; spiculum,
si de prælio.

de nave dicendum esset ; spiculum, si
de prælio.

CAP. III. Pag. 675.

Dilucida vero erit pronuntiatio, primum, si verba tota exegerit, quorum pars devorari, pars destitui solet, plerisque extremas syllabas non proferentibus, dum priorum sono indulgent.

P. 676.

Sunt aliquando & sine respiratio-
ne quædam moræ etiam in periodis :
ut in illa ; *In coetu vero populi Roma-
ni, negotium publicum gerens, magi-
ster equitum, &c.* multa membra ha-
bent. Sentus enim sunt alii atque alii,
& sicut una circumductio est, ita pau-
lum morandum in his intervallis &c.

P. 677.

Ornata est pronuntiatio, cui suffra-
gatur vox facilis, magna, beata, fle-
xibilis, firma &c.

P. 681.

Nam nec cuiquam sunt jucunda
quæ cantat ipse, & laboris in hoc,
quam in agendo minus est.

P. 682.

Atrox (*sic vox*) in ira, & aspera,
ac densa, & respiratione crebra.

P. 686.

Affixum pectori mentum, mi-
nus claram (*vocem*) & quasi latio-
rem presso gutture facit.

Dilucida vero erit pronuntiatio,
primum, si verba tota exierint, quo-
rum pars devorari, pars destitui solet,
plerisque extremas syllabas non pro-
ferentibus dum priorum sono indul-
gent.

Sunt aliquando & sine respiratio-
ne aliqua, quædam moræ etiam in pe-
riodis : ut enim illa, *In coetu vero po-
puli Romani, negotium publicum ge-
rens, magister equitum, &c.* multa
membra habent, (sentus enim sunt a-
lii atque alii) & unam circumductio-
nem, ita paulum morandum in his
intervallis &c.

Ornata est pronuntiatio, cui suffra-
gatur vox facilis, magna, læta, flexi-
bilis, firma &c.

Nam more avium cuique sunt ju-
cunda quæ cantat ipse, & laboris in
hoc, quam in agendo minus est.

Atrox (*sic vox*) in ira, & aspera,
ac depressa, & respiratione crebra.

Affixum pectori mentum, minus
claram, (*vocem*) & quasi hebetiorem
presso gutture facit.

P. 689.

P. 689.

Sunt & illi breves gestus, cum manus leviter pandata, qualis voventium est, parvis intervallis, & subassentientibus humeris movetur.

P. 690.

Est & illa cava, & rara, & supra humeri altitudinem elata cum quodam motu velut hortatrix manus, a peregrinis scholis jam prope recepta.

P. 701.

Narratio magis prolata manu, amictum recidentem, gestum distinctum, vocem sermoni proximam, ac tantum apertiore, sonum simplicem frequentissime postulat &c.

P. 702.

Argumentatio plerumque agilior & acrior, & instantior, consentientem orationi postulat etiam gestum, id est fortem celeritatem. Instandum quibusdam in partibus, & densanda oratio.

Sunt & illi breves gestus, cum manus leviter pandata, qualis foventium est, parvis intervallis & subassentientibus humeris movetur.

Est & illa cava, & lata supra humeri altitudinem cum quodam motu velut hortatrix manus, a peregrinis scholis jam prope recepta.

Narratio magis prolata manu, amictum recidentem, gestum distinctum, vocem sermoni proximam, tantum actiorem, sonum simplicem frequentissime postulat &c.

Argumentatio plerumque agilior, & acrior, & instantior, consentientem orationi postulat etiam gestum, id est fortem. Celeriter instandum quibusdam in partibus, & densanda oratio.

LIBER XII.

CAP. I. *P. 719.*

Præcipere vero ac discere quomodo etiam probatione difficilia tractentur, necessarium est.

P. 726.

Quantum Græci præceptis valens, tantum Romani (quod est majus) exemplis. Tantumque non cognatis id e rebus admoneri sciet, qui non modo

Præcipere vero ac discere quomodo etiam probatione difficili causa pertractetur, necessarium est.

Quantum Græci præceptis valens, Romani (quod est majus) exemplis. Tantum quod non cognatis sideribus admoneri; quin non modo proximum

EDITIO OXONIENSIS ARGENTORAT.

proximum tempus, lucemque præsentem intueri satis credas, sed omnem posteritatis memoriam, spatium vitæ honestæ, & curriculum laudis existimet.

tempus, lucemque intueri, satis credat : sed omnem posteritatis memoriam, spatium vitæ honestæ, & curriculum laudis existimet.

CAP. VI. Pag. 733.

Sic & tyrocinii metum, dum facilius est audere, transierit, nec audendi facilitatem usque ad contemptum operis ad duxerit.

Sic & tyrocinii metum, dum facilius est audere, transierit, nec dicendi facultatem usque ad contemptum operis ad duxerit.

CAP. VIII. Pag. 737.

Nam qui judicare quid dicendum, quid dissimulandum, quid declinandum, mutandum, fugiendum etiam sit, potest; cur non sit orator, quando quod est difficilius, facit?
P. 738.

Nam qui judicare quid dicendum, quid dissimulandum, quid declinandum, mutandumve, fingendum etiam quandoque sit, potest; cur non sit orator, quando quod est difficilius, facit?

Denique linum suptum, aut turbata cera, aut sine agnitione signa frequenter, invenies: quæ nisi domi excusseris, in foro inopinata decipient.

Denique linum ruptum, aut turbata cera, aut sine agnitione signa frequenter intervenient; quæ nisi domi excusseris, in foro inopinata decipient.

Cap. IX. Pag. 740.

Quæ omnia (*officia agentis*) non dum fiunt, laudantur, sed cum facta sunt: unde etiam cupidis minus opinionis, plus fructus venit.

P. 741.

Est enim prorsus *canina*, ut ait Ap-
pius, eloquentia, censuram maledicendi subire: quod facientibus præsumenda patientia est.

Quæ omnia (*officia agentis*) non dum fiunt, laudantur, sed cum facta sunt: unde etiam cupidissimis opinionis, fructus venit.

Est enim prorsus *canina*, ut ait Ap-
pius, eloquentia, cognituram maledicendi subire: quod facientibus, etiam male audiendi præsumenda patientia est.

Pag. 742.

EDITIO OXONIENSIS. ARGENTORAT.

Pag. 742.

Illæ enim quæ scripta sunt, retinent animum, non sequuntur.

Illæ enim quæ scripta sunt, retinent animum; quæ ex tempore dicenda sunt, non sequuntur.

Pag. 743.

Nec se unquam propter hoc oneri subtrahet, modo sit causæ dicendæ tempus: nam cætera semper sciet.

Nec se unquam propter hoc oneri subtrahet, modo sit causæ dicendæ tempus: nam cætera semper sciet.

CAP. X. pag. 746.

Præcipue vero presserunt eum (*Ciceronem*) qui videri Atticorum imitatores concupiebant. Hæc manus quasi quibusdam sacris initiata, ut alienigenam, & virum superstitionis devinctumque illis legibus insequeretur.

Præcipue vero presserunt eum (*Ciceronem*) qui videri Atticorum imitatores concupiebant. Hæc manus quasi quibusdam sacris initiata, ut alienigenam, metrorum superstitionis devinctumque illis legibus insequeretur.

Pag. 749.

Latina mihi facundia, ut inventionem, dispositionem, consilio, cæteris hujus generis artibus similis Græcæ ac prorsus discipula ejus videtur: ita circa rationem eloquendi vix habere imitationis locum. Namque est ipsis statim sonus dulcior.

Latina mihi facundia, ut inventionem, dispositionem, consilio, cæteris hujus generis artibus similis Græcæ ac prorsus discipula ejus videtur: ita circa rationem eloquendi vix habere imitationis locum. Namque est ipsi statim sonus durior.

Pag. 752.

Quapropter ne illis quidem nimium repugno, qui dandum putant nonnihil esse temporibus atque auribus, nitidius aliquid atque affectius postulantis. Itaque non solum ad priores, Catonem Gracchosque, sed ne ad hos quidem oratorem alligandum puto.

Quapropter ne illis quidem nimium repugno, qui dandum putant nonnihil esse temporibus atque auribus, nitidius aliquid atque affectius postulantis. Itaque non solum ad priores Catone Gracchisque, sed ne ad hos quidem oratorem alligandum puto.

)()()()()()(

Pag.

Pag. 754.

Quin illi subtiles, ut similes ac multi persuaferunt magistri, *παρρησια* scribendo esse altius tradiderunt.

Pag. ead.

An Demosthenem malle sic egisse ut scripsit, aut Ciceronem? &c.

Pag. 755.

Nam id quoque plurimum refert, quo modo iudex audire velit: atque ei vultus sæpe ipse rectus est dicentis, ut Cicero præcipit. Ideoque instandum iis quæ placere intellexeris, resiliendum ab iis quæ non recipiuntur. Sermo ipse qui facile iudicem doceat, optandus.

Pag. 758.

Dicet idem graviter, severe, acriter, vehementer, concitate, copiose, amare, comiter, remisse, subtiliter, blande, leniter, dulciter, breviter, urbane, non ubique simul, sed ubicunque par sibi fiet: tum id propter quod maxime repertus est usus orationis, ut dicat & utiliter, & ad efficiendum quod intendit, potenter.

Pag. ead.

Sed evanescunt hæc atque emoriuntur comparatione meliorum: ut lana tincta fuco citra purpuram placet: ac si contuleris etiam lacernæ, conspectu melioris obruatur, ut Ovidius ait. Si vero iudicium his corruptis acrius adhibeas, ut buccinis purpuram, jam illud quod fefellerat,

Quin illi subtiles, ut similes ac multi persuaferunt magistri, *παρρησια* scribendo esse aptius tradiderunt.

An Demosthenes male sic egisset ut scripsit, aut Cicero? &c.

Nam id quoque plurimum refert, quo modo iudex audire velit: atque ejus vultus sæpe ipse rector est dicentis, ut Cicero præcipit. Ideoque instandum iis quæ placere intellexeris, resiliendum ab iis quæ non recipiuntur. Sermo ipse qui facile iudicem doceat, aptandus.

Dicet idem graviter, severe, acriter, vehementer, concitate, copiose, amare, comiter, remisse, subtiliter, blande, leniter, dulciter, breviter, urbane, non ubique simul, sed ubicunque partibus: sic fiet cum id propter quod maxime repertus est usus orationis, ut dicat & utiliter, & ad efficiendum quod intendit potenter.

Sed evanescunt hæc atque emoriuntur comparatione meliorum: ut lana tincta fuco citra purpuram placet: at si contuleris etiam, lacernæ conspectu melioris obruatur, ut Ovidius ait: si vero iudicium his corruptis acrius adhibeas, ut fuco tinctis sulphura, jam illud, quod fefellerat,

exuat

exuat mentitum colorem, & quadam vix enarrabili fœditate palleſcat. Lucent igitur hæc citra ſolem.

exuat mentitum colorem, & quadam vix enarrabili fœditate palleſcant. Lucent igitur hæc citra ſolem.

CAP. XI. Pag. 760.

Neque enim ſcientia modo conſtat orator, quæ augetur annis, ſed voce, latere, firmitate: quibus fractis aut imminutis ætate ſeu valetudine, cavendum eſt ne quid in oratore ſummo deſideretur, ne interſiſtat fatigatus, ne quæ dicet parum audiri ſentiat, ne ſe queratur priorem.

Pag. 760.

Aut ille monumenta rerum poſteris, aut, ut L. Cræſſus in libris Ciceronis deſtinabat, quærentibus tradet, aut eloquentiæ componet artem &c.

Pag. 761.

Quique hæc operi noſtro neceſſaria crediderim, velut pondus rei perhorreſcant, ac deſperent ante experimentum.

Pag. 762.

Neque enim aut tam perplexa, aut tam numeroſa ſunt quæ premunt, ut non paucorum admodum annorum intentione diſcantur.

Pag. 763.

Rerum cognitio quotidie creſcit & tamen multorum ad eas librorum neceſſaria lectio eſt.

Neque enim ſcientia modo conſtat orator, quæ augetur annis, ſed voce, latere, firmitate: quibus fractis aut imminutis ætate ſeu valetudine, cavendum eſt ne quid in oratore ſummo deſideretur, ne interſiſtat fatigatus, ne quæ dicet parum audiri ſentiat, ne ſe queratur perire.

Aut ille monumenta rerum poſteris, aut, ut L. Cræſſus in libris Ciceronis deſtinabat, jura quærentibus tradet, aut eloquentiæ componet artem &c.

Quique hæc operi noſtro neceſſaria eſſe crediderint, velut remoram perhorreſcant, ac deſperent ante experimentum.

Neque enim aut tam perplexa, aut tam numeroſa ſunt quæ petuntur, ut non paucorum admodum annorum intentione diſcantur.

Rerum cognitio quotidie creſcit, & tamen quam multorum ad eas librorum neceſſaria lectio eſt?

(()) (()) (()) (()) 2

Pag.

EDITIO
OXONIENSIS ARGENTORAT.

Pag. ead.


Philosophorum quoque consultorumque opiniones, sicut alia velimus legere necessarium est. Quæ quidem possumus omnia.

Pag. 765. 766.

Alioqui pessime de rebus humanis perductæ in summum artes mererentur, si quod optimum fuisset, defuisset.

Philosophorum quoque consultorumque opiniones, sicut alia, velimus legere, quod quidem potest, omnia.

Alioqui pessime de rebus humanis perductæ in summum artes mererentur, si quod optimum fuisset effecissent.



EMEN.

EMENDATIONES

Repetita Lectionis.

Inst. Or. pag. 20. lin. 17. leg. quicquid illico possunt , statim ostendunt.

Pag. 36. lin. 10. appellari eodem modo posset.

P. 74. lin. 23. tam graviter affligit.

P. 110. lin. ult Coloten Tejum vicit.

P. 124. lin. 27. in tribus ducibus.

P. 144. lin. 11. Polycrates.

P. 160. lin. 10. si confitetur.

P. 168. lin. 28. sed Cicero quidem his &c.

P. 176. lin. 18. itaque vim duarum habet.

P. 195. lin. 16. & breviores aliquando causarum orationes.

P. 215. lin. 30. At nunc omne quo coeperint.

P. 251. lin. 19. ut oratio , quum recta secatur partitione.

P. 253. lin. 29. si modo indubitabile sit.

P. 279. lin. 24. Sapiens , Magnus , Plancus.

P. 345. lin. 13. quos non permoverunt.

P. 350. lin. 4. quodque a dicentibus desideramus.

Inst. P. 370. lin. 25. Trachallus diconti Suellio.

P. 374. lin. penult. Deprehensi interim.

P. 386. lin. antepen. Aliud enim alio dicere prius expedit.

P. 391. lin. 3. post uxorem , add. ultima species est , an optare possit alienam uxorem.

P. 416. lin. 20. furripere aliquid e sacro.

P. 419. lin. 11. ad cujus forte quadam venimus mentionem.

P. 434. lin. 2. Ejus nonnulla.

P. 435. lin. antepen. alia diviso.

Pag.

- P. 456. lin. 20. redigam meas arbores.
 P. 663. lin. 5. locis pro cera.
 P. 683. lin. 15. Quamvis fulgor ille sinistras imagines reddat.
 P. 709. lin. 16. initium a parvis ceperamus.
 P. 719. lin. 11. vincere hostem civitas non possit.
 P. 725. lin. 4. non inter multas potest esse contentio.
 P. 735. lin. 12. quem in eloquente exegimus.
 P. 748. lin. 2. ad Coccum & Andocidem.

Sunt & alicubi divisa perperam vocabula, ut: trans-lata, discede. & geminata syllaba, ut: genenera, dicacamus, & literæ vel omissa, ut: interst: vel intrusa, ut: ἀνοστροφῇ. Verum

Ut scriptor si peccat idem librarius usque,

Quamvis est monitus, venia caret:

ita his qua tam crasse errata sunt, Lectoris industria obelum figet.




Doctif.

Doctiss. Humanissimoque Viro,
D: PETRO CASTELLANO,

Tutelsenium Episcopo, anagnostæ Regio,

PETRUS GALANDIUS

S. P. D.

 Epenumero mirari solco, Antistes ornatissime, cur in tanta praeclarorum ingeniorum multitudine, tanta honorum auctorum luce, qui quotidie novo splendore prodeunt, tam pauci cum in ceteris artibus summis, tum praecipue in eloquentia, admirabiles existant. Ac possit aliquis jure quodammodo in aliis reconditioribus disciplinis lingua Graeca ignorantiam praetexere, cum ad hanc diem Latina fere sola nobis in usu fuerit, & qui disciplinas eas tradere sunt aggressi, tam procut à vera Graecorum methodo abfuerint, ut nulla eas propinquitate contingere videantur. Nam & plurima aliena fide miscendo Plinius, cenones interfecisse, & de medicina loquens Celsus, latine quidem, semere tamen multa pronuntiasse, & quod ait Persius, corvos passim secutus dici potest: & hoc praestare philosophi Seneca, quod vitia strenue & Stoice infectetur. Porro Ciceronem constat in eo genere ad Platonis emulationem per dialogos philosophia frustra quadam ab aliis tractata concinnasse ad pampam potius & splendorem, quam ulla methodi commoditate instituisse. Eloquentiam vero, rerum, ut Euripides ait, reginam, à nobis
* in

E P I S T O L A

*in hodiernum diem turpiter neglectam, quo ore excusabimus? Ea enim non poetis & historicis modo, quibus Gracis pares esse facile possumus, verum etiam Ciceronis immortalibus orationibus, & ad eam via perveniendi ejusdem & Quintiliani praeceptionibus certissima, tam ad vivum expressa est, ut non aequatam hac parte Graciam solum, verum etiam longissimo intervallo superatam existimem. Nam cum tenui, medio, & sublimi, tribus dicendi generibus, quae nobis docere, delectare, movere, tria oratoris officia referunt, universa contineatur eloquentia: iis ita omnibus ubertim effloruit Cicero, ut non modo qui in horum singulis excelluerunt apud Gracos pluri, verum etiam Demosthenem ipsum, cui hac laus uni tanquam principi tribuitur, facile, praecipuis in eloquentia rebus anteverterit. Nam ut cum eo Demosthenes docendi diligentia, atque omni inveniendi acumine paria fecerit, ornatu tamen & salibus, commotionisque & commiserationis vehementia cedat necesse est. Jam vero de praeceptis viam ad eloquentiam communientibus si sermo instituatur, quis Gracorum de Rhetorica libros magna superstitione atque ambitione ad ingenii ostentationem comparatos, cum Ciceronis & Quintiliani politissimis scriptis, quae nihil supervacui, nihil impediti, nihil non ad artem pertinentis complectuntur, comparaverit? Et sane pervulgata quadam rhetorum praecepta negligens pratermiserit aut breviter perstrinxerit Cicero, viri consularis & in eloquentia eminentissimi servata dignitate: quid in Quintiliano, viro quodam praeceptionum omnis generis exundante gurgite, quod vel ad mores, vel ad docentis discantisque utilitatem pertineat, desiderare possis? Quo magis Ciceronis quibusdam simis nihil ejus
prater*

DEDICATORIA.

præter umbram & larvam habentibus, insensui sum, qui Quintilianum prolixum, & nullo certo docentem ordine clamitantes, de manibus studiosorum excutere meditantur. Cujus mentem, & susceptam à principio ad finem instituendi rationem, si intentis oculis acrius intueantur, facile obstinatum in prava sententia animum mutaverint. Tanta enim facundia, diligentia, dexteritate, industria ab imis fundamentis ad summa fastigia partibus omnibus expressam hanc eloquentia architecturam contempnent, ut pravis affectibus depositis, facile confessuri sint, nihil in eo genere ne mente quidem & cogitatione perfectius concipi posse. Tradiderunt rhetorica varii cum Latini tum Græci: quorum cum alii tanquam neglectis carceribus metam solam spectarent, elementa, & omnium disciplinarum studia sine quibus eloquentia corpus nullo modo coalescere potest, prætermiserunt. Alii ex difficultate insita, nominis & fama cupiditate, his flexibus & meandris rhetorica implicuerunt, ut è Dadali juxta poetas labyrintho te facilius quam è sinuosis eorum divisionibus explicare queas. Alii ea sermonis inopia & paupertate eadem tradere sunt aggressi, ut non modo non inflammarent ad eloquentia studium bene dicendi cupidos, verumetiam deterrent. Plerique vero cum lingua atque animi divortium facerent, tam sunt subtiliter de rebus iisdem nugati, ut de moribus, officio, & omni virtutum usu non aliter conticuerint, quam si ea ab oratoris professione alienissima fuissent. At Fabius cum fastigia non posse consistere nisi bene jactis fundamentis judicaret, ad ipsam pueri statim nati balbusientem infantiæ, & minima quæque, sine quibus majoribus locutus esse nequit, demittere sese non recusavit. A nutricibus

* 2

enim,

E P I S T O L A

enim, equalibus padagogisque sanctis juxta ac disertis incipiens, cum puerum tanquam gremio fovendum suscepisset, ad praeceptorem in schola publica praestantissimum qui non acerbis studiorum exactor sit, sed per lulum & jucundam amulationem assiduus magis quam vehemens excitator, deducit. Legere, scribere, pronuntiare singulari artificio docet: exercitatione optima & gravissima paulatim ediscendi, memoriam firmat. Ipsius etiam praeceptoris officia persequens, ut illi discipuli ingenium explorandum sit: ut ad ejus naturam seipsum accommodare, optimis animum imbuere, mores suos austeritate & comitate temperare, ut alias omnes disciplinas ordine ante rhetorica tradere (quod utinam nostris temporibus negligi, jure queri non possemus) ut professionum discrimen facere, autorumque delectum habere debeat, gravissime praecipit. Hinc rhetorices progymnasmatum breviter percursis, summa ejusdem capita oratione locupletissima discutit, de ipsius utilitate, materia, simul & divisione, totoque genere & substantia. His accedunt ex libro tertio statim scitu perquam necessaria quaestiones de rhetorices origine & initio, progressu, perfectione, partibus, statibus, quaestionum & causarum generibus, in quibus inventionis & dispositionis fontes aperiuntur, & hac quidem tribus primis libris. Quatuor autem sequentibus in partibus orationis ordine quodam doctrina facilliori inventionis & dispositionis usum ostendit. Et quamvis dispositionem conjunctam esse velit cum inventione, quam duplicem facit, unam qua ad docendum, alteram qua ad affectus movendos pertineat: illam tamen peculiariter libro septimo describit, ubi quoruplex sit, quid sit, quanta sit ejus utilitas, primum in universum, deinde

D E D I C A T O R I A.

inde in singulis causarum generibus & statibus prudentissime docet. Elocutionem autem, quod & difficillima & in immensum effusa sit, cui memoriam & pronuntiationem adnectit, ad peculiarem tractationem in quatuor libros sequentes rejicit. Quibus cum quicquid de arte dici potest abunde edisseruisset, cumque ad partes divisionis libro secundo facta, de artifice, arte, & opere respiceret, ultimo libro qui mores ipsius oratoris, qua causas suscipiendi, discendi agendique ratio, finisque, & qua post finem studia esse debeant, magna cum dignitate prescribit. Et ne parum alere facundiam & augere vires eloquentia posset, si aliorum more praecepta sterilia & nuda traderet, sine ulla subtilitatis affectatione, qua robur omne naturae & virtutem artium debilitare concedendo solet, bonos medicos, qui cum absinthium propinant, prelito melle poculo fallunt, imitatus est. Ea enim tanto verborum ornatu velut ossa carne operuit, & sententiarum interjectarum gravitate tanquam nervosis toris adstrinxit, tanta sermonis copia, qua à Cicerone brevitate constricta, rudioribus obscura esse poterant, late persequendo explanavit, ut luce clariora omnia, omnia admirabilia, jucunda, amabiliaque juvenibus reddiderit. Quem si quis objiciat non esse structura artificio, compositionisque concinnitate & numeris Ciceroni similem, respondebo, non propterea disertum & eloquentem non esse. An idcirco non habet orationem quantum in hac praeceptorum traditione fieri potest numerosam? Quanam rerum natura est, qua in eodem genere non habeat complura dissimilia, consimili tamen laude digna? Id nos docent innumerabiles quas auribus atque oculis colligimus voluptates, qua diversa nostros tamen sensus ita dele-

delectant, ut difficillimum sit judicare à qua maxime afficiantur. Quid? Caesar proprie eleganterque dicere contentus, Plinius, Suetonius, Titus Livius, in quo Pollio patavinisatem notavit, Ciceroni dissimillimi: An propterea non legendi, non in diverso genere suscipiendi? Quanquam in his institutionibus oratoriis, in quibus oratione perpetua uti non potest, minus id à Fabio requirendum erat, quam in ejus orationibus aut declamationibus: qua si extarent hodie earum loco qua supposititia Quintiliani nomine circumferuntur, quamplurimas virtutes Tullianis proximas in his fortasse animadvertere-mus. Atque ut quod sentio, exemplo plane familiari patefaciam, tantum utilitatis adferre eloquentia studiosis post Ciceronem mihi Fabius videtur, quantum medicinam tractantibus post Hippocratem Galenus. Ne igitur eum qui tot res tam dissipatas & genere distantes, vinculo tamen natura quodam inter se colligatas, nec aliter ad eum quem quærimus perficiendum, quam flores & succos diversorum generum ad mellis suavissimum saporem, necessarias in unum tanto facilitatis studio congefserit, perfricta fronte tanquam confusum aut prolixum vituperemus: neque præstantissimorum autorum, quos omnino duos in hoc genere habemus, perniciosum divortium admittamus: nec vero si nobis terra in Italiam via pateat, mare ad magnas merces importandas accommodatius, intercludamus. Sed ut ad id unde digressa est, nostra revertatur oratio, hanc ego fastidiosam & insolentem quorundam censuram, qui pro Cicerone non aliter umbram ejus, quam apud poëtas pro Iunone nubem Ixion, amplectuntur, inter ceteras causam statuo cur tam pauci hodie vere eloquentes evadant: & Ciceronis amore inflammari,

D E D I C A T O R I A

flammati, cutem summam atque extima quadam lineamenta, non animum aut spiritum assequantur. Ac cum me animo & cogitatione ad exquirendas hujus eloquentium penuria causas attentius converto, longe maximam eloquentia pestem adferre mihi videntur, qui pro gravioris nota autoribus ineptissimos libellos (qui quotidie primo cogitationis impetu, tanquam è satis Cadmi serpentis dentibus emergunt) imperita juvenuti obtrudunt. Cum enim gravium autorum sententia idem esse in animorum affectionibus atque saporibus coloribusque constet, ut quemadmodum quo primum colore simplex vellerum candor tingitur, elui, quem liquorem testa recens combiberit, abstergi non possit; sic qua tenellis animis primum insederunt, vitiosa praesertim, vix unquam mutari contingat: à prodigiosis ejusmodi libellis par erat adolescentes esse primis annis remotissimos, & Ciceronè Quintilianoque, qui acuere & alere ingenia possunt, addictissimos. In hos itaque rei literaria scopulos cum semel incurrerunt nullo judicio praediti adolescentes, vel cum voluptatum studio laborem detrectant, vel ad quasosas artes praeperero festinant, facile tanquam naufragio studiorum omnium factò eloquentia & sapientia curam abjiciunt: non alia quidem dementia, quam qui rivulis aut potius turbidis lacunis contenti, limpidissimos fontes, & pleno torrentes alveo fluvios aspernantur. Quid aliud his qui ante tempus a gravium autorum monumentis abducuntur, contingere putandum est, quam spuris ejectis, qui certa nutricis uberum beneficia privati, nunquam virile corporis robur colligunt? Quà poterunt avaritia atque ambitione quasi abortu quodam ad honores & sordidam ad vocationum stipem praeasurare abrepti,

abrepti, sibi utiles, aut patria ciues salutare esse? Nulla
 seueriore disciplina in tuto collocatis moribus, nulla sub-
 nexi bonarum artium scientia, effrangi vite licentia, &
 falsa doctrina persuasione tumentes, cum se ad governa-
 cula reipublice tractanda evehi vident, quid non sibi
 licere autumant? quam insolefcunt? in qua flagitia sese
 non ingurgitant? quid fecunditate inscitia sua immundo
 contactu veluti Harpyia Vergiliana non contaminant?
 Quid discordiis non committunt, & in rem privatam
 convertunt? Quem non vixum bonum religionis aut a-
 quitatis asimulata specie opprimere conantur? Itaque pro
 pacificatoribus, discordiarum flabella: pro religionis &
 legum assertoribus, proditores & perniciosissima busta: pro
 civibus honestis, utilibus & salutaribus, probra, pestes
 & funera sunt reipublice. Quis bene natus non indi-
 gnissime ferat, sacrorum concionatorum ex horum auto-
 rum contempnu fadam inscitiam? qui cum ex sophistarum
 & barbarorum hominum tenebris prodigiosa quadam re-
 rum & verborum farragine sint instructi, nec populum
 docent veram de religione persuasionem, & spinis qui-
 busdam omnia exasperantes nullis dictionis aut sententia-
 rum ornamentis delectant, nec maioribus affectibus ad
 veram pietatem inflammant. Quibus eo minus igno-
 scendum esse puto, quod omnibus fere curiis & iudiciis ex-
 clusa hodie vetus illa fori Romani dicendi facultas, apud
 hos solos locum habere videatur: quodque ipsi in his re-
 bus versentur, qua nullum ornamentorum, amplificatio-
 num, aut locorum communium genus respuant. Hac ad
 re doctissimum hominem pro tua prudentia atque digni-
 tate occupationumque magnitudine nimis fortasse multa,
 pro rei vera necessitate pauca admodum, scribenda duxi:
 non

DEDICATORIA.

non ut *Quintiliano* satis ex sese *judiciis* sanis commendato, aliquam oratione nostra commendationem conciliarem, verum ut quid tu de restituenda perturbata disciplina veteri, & certo tradendarum artium constituendo ordine, non ita pridem sensisses, tibi in memoriam revocarem. Memineram enim te ante annum Regis sapientissimi, humanissimi, atque omnium literarum studiosissimi jussu id non animo solum agitasse, ac usurpasse sermonibus, verumetiam scriptis acutissimis mandavisse, & vehementer ei placuisse primam descriptionem tuam. Cumque autoritate & gratia tantum hodie apud illum dicendi cupidissimum quantum mortalium nemo, valeas, sisque reconditarum omnium artium cognitione, atque insuper incomparabili eloquentia clarissimus: facile rectam viam qua ad eam perveniendum sit, tuis auspiciis alijs indicari & prescribi, & loco motam perturbatamque veterem instituendi rationem in gradum & pristinam dignitatem reponi posse speravimus. Quam adrem egregie stabiliendam quam esset optandum a regia providentia & potestate, ut Critici pravis affectibus exuti, & disciplinis omnibus non leviter tincti deligerentur, qui, ne statim cum nutricis lacte errorem sugere possemus, constitutam cum ratione formam retinerent, & ne in posterum libellorum novorum perversitate depravari, extinctis natura igniculis, possent inconsiderati juvenes, providerent. Nam quos adhuc experti sumus sculnos plane censores, qui frugibus glandem anteponunt, & de literis non aliter quam de coloribus caci judicant, quis aliquo judicio praeclitus diutius ferat? Hac me vehemens juven-da rei literaria cura studiumque impulit, ut ad te scriberem; & ut simul opus ipsum nostra industria illustra-

* *

tum

EPISTOLA DEDICATORIA.

tam mitterem, insignis cupiditas tibi significandi, quantum laboris in eo vetusta cum novis exemplaria conferendo, cum doctis viris communicando, animadversione digna notando, obscura explicando, depravata reponendo & corrigendo, exhaussemus. Nam cum omnes docti certatim tibi velut Apollini musarum chora presidenti non quantum merere hac eruditione & moribus, verum quantum possunt deferant, multis ego beneficiis nec iis vulgaribus a te affectus, ingratisissimus omnium mortalium, nisi aliquo ingenii monumento, quanti te faciam, quantumque tibi literæ debeant, apud omnes restatum relinquam. Vale. Parisiis e gymnasio nostro Becodiano.

De

D E

QUINCTILIANIS

VETERUM SCRIPTORUM

TESTIMONIA.

M. ANNEUS SENECA *Proæmio lib. x.*
Controvers.

Pertinere ad rem non puto, quomodo L. Magius gener T. Livii declamaverit, quamvis aliquo tempore suum populum habuit, cum illum homines non in ipsius honorem laudarent, sed in fœceri ferrent: quomodo P. Asprenas aut Quintilianus declamaverint. Transeo istos quorum fama cum ipsis extincta est.

*Idem controvers. IIII. ejusdem libri, qua est de eo qui
expositos debilitabat, ut ex mendicitate eorum
mercedem acciperet.*

Circa hunc sensum P. Asprenatis est ille a Quintiliano dictus, Nescio utrum vos miserabiliores dicam quod alimenta accipitis, an quod huic datis. Accipitis enim quia debiles estis: ei datis per quem debiles estis.

M. FAB. QUINCTILIANUS *lib. institut. Oratoriar.*
ad Victorium Marcellum cap. III.

Et cur me prohibeat pudor uti domestico exemplo? pater meus contra eum qui se legationi immoriturum dixerat, deinde vix paucis diebus insumptis re infecta redierat, Non exigo uti immoriaris legationi, immorare.

JUNIUS JUVENALIS, *lib. IX. Satyr.*

— Hispulla tragædo

Gaudet, an expectas ut Quintilianus ametur?

* * 2

Item.

Item.

Sed jacet in servi complexibus aut equitis, dic,
Dic aliquem fodes heic Quinctiliane colorem.
Hæremus : dic ipsa,

Idem lib. III.

Hos inter sumptus festertia Quinctiliano
Ut multum, duo sufficient : res nulla minoris
Constabit patri, quam filius, unde igitur tot
Quinctilianus habet saltus ? exempla novorum
Fatorum transi felix & pulcer & acer,
Felix, & sapiens, & nobilis, & generosus
Appositam nigræ Lunam subtexit alutæ.
Felix, orator quoque maximus, & jaculator:
Et si perfrixit cantat bene. distat enim, quæ
Sidera te excipiant modo primos incipientem
Edere vagitus, & adhuc a matre rubentem.
Si fortuna volet, fies de Rhetore Consul,
Si volet hæc eadem, fies de Consule Rhetor.

C. PLINIUS lib. II. Epist.

Ita certe ex Quinctiliano præceptore meo audisse meriti.
Narrabat ille, Affectabar Domitium Afrum, &c.

Idem lib. VI.

Erat non studiosorum tantum, verumetiam studiorum
amantissimus, ac prope quotidie ad audiendos, quos tum
ego frequentabam, Quinctilianam, Nicetem Sacerdotem
ventitabat.

Est & ejus ad Quinctilianum suum in eodem lib. epistola qua incipit,
Quamvis & ipse sis continentissimus, & filiam tuam ita in-
stitueris ut decebat filiam tuam, Tutilii neprem.

M. VAL. MARTIALIS lib. II. Epig.

Quinctiliane, vagæ moderator summe juventæ,
Gloria Romanæ, Quinctiliane, togæ.

TRE-

TREBELLIVS POLLIO *in Postum. juniore.*

Fuit (quod solum memoratu dignum est) ita in declamationibus disertus, ut ejus controversiæ Quinctiliano dicantur insertæ: quem declamatorem Romani generis acutissimum, unius capitis lectio prima statim fronte demonstrat.

CÆLIUS LACTANTIUS FIRM. *lib. I.*

Optime Quinctilianus in Fanatico, Idud, inquit, si deus cogit, iratus est.

Idem lib. v.

Ideo potentiores esse injustos Deus permisit, ut cogere ad malum possent: ideo plures, ut virtus esset preciosa, quod rara est. Quod quidem ipsum Quinctilianus egregie ac breviter ostendit in Capite obvoluto. Nam quæ, inquit, virtus esset innocentiae, nisi laudem raritas dedisset? verum quia natura sic comparatum est, ut odium, cupiditas, ira, in id quod incubuerint agant cæcos, supra hominem videtur culpa vacare. Alioqui si pares omnibus affectus dedisset, pietas nihil erat,

Idem lib. vi.

Nulla est tam perditæ pudoris adultera, quæ non hanc causam vitiis suis prætendat, injuriam se peccando non facere, sed referre, quod optime Quinctilianus expressit. Homo inquit, neque alieni matrimonii abstinens, neque sui custos, quæ inter se natura connexa sunt.

D. MAGNVS ATRONIVS *in Panegyrico.*

Dives Seneca, tamen Consul, arguetur rectius quam prædicabitur non erudisse indolem Neronis, sed armasse lævitiam. Quinctilianus consularia per Clementem ornamenta sortitus, honestamenta nominis potius videtur quam insignia potestatis habuisse: quomodo Titianus magister sed gloriosius ille municipalem scholam apud Viscontionem

** 3

Lugdu-

Lugdunumque variando, non ætate quidem, sed utilitate
confenuit.

*Idem in commemoratione Professorum, de
Ti. Victore Minervio.*

Primus Burdigalæ columen dicere Minervi,
Alter Rhetoricæ Quinctiliane togæ.

Et postea,

Adferat usque licet Fabium Calagurris alumnum;
Non sit Burdigalæ dum cathedra inferior.

Et

Seu libeat fictas ludorum evolvere lites,
Ancipitem palmam Quinctilianus habet.
Dicendi torrens tibi copia, quæ tamen aurum,
Non etiam luteam volveret inluviem:
Et Demosthenicum, quod ter primum ille vocavit,
In te sic viguit, credat ut ipse tibi.

Idem in Misella.

— memorabo Quietos

Agricolas, legumque Caros fandique potentes;
Præsidium sublime reis, quos curia summos
Municipum vidit procures, propriumque Senatum;
Quos prætextati celebris facundia ludi
Contulit ad veteris præconia Quinctiliani,
Quique suas rexere urbes, purumque tribunal
Sanguine, & innocuas illustravere secures.

HIERONYMUS in Chronico.

Olymp. 211. M. Fabius Quinctilianus Romam a Gal-
ba perducitur.

Olymp. 217. Quinctilianus ex Hispania Calagurritanus
anno Domitiani 8. primus Romæ publicam scholam aperuit,
& salarium e fisco accepit.

Idem

Idem ad Praesidium.

Puto te Quintiliani controversiae recordari in qua pauper
causatur, dolens ob interitum apum, flores ab impoten-
tissimo divite venenatos.

Idem in Quaest. Hebraic.

Me vero procul ab urbibus, foro, litibus, turbis, re-
morum, sic quoque, ut Quintilianus ait, latentem invenit
invidia.

Item.

Nec mirum hoc in conceptu foeminarum, ut quales per-
spexerint, sive mente conceperint, in extremo voluptatis
actu quo concipiunt, talem sobolem procreent, cum hoc
ipsum etiam ut equarum gregibus apud Hispanos dicatur
fieri, & Quintilianus in ea controversia in qua accusatur
matrona quod Aethiopem peperit, pro defensione illius
argumentatur hanc conceptus esse naturam quam dixi-
mus.

Idem adversus Vigilantium.

Iste Caupo Calagurritanus, & in perversum propter no-
men viculi mutus Quintilianus miscet aquam vino.

Idem ad Pammachium de obitu Paulinae.

Felices, inquit Fabius, artes essent, si de illis soli arti-
fices judicarent.

Idem ad Pammachium de optimo genere interpret.

Hilarius nostrorum temporum confessor, duodecim quin-
tiliani libros stilo imitatus est & numero.

Idem

Idem Prefat. in Abdiam.

Dicit & Tullius tuus adolescentulo sibi inchoata quædam & rudia excidisse. Sic hoc ille tam de libris ad Herennium quam de rhetoricis, quos ego perfectissimos puto, ad comparisonem senilis peritiæ dicere potuit: quanto magis ego libere profiteor & illud fuisse puerilis ingenii, & hoc maturæ senectutis. In libris quoque contra Marcionem Septimius Tertullianus hoc idem passus est, & Origenes in Cantica canticorum, & Quintilianus in xii. libris institutionis oratorię, ex quibus ostenditur unamquamque ætatem in quo esse perfectam, & ex annorum debere numero judicari.

SID. APOLLINARIS lib. v. Epist. x. Sabaudo.

Tua vero tam clara, tam spectabilis dictio est, ut illi divisio Palæmonis, gravitas Gallionis, abundantia Delphidii, Agræcii disciplina, fortitudo Alcimi, Adelphii teneritudo, rigor Magni, dulcedo Victorini, non modo non superiora, sed vix æquiparabilia scribantur. Sane ne videar sub hoc quasi hyperbolico Rhetorum catalogo blanditus quippiam gratificatusque, solam tibi acrimoniam Quintilianii, pompamque Palladii comparari non ambigo, sed potius acquiesco.

Idem in panegyrico ad Anthemium.

Qua Crispus brevitare placet, quo pondere Varro,
Quo genio Plautus, quo flumine Quintilianus,
Qua pompa Tacitus nunquam sine laude loquendus.

Idem carmine ad Magnum Felicem cos.

Acrem Lampridium, Carum, Leonem,
Præstantemque tuba Severianum,
Et sic scribere non minus valentem,
Marcus Quintilianus ut solebat.

RUFINUS *Gram. Antiochens. Comment. in metra Terentiana.* Quintilianus in arte, &c.

A U R.

AUR. CASSIODORUS *de Rhetorica, ex
lib. Disciplinis.*

Quintilianus etiam doctor egregius, qui post fluvios Tullianos singulariter valuit implere quæ docuit, virum bonum dicendi peritum a prima ætate suscipiens, per cunctas artes ac disciplinas nobilium literarum erudiendum esse monstravit, quem merito ad defensionem sui totius civitatis vota requirerent. Libros autem duos Ciceronis de arte Rhetorica, & Quintilianii duodecim Institutionum indicavimus esse jungendos, &c.

Idem in Chronico ex Hieronymo, ut videtur.

Silvado & Prisco coss. Quintilianus ex Hispania primus Romæ scholam publicam aperuit, & salarium e fisco accepit.

ISIDORUS *Hispalensis lib. II. Etymolog.
De Rhetorica.*

Hæc Disciplina a Græcis inventa est, Gorgia, Aristotele, Hermagora, & translata in Latinum, a Tullio videlicet, & Quintiliano, & Ticiano, sed ita copiose, ita varie ut ea lectori admirari in promptu sit, comprehendere impossibile. Nam membranæ retentis, quasi adhærescit memoriæ series dictionis: at mox repositis, recordatio omnis elabitur.

Vetus interpres Lucani, ad eum locum lib. IV.

Vita brevis nulli superest qui tempus in illa

Querenda sibi mortis habet.

Sensus, inquit, hic est. Non est putanda brevis vita quæ habet spatium, quo unusquisque sibi quærat exitum: quod non evenit nisi forti viro qui facile contemnit interitum. Unde Quintilianus: faciamus de funere remedium, de necessitate virtutem. Solus vixit quoad voluit, qui mori maluit.

* * *

Judicium

Judicium GER. VOSSII de DECLAMATIONIBUS QUINCTILIANÆ.

Vide illum lib. I. Inst. Orator. p. 180.

Cum Quinctiliani Declamatoris mentio fiat apud M. Senecam patrem, præmio lib. 10. Controv. 4. Non minus eorum placet sententia qui eas a vo hujusce Quinctiliani ascribere malunt. At uideriginti illæ Declamationes quæ & ipsæ Quinctiliano vulgo inscribuntur, ac Rhetoricis Fabii libris subjici solent; neque ejus sunt qui Declamationes alteras fecit, (nihil enim simile) neque illius qui Institutiones Oratorias scripsit; cui eas Erasmus quoque abjudicat in Ciceroniano suo: & merito, quandoquidem ut monuit Lud. Vives lib. iv. de Corrupt. disciplin. plane aliæ sunt a Fabii præceptis, & tales, ut contra istiusmodi potissimum invehatur. Tum in Codd. quibusdam Mss. M. Floro tribuuntur, ac a nonnullis etiam esse creduntur Posthumii Junioris, eo quod Trebellius Pollicar, scriptas ab eò esse Declamationes, quas a vo suo Quinctiliani esse putarent.

M. F. A. B.

M. FAB. QUINCTILIANI V I T A.

MARCUS FAB. QUINCTILIANUS Romæ natus est : quibus consulis , aut quo imperante Cæsare , non legi. Verissima conjectura adducor , ut fidem libris temporum non habeam , ubi legitur Quinctilianus Calagura urbe Hispaniæ oriundus. Nam M. Valerius Martialis Calaguritani agri alumnus , cum Iberos memoria dignos suis epigrammatibus inserat , nullam de Quinctiliano mentionem facit , sed cum separatim cum veneratione nominat ,

Quinctiliane vaga moderator summe iuventa ,

Gloria Romana Quinctiliane roga.

Et ipse dicit , cum esset adolescentulus cognovisse Domitium Afrum , & Senecam ; qui ambo sub Nerone perire. Seneca in libro sexto Divisionum , Quinctiliani declamatoris meminit , cujus adhuc extant multæ declamationes acutæ & breves , stylo aliquantulum remissiore. Is avus fuit M. Fabii Quinctiliani : qui Romæ multis annis rhetorica cum summa laude docuit. Et ipse rursus Quinctilianus mentionem facit patris , qui causidicus fuit apud principem. Neque notitia , neque gratia caruit. Domitiani enim Cæsaris nepotum cura ei delegata fuit. Disciplinæ ejus castigatissimæ plenissimum testimonium Cajus Cælius affert : qui sub tali præceptore tantum profecit , ut sui temporis oratores facile superaverit. Duxit uxorem ex nobili familia , ex qua liberos suscepit : quæ acerbissima fatorum sorte in primo juventutis flore rapta fuit. Alterum ex liberis , quum librum de causis corruptæ eloquentiæ edidisset , amisit : postea quum rhetorices libros scriberet , Marcellum unicum parentis lumen ac solatium rogo dedit , testis ipse est infelix senex suarum lacrymarum. Ejus filiola ex alia (ut credo) uxore , Tutilii equitis Romani filia , genita , nupsit Novio Celeri , viro claro. Quo tempore decesserit , affirmare non audeo , quoniam is qui tradit , fide caret.

*** 2

ARGU-

ARGUMENTA
SINGULORUM CAPITUM;
QUÆ IN
QUINCTILIANI
INSTITUTIONIBUS
ORATORIIS CONTINENTUR.

Ad Marcellum Victorinum.

PROŒMIUM.



Proœmium quatuor continet: Causas condendi operis, Marcello dicandi, qualem oratorem instituat, quo pacto universum opus partiatur. Operis condendi causæ: ut inter opiniones varias facilius esset electio quod potissimum sequendum. Causæ copiosius etiam scribendi quam ab amicis efflagitatum erat, ut eos plenius sibi demereretur, ne alienis solum vestigiis insistere videretur, si prioribus nihil adderet, ne duo libelli de rhetorica, impoliti & manci diutius sub ejus nomine circumferrentur. Causæ Marcello dicandi: quia amicissimus: quia literarum amore flagrans: quia instituendo ejus filio plurimum profuturos putaverit. Oratorem instituit perfectissimum, eloquentissimum, omnibus disciplinis & virtutibus instructissimum, atque in philosophorum arrogantiam invehitur, ultimam hanc partem ab oratoribus separantium, & sibi vendicantium. Totum autem opus in duodecim libros partitur: quorum Primus elementa ante rhetoris officium continet: Secundus rhetorices Progymnasmata: Tertius, Quartus, Quintus, Sextus, Septimus, inventionem & dispositionem, cum orationis partibus. Octavus, Nonus, Decimus, eloquutionem. Undecimus memoriam & pronuntiationem: Duodecimus denique ultimam partem definitionis oratoris, id est, mores ejus, virtutes & officia. Primæ partes ad benevolentiam sunt comparatæ, dum suam modestiam, & scribendi causas profert, Marcelloque opus dicat. Attentos reddit lectores, oratorem instituendo, & pleniora omnia quam vetera promittendo. Divisio operis ad docilitatem pertinet.

Quid

Quid circa primam pueri institutionem providendum sit : & quemadmodum prima elementa tradenda sint.

C A P. I.

Patrem de filio, quo sit circa ejus institutionem diligentior, non diffidere, sed spem optimam capere jubet: cum vis percipiendi, quæ traduntur, sit hominibus propria: ut avibus volandi facultas & equis currandi. Nutrices, puerosque inter quos educabitur infans, vitioso sermone, malisque moribus infames, repudiandos: quia tenacius hæreant quæ rudibus annis percipiuntur. In parentibus etiam plurimum eruditionis optat. Pædagogos quoque moribus probatis, & doctos esse vult: aut qui se doctos non esse intelligant. A sermone Græco puerum incipere mavult, & quia Latinus pluribus in usu vel nolentibus se præbeat, & quia disciplinis Græcis prius instituendus sit, unde Latinæ fluxerunt. Eumque statim ut fandi potens erit, literis instituendum, nec expectandum annum septimum, cum initia literarum sola memoria constent, quæ in pueris tenacissima est. Eundem docendum esse per lusum, & jucundam æmulationem, legere primum, deinde scribere, quorum primum ut expeditissime faciat, literarum formas prius quam nomina, contextum & syllabas perdiscat; ad quod profuturum ait, literas eburneas aut quid simile abjecisse, quo facilis ad discendum alliei tenera illa ætas possit. Hinc syllabas omnes & statim difficillimas quoque perdiscendas, nec in continuanda lectione nimium properandum, cum hanc festinationem incommoda plurima consequantur. Scribere vero & celeriter & recte perdiscere posse, si literæ ex solida materia tabellæ insculvantur, quarum sulcos stylo sequens puer, & articulos firmer. Sed primam operam non in vulgaribus & forte occurrentibus verbis ponendam, verum iis & verbis & sententiis, unde plurimum fructus ad puerum redeat, qui etiam nomina quædam versusq; difficultatis affectatæ, syllabis asperrime coeuntibus catenus celeriter proferre consuecat, ut os absolutius, & sermo expressior esse possit.

utrum utilius domi, an in scholis erudiantur.

C A P. I I.

Refellit eorum opiniones qui puerum a schola publica arcentes domi institui volunt, duplici nitentes argumento, quod in schola facilius corrumpanatur, quodque unus magis vacaturus sit uni. Priorem causam ostendit ad scholas non pertinere, & retorquet in adversarios: cum pueri licentia parentum corrupti, domo malos mores adferant, qui tamen præceptoris laeta & gravi vigilantia corrigi queant: qui ut talis sit multis undique stimulis arguitur, cum domesticus ille majori securitate turpitudinem domi exercere possit. Secundum plane falsum ostendit, cum contra optimus quisque præceptor majori theatro & frequentia accendi soleat. Ergo utilius publice quam domi institui, quamvis non sit incommodum futurum, si domesticus ali-

*** 3

quia

quis doctus & probus lateri puerorum adjungatur. Inferit præterea objectiones duas, doctum illum præceptorem publicum non se ad pueri captum accommodaturum: & numerum auditorum impedire præceptoris castigationem prælectionemque. Primum ostendit esse falsum; secundum in speciem probabile multis commodis compensat. His argumentis confirmat: quod in scholis discat non reformidare homines: quod amicitias contrahat perduraturas in extremam senectutem: quod ibi prudentiam & sensum communem discat: quod ex æmulatione inflammetur ad discendum: quod audiat etiam quæ ad alios pertineant: quod condiscipulorum facilitas accommodatior jucundior faciat imitationem: postremo, quod præceptor uno præsentem non concipiat idem spiritus, nec effundat eas vires quas in celebritate. His morem pueros instituendi laudatissimum suis olim præceptoribus familiarem interfecit.

*Qua ratione puerorum ingenia dignoscantur,
& quomodo tractanda sint.*

C A P. III.

DUO tradit hoc capite, puerorum ingenia primum perspicienda, eosque non temere cædendos esse. Nam cum primum & præcipuum omnium in puero quem in oratorem evadere desideramus, sit natura, qua invita nequicquam tentantur omnia, ad summam illam spem quemque alere conari, natura ejus & ingenio non diligenter explorato, esse vehementer absurdum. Signa quibus id colligi possit, hæc esse. Memoriam primum quæ duas habet partes, facile percipere, & fideliter continere. Deinde imitationem, non illam quidem vitiourum, aut rerum per se parum momenti habentium, ut est habitus & incessus, sed omnium bonorum; nam ut a probitate sejuncta sit imitatio, nullo pacto ferendum. Subjungit & hæc, si ultro interroget: si non ingenium tanquam præcox effundat ante tempus: si laude excitetur & juvetur: si victus flet: si lusu aliquo liberali cupiat interdum recreari. Postremo temere non esse cædendos, quia turpe & servile sit.

De Grammatica.

C A P. IV.

PUERUM huic spei destinatum, legendi scribendique jam peritum, bonis moribus, bono ingenio præditum grammaticis tradendum præcipit. Grammatices facit duas partes, unam recte loquendi scientiam, quam horisticen alii, alii methodicen nominant, quod præcepta, primas rerum finitiones, & methodum emendate loquendi scribendique tradat, sub qua scribendi rationem continet. Alteram poetarum & historicorum enarrationem, quam exegeticen vocant, ad quam emendatam lectionem refert. ¶ In hac grammatices professione musicen propter rhythmum & metrum requirit, Astrologiæ etiam cognitionem, propter poetâs, qui syderum ortu & occasu tempora rerum declarare consue-

confueverunt. Et philosophiam, propter locos plurimos in authoribus ex anima philosophia petitos, & propter Empedoclem Varronemque, qui præcepta sapientiæ verbis tradiderunt. Addit & eloquentiam, ut omnia proprie & copiose demonstrare queat. ¶ Hinc elementorum vim statim tradendam, & non solum quo pacto vocales a consonantibus distinguantur, & hæc rursus in semivocales & mutas partiantur: verumetiam quas litteras a Græcis mutuemur scribendis eorum nominibus, nempe, y & z, & in Latinis an Æolicum digamma desideretur. Et qui sonus medius sit inter I & V. An redundant H & K & X. Quo pacto I. & V. transiant in consonantes, præpositæ vocalibus, ut Venus, Iuno. Quid in litteris proprium, quid commune. Quæ mutationes accidunt declinatione aut præpositione, ut seco secui, cadit excidit. Quæ cum quibus cognatio, ut R & S. Valerii Valesii, arbor, labor. T & S. pulsare, & olim T cum D. Alexander Alexander. Et pro aspiratione Digamma vel F. fordeum, fœdus, pro hordeum & hædus. B pro P, F & H Byrrus, Brages, Belena. O pro V & contra, Mecoba & Culehides, E & I, Ieber, Menerva. ¶ Hinc quot sint partes orationis, & quo pacto earum numerus ad octo paulatim deductus sit, rejectus articulus, asseveratione, & attractione, vocabulo appellationeque nomini subiectis. ¶ His cognitis ad declinationes nominum & verborum accedit: quibus neglectis ambitiosi quidam suos discipulos humi adhuc reptantes, circa sublimiora ostentare volentes, præposere docebant. Et primum declinare nomina & verba præcipit, doceri genera nominum, origines scrutari, unde butri, Agrippæ, Posthumi. Deinde sitne aliqua vis sexti casus, apud Latinos, septimi apud Græcos. In verbis quoque præter accidentia nosse quæ sint anomala, ut in nominibus quæ heteroclita, ut participia transeant in nomina verbalia, ut sapiens nutritor. Cujus rationis sunt illa impersonalia passiva, itur in antiquam sylvam. Et illud, totis Usque adeo turbatur agris. Item & illud, Campus curritur. Ut quædam passiva positione, activam habeant significationem, ut, prænus, potus. Ut quædam nomina transeant in adverbia, noctu, diu. Et quædam in his simile quid patiuntur: ut dictu, factu.

De virtutibus & vitiis orationis.

C A P. V.

ORationis virtutes & vitia aggreditur: virtutes tres esse numero, ut oratio sit emendata, dilucida & ornata. Nam apte dicere ornatui subijci. Hanc exigi verbis primum singulis, deinde conjunctis. In singulis an Latina sint, peregrina, simplicia, composita, propria, translata, usitata, aut ficta, considerari. In conjunctis laudari verba bene rebus accommodata, in quibus merito placeat bona vocalitas, quam Græci euphonia vocent. ¶ Duo esse orationis non emendatæ vitia, barbarismum & solecismum. Et barbarismum quidem esse in singulis verbis, serique scripto relicto tribus modis. Primo si quis nomen peregrinum Latine orationi inferat. Secundo, animi natura, ut si quis quid dicat insolenter, minaciter, aut crudeliter. Tertio, partim scripto, partim dicto, additione, detractione, mutatione, transmutatione, divisione, complexione, aspira-

aspiratione, ectasi: syllole, genere, numero, sonis, quales sunt jotacismi, lambdacismi, ischnotheses, platycismi, chiloestomia. ¶ Accentus cujus Græcis longe sit ratio difficilior quam Latinis, ut cum acuta & gravis alia pro alia ponitur, ubi breviter quæ ratio accentuum sit, præscribit: antepenultimam longam naturam circumflekti; Roma: Longam positionem acui; fervor: brevem in polysyllabis rejicere acutum in antepenultimam, ut tartarus: Monosyllaba natura circumflekti, Ros: brevia aut longa positione, acui, ob, lux. Verum hic notandum esse, tertium barbarissimi genus in poetis aut venia dignum aut etiam laudi duci. In prosa quoque immutationem recipi: ut Canopitarum apud Ciceronem p pro b, literarum adjectionem, ut in assentior. Quædam etiam juncta sine reprehensione dici, quæ singula vitiosa sunt, ut duapondo, trepondo. ¶ Solæcismus complexu orationis fieri, etiam cum in verbo est vitium. Adjectione, detractatione, transmutatione, immutatione: atque etiam in partibus orationis per varietatem accidentia, per genera, tempora, personas, modos, numeros: per comparationes, superlaciones: atque ubi patrium pro possessivo ponitur: ubi quies pro motu: & ut in summa dicam, ubi quævis particula alterius officio seu potestate fungitur. Quædam etiam faciem solæcismi habere, quæ schemata sunt: ut Thyestes tragedia, ludi Floralia. ¶ His omnibus ad finem adjungit sibi placere, ut in peregrinis quibus Latini pro suis utuntur, accentuum & casuum rationem Latinam sequamur, quousque patitur decor, quia in quibusdam consuetudo superet auctoritatem, & quædam sint quæ utroque modo non indecenter efferi possunt. ¶ Postremo: quæ ratio sit vocum compositarum & Græcos componendis nominibus fingendisque, Latinis esse feliciores ostendit; & quæ propria & translata verba sint, definitione explicat.

De quatuor quibus sermo constat.

C A P. VI.

Profert quatuor quibus sermo constat, rationem, auctoritatem, venustatem, & consuetudinem. Rationem duobus constare, analogia præcipue, & etymologia. Analogiam duplici ratione exigi, comparatione similitum, & diminutione. Comparationem aut genere deprehendi, aut declinatione. Genere: ut cum panis masculinum sit, sic etiam funis. Declinatione: ut cum ornatus, quartæ sit, ita senatus. Diminutione: ut ejus generis sit diminutivum, ejusdem intelligatur esse & primitivum, ut cum funiculus masculini sit generis, ejusdem intelligatur funis. Primam etiam positionem ex obliquis invenit: ut cum cecidi a cado sit, sic & pepigi a pago. Verum cum analogia sibi plurimis in locis repugnet, rationem ejus per omnia duci non posse. Quare eruditorum quorundam nimiam curiositatem circa hanc partem irridendam, qua per eam omnia defendere velint, cum in plurimis usui & consuetudini cedat. ¶ Addit etymologiam, quam alii originationem, Cicero notationem vocaverit, habere in se multam eruditionem, vel cum ex græcis orta tractet, vel cum ex historicis veterum, nomina hominum, locorum, gentium, urbium requirat: ut unde Bruti,

De Publicola. Et hanc necessarium habere usum quoties res de qua quaeritur, interpretatione eget: ut si dicat Cicero assiduum ab assibus dandis, locupietem. Verum & hanc aliquando consuetudini servire, ut in triquetra & meridie. Quare hic non aliter quam in analogia eruditos nimis curiosos ridet, qui ad hanc omnia exigentes, ad foedissima usque ludibria dilabantur. Vetera orationi majestatem afferre cum delectatione, modo non sine nimis crebra, & ab ultimis & jam oblitteratis temporibus repetita: qualia sunt *Tepper & Ansigera*. § Similem esse circa auctoritatem rationem: quare videndum esse non solum quid dixerint quantumvis magni, sed quid perscrinserint. Nam hoc tempore laturum neminem tuburchinabundum & lurhabundum quibus Cato usus sit. § In consuetudine constituendum iam primis quid consuetudinem vocari velimus: nempe loquendo consensum auditorum, sicut vivendo consensum bonorum.

De Orthographia.

C A P. VII.

Post rationem loquendi, ad scribendi regulam accedit: hanc Græcis Orthographiam dictam, locum habere in dubiis, quo apice signandæ, neque enim in aliis desiderari, quia his quæ natura verbi satis pateant, apponere apicem sit ineptissimum. At in malus pro Arbore, & palus secundæ declinationis longa nota monendos esse. Conducere & ad hoc orthographiam, ut quo pacto præpositiones cum verbis jungendæ sint sciamus: ut ex, cum specto romanente s, expecto; cum pecto, remota s, expecto: Nam in iis solum fieri, in quibus id dubii propter affinitatem suboriri possit. Præpositiones per d, scribendas, ut adverbia, & conjunctiones per t, at, set. Quædam quæ per b, scribantur, magis efferri per p, obtinuit. Per n, scripta commutari in m, immunes. In compositione manentibus omnibus, mediam literarum consonantem sequenti jungi, aruspex: quia sit a spectando. Contra in abstemius priori, quia sit ex abstinentia temeti, abstemius. Orthographiam quoque consuetudini servire. Olim semivocales non fuisse geminatas. Ciceronis temporibus s, literam mediam vocalium longarum, vel subiectam longis, geminatam, ut divisio, causas. Usus fuisse æ diphthongi ubi esset i, in pluralibus & in dativis singularibus: quod supervacuum erat. Et ai, pro æ, in genitivis & dativis primæ, ut aulai, aquai. Quædam esse quæ scribantur aliter quam enunciantur, Cneus, Cajus. Alioqui sic scribendum esse quodque, quomodo sonat: nisi contra consuetudo obtinuerit.

De lectione pueri.

C A P. VIII.

Hæcenus de his quæ ad methodicam grammaticam pertinebant, nunc hæc ad historicen sive exegeticen, proponit. In legendi ratione docendum puerum esse, ubi suspendere spiritum debeat, quo loco versum distingere, ubi claudatur sentus; unde incipiat, quando attollenda vel submittenda

renda vox, quid lentius, celerius, concitatus, lenius dicendum. Lectio-
nem virilem esse debere, & cum suavitate gravem. Et quia teneræ mentes
alius trahant quicquid rudibus annis infederit, placere, ut lectio ab Homero
& Virgilio incipiat, ut præter alia commoda sublimitate carminis heroici
animus assurgat, & magnitudine rerum spiritum ducat. ¶ Utiles esse etiam
& tragædos. Alere lyricos, si partes operum præsertim quæ vacant obscœ-
nitate, eligantur. Elegiam quæ amat, repudiandam. Comædiam quæ plu-
rimum ad eloquentiam conferat, cum mores erunt in tuto, inter præcipuas
legendam. In quibus grammatici officium sit curare partes orationis sibi
soluta versu reddi, & pedum proprietates, ut quæ barbara, quæ impropria,
deprehendat: ostendatque vel venia digna propter necessitatem, vel etiam
laudi ducenda: ut etiam demonstret quot quæque verba modis intelligenda
sint. ¶ Circa glossemata quoque, id est, voces minus usitatas, pueros
diligenter exerceat. ¶ Præterea tropos maiore cura, & figuras tum senten-
tiarum tum verborum excutiat. His etiam ut accedat enarratio historiarum
non nimis operosa. Nam fabulas etiam contemptissimas persequi esse insa-
ni. In omnibus doceat quæ in œconomia virtus, quid in decore rerum,
quid personæ cuique conveniat: quid in sensibus, ubi copia probabilis,
ubi modus.

De officio grammatici, & quæ primordia sint dicendi.

C A P. I X.

Perfectis duabus grammaticæ partibus, nempe methodicæ, & historice,
adjicit veluti corollarium grammaticorum curæ quædam dicendi primor-
dia: Fabellas primum Æsopicas, & earum tractandarum rationem: chrias
etiam & ethologias, atque sententias: & chriarum plura genera, aliud voce
simplici, aliud in respondendo, aliud in facto, aliud huic pene par, quod
chriodes appellant.

An oratori futuro necessaria sit plurimum artium scientia.

C A P. X.

Puerum hætenus a grammaticis doctum priusquam rhetori tradatur, ut
efficiatur orbis ille doctrinæ, quem Græci encyclopædiam vocant, mathe-
maticis instituendum contendit: quæ etiam si in dicendo se non ostendunt
& proferunt, vim tamen occulte suggerere, & tacite sentiri confirmat, nec ali-
ter ex iis orationem consummatam effici, quam antidota & pharmaca ex
multis diversis vires habentibus perfectissima, aut mel vapo florum ac succo-
rum genere suavissimum evadere. ¶ Primam mathematicarum musicam
tractat, cujus laudes primum ab efficientibus, adjunctis exemplis, & testimo-
niis majorum celebrat. Deinde ad usum ejus accedit, eamque apud veteres
conjunctam cum grammatica fuisse probat. Oratorem etiam ab ea petere
numeros

numeros, qui in corpore sint. & in voce, quorum alii ad gestum, alii ad collocationem verborum, ad flexus vocis alii pertineant. ¶ Denique de qua musica præcipiat ostendit, nempe non de effœminata, & impudicis modis fracta, sed de gravi & sancta, rationisque cognitionem habente: quæ ad movendos leniendosque affectus plurimum valeat. ¶ Geometriam probat oratori esse necessariam, eamque late accipiendo ad arithmeticam & astrologiam extendit; summæ & computationes incidere frequenter in causas, quæ arithmetices beneficio sint explicandæ. Esse etiam & sæpe de terminis, mensuris, finibus & magnitudinibus controversias: quare lineares illas formas tenendas esse. Porro majorem geometriæ cum arte oratoria esse cognationem, propter ordinem utrobique necessariam: nam quod in demonstrando faciant geometræ; ut ex prioribus probent insequentia, ex certis incerta: idem facere & oratores dicendo: hinc secundum plerosque cum dialectica majorem habere affinitatem. Geometræ usum aliquem formis subjectis demonstrat: & formam quidem orbicularem esse omnium capacissimam & perfectissimam, quadratam triangulis esse perfectiorem, triangula æquis lateribus, inæqualibus: & hanc se tollere usque ad rationem mundi: unde numeris cognoscimus certos esse syderum constitutosque cursus: quod & ad oratorem pertinere subiectis exemplis probat.

De prima pronuntiationis & gestus institutione.

C A P. XI.

COMœdo & palæstritæ operam aliquam propter pronuntiationem, gestum & motum dandam censet: non quia puerum fœminæ vocis exilitate frangi, aut seniliter tremere, aut ebrietatis effingere vitia, & corporis cura mentem obnuere oporteat: sed ut eorum imitatione oris vitia emendet: gestus & motum quantum oratoris gravitas postulat componat: quomodo narrandum, qua sit autoritate suadendum, quidque singulis partibus agendum, discat. Ad quæ omnia plurimum profuturum sit, si electa ex gravibus orationibus ediscere, & stans ea dicere, & quemadmodum agere oporteat, cogatur.

An plura eodem tempore doceri prima ætas possit.

C A P. XII.

REFellit eorum sententiam, qui artes de quibus egit hoc primo libro, eodem tempore tradi vetabant. Quod oportere probat similibus ab agricolis, citharœdis, & oratoribus. Efficientibus, a natura puerorum priusquam obdurerunt, aut laboris iudicium collegerunt maxime docili, & laborum patientissima. Id probat effectis, quod brevissimo tempore sine cujuscunque opera rectissime omnia loqui consuecant, quod novitiis servis vix tota vita contingit: quodque nullo labore, discursionibus & reptationibus unquam defatigentur. Postremo Platonis exemplo; cujus bono ingenio prædito ea omnia inesse posse contendit.

★★★★ 2

M. FAB.



M. FAB. QUINCTILIANI DE INSTITUTIONE

ORATORIA.

LIBER II.

Quando sit Rhetori tradendus puer.

C A P. I.



Gitat hoc capite tria; Quando Rhetori tradendus sit puer, quousque grammatici professio extendatur, unde rhetoris inchoet. Prima, quæ præcipua est, ex aliis pendet: rhetori tradendum esse puerum monet quando per justam eruditionem poterit: neque enim ætatis habendam rationem. Id autem vere æstimari non posse, nisi rhetoris & grammatici professiones suis terminis circumscribantur, & quasi certis cancellis includantur. ¶ Et grammaticum quidem suæ artis appellatione, quæ intra literas consistit, assumptis Poetarum & historicorum viribus contentum esse debere. Rhetorem etiam prima suæ artis opuscula, ut sunt narrationes, laudes, vituperationes, loci communes, non oportere detrectare, quamvis consuetudo, hujus aut ignavia aut fastu, vel illius temeritate licentiaque diversum obtinuerit, quæ si locum habeat, rhetore tardius, sin minus, eodem citius opus fore, etiam cum grammaticis puer operam dabit: neque enim incommodum esse, ut eodem tempore grammatico, & rhetori diversis horis det operam puer, quod horum quisque rectius suas partes obiturus sit.

De moribus & officiis præceptoris.

C A P. II.

ELigendum esse rhetorices præceptorem maxima cura, sanctissimis præditum moribus, & omnibus quæ illam professionem deceant officiis insignem: quia pueri tum adulti ferocienres, & jam ad libidinem procliviores facti, gravitate & sanctitate docentis in officio contineri debent. Officia connumerat. ¶ Invehitur in puerorum petulantiam & assurgendi exultandique aliis declamantibus licentiam, quos ex præceptoris vultu & indicio pendere oportebat. ¶ Postremo pueros ab adolescentibus separandos censet, ac ab illis ad vicia illecebrari, & ante tempus corrumpi queant.

Am

Refellit eorum opinionem qui puerum eminentissimo statim tradendum negabant, sed mediocri committendum, his argumentis persuasi, quod & minores illi sufficerent docendis rudioribus, quodque eminentes ad minora sese demittere nollent. Sufficere minores non posse probat, cum illi non minus, sed pejus, & dedocenda doceant. Id Timothei musici exemplo confirmat. Optimum vero quemque non fastidire hanc curam, quia per initia ad summam tendendum esse intelligat, rationemque & viam maxime compendiarium nostat per quam ad eloquentiam pervenerit. Inde aliquas objectiones solvit, & quo pacto prudens & probus præceptor se ad mensuram discantis submittat, & magna perspicuitate, quæ prima sit eloquentiarum, utatur, commemorat.

De primis apud rhetorem exercitationibus.

Primas apud rhetorem exercitationes aggreditur: Narrationis, præter eam quæ propria causarum est, quam in librum 4. differt, tres species facit, fabulam, argumentum, & historiam: hanc apud rhetorem statim tractandam pueri proponit: nam poeticas quæ fabulosæ sunt, grammaticis addixit, eamque vult esse non jejunam & aridam, sed splendens: nec rursus sinuosam, aut poetica licentia lascivientem. Quorum utrumque cum vitiosum sit; minus tamen esse copię quam inopię vitium. In parvis etiam copiam illam redundantem maxime probandam: quia cum sterilia nullo labore vincantur, facile sit remedium ubertatis. Eam ob rem magistrum aridum, & ex sese nil nisi maciem & infirmitatem gignentem in primis vitandum. ¶ Atque obiter quæ ratio sit emendandi quæ a pueris conscriptæ sunt, præscribit: nempe nimia severitate non esse ad desperationem & dissidentiam redigendos, sed mediocri laude, distatis interdum totis fere materis quas illi imitentur, & tanquam suas ament, excitandos, nec ferendam in illis extemporalem sine cogitatione garrulitatem, quam plurima incommoda consequantur. Narrationibus confirmationes & confutationes subiungit, rerum non solum a poetis, verumetiam ex ipsis annalium monumentis petitarum. Laudes clarorum hominum ac vituperationes, simplices primum, deinde comparatas annectit: ex quibus incredibilem manare utilitatem ostendit. ¶ Hinc theses; ex rerum comparatione, ut, viri militaris sitæ major gloria quam jurisperiti. Deinde locos communes in vitia citra complexum personarum: alios item de testibus & argumentis non minus ad forenses actiones pertinentes: quibus qui velut emblematis nulla cognitione rerum instructi ad omnem occasionem utuntur, vehementer improbat. Admisceat exercitationes quæ præparant ad conjecturales causas: ut cum quaeritur; cur armata apud Lacedæmonios Venus. ¶ Atque ultimo loco legum.

legum tractandarum rationem ad laudem aut vituperationem, ad suasionem aut accusationem pro consuetudine & jure civitatum, & quicquid circa has refelli aut astrui possit (quod genus propter difficultatem exercitationes omnes superet) diligenter exequitur.

De lectione oratorum & historicorum apud rhetorem.

C A P. V.

Profuturum discipulis plurimum ait, si rhetor eos historiae atque etiam magis orationum lectione instruxerit. Atque hoc loco quod sit rhetoris officium docet, nempe, silentio facto unum aliquem per vices constituere lectorem, in quo virtutes demonstrare, vel, si ita incidat, vitia possit, ut reliqui protinus pronuntiationi quoque assuecant: tum diligenter partes omnes orationis, earum vim & proprietatem excutere: ne quid maneat intactum; quid elocutionis inventionisque proprium, quae prudentia dividendi, quae subtilitas argumentandi, frequenter etiam suos interrogare, & eorum judicium experiri. Fore etiam utile, si corruptae & vitiosae orationes pueris non quidem ad imitationem, sed ut vitari vitia facilius queant, proponantur. Neque interim prohibet, ut vel ipse praceptor declamet, vel suos declamationibus exerceat: verum multo plus collaturum discipulis, si hanc operam in gravium hominum orationibus posuerit. ¶ Et quia periculosum est sine delectu quemvis in manum sumere, optimos quoque & candidissimos, suavi copia & perspicuitate amabiles, quales Cicero & Livius, eligendos censet. ¶ Atque autorum genera duo esse cavenda: horridum unum, & jam oblitteratae illius antiquitatis, alterum novae licentiae lenociniis sine gravitate lasciviens. Solidis tamen & jam firmis ingeniis in utrisque versari permittit, ut ex illis virile quiddam, ex his flosculos & nitorem detergendo rudis seculi squalori aptum colligere possint.

De divisione.

C A P. VI.

Qua ratione pueri ad veram compositionem & plenam styli facultatem a praceptoribus perducendi sint docet. Et primum duplicem ostendit viam a diversis usu receptam: unam, qua materias quas discipulis dabant in summa capita partitas, latius dicendo prosequerantur, & argumentis effectibusque implebant: Alteram, qua easdem simplices proponere contenti, post declamationem in quo quisque errasset, ostendebant, quarum si separandae sint, priorem subjectis rationibus longe commodiorem esse probat. Utramque rationem miscendam suadet, & primum materias velut praeformatas tradere secundum cujusque vires, deinde cum profectu breviter quaedam vestigia. Postremo suis eos permittere viribus, avium exemplo, suos pullos ad volatum ita paulatim instituentium,

De

De ediscendo.

CAP. VII.

Consuetudinem sui temporis improbat, qua pueri quæ scribebant omnia ediscebant & declamabant. Id quemadmodum aliquando permittere non inutile, maxime cum aliquid politius & limatius scripserint, ita longè melius electos ex claris autoribus locos ediscere, & hanc operam in illis ponere censet, quod argumentis subjectis probat.

*An secundum sui quisque ingenii docendus
sit naturam.*

CAP. VIII.

Discrimina ingeniorum nosse, & quo quemque natura ferat, & hinc quemque maxime qui imbecillo est ingenio, secundum vim naturamque ingenii sui docere primam boni præceptoris virtutem esse dicit, liberatore autem ingenio præditum, quem oratorem fieri posse speramus, per omnia quæ oratorem perficiunt, exercendum & versandum, pancratiastæ exemplo, & phonasci, qui non uno aliquo suarum artium aut certaminum genere, reliquis omisissis, contenti in omnibus excellere student.

De officio discipulorum.

CAP. IX.

Quia parum profuerit docere, nisi discipuli se præbeant dociles: quo pacto id fieri possit, demonstrat, nimirum si pietatem in præceptores exercent, & eos tanquam amicum patres colant amantque.

De utilitate & ratione declamandi.

CAP. X.

Præexercitationes hæcenus traditæ sunt & orationum membra & reliqua se juncta: nunc corpus ipsam, declamationes judiciales & suasorias, ultimum rhetoris munus aggreditur: & primum eas ab utilitate commendat, deinde formam depingit, ostenditque quid sit earum proprium, nampe, ut veris actionibus sint quam simillimæ; quamvis pluresculum nitoris assumere permittantur. ¶ Invehitur in licentiam æque infocionis declamatorum, & quatenus poetica themata pertractanda juvenibus permitti oporteat statuit, sempe, ut uberius luxuriantes crescant, & eloquentiæ vires majores adjiciant.

An

An artis huius necessaria cognitio sit.

C A P. XI.

Naturam ad eloquentiam minime sufficere, verum artem adjungendam contendit: refellendo, & ridendo eorum ineptiam inscitiamque, qui contempta arte, naturæ & ingenii viribus gloriantes, pro tersa, culta, nitida, & ubique consona oratione hiulca, dissoluta & monstrosa utantur.

Quare ineruditi ingentiores vulgo habeantur.

C A P. XII.

Hoc caput ex superiori pendet, rationes etenim profert, quibus moti imperiti, ineruditos & artis expertes melius artificibus & eruditis dicere iudicent; quia trahant non ducant, rumpant, non solvant; effringant, non aperiant, quod illis videtur robustius. Quia divisione (quæ speciem virium minuere videtur) non utuntur: quia sine delectu, omnia dicant, unde copiosiores apparent; quia argumentis minus inhaereant; quia effusius male dicant; quia inter sordes magis emicent eorum sententiæ; quia gestu, motu & pronuntiatione impotentius se jactent; quæ tamen omnia a vera eloquentia sunt alienissima.

Quis modus sit in arte.

C A P. XIII.

Esse artem ad naturam adjungendam, contra imperitos ostendit. Nam autem quis modus in arte statui debeat (ne in hanc etiam partem anili superstitutione obstricti sumus) docet, nempe rhetorices præceptis, quæ catholica vocent, ita adhærendum esse, ut intelligamus ea pro ratione loci, temporis & personarum, pro necessitate, aut occasione (quibus tota dicendi doctrina constat) mutari. Id probat & illustrat similitudine a bonis imperatoribus, statuis, & picturis ducta: qui etiam si de acie instituenda, de statuis, & picturis faciendis ordinem certum, constitutumque habeant, de illo tamen plurima frequenter mutant, varios flexus aversionesque sequentes. Quare in omni actione duo spectanda monet, quid deceat, & quid expediat: ad quæ respicientes, artem dicendi non solis præceptis, verum multo labore, assiduo studio, varia exercitatione, pluribus experimentis, altissima prudentia, præcelsissimo consilio constare cognoscamus.

Rhetori-

Rhetorices etymon, & totius operis divisio.

C A P. XIV.

Rhetoricen non apte in Latinum sermonem transferri posse, atque ideo Græco nomine nobis utendum, quod & in multis retinendum sit, concludit. ¶ Deinde in partes, quæ rursus in alias libro tertio & quarto diducantur, dividi: nempe in artem, artificem, & opus.

Quid sit rhetorice, & quis ejus finis.

C A P. XV.

Profert varias, atque etiam inter se pugnantes veterum de rhetorica, de fine ejus & oratore, opiniones: astruentibus aliis eam esse vim persuadendi, aliis *cacotechnian*, id est, artis pravitatem, aliis vim inveniendi, aliis ducendi in id quod vellet actor, aliis scientiam circa quæstiones civiles versantem, artem aliis sed non virtutem putantibus, aliis usum solum, atque exercitationem dicendi, aliis quoque adulandi peritiam, aliis etiam oratorum & pessimum virum esse asseverantibus. Quorum omnium opiniones refellit, & rhetoricen bene dicendi scientiam: ejus finem, bene dicere, non persuadere: & oratorem virum bonum esse debere concludit.

An utilis sit rhetorice.

C A P. XVI.

Probat rhetorices esse maximam utilitatem dignitatemque. Et primum refutat eorum calumnias, qui in eam tanquam rem perniciosam invehire solent, in eam vitium conferentes, quod in homines sceleratos erat conferendum: quo etiam modo medicinam, sapientiam, magistratus, reprehensioni obnoxia fieri, subjectis exemplis & similibus docet. Deinde aliis contrariis, propriis & effectis ejus dignitatem utilitatemque colligit, quod Deus nullo magis homines separaverit a brutis, quam dicendi facultate. Et velocitate quidem, firmitate, viribus & magnitudine, a brutorum quam plurimis homines superari, esse etiam intellectum & usum rationis in quibusdam proxime ad homines accedentem; verum vim dicendi vere hominis propriam esse, qua etiam homo non solum brutis, sed aliis hominibus præstat. ¶ Addit quod nulla res plenius gratiam referat, quod ea amici delectantur, regatur Senatus populusque, exercitus quocunque ducatur, quod ea vobis etiam in communi usu positis, homines non loqui, sed tonare ac fulgurare videantur.

★★★★

An

An Rhetorice sit Ars.

C A P. XVII.

RHETORICEN artem esse probat testimoniis primum, non oratorum modo, verumetiam philosophorum: & ex comparatione aliarum artium a minori. Item sub finem capitis a definitione ejus, a pari, & effectis. In medio vero tredecim artem oppugnantium objectiones interserit, & easdem refutat: quæ sunt hujusmodi: Non esse artem, quod a natura sit, quoniam natura sola exercitatione, non etiam arte juvetur: rhetorice esse ejusmodi: ergo non esse artem. Secundo, Nihil quod ex arte fiat, ante artem fuisse: atqui orationes ante artem fuisse, ergo, &c. Tertio, Non esse artis, quod faciant, qui non didicerint: atqui orasse Æschinem & Demadem qui non didicerant: igitur, Quarto, omnes artes habere materiam, rhetorice non habere: ergo. Quinto, Nullam artem assentiri falsis opinionibus, rhetorice assentiri: ergo. Sexto, Omnes artes habere finem propositum: rhetorice non habere: ergo. Septimo, Artes scire quando finem sunt consecutæ: rhetorice nescire: ergo. Octavo, Non esse artem quæ vitis utatur, rhetorice uti: ergo. Nono, Nullam artem esse sibi contrariam: rhetorice esse contrariam: ergo. Decimo, Nullam artem destruere quod effecerit: id accidere rhetoricæ: ergo. Undecimo, Nullam artem docere dicenda & non dicenda: id accidere rhetoricæ: ergo. Duodecimo, Artes non in opinionibus esse, sed in scientia, rhetorice esse in opinionibus: ergo. Decimotertio, Nullam artem oppugnare diverso tempore quod defenderit: id accidere rhetoricæ opera: ergo. Quas omnes cavillationes refellit aut propositionem assumptionemve negando, vel distinguendo, & quod ambiguum erat, interpretando: aut conclusionem non ex præmissis sequi ostendendo.

Generalis artium divisio, & ex quibus sit rhetorica.

C A P. XVIII.

Divisionem artium facit in tria genera: unum vocat Theoreticum quod constat inspectione seu contemplatione, ut Astrologia. Alterum practicum, quod in actu consistit, ut saltatio. Tertium poeticum, quod in affectu est, & post se opus relinquit, ut pictura. ¶ Rhetorice vero maxime actu contineri, esse igitur practicam quamvis ex aliis generibus multum assumat, unde media videri possit.

Vtra plus conferat eloquentia ars, an natura.

C A P. XIX.

Consummatum oratorem fieri non posse, nisi ars cum natura judgetur, contendit: & naturam quidem, si eas distrahi oporteat, arte meliorem esse. Si etiam ex æquo adsint mediocritas utraque plus adhuc efficere naturam. Perfectos vero plus arti debere quam naturæ. Quæ similitudinibus a re rustica & statuaria sumptis illustrat.

Am

An virtus sit Rhetorice.

C A P. X X.

EX Stoicorum sententia rhetoricen illam bene dicendi scientiam (non tantum atechniam, aut mataotechniam, cacotechniamve quibus homines vel ad suam impudentiam vel stultitiam aut etiam improbitatem abstantur) virtutem esse probat quæ sibi in dicendis & non dicendis consistet, quæ prima suæ facultatis semina in optimum finem a natura trahat. ¶ Adjungit etiam argumentum a pari: & quo differat a dialectica, ex Zenone explicat. A materia quam tractat, quæ nulla est circa honestorum ac inhonestorum, justî & injusti, virtutumque omnium & vitiorum scientiam. Ab actione rhetoris, quæ frequenter inter tumultus fortitudinem desideret. A minori ex comparatione brutorum, in quibus inesse virtus dicitur. ¶ Ultimo loco objectionem de homine improbo, qui interdum ex arte dicat, solvit a simili,

Qua materia Rhetorices.

C A P. X X I.

Varias de materia Rhetorices opiniones recenset, dicentibus aliis eam orationem esse, aliis argumenta persuasibilia, quæstiones civiles aliis, aliis totam vitam, aliis propter aliquam virtutum, locum ei in Ethice assignantibus. Et concludit omnes res ad dicendum oratori subjectas, materiam rhetoricæ esse. Probat autoritate Socratis in Gorgia & Phædro, & Ciceronis in de oratore. ¶ Hinc varias objectiones solvit: multiplicem ejus esse materiam, circa quam versetur & alius, quod admittit. Nam idem fieri ostendit in minoribus artibus: in architectonice & sculptura, atque etiam in pari dialectica: de bono utili & honesto disputare, non philosophi modo, sed etiam oratoris esse. Omnium autem rerum ita deus peritum esse debere, ut cum illa ab artificibus acceperit & cognoverit, de illis longe melius ipsis artificibus dicat. Disputationem de instrumento in librum duodecesimum differt.

***** 2

M. FAB.

M. FAB. QUINCTILIANI
DE INSTITUTIONE
ORATORIA,
LIBER III.

De scriptoribus artis rhetorica.

CAP. I.



Epetit breviter summa quædam capita ex libro secundo, inde maxime unde tractatus artis incipit, & transit ad sequentem operis partem, statimque auditorem reddit attentum, a difficultate operis, propter inquisitionem diversarum opinionum, unde futurum ait ut sequentibus minus nitoris aspersurus sit, quam primis duobus libris: quos quare dicendi majore suavitate condierit, ex Lucretio respondet, ut juventutem ad cognitionem rerum utilium quidem, sed amari quiddam præ se ferentium, facilius alliceret: deinde se etiam metuere ait, ne hic liber eo minus gratus sit, quod non a se inventa contineat, qua sollicitudine contra invidiam scipsium præmunit. Et quia in nullo tanta erat diversarum opinionum congeries, quanta in hoc libro, recenset scriptores artis rhetoricæ, Græcos primum, deinde Latinos: & quo quisque affectu, & quando scripserit, prodit, post quos se operæ pretium facturum existimat, si suam sententiam adferat, quæ nulli sectæ sit addicta, sed libere de omnibus pronunciet, ut ipse electuris liberum relinquat: quod commodissimum videbitur, sequi.

Quod initium Rhetorices.

CAP. II.

Ad id quod initio præcedentis capitis promiserat, accingitur: docet Rhetoricæ principium a natura duxisse, studium & incrementum debere utilitati: perfectionem, ab arte & exercitatione esse consecutam: Artem, ut medicinam, ex longa observatione factam. ¶ Refellit etiam eos, qui curam dicendi a conditoribus urbium, aut legum autoribus cœpisse, aut a defensione potius quam ab accusatione putabant.

Quin-

Quinque esse partes Rhetoricæ.

C A P. III.

Tria hoc capite complectitur : Partitionem rhetoricæ, ordinem partium & appellationem. Partes ex quibus sermo nectitur, rebus & verbis constare, & esse numero quinque ostendit, refellens eorum sententiam, qui eas vel plures, vel pauciores fecerunt. ¶ Docet Memoriam & Actionem excludi non posse : Judicium contra & Ordinem non posse adjici, quod illud tribus primis partibus sit permixtum, ordo vero ad dispositionem referatur. In ordine partium primam esse Inventionem, secundam Dispositionem, tertiam Eloquentiam : hinc memoriam & Pronuntiationem subsequi. ¶ Ultimo loco vocandas esse partes contendit, quia totum perficiant : non opera, quia oratio opus dicatur. Non etiam elementa, quia essent solum initia quæ totum non constituerent : ostenditque quibus causis in hos errores inducti fuerint qui ita senserunt : hinc ad causarum genera transit, quæ ita rectius quam Rhetorices genera vocata esse judicat.

Tria esse genera causarum.

C A P. IV.

Genera causarum optime genera dici docuit : nunc confutatis aliorum opinionibus tria esse numero colligit : Demonstrativum, Deliberativum & Judiciale. Sed primum hanc opinionem oppugnantium argumenta profert : plura esse genera, sed hoc numero comprehensa frequentissima pro solis. Contra quos probat aliorum argumentis & suis, solum esse tria. Aliorum sic : Tot esse genera causarum quot auditorum : auditores omnes aut delectationem sequi, aut consilium capere, aut judicare vel. Ergo esse tria solum genera. Suis hoc pacto. Oratoris officium esse in judiciis, & extra. Quæ sunt extra, tempus habere præteritum, vel futurum : præterita laudari, futura in deliberationem cadere ; Ergo solum esse tria genera. ¶ Et rursus, Oratori certa esse omnia, aut dubia ; certa laudari aut vituperari ; dubia autem in deliberationem, aut in iudicium cadere. ¶ Recenset diversas multorum partitiones : & Platonem duobus aliis tertium genus prosomileticon (quod & dialecticon dicimus) adiecisse, cujus vis a Dialectica sit, in quo quæramus quid sit res, quæ partes ejus, quæ causæ, &c. Atque ad extremum omnia reduci ad illa tria, demonstrativum, deliberativum, & judiciale, concludit. Et demonstrativum vocari a meliore parte laudativum, quorum utrumque a Græcis profluxisse poterit, qui encomiasticum & epideicticum dicant, in Latina interpretatione malimus esse contenti, cum qui laudatur, prægi & demonstrari videatur. Ubi breviter, quo differat epideicticum ab encomiastico, docet. ¶ Ad finem eos improbat qui honestum finem laudativi ; utile, deliberativi ; æquum judicialis pronuntiarent, cum sint illi omnium generum communes.

***** 3

Quibus

C A P. V.

Quia locutus est de tribus generibus, & sequitur tractatio de statibus orationis, officia & quaestionum diversitatem explicat, & praecedentes causas ex quibus nascitur, repetit. Omnem enim orationem rebus & verbis constare tradit. Facultatem orandi, natura, arte (cui subijcitur imitatio) & exercitatione consummari. Tria esse quae praestet orator, ut doceat, delectet, moveat: quae non semper in omnem orationem cadant. Alia esse quae probationem desiderent, alia quae non desiderent; contra Celsum, qui oratorem solum de incertis dicere voluit. § Alias quaestiones esse in scripto, de jure: alias de non scripto, in re. Et omnes esse aut finitas, certis personis, locis & temporibus inclusas, quae Hypotheses dicantur: aut separatas ab omnibus circumstantiis, quae Theses vocentur, ad quas disputando hypotheses reducuntur. Et quaedam esse quaestiones inter theses & hypotheses medias: thesesque non minus ad oratorem pertinere, quam hypotheses: illasque a Cicerone scientia & actione distingui. Prius, trium generum esse, An sit, Quid sit. Quale sit: Sequens duorum: quomodo adipiscamur. Quomodo utamur: eisdemque status in theses cadere, qui in hypotheses. Et alias esse in rebus ipsis, alias ad aliud referri. § Postremo hypotheseos refert multa nomina, & varias secundum diversos finitiones.

*Quid sit status: unde ducatur: reus an actor eum
faciat: quot & qui sint.*

C A P. V I.

Quia nulla causa nisi prius cognito ejus statu tractari potest: antequam causarum genera sigillatim describat, quorum capite superiori facta fuerat mentio; tractationem statuum, qui in quoque genere causarum sunt, aggreditur. quam omnem in tria capita summa diducit. Quid sit status, Unde dicatur, Quot & qui sint. Et priusquam statum definiat, nominis diversam appellationem (quae obscuritatem gignere poterat) attingit. Inde qui statum primam causarum consiictionem definiunt, recte sensisse, sed non satis elocutos ait; cum potius id quod ex prima causarum consiictione nascitur statum dici oporteat. Et hanc consiictionem aut quaestionem non quamvis, quae vel primo loco ponatur; aut extrinsecus adducatur, statum vobrandum; sed quae sit causarum propria, de qua iudici sententia dicenda sit. Et simplices quidem causas uno statu contentas esse, multiplices vero tot status habere, quot quaestiones. Statum ergo recte dici concludit id, quod in causa sit potentissimum, in quo causa stet, & maxime tota res vertatur: quod ut primum cogitandum sit, ita non primum exequendum, § Adfert & aliam quorundam

dam definitionem, statum esse primam depulsionem ejus cum quo agitur. Ex qua nova quaestio oritur, quod secundum est partitionis jam factae membrum: Unde status ducatur: & utrum statum semper faciat qui respondet. Et primum Celsum refutat, qui semper statum nasci voluit ab eo qui suam propositionem confirmaret: quod falsum esse ostendit: & eum quidem in conjecturalibus causis ex propositione nasci videri posse, quia magis conjectura utatur qui agit: alioqui ex depulsionem colligi, quae modo a reo, modo etiam ab actore fiat. Ab actore, ut in qualitate, cum reus dicit se jure occidisse insidiatorem: si neget actor insidiatorem fuisse, depellit, ex quo nascitur status. Ergo ab utroque nasci, sed per depulsionem quam latentia praecedat.

¶ Tertio loco, qui hujus divisionis ultimus est, quot & qui status sint, docet. Profert varietatem opinionum de numero statuum, obiterque decem elementa (quae nos praedicamenta dicimus) ab Aristotele constituta attingit, Essentiam, Qualitatem, Quantitatem, Ad aliquid, Ubi, Quando, Facere, Pati, Habere, Compositum esse. Ex quibus quatuor prima ad status, reliqua ad quosdam locos argumentorum pertinere videantur. Quae tamen alii novem solum numero posuerint, Personam, Locum, Tempus, Opportunitatem, Actum, Numesum, Causam, Modum, Occasionem. Sed haec sibi non placere, quia nec status omnes, nec argumentorum loci his elementis contineri possint. Deinde qui solum qualitatis statum aut conjecturam fecerint: & conjecturam a directione quadam rationis ad veritatem, dictam ostendit. ¶ Hinc qui duos, qui tres, quatuor, quinque, sex, septem, octo, & qua diversitate tradiderint: quique rursus omnes ad duo capita redegerint: nempe ut dicerent alios esse rationales, alios legales: & in rationalibus, ut Hermagoras, negotialem posuerint, tum quid Negotialis status sit, & quo pacto Cicero in Rhetoricis praeceptores secutus, non satis apta quaedam de eo tradiderit: Utque Hermagoras primum translationem addiderit, & legalem statum in quatuor partiti sit, in scriptum & sententiam, in ratiocinationem, ambiguitatem, & leges contrarias, subiungit. Quae opinionum varietate de statibus prolata & commemorata, suam sententiam interponit, excusata prius & mutata quam usque ad illa tempora eadem de re habuerat: seque Ciceronis & Hippocratis exemplo tuetur, quos non puduerit male scripta retractare, & editos libros aliis postea scriptis damnare. Ergo & de statibus ita olim sensisse ait, ut rationales tres status faceret, conjecturam, finitionem, & qualitatem: unum legalem, quem in quinque partes subdivideret, & scripti & voluntatis, legum contrariarum, collectivum, ambiguitatis, & translationis. Verum post aliquanto sanius eandem partitionem fecisse. Primum, legalem non statum, sed quaestionis genus vocasse, & e quinque specialibus sub legali comprehensis, translationem removisse: quia etiam si personae, tempora, & actiones transferantur; non sit tamen in translatione quaestio, sed in eo propter quod transferantur: ita si scripto mixtur, succedere legitimis quaestionibus, si causa extrinsecus allata, statibus rationalibus. ¶ Addit etiam errare eos qui translationem accipiunt pro translatione. Et tandem suam ex Ciceronis autoritate de statibus sententiam pronunciat. Tria esse quae in omni disputatione quaerantur. An sit, quid sit, quale sit. Et idcirco tres solum status esse, finitionem, conjecturam, & qualitatem, quibus quaestiones finitae & infinitae contineantur. Neque enim quidquam esse in rationali parte vel in legali, quod non his tribus explicetur,

plicetur, extra quos nihil quærendum sit. Attamen rudes instituentibus, non inutilem fore rationem latius fusam, ut doceamus quadruplicem in jure rationem esse defendendi: aut factum negando, aut nomen facti; aut jure defendendo; aut si nos hæc omnia deficiant, ad actionem aut translationem, ut aliquo juris adjutorio elabi possimus, confugiendo. Tradit insuper in causis simplicibus unicū tantum statum, sed plures quæstiones; in conjunctis vero plures status vel ejusdem vel etiam diversi generis esse posse; quod subjectis e jure pluribus exemplis patefacit. ¶ Postremo causæ, judicationis, continentis tractationem, capite de judicialibus causis, quia in eo genere potissimum existant, promittit.

De demonstrativo, quod constat laude & vituperatione.

C A P. VII.

PROPOSITIS tribus causarum generibus, a Demonstrativo (quod dignitate & facilitate cætera præcedit) orditur. Id ab Aristotele a parte negotiali remotum esse ait, & ad solam delectationem translatus: at Romæ etiam forensibus negotiis insertum, & ex publico officio vel senatusconsulto magistratibus sæpe demandari solitum. Esse tamen quasdam materias concedit ad solam delectationem comparatas: ut laudes decorum quæ certæ sunt: quæ ut non desiderant probationem, quemadmodum quæ negotiis adhibentur, speciem tamen aliquam probationis habeant: ut si quis ad probandam divinitatem Romuli, adferat, quod projectus in profluentem non potuerit extingui. ¶ Ornare & amplificare, laudis proprium esse ostendit, & laudari primum deos, deinde homines, bruta quoque animantia: & carentia anima: ut urbes, flumina. Facta quoque, & dicta, & res omnis generis, ut mortem, & somnium. Tum quomodo quæque laudanda sint, singillatim fusissime docet; hoc tamen unum ex arte admonet, habendam esse loci ubi quis laudet aut vituperet, magnam discretionem, cum non iidem sint apud omnes mores, & persuasio publice recepta, diversa. ¶ Postremo circa solam qualitatis quæstionem, non versari hoc genus: atque in illud omnes status cadere posse, quamvis maxime qualitate contineatur, concludit.

De Suasoria, seu Deliberativa, & Protopæia.

C A P. VIII.

SUASORIÆ finem solum non esse utilitatem contendit, & meptem eorum qui hoc genus ita finierunt, interpretatur: docetque apud imperitos, aliquando honestum ab utili separandum, quod apud sapientes nullo modo fiat. Ejus esse duas partes, suadendi & dissuadendi, quarum utraque vel privata sit, vel publica. Proœmio, quale est in judicialibus, non egere, maxime si privata sit, publicam vero esse liberiores: brevior tamen, & velut quodam capite

capite & initio contentam. ¶ Narrationem in privata non esse necessariam; extrinsecus tamen posse multa narrari. In concionibus esse illam sæpe necessariam ad affectus movendos, quæ ordine rei docet. ¶ Tria esse in suaforis spectanda. Quid sit de quo deliberetur: Qui sint qui deliberent: Quis sit qui suadeat. Rem de qua deliberatur, certum esse fieri posse, aut non posse. Si incertum, ductu duplici pugnandum: primum qualitate, si fieri posset, faciendum non esse: deinde conjectura, quæ potentissima est, fieri non posse. Omnia consultari aut propter ipsa, aut propter aliud. Propter ipsa, an militi stipendium constitui oporteat. Propter aliud, an Romani Fabios dedant Gallis bellum minitantibus. Partes suadendi honestum, utile, (sub quo necessarium) & possibile: ad quæ fas, justum, pium, magnum, facile, æquum, referantur, quæ in omnem consultationem non cadant. Omnem consultationem esse de dubiis. Nullam esse consultationem de sola iucunditate. Utilitatem aliquando collidi cum honestate, & contra, periculaque majora minoribus opponi. Utilia etiam ipsa inter se nonnunquam comparari. Videndum esse diligenter, quid consequuturi simus, & per quid: ut commoda & incommoda inter se conferamus. Personam aut deliberantium, aut nostram, diligenter spectandam, nam in consiliis auctoritatem valere plurimum, ut etiam exempla & experimenta. Consultare aut plures, aut singulos: Plures, aut senatum, aut populum: aut Romanos, aut Fidenates: Singulos, aut Catonem, aut Marium, aut Scipionem, aut senem, aut juvenem: quorum omnium maxima sit habenda ratio. Turpibus honesta aliquando suaderi, & quo pacto: contra, bonis parum decora. Ita tamen inhonesta suadenda esse, quasi honesta non sint: nam turpibus colorem esse dandum. In persona suadentis multum referre, qui, qua vita, genere, ætate fortuna: providendumque esse, ne quæ dicuntur, ab eo dissentiant, qui suadet: quod factu non est facile, unde fit ut Prosopopœiæ sint difficillimæ, in quibus ad reliquum suaforis laborem personæ difficultas accedat. ¶ In scholis etiam materias fingi ad deliberandum, ex genere judiciali & suaforio commixtas, judicialibus similiore quam suafionibus: ut consultatio de pœna Theodoti apud Cajum Cæsarem. ¶ Ultimo loco inventionis & dispositionis suaforis tractata, quæ illi elocutio conveniat, præscribit. Graviter primum declamatores accusat, qui dicendi genus in totum diversum in hoc a judiciali putabant, abrupta initia, concitatam orationem, breviter & verborum magnificientiam illi tribuentes. Exordia ut non sint tam longa; negat tamen abrupta esse oportere: nec orationem torrentem & concitatam admittit, cum moderatione consilia maxime consent: magnificientiam non affectari, sed contingere, quia res gravissimæ in suaforias incident. ¶ Porro breviter, & aliquanto majorem inesse, propterea quod quæstio simplicior sit, & membra habeat pauciora, ergo illis ut judicialibus accommodandam secundum conditionem ipsius quæ tractabitur rei, dicendi rationem jubet.

De partibus causarum judicialium.

C A P. I X.

Perit ad tertium genus omnium difficillimum, quod officiis duobus consistat intensionis & depulsionis, & partibus quinque ait, Procemio, Narratione, Probatione, Refutatione, & Conclusionem. Repudiat eos qui Partitionem

tionem, Propositionem, & Excessum adiciebant: quarum duæ priores sub confirmatione contineantur. Excessum vero, si in causa sit, esse adjutorium aut ornamentum partis ex qua egreditur: sin extra causam sit, non esse partem causæ. Refutationem inter partes retinet. Nec ut quidque primum dicendum, ita primum cogitandum. Ergo ante omnia intuendum, quod genus causæ, qui sit status, quid prosit, quid noceat, quomodo confirmandum & confutandum. Deinde quomodo narrandum. Postremo quo pacto exordio & peroratione sit conciliandus iudex. Hoc igitur ordine inspiciendam materiam esse, sed scribendam eo quo apud iudicem dicimus,

De generibus Iudicialium controversiarum.

C A P. X.

GENUS Judiciale dixit esse multiplex: illud jam in species dividit: primam simplicem, secundam conjunctam vocat, quæ etiam dividatur bifariam, aut esse unius generis, ut Repetundarum. Aut plurium, ut furti, & homicidii: quibus tertium genus adjicit comparativum, ad quod divinationem & mutuas accusationes, quæ Anticatigoriz dicuntur, posse reduci ait: quarum duo sint genera: unum quo litigatores idem crimen invicem intentant: alterum quo diversa. Postremo, genere causæ cognito, statum diligenter inspiciendum monet.

Quid sit Quæstio, Ratio, Iudicatio, Continens, & Quatenus necessaria.

C A P. XI.

GENUS causæ & statum intuenda præcepit, nunc ut omne dubium discutiat circa hunc, Hermagoræ, & quorundam aliorum affectatam subtilitatem, & in particulas minutas concisam, reprehendit: qui Quæstionem, Rationem, Continens seu Firmamentum, & Judicationem, diversas ante statum particulas statuebant. Ostendit quid extra judicia quæstio significet, & duplicem ejus in judiciis acceptionem, tum quid per reliqua quæ statum præcedunt, significari autores velint. Veriusque multo & simplicius locutos affirmat, qui illa omnia idem esse voluerunt; cum absurdissimum videatur, corpus orationis in parva momenta & minutas partes concidendo consumere, quorum cognitio supervacua futura sit, siquid in controversiam veniat, quid in eo & per quid velit efficere adversarius, quidque nos sumus diligenter intuiti.

M. FAB.




M. FAB. QUINCTILIANI DE INSTITUTIONE

ORATORIA,

LIBER IV.

PROOEMIUM.

 Ac præfatione, Poetarum more, deos in auxilium invocat, & Domitiani numen, quod ad benevolentiam ejus emerendam non parum facit: cujus rei causam duplicem assignat: & quia ejus expectationi judicioque gravissimo respondendum erat, qui sororis suæ filios instituendos sibi tradidisset: & quia quæ sequuntur, præcedentibus sunt longe difficiliora, quo posteriore sibi attentionem parat. Et quæ sint proponit, ordo causarum judicialium, officium exordii, narrandi, confirmandi & confutandi ratio, vis perorationis, quæ vel movendis affectibus, vel reficienda brevi repetitione memoria consistit.

De Exordio.

CAP. I.

IN Oratoris operè, id est, oratione primum locum Proœmium obtinet, circa quod hæc consideranda dicit: Quid proœmium, Quot ejus species, Quando insinuatione utendum, Quæ causa proœmii, Quis usus, Quæ propria, & quomodo præsentur, Quæ varietas singulorum generum, Quæ in eo intuenda, & Quod optimum, Quæ ejus figuræ, habitus & elocutio, & Quando non est ejus usus, Quæ vitiosa exordia, Qualis eorum finis. ¶ Proœmium significantius a Græcis dictum quam a Latinis, ex ejus etymologia: & esse id quod apud judicem dici priusquam causam cognoverit, profit, demonstrat. Ejus esse duas species principium, & insinuationem. Cujus tria sunt tempora: Unum, quando frons causæ parum honesta est. Secundum, quando dicendum est apud fatigatos. Tertium, cum adversarii actio judicem animos occupaverit. Proœmii usum & officia, attentos, dociles & benevolos reddere. Benevolentiam vero duci a personis, rebus; & adjunctis

***** 2

utrique

utriusque. A personis quinque modis. Actoris, patroni, litigatoris, rei, & iudicis. Actoris, ductum officio cognitionis, amicitiae, reipub. vel magni exempli venisse ad agendum dicendo, non avaritia vel ambitione, aut odio, nec contumeliose vel in personam vel in ordinem quenquam agendo. Patroni, eloquentiam actoris & gratiam timere simulando, cum honore, aut etiam per contumeliam suspectam reddendo. Litigatoris, ejus dignitatem allegando, aut infirmitatem commendando, aut sexum, aetatem, conditionemve, ex quibus moveatur misratio, proferendo. Rei, invidiam, si potens sit: contemptum, si vilis & abiectus: odium, si nocens aut turpis, ei conflando. Iudicis, cum modeste & ad causam accommodate laudando, opinionem domo allatam confirmando, vel detrahendo, metum amovendo vel adhibendo. A causa aliqua in usum principii quae maxime favorabilia videbuntur decerpendo, & augendo: contraria repeliendo & minuendo, miserationem ab infelici nostro exitu, & superbo adversarii si vincamur, movendo. Ab iis quae personis adjuncta sunt, liberos, parentes, propinquitates, amicitias, rogationes, civitates, proferendo. Ab adjunctis causae, locum, tempus, habitum, expectationem vulgi, actionem proponendo: optando, abominando, rogando, sollicitum agendo. Attentionem parari, res novas, atroces, magnas, ad exemplum, vel ad ipsos iudices pertinentes, neque diu nos moraturos, neque extra causam dicturos, promittendo: & in his etiam optando, abominando, rogando, sollicitum agendo. Dociles fieri, ut in attentione, neque diu nos moraturos, neque extra causam dicturos, promittendo, summamque causae breviter & dilucide indicando. Quae omnia quemadmodum in una oratione nonnunquam praestanda sint, ita in omnibus locum non habere: cum sint quae benevolentiam, alia quae docilitatem & attentionem desiderent. Quocirca genera causarum, pro quorum varietate aliud atque aliud praestandum est, esse cognoscenda: quae plurimi quinque fecerint, honestum, humile, dubium vel anceps, admirabile, obscurum: nam turpe sub humili vel admirabili comprehendendi, & in ancipiti quidem iudicem maxime benevolum reddi oportere, in obscuro docilem, in humili attentum, in admirabili & turpi remediis per insinuationem opus esse: ut si persona laboremus, ad causam: si causa, ad personam confugiamus: si his destituamur, quod adversarium laedat quaeramus: aut si fatigati sunt, urbanitate opportuna animum reficiamus, aut si persuasit illis adversarius, nostras probationes promittendo, adversas eluamus.

¶ Invehitur in declinatores qui plura esse tribus supra nominatis exordii munera volebant, quae omnia in haec tria recidere ostendit. Hinc generalem de exordii ratione praeeptionem tradit, ut in eo intueamur, quid, apud quem, pro quo, contra quem, quo tempore, quo loco, qua vulgi fama, quo rerum statu, qua iudicis opinione sit dicendum. Laudatissima esse exordia demonstrat quae ab actione partis adversae materiam trahant: quia suspecta non sint quasi domi meditata. Elocutionis item & actionis genus exordio convenire maxime, in quo erunt omnia mediocria & modesta, sententiae, vox, vultus, compositio, a quo aberit verbum omne insolens, audacius translatum, ab obsoleta vetustate repetitum, a poetica licentia sumptum, quodque argumentum nimis, ut est confirmatio: nec prorsus sine argumentationibus, ut est narratio: neque luxu nimis diffuens, ut sunt perorationis loci: sed quod medium quiddam inter haec omnia obtinebit, in quo turbare memoria sit longe turpissimum futurum. Breve aut longum esse debere prout causa erit perplexa.

pleta, infamis, vel longa, aut contra. Figurari nonnunquam his schematibus posse, occupatione, apostrophe, prosopopœia loquentis. Ejus usum non esse, cum iudex est satis præparatus, aut quando non indiget præparatione, cum est nonnunquam occupatus, cum angusta sunt tempora, cum major potestas ab ipsa re incipere cogit. ¶ Exordia vitiosa recenset, vulgare, commune, commutabile, separatum, translatum, longum. Postremo exordium etiam in aliis partibus esse, & ejus finem cum sequenti orationis parte commodissime connectendum præcipit.

De Narratione.

CAP. II.

Constituto ad audiendum per exordium iudice, locum habet Narratio; per quam quid in controversiam veniat, cognoscit. Circa quam hæc præcipue tangit; Quid narratio, quæ ejus propria, quæ partes: an exordium semper subjungatur: an semper necessaria: qui sit narrationis ordo: quomodo in fidei narrationibus color veritatis tuendus sit, & quot illæ sint: quæ virtutes narrationis, aut quæ vitia, & quæ elocutio: quale initium, & finis. Narrationem esse rei factæ, vel non factæ, utilem ad persuadendum expositionem definit. ¶ Narrationis tria esse propria: ut dilucida, brevis, & verisimilis. Dilucidam fore, si verbis propriis & significantibus exponatur: non sordidis, non nimis exquisitis: si locis, temporibus, personis, & causis distinguatur: si rebus consentiat pronuntiatio. Brevem, si inde cœperimus, unde ad iudicem pertinet: si supervacua reciderimus: si partitione utamur: si nimiam brevitatem, quæ obscuritatem parit, vitaverimus: si in longis brevi interfectione & commonitione utamur. Credibilem, si omnia convenientia personis, locis, temporibus, naturæ, consuetudini, hominum opinionibus, & causis rationesque factis consentaneas protulerimus: si argumentorum semina per totam narrationem sparserimus: si verbis vulgaribus & communibus, callida simplicitatis imitatione fuerimus usi. ¶ Narrationem in judiciis duplicem esse tradit: unam ipsius causæ, alteram rerum ad causam pertinentium. hanc locum habere ubi factum negatur, & longam etiam esse circa argumenta criminis, de antea vita, de causis propter quas innocens in periculum deducatur, aliisque, quibus quod obijcitur, incredibile fiat. Id Ulyssis a Teucro accusati exemplo apertius reddit. Hinc repetundarum & ambitus causas, tot narrationes, quot obijciantur crimina, habere posse. ¶ Subjungit & alias, non ipsius causæ, sed ad causam pertinentes: quarum aliæ exempli causa fiant; aliæ excutiendi alicujus extrinsecus criminis: aliæ augendi. Fictas etiam introduci monet, vel ad concitandos iudices, vel ad recreandos aliqua urbanitate: interdum etiam per digressionem, decoris gratia. Quibus duabus formis contentus, aliarum plura genera facientium, ut personæ, loci, temporis, casus, &c. nimis subtiles divisiones non recipit. Narrationem ordine naturali exordio subjungendam asserit. Id tamen interdum conditione causæ mutari, ut si præjudiciis gravemur, ut in causa Milonis: aut multis ante actæ viæ criminibus oneremur, ut in causa Cælii, quæ prius amolienda sunt, quam ad causam accedamus. Non esse semper narrandum contendit, cum

causæ tam breves sunt, ut propositionem potius habeant, quam narrationem: aut cum iudici omnia sunt cognita, maxime ut nobis expedit. ¶ Adferre & alia actoris vel patroni propria tempora. Si narratio contra nos erit, non prætermittenda (ut quidam volebant) sed extenuanda, melius interpretanda, aliis causis præmunienda, quæ contra nos faciant, contendit: quod quo pacto in tribus statibus faciendum sit, conjectura, finitione & qualitate, fusissime docet. Quod si mixta erit, partem quæ pro nobis facit, prius esse tractandam, deinde adversus reliqua remediis utendum. Si plura erunt quæ profunt, in mediis tanquam auxiliis ponenda, quæ obstant, minus virium sic habitura. Narrationis ordinem esse, ut quo pacto quid gestum est, sic a nobis commemoretur: nisi, ut ordinem invertamus, magis expediet: nam pro re & tempore intuenda varia quæ prosint: quod pluribus figuris fieri potest: simulando excidisse, quod utiliore loco reducatur: aut exposita re, causas quæ antecesserunt, subjungendo. Circa narrationes fictas (quarum genus unum instrumentis adjuvetur, alterum dicentis ingenio tuendum sit) curandum primum, ut quod fingitur, fieri possit: ut loco, personæ, tempori, conveniat; & rationem credibilem, ordinemque habeat: ne qua inter se pugnent, & ea fingenda, quæ non possint refutari per testes. Item quæ a defunctis, vel ab eo cui expediet, vel ab adversario, cui neganti nemo lubens credet. ¶ Vitiola esse in narratione, excursum, apostrophem, prosopopœiam, argumentationes; quæ tamen ratione cogente, in eadem virtutum obtinent locum; præter argumentationes, quæ ab hoc loco sunt alienæ. ¶ Elocutionem quantum res patitur, debere excultam esse, omnique venere exornatam, & verbis quasi sensu tinctis, id est, sententiæ cuiusdam aut argumenti admonentibus distinctam, ad rem tamen accommodatam, ut parva presse, gravia atrociter, tristia miserabiliter dicamus: ad quod plurimum conducet, quæ res quasi ante oculos ponit hypotyposis, & narrantis autoritas, quæ & bona vita & sancto orationis genere paretur. ¶ Narrationis initium esse a persona, vel a re: & personam poni interdum cum suis accidentibus, interdum sine his. Finem eius perducere eo posse, unde quæstio oritur, maxime a petitore; nam a defensore non semper item.

De Egressionem.

CAP. III.

An tequam ad Confirmationem veniat, quæ Narrationem sequi debet, a quorundam refellit opiniones, qui inter has Egressionem vel Partitionem, vel Propositionem tanquam partes & semper necessarias, collocabant. Egressionem hoc capite tractat: cui locum non esse necessarium inter Confirmationem & Narrationem, docet: Narrationi tamen, & quæstionibus vel universis, vel singulis opportune aliquando subjungi, cum res postulat, aut permittit. Opus ea esse, cum Narratio nullam dubitationem habens, circa finem atrox, velut spiritu erumpente indignatione, prosequenda est. Quando etiam post merita commemorata invelhi volumus ut in ingratos. Item quando aliquid asperum, quod tueri volumus, præparatione aliqua præmolendum erit. Hinc quid Egressio, & quam late pateat, demonstrat.

De

De Propositione.

C A P. IV.

Propositionem duplicem esse docet: Unam quæ principalem quæstionem continet: alteram, quæ singulis argumentationibus præponitur. Usus ejus, ut causa sit & dilucidior, & magis moveat. Ea non esse semper opus: nempe, quando narratio ibi finem habet, ubi initium quæstio: quo sit, ut quædam summa collectio expositioni, vel commonitio quædam judicis subjungatur. ¶ Aliam etiam divisionem propositionum facit, alias esse simplices, duplices alias, alias multiplices: & quo pacto hæc a partitionibus differant, alias item nudas, alias ratione subjectas, alias etiam utriusque intentione constantes: ut ego illud, hoc adversarius.

De partitione.

C A P. V.

Partitionem finit, & quando ea utendum non sit; & contra: & quibus ex causis, qui sit ejus modus, lex & officia, docet. Proponit primum duas quorundam causas partitionem vetantium, item aliorum ultra tres propositiones extendi prohibentium, quas non approbat. Demum suas profert, propter quas aliquando partitione supersedere possimus. Primum, quia plurimque gratiora sint inventa subito, quam ante prævisa. Quia judex interdum fallendus sit, cum propositio nimis est dura: quod facile sit partitionem omittendo. Quia congesta simul fortiora sint nostra, quam partitione disjuncta. Nam in partitione si sit aliquid potentissimum (quod fere fit) reliqua sint supervacua. Inde exempla recte & secus factæ partitionis a Cicerone proponit. Duplicem pugnandi ductum addit: per qualitatem primum, deinde per conjecturam, hoc pacto: Si feci, recte feci: sed non feci. Quem, quoties nostra negatio non erit satis potens, ut non stare possimus: aut etiam post rem confirmatam ex abundanti, Ciceronis pro Milone exemplo permittit; & quomodo durior partitio sit tractanda, & quibus figuris, adjungit. ¶ Porro ejus usum necessarium esse, cum plura vel obijcienda vel diluenda sunt, atque utilem & jucundam fore, ut causa lucidior fiat, & judex certo singularum partium fine reficiatur. Modum autem ejus esse, ut non nimis concisa & velut articulosa sit, cui frustra minuta plurimum autoritatis detrahant. Legem, ut sit lucida, aperta, brevis, nec ullo supervacuo onerata verbo: ne quid in ea desit: ne quid supersit: ne in species partiamur, quod in genere partiri sit satis, aut contra. Officia, ut quid sit de quo conveniat, quid de quo ambigatur, proponat: in quo ut quidque propositum erit, ita tractandum.

M. FAB.



M. FABII. QUINCTILIANI

DE INSTITUTIONE

ORATORIA,

LIBER V.

PROOEMIUM.



Trentos hac præfatione reddit: docet enim, quam sit necessaria probationum tractatio ad confirmandum, & confutandum, quia sine probatione nulla controversia sit: cum omnium aliarum partium aliqua semper abesse possit. Addit alias causas, quia ad hanc partem omnia alia tendant: quæ intueri, nisi huc perveniamus, supervacuum sit. Quorundam opiniones leviter attingit: quorum alii docere, unicum Oratoris officium, alii tria, sed docere præcipuum dictabant: quorum utrique huic parti, plurimum tribuant.

De probationum divisione.

C A P. I.

Quia finitio Probationum cognita est, divisionem aggreditur in artificiales & inartificiales: quæ ut arte non inveniantur, magnis tamen eloquentiæ viribus tractandæ sunt. Tum species earum enumerat.

De Præjudiciis.

C A P. II.

Præjudicia in tres species dividit: quas finitione & subjectis exemplis manifestas reddit. Confirmari autem eas ostendit similitudine rerum de quibus quæritur, & judicium autoritate. Refelli vero, dissimilitudinem ostendendo, negligentiam actorum inculcando, de personarum contra quas judicatum est, infirmitate, de testium corruptione aut judicium culpa (si manifesta est) conquerendo; aut judicium posterius priori opponendo,

aut

sut ſi his omnibus deſtituamur, ad locum communem confugiendo. Multas, prejudiciorum cauſas ad inique pronunciandum valere: quod manifeſtum, ſciant Rutiliidamnatio, Catilinæ & Clodii abſolutio.

De Rumore & Fama.

C A P. III.

CONTRA famam, aut pro ea, ſtatu finitivo litigantium utrique contendendum: Et finitiones diverſas, exemplis in utramque partem confirmandas eſſe monet.

De Tormentis.

C A P. IV.

CIRCA tormenta, generalia quædam & ſpecialia tangit. Primum ut in fama, diverſam tormentorum deſcriptionem ex accidentibus in utramque partem generaliter adferri docet. Hinc propria conſiderari, quis, quem poſtulet aut offerat; in quem, ex qua cauſa, quo quaſitore, &c. quæ varie in, utramque partem tractari poſſint.

De Tabulis.

C A P. V.

DOCEAT circa tabulas dupliciter peccari, aut fraude ſignatorum, aut ignorantia; & hoc genus poſtremum refelli, aliud etiam accuſari. Tum unde argumenta ad tabulas refellendas trahantur, & quam varie, explicat.

De Invejurando.

C A P. VI.

IURISIVRANDI formas quatuor deſcribit: oblationem ſui, recuſationem alieni; delationem aut exactionem alieni, aut recuſationem ſui, & quod pacto ſingulæ quæque tractandæ ſint. Præterea ex ſententia ſeniorum quos puer audierat, juſſurandum non eſſe facile deferendum alteri: Nec optionem judicis adverſario permittendam, neque ex advocatis partis adverſæ judicem eligendum præcipit.

De Teſtibus.

C A P. VII.

TESTIMONIA primum aut divina eſſe aut humana tradit: & divina duobus modis tractari, generaliter & ſpecialiter: de quibus ad finem capituli loquitur, ubi varias eorum ſpecies enumerat. Humanorum ſicri alia per tabu-

tabulas, aliæ a præsentibus. Tabularum aut refellendarum, aut confirmandarum rationem, quia sit facilior, primo loco explicat; deinde ad testes præfentes aggreditur: eosque dupliciter aut defendi, aut oppugnari posse, vel actione perpetua, vel interrogatione concisa, ostendit. In actionibus tribus modis. Primo locis communibus in utramque partem pro testibus, & contra, generaliter. Secundo specialiter, ita tamen, ut multos invadamus: Ut si Græcorum testimonia eleves, aut eorum qui in causis repetendarum se reo numerasse pecunias dicunt. Tercio adversus singulos: quod genus vel orationi permixtum est, vel separatim editum: ut in Vatinius. ¶ His peractis ad modum interrogandi accingitur: & testium duo facit genera, unum voluntariorum, aliud quibus lege testimonium denunciatur: quorum alii cupidi sint reo nocendi, alii verum inviti dicturi: quod interim accusatori vel cognitum sit, vel incognitum. Quæ omnia quomodo varie ab accusatore & patrono versanda sint & pertractanda, non minus docte quam suse explicat. In testibus tamen interrogandis testem probe nosse præcipuum esse monet, ut pro sua natura, quo volumus facile perducatur: Atque omnem interrogationem esse aut in causa, aut extra causam docet. In causa rem altius repetendo, unde nihil suspecti sit, per Socraticam inductionem extorquendum etiam ab invitis, quod nobis prodest. Extra causam de vita testium, de amicitia aut inimicitia cum reo, & cæteris hujusmodi interrogandum; ex quibus vel lædendi cupiditas, vel mendacium deprehendi possit. Interrogationis hanc legem esse addit, ut sit circumspecta, ut verbis quam maxime e medio sumptis constet. Porro testes cum tabulis absentium collidi, argumenta quoque cum testibus, & testes cum alijs testibus. Postremo voces per vinum, somnium, dementiam, vel a parvulis emissas, ad confirmationem aut destructionem sui magnam Oratoris industriam in utramvis partem exigere, & testimonia desiderata, ubi cætera desint, ut pro Cluentio, plurimum varium habere demonstrat.

De probatione artificiali.

C A P. VIII.

ABSOLUTIS argumentationibus inartificialibus artificiales aggressurus, in eos invehitur qui locis communibus, & iis solis quæ ad delectandum & movendos affectus pertinent, delinunt, argumentorum tractationem tanquam asperam refugiunt; cum delectatio & affectuum commotio parum prosint, nisi prius argumentatione doceamus. ¶ Deinde generales quasdam probationum divisiones facit, alias in rebus esse, alias in personis: alias per se inspicere, alias ad aliud referri: alias ab antecedentibus, ex consequentibus alias: alias etiam ex pugnantibus, quæ vel ex præterito tempore, vel ex præsentem vel ex futuro petantur. Rursus alias esse necessarias, credibiles alias, alias non repugnantes. ¶ Postremo propositionum hypotheticarum species quatuor enumerat.

De Signis.

C A P. I X.

Artificiales probationes in tres species dividit, Signa, Argumenta, & Exempla. Quare signa ab argumentis separet, duplicem causam assignat. Primam, quia signa ad probationes artificiales propius quam ad argumenta accedant. Secundam, quia si certa sint, argumenta non sint, quia non sit ibi quaestio: si dubia, aliis egeant ad confirmationem sui & quare neutro modo sint argumenta. Verum haec posterior ratio doctis non probatur. § Signa dividit in necessaria & verisimilia. Necessaria definit esse, quae se habere aliter non possunt: quorum aliqua recurrant in contrarium, ut spirare & vivere: alia non, ut moveri & ingredi. Verisimilia definit esse, quae sola ad tollendam dubitationem non sufficiant, sed adjuncta ceteris plurimum valeant, ut sanguis, adjunctis inimicitis & minis ad probandam eadem. Hermagoram non probat, qui adjuncta sub hac signa retulit. Et signum generaliter definit id esse, quod ex eo de quo quaeritur nuntium, sub oculis venit. Et quomodo prognostica ad signa reduci queant, ostendit.

De Argumentis.

C A P. X.

Post signa Argumenta aggreditur, quorum nomine Enthymemata, Epicheremata, & Apodixes complectitur, quorum omnium varia significata & diversas acceptiones apud Graecos esse ostendit, ipse vero quid per illa intelligi velit, explicat; nempe per enthymema rhetoricum syllogismum imperfectum, ex consequentibus proprie vel repugnantibus. per epichere-
ma ratiocinationem rhetoricam syllogismo affinem. per apodixin evidentem probationem demonstrantibus aptam. per argumentum rationem probationem praestantem, qua per aliud colligatur aliud, quo quod dubium erat, confirmetur. Quare in omni causa cognoscendum, aliqua habenda esse pro certis: ut deos esse, & pietatem praestandam parentibus: & quae sensibus percipiuntur, ut visu & auditu. Alia credibilia, quorum tria sunt genera. Primum firmissimum, ut liberos a parentibus amari. Alterum propensius: ut qui recte valeat, in crastinum perventurum. Tertium non repugnans, in domo furtum factum ab eo qui domi fuit. Quae ut optime tractentur, vim naturamque rerum omnium exploratissimam habere conveniat. § Locos definit esse argumentorum sedes. Cognitionis eorum commoda proponit: deinde dividit in locos personarum & rerum, inter quos quasi medios locos factorum ponit. Personarum, unde argumentantur, hos enumerat; a genere, natione, patria, sexu, aetate, educatione, habitu, fortuna, conditione, natura animi, victu, studiis, ante actis: &c. & nomine. His locos factorum ex causis impultricibus subiungit, quae in omnes tres status cadant: sed bifariam dividuntur. Abt
caum nos movent propter bonorum adeptionem, incrementum, conserva-
tionem.

clonem, & usum: aut malorum evitacionem, liberationem, imminutionem, conversionem. Et ex quibus prava facta veniunt, qualis est ira, odium, invidia, cupiditas, spes, ambitus, audacia, metus. Et fortuita, ut ebrietas, ignorantia; quæ aliquando ad veniam, aliquando ad criminis probationem valeant. Item a loco, qui ad omnes tres status pertineat. Et a tempore, quorum aliud generale sit, ut olim: aliud speciale, ut æstate, hieme; quæ etiam ad omnes status vim adferant. A casu, a facultatibus, quæ in conjecturis maxime sint intuendæ. Ab instrumento, & modo; id est, ut quicque sit actum. ¶ Deinde rerum locos recenset; & finitionem primum, cui genus, speciem, proprium & differens subicit; ostenditque eam fieri vi sua, etymologia quoque, & partium enumeratione. Et genus ad probandam speciem nihil habere virium, verum ad refellendam satis; quia non sequatur, si arbor sit, platanum esse; sed contra, quia platanus sit, arborem. Inspecie contraria omnia. Proprium definit esse, quod soli accidat, ut homini sermo: & quod etiam non soli, ut igni calefacere, quibus finitio constituitur, cum differentibus contra solvatur. ¶ His divisionem subjungit, qua ex Ciceronis sententia, adjuvari finitionem credit: & quid a partitione differat, ostendit. Ex divisione argumentum ex remotione nasci, qua modo totum efficitur falsum partes omnes negando, modo unum verum, omnia præter unum negando: quo dilemmata quoque referantur. His reliqua subjungit, ab initio ad summam, & contra. Ab incremento, a similibus, a dissimilibus, a contrariis, a repugnantibus: a consequentibus, ab adjectis, quorum multæ sint species. Ex iis quæ sub eandem rationem cadunt. Ab efficientibus & effectis, sive a causis & eventis; a conjugatis, ex apposis seu comparatis, ut majori, minori, pari: a quibus exempla vim suam trahant. Item, a fictione, quoties confessa defunt. Postremo a circumstantia, ex ipso causarum complexu, quæ cuiusque causæ propriæ, & cum nulla alia communia, quæ quomodo elici ex causis debeant, exemplo luculento de Theffalis & Thebanis subjecto demonstrat. unde locorum cognitionem generalem & præceptorum artis mancam esse monet, nisi magna prudentia, quæ singularum causarum sint propria cognoscamus: quæ omnia ut non in omnem orationem cadant, ita debere cognita & perspecta esse, ut statim in promptu sint & occurrant quæ in quamque causam incurrere debeant: quam velocitatem studio exercitam ita nobis parare debeamus, ut intentionem nostram non magis remorentur, quam citharædi manum sonorum diversitas, aut scribentium articulos literæ syllabæ retardent.

De Exemplis.

C A P. XI.

AD exempla, tertium hujus divisionis membrum, accedit, quæ Græci Paradigmata vocant, quo nomine omnia similia quoque complectuntur: quod & se facturum hoc capite promittit: quamvis Latinos sciat, exemplum rerum gestarum, auctoritatem, & simile, quod Græci dicunt parabolam, vocare maluisse. ¶ His adjungit, quæ extrinsecus in causam adhibentur vulgo recepta

go recepta & persuasione populari, autoritateve, ut si quid ita diis responsum, visum gentibus, populis, sapientibus viris, claris civibus, illustribus poetis; non quidem causis accommodata, aut earum propria: nam sic sub testimonia quæ inartificialia sunt, caderent: sed liberis odio & gratia mentibus tantum dicta factaque, quia honestissima, aut verissima videbantur, quæ aliunde accersita, per se nihil valeant, nisi ad aliquam præsentis disceptationis utilitatem ingenio applicentur. ¶ Quid sit Inductio Socratica, & quomodo a ratiocinatione differat, exponit: nempe ut in argumentatione concludatur, quod in inductione interrogetur. Omnia ex hoc loco ducta, aut similia esse, aut dissimilia, aut contraria, aut ex majori, aut ex minori, aut ex pari ostendit. ¶ Exemplum definit, aut rei gestæ, aut tanquam gestæ utilem ad persuadendum id quod intenderis, commemorationem. Intuendum esse an totum simile sit, an ex parte: ut ex eo aut omnia sumamus, aut quæ erunt utilia. Exempla quædam tota aliquando commemorari, quædam strictim attingi. Fabulorum exemplorum, Æsopiorum apologorum, & proverbiorum eandem rationem esse; maxime si veris subiungantur; & plurimum posse, præsertim in animis simplicium, & imperitorum. ¶ Similitudinem & ejus species exequitur, parabolam, analogiam, & imaginem: quas etiam definitione explicat. Et imaginis quidem, quam icona Græci vocant, rariorem usum, formarum aliarum frequentiore esse commonet, quæ in controversiis maxime sint efficaces: si ex jure civili petantur. Exempla proferret ex Ciceronis Topicis, quibus facile occurri possit argumentatione ex dissimilibus sumpta. Quare adhibendum magna cura judicium, ne fallaces similitudines nos pro veris & germanis decipere possint.

De usu Argumentorum.

C A P. XII.

Postquam unde Argumenta ducerentur, ostendit: quemadmodum illi oporteat uti apertissime docet. Ergo de Argumentorum usu loquitur, de quo tredecim præcepta traditi. Primum argumentum oportere esse confessum, quia Dubia dubiis probari non possint. Secundum, quædam esse, quæ aliis probanda sint: ut Jure occidit, quia erat insidiator: & sic probandum erit insidiatorem eum fuisse. Tertium, illa esse firmissima, quæ ex dubiis facta sunt certa: ut si convincatur qui negabat. Quartum, argumenta si infirma sunt, congreganda; si firma, singulis instandum. Quintum, quædam argumenta non nuda ponenda: sed amplificatione vestienda: ut quæ cujusque affectus vis sit, iræ aut odii, dicatur. Sextum, proferendam esse causam cujusque affectus: ut si odium est, ex invidiæ, aut ex injuria: & vetus, an novum; atque erga quem intelligatur. Septimum, non esse omnibus argumentis quæ invenerimus, judicem onerandum; quia tædium adferant, & fidem detrahant. Octavum, in rebus apertis non esse argumentandum. Nonum, patheticas probationes ex affectibus ductas, multum valere: Et potentissimum esse si qui iis utitur, vir optimus sit, & habeatur. Decimum, intuendum qui sit, apud quem dicimus, & quod illi maxime probabile videatur acquirendum. Undecimum, proba-

probationes ex asseveratione inter cætera etiam aliquid posse; Ego hoc feci, tu mihi dixisti: &c; O facinus indignum! Duodecimum, probationes ex sua cuiusque persona firmiores esse, ut si dicatur adultera venefica, meretrix proterva, sceleratus filius quem accuset parens. Decimumtertium, argumenta prout causæ cuiusque ratio postulabit, ordinanda; uno excepto, ne a potentissimis ad levissima decrescat oratio: nam in principio aut medio poni posse, si causa exiger, nunquam vero in fine, nisi totam causam debilitare velimus. § Postremo brevitatis suæ in tractandis argumentis rationem reddens, declamatores ineptos taxat, omnia ad voluptatem referentes, non ad imitationem veritatis.

De Refutatione.

C A P. XIII.

Confirmationem ordine sequitur Refutatio. Eam dupliciter accipi docet pro defensoris actione tota, & quarta orationis parte, quæ ex adverso dicta utrinque refellit, & confirmationi subjungitur. Utriusque eandem esse conditionem, & ex iisdem locis argumenta sumi ad confutandum, qui sumebantur ad confirmandum: eundem quoque in utraque elocutionis habitum. § Defendere quam accusare multo esse difficilius, ex officiorum utriusque comparatione probat. Refutanti esse duo intuenda: quid & quomodo quidque obiectum sit Et illud; Sit ne causæ proprium, an extra ad causam pertinens. Si causæ sit proprium, aut negandum factum, aut nomen facti, aut jure defendendum; aut cum his non erit locus, transferendum. tum quæ neganda, defendenda vel transferenda sint, tradit. § Deprecationem vero meram apud iudices severos locum non habere: verum apud principem, aut populum liberum pro suo arbitratu judicantem, valere aliquando: sed tunc ad deliberativas potius quam ad judiciales pertinere, id tamen raro sine aliqua defensionis specie fieri, quæ via defendendi quinquepartita ad tres status referatur: conjecturam, finitionem, & qualitatem, sub qua translatio & deprecatio contineantur. Si plura sint quæ adversarius objicit, & infirma, aut molesta, quæ facile dilui queant, simul invadenda: sine turba valitura, sunt separanda: quod reo sæpius expediet, quam accusatori, cuius est multa simul congerere. Si refutatu difficilia erunt, efficere oportere, ut nostra cum illorum argumentis comparata, valentiora videantur. Falsa ab adversario obiecta, obscura, sine teste aut argumento facta, satis esse negare. Contraria, supervacua, & stulta reprehendere oportere: quod ad causam non pertinet, contemnere: quod nobis obijcitur velut adversum, ostendere causæ nostræ conjunctum esse, & pro nobis facere. Contra similia, dissimile quid assumendum. Itidem contra jadicata & exempla agendum: quæ si dubia sint, fabulosa esse vocanda, § Rationem intuendi, quid adversarii obijciant, docuit. Jam quomodo proponant, intuendum monet. Si minus efficaciter locutus est, ejus verba ponenda: si contra nos efficaciter, eandem rem verbis mutatis & mitioribus proferendam; nec unquam ejus dicta cum sua confirmatione ponenda, nisi irridere illum velimus. Si erit ordo rei quam narrat incredibilis, totum crimen exponendum: si contextu nocebit, per partes dissolvendum. Vitiose proposita, & deprehensa facilia

Facilia hæc esse : communia, contraria, quæ in actione adversarii inveniendæ
sint: dubia pro necessariis posita : controversa pro confessis, communia plu-
ribus pro propriis, vulgaria, supervacua, serius constituta, & supra fidem.
Item si crimen augeat, cum est probandum : si de facto disparet, cum de
attore queritur : si impossibilia aggrediatur : si pro effectis vix dum inchoa-
ta relinquat : si quæstionis summam non intueatur : si non ad proposita re-
spondeat, quod tamen permittatur, cum mala causa adhibitis extrinsecus
remediis tuenda est : quod optime fit cum pro criminibus virtutes commemo-
rantur. ¶ Refutantium duo genera notat : ad Unum eorum qui contenti
his quæ meditata domo attulerunt, adversarii non respondent. Alterum, eo-
rum qui nimia diligentia omnibus verbis & sententiolis respondendum pu-
tant : Vitam quoque, vultum, intellum, habitum recte incusari. Nonnul-
la etiam minuendæ invidiæ causa, quæ asperius dicta sunt, eludi ; quod
patronis maxime conceditur. ¶ Declamatorum vitia reprehendit, & quid
ad ipsos pertineat, quoque a veris actionibus declamatio differat, ostendit.
Locos communes, ad probationem singulorum argumentorum, aut pluri-
um etiam aliquando ad totius causæ inclinationem, qui an singulis quæ-
stionibus subjiciendi sint, an totam causam docendi prius iudices, cum ipsi-
us causæ utilitate deliberandum. ¶ Confirmationis denique & Refutatio-
nis pro varietate personarum hunc ordinem esse contendit, ut actor sua pri-
us confirmet : tum opposita ab adversario refutet : defensor vero a refutatio-
ne incipiat.

*Quid Enthymema, & quatuorplex : quibus etiam con-
sistat Epicherema, & quomodo refellatur.*

C A P. XIV.

DE Argumentorum inventione, quæ e locis emanant, deque eorum
usu tam ad confirmandum quam ad confutandum, locutus ; de eorun-
dem dispositione & forma tractare aggreditur. Et quia Rhetores frequen-
tissime Enthymematis & Epicherematis utuntur ; de his præcipue loquitur.
Quid sit Enthymema, repetit : & duplex esse ostendit : ex consequentibus,
cum propositione & conjuncta probatione ; & ex repugnantibus, quod a-
liquando multiplicetur conjunctis multis contrariis. Quorum omnium
optimum illud esse censet, cui proposito contrario, vel dissimili, ratio
statim subjungitur. exemplum ejus ex Demosthene : tum quo disferat a
syllogismo, & recte a quibusdam syllogismum imperfectum vocari, docet.
Epicherematis partes secundum varias opiniones enumerat : nam quid sit, supra
capite de argumentis dixit, duas, tres, quatuor, quinque secundum diversos re-
censet. Secundum Ciceronem quinque : propositionem, rationem, assumptionem,
eius probationem & conclusionem. Verum quia ratio propositioni, & pro-
batio assumptioni succedant, ipse eorum sententiam comprobat, qui tres solum-
modo partes epicherematis fecerunt, propositionem, assumptionem & conclu-
sionem : in quibus forma non sit semper eadem. Nam aliquando idem con-
cludi, quod intendi : aliquando non idem, sed quod vim habeat parem :
aliquan-

Aliquando etiam diversum: & propositionem, assumptionemquē, aut confes-
 sas esse quæ probatione non egeant: aut dubias, quæ eadem egeant. ¶ Hanc
 inter Syllogismum & Epicherema differentiam assignat, quod syllogismorum
 variz formæ sint, & vera colligant veris, nec partium ordinem mutant, quasi
 immutabili necessitate constricti: minutius etiam & scrupulosius omnia scru-
 tentur, & ad liquidum confessumque magis perducere velint: cum Epiche-
 remata circa credibilia versentur, partium ordinem & numerum frequen-
 ter mutant, & invertant, non concise & minutim, sed ample, late, copio-
 se, ornatè, eloquentiæ magna vi ubique affusa, quod susceperunt probent.
 ¶ Postremo refellendi epicherematis rationem subjungit, nempe proposi-
 tionem assumptionemve falsam; aut non ex iis conclusionem
 sequi ostendendo.



M. FAB.

M. FAB. QUINCTILIANI
DE INSTITUTIONE
ORATORIA,
LIBER VI.

PROOEMIUM,

In quo de fortuna sua queritur.

IEQ. præfatio materiæ, quæ libro sexto tractatur, aptissima est. Majoribus enim affectibus abundat, & hic liber perorationem tractat, quæ movendis in omnem partem affectibus accommodata est. Deplorat immaturum filii majoris interitum, qui cum singularibus ingenii animique virtutibus emineret, ad hoc opus scribendum edendumve, sibi parenti, præter tres alias causas, quas initio repetit, veluti calcar dum viveret subiecerat. Cujus morte ut ante uxoris & filii minoris, cum scriberet de corruptæ eloquentiæ causis, debilitatus, opus jam longe progressum intermisse, & studia sua distulisse fatetur: ac tandem proculcatis doloribus, & spreis omnibus fortunæ ludibriis, ad opus inceptum redire: & quia clarè viri adversorum solatium a literis petant, & quia gloriosius sit, aliorum quam privatis commodis insudare: qui totus ad conciliandam benevolentiam perit.

De Conclusionè, seu Peroratione,

CAP. I.

Perorationem varie vocari docet, ejusque duplicem rationem esse, unam quæ argumentorum repetitione, alteram quæ affectibus consistit. Hanc, enumerationem vocari: cujus officium sit memoriam reficere, & totam causam ante oculos ponere; legem sive modum breviter per opus decurrere: Elocutionem, quæ omnia graviter & cum pondere dicat, scriptis aptis excitet, & figurarum varietate distinguat, locum habere in causis multiplicibus, & quæ pluribus argumentis defensæ sunt, & tam accusatori

**** *

eusatori quam patrone committent esse. Altera, quæ affectuum com-
 motione constat, utrique communem esse; magis tamen accusatori quam
 patrono: & verbis fieri vel rebus: Verbis totam causam, veluti sub ocu-
 los statuendo: quod maxime miserabile vel invidiosum videbitur: quo mo-
 veri iudex possit, latius prosequendo: Atrocissima quæ obijciuntur, faciendo &
 variis circumstantiis amplificando, ut a loco, a tempore, & a personis reliquis
 in illis ordinem patrem, quod proprie accusatoris est, ad quem miseratione
 fieri moveri, nonnunquam etiam pertinere ait; cum casum ejus quem ulciscitur,
 aut liberorum, aut parentum solitudinem conqueritur: aut futuri tempo-
 ris imagine quæ accusatori vel iudicibus futurum sit, si reus absolvatur, præ-
 monet: Sed affectus frequentius moveri, iudicem a miseratione avertendo:
 quid dicturum facturumve adversarium putet, occupando; quid iudices
 rogantibus respondere debeant, docendo. A defensore quoque maximos
 affectus & miserationem moveri ostendit: de adversariorum calumnia, con-
 spiratione, aut crudelitate conquerendo: dignitatem rei, studia fortia, cicat-
 rices bello susceptas, nobilitatem, aut maiorum merita commendando:
 quæ omnia variis circumstantiis applicanda sunt. Per prosopopoeias aut
 se ipsum, aut res mutas, aut ipsum reum loquentem inducendo. Misera-
 tionem tamen, ut non longam esse oportere: ita ad finem usque orationis at-
 tolli semper, atque perscrutari debere admonet. § Haftenus verbis; nunc etiam
 rebus & factis magnos affectus moveri ostendit, miseraabilia quædam facien-
 do. Nec qui periclitantur, squalidos, deformes, aut eorum liberos parentescue
 produciendo, per eosdem obsecrando, deos invocando, cicatrices adverso
 pectoris pro republ. susceptas ostentando; ut in causa Aquilii fecit Anto-
 nius: gladium cruentum, velles sanguine perfusus proferendo: ut in fune-
 re Cæsaris: stratos jacendo, genua complectendo, nisi personæ gra-
 vitas aut vita antea, aut rei conditio prohibeat; cum omnia cum di-
 gnitate facienda sunt: neque quicquam sit tam risu dignum, aut etiam
 odiosum, quam rhimica scintille ad commovendos affectus gesticulatio.
 § In causis quoque privatis esse perorationis genus utrumque, & quod ex
 argumentorum enumeratione est, quodque ex lachrymis constat: nisi
 forte causa sit prava, aut levis, quæ nihil tale recipiat. Porro ad lachry-
 mas movendas aggredi quenquam prohibet, nisi summis ingenii viribus
 praeditus sit. Discutere miserationem non esse minus epilogi proprium,
 quam movere: cum oratione continua, tum etiam urbane dictis, qui-
 bus iudex a lachrymis ad justitiam reducat. Et leniores interdum esse
 epilogos, quibus adversarius transgessimus aliqua dignitate & modestia præ-
 ditus. § Postremo affectus non solum in proœmio & epilogo esse, verum
 etiam per totam orationem spargi, ubi crimina exposita sunt, quamvis
 præcipue in epilogo dominantur.

De distinctione affectuum, & quomodo movendi sint.

CAP. II.

Quid in affectibus movendis fieri oporteret, excutitur; hoc capite quo id
 modo consequi possumus ostendit. Primum omnium affectuum com-

mo-

movendorum laudes simpliciter & comparatè prædicat : atque eloquentiam vere regi, & suas vires omnes diffundere demonstrat : Affectus dividit in pathos, & ethos, id est, in concitatos & mites compositosque : quorum hi comœdiæ, tragœdiæ alii similes videri possint. Quid utriusque proprium, & quomodo inter se differant, ample docet. Nempe hos universiusque personarum mores, & rerum omnium naturam magna cum delectatione, procul ab ira, odio & furore exprimere a illos totos circa iram, odium, metum, invidiam, & miserationem versari : per quæ orationis gravitas, aut atrocitas, vim rebus indignis, asperis, aut invidiosis addat : In quibus hoc præcipuum & summum esse contendit, ut qui commovere alios velimus, prius commoveamur : & qui lacrimas aliis excutere conamur, in fletum primum prorumpamus ipsi. Id facile fieri posse, si quas Græci phantasias, Latini visiones vocant, animis concipiamus, per quas rerum absentium imagines ita nobis repræsentemus, ut cernere videamur ipsi, ut quæ in quaque re acerba accidere solent, imaginemur, & oculis animisque subiciamus, sic enim fore ut *imagines*, quam evidentiam dicimus, consequatur : quæ alios quoque non vulgariter & permoveat & perturbet.

De Risu.

CAP. III. & IV.

Risus excitati vim, excitandi difficultatem, difficultatis causas, unde facultas ejus : quam varie nominetur, quo loco, quibus ejus species, & quomodo utendum ; quis ejus modus, & quæ Oratori in risu cavenda ; quomodo dividatur, unde petatur, & ex quibus locis, & quid urbanitas sit, hoc capite tradit. ¶ Vim habere docet ad affectus tristes solvendo, exemplo juvenum Tarentinorum, qui Pyrrhum risu placarunt : ad avertendum ab intentione, ad reficiendum, & renovandum. Difficultatem ejus movendi ex eo colligit, quod Demosthenes, & Cicero eo in genere perfecti esse non potuerint, cum hic in eo nimius, ille procul ab excitandi risus facultate abfuerit. Causas difficultatis has esse contendit ; quia risus plerumque sit anceps ratio propter varia hominum judicia : qui non ratione aliqua de dictis ridiculis judicent, sed quodam animi latente motu : quod etiam falsè dicta, parum sint honorifica, quodque ejus rei nulla sit exercitatio, nulli præceptores. Facultatem risus excitandi in natura esse & occasione positam, non in arte ; quamvis ejus rei nonnulla observatio sit, & præcepta tradita. Ridiculi hæc nomina tradit : urbanum, cui rusticum opponitur : venustum, salustum, facetum, jocosum, dicax ; & quid quodque significet, explicat. His quoque quo loco utatur, & quomodo, apud quos, ex qua causa, plurimum referre affirmat : etiam aliis in convivio & sermone quotidiano sit utendum, aliis in pugna forensi : ubi Oratori curanda hæc monet, vulgum, gestumque distortum, diachatem scurrilem, & senicam obscenitatem, affectationem, & captationem ridiculi : jocum atroci causis aut miserabili, dictum petulans, superbum, loco & temporali alienum : præparatum, domo allatum ; quod in plures convertit, & mul-

**** *

& mul-

& multorum studia labefactat. ¶ Ridiculum dividit, ut sit aliud in rebus aut factis, aliud in verbis seu dictis: quibus tertium genus adjicit, quod in decipiendis expectationibus, dictisque aliter accipiendis versetur: quod e mediis rebus vocat, in quibus risum petamus, vel ex nobis, vel ex aliis. Ex aliis, reprehendendo, refutando, elevando, percipiendo, eludendo. Ex nobis: nostra ridicula indicando, & aliqua subabsurda, non quidem per imprudentiam, sed per simulationem, per quam venustissima futura sunt. In his risum conciliari ostendit aut ex corpore, aut ex animo, aut ex iis quæ extra sunt posita, tribus modis: vel ea ostendendo, & sub oculos subjiciendo, vel narratione explicando, vel dicto notando, quæ singula subjectis exemplis manifesta facit. ¶ Ex quibus locis petatur risus infinitum esse ait; ut tamen confusionem tollat, ex his peti tradit: ex locis argumentorum, ex tropis, ex figuris dictionum & sententiarum: quorum omnium species dinumerat. Ridiculum ex verbis, quibus modis venuste fiat, quatenus amphibolias & ænigmata recipiat, primum exequitur. ¶ Hinc quæ ex vi rerum fiant multo acriora & elegantiora, tractat; quorum usum exemplis e figuris sententiarum, tropis, & locis argumentorum latissime docet. ¶ His perfectis tertium propositæ divisionis membrum aggreditur, quod medium inter res & verba vocavit; & ad decipiendas expectationes, vel dicta aliter intelligenda accommodatum esse dixit; & omnium longe venustissimum, quod inopinatum fiat, occurrendo, simulando, dissimulando, ambiguum aliquid ponendo, aliena aut sua fingendo, contra simulantem simulando. Inter quæ levia ridicula jucundissima esse contendit, quæ urbana dici debeant. ¶ Postremo quibus urbanitas adjuvetur, & quid sit, contra Domitium Marsum definit; nempe Latinis virtutem esse, qua nihil absconditum, nihil agreste, nihil inconditum, nihil peregrinum; neque sensu, neque verbis, neque ore, gestuque possit deprehendi, qualis Græcis attributus fuit.

De Altercatione.

C A P. V.

Pincipio hujus capitis rationem reddit cur Altercationis præcepta statim inventioni, ante reliquas rhetoricæ partes, subjungat: nempe quod illa tota ex sola inventione pendeat; nec quidquam a dispositione mutuetur, neque multum a reliquis tribus partibus adjuvetur. Describit Altercationem, orationem esse brevem, atque concisam, quæ intentione aut depulsionem constet; interrogandoque aut respondendo fiat: qua descriptione, quid a perpetua actione differat, satis indicat. Locum habere ait in causis quæ solis probationibus inartificialibus, ut in testium interrogatione, vel etiam mixtis, continentur. Nam & separatim sit altercatio, & perpetuæ etiam actioni potest inseri. ¶ Altercandi hæc præcepta tradit: opus esse primum magna ingenii velocitate, animi præsentia, & acrimonia; ut ex tempore quidvis dici possit: ad quod causas, instrumenta, tempora, locos & personas familiariter nosse, plurimum profuturum sit. Præterea iracundiæ vitio

visio carendum esse : & moderatione utendum. Omnia etiam non solum refutanda , sed urbane contemnenda , elevanda & ridenda. Atque in altercando præcipuum esse semper , id de quo queritur , & quid efficere velimus , in oculis habere. Atque id quidem ingenii acumine præstari , quod a natura proficiscens , etiam arte juvetur. ¶ Postremo multas hujus acuminis commoditates , ad omnia quæ volumus egregia præstanda , quas stupidi , indocti , & clamosi non assequantur , dinumerat.

De Iudicio & Consilio.


C A P. VI.

PRIUSquam ad Dispositionem transeat , quæ libro septimo tractatur , eorum opiniones refutat , qui iudicium Inventioni subijciebant , tanquam Rhetorices secundam partem : contra quos libro tertio disputavit. Ostendit ergo Iudicium , sic per omnes orationis partes fufum , ut sanguis per univertum corpus ; & naturale esse , cum non magis arte tractetur , quam gustus & sapor , & maxime tribus primis rhetoricæ partibus , Inventioni , Dispositioni & Elocutioni permixtum. ¶ Hanc inter Iudicium & Consilium differentiam assignat , quod Consilium latentibus rebus , Iudicium se proferentibus adhibeatur , quodque hoc frequentissime certum sit : illud vero arte petitum & reconditum. Quædam ex iudicio consiliove cavenda , sequendaque admonet , quæ exemplis ex Demosthene & Cicerone petitis manifesta reddit.



**** 3

M. FAB.



M. FABII QUINCTILIANI

DE INSTITUTIONE

ORATORIA,

LIBER VII.

Prefatio de Dispositionis utilitate.



Transitionem facit ab iis quæ hæcenus de Inventione & motu dicta sunt, ad Dispositionem, cuius tractationi hunc septimum librum addixit. Vires ejus & laudes hæc præfatione prædicat; & cur secundum in ordine partium Rhetorices locum obtineat, rationem reddit. Omnia præclaris similitudinibus illustrat.

De Dispositione facienda.

CAP. I.

Quia ad bonam dispositionem faciendam necessarium est, quæ multiplicata sunt, in totas partes aut species secare: principio statim capit, quid partitio aut divisio sit, & quo inter se differant, definitione explicat; nempe ut partitio sit totius in partes divisio, generis in species sectio. Post hæc dispositionem finit esse utilem rerum ac partium in locos distributionem. Hujus ordinem naturalem esse commonet, ut primæ quæstiones primo loco tractentur; verum tamen id plerumque causa utilitate mutari: neque semper eandem esse actori quæ defensori rationem, Demosthenis & Æschinis exemplo docet. Ergo quid ipse disponendo cum præceptis tum ratione sæpe facit, ut ad bonam dispositionem viam sternat, aperit: ex quo facienda esse hæc elicimus. Omnia quæ in causa versantur, tam ea quæ pro adversariis, quam quæ pro nobis faciant, & quid efficere uterque velit, cognoscenda, atque oculis subjicienda. ¶ Ante omnia actori hanc esse dispositionem servandam, ut primo & summo loco firmissima, in medio infirmiora colloquet. Reo gravissimum quodque primum refutandum, nisi leviora multa falsa palam erunt, per quæ in gravissimo detrahimus adversariis fidem, cum aliqua tamen præfatione & excusatione delicti criminis. Anteaquam vitæ crimina plerumque prima purganda. Intuendum esse diligenter si quæstio simplex sit, aut conjuncta: si simplex, an unum

unum respondeamus, an plura. Si unum, an illud sit in re, ad scripto. Si plura, quæ sint illa, & quo ordine ponenda: nempe ut ab infirmis ad potentissima perveniamus. Si quæstio conjuncta, quam diversi sint status. Item a prima specie retrorsum quærendum esse usque ad primam generalem quæstionem: vel a genere ad extremam speciem descendendum; ut si quis accuset te furti, quæras an furto sit illi quid sublatum, an auferri potuit, an habuit quod auferretur. Excerptum esse quid cum adversario nobis conveniat, si pro nobis facit, & partiendo multiplicandum: quia hæc congregatio accusantem adjuvat, separatio defendentem. In tota aliquando materia faciendum esse, ut multis prolatis, remotione partium aut specierum utentes; id unum remaneat, quod magnopere cupiebamus. Et excutiendum esse quicquid dicit, & velut rejectione facta ad optimum perveniendum, quod divisioni atque inventioni viam facillimam præstat: ut occisus est Clodius, a Milone, an ab alio? A Milone: jure an injuria? jure: voluntate igitur, an imprudentia, an necessitate, &c. ¶ Ex quia plurimæ sunt causæ, in quibus utra pars prior dicere debeat, incertum sit, hoc in foro dijudicari ait vel atrocitate formularum, vel modo petitionum, vel forte: quanquam id in multis inventu videatur difficillimum. Occultiores quæstiones, & in ipsis sententias, verba, figuras, colores; ingenio, cura & exercitatione inveniri. Atque de deligendis quæstionibus utilia speciosis esse præponenda. Omnia subjectis exemplis fulissime etiam descriptis explanat.

De Conjectura.

CAP. II.

HAstenus de Dispositione in universum, nunc de eadem specialius in singulis statibus: quorum natura primus est conjecturalis, quo an sit res quæritur, præcipere aggreditur. Ergo a conjectura orditur, quam primum dividit; nam ante libro tertio definierat. Eam aut in re, aut in animo, & utramque trium temporum esse docet: præsentis, præteriti, & futuri. Quæ in re sit, quæstionem habere generalem, aut specialem: generalem, ut an mundus providentia gubernetur; specialem, ut an regnum affectet Manlius. ¶ Ex præterito judicia esse & factorum causas, ut cum quæritur, unde bellum. Quæ fiunt, & futura sunt, ex præteritis colligi. Animi conjecturas in omnia etiam tempora cadere: & esse ubi perloca est, & de facto constat, ut qua mente Ligarius in Africa fuerit, &c. Per conjecturas etiam de qualitate & quantitate quæri: ut an sol major terra. An luna globosa? Conjecturæ quæ accusatione & defensione consistit, triplex genus esse: Unum de autore & facto. Alterum de facto tantum. Tertium de autore tantum. Ex tertio criminum transpositiones in alium, & mutuas accusationes nasci: quæ varia inter se comparatione vel ex tota, vel ex parte aliqua consent. In quibus nostra defensio accusationem adversarii præcedere debeat, rationes subiungi. Tum quo quæque modo tractanda sint sive negentur, sive concessa sint, fulissime explicat. ¶ Addit & conjecturam duplicem accusationi

tioni mutua simillimam, ut in qua tyrannicidii duo medici primum petant: quorum primus venenum dedit, quo non est ille mortuus, alter antidotum, quo statim decessit. Ubi personæ, causæ, facultates, tempora, instrumenta, testimonia, non aliter quam mutua accusatione comparentur. Quæ etiam ratione tractari illud oporteat, in quo de duobus circa accusationem quaeritur utrum factum sit. ¶ Conjecturæ locos & tractationem adjungit: eam his tribus capitibus contineri ostendit: An voluerit, an potuerit, an fecerit. In primo tria spectari: personas, causas, & consilia: & quid de unoquoque in utramque partem dicendum sit, copiosissime tradit. In secundo, An potuerit; locum, tempus, difficultates, occasiones, quæ etiam ad animi conjecturam valeant, considerari. In tertio, in quo, An fecerit quaeritur, conjuncta, consequentia, signa, antecedentia, antedicta & facta nostra & aliena discuti. Ad quam rationem reliqua omnia conjecturæ genera reduci possint: ut furti, crediti, depositi, prodicionis, affectatæ tyrannidis, adulterii, falsi: nisi quod adulterii causæ aliquid habeant proprii; quia duorum plerumque discrimen sit, & de utriusque vita dicere oporteat: quæ ratio in crimine falsi fere sit eadem.

De Finitione.

CAP. III.

QUI factum negare non potest, ei nomen facti negandum docet: ergo Conjecturæ Finitionem proximam esse; in qua quid sit res quaeritur. In hanc nos aliquando a qualitate delabi ostendit: ut in actionibus Reipubl. læsæ: in quibus ad nomen confugimus: si quod objicitur, recte factum esse defendi non potest. ¶ Quid Finitio sit explicat, propria, dilucida, & breviter comprehensa rei propositæ expositio. His locis constare contendit, genere, specie, differentia, & proprio. Adhiberi autem illam pluribus causis, aut cum certum de nomine sit, sed de re per illud intelligenda incertum: Quod interim ex conjectura pendeat, ut quid sit DEUS: interim ex qualitate, ut quid Rhetorice: Aut cum re manifesta, de nomine non constat, ut an sit tyrannicida, qui tyrannum ad mortem compulit. ¶ Porro hanc omnem materiam in tres species dividit. Prima totum crimen negari, nec aliud nomen subijci, etiamsi rem fatemur: ut cum objicitur adulterium in lupanari. Secunda sic negari crimen, ut aliud nomen edatur: ut si objicienti sacrilegium, dicatur esse furtum: ubi utrumque finiendum. Tertia quaeri in rebus specie diversis, an hoc eodem nomine sit appellandum, ut amatorum venenum. ¶ Formam Oratoriæ finitionis describit, quam servitute ex consuetudine Philosophorum ducta, immutabili necessitate non vult esse astrictam, aut per argumenta verborum cavilatricem, sed expositis rei partibus & proprietatibus latius oratione ductam. Cujus exempla luculenta ex Ciceronis orationibus profert. ¶ Finitionis hunc esse ordinem certum, quid sit quo finitionem confirmamus; & an hoc sit, quo in rem finitionem applicamus. Illud generale esse, & fere difficilius: hoc particulare, & ad aliud sequi, in finitione providendum esse, ne sit supervacua.

nihil

nihil ad causam pertinens; ambigua; communis; contraria; falsa; pars
 non plena; quibus duobus ultimis everti precipue possit. Excussa priore
 parte quid sit: facile quod secundum est; id est, an hoc sit, ^{perfectum, summa} ~~perfectum~~
 primo non aliter inferatur, quam ex thesi hypothesis: adjunctis, re-
 pugnantibus, causis, effectis, similibus. Exemplis ex Cic. oratione pro
 Cecinna, & quibusdam fictis, id demonstrat. ¶ Circa finem quartum
 quoddam genus addit, quam finitionem certam vocat, de qua inter u-
 tramque partem conveniat, ut in causa Cornelii de maiestate, quam ad
 qualitatem reducit.

De Qualitate.

C A P. IV.

Conjectura & Finitione absolutis; Qualitatem, quod ordine naturæ ter-
 tium est, aggreditur: quam late accipiendo ad Quantitatem conti-
 nuam & discretam extendit: cuius statu suasorias, demonstrativas, & bonam
 partem judicialium contineri tradit. ¶ Qualitatem dividit in absolutam &
 assumptivam: in quibus omnis lis sit aut de præmio, aut de poena, aut de quan-
 titate. Culpæ defensionem in utraque primam tractat. Absolutam definit
 eam esse, in qua quod objicitur, honestum esse defendimus. Cujus loci
 sunt natura, lex, mos, iudicatum, pactum: ut si quis in civitate libera
 eadem tyranni objiciat. Assumptivam, in qua factum per se improbabile,
 assumptis extrinsecus auxiliis defenditur, ut si Orestes accusetur, quod
 matrem suam occiderit, hujus species multas enumerat: Comparationem eri-
 minis, translationem vel remotionem, excusationem, quam subdividit in igno-
 rantiam, necessitatem, & fortunam: culpæ imminutionem, & deprecationem,
 quam in Senatu, apud populum, & principem, & ubicunque juris ele-
 mentia est, locum habere dicit. Hactenus de culpæ defensione: de præ-
 miis duo quæri: an ullo sit quis præmio dignus, an tanto: de duobus,
 uter: & quis de pluribus dignior. Quibus abdicationis causas, de-
 mentia, malæ tractationis & orbarum nuptias indicentium subjungit. Mul-
 tas præterea controversiarum species enumerat, quæ in qualitatem cadunt.
 ¶ Postremo quantitatem qualitati subjacere: seu ratione modi, quo facti
 magnitudo æstimatur, seu numeri; ut cum quæritur, an Thrasibulo tri-
 ginta præmia debeantur, colligit.

De Actionis questione.

C A P. V.

QUI neque statu conjecturæ, neque finitionis, neque qualitatis tueri se
 vult, aut poterit, huic aliquod juris adiutorium, id est, ad agendi con-
 ditionem & modum confugiendum monet: Cujus duas partes facit, Inten-
 tionem & Præscriptionem: quæ a statu qualitatis alienæ non sunt sed liti-
 gandi formam habent diversam. Intentio est, quando contra id quod
 intendi adversarius, pugnamus, nec admittendum dicimus. Præscriptio,

*** **

exce-

exceptio qua adversario facultatem litigandi adimimus propter certam causam ; aut actionem in aliam personam aut locum transferre volumus , quam cum Translatio dicitur. ¶ Præterea legis aut etiam scripti cujusque varias vires enumerat , & ad status legitimos transit.

De Statu ex Scripto & Voluntate.

C A P. VI.

Status legales supra quatuor enumeravit , quia tribus aliis non re ipsa , sed ratione tractandi ad docendum accommodata , separati sunt. Primi species tres facit. Unam , in qua de scripto & voluntate quæritur : cum scriptum obscurum est , & uterque suam interpretationem confirmat , & adversarii labefactat. Alteram , in qua intellectus unus certus , alter dubius. Tertiam , in qua altera pars scripto , altera voluntate nititur. Scripto , tribus modis occurri posse docet : Primo , quando scriptum semper servari non posse ex ipso apparet. Secundo , quando nullum argumentum ex ipsa lege peti potest. Tertio , quando ex verbis scripti , scriptoris aliam mentem fuisse probamus. Qui scriptum defendit , ut se voluntate quoque scriptoris adjuvare tentet , præcipit. Omnia subjectis exemplis manifestantur.

De Legibus contrariis.

C A P. VII.

Scripto & sententiæ , Leges contrarias subjungit : quia in his quæ duæ sint , duo sunt scripti & voluntatis status , quæ etiam si contrariæ dicantur , contrarias tamen jure ipso non esse , sed casu quodam collidi admonet. ¶ Porro aut pares inter se collidi , aut ipsas secum , aut diversas , aut similes , aut etiam impares. ¶ Præterea ut lex alia aliam abroget , aut labefactet , jus utriusque cognoscendum esse , quod aut in utraque dubium sit , aut confessum. Si confessum , videndum esse , an ad deos pertineant , an ad homines , an ad rempublicam , an ad privatos , &c. Si dubium , alteri aut invicem utrique controversiam de jure moveri. Postremo duplices leges ut duas committi : & quod de legibus dicitur , idem de senatusconsultis & omnibus scriptis intelligendum.

De Syllogismo seu Ratiocinatione.

C A P. VIII.

Quid Syllogismus habeat scripto & voluntati simile , & in quo ab iisdem differat , & quam cum finitione conjunctionem habeat , primum ostendit. Deinde duas ejus species facit. Primam , quæ ex eo quod scriptum est , id quod incertum est ducit : ratiocinatione colligitur , unde quia ratiocinatur

cinetiva dicatur , hujus multas species cum exemplis dinumerat. Alteram, quæ ex scripto ducit quod scriptum non est ; in quarum utraque voluntas legislatoris , & æquitatis tractatio sit potentissima.

De Ambiguo , seu Amphibolia.

C A P. IX.

Amphiboliam duobus modis fieri primum docet, aut vocibus singulis aut conjunctis. In singulis tribus modis. Primo homonymia , cum vox plura significat. Secundo, cum alium sensum habet simplex dictio integra, alium divisa. Tertio, cum idem accidit compositis. In conjunctis per casus collocationem, per flexum, per situm, per productionem & correptionem. Quæ quibus modis solvendæ sint omnes, ordine tradit.

Quæ sit inter status cognatio, & quæ diversitas.

C A P. X.

Pertractatis diligenter statibus , qui legales dicuntur ; quæ sit illorum inter se, quorundam etiam cum finitione cognatio ; quæ rursus differentia , qua distincti sunt, ne qui illos separarunt , errare videantur , demonstrat. Atque de dispositione hoc in genere ait , non posse omnia quæ ad ipsam pertinent, arte & præceptis tradi : sed a natura quoque , doctrina & studio hanc facultatem parari : id pictorum atque imperatorum exemplis probat. ¶ Præterea magno judicio opus esse ut certa nobis proposita materia, dispositione œconomica velut in re præsentī utamur : quæ pro rei varietate quotidie alia atque alia futura sit , hoc uno semper necessario , ut quocunque collocationis utamur ordine , apte inter se jungantur omnia , & cohæreant.



*** ** 2

M. FAB.



M. FAB. QUINCTILIANI DE INSTITUTIONE

ORATORIA,

LIBER VIII.

PROOEMIUM.



Epetit breviter atque eleganter quæ hætenus septem primis libris de Inventione & Dispositione tractata sunt: in quibus quam rationem præcipiendi incipientibus adhibere præceptores debeant, docet: nempe simplicem & brevem, quæ ex omnibus (quæ nosse ad scientiæ perfectionem necessarium sit) optima quæque duntaxat eligat: quod ita fieri oportere, quatuor subjectis rationibus probat. Repetitione facta, maximum esse naturæ momentum sine qua frustra tenentur omnia, admonet: & ad partem operis sequentem transit, nempe ad Elocutionem, Rhetoricæ partem tertiam, ut pulcherrimam, ita difficillimam; quod Marci Antonii & Ciceronis autoritate probat: & quo inter se differant Disertus & Eloquentis, quidque sit eloqui, definitione explicat. Et quoniam Elocutio proprie verborum sit, ne cura rerum rejecta, in iis omne studium ponere velle videatur, importunorum cavillationibus statim occurrit, se nullo pacto Elocutionem mollem & effœminatam, quæ natura res non consequatur; sed affectata atque accersita nimia diligentia dignitatem orationis corrumpat, approbare aut desiderare: verum eam quæ a veritate profecta, sensum animi nostri optime promat: res ipsas (quarum gratia verba reperta sunt) auditorum animis exacte repræsentet, & earum naturam ad vivum exprimat: quaque decenter coherentia omnia jucundam atque admirabilem orationem facere possint. Tota præfatio ad docilitatem ex rerum præteritarum repetitionis ordine & perspicuitate, atque ad attentionem ex sequentium pulchritudine & difficultate est comparata.

242

Quæ in elocutione spectanda.

C A P. I.

Quid esset Elocutio, ex præmio cognovimus: proximum erat, ut quomodo divideretur, & quibus constaret, diceremus. Spectari ergo Elocutionem ait in verbis aut singulis, aut conjunctis, utraque suis propriis circumscribit, repetita quorundam ex primo libro mentione, atque hoc insuper addito, ut verba sint minime peregrina & externa, neque curiosa & affectata oratio.

De Perspicuitate.

C A P. II.

Elocutionis has esse virtutes dicit, ut in singulis verba perspicua sint, & ornata: in conjunctis collocata & figurata. Nam ut Latina sint & commendata ad Grammaticum pertinere ostendit. Primam ergo virtutem Perspicuitatem aggreditur, quam effici verborum proprietate contendit; cujus octo modos enumerat, quorum primo vitium, quod improprium vocant, opponit: docetque non omnia quæ propria non sint, improprii vitio laborare: cum abusus & translatio necessariae sint, & pro propriis recepta quæ per eas esseruntur. Nam proprietatem non ad nomen, sed ad vim significandi referri. Et quia obscœna, sordida & humilia vitanda sint, primi modi usum non esse semper ostendit; & humilia semper vitantes etiam ubi causa non postularet, ea quæ in usu sunt, reformidant, ridendos esse judicat. ¶ Perspicuitati obscuritatem opponit, cujus in verbis singulis tres modos enumerat: nimis vetusta, regionibus familiaria, & artium propria, & homonyma. In conjunctis modos octo: sermonem nimis longum, hyperbatum, parenthesin nimis longam, amphiboliam, inanum verborum turbam, obscuritatem, nimiam breviter, sermonem verbis apertis occultos sensus habentem. Quibus enumeratis, quæ sit perspicuitatis observatio, virtus & forma, cum summa ejus commendatione præscribit,

De Ornatu.

C A P. III.

Eodem ornatu amplificat ab ejus pulchritudine & difficultate, per comparisonem: quantaque sit ejus vis, ex Ciceronis oratione pro Cornelia, ejusdemque alio loco testimoniis & variis similitudinibus probat. Quali ornatu esse debeat, definit: non effœminatus, non adscititius aut fucatus, sed sanctus, fortis, virilis, & speciem cum utilitate junctam habens. Eodem pro diverso materię genere variandum monet, atque in genere demonstrativo in quo plenis velis ferri debet, longe alium esse quam

***** 3

in de-

in deliberativo & judiciali, a quibus etiam si pressior & castigatio sit, non tamen excludatur. Ornatum esse in singulis verbis, conjunctis, ut perspicuitatem: nam quod supra dixit in verbis singulis spectari an perspicua & ornata sint, ad primam positionem referendum est, ut postea toti orationis corpori eadem virtutes serviant. Primum in singulis magnum esse synonymiæ usum: quia cum plura idem significant, aliaque honestiora, sublimiora, jucundiora, aut vocaliora sint; licet, quæ rebus accommodatissima erunt, eligere: ut atrocibus verba ipso auditu aspera dare, a rebus humilibus sublimia procul auferre. Contra ubi submitenda erit oratio; in verbis humilibus magnam vim repositam existimare, omnia Ciceronis, Horatiique & Virgilii illustribus exemplis demonstrat: Verborum ex quibus ornatus petatur, triplicem sectionem facit, aut enim propria esse, aut ficta, aut translata. Propria, ornata esse, & dignitatem consequi, si antiqua sint, & cum modo sumantur, nec ab illis obliteratis temporibus repetantur. Ficta vero Græcis quam Latinis esse magis concessa: quibus novare vix permittitur, nisi his se remediis præmuniant: *Permitte mihi ut sic loquar, liceat ita dicere, &c.* At verba fictere, derivare, componere satis concedi. ¶ Translata, de quibus *c. de tropis* amplius loquetur, extra contextum orationis probari non posse, nec ulla singula per se vim habere tradit. Itaque a singulis ad conjuncta transit. Conjuncti sermonis ornatum in duo partitur: quam elocutionem concipiamus, & quomodo efferamus. In primo constare debere: minuendumne, an augendum sit: remisse dicendum, an concitate, &c. In secundo quibus translationibus, figuris, & sententiis, & qua collocatione intentionem perficiamus. Et quia vitio carere prima sit virtus; antequam ad ornatum & ejus virtutes accedat, orationis vitia eidem contraria recenset, *anacopha*ton, cujus plures species facit, *tapinosin*, & ei vitium contrarium, *rebus parvis excessum immoderatum tribuens*, *minosin*, *tautologian*, *epanalepsin*, *homilogian*, *macrologian*, *pleonasmon*, *periergiam*, *cacozelon*, *anoeconometon*, *aschematon*, *cœnismenon*, quæ omnia exemplis appositis explicat. ¶ His enumeratis ad ornatum redit, cujus partibus supra nominatis cultum, qui omnia nitidiora facit, quoque orationis ornamenta continentur, adjungit, inter quæ *energiam*, quam representationem alii vocant, numerat, & expressam rei imaginem *hypotyposin* alius dictam, aliis rerum sub oculos subjectionem: quibus oratio maxime redditur illustris. Exemplum ex Cicerone & Virgilio & a se ficta profert. ¶ Valere similitudines quoque plurimum ad res illustrandas, præter illas quæ rebus probandis adhibentur: & quid circa illam observandum, quæque similitudinis sit & parabolæ, quæ ejusdem species est, ratio, quotque genera, docet. ¶ His *brachylogian*, virtutem qua res breviter ante oculos ponitur, atque *emphasin*; qua plus intelligitur quam dicitur, & diversa virtute magnam vim orationi adferentem *apheliam* adjungit: acervatim vero *diносin*, *phantasian*, *energiasiam*, *hyperexergiasiam*, *energiam* recenset. Postremo vim oratoris in augendo & minuendo, ut ad sequens caput transitum faciat, concludit.

De Amplificatione.

C A P. I V.

Primum amplificandi vel minuendi rationem in nomine esse docet : ut cum improbum , latronem : contra , vulneratum , læsum dicimus. Aliam etiam ex nominibus majorem & manifestiorem , ex comparatione ampliorum verborum cum inferioribus : quale est illud, Non furem , sed raptorem : non sacrilegum , sed hostem sacrorum. ¶ Et quia species hujusmodi possunt plurimæ recenseri , ut confusionem ex multitudine tollat , quatuor amplificationis genera constituit : incrementum , comparisonem , ratiocinationem , congeriem. ¶ Incremēti quatuor modos recenset , comparationis tres : ubi comparisonem non semper ad amplificandum , sed aliquando etiam ad probandum adhiberi moner . Ratiocinationis quinque. Cur hunc amplificandi modum ita vocet , rationem reddit. Congeriet duos : & quid a synathroesmo figura , id est , coacervatione , differat. ¶ Postremo minuendi totidem modos esse quot amplificandi tradit : & cur hyperbolen in tractatum de tropis differat , curque continuo tropos non subjungat , rationem assignat.

De Generibus sententiarum.

C A P. V.

Rationem dicendi quæ translatis constat , ab ea quæ propriis constaret separandam esse in fine capitis superioris dixit ; in quo cum de amplificandi modis locutus esset ante tropos qui translatis constant amplificationibus , tractatum de sententiis subjungendum existimavit. Quæ vox cum sit homonyma , quot modis accipi possit , quot sint earum genera , quis usus , quæ vitiosæ , quis modus explicat. ¶ Triplicem sententiæ acceptionem ostendit. Prima significari id omne quod animo sentimus ; secunda , consilium aut decretum ; tertia ad hujus similitudinem , orationem sumptam de vita , quæ quid in ea esse oporteat , breviter ostendit. ¶ Et hujus esse varia genera. Nam aut ad rem universaliter refertur , aut ad personam. Simplem esse , aut duplicem : Sine & cum ratione subjecta. Ex diversis quod cum mutatione figuræ addit acrimoniam. Quod a communi vertit ad proprium : quod a rebus ad personas transfert. Enthymema , cum non est argumentum , sed ad ornatum refertur. Epiphonema , in clausula additum. Noema , clausulam sensus ferientem , Quibus novarum sententiarum genera subiungit , ex inopinato , alio relata , aliunde petita , geminata , contrane posita , comparata , quorum quædam bona dici possunt , quædam vitiosa : quæ sunt illa ; commemorat : Sententiarum modum hunc esse , ne ædæ sint , ne palam falsæ , ut a viris autoritate præditis proferantur. Quænaminiū frequenter utentes , & contra in totum damnantes vituperat & viam quandam mediam inter utrosque indicans , & utum ejus mediocrem commendans.

De

Definit Tropum esse verbi vel sermonis a propria significatione in aliam cum virtute mutationem. Troperum quosdam significationis vehementioris causa, quosdam decoris assumi ostendit. Et in aliis verba verti, in aliis sensus ipsos. Horum primo loco metaphoram recenset, cujus vim, utilitatem & jucunditatem prædicat, fierique quatuor de causis docet, necessitatis, significationis vehementioris, ornatus, & turpitudinis vitandæ causa. Quo differat a similitudine, & vim ejus esse quadruplicem tradit: cum animata pro animatis, inanima pro inanimis, inanima pro animatis, aut animata pro inanimis ponuntur. Ejus usum modicum esse debere, ne nimia frequentia obscuret, aut ratio afficiat. ¶ Vitiosas metaphoras has esse, humilem, sordidam, majorem, minorem, redundantem, dissimilem, duram, ¶ Synecdochen, cujus plures esse species docet, nam aut a parte totum, aut a specie genus, aut a præcedentibus sequentia, & contra intelligit: Poetisq; liberior est quam Oratoribus, Metonymiam, id est, nominis pro nomine positionem, ad quam inventum pro re inventa, possessa pro possessoribus; & contra, contenta pro continentibus, effecta pro efficientibus refert. ¶ Antonomasiam, quæ sit per epitheton, & ex his quæ in quocunque sunt præcipua, & ex factis, quibus persona significatur. ¶ Onomatopœiam, id est nominis fictionem Græcis quam Latinis magis concessam, ¶ Cataphresin, id est abusionem, quæ non habentibus nomen accommodat quod in proximo est, & quo pacto a metaphora discernatur, ostendit. ¶ Metalepsin, quæ ex alio in aliud velut viam præstat. ¶ Epitheton, quo Poetæ frequentius utuntur, quia apud Oratores nisi vim rei exprimat, locum non habet, quod quando ad antonomasiam referatur, aut nomen suum retineat, docet. ¶ Allegoriam, cum aliud verbis, aliud sensu ostenditur. Et ejus totius usum nonnunquam esse in oratione, etiam si raro, frequentius vero ex parte. Speciosum autem esse illud genus quod tribus permixtum sit, similitudine, allegoria, translatione. ¶ Alia ejusdem generis recenset, id quod in exemplis est, & ænigma non evitatum magnis Oratoribus: & Ironiam, quam Illusionem vocamus; cujus species sint sarcasmus, asteismus, antiphrasis, paroemia, mysterismus, ¶ Periphrasin, id est circuitum loquendi, quæ nonnunquam necessitatis causa, ut dictu deformia tegantur, nonnunquam ornatus adhibetur. Cum vero in vitium incidit, perissologia dicitur. ¶ Hyperbaton, quod opportuna ordinis mutatione, aliquid ex significatione mutando, figura verborum potius esset quam tropus: quod cum duobus verbis fit, anastrophe dicitur. ¶ Ultimam hyperbolem, quæ augendo vel minuendo fit pluribus modis: augendo, plus facto esse dicendo, aut per similitudinem attollendo, signis vel translatione vel alia insuper addita: In qua mensura servanda sit, ut naturalem modum non excedamus, etiam si quid ultra fidem dicamus, cujus in minuendo totidem sint genera.



M. FABII QUINCTILIANI

DE INSTITUTIONE

ORATORIA,

LIBER IX.

Quo differant figura a tropis.

CAP. I.



Proposui absolutâ tractatione, ad Figuras transire. Primum quæ sit inter tropos & figuras conveniëntia; explicat. Deinde quæ inter se differant, ex utriusque definitione colligit. Præterea figuræ duplicem acceptionem ostendit. Primam, sententiæ qualem cunque formam & habitum. Secundam, a simplici ac in promptu posito dicendi modo mutationem, de qua hoc capite tractat. Hoc itaque, quod ambiguum erat, discussio; figuram definit esse ætæ aliqua novatam dicendæ formam. Deinde dupliciter dividit, in figuram sententiarum, & verborum. Et quia natura rerum verbis priores sunt, de figuris sententiarum prius loquitur, easque non vulgariter ab utilitate commendat: quia & ad fidem faciendam, & ad movendos affectus plurimum possint, id similitudine a re militari sumpta evidentius reddit. Postremo figurarum non esse infinitum numerum, ut quot affectus sint totidem figuras esse dicamus, sed certum esse modum quendam docet: quamque viam in figuris enumerandis Cicero secutus sit, locis integris ex Oratore ejus & de Oratore libro tertio citatis ostendit.

De figuris sententiarum.

[CAP. II.]

Ciceronem de figuris mediam quandam viam secutum esse ostendit, non eas modo quæ ab ulu communi remotam dicendæ formam haberent, figuras vocaret; verum etiam quæcunque essent clarissima, & ad movendum auditorem potentissima, quæ ut ab illo recte facta sunt, se tamen hoc capite de illis figuris quæ ab illo simplici indicandi modo recedunt, locum profectur. Nam alia ut figuras admittant, figuras tamen non esse, id inter-

*** **

interrogationis exemplo probat: quæ cum nihil sit communius, figuratam tamen esse, cum instandi gratia sit, vel invidiæ, vel miserationis, vel auferendæ dissimulationis, aut acrius imperandi, vel ubi negari quid non potest, vel ubi difficilis est ratio respondendi. Interrogationi proximam figuram in respondendo enumerat, cum aliâ interroganti, ad aliud occurratur, augendi criminis causa, vel declamandi. Item interrogandi se ipsum & sibi respondendi vicissitudinem: & subjectionis schema. ¶ Præsumptionem, cujus variz sint species, præmunio, confessio, prædictio, emendatio, præparatio, reprehensio. ¶ Dubitationem. Communicationem cum iudice aut adversario, cujus species sit sustentatio dicta ab alijs paradoxon, quorum sententiæ non accedit. ¶ Permissionem. Simulationem ex qua sit exclamatio assimulata, & arte composita, & licentia ex eodem fonte manans. ¶ Prosopopœiam, cujus variz species: sermocinatio, ficta imaginatio, parode, formæ fictio, incertæ personæ ficta oratio, jactus sine persona sermo, obliqua allocutio: aut narratio. ¶ Apostrophem, quæ fit vel cum adversarios invadimus, vel cum ad invocationem, vel ad invidiosam implorationem convertimur, vel cum a proposita questione audientem abducimus, ¶ Subjectionem sub oculos, quæ non solum quæ facta sunt, aut fiunt: sed etiam quæ futura sunt, aut fuerunt, imaginamur: cujus species metastasis, & locorum descriptio, quæ Topographia vocatur. ¶ Ironiam, quæ quo pacto figura a tropo differat, breviter explicat: nempe quo metaphora ab allegoria, cujus species apophasis, confessio nihil nocitura, concessio iniqui, causæ fiducia, consensio, ficta permissio, & iussio. ¶ Concessio eorum quæ videri nolumus, laus, amplificatio eorum quæ dilui facile possunt. ¶ Apostrophe, quæ fit iræ, sollicitudinis, transi- tionis, digressionis causa. Et per præcisionem. Ethopœiam vel mimesin, id est morum alienorum imitationem, in eludendo positam, quæ in factis & dictis versatur. ¶ Dissimulationem artificii, & negligentiz confessionem, quibus dicti pœnitentia subjacet. ¶ Dilationem & repetitionem. ¶ Emphasin, cum ex aliquo latens aliquid eruitur. Ex quo genus illud a quo figuratæ controversiæ dicuntur: cujus triplex usus, si dicere palam parum tutum est, vel si non decet, vel si novitate, & varietate magis delectat, quam si relatio recta sit. Quæ tria sigillatim tractat, in quibus quis figurarum modus, quæ declamatorum vitia, quomodo figuris respondendum sit, quamque variz figuræ a diversis positæ sint, & quæ a figuris excludendæ, fulsissime præscribit.

De Figuris verborum.

C. A. P. III.

Sententiarum figuras, Verborum sequuntur, quorum duo facit genera: Unum, quod ad loquendi rationem pertinet, grammaticum appellant: iisdemque generibus fieri, quibus vitia, ostendit; atque ne vitiosum sit, excusari autoritate, vetustate, consuetudine, & ratione. Quod genus ab utilitate commendat, quia sermonis eodem modo formati tadium le-

vet.

vet. § Deinde quot quibusque modis figuræ in hoc genere fiant, recenset, in nominibus & verbis circa genus: ut timidi damæ, punitus es inimicos. In numero, Romani gens pugnacissima. Per partium mutationem & temporum, ut scire tuum, & vicinus pro vincemus. Per parenthesis, hyperbaton, adjectionem & detractionem, denique per omnia genera per quæ fit solœcismus. § Absoluto priore genere ad secundum, quod Rhe-toricum dicitur, accedit, quod ipsis sensibus tum gratiam, tum vires accommodare dicit. Cujus genera præcipua tria enumerat, per adjectionem, detractionem & similitudinem. Primam adjectionem ponit, cujus multas species f. cit. Geminationem amplificandi, miserandi, vel per ironiam elevandi causa: & repetitionem, cum ab iisdem verbis plura acriter & instantèr incipiunt: vel cum iisdem desinunt, vel ubi media primis respondent, & ultima primis. Epanodon regressionem vocant, polyptoton, metabolen, dissipata, plocem verborum & sensuum idem significantium, congregationem, diallagen, cum diversa congeruntur, asyndeton, id est dissolutionem, & polysyndeton, quod conjunctionibus abundat. Item gradationem. Hactenus adjectionis figuras. Postea vero detractionis, quæ brevitatis vel novitatis gratia fiunt, enumerat. Synecdochen, cum verbum subauditur; quæ quo differat ab aposiopesi, explicat. Dissolutionem, quam etiam supra fieri per adjectionem demonstravit. Synezeugmenon, quando plures sententiæ ad unum verbum referuntur, quod multas habet species. Synœceiosin, duas res diversas colligentem. Tertium genus adjungit ex similitudine, cujus species agnominatio, & ei affinis antanaclassis: quarum variz species, paria & contraria, quorum gratiam commendat: sub quibus parison, homœoteleuton, homœoptoton, isocolon, antitheton, quod contrapositum vocant; cujus septem modos enumerat: cui etiam anametabolen subjicit. Quasdam etiam alias adjungit: quæ diversa ratione, sententiarum & dictionum figuræ esse possint: dubitationem, correctionem, hyperbaton, prosopopœiam: ut quando in uno verbo sunt, verborum figuræ sint: in pluribus sententiarum. § Postremo figuras varias a quibusdam figurarum numero habitas recenset, in figurarum numerum non admittendas: & quo pacto figuris utendum sit, gravissime præcipit.

De Compositione.

CAP. IV.

DE Compositione locuturus, veniæ præfatione utitur: quod de ea re, quæ a Cicerone diligentissime pertractata sit, scribere audeat: qui totus locus ad benevolentiam pertinet. § Deinde contra eos pugnat, qui horrido illo & inculto, ut impetus fert, dicendi fluxu contenti curam omnem bonæ compositionis contemnuat, quam multis egregiis similitudinibus ex communi rerum natura sumptis; item veterum exemplo & auctoritate abjiciendam non esse, atque ad delectandum & movendum esse efficacissimam, aliis insuper argumentis probat: quæ pars ad reddendos *maiores attentos spectat.* § Ante omnia orationis divisionem facit, in *vinculam*

*** ** *

vinculam

vincam & solutam ; & secundum has compositionis , quam præcipue in oratione vincita esse demonstrat : cujus tres species facit. Incisa , membra , circuitus. In iis tria esse necessaria docet : Ordinem , juncturam , numerum. Ordinis observationem in singulis esse , & contextu. In quibus cavendum ne decreseat oratio , ut priora dignitate præcedant , ne supervacua sequantur ; ut verba sensum claudant , ut amphibolia absit. ¶ Juncturam in verbis esse , incisis , membris , & periodis. In verbis cavendum , ne ex ultima & prima syllaba deforme aliquid consurgat : ne concurrant vocales , ne consonantes rixentur , ne ultimæ syllabæ verbi prioris sint primæ sequentis : ne crebra monosyllaba , brevique verba aut nomina , longave continuentur , ne verba verbis , aut nomina nominibus multa vel similiter desinentia aut cadentia , aut eodem modo declinata jungantur : ne quid , ne virtus quidem , nimis frequens sit. ¶ Incisum definit sensum esse non expleto numero conclusum. Membrium , sensum esse numeris conclusum , sed a toto corpore abruptum , per se nihil efficientem. ¶ Periodi plurima nomina recenset , & duo genera facit. Unum longiore ambitu circumductum : alterum membris & incisis plures sensus habentibus constans. Periodi membra , legem , modumque atque etiam membri rationem describit ; atque in membris & incisis videndum monet , ne prima & extrema male cocant , & quæ quibus anteponantur. Tertium est numerus : qui quo a metro differat , explicat fusissime , cumque in pedibus simplicibus vel compositis esse docet : pedumque nomina structuramque profert , omnesque in orationem venire ; sed cum delectu , tradit : nam alios initiis , alios clausulis , mediis alios aptiores esse : in quibus qui horum recte aut secus collocantur , definit , & exemplis subjectis demonstrat , atque in clausulis plurimum referre , non solum quis claudat , verumetiam quis antecedit. ¶ Præterea nimiam compositionis religionem , quæ dimittendis pedibus syllabisve perpendendis , veluti consensescit , maxime vitandam censet : quia ægrum gravium consideratione nos abducit & naturalem dicendi fluxum retardet. Sequendam ergo esse vim longa exercitatione comparatam , nec tam intuentes pedes , quam universam comprehensionem. ¶ Procemiis in causis difficilibus , locis communibus , amplificationibus , & epiogis , periodos , pro rei ratione diversas , aptas esse docet. In historia non esse numeros finitos , sed fluxum quandam orationis rotundum , connexionem perpetua ad finem usque decurrentem. Generi demonstrativo fusiores & liberiores convenire numeros : aliis generibus pro rei diversitate varios. ¶ Narrationibus opus esse tardioribus & gravioribus , probationi acrioribus ; epiogis lentioribus. Postremo , quæ sit cujusque orationis partis proprietas , quibus ut pronuntiatio , sic compositio accommodetur , cui longæ syllabæ pondus & auctoritatem , breves celeritatem addant , quam mixtæ longis exultare & currere : longæ ad breves descendentes , breviorum : breves ad longas ascendentes , acriorem faciant : denique compositionis partes & propria breviter repetit.

M. FAB.



M. FAB. QUINCTILIANI

DE INSTITUTIONE

ORATORIA,

LIBER X.

De Copia verborum.

CAP. I.

QUÆ ad inveniendum, disponendum, & eloquendum pertinent super-
nonibus libris tradidit. Nunc hujus libri & capitis initio admonet,
quæ hætenus tradita sunt, ad perfectam eloquentiam non sufficere, nisi
facultas quædam firma, quam Latini habitum dicunt, accesserit. Eam legendi,
scribendi, & dicendi exercitatione parari, si verborum & rerum copia in-
veniamur, docet. Et res quidem cujusque causæ proprias esse, verba cum
alia aliis locis posita, eidem rei convenient, in promptu & conspectu
esse debere. Quorum copia cum delectu paranda sit, ut suis locis aptari
possint. Itaque verborum idem valentium varietatem, subjectis exemplis,
quæ ad docendum potentissima sunt, exhibet. Quorum copiam duobus
contingere tradit: optima audiendo & legendo. Auditionis rationem, &
commoda: quo viva vox, actio, pronuntiatio, & periculum dicentis move-
ant: deinde lectionis, quam potiore esse ex utriusque comparatione probat:
& quo pacto legendi sint autores optimi, proponit: nempe non oscitan-
ter, vel earum truncatimve, sed diu multumque a principio ad finem:
quæ etiam lectos semel ex integro resumendos, præcipue Oratores, in qui-
bus virtutes maxime occultantur, quorum orationes si utrinque habitæ ex-
ant, causis cognitis legere utilissimum sit. ¶ Poetarum etiam lectionem
peritum commendat: quod ab his in rebus, spiritus: in verbis subli-
mitas: in affectibus motus: in personis, decore petatur: Quod etiam le-
pore & venustate rerum ab illis fictarum, ingenia molestius forensibus
non effusa recreentur. In quibus tamen libertas verborum, & licentia
figurarum excusanda Oratori, non imitanda sit. ¶ Historiæ lectionem, uti-
tatem etiam esse, cum propter rerum & exemplorum cognitionem, quæ
seppeditat, tum etiam quod dictionis suavitate alere orationem possit,
quævis moris Historicorum virtutes, quibus illi Poetis proximi sunt, sine
Oratori vitandæ. Philosophos quoque non esse negligendos, non quidem
qui

quã sermonis ratio ab his petenda sit , sed quod & vitiis & virtutibus optime differant , & nos argumentari doceant ; maxime Socratici , qui inductionibus utuntur. ¶ Postremo qui legendi , & quæ virtutes in quoque autore præcipue sint , adjungit. Et quamvis perfecti & absoluti quique præcipue legendi sint , qui pauci sunt ; judicium tamen habentibus nullum omnino ex quo quid utilitatis referri possit , refugendum esse censet. Præcipuos in quoque genere , Græcos primum , deinde Latinos : & quibus virtutibus excellent , enumerat. Poetas primum heroicos a quorum principe Homero incipiendum putat : quem cum Virgilio comparat , ut postea Demosthenem cum Cicerone , & quam diversis virtutibus emineant , ostendit. Deinde Elegos , Lyricos , Tragediæ & Comediæ scriptores , Historicos , Philosophos , Oratores , quos omnes cum Latinis confert : quid in eorum manibus laudandum , & imitatione dignum sit ; aut secus , explicando.

De Imitatione.

CAP. II.

QUoniam omnia præcepta parum profutura sunt , nisi nos ad alicujus perfecti imitationem componamus : postquam qui legendi nobis essent pronuntiavit , de imitatione , per quam aut maximis autoribus æquales , aut proximi evadamus contingit , præcepta tradit. Primo probat eam utilem , & necessariam : deinde non ipsam per se sufficere , sed conandum aliquid supra eos quos imitamur. Tertio circa imitationem duo esse videntur : quos , & quid in illis imitemur. ¶ Primum ex superiori capite manifestum est ; quid imitandum sit superest , nempe optima , quæ quisque talia esse cognoscit , cum in maximis etiam autoribus aliqua vitiosa , minus perfecta & plena incidant. Ergo non solum verborum imitationem esse , verumetiam spectandum decorum rerum & personarum , consilium , quæ proprietates omnium partium , quæ ratio delectandi & monendi. & quo pacto etiam ad docendum spectant , quæ verborum copia , figurarum varietas , componendi ratio : quo cognito quisque vires exploret , quid ferre valeant ; nam insanum esse inimitabilia persequi repugnante natura. ¶ Præterea cavendum ne Orator poetas , aut Poeta Oratores sibi imitandos proponat , nisi in eo quod in omnibus habet commune eloquentia. ¶ Postremo ne cui nos uni imitando addicamus.

Quomodo scribendum sit.

CAP. III.

TRIA ad facilitatem eloquentiæ parandam necessaria esse dixit , legendi , scribendi , & dicendi exercitationem. De primo locutus , ad secundum aggreditur. nempe ad stylum , id est modum scribendi. In quo duobus consideranda ait : quid , & quomodo scribi oporteat. Priore membro quintum caput dilato , secundum exequitur. Scribendum esse quam diligenter

gentissime, & quam sapissime quæ iusto tempore excogitata erunt & bene collocanda, cum rerum & verborum certo delectu; repetenda frequenter, & sub incudem revocanda calore inventionis refrigerato, atque etiam retrahenda quæ semel composita erunt, Sallustii atque Virgilii exemplo. Quæ diligentia & sollicitudo initiis necessaria est. § Deinde duo genera vixile scribentium notat: unum eorum quibus morosis nimium nihil placet; qui meditando & cogitando maiorem temporis partem consumunt, semper unde incipiant quærentes. Aliud eorum qui ex tempore quicquid primus impetus suggerit, effundunt, magna levitate res temere congerentes. Ex quo dictantes quod alii celeriter excipiant, propter varia ejus rei quæ subjungit incommoda, reprobant: inter quos viam mediam bene scribendi studiose sequendam: & quid illi scribendi initium invenire volenti intuentum sit, præscribit: nempe quid res, locus, tempus, vel personæ poscant. § Locum secretum studiis esse aptum: non tamen nemora & sylvas: quæ ad studia non vocare, sed potius avocare ad voluptatem videntur. § Lucubrationem nocturnam esse longe utilissimam: ita tamen, ut valetudinis habeatur ratio: quæ scribendo & meditando lædi præcipue solet: quarum rerum commoditas si non suppetat, non propterea omnibus locis & temporibus meditationi dandam non esse operam. Postremo quibus sit in certis tabellis scribendum, quibus in membranis, & quamobrem, quaque versuum longitudine, quibusve relictis marginibus tradit.

De Emendatione.

C A P. I V.

STyli secundum officium in emendatione eorum quæ primum scripta sunt, consistit: cujus tres esse partes docet, adjicere, detrahere, mutare. Eaque tria optime præstari posse, si quæ primo calore effudimus, in aliquod tempus reposita, per intervallum sæpe regustemus, & tanquam aliena legamus: ubi modus adhiberi debet. Nam qui nunquam de tabula, quod ajunt, manum tollere possunt, semper invenientes quod mutant, detrahant, & adjiciant, magnopere vituperandos esse.

Quæ scribenda sint præcipue.

C A P. V.

Divisionis tertio capite factæ, secundum membrum aggreditur, quæ maxime scribenda sint. nam ibi quo modo quicque scribendum esset, docuit. Ergo principio vertere Græca in Latinum sermonem, propter rerum & verborum copiam, figurarum varietatem, & artis subtilitatem, quibus omnibus abundante Græci, utilissimum esse censet. Hinc & crebra ex Latinis conversionem multum profuturam: siue carmen in orationem solutam convertamus, siue quid paraphrasi interpretemur, cujus naturam vimque explicat. Neque id in alienis orationibus modo; verum etiam

etiam in nostris conandum. ¶ Atque si facultatem dicendi maximam parare nobis volumus, ex quaestionibus simplicibus, quæ nullis circumstantiis sunt implicite, theses dicunt, eam vel maximam parari posse probat. Deinde ex confirmatione & confutatione sententiarum. Tertio ex declarationibus a rerum veritate non abhorrentibus. Quam etiam facultatem sequenti, historias, propter ubertatem, dialogos & carmina, animi reficiendi causa, conscribenda judicat. ¶ Postremo, serias etiam causas juvenibus proponendas, quas vel agi audierint, vel etiam alias ad veritatem comparatas: quas si utrinque tractaverint, ad aliquod eloquentiæ lumen perventuros esse.

De Cogitatione.

C A P. VI.

Legendi & scribendi absoluta ratione, priusquam ad dicendi modum, quod tertium est, perveniat; de cogitatione, quam locat inter duo postrema mediam, loquitur: quæ quanti sit usus atque utilitatis, primum eleganter describit. Deinde quomodo firma & valida cogitandi vis parari possit, demonstrat: videlicet si longa dicendi exercitatione formam nobis fecerimus, quæ cogitantes sequuntur. hinc animo & memoria pauca complecti primum; deinde per incrementa paulo plura consuecamus: sic forte ut illa usu augeatur, & exercitatione retineatur, firmissimamque evadat. Id exemplis Eriphyli, Metrodori, & Hortensii probat. ¶ Verum quod in omnibus artis partibus, ita hic cavendum monet, ne cogitatis ita superstitiose adhæreamus, ut si fortuna quid plausibile ex tempore offerat, repudiare velimus.

Quemadmodum extemporalis facultas pareatur & contineatur.

C A P. VII.

QUI legendi, quæ scribenda, & quomodo, tradidit. Rationem dicendi, quod ultimum erat, aggreditur. Primum facultatis extemporalis utilitatem ex adjunctis, consequentibus, & similibus commendat. Deinde quo pacto parari & retineri possit, docet. Parari, si dicendi artem probe tenuerimus: si quo & qua sit perveniendum, si partes causarum, ordinum, quaestionum; quæ dispositio rerum, quid loco primo, aut secundo, ac deinceps sit collocandum, scierimus. Quibus extra artem, ex labore & studio adjungit, ut copiam optimi sermonis nobis paremus, ut orationem multo & fidei stylo, consuetudine atque exercitatione formemus: ejus colorem etiam ex tempore dicta referant, ut non solum animi naturali mobilitate, verumetiam præcedente intentione, usu quodam irrationali, quem tamen ars præcedat, adhibitis rerum imaginibus, & vi mentis plurimum valeamus. Pudorem quoque, & gloriæ cupiditatem ad
hanc

hanc facultatem plurimum conferre contendit , ad quam paulatim a parvis initiis frequenti meditatione , & usu perveniendum sit. ¶ Porro retineri eadem qua paratur exercitatione , quam duplicem esse vult : primam , qua audientibus pluribus , de quorum iudicio atque opinione sumus solliciti , plura quotidie dicendo exercemur . Alteram , qua nobiscum cogitamus & totas materias silentio persequimur : quarum comparatione facta , varia commoda commemorat . Atque ut exacto & perfecto sermone uti consuescamus . & diligenter plurima scribendo , optime & facillime dicere discamus , præcipit.



M. FABII QUINCTILIANI DE INSTITUTIONE

ORATORIA,

LIBER XI.

Prefatio , & de Apte dicendo.

C A P I.

VIM eloquendi citra facilitatem dicendi firmam , quæ legendō , scribendo & dicendo paratur , consummatam & perfectam esse non posse , & quid horum unumquodque (quibus imitationem , emendationem & cogitationem admiscuit) proprium haberet , superiore libro tradidit . Hujus autem initio irritos adhuc esse in eloquentia nostros conatus , nisi apte & congruenter dicere studeamus , atque omnem ornatum insulsum & ridiculum esse , nisi hæc illi virtus contingat , proficitur . Id egregiis similitudinibus , & Ciceronis autoritate probat . Apte dicere volenti observanda primum , deinde vitanda præscribit . Observanda , & quid cuique orationis parti congruat : quid rei , loco , tempori , iudici conciliando , docendo & movendo , consideret : cum omnis ornatus rei cui adhibetur , conditione constet . Nec solum quid expediat , verumetiam quid deceat , animadvertendum : quæ ut aliquando conjuncta sint , aliquando etiam separantur : ut apparet ex causa Socratis , Africani majoris , & Rutilii . ¶ Pervidendum itaque non minus quid dicas , quam quo , loco :
quare

*** **

quare non esse hanc virtutem minus inventionis quam elocutionis. Vitandam sui jactationem longe vitiosissimam, a qua Ciceronem contra obtrectatores vindicat & purgat: quamvis Oratori eloquentiæ fiduciam concedat: Arrogantiam, qua judicasse de causa, & iudicibus præire quodammodo velle qui dicit, videtur: Actionem impudentem, tumultuosam, iracundam, summam adulationem, affectatam scurrilitatem: in rebus ac verbis turpibus nullum pudorem, atque in omni negotio neglectam autoritatem. Eloquentiæ genus ad personas, tempora, causas & res accommodandum. Personas esse vel senes, quibus pressum & mitè dicendi genus convenit: vel juvenes, quibus uberius, & magis luxurians: vel milites, quibus simplicius: vel Philosophos quibus inornatum & sine affectibus: vel Principes & Imperatores, quibus genus quoddam medium, ornatum quidem, sed severitate temperatum. Atque horum omnium alios esse actores, alios litigatores, alios iudices: quibus omnibus ex præceptis exordii libro quarto traditis sit tribuenda conveniens oratio. ¶ In tempore & loco hæc esse quoque considerata: Tempus, an sit liberum, lætum, ærile, angustum: Locus, an sit publicus, privatus, sacer, profanus, celeberrimus, secretus, aliena civitas, an nostra: castra, forum, curia, campus, theatrum, domus: quibus omnibus, servato decoro, congruens tribuenda sit oratio. Causa si demonstrativi sit generis, ut ad delectationem audientium componatur: si alterius in actu & contentione positi, ut dicendi lenocinia respuat, & res serias sequatur. ¶ Hinc quid declamantes deceat, & quibus affectibus uti debeant. Quæ moderatio quarundam causarum propria. Quo pacto, quæ natura sunt indecora & turpia, tractanda sint. Qua ratione excusanda, hominibusque probanda, atque etiam laudanda, exemplis ex Ciceronis pro Cluentio, pro Murena, & aliis orationibus demonstrat. Item qua ratione in aliis reprehendenda sint quæ feceris, ex oratione pro Ligario. Atque ut sit de pudendis querendum, ut aspera sint mollienda: utque fortunam, aut ordines gentesve aut populos insectari decenter possis, atque ut verborum moderatione rei detrahenda sit invidia, promptis ex eodem exemplis tradit.

De Memoria.

CAP. II.

Memoria & pronuntiatio potissimum ad dicendum pertinent: ergo hoc loco commodè tractantur. Hoc itaque capite, quantus eloquentiæ thesaurus sit memoria, quæ res nobis & verba semper repræsentat, sine qua nulla constet aliarum partium prædicat. Eius partes duas facit: facile percipere, & fideliter continere, non solum scripta, sed etiam cogitata: & tam adversariorum quam nostra. Vim ejus naturalem describit: quæ tamen ratione juvetur, & exercitatione augeatur, firmeturque. Quare memoriam duplicem esse, naturalem & artificiosam contendit, Artificiosæ primum inventorem, & ex quo eventu, Simonidem commemorat. Eamque tribus constare, locis, imaginibus, & præceptis ostendit. Loca multa illustra, explicata modicis intervallis, imagines rerum & verborum efficit.

cunctas, acres, insignitas desiderat: quibus modus aliquis statuentus sit, ac vanitate quadam aut ostentatione minutim concidantur, quod orationi perpetuæ ediscendæ parum convenit. § Ediscendi rationem triplicem facit, tacite secum, voce leniter expressa, & alio legeat. Primum magis probat, si cogitationibus & perturbationibus simus vacui. Quibus ut occurramus, sit adhibenda vox, quæ duplici motu juvet, audiendi & dicendi: quæ secunda ratio erit. Tertiæ commoda cum incommodis comparat, & ostendit esse majora. § Quo pacto longior oratio memoria complectenda sit, præcepta tradit: ut per partes edificatur non exiguas, sed quæ locum quemque ad finem perducant: quibus apponendæ sint notæ rei convenientes: ut si de nave dicendum, anchora: si de bello, spiculum. Aliquando etiam quæ ab alio simili memoriam transferunt, ad id quod continendum est: ut si Fabius tenendus sit, succurrat cunctator ille: si Cicero, veniat in mentem, ciceria. Aliquando etiam non similes; ut si annulum alliges, ut cur id feceris, requiras. Reliqua hujus rei præcepta sunt: ut bene valeamus, ut animus sit liber cogitationibus, ut digestus citus, ut eadem cera aut tabula utamur in qua scripsimus, ut adit exercitatio cogitandi ediscendique, pauca primum, deinde paulatim plura. Ut divisione utamur, & bona compositione; ut poetica primum ediscamus, deinde oratoria, tertio solutiora numeris: ut tardiora ingenia nocte interposita recordationem adhibeant. § Postremo ingeniiis fideli & magna memoria præditis, & tempore abundantibus, ad verbum ediscenda omnia imperat: dura vero aut nulla, extemporaliter tamen dicendi facultate valentibus. comprehensis animorebus, eloquendi facultatem liberam permittit: & quantum memoria natura studioque valeat, Themistocles, Mithridatis, Crassi atque Cyri exemplis ostendit.

De Pronunciatione.

CAP. III.

Quibus nominibus appelletur Pronunciatio, & quantam habeat vim ac potestatem in orationibus; testimoniis, exemplis & similibus ostendit: & qui pronunciationi tanquam parum naturali detrahunt; reprobant. § Deinde in vocem & gestum dividit, quorum vox ad auditum, gestus ad oculos pertinet. In voce duo sectanda monet, naturam & usum. In natura quantitatem & qualitatem. In quantitate, ut grandis vel exigua, vel inter has extremitates media. In qualitate, an candida, fusca, plena, exilis, lenis, aspera, contracta, fusa, dura, flexibilis, clara, obtusa. In utendi modo, ut ea sit pro varietate rerum acuta, gravis, flexa, intentata, remissa, lenta, concitata. Ad vocem augendam atque etiam tuendam, hæc ait conducere: corporis firmitatem, quam ambulatio, unctio, vneris abstinencia, & frugalitas præstent. Fauces molles & lenes. Humorem in ore mediocrem: edificere varia, clamosa & flexuosa: exerceri quotidie dicendo. His confirmatam & constitutam vocem, iisdem propriis quibus orationem circumscribit: ut sit emendata, dilucida, orpata, & apta. Emendatam ait fore, si non erit rustica, peregrina, absurda, rudis, immunda, dura, rigida, vana, præpinguis, tenuis, inanis, acerba, pusilla, mollior.

mollis, effoeminata, spiritu brevi, parum durabili, in receptu difficilis.
 Dilucidam, si erit explanata & distincta. Ornatam, si erit facilis, magna,
 laeta, flexibilis, firma, dulcis, durabilis, clara, pura, secans aera, auri-
 bus sedens, mediis sonis utens: qui, cum augenda erit, excitentur: cum
 summittenda, temperentur. Aptam, si rerum de quibus dicimus, & ani-
 morum habitui erit accommodata: in rebus laetis plena, simplex, & hila-
 ris. In ira, atrox, & aspera ac densa, crebra etiam respiratione: in in-
 vidia facienda, lentior: In blandiendo, faciendo, rogando, satisfaciendo,
 lenis & summissa: Suadendo, monendo, pollicendo & consolando; gra-
 vis: in metu & verecundia, contracta: Adhortando, fortis: Disputando,
 volubilis, concinna, contracta: In miseratione, flexa & flebilis: In eges-
 sionibus, fusa: In expositione ac sermonibus, recta: In magnis affectibus,
 elata: In compositis, submissa: In procemio plerumque lenis eum gestu
 modesto: In narratione apertior: In confirmatione, agilior, acrior & in-
 stantior: In propositione, partitione & interrogatione, sermoni proxima:
 In egressione, lenis, dulcis & remissa: In epilogo, si utimur enumeratione,
 concisa, continens: si concitamus, nunc intenta, nunc remissior, nunc
 etiam plenior: Si placamus, inclinata & lenis: Si miserationem excitamus,
 flebilis. In summa, in tota causa & partibus eius, rebus, personis & sen-
 tentiis conveniens. ¶ Haec de voce, nunc de gestu, secunda pronun-
 ciationis parte, quem vocem consentire, & cum ea animo parere confirmat:
 tumque ex effectis, exemplis, similibusque non vulgariter celebrat, & qualis
 sit ejus in omnibus corporis partibus ratio, observat: ut capite, vultu, palpe-
 bris, genis, superciliis, naribus, labris, cervice, collo, manibus, digitis,
 pedibus, toga & comis: quae pronuntiationis illustramenta juxta persona-
 rum, rerum & partium orationis varietatem, varie observare debeat Ora-
 tor, describit: quem ad personas primum, deinde ad res respicere jubet At-
 que in personis, quis apud quos, & quibus praesentibus dicat, intuen-
 dum monet. In rebus quatuor. Primum, tota causa qualis sit: tristisne
 an hilaris, grandis an pusilla: cui generum dicendi differentia adjungitur.
 Sitne demonstrativi generis causa, an deliberativi, vel judicialis. Secundoq;
 quae sit partium differentia, exordii, narrationis, probationis & epilogi. Ter-
 tio, quae sententiae. Quarto, qualia verba, quae ut sententiae varie rebus
 & partibus atque etiam officiis, ut docendi, movendi, aut conciliandi,
 accommodanda sint. Denique totam gestuum observationem ad vocem &
 animi affectus attemperandam esse. ¶ Postremo cum praecipua generaliter
 tradita sint non omnia omnibus, sed alia aliis convenire, & decora esse: cum
 in actione decorum praecipue spectetur exemplis comædorum similibus pro-
 bati. Cumque gestuum in dicendo, & vocis maxima sit gratia, si cum me-
 diocritate his utamur, argutias eorum & flexus supersticiosos procul remo-
 vendos esse, & modum adhibendum, ne histriones aut mimi, non
 Oratores videamur, monet.

M. FAB.

M. FAB. QUINCTILIANI DE INSTITUTIONE

ORATORIA.

LIBER XII.

PROOEMIUM.



Difficillimam operis partem sibi superesse, hac præfatione testatur: in quam dum a levioribus incipere duxerit, perseverando per singula pene imprudens eversus sit: sed nunc quidem deficiendum esse, quamvis paucissimos habeat quos sequatur. Ac Ciceronem quidem solum esse, qui de optimo dicendi genere scripserit: se autem & de genere dicendi, & de moribus Oratoris esse dicturum: quæ præfatio ad attentionem comparata est.

Non posse Oratorem esse nisi virum bonum.

C A P. I.

Ostendit Oratorem nisi bonum virum esse non posse, non solum in dicendi officio, sed etiam in arte ipsa, & orationis facultate: quod probat ab ingenio, studio, doctrina & autoritate boni Oratoris, quæ ei necessaria sint, malis autem & stultis hominibus minime convenire. Solent dicendi contraria exempla in Demosthene & Cicrone: quos & malos viros fuisse negat, & meliores Oratores potuisse fieri, si omnia perfecta habuissent, concedit. Artem etiam defendit, quæ tamen in causis malis Oratorem instruat, tamen in eisdem animam Oratoris & consilium spectandum esse: quo fit, ut saepe quod contra equum esse videtur, ex causa aliqua rectum & honestum sit: ut cum tyranni interfector etiam contra leges defenditur.

Cognoscenda esse Oratori quibus mores fermentur.

C A P. II.

Philosophiæ cognitionem Oratori necessariam esse non ad vivendum modo, sed etiam ad dicendum contendit: nec unam illis partem, sed omnes

*** ** 3

mnēs tres, ut Rationalem, Moralem, & Naturalem: quarum singularum materiam & vires explicat. ¶ Deinde philosophiam non ab uno aliquo, sed ab omnibus, & ab optimo quoque esse petendam: cum turpe sit uni se-ctæ addictum esse. Nec vero præcepta tantum, sed exempla etiam illustri-um dictorum factorumque cognoscenda.

Necessariam juris civilis Oratori esse scientiam.

C A P. III.

Necessariam esse Oratori juris scientiam, eamque promptam & paratam in omni disputatione, contendit. Nec difficilem esse, cum paucis rebus ne-que adeo multis præceptis constet, & bona parte in bonorum virorum sensu sit posita. Itaque reprehendit eos, qui relicto eloquentiæ studio, ignavia se ad us civile, vel ad philosophiam contulerunt.

Necessariam Oratori cognitionem historiarum.

C A P. IV.

Historiam quoque Oratori necessariam esse vult, cum veram, tum etiam fabulosam: in qua tamen, antiquitatis & senectutis major sit autoritas.

Quæ sint Oratori instrumenta.

C A P. V.

Quæ dicta sunt de moribus Oratoris, & de rerum cognitione, ad instrumenta illius pertinent: quibus adduntur hæc artificialia, inventio, dispositio, elocu-tio, memoria, actio. Sed imprimis animi præstantia contra verecundiam est ne-cessaria, ne debilitetur in agendo Orator, & iusta fiducia destituatur. Ubi quam intelligat verecundiam, declarat, ne ingenuus ac modestus pudor reprehendi vi-deatur, qui adeo Oratori est necessarius, ut si desit, fingendus sit etiam in dicendo, ac præ se ferendus. ¶ Esse etiam hæc naturalia necessaria parte Oratoris, vocem, latera, decorem: quibus Trachallum temporibus suis excelluisse dicit.

Quod sit incipiendi causas agere tempus.

C A P. VI.

Mature incipiendum esse causas agere præcipit, ne si citius id fiat, efferamur: sin tardius, deficiamus: idque a facilioribus tentandum. Quod postquam inceptum est, melius esse ad studia aliquando resilire & relabi, & quodammodo renovari, quam semel progredi; quo firmior in posterum & prudentior Orator evadat: quod Ciceronem fecisse probat.

Quæ in suscipiendis causis oratori observanda sint.

C A P. VII.

Oratorem ad defendendum quam ad accusandum propensio-rem esse debere iudicat, & tamen interdum vel publico, vel privato officio ad accusan-dum adduci, non poenæ nocentium, sed emendationis cupiditate, id exemplis clarissimorum virorum confirmat. ¶ In causis autem recipiendis, quamvis paucæ sint: tamen amicis, ac potissimum si iudices fuerint, obsequendum es-

se: sed cavendum interim, nequid ambitiose, vel pro potentibus contra dignitatem faciamus. Dimittendam etiam nonnunquam causam imprudenter susceptam, postquam iniquam esse cognoverimus. ¶ Illud prorsus indignum esse adiungit, eloquentiam in quæstu haberi, tamen iusta gratia referenda sit bene merenti Oratori, præsertim si egeat: in quo tamen ipse modum servare debeat, neque unquam pacisci cum litigatore, ne merces esse videatur potius, quam officiosa benevolentia: quod valde alienum sit a liberalissima facultate, & infra dignitatem Oratoris.

Qua in dicendis causis Oratori observanda sint.

C A P. VIII.

Causam quam dicturus est, Oratori diligenter cognoscendam esse præcipit, quod nonnulli negligentia, alii ambitione levius curent: neque vero per alium, ut plerique; neque ex libellis, sed per seipsum cognoscendam. Summam autem diligentiam adhibendam, ita ut etiam neque tempori parcatur, neque fugiatur molestia, quo minus sæpe etiam de eadem re audiamus. Notanda etiam interim esse quædam, ne excidant, monet. Acriter quoque litigatori instandum, eumque versandum omnem in partem, & modo ex nostra, modo ex adversarii persona agendum. ¶ Instrumenta litis & inspicienda omnia & pertractanda, per totam causam eundem, perscrutando eruendoque quicquid in ea vel testibus tractandis vel argumentis aptum esse queat. ¶ Postremo etiam iudicis personam esse sumendam, & omnibus ante oculos propositis, videntem, quid in quaque re firmissimum sit & æstimandum in utramque partem, ut totius causæ eventus ante iudicium prospiciatur.

Qua servanda in agendis causis Oratori sint.

C A P. IX.

Oratorem in agendo cautum, non ambitiosum esse oportere monet: sed dissimulandam artem, si ostenderit, & utilitati serviendum. Nullam causam vel tenuem illi repudiandam: neque si res non suppediat dicendi materiam, extra petendam: & tum vel maxime a maledicendi petulantia, quæ odiosa est, nec causæ tantum, sed etiam patrono nocet, abstinendum. Plures causas, quam agere possit, non suscipiendas: & in his quæ dicturus sit, scribenda frequenter, vel etiam si fieri possit, sculpenda: hoc est, Orator se omniratione ad memoriam comparabit: cujus tamen facultatem non semper futuram ait, nec eam, ubi deerit, tentandam, quod obesset plurimum: sed cura potius omni atque ingenio contendendum: cui doctrina, studium & exercitatio suffragantur.

De Genere dicendi.

C A P. X.

Varia esse dicendi genera, & alijum alio delectari, sicut in picturis & statuis quarum varios & excellentes artifices commemorat: quibus traductis, ad Orationis similitudinem, confert Oratores Latinos, distantes inter se ac dissimiles: in quibus tamen Ciceronem unum omnibus anteponit contra obtrivatos. Deinde exponit genera dicendi, & ex tribus optimum facit, quod
Anticum

Atticum vocabant : in eoque reprehendit pravam quorundam iudiciam, qui ornatum & amplitudinem ad hoc genere removens, arida atque effusci orant. ¶ Græcorum autem fabendam Latine antepomit : quod & soni litterarum iudicio, & copia verborum uberior sit. In quo tamen inceditur Latinorum inopia, quod dotes Græcorum aliis virtutibus æquare possint : non verborum modo tractatione, sed & rebus : illorum opes compensando, præsertim in magna & ornata oratione : nam in subtili Græcos superiores esse. Eodemque in loco rursus improbat Atticos aridos illos atque jejunos, qui omnia propriis ac necessariis modo verbis dicenda putabant : ornatum negans minus aptum, & secundum naturam esse in magna oratione : quam proprietatem, in subtili : additque eodem modo voluptuosi auditorum serviendum esse, dum id caute & modice fiat, ne officiat causarum utilitari. Questionem quoque aliam inducit hoc loco de dicendi & scribendi ratione : quam vult eandem esse oportere in utroque opere : nec aliter scripta, quam quæ dicenda forent ad posteros tradenda esse : exceptis iis ubi actio ad tempus & auditorum voluntatem accommodatur, ut in causis. In infinitis questionibus nature rerum sicut in dicendo, ita in scribendo serviendum esse. ¶ Post hæc facit alteram divisionem orationis, in genus subtile, grave & medium. Quorum primum ad docendum : secundum ad movendum : tertium ad delectandum accommodatum sit. In subtili acumen esse, & in narrando probandoque valere. Medium, amœnum, floridum, verbis ac sententiis mediocriter ornatum. Grave, magnum, vehemens, copiosum, quod non ducat, sed vi trahat auditorem, & in quamvis partem auferat. Itaque in eo esse personarum fictiones liberiores, amplificationes, sublata contra fidem, & omnia effectuum genera, non tam ad docendum delectandumve quam ad incitandum auditorem accommodata. ¶ Addit deinde his tribus & alia quædam genera media inter illa, & ipsorum quodammodo gradibus temperata : ut in musicis sonis minus maximo, & rursus minimo majus, quod tamen medium inter utrumque nondum sit, sed circa consistat. Atque in his omnibus generibus vult Oratorem instructum ac paratum esse debere, ut unoquoque apte & decenter utatur, vel in tota, vel in aliqua parte cause, cum alia alio modo dicenda sint : ut gravior, acriter, severe, vehementer, concitate, sopsiose, amare, comiter, remisse, subtiliter, blande, leniter, dulciter, breviter, urbane : eosque reprehendit qui intemperato quodam & plausibili magis quam sano genere in causis utebantur, quasi hoc esset aptum & popolare. ¶ Postremo hæc omnia prædicta facilia esse bono & exercitato Oratori iudicat : qui tamen hos iudicium & modum adhibere debeat, ne intemperantia prolatur.

Quæ post finem studia.

C A P. XI.

Oratorem emeritum, & jam vel ætate vel alio incommodo ingravescentem, mature cessare ab opere jubet : non ita tamen, ut se otio dedat, sed ut vel historiam scribat, aut præceptis eloquentiæ, formandisque novis Oratoribus operam det, suo Ciceronis exemplo. ¶ Deinde excusat præceptorum magnitudinem, & extenuat non in artibus tantum ac rerum cognitione percipiendam, sed etiam in moribus : & nos ingenii ac voluntatis nostræ admonet, in qua situm sit ut boni viri esse velimus, cum ad virtutem & honestatem nati simus. Ingenii vim immensam esse, modo in artibus discendis [quod vel solius adolescentiæ spatium fieri possit] rationem & ordinem & modum adhibeamus, nec indulgeamus vitii quorundam præceptorum, & nos ipsi finem in scholis mature faciamus. Rerum autem cognitionem, usum nobis & lectionem allaturam esse, nec ita multo tempore, si studiis iis otium & horas vacuas impendamus. Id exemplis illustrium & doctissimorum virorum confirmat, quibus nos ad spem eloquentiæ studiumque capestemus hortatur, nec remittendum eonatum, quo minus, si ad summa non pervenimus, saltem ad aliquem locum perveniamus.

M. FAB.

M. FABIVS QVINCTILIANVS
TRYPHONI BIBLIOPOLÆ
SALVTEM

Efflagitasti cotidiano con-
vicio, ut libros quos ad
Marcellum meum de Institu-
tione Oratoria scripseram, jam
emittere inciperem: nam ipse
eos nondum opinabar satis ma-
turuisse. Quibus componendis,
ut scis, paulo plus quam bien-
nium, tot alioqui negotiis di-
strictus, impendi: quod tem-
pus non tam stylo, quam inqui-
sitioni instituti operis prope in-
A finiti

finiti, & legendis auctoribus, qui sunt innumerabiles, datū est. Usus deinde Horatij consilio, qui in Arte Poëtica suadet, ne præcipitetur editio, nonnumq; prematur in annum; dabam iis otium, ut refrigerato inventionis amore, diligentius repetitos tanquam lector perenderem. Sed si tantopere efflagitantur quam tu affirmas, permittamus vela ventis, & oram solventibus bene prece-mur. Multum autem in tua quoque fide ac diligentia positum est, ut in manus hominum quam emendatissimi veniant.

M. FA-

M. FABII QUINCTILIANI

DE

Institutione Oratoria

LIBER I.

POST impetratam studiis meis quietem, quæ per viginti annos erudiendis juvenibus impenderam, cum a me quidam familiariter postularent, ut aliquid de ratione dicendi componerem, diu sum equidem reluctatus: quod auctores utriusque linguæ clarissimos non ignorabam multa, quæ ad hoc opus pertinerent, diligentissime scripta posteris reliquisse. Sed qua ego ex causa faciliorem mihi veniam meæ deprecationis arbitrabar fore, hac accendebantur illi magis: quod inter diversas opiniones priorum, & quasdam etiam inter se contrarias, difficilis esset electio: ut mihi si non inveniendi nova, at certe judicandi de veteribus, injungere laborem non injuste viderentur. Quamvis autem non tam me vinceret præstandi quod exigebatur fiducia, quam negandi verecundia; latius se tamen aperiente materia, plus quam imponebatur oneris sponte suscepi: simul ut pleniori obsequio demererer amantissimos mei; si-

A 2

mul

multæ vulgarẽ viam ingressus, alienis demum vestigiis insisterem. Nam ceteri fere, qui artem orandi literis tradiderunt, ita sunt exorsi, quasi perfectis omni alio genere doctrinæ, summam in eloquentia manum imponent: sive contemnentes tanquam parva, quæ prius discimus studia; sive non ad sumum pertinere officium opinati: quando divisæ professionum vices essent: seu, quod proximum vero, nullam ingenii sperantes gratiam circa res etiam si necessarias, præcul tamen ab ostentatione positas: ut operum fastigia spectantur, latent fundamenta. Ego cum nihil existimem arti oratoris alienum, sine quo non posse fieri oratorem fatendum est; nec ad ullius rei summam, nisi præcedentibus initiis perveniri; ad minora illa, sed quæ si negligas non sit maioribus locus, demittere me non recusabo: nec aliter quam si mihi tradatur educandus orator, studia ipsius formare ab infantia incipiam. Quod opus, M. CELLE VICTOR, tibi dicamus: quem cum amicissimum nobis, tum eximio literarum amore flagrantem, non propter hæc modo (quanquam sunt magna) dignissimum hoc mutuae inter nos caritatis pignore judicabamus; sed quod erudiendo nato tuo, cuius prima ætas manifestum iter ad ingenii lumen ostendit, non inutiles fore libri videbantur, quos ab ipsis dicendi velut incunabulis, per omnes quæ modo aliquid oratori futuro conferant artes, ad summam ejus operis perducere destinabamus. Atque eo magis, quod duo jam sub nomine meo libri ferebantur artis rhetoricæ, neque editi æme, neque in hoc comparati. Namque alterum sermone per biduum habito, pueri, quibus id præstabatur, exceperant: alterum

rum pluribus sane diebus, quantum notando consequi potuerant, interceptum, boni juvenes, sed nimium amantes mei, temerario editionis honore vulgaverant. Quare in his quoque libris erunt eadem aliqua, multa mutata, plurima adjecta, omnia vero compositiora, & , quam nos poterimus, elaborata. Oratorem autem instituimus illum perfectum, qui esse nisi vir bonus non potest: ideoque non dicendi modo eximiam in eo facultatem, sed omnes animi virtutes exigimus. Neque enim hoc concesserim, rationem rectæ honestæque vitæ, ut quidam putaverunt, ad philosophos relegendam: cum vir ille vere civilis, & publicarum privatarumque rerum administrationi accommodatus, qui regere consiliis urbes, fundare legibus, emendare judiciis possit, non alius sit profecto quam orator. Quare tametsi me fateor usurum quibusdam quæ philosophorum libris continentur, tamen ea jure vereque contenderim esse operis nostri, propriæque ad artem oratoriam pertinere. An si frequentissime de justitia, fortitudine, temperantia, cæterisque similibus sit differendum, & adeo, ut vix ulla possit causa reperiri in quam non aliqua quaestio ex his incidat, eaque omnia inventionem atque elocutionem sint explicanda, dubitabitur, ubicunque vis ingenii & copia dicendi postulatur, ibi partes oratoris esse præcipuas? Fueruntque hæc, ut Cicero apertissime colligit, quemadmodum juncta natura, sic officio quoque copulata, ut iidem sapientes atque eloquentes haberentur: scidit deinde se studium, atque inertia factum est, ut artes esse plures viderentur. Nam ut primum lingua esse coepit in quaestu, institutumque eloquentiæ bonis male uti, curam

morum qui disertī habebantur, reliquerunt: Ea vero destituta, infirmioribus ingeniis velut prædæ fuit: Inde quidam, contempto bene dicendi labore, ad formando animos, statuendæque vitæ leges regressi, partem quidem potiore, si dividi posset, retinuerunt, nomen tamen sibi insolentissimum arrogaverunt, ut soli sapientiæ studiosi vocarentur: quod neque summi imperatores, neque in consiliis rerum maximarum ac totius administratione reipublicæ præclarissime versati, sibi unquam vindicare sunt ausi. Facere enim optima quam promittere maluerunt. Ac veterum quidem sapientiæ professorum multos & honesta præcepisse, & ut præceperunt etiam vixisse, facile concesserim: nostris vero temporibus sub hoc nomine maxima in plerisque vitia latuerunt: non enim virtute ac studiis ut haberentur philosophi, laborabant: sed vultum, & tristitiam, & dissentientem à cæteris habitum pessimis moribus prætendebant. Hæc autem quæ velut propria philosophiæ asseruntur, passim tractamus omnes. Quis enim non de iusto, æquo, ac bono, modo non & vir pessimus, loquitur? Quis non etiam rusticorum aliqua de causis naturalibus quærit? Nam verborum proprietas ac differentia, omnibus qui sermonem curæ habent, debet esse communis. Sed ea & sciet optime, & eloquetur orator: qui si fuisset aliquando perfectus, non a philosophorum scholis virtutis præcepta peterentur. Nunc necesse est ad eos aliquando auctores recurrere, qui desertam (ut dixi) partem oratoriæ artis, meliorem præsertim occupaverunt, & veluti nostrum reposerunt: non ut nos illorum utamur inventis, sed ut illos alienis usos esse doceamus. Sit igitur orator vir talis,

talis, qualis vere sapiens appellari possit: nec moribus modo perfectus, (nam id mea quidem opinione, quanquam sint qui dissentiant, satis non est) sed etiam scientia, & omni facultate dicendi: qualis adhuc fortasse nemo fuerit. Sed non ideo minus nobis ad summam tendendum est, quod fecerunt plerique veterum: qui etsi nondum quenquam sapientem repertum putabant, præcepta tamen sapientiæ tradiderunt. Nam est certe aliquid consummata eloquentia, neque ad eam pervenire natura humani ingenii prohibet: quod si non contingat, altius tamen ibunt qui ad summa nitentur, quam qui præsumpta desperatione quo velint evadendi, protinus circa ima substitute-
 rint. Quo magis impetranda erit venia, si ne minora quidem illa, verum operi quod instituimus necessarium præteribo. Nam liber primus ea quæ sunt antiquæ etiam rhetoris, continebit. Secundo, prima apud rhetorem elementa, & quæ de ipsa rhetoricæ substantia quæruntur, tractabimus. Quinque deinceps inventioni; nam huic & dispositio subjungitur. Quatuor elocutioni, in cujus partem memoria ac promuntiatio veniunt, dabuntur. Unus accedet, in quo nobis orator ipse informandus est: ut qui mores ejus, quæ in suscipiendis, discendis, agendis causis ratio, quod eloquentiæ genus, quis agendi debeat esse firmus, quæ post finem studia, quantum nostra valebit infirmitas, differamus. His omnibus admiscebitur, ut quisque locus postulabit, dicendi ratio: quæ non solum modo scientia, quibus solis quidam nomen artis dederunt, studiosos instruat, &, ut sic dixerim, ipsam rhetoricæ interpretetur; sed alere facundiam, vires augere eloquentiæ possit. Nam plerumque
 nudæ

nudæ illæ artes, nimia subtilitatis affectatione frangunt atque concidunt quicquid est in oratione generosius, & omnem succum ingenii bibunt, & ossa detegunt: quæ ut esse, & adstringi nervis suis debent, sic corpore operienda sunt. Ideoque nos non particulam illam, sicut plerique, sed quicquid utile ad instituendum oratorem putabamus, in hos duodecim libros contulimus, breviter omnia demonstrando. Nam si quantum de quaque re dici potest persequamur, finis operis non reperietur. Illud tamen in primis testandum est, nihil præcepta atque artes valere, nisi adjuvante natura. Quapropter ei cui deerit ingenium, non magis hæc scripta sunt, quam de agrorum cultu sterilibus terris. Sunt & alia ingenita quidem adjumenta, vox, latus patiens laboris, valetudo, constantia, decor: quæ si modica obtigerunt, possunt ratione ampliari: sed nonnunquam ita desunt, ut bona etiam ingenii studiique corrumpant: sicut & hæc ipsa sine doctore perito, studio pertinaci, scribendi, legendi, dicendi multa & continua exercitatione, per se nihil prosunt.

C A P. I. I G I T U R nato filio, pater spem de illo primum quamoptimam capiat: ita diligentior a principis fiet. Falsa enim est querela, paucissimis hominibus vim percipiendi quæ tradantur, esse concessam; plerosque vero laborem ac tempora tarditate ingenii perdere. Nam contra plures reperias & faciles in excogitando, & ad discendum promptos; quippe id est homini naturale: ac sicut aves ad volatum, equi ad eursum, ad sævitiam feræ gignuntur; ita nobis propria est mentis agitatio, atque solertia: unde origo

rigo animi cœlestis creditur. Hebetes vero & indo- CAP. I.
 ciles non magis secundum naturam hominis eduntur,
 quam prodigiosa corpora, & monstris insignia: sed
 hi pauci admodum. fuerit argumentum, quod in
 pueris elucet spes plurimorum: quæ cum emoritur
 ætate, manifestum est non naturam defecisse, sed cu-
 ram. Præstat tamen ingenio alius alium; concedo:
 sed ut plus efficiat, aut minus: nemo tamen repe-
 ritur, qui sit studio nihil consecutus. Hac propter,
 protinus ut erit parens factus, acrem quam maxime
 curam spei futuri oratoris impendat. Ante omnia,
 ne sit vitiosus sermo nutricibus: quas, si fieri posset,
 sapientes Chrysippus optavit: certe, quantum res
 pateretur, optimas eligi voluit. Et morum quidem
 in his haud dubie prior ratio est: recte tamen etiam
 loquantur. Has primum audiet puer, harum verba
 effingere imitando conabitur. Et natura tenacissimi-
 sumus eorum quæ rudibus annis percepimus: ut sa-
 por quo nova imbuas, durat: nec lanarum colores,
 quibus simplex ille candor mutatus est, elui possunt.
 Et hæc ipsa magis pertinaciter hærent, quæ deterio-
 ra sunt. Nam bona facile mutantur in pejus: nun-
 quam in bonum verteris vitia. Non assuescat ergo,
 ne dum infans quidem est, sermoni qui dediscendus
 sit. In parentibus vero quamplurimum esse eruditio-
 nis optaverim. Verum nec de patribus tantum lo-
 quor: nam Gracchorum eloquentiæ multum con-
 tulisse accepimus Corneliam matrem, cujus doctissi-
 mus sermo in posteros quoque est epistolis traditus:
 & Lælii filia reddidisse in loquendo paternam elegan-
 tiam dicitur: & Quincti Florténsii filiæ oratio apud
 triumviros habita, legitur non tantum in sexus ho-
 norem.

B

nuda illae artes, nimia subtilitatis
 gunt atque concidunt quicquid est
 rofius, & omnem succum ingenii
 regunt: quae ut esse, & adstringi
 sic corpore operienda sunt. Ideo
 lum illum, sicut plerique, sed quae
 tuendum oratorem putabamus,
 brevis condulimus, breviter omni
 si quantum de quique re dici
 nis operis non reperitur. Illi
 standum est, nihil precepta
 adjuvant: natura. Quapropter
 um, non magis haec scripta
 cultu ferilius veris. Sunt
 adjuvant, ut, laus per
 stant, decant: quae si
 ratione amplius: sed non
 in eam ingenii studio
 ipsa sine doctore perit
 legentis, dicendi multa
 se nihil possunt.

Quod
 igitur
 non quicquam
 ipse sit. Sicut enim
 his non precepta
 plerique veris
 perit. Ne
 conuenientia
 de amant
 de amant

igo animi cœlestis creditur. Hebetes vero & indolentes non magis secundum naturam hominis eduntur, quam prodigiosa corpora, & monstris insignia: sed pauci admodum. fuerit argumentum, quod in his elucet spes plurimorum: quæ cum emoritur, manifestum est non naturam defecisse, sed cupræstat tamen ingenio alius alium; concedo: plus efficiat, aut minus: nemo tamen reperi qui sit studio nihil consecutus. Hac propter, sicut ut erit parens factus, acrem quam maxime rei futuri oratoris impendat. Ante omnia, solus sermo nutricibus: quas, si fieri posset, Chrysippus optavit: certe, quantum res optimas eligi voluit. Et morum quidem dubie prior ratio est: recte tamen etiam

Has primum audiet puer, harum verba vitando conabitur. Et natura tenacissimi in quæ rudibus annis percepimus: ut facula imbuas, durat: nec lanarum colores, sed ille candor mutatus est, elui possunt. Quæ agis pertinaciter hærent, quæ deterior bona facile mutantur in pejus: nunquam verteris vitia. Non assuescat ergo, quidem est, sermoni qui dediscendus est vero quamplurimum esse eruditio. Verum nec de patribus tantum locacchorum eloquentiæ multum conCorneliæ matrem, cujus doctissimateros quoque est epistolis traditus: disce in loquendo paternam elegantQuincti Hortensii filiæ ratio apud legitur non tantum in his ho-

nudæ illæ artes, nimia subtilitatis affectatione frangunt atque concidunt quicquid est in oratione generosius, & omnem succum ingenii bibunt, & ossa detegunt: quæ ut esse, & adstringi nervis suis debent, sic corpore operienda sunt. Ideoque nos non particulam illam, sicut plerique, sed quicquid utile ad instituendum oratorem putabamus, in hos duodecim libros contulimus, breviter omnia demonstrando. Nam si quantum de quaque re dici potest persequamur, finis operis non reperietur. Illud tamen in primis testandum est, nihil præcepta atque artes valere, nisi adjuvante natura. Quapropter ei cui deerit ingenium, non magis hæc scripta sunt, quam de agrorum cultu sterilibus terris. Sunt & alia ingenita quidem adjumenta, vox, latus patiens laboris, valetudo, constantia, decor: quæ si modica obtigerunt, possunt ratione ampliari: sed nonnunquam ita defunt, ut bona etiam ingenii studiique corrumpant: sicut & hæc ipsa sine doctore perito, studio pertinaci, scribendi, legendi, dicendi multa & continua exercitatione, per se nihil profunt.

C A P. I. I G I T U R nato filio, pater spem de illo primum quamoptimam capiat: ita diligentior a principiis fiet. Falsa enim est querela, paucissimis hominibus vim percipiendi quæ tradantur, esse concessam; plerosque vero laborem ac tempora tarditate ingenii perdere. Nam contra plures reperias & faciles in excogitando, & ad discendum promptos; quippe id est homini naturale: ac sicut aves ad volatum, equi ad cursum, ad sævitiam feræ gignuntur; ita nobis propria est mentis agitatio, atque solertia: unde origo

rigo animi cœlestis creditur. Hebetes vero & indo- CAP. I.
ciles non magis secundum naturam hominis eduntur,
quam prodigiosa corpora, & monstris insignia: sed
hi pauci admodum. fuerit argumentum, quod in
pueris elucet spes plurimorum: quæ cum emoritur
ætate, manifestum est non naturam defecisse, sed cu-
ram. Præstat tamen ingenio alius alium; concedo:
sed ut plus efficiat, aut minus: nemo tamen repe-
ritur, qui sit studio nihil consecutus. Hac propter,
protinus ut erit parens factus, acrem quam maxime
curam spei futuri oratoris impendat. Ante omnia,
ne sit vitiosus sermo nutricibus: quas, si fieri posset,
sapientes Chrysippus optavit: certe, quantum res
pateretur, optimas eligi voluit. Et morum quidem
in his haud dubie prior ratio est: recte tamen etiam
loquantur. Has primum audiet puer, harum verba
effingere imitando conabitur. Et natura tenacissimi-
sumus eorum quæ rudibus annis percepimus: ut sa-
por quo nova imbuas, durat: nec lanarum colores,
quibus simplex ille candor mutatus est, elui possunt.
Et hæc ipsa magis pertinaciter hærent, quæ deterio-
ra sunt. Nam bona facile mutantur in pejus: nun-
quam in bonum verteris vitia. Non assuescat ergo,
ne dum infans quidem est, sermoni qui dediscendus
sit: In parentibus vero quamplurimum esse eruditio-
nis optaverim. Verum nec de patribus tantum lo-
quor: nam Gracchorum eloquentiæ multum con-
tulisse accepimus Corneliam matrem, cujus doctissi-
mus sermo in posteros quoque est epistolis traditus:
& Lælii filia reddidisse in loquendo paternam elegan-
tiam dicitur: & Quincti Florténsii filiæ oratio apud
triumviros habita, legitur non tantum in sexus ho-
B norem.

CAP. I.

norem. Nec tamen ii quibus discere ipsis non contigit, minorem curam docendi liberos habeant; sed sint propter hoc ipsum ad cætera magis diligentes. De pueris inter quos educabitur ille huic spei destinatus, idem quod de nutricibus, dictum sit. De pædagogis hoc amplius; ut aut sint eruditi plane, quam primam esse curam velim, aut se non esse eruditos sciant. Nihil enim pejus est iis qui paulum aliquid ultra primas literas progressi, falsam sibi scientiæ persuasionem induerunt. Nam & cedere præcipiendi peritis indignantur, & velut jure quodam potestatis, quo fere hoc hominum genus intumescit, imperiosi atque interim sævientes, stultitiam suam perdocent. Nec minus error eorum nocet moribus. Siquidem Leonides Alexandri pædagogus, ut a Babylonio Diogene traditur, quibusdam cum vitiis imbuuit, quæ robustum quoque & jam maximum regem ab illa institutione puerili sunt profecuta. Si cui multa videor exigere, cogitet oratorem institui, rem arduam; etiam cum ei formando nihil defuerit, præterea plura ac difficiliora superesse. Nam & studio perpetuo, & præstantissimis præceptoribus, & pluribus disciplinis opus est. Quapropter præcipienda sunt optima: quæ si quis gravabitur, non rationi defuerit, sed homini. Si tamen non continget quales maxime velim habere nutrices, pueros, pædagogos: at unus certe sit assiduus, dicendi non imperitus: qui, si qua erunt ab his præsentem alumno dicta vitiose, corrigat protinus, nec insidere illi sinat; dum tamen intelligatur, id quod prius dixi, bonum esse; hoc, remedium. A sermone Græco puerum incipere malo: quia Latinum, qui pluribus in usu est.

est, vel nobis nolentibus perbibet : simul quia disci- CAP. I.
 plinis quoque Græcis prius instituendus est, unde &
 nostræ fluxerunt. Non tamen hoc adeo supersticio-
 se velim fieri, ut diu tantum loquatur Græce, aut
 discat, sicut plerisque moris est. Hinc enim acci-
 dunt & oris plurima vitia in peregrinum sonum cor-
 rupti, & sermonis: cui cum Græcæ figuræ assidua
 consuetudine hæserint, in diversâ quoque loquendi
 ratione pertinacissime durant. Non longe itaque La-
 tina subsequi debent, & cito pariter ire. Ita fiet, ut
 quum æquali cura linguam utramque teneri ceperi-
 mus, neutra alteri officiat. Quidam literis institu-
 dos, qui minores septem annis essent, non putave-
 runt; quod illa prima ætas & intellectum discipli-
 narum capere, & laborem pati non possit. In qua
 sententia Hesiodum esse plurimi tradunt, qui ante
 grammaticum Aristophanem fuerunt. Nam is pri-
 mus *παρρησιας*, in quo libro scriptum hoc invenitur,
 negavit esse hujus poëtæ. Sed alii quoque auctores,
 inter quos Eratosthenes, idem præceperunt. Melius
 autem, qui nullum tempus vacare cura volunt, ut
 Chrysippus. Nam is quamvis nutricibus triennium
 dederit, tamen ab illis quoque jam informandam
 quam optimis institutis mentem infantum judicat. Cur
 autem non pertineat ad literas ætas, quæ ad mores jam
 pertinet? Neq; ignoro, toto illo, de quo loquor, tem-
 pore vix tantum effici, quantum conferre unus postea
 possit annus. Sed tamen mihi, qui id senserunt, viden-
 tur non tam discantibus in hac parte, quam docen-
 tibus pepercisse. Quid melius alioqui facient, ex quo
 loqui poterunt? Faciant enim aliquid necesse est. Aut
 cur hoc, quantulumcunque est, usque ad septem an-

CAP. I. nos lucrum fastidiamus? Nam certe quamlibet parvum sit quod contulerit ætas prior, majora tamen aliqua discet puer eo ipso anno, quo minora didicisset. Hoc per singulos annos prorogatum, in summam proficit: & quantum in infantia præsumtum est temporis, adolescentiæ acquiritur. Idem etiam de sequentibus annis præceptum sit: ne quod cuique discendum est, sero discere incipiat. Non ergo perdamus primum statim tempus: atque eo minus, quod initia literarum sola memoria constant: quæ non modo est in parvis, sed tum etiam tenacissima est. Nec sum adeo atatum imprudens, ut instandum teneris protinus acerbe putem, exigendamque plenam operam. Nam id imprimis cavere oportebit, ne studia qui amare nondum potest, odeat; & amaritudinem semel præceptam, etiam ultra rudes annos reformidet. Lusus hic sit: & rogetur, & deliniatur: & nunquam non fecisse se gaudeat. aliquando ipso nolente doceatur alius, cui invideat. contendat interim, & sapius vincere se putet: præmiis etiam, quæ capit illa ætas, evocetur. Parva docemus, instituendum oratorem professi: sed est sua etiam studii infantia: & ut corporum mox fortissimorum educatio a lacte cunisque initium ducit; ita futurus eloquentissimus edidit aliquando vagitum, & loqui primum incerta voce tentavit, & hæsit circa formas literarum. Nec si quid discere satis non est, ideo nec necesse est. Quod si nemo reprehendit patrem qui hæc non negligenda in suo filio putet, cur improbetur, si quis ea quæ domi suæ recte faceret, in publicum promit? Atque eo magis, quod minora etiam facilius minores percipiunt:

unt: & ut corpora ad quosdam membrorum flexus CAP. I.
 formari nisi tenera non possunt; sic animos quoque
 ad pleraque duriores robur ipsum facit. An Phi-
 lippus Macedonum rex Alexandro filio suo prima
 literarum elementa tradi ab Aristotele summo ejus
 ætatis philosopho voluisset, aut ille suscepisset hoc
 officium, si non studiorum initia & a perfectissimo
 bonum tractari, & pertinere ad summam credidisset?
 Fingamus igitur Alexandrum dari nobis imposi-
 tum gremio, dignum tanta cura infantem, (quan-
 quam suus cuique dignus est) pudeatne me in ipsis
 statim elementis etiam breviter docendi monstrare
 compendia? Neque enim mihi illud saltem placet,
 quod fieri in plurimis video, ut literarum nomina
 & contextum prius quam formas parvuli discant.
 Obstat hoc agnitioni earum, non intendentibus mox
 animum ad ipsos ductus, dum antecedentem memo-
 riam sequuntur. Quæ causa est præcipientibus, ut
 etiam cum satis affixisse eas pueris recto illo quo
 primum scribi solent contextu videntur, retroagant
 sursum, & varia permutatione turbent, donec lite-
 ras, qui instituuntur, facie norint, non ordine. Qua-
 propter optime, sicut hominum, pariter & habitus
 & nomina edocebuntur. Sed quod in literis obest,
 in syllabis non nocebit. Non excludo autem id quod
 est notum, irritandæ ad discendum infantiae gratia,
 eburneas etiam literarum formas in lulum offerre;
 vel si quid aliud, quo magis illa ætas gaudeat, in-
 veniri potest, quod tractare, intueri, nominare ju-
 cundum sit. Cum vero jam ductus sequi cœperit,
 non inutile erit eas tabellæ quamoptime insculpi, ut
 per illos velut sulcos ducatur stylus. Nam neque

CAP. I. errabit, quemadmodum in ceris, (continebitur enim utrinque marginibus) neque extra præscriptum poterit egredi: & celerius ac sæpius sequendo certa vestigia, firmabit articulos: neque egebit adjutorio manum suam manu superimposita regentis. Non est aliena res, quæ fere ab honestis negligi solet, cura bene ac velociter scribendi. Nam cum sit in studiis præcipuum, quoque solo verus ille profectus, & altis radicibus nixus paretur, scribere ipsum: tardior stylus cogitationem moratur; rudis & confusus intellectu caret: unde sequitur alter dictandi quæ ex his transferenda sunt, labor. Quare cum semper & ubique, tum præcipue in epistolis secretis & familiaribus delectabit ne hoc quidem neglectum reliquisse. Syllabis nullum compendium est; perdiscendæ omnes: nec, ut fit plerumque, difficillima quæque earum differenda: ut in nominibus scribendis deprehendantur. Quinimo ne primæ quidem memoriæ temere credendum: repetere & diu inculcare, fuerit utilius: & in lectione quoque non properare ad continuandam eam vel accelerandam; nisi cum inoffensa atque indubitata literarum inter se conjunctio suppeditare sine ulla cogitandi saltem mora poterit. Tunc ipsis syllabis verba complecti, & his sermonem connectere incipiat. Incredibile est quantum moræ lectioni festinatione adjiciatur. Hinc enim accidit dubitatio, intermissio, reperitio, plus quam possunt audentibus; deinde cum errarunt, etiam iis quæ jam sciunt, diffidentibus. Certa sit ergo in primis lectio, deinde conjuncta, & diu lentior, donec exercitatione contingat emendata velocitas. Nam prospicere in dextrum (quod omnes præci-

præcipiunt) & providere, non rationis modo, sed C A P. I.
 usus quoque est: quoniam sequentia intuenti, prio-
 ra dicenda sunt; &, quod difficillimum est, divi-
 denda intentio animi, ut aliud voce, aliud ocu-
 lis agatur. Illud non poenitebit curasse, cum scri-
 bere nomina puer (quemadmodum moris est) cœ-
 perit, ne hanc operam in vocabulis vulgaribus &
 forte occurrentibus perdat. Protinus enim potest
 interpretationem linguæ secretioris, quas Græci γλώσ-
 σαι vocant, dum aliud agitur, ediscere, & inter
 prima elementa consequi rem postea proprium tem-
 pus desideraturam. Et quoniam adhuc circa res te-
 nues moramur, ii quoque versus qui ad imitatio-
 nem scribendi proponentur, non otiosas velim sen-
 tentias habeant, sed honestum aliquid monentes.
 Prosequitur hæc memoria in senectutem, & impres-
 sa animo rudi, usque ad mores proficiet. Etiam
 dicta clarorum virorum, & electos ex poetis maxi-
 me (namque eorum parvis cognitio gratior est) lo-
 cos ediscere inter lusum licet. Nam & maxime
 necessaria est oratori, sicut suo loco dicam, memo-
 ria: & ea præcipue firmatur atque alitur exercita-
 tione: & in iis de quibus nunc loquimur ætatibus,
 quæ nihil dum generare ex se queunt, prope sola
 est quæ juvare curam docentium possit. Non alie-
 num fuerit exigere ab his ætatibus, quo sit absolu-
 tius os, & expressior sermo, ut nomina quædam
 versusque affectatæ difficultatis ex pluribus & asper-
 rime coeuntibus inter se syllabis catenatos, & veluti
 confragosos, quam citatissime volvant. καλεπὶ græ-
 ce vocantur. res modica dictu: qua tamen omissa,
 multa linguæ vitia, nisi primis eximantur annis, in-
 emendabili in posterum pravitate durantur. SED

CAP. II. SED nobis jam paulatim adcrefcere puer, & exire de gremio, ac difcere ferio incipiat. Hoc igitur potiffimum loco tractanda quæftio eft, utiliufne fit domi atque intra privatos parietes ftudentem continere, an frequentiæ fcholarum, & velut publicis præceptoribus tradere. Quod quidem cum iis a quibus clariffimarum civitatum mores funt inftituti, tum eminentiffimis auctõribus video placuiſſe. Non eft tamen diſſimulandum, eſſe nonnullos, qui ab hoc prope publico more privata quadam perſuaſione diſſentiant. Hi duas præcipue rationes ſequi videntur: unam, quod moribus magis conſulant fugiendo turbam hominum ejus ætatis, quæ fit ad vitia maxime prona: unde cauſas turpium factorum sæpe exſtitiffe utinam falſo jactaretur. Alteram, quod quiſquis futurus eft ille præceptor, liberalius tempora ſua impenſurus uni videtur, quam ſi eadem in plures partiatur. Prior cauſa prorfus gravis. Nam ſi ſtudiis quidem ſcholas prodeſſe, moribus autem nocere conſtaret, potior mihi ratio vivendi honeſte, quam vel optime dicendi videretur. Sed mea quidem ſententia, juncta iſta atque indiſcreta ſunt. Neque enim eſſe oratorem niſi bonum virum judico: & fieri, etiam ſi poſſet, nolo. De hac re igitur prius. Corrupti mores in ſcholis putant: nam & corrumpantur interim: ſed domi quoque: adſunt multa ejus rei exempla, tam perditæ quam conſervatæ ſanctiſſime utrobique opinionis. Natura cujuſque totum curaque diſtat. Da mentem ad pejora facilem, da negligentiam |formandi cuſtodiendique in ætate prima pudoris: non minorem flagitiis occaſionem ſecreta præbuerint. Nam & turpis poteſt eſſe domeſticus

sticus ille præceptor: nec tutior inter servos malos, CAP. II.
 quam ingenuos parum modestos conversatio est. At
 si bona ipsius indoles, si non cæca ac sopita paren-
 tum socordia est, & præceptorem eligere sanctissi-
 mum quemque, (cujus rei præcipua prudentibus cu-
 ra est) & disciplinam quæ maxime severa fuerit, li-
 cet: & nihilominus amicum gravem virum, aut fi-
 delem libertum lateri filii sui adjungere; cuius assi-
 duus comitatus etiam illos meliores faciat, qui time-
 buntur. Facile erat hujus metus remedium. Uti-
 nam liberorum nostrorum mores non ipsi perde-
 remus. Infantiam statim deliciis solvimus. Mollis
 illa educatio, quam indulgentiam vocamus, nervos
 omnes & mentis & corporis frangit. Quid non a-
 dultus concupiscet, qui in purpuris repit? Nondum
 prima verba exprimit, & jam coccum intelligit, jam
 conchylium poscit. Ante palatum eorum quam mores
 instituimus. In lecticis crescunt: si terram attige-
 rint, e manibus utrinque sustinentium pendent. Gau-
 demus si quid licentius dixerint. Verba ne Alexan-
 drinis quidem permittenda deliciis, risu & osculo
 excipimus. Nec mirum: nos docuimus, ex nobis
 audierunt: nostras amicas, nostros concubinos vi-
 dent. Omne convivium obscœnis canticis strepit:
 pudenda dictu spectantur. Fit ex his consuetudo, de-
 inde natura. Discunt miseri ante quam sciant vitia
 esse. Inde soluti ac fluentes, non accipiunt e scholis
 mala ista, sed in scholas afferunt. Verum in studiis
 magis vacabit unus uni. Ante omnia nihil prohibet
 esse illum, nescio quem unum, etiam cum eo qui
 in scholis eruditur. Sed etiamsi jungi utrumque
 non posset, lumen tamen illud conventus honestissi-

C

mi,

CAP. II. mi, tenebris ac solitudini prætulissem. Nam optimus quisque præceptor frequentia gaudet, ac majore se theatro dignum putat. At vero minores ex conscientia suæ infirmitatis hære singulis, & officio fungi quodammodo pædagogorum non indignantur. Sed præstet alicui vel gratia, vel amicitia, vel pecunia, ut doctissimum atque incomparabilem magistrum domi habeat: num tamen ille totum in uno diem consumpturus est? aut potest esse ulla tam perpetua discantis intentio, quæ non, ut visus oculorum obtutu continuo, fatigetur? cum præsertim multo plus secreti studia desiderent. Neque enim scribenti, ediscanti, cogitanti præceptor adsistit: quorum aliquid agentibus, cujusunque interventus impedimento est. Lectio quoque non omnis, nec semper præeunte vel interpretante eget. Quando enim tot auctorum notitia contingeret? Modicum ergo tempus est, quo in totum diem velut opus ordinetur. Ideoque per plures ire possunt etiam quæ singulis tradenda sunt. Pleraque vero hanc conditionem habent, ut eadem voce ad omnes simul perferantur. Taceo de partitionibus & declamationibus rhetorum: quibus certe quantuscunque numerus adhibeatur, tamen unusquisque totum feret. Non enim vox illa præceptoris, ut cœna, minus pluribus sufficit; sed ut sol, universis idem lucis calorisque largitur. Grammaticus quoque de loquendi ratione si disserat, si quæstiones explicet, historias exponat, poemata enarret; tot illa discant, quot audient. At enim emendationi prælectionique numerus obstat. Sit incommodum, (nam quid fere undique placet?) mox illud comparabimus commodis. Nec ego tamen eo
mitti

mitti puerum volo, ubi negligatur. Sed neque præceptor bonus majore se turba, quam ut sustinere eam possit, oneraverit: & inprimis ea habenda cura est, ut is omnimodo fiat nobis familiariter amicus: nec officium in docendo spectet, sed affectum. ita nunquam erimus in turba. Nec sane quisquam literis saltem leviter imbutus, eum in quo studium ingeniumque perspexerit, non in suam quoque gloriam peculiariter fovebit. Sed ut fugiendæ sint magnæ scolæ (cui ne ipsi quidem rei adsentior, si ad aliquem merito concurritur) non tamen hoc eo valet, ut fugiendæ sint omnino scolæ. Aliud est enim vitare eas, aliud eligere. Et si refutavimus quæ contra dicuntur, jam explicemus quid ipsi sequamur. Ante omnia, futurus orator, cui in maxima celebritate & in media reipub. luce vivendum est, assuecat jam a tenero non reformidare homines, neque solitaria & velut umbratili vita pallescere. Excitanda mens & adtollenda semper est, quæ in hujusmodi secretis aut languescit, & quendam velut in opaco situm ducit; aut contra tumescit inani persuasione. Necesse est nimium sibi tribuat, qui se nemini comparat. Deinde cum proferenda sunt studia, caligat in sole, & omnia nova offendit: velut qui solus didicerit, quod inter multos faciendum est. Mitto amicitias, quæ ad senectutem usque firmissimæ durant, religiosa quadam necessitudine imbutæ. Neque enim est sanctius, sacris iisdem, quam studiis initiari. Sensum ipsum, qui communis dicitur, ubi discet, cum se a congressu, qui non hominibus solum, sed multis quoque animalibus naturalis est, segregarit? Adde, quod domi ea sola discere potest, quæ ipsi præ-

CAP. II. præcipientur: in scola, etiam quæ aliis. Audiet multa quotidie probari, multa corrigi. proderit alicujus objurgata desidia: proderit laudata industria: excitabitur laude æmulatio: turpe ducet cedere pari, pulchrum superasse majores. Accendunt omnia hæc animos: & licet ipsa vitium sit ambitio, frequenter tamen causa virtutum est. Non inutilem scio servatum esse a præceptoribus meis morem, qui cum pueros in classes distribuerant, ordinem dicendi secundum vires ingenii dabant: & ita superiore loco quisque declamabat, ut præcedere profectu videbatur. Hujus rei judicia præbebantur. ea nobis ingens palmæ contentio. ducere vero classem, multo pulcherrimum. Nec de hoc semel decretum erat: tricesimus dies reddebat victo certaminis potestatem. Ita nec superior successu curam remittebat, & dolor victum ad repellendam ignominiam concitabat. Id nobis acriores ad studia dicendi faces subdidisse, quam exhortationem docentium, pædagogorum custodiam, vota parentum, quantum animi mei conjectura colligere possum, contenderim. Sed sicut firmiores in literis profectus alit æmulatio; ita incipientibus, atque adhuc teneris, condiscipulorum quam præceptoris jucundior, hoc ipso quod facilior, imitatio est. Vix enim se prima elementa ad spem tollere effundæ, quam summam putant, eloquentiæ audebunt: proxima amplectuntur magis: ut vites arboribus applicitæ, inferiores prius apprehendendo ramos in cacumina evadunt. Quod adeo verum est, ut ipsius etiam magistri, si tamen ambitiosis utilia præferet, hoc opus sit, cum adhuc rudia tractabit ingenia, non statim onerare infirmitatem discipulorum, sed tem-

temperare vires suas , & ad intellectum audientis CAP. II.
descendere. Nam ut vascula oris angusti, superfusam
humoris copiam respuunt; sensim autem influentibus,
vel etiam instillatis complentur: sic animi
puerorum quantum excipere possint, videndum est.
Nam majora intellectu, velut parum apertos ad
percipiendum animos non subibunt. Utile igitur est
habere quos imitari primum, mox vincere velis. ita
paulatim & superiorum spes erit. His adjicio, præ-
ceptores ipsos non idem mentis ac spiritus in dicendo
posse concipere singulis tantum præsentibus, quod
illa celebritate audientium instinctos. Maxima enim
pars eloquentiæ constat animo. hunc adfici, hunc
concipere imagines rerum, & transformari quo-
dammmodo ad naturam eorum de quibus loquimur,
neccesse est. Is porro quo generosior celsiorque est,
hoc majoribus velut organis commovetur: ideoque
& laude crescit, & impetu augetur, & aliquid ma-
gnum agere gaudet. Est quædam tacita dedignatio,
vim dicendi tantis comparatam laboribus, ad unum
auditorem dimittere: pudet supra modum sermo-
nis attolli. Et sane concipiat quis mente vel decla-
mantis habitum, vel orantis vocem, incessum, pro-
nuntiationem, illum denique animi & corporis mo-
tum, sudorem, ut alia præteream, & fatigationem,
audiente uno; nonne quiddam pati furori simile
videatur? Non esset in rebus humanis eloquentia,
si tantum cum singulis loqueremur.

TRADITO sibi puero, docendi peritus in- CAP. III.
genium ejus imprimis, naturamque perspiciat. In-
C 3 genij

CAP. III. genij signum in parvis præcipuum, memoria est. E-
jus duplex virtus, facile percipere, & fideliter
continere. Proximum, imitatio: nam id quoque
est docilis naturæ: sic tamen, ut ea quæ discit,
effingat. non habitum forte & ingressum, & si
quid in pejus notabile est. Non dabit mihi spem
bonæ indolis, qui hoc imitandi studio petet, ut
rideatur. Nam probus quoque inprimis erit ille
vere ingeniosus: alioqui non pejus duxerim tardi
esse ingenii, quam mali. Probus autem ab illo
segni & jacente plurimum aberit. Hic meus, quæ
tradentur, non difficulter accipiet: quædam etiam
interrogabit: sequetur tamen magis quam præcur-
ret. Illud ingeniosorum velut præcox genus, non
temere unquam pervenit ad frugem. Hi sunt qui
parva facile faciunt; & audacia provecti, quicquid
illic possunt, statim ostendunt. Possunt autem id
demum, quod in proximo est: verba continuant;
hæc vultu interrito nulla tardati verecundia pro-
ferunt: non multum præstant, sed cito. non sub-
est vera vis, nec penitus immissis radicibus niti-
tur: ut quæ summo solo sparsa sunt semina, ce-
lerius se effundunt; & imitatae spicas herbulæ, in-
anibus aristis ante messem flavescent. Placent hæc
annis comparata, deinde stat profectus, admiratio
decrescit. Hæc cum animadverberit, prospiciat de-
inceps quonam modo tractandus sit discantis ani-
mus. Sunt quidam, nisi institeris, remissi: qui-
dam imperia indignantur: quosdam continet me-
tus, quosdam debilitat: alios continuatio extun-
dit, in aliis plus impetus facit. Mihi ille detur
puer, quem laus excitet, quem gloria juvet, qui
victus

victus fleat. hic erit alendus ambitu, hunc morde-
 bit objurgatio, hunc honor excitabit; in hoc desi-
 diam nunquam verebor. Danda est tamen omni-
 bus aliqua remissio: non solum quia nulla res est
 quæ perferre possit continuum laborem; atque ea
 quoque quæ sensu & anima carent, ut servare vim
 suam possint, velut alterna quiete retenduntur: sed
 quod studium discendi, voluntate, quæ cogi non
 potest, constat. Itaque & virium plus afferunt ad
 discendum renovati ac recentes, & acriorem ani-
 mum, qui fere necessitatibus repugnat. Nec me
 offenderit lusus in pueris: est & hoc signum alacri-
 tatis: neque illum tristem, semperque demissum,
 sperare possum erectæ circa studia mentis fore,
 cum in hoc quoque maxime naturali ætatibus illis
 impetu, jaceat. Modus tamen sit remissionibus, ne
 aut odium studiorum faciant negatæ, aut otii con-
 suetudinem, nimia. Sunt etiam nonnulli acueñdis
 puerorum ingenijs non inutiles lusus, cum positjs
 invicem cujusque generis quæstiunculis æmulantur.
 Mores quoque se inter ludendum simplicius dete-
 gunt: modo nulla videatur ætas tam infirma, quæ
 non protinus quid rectum pravumque sit, discat:
 tum vel maxime formanda, cum simulandi nescia
 est, & præcipientibus facillime cedit. Frangas enim
 citius, quam corrigas, quæ in pravum induruerunt.
 Protinus ergo ne quid cupide, ne quid improbe,
 ne quid impotenter faciat, monendus est puer: ha-
 bendumque in animo semper illud Virgilianum,

Adco in teneris consuescere multum est.

Cædi vero discentes, quanquam & receptum sit, &
 Chrysippus non improbet, minime velim. Primum,
 quia

CAP. III. quia deforme atque servile est: & certe, quod convenit si ætatem mutes, injuria. deinde, quod si cui est mens tam illiberalis, ut objurgatione non corrigatur, is etiam ad plagas, ut pessima quæque mancipia, durabitur. postremo, quod nec opus quidem erit hac castigatione, si assiduus studiorum exactor adstiterit. nunc vero negligentia pædagogorum sic emendari videtur, ut pueri non facere quæ recta sunt cogantur, sed cur non fecerint puniantur. Denique cum parvulum verberibus coegeris, quid juveni facias, cui nec adhiberi potest hic metus, & majora discenda sunt? Adde, quod multa vapulantibus dictu deformia, & mox verecundiæ futura, sæpe dolore vel metu accidunt: qui pudor refringit animum, & abjicit, atque ipsius lucis fugam & tadium dictat. Jam si minor in deligendis custodum, vel & præceptorum moribus fuit cura, pudet dicere in quæ probra nefandi homines isto cædendi jure abutantur; quam det aliis quoque nonnunquam occasionem hic miserorum metus. Non morabor in parte hac: nimium est quod intelligitur. Quare hoc dixisse satis est; in ætatem infirmam, & injuriæ obnoxiam, nemini debet nimium licere. Nunc quibus instituendus sit artibus puer qui sic formabitur, ut fieri possit orator, & quæ in quaque ætate inchoanda, dicere ingrediar.

CAP. IV. PRIMUS in eo qui legendi scribendique adeptus erit facultatem, grammaticis est locus. Nec refert de Græco, an de Latino loquar: quanquam Græcum esse priorem placet. Utrique eadem est via. Hæc igitur professio cum brevissime in duas partes divi-

dividatur, recte loquendi ſcientiam, & poetarum enarrationem; plus habet in reſeſſu, quam fronte promittit. Nam & ſcribendi ratio conjuncta cum loquendo eſt, & enarrationem præcedit emendata lectio: & miſtum his omnibus judicium eſt: quo quidem ita ſevere ſunt uſi veteres grammatici, ut non verſus modo cenſoria quadam virgula notare, & libros qui falſo viderentur inſcripti, tanquam ſubdititios ſummoveſcere familia permiſerint ſibi; ſed auctores alios in ordinem redegerint, alios omnino exemerint numero. Nec poetas legiſſe ſatis eſt. excutiendum omne ſcriptorum genus: non propter hiſtorias modo, ſed verba, quæ frequenter juſ ab auctoribus ſumunt. Tum nec citra muſicen grammaticæ poteſt eſſe perfectæ, cum ei de metris rhythmiſque dicendum ſit. Nec ſi rationem ſiderum ignorat, poetas intelligat: qui, ut alia mittam, toties ortu occaſuque ſignorum in declarandis temporibus utuntur. Nec ignara phyſicæ, cum propter plurimos in omnibus fere carminibus locos, ex intima quæſtionum naturalium ſubtilitate repetitos; tum vel propter Empedoclem in Græcis, Varronem ac Lucretium in Latinis, qui præcepta ſapientiæ verſibus tradiderunt. Eloquentia quoque non mediocri eſt opus, ut de unaquaque earum quas demonſtravimus rerum, dicat proprie & copioſe. Quo minus ſunt ferendi, qui hanc artem ut tenuem ac jejunam cavillantur: quæ niſi oratoris futuri fundamenta fideliter jecerit, quicquid ſuperſtruxeris, corruet: neceſſaria pueris, jucunda ſenibus; dulcis ſecretorum cômẽs: & quæ vel ſola omni ſtudioſorum genere plus habet operis quam

D

CAP. IV.
oſten-

CAP. IV. ostentationis. Ne quis igitur tanquam parva fastidiat grammatices elementa. non quia magnæ sit operæ, consonantes a vocalibus discernere, ipsasque eas in semivocalium numerum, mutarumque pariri: sed quia interiora velut sacri hujus adeuntibus, apparebit multa rerum subtilitas, quæ non modo acuere ingenia puerilia, sed exercere altissimam quoque eruditionem ac scientiam possit. An cujuslibet auris est exigere literarum sonos? non hercule magis, quam nervorum. At grammatici saltem omnes in hanc descendant rerum tenuitatem, desintne aliqua nobis necessariae literarum: non cum Græca scribimus: tum enim ab iisdem mutuamur: sed propriè in Latinis: ut in his, *Servus* & *Vulgus*, Æolicum digamma desideratur. Et medius est quidam V & I literæ sonus. Non enim sic *Optimum* dicimus, ut *Optimum*. Et in *Here*, neque E plane, neque I auditur. An rursus aliæ redundant, præter illam aspirationis notam F, quæ si necessaria est, etiam contrariam sibi poscit J. Et K, quæ & ipsa quorundam nominum nota est; & Q, cujus similis effectus speciesque, nisi quod paulum a nostris obliquatur. *Kappa* apud Græcos nunc tamen in numero manet: & nostrarum ultima X, qua tamen carere potuimus, si non quæsissemus. Atque etiam in ipsis vocalibus grammatici est videre, an aliquas pro consonantibus usus acceperit: quia *Jam* sicut *Tam* scribitur, & *Quos* ut *Cos*. Atque ut vocales jungantur. aut enim unam longam faciunt, ut veteres scripsere, qui geminatione earum velut apice utebantur: aut duas: nisi quis putet etiam ex tribus vocalibus syllabam fieri; quod nequit, si non aliqua officio

officio consonantium fungantur. Quæret etiam hoc, CAP. IV.
 quomodo duabus demum vocalibus in seipsas coeundi natura sit, cum consonantium coeat nulla, nisi alteram frangat. A quidem literam, I sibi miscet: *Conjicit* enim est ab illo *Facit*. Et V, quomodo nunc scribitur *Vulgus* & *Servus*. Sciat etiam Ciceroni placuisse *Aiſo Maiſamque* geminata I scribere: Quod si est, etiam jungetur ut consonatis. Quare discat puer, quid in literis proprium, quid commune, quæ cum quibus cognatio: nec miretur cur ex *Scanno* fiat *Scabellum*: aut a *pinna* (quod est acutum) securis utrinque habens aciem, *Bipennis*: ne illorum sequatur errorem, qui quia a pinnis duabus hoc esse nomen existimant, *pennas* avium dici volunt. Neque has modo noverit mutationes, quas afferunt declinatio, aut præpositio, ut *ſecat ſecuit*, *cadit cecidit*, *cadit excidit*, *calcat exculcat*: & sic a *lavando lor*, & inde rursus *illor* & mille alia: sed & quæ rectis quoque casibus ætate transierunt. nam ut *Valeſi* & *Fuſi* in *Valerios Furi*osque venerunt: ita *arboſ*, *laboſ*, *vapoſ* etiam & *clamoſ* ac *laſeſ*, ætatis fuerunt. Atque ipsa S litera ab his nominibus exclusa, in quibusdam ipsa alteri successit: nam *merc*are *capuſ* & *oſ puli*are dicebant. Quin *fordeum fæduſque*, pro aspiratione, velut simili F litera utentes: nam tantum Græci ista adspirare solent: inde pro Fundanio Cicero testem qui primam ejus literam dicere non posset, irridet. Sed B quoque aliam vim dedimus aliquando, unde *Burrhuſ*, & *Bruges*, & *Belena*. Nec non eadem fecit ex *duello bellum*, unde *Duellioſ* quidam dicere *Bellioſ* auſi. Quid *ſtlocum ſtli*teſque? Quid T literæ cum D quædam cognatio? quare minus

CAP. IV. mirum, si in vetustis operibus urbis nostræ, & celebribus templis legantur *Alexanter* & *Cassantra*. Quid O atque V permutatæ invicem? ut *Hecoba*, & *notrix*, *Culchides*, & *Pulyxena*, scriberentur; ac ne in Græcis id tantum notetur, *dederont*, ac *probaveront*. Sic ἰδυσαεύς, quem ἰδυσαία fecerunt Æoles, ad *Ulyxem* deductus est. Quid? non E quoq; I loco fuit? ut *Menera*, & *leber*, & *magester*, & *Dijove* & *Vejove*, non *Dijovi* & *Vejovi*? Sed mihi locum signare satis est: Non enim doceo, sed admoneo docturos. Inde in syllabas cura transibit; de quibus in orthographia pauca adnotabo. Tum videbit ad quem hoc pertinet, quot & quæ sint partes orationis. quamquam de numero parum convenit. veteres enim, quorum fuerunt Aristoteles atq; Theodectes, verba modo & nomina & convinctiones tradiderunt: videlicet quod in verbis vim sermonis, in nominibus materiam, (quia alterum est quod loquimur, alterum de quo loquimur) in convinctionibus autem complexum eorum esse judicaverunt; quas conjunctiones a plerisque dici scio, sed hæc videtur ex συνδεδεµενω magis propria translatio. Paulatim, a philosophis, ac maxime Stoicis, auctus est numerus: ac primum convinctionibus articuli adjecti; post præpositiones; nominibus appellatio; deinde pronomen; deinde mistum verbo participium; ipsis verbis abverbia. Noster sermo articulos non desiderat, ideoque in alias partes orationis sparguntur. Sed accedit superioribus interjectio. Alii tamen ex idoneis auctoribus duntaxat octo partes secuti sunt, ut Aristarchus, & ætate nostra Palæmon, qui vocabulum sive appellationem nomini subjecerunt tanquam species ejus. At ii qui aliud nomen,
aliud

aliud vocabulum faciunt, novem. Nihilominus fuerunt qui ipsum adhuc vocabulum ab appellatione diducerent: ut esset vocabulum, corpus visu tactuque manifestum, *domus*, *lectus*: appellatio, cui vel alterum deest, vel utrumque, *ventus*, *cælum*, *deus*, *virtus*. Adjiciebant & adseverationem, ut *heui*: & attractionem, ut *fasciatim*. quæ mihi non approbantur. Vocabulum, an appellatio dicenda sit *προσηγορία*, & subjienda nomini, necne; quia parvi refert, liberum opinaturis relinquo. Nomina declinare & verba inprimis pueri sciant: neque enim aliter pervenire ad intellectum sequentium possunt. quod etiam monere supervacuum erat, nisi ambitiosa festinatione plerique a posterioribus inciperent: & dum ostentare discipulos circa speciosiora malunt, compendio morarentur. At si quis & didicerit satis, & (quod non minus deesse interim solet) voluerit docere quæ didicit, non erit contentus tradere in nominibus tria genera, & quæ sint duobus omnibusve communia. Nec statim diligentem putabo, qui promiscua, quæ epicoena dicuntur, ostenderit, in quibus secus uterque per alterum apparet: aut quæ foemina positione mares, aut neutrali foeminas significant: qualia sunt, *Murana*, & *Glycerium*. Scrutabitur mille præceptor acer atque subtilis origines nominum: ut quæ ex habitu corporis, *Cicerones*, *Rufos*, *Longosque* fecerunt: (nisi erit aliud secretius, *Sylla*, *Burrhi*, *Galba*, *Planci*, *Pansa*, *Scauri*, aliaque) & ex casu nascentium; hinc *Agrippa* & *Opiter* & *Cordus* & *Postumus* erunt. & ex iis quæ post natos eveniunt; unde *Vopiscus*. Jam *Cotta*, *Scipiones*, *Lenates*, *Serani* sunt ex variis causis. Gentes quæ

CAP. IV. que ac loca, & alia multa reperias inter nominum causas. In servis jam intercidit illud genus quod dicebatur a domino, unde *Marcipores*, *Publiporesque*. Quærat etiam, sitne apud Græcos vis quædam sexti casus, & apud nos quoque septimi. Nam cum dico, *hasta percussi*, non utor ablativi natura: nec si idem Græce dicam, dativi, τῷ δορί. Sed in verbis quoque quis est adeo imperitus, ut ignoret genera & qualitates & personas & numeros? Literarii pene ista sunt ludi, & trivialis scientiæ. Jam quosdam illa turbabunt, quæ declinationibus non tenentur. Nam & quædam, participia an verbi appellationes sint, dubitari potest, quia aliud alio loco valent, ut *lectus*, & *sapiens*. Quædam appellationibus similia, ut *fraudator*, *nutritor*. Jam, *Itur in antiquam sylvam*, nonne propriæ cuiusdam rationis est? nam quod initium ejus invenias? cui simile, *Fletur*, accipimus aliter, ut,

Panditur interea domus omnipotentis Olympi.

Aliter, ut,

—*Totis Usque adeo turbatur agris*—

Est etiam quidam tertius modus, ut *urbs habitatur*: unde & *campus curritur*, *mare navigatur*. *Pransus* quoque atque *potus*, diversum valent quam indicant. Quid quod multa verba non totum declinationis ordinem ferunt? Quædam etiam mutantur, ut *fero* in præterito. Quædam tertiæ demum personæ figura dicuntur, ut *licet*, *piget*. Quædam simile quiddam patiuntur vocabulis in adverbium transeuntibus. Nam ut *noctū* & *diū*, ita *dictū* *factūque*. sunt enim hæc quoque verba participialia quidem, non tamen. Quælia *dicto*, *factoque*.

Jam

JAM cum omnis oratio tres habeat virtutes, ut CAP. V.
emendata, ut dilucida, ut ornata sit: (quia dicere
apte, quod est præcipuum, plerique ornatui subji-
ciunt) totidem vitia, quæ sunt supradictis contraria,
emendate loquendi regula, quæ grammatices prior
pars est, examinet. Hæc exigitur verbis aut singu-
lis aut pluribus. Verba nunc generaliter accipi volo:
nam duplex eorum intellectus est. Alter, qui om-
nia, per quæ sermo nectitur, significat: ut apud
Horatium,

Verbaque provisam rem non invita sequentur.

Alter, in quo est una pars orationis, *lego, scribo*. Quam
vitantes ambiguitatem quidam dicere maluerunt, *voces,*
distiones, locutiones. Singula sunt aut nostra, aut peregri-
na: aut simplicia, aut composita: aut propria, aut tran-
slata: aut usitata, aut ficta. Uni verbo vitium sæpius
quam virtus inest. Licet enim dicamus aliquid pro-
prium, speciosum, sublime, nihil tamen horum ni-
si in complexu loquendi serieque contingit. Lauda-
mus enim verba bene rebus accommodata: sola est
quæ notari possit velut vocalitas, quæ *εὐφωνία* dici-
tur: cujus in eo delectus est, ut inter duo quæ idem
significant, ac tantundem valent, quod melius so-
nat, malis. Prima barbarismi, ac solœcismi foedi-
tas absit. Sed quia interim excusantur hæc vitia aut
consuetudine, aut auctoritate, aut vetustate, aut
denique vicinitate virtutum, (nam sæpe a figuris ea
separare difficile est:) ne qua tam lubrica observa-
tio fallat, acriter se in illud tenue discrimen gram-
maticus intendat, de quo nos latius ibi loquemur,
ubi de figuris orationis tractandum erit. Interim vi-
tium quod fit in singulis verbis, sit barbarismus.

Occur-

CAP. V. Occurrat mihi forsan aliquis, quid hic promissor tanti operis dignum? aut quis hoc nescit, alios barbarissimos scribendo fieri, alios loquendo? quia quod male scribitur, male etiam dici necesse est: qui vitiose dixerit, non utique & scripto peccat: Illud prius adiectione, detractioe, immutatione, transmutatione: hoc secundum divisione, complexione, aspiratione, sono contineri? Sed ut parva sint hæc; pueri docentur adhuc, & grammaticos officij sui commonemus. ex quibus si quis erit plane impolitus, & vestibulum modo artis hujus ingressus, intra hæc quæ profitentium commentariolis vulgata sunt, consistet: doctiores multa adjicient: vel hoc primum, quod barbarissimum pluribus modis accipimus. Unum in gente, quale sit si quis Afrum vel Hispanum Latinæ orationi nomen inferat: ut ferrum quo rotæ vinciuntur, dici solet *canthus*: quanquam eo, tanquam recepto utitur Persius. sicut Catullus *ploxenum* circa Padum invenit: & in oratione Labieni (sive illa Cornelij Galli est) in Pollionem, *casnar* affectator e Gallia ductum est. nam *mastrucam*, quod Sardum est, illudens Cicero ex industria dixit. Alterum genus barbarismi accipimus, quod fit animi natura: ut is a quo insolenter quid, aut minaciter, aut crudeliter dictum sit, barbære locutus existimatur. Tertium est illud vitium barbarismi, cujus exempla vulgo sunt plurima, sibi etiam quisque fingere potest; ut verbo cui libebit adjiciat literam syllabamve, vel detrahat, aut aliam pro alia, aut eandem alio quam rectum est loco ponat. Sed quidam fere in jactationem eruditionis sumere illa ex poetis solent: ut auctores quos prælegunt, crimentur. Scire autem debet
puer,

puer, hæc apud scriptores carminum aut venia digna, aut etiam laude duci: potiusque illa docendi erunt minus vulgata. nam duos in uno nomine faciebat barbarissimos Tinca Placentinus (si reprehendenti Hortensio credimus) *preculam* pro *pergulam* dicens: & immutatione, cum *c* pro *g* uteretur: & transmutatione, cum *r* præponeret *e* antecedenti. At in eadem vitii geminatione *Meticio Suffeticio* dicens Ennius, poetico jure defenditur.

C A P. V.

Sed in prosa quoque jam est quædam recepta immutatio. Nam Cicero *Canopitarum* exercitum dicit, ipsi *Canobon* vocant. & *Tharsomenum* pro *Thrasumeno* multi auctores, etiamsi est in eo transmutatio, vendicaverunt: similiter alia. nam sive est falsum *adsentior*; Sisenna dixit *adsensio*, multique, & hunc & analogiam secuti: sive illud verum est, hæc quoque pars consensu defenditur. At ille pexus pinguisque doctor, aut illic detractionem, aut hic adjectionem putabit. Quid quod quædam quæ singula proculdubio vitiosa sunt, juncta sine reprehensione dicuntur? Nam & *dua* & *tre* & *pondo* diversorum generum sunt barbarissimi: at *duapondo* & *trepondo* usque ad nostram ætatem ab omnibus dictum est, & recte dici Messala confirmat. Absurdum forsitan videatur dicere, barbarissimum, quod est unius verbi vitium, fieri per numeros, aut genera, sicut solœcismum: *scala* tamen & *scopa*, contraque *bordea* & *mulsa*, licet literarum mutationem, detractionem, adjectionem non habeant, non alio vitiosa sunt, quam quod pluralia singulariter, & singularia pluraliter efferuntur: & *gladia* qui dixerunt, genere exciderunt. Sed hoc quoque notare conten-

E

tus

CAP. V. tus sum, ne arti culpa quorundam pervicacium perplexæ, videar & ipse quæstionem addidisse. Plus exigunt subtilitatis quæ accidunt in dicendo vitia, quia exempla eorum tradi scripto non possunt, nisi cum in versus inciderunt, ut *διαίρεσις Εμπορῶν*: & ei contrarium vitium, quod *συναίρεσις* & *συναλοιφήν* Græci vocant, nos complexionem dicimus: qualis est apud P. Varronem,

Cum te flagranti dejectum fulmine Phæton.

Nam si esset prosa oratio, eandem literas enunciare veris syllabis licebat. Præterea quæ fiunt spatio, si-
ve cum syllaba correpta producitur: ut, *Italiam fato profugus*— seu longa corripitur: ut, *Unius ob noxam & furias*— extra carmen non deprehendas. sed nec in carmine vitia ducenda sunt. Illa vero non nisi aure exiguntur, quæ fiunt per sonos: quam per aspirationem, si-ve adjicitur vitiose, si-ve detrahitur, apud nos potest quæri an in scripto sit vitium, si H litera est, non nota. cujus quidem ratio mutata cum temporibus est sæpius. Parcissime ea veteres usi etiam in vocalibus, cum *ædos*, *ircosque* dicebant. Diu deinde servatum ne consonantibus adspirarent, ut in *Gracis*, & *trumpis*. Erupit brevi tempore nimius usus, ut *chorona*, *chenturiones*, *prachones* adhuc quibusdam inscriptionibus maneant. qua de re Catulli nobile epigramma est. Inde durat ad nos usque *vehementer*, & *comprehendere*, & *mihî*: nam *mehe* quoque pro *me* apud antiquos tragœdiarum præcipue scriptores in veteribus libris invenimus. Adhuc difficilior observatio est per *tenores* (quos quidem ab antiquis dictos *tonores* comperi, ut videlicet declinato a Græcis verbo, qui *τόνους* dicunt)

vel

vel accentus, quas Græci *προσῳδίας* vocant, cum CAP. V.
 acuta & gravis alia pro alia ponitur, ut in hoc *Camil-*
lus, si acuitur prima; aut gravis pro flexa, ut *Ce-*
thegus, & hic prima acuta: nam sic media mutatur:
 aut flexa pro gravi, ut apice circumducta sequente:
 quam ex duabus syllabis in unam cogentes, & de-
 inde flectentes, dupliciter peccant. Sed id sæpius in
 Græcis nominibus accidit: ut *Αἰνῶς*; quem nobis
 juvenibus doctissimi senes acuta prima dicere sole-
 bant, ut necessario secunda gravis esset. Item *Τερεῖν*,
*Νερεῖα*que. Hæc de accentibus tradita. Cæterum scio
 jam quosdam eruditos, nonnullos etiam gramma-
 ticos sic docere ac loqui, ut propter quædam vo-
 cum discrimina, verbum interim acuto sono fini-
 ant: ut in illis,

Quæ circum littora, circum Piscosos scopulos—

Ne si gravem posuerint secundam, *circus* dici videat-
 ur, non *circuitus*. Item *quantum*, *quale*, interro-
 gantes, gravi; comparantes, acuto tenore conclu-
 dunt: quod tamen in adverbis fere solis ac prono-
 minibus vindicant, in cæteris veterem legem se-
 quantur. Mihi videtur conditionem mutare, quod
 his locis verba conjungimus. Nam cum dico, *cir-*
cum littora, tanquam unum enuncio, dissimulata
 distinctione: itaque tanquam in una voce, una est
 acuta: quod idem accidit in illo,

—Troja qui primus ab oris.

Evenit ut metri quoque conditio mutet accentum:
 ut,

—Pecudes pictæque volucres.

Nam *volucres* media acuta legam: quia etsi natura
 brevis, tamen positione longa est, ne faciat jam-

CAP. V. bum, quem non recipit versus heroicus. Separata vero hæc, a præcepto non recedent: aut si consuetudo vicerit, vetus lex sermonis abolebitur. cuius difficilior apud Græcos observatio est, quia plura illis loquendi genera, quas *διαλέκτους* vocant: & quod alias vitiosum, interim alias rectum est: apud nos vero brevissima ratio; namque in omni voce, acuta intra numerum trium syllabarum continetur, sive hæ sint in verbo solæ, sive ultimæ: & in his aut proxima extremæ, aut ab ea tertia. Trium porro de quibus loquor, media longa, aut acuta, aut flexa erit: eodem loco brevis utique gravem habebit sonum: ideoque positam ante se, id est ab ultima tertiam, acuet. Est autem in omni voce utique acuta, sed nunquam plus una: nec ultima unquam: ideoque in dissyllabis prior. Præterea nunquam in eadem, flexa & acuta. utique neutra cludet vocem Latinam. Ea vero quæ sunt syllabæ unus, erunt acuta aut flexa, ne sit aliqua vox sine acuta. Et illa per sonos accidunt, quæ demonstrari scripto non possunt, vitia oris & linguæ: *ιωτακισμὸς* & *λαμβδακισμὸς*, *ιχνότηας* & *πλατειασμὸς*, feliciores fingendis nominibus Græci vocant: sicut *κοιλισμὸν*, cum vox quasi in recessu oris auditur. Sunt etiam proprii quidam & inenarrabiles soni, quibus nonnunquam nationes reprehendimus. Remotis igitur omnibus quæ supra diximus vitiis, erit illa quæ vocatur *ὀρθότηας*, id est, emendata cum suavitate vocum explanatio. nam sic accipi potest, recta. Cætera vitia omnia ex pluribus vocibus sunt: quorum est solocismus: quanquam circa hoc quoque disputatum est. nam etiam qui complexu orationis

tionis accidere eum confitentur, quia tamen unius CAP. IV.
 emendatione verbi corrigi possit, in verbo esse vi-
 tium, non in sermone contendunt: cum sive *ama-*
ra corticis, seu *medio cortice*, per genus facit solœ-
 cismum. quorum neutrum quidem reprehendo, cum
 sit utriusque Virgilius auctor. Sed fingamus utrum-
 libet non recte dictum: mutatio vocis alterius in
 qua vitium erat, rectam loquendi rationem sic red-
 dit, ut *amari corticis* fiat, vel *media cortice*. quod
 manifeste calumnia est: neutrum enim vitiosum
 separatum est, sed compositione peccatur, quæ
 jam sermonis est. Illud eruditius quæritur, an
 in singulis quoque verbis possit fieri solœcismus?
 ut si unum quis ad se vocans dicat *venite*: aut si
 plures a se dimittens, ita loquatur, *abi*, aut, *di-*
scede. Nec non cum responsum ab interrogatione
 dissentit: ut si dicenti, *Quem video?* ita occurras,
Ego. In gestu etiam nonnulli putant idem vitium
 inesse, quum aliud voce, aliud nutu vel manu de-
 monstratur. Huic opinioni neque omnino accedo,
 neque plane dissentio. nam id fateor posse accidere
 voce una, non tamen aliter, quam si sit aliquid
 quod vim alterius vocis obtineat, ad quod vox illa
 referatur: ut solœcismus ex complexu fiat eorum
 quibus res significantur, & voluntas ostenditur. At-
 que ut omnem effugiam cavillationem, fit aliquan-
 do in uno verbo, nunquam in solo verbo. Per quot
 autem & quas accadat species, non satis convenit.
 Qui plenissime, quadripertitam volunt esse ratio-
 nem, nec aliam quam barbarismi: ut fiat adjecti-
 one, ut *Veni de Susis in Alexandriam*. Detractione,
Ambulo viam, Ægypto venio. Ne hoc fecit? Transmu-

CAP. V. tatione, qua ordo turbatur, *Quoque ego, Enim hoc voluit, Autem non habuit.* Ex quo genere an sit igitur, in initio sermonis positum, dubitari potest: quia maximos auctores in diversa fuisse opinione video; cum apud alios sit etiam frequens, apud alios nunquam reperiatur. Hæc tria genera quidam diducunt a solœcismo, & adjectionis vitium *πλεονασμὸν*, detractionis *ἐλλείψιν*, inversionis *ἀνατροπὴν* vocant: quæ si in speciem solœcismi cadant, *ὑπερβατον* quoque appellari eodem modo posse. Immutatio sine controversia est, cum aliud pro alio ponitur. Id per omnes orationis partes deprehendimus, frequentissime in verbo, quia plurima huic accidunt, ideoque in eo fiunt solœcismi per genera, tempora, personas, modos, sive cui status eos dici, seu qualitates placet, vel sex, vel (ut alii volunt) octo: nam totidem vitiorum erunt formæ, in quot species eorum quidque de quibus supra dictum est, diviseris. Prætereo numeros; in quibus nos singularem ac pluralem habemus; Græci & *διώκον*. Quamquam fuerunt qui nobis quoque adjicerent dualem, *scripsere, legere*: quod devitandæ asperitatis gratia mollitum est, ut apud veteres pro *male mereris, male merere*. ideo quod vocant dualem, in illo solo genere consistit: cum apud Græcos & in verbi tota fere ratione, & in nominibus deprehendatur, & sic quoque rarissimus ejus sit usus; apud nostrorum vero neminem hæc observatio reperiatur: quin e contrario,

Devenere locos, & Contichere omnes, & Confedere duces, aperte nos doceant, nihil horum ad duos pertinere: *Dixere* quoque, quamquam id Antonius Rufus

fus ex diverso ponit exemplum, de pluribus patronis præco pronunciet. Quid? non Livius circa initia statim primi libri, *Tenuere*, inquit, *arcem Sabini*? & mox, *In adversum Romani subiere*? Sed quem potius ego quam M. Tullium sequar: quì in Oratore, *Non reprehendo*, inquit, *scripsere: scripserunt esse verius sentio*. Similiter in vocabulis & nominibus fit solœcismus genere, numero, proprie autem casibus. Quicquid eorum alteri succedet, huic parti subjungatur licet, per comparationes & superlationes: itemque in quibus patrium pro possessivo dicitur, vel contra. Nam vitium quod fit per quantitatem, ut *magnum peculium*, erunt qui solœcismum putent; quia pro nomine integro positum sit diminutum. Ego dubito an id improprium potius appellem: significatione enim deerrat. Solœcismi porro vitium non est in sensu, sed in complexu. In participio, per genus, & casum, ut in vocabulo: per tempora, ut in verbo: per numerum, ut in utroque, peccatur. Pronomen quoque genus, numerum, casus habet: quæ omnia recipiunt huiusmodi errorem. Fiunt solœcismi, & quidem plurimi, per partes orationis. sed id tradere satis non est: ne ita demum vitium esse credat puer, si pro alia ponatur alia: ut verbum ubi nomen esse debuerit; vel adverbium, ubi pronomen, & similia. Nam sunt quædam cognata, ut dicunt, id est ejusdem generis, in quibus qui alia specie quam oportet utetur, non minus quam ipso genere permutato deliquerit. Nam & *an* & *aut*, conjunctiones sunt: male tamen interrogas, *hic aut ille sit*. Et *ne* ac *non*, adverbia: qui tamen dicat pro illo, *Ne feceris*

CAP. V. *feceris, Non feceris*, in idem incidat vitium: quia alterum negandi est, alterum vetandi. Hoc amplius *intro & intus*, loci adverbia: *Eo tamen intus*, & *Intro sum*, solœcismi sunt. Eadem in diversitate pronominum, interjectionum, præpositionum, accidunt. Est enim solœcismus in oratione comprehensionis unius sequentium ac priorum inter se inconueniens positio. Quædam tamen & faciem solœcismi habent, & dici vitiosa non possunt: ut *tragœdia Thyestes*, & *ludi Floralia* ac *Megalesia*: quam hæc sequenti tempore interciderunt, nunquam aliter a veteribus dicta. Schemata igitur nominabuntur, frequentiora quidem apud poetas, sed oratoribus quoque permixta. Verum schema fere habebit aliquam rationem, ut docebimus eo quem paulo ante promissimus loco. Sed hoc quoque quod schema vocatur, si ab aliquo per imprudentiam factum erit, solœcismi vitio non carebit. In eadem specie sunt, sed schemate carent, ut supra dixi, nomina foeminina quibus mares utuntur, & neutralia quibus foemina. Haëtenus de solœcismo. Neque enim artem grammaticam componere aggressi sumus: sed cum in ordinem incurreret, inhonoratam transire nolimus. Hoc amplius, ut institutum ordinem sequar, verba aut latina, aut peregrina sunt. Peregrina porro ex omnibus prope dixerim gentibus, ut instituta etiam multa, venerunt. Taceo de Tuscis, & Sabinis, & Prænестinis quoque: nam, ut eorum sermone utentem, Vectium Lucilius insectatur: quemadmodum Pollio deprehendit in Livio Patavinitatem: licet omnia Italica pro Romanis habeam. Plurima Gallica valuerunt, ut *rheda* ac *petoriturum*: quo-
rum

rum altero Cicero tamen, altero Horatius utitur. CAP. V.

Et *mappam* quoque, usitatum circo nomen, Poeni sibi vendicant: & *gurdos*, quos pro stolidis accipit vulgus, ex Hispania duxisse originem audiui. Sed hæc divisio mea, ad Græcum sermonem præcipue pertinet: nam & maxima ex parte Romanus inde conversus est, & confessis quoque Græcis utimur verbis, ubi nostra defunt, sicut illi a nobis nonnunquam mutuuntur. Inde illa quæstio exoritur, an eadem ratione per casus duci externa, qua nostra, conveniat? Ac si reperias grammaticum veterum amatorem, neget quicquam ex Latina ratione mutandum: quia cum sit apud nos casus ablativus, quem illi non habent, parum conveniat, uno casu nostro, quinque Græcis uti. Quinetiam laudet virtutem eorum, qui potentiores facere linguam Latinam studebant, nec alienis egere institutis fatebantur: inde *Castorem* media syllaba producta pronunciarunt, quia hoc omnibus nostris nominibus accidebat, quorum prima positio in easdem quas *Castor* literas exit: & ut *Palamo*, ac *Thelamo*, & *Plato*, (nam sic eum Cicero quoque appellat) dicerentur, retinuerunt: quia Latinum quod *o* & *n* literis finiretur, non reperiebant. Ne in *a* quidem atque *s* literas exire temere masculina Græca nomina recto casu patiebantur: ideoque & apud Cælium legimus, *Pelia Cincinnatus*: & apud Messalam, *Bene fecit Euthia*: & apud Ciceronem, *Hermagora*: ne miremur quod ab antiquorum plerisque *Aenea* & *Anchisa* sit dictus. Nam si ut *Mæcnas*, *Sæffenas*, *Asprenas* dicerentur, genitivo casu non *e* litera, sed *us* syllaba terminarentur. Inde *Olympo* & *tyranno* acutam mediam syllabam dederunt,

F

quia

CAP. V. quia duabus longis sequentibus, primam brevem a cui noster sermo non patitur. Sic genitivus *Achilli* & *Ulyssi* fecit, sic alia plurima. Nunc recentiores instituerunt Græcis nominibus Græcas declinationes potius dare: quod tamen ipsum non semper fieri potest. Mihi autem placet Latinam rationem sequi, quousque patitur decor. Neque enim jam *Calypsōnem* dixerim, ut *Junonem*: quanquam secutus antiquos C. Cæsar utitur hac ratione declinandi. Sed auctoritatem consuetudo superavit. In cæteris quæ poterunt utroque modo non indecenter efferri, qui Græcam figuram sequi malet, non Latine quidem, sed citra reprehensionem loquetur. Simples voces, prima positione, id est natura sua constant. compositæ aut præpositionibus subjunguntur, ut *innocens*: interdum repugnantibus inter se duabus, quale est *imperfertius*: alioqui possunt aliquando continuari duæ, ut *incompositus*, *reconditus*, & quo Cicero utitur, *subabsurdum*: aut e duobus quasi corporibus coalescunt, ut *maleficus*. Nam ex tribus nostræ utique linguæ non concesserim: quamvis *capsis* Cicero dicat compositum esse ex *cape si vis*: & inveniantur qui *Eupercalia* æque tres partes orationis esse contendunt, quasi *luere per caprum*. Nam *Solitautilia* jam persuasum est esse ex *sue*, *ove*, & *tauro*. & sane ita se habet sacrum, quale apud Homerum quoque est. Sed hæc non tam ex tribus, quam ex particulis trium coeunt. Cæterum etiam ex præpositione & duobus vocabulis dure videtur struxisse Pacuvius:

--- --- *Nerei*

Repandirostrum incurvicervicum pecus.

Junguntur autem aut ex duobus Latinis integris, ut
super-

superfui, *subterfugi*: (quanquam ex integris an com-
posita sint, quæritur;) aut ex integro & corrupto,
ut *malevolus*: aut ex corrupto & integro, ut *nocti-
vagus*: aut ex duobus corruptis, ut *pedisequus*: aut
ex nostro & peregrino, ut *biclinium*: aut contra,
ut *epitogium*, & *anticato*: aut ex duobus peregrinis,
ut *epirhedium*. Nam cum sit præpositio ἐν Græca,
rheda Gallicum; nec Græcus tamen nec Gallus uti-
tur composito; Romani suum ex alieno utroque fe-
cerunt. Frequenter autem præpositiones quoque co-
pulatio ista corrumpit: inde *absulit*, *aufugit*, *ami-
sit*: cum præpositio sit *ab* sola: & *coit*, cum sit præ-
positio *cum*: sic *ignavi*, & *erepti*, & similia. Sed res
tota magis Græcos decet, nobis minus succedit: nec
id fieri natura puto, sed alienis favemus: ideoque
cum *κρηταυχένα* mirati sumus, *incurvicervicum* vix a
risu defendimus. Propria sunt verba, cum id signi-
ficant, in quod primum denominata sunt. Transla-
ta, cum alium natura intellectum, alium loco præ-
bent. Usitatis tutius utimur: nova non sine quo-
dam periculo fingimus. Nam si recepta sunt, mo-
dicam laudem afferunt orationi: repudiata, etiam
in jocos exeunt. Audendum tamen: namque, ut
Cicero ait, etiam quæ primo dura visâ sunt, usu
molliuntur. Sed minime nobis concessa est ὀνοματο-
ποιία. quis enim ferat si quid simile illis merito lau-
datis, *λύγξε βίος*, & *σιζει ὀφθαλμός*, fingere audea-
mus? Jam ne *balare* quidem aut *hinnire* forte dice-
remus, nisi iudicio vetustatis niterentur.

EST etiam sua loquentibus observatio, sua seri-
ben-

F 2

CAP. VI.

CAP. VI. *bentibus.* Sermo constat ratione, vetustate, auctoritate, consuetudine. Rationem præstat præcipue analogia, nonnunquam & etymologia. Vetera maiestas quædam, & ut sic dixerim, religio commendat. Auctoritas ab oratoribus vel historicis peti solet. nam poetas metri necessitas excusat, nisi siquando nihil impediens in utroque modulatione pedum, alterum malunt: qualia sunt, — *Imo de stirpe recisum.* & , --- *Aëria quo congefere palumbes.* & -- *Silice in nuda.* & similia: cum summorum in eloquentia virorum iudicium pro ratione, & vel error honestus est magnos duces sequentibus. Consuetudo vero, certissima loquendi magistra: utendumque plane sermone, ut nummo, cui publica forma est. Omnia tamen hæc exigunt acre iudicium: analogia præcipue, quam proxime ex Græco transferentes in Latinum, proportionem vocaverunt. Ejus hæc vis est, ut id quod dubium est, ad aliquid simile, de quo non quaritur, referat: ut incerta certis probet. Quod efficitur duplici via: comparatione similium in extremis maxime syllabis, (propter quod ea quæ sunt e singulis, negantur debere rationem) & diminutione. Comparatio in nominibus, aut genus deprehendit, aut declinationem: Genus, ut si queratur, *funis* masculinum sit, an *foeminiu*m; simile illi sit *panis*: Declinationem, ut si veniat in dubium, *hac domu* dicendum sit, an *hac domo*, & *domuum* an *domorum*; similia sint *domus*, *anus*, *manus*. Diminutio genus modo detegit: & ne ab eodem exemplo recedam, *funem* masculinum esse *funiculus* ostendit. Eadem in verbis quoque ratio comparationis: ut si quis antiquos secutus *fervere* brevi media syllaba dicat, de-
pre-

prehendatur vitiose loqui, quod omnia quæ *e* & *o* literis fatendi modo terminantur, eadem si in infinitis *e* literam media syllaba acceperunt, utique productam habent, ut *prandeo*, *pendeo*, *spondeo*; *prandere*, *pendere*, *spondere*. At quæ *o* solam habent, dummodo per eandem literam in infinito exeant, breviam fiunt, *lego*, *dico*, *curro*; *legere*, *dicere*, *currere*: etiam si est apud Lucilium,

C A P. VI:

Fervit aqua, & *fervet*: *fervit nunc*, *fervet ad annum*. Sed pace dicere hominis eruditissimi liceat, si *fervit* putat illi simile *currit* & *legit*, *fervo* dicetur ut *curro* & *lego*: quod nobis inauditum est. Sed non est hæc vera comparatio: nam *fervit* illi est simile *servit*: quam proportionem sequenti dicere necesse est *servire*, ut *servire*. Prima quoque aliquando positio ex obliquis invenitur, ut memoria repeto convictos a me qui reprehenderant quod hoc verbo usus essem *pepigi*. Nam id quidem dixisse summos auctores confitebantur, rationem tamen negabant permittere: quia prima positio *paciscor*, cum haberet naturam patiendi, faceret tempore præterito *pactus sum*. Nos præter auctoritatem oratorum atque historicorum, analogia quoque hoc tuebamur. Nam cum legeremus in XII. tabulis, *Ni ita pacunt*; inveniebamus simile huic *cadunt*. inde prima positio, etiam si vetustate exolverat, apparebat *paco*, ut *cado*: unde non erat dubium sic *pepigi* nos dicere, ut *cecidit*. Sed meminerimus non per omnia duci analogiæ posse rationem, cum & sibi ipsa plurimis in locis repugnet. Quædam sine dubio conantur eruditi defendere, ut cum deprehensum est, *lepus* & *lupus*, similia positione, quantum casibus numerisque dissentiant; ita respon-

F 3 dent,

CAP. VI. dent, non esse paria, quia *lepus* epicœnum sit, *lupus* masculinum: quanquam Varro in eo libro quo initia urbis Romæ enarrat, *lupum* foeminam dicit, Ennium Pictoremque Fabium secutus. Illi autem iidem cum interrogantur cur *aper apri*, & *pater patris* faciat: illud nomen simpliciter positum, hoc ad aliquid esse contendunt. Præterea quoniam utrumque a Græco ductum sit, ad eam rationem recurrunt, ut *πατὴρ patris*, *ἀπὸρ apri* faciat. Illi tamen quomodo effugient, ut nomina quamvis foeminina singulari nominativo, *u*, *s*, literis finita, nunquam genitivo casu *ris* syllaba terminentur, faciat tamen *Venus Veneris*? Item cum *e*, *s*, literis finita, per varios exeant genitivos, nunquam tamen eadem *ris* syllaba terminatos, *Ceres* cogat dicere *Cereris*? Quid vero quod tota positionis ejusdem, in diversos flexus eunt? cum *Alba* faciat *Albanos* & *Albenses*, *Volo volui* & *volavi*. Nam præterito quidem tempore varie formari verba prima persona *o* litera terminata, ipsa analogia confiteatur. Siquidem facit *cado cecidi*, *spondeo spondi*, *pingo pinxi*, *lego legi*, *pono posui*, *frango fregi*, *laudo laudavi*. Non enim cum primum fingerentur homines, analogia dimissa cœlo formam loquendi dedit: sed inventa est postquam loquebantur, & notatum in sermone, quid quoque modo caderet. itaque non ratione nititur, sed exemplo: nec lex est loquendi, sed observatio. ut ipsam analogiam nulla res alia fecerit, quam consuetudo. Inhærent tamen quidam molestissima diligentia perversitate, ut *audaciter* potius dicant quam *audacter*, licet omnes oratores aliud sequantur: & *emicavit* non *emiciuit*: & *conire*, non *coire*. His permittamus

&

& *audivisse*, & *scivisse*, & *tribunale*, & *faciliter*, di-
cere. *frugalis* quoque sit apud illos, non *frugi*: nam
quo alio modo fiat *frugalitas*? Iidem *centum millia*
nummum, & *fidem Deum*, ostendant duplices solœcis-
mos esse, quando & casum mutant, & numerum.
Nesciebamus enim, ac non consuetudini & decori
serviebamus: sicut in plurimis quæ Tullius in Ora-
tore divine, ut omnia, exequitur. Sed Augustus
quoque in epistolis ad C. Cæsarem scriptis emenda-
tius *calidum* dicere quam *caldum* mavult: non quia
id non sit Latinum, sed quia sit odiosum, & ut
ipse Græco verbo significavit, *περίεργον*. Atqui hanc
quidam *ὀρθόπειπον* solam putant, quam ego minime
excludo. Quid enim tam necessarium, quam re-
cta locutio? Imo inhærendum ei judico quoad li-
cet: diu etiam mutantibus repugnandum: sed ab-
olita atque abrogata retinere, insolentiæ cujusdam
est, & frivolæ in parvis jactantiæ. Multum enim
literatus, qui sine aspiratione & producta secunda
syllaba salutarit (*avere* est enim) & *calesfacere* dixerit po-
tius quam quod dicimus, & *conservavisse*: his adjiciat
face, & *dice*, & similia. Recta est via: quis negat?
sed adjacet & mollior, & magis trita. Ego tamen
non alio magis angor, quam quod obliquis casibus
ducti etiam primas sibi positiones non minuere!, sed
mutare permittunt: ut cum *ebur* & *robur*, ita di-
cta ac scripta summis auctoribus, in *o* literam se-
cundæ syllabæ transferunt, quia sit *roboris* & *eboris*:
sulfur autem & *guttur*, *u* literam in genitivo servant:
ideoque etiam *jecur* & *femur* controversiam fecerunt.
quod non minus est licentiosum, quam si *sulfuri* &
guttur subjicerent in genitivo literam *o* mediam,
quia

CAP. VI. quia esset *eboris* & *roboris*: sicut Antonius Gniphos, qui *robur* quidem & *ebur* atque etiam *marmur* fateatur esse, verum fieri vult ex his *robura*, *ebura*, *marmura*. Quod si animadvertenter literarum affinitatem, scirent sic ab eo quod est *robur*, *roboris* fieri, quomodo ab eo quod est *miles*, *limes*; *militis*, *limitis*; *judex*, *vindex*; *judicis*, *vindicis*: & quæ supra jam attigi. Quid? non similes quoque (ut dicebam) positiones, in longe diversas figuras per obliquos casus exeunt? ut *virgo*, *Juno*: *fusus*, *lusus*: *cuspis*, *puppis*, & mille alia: cum illud etiam accadat, ut quædam pluraliter non dicantur, quædam contra singulari numero: quædam casibus careant: quædam a primis statim positionibus tota mutantur, ut *Jupiter*. Quod verbis etiam accedit, ut *fero*, *tuli*: cujus præteritum perfectum, & ulterius non invenitur. Nec plurimum refert, nulla hæc, an prædura sint. Nam quid *progenies* genitivo singulari, quid plurali *spes* faciet? Quomodo autem *quire* & *ruere*, vel in præterita patiendi modo, vel in participia transibunt? Quid de aliis dicam, cum *senatus*, *senatus*, *senatui*, an *senatus*, *senati*, *senato* faciat, incertum sit? Quare mihi non invenuste dici videtur, aliud esse Latine, aliud Grammaticæ loqui. Ac de analogia vel nimium. Etymologia, quæ verborum originem inquirat, a Cicero dicta est notatio, quia nomen ejus apud Aristotelem invenitur *σύμβολον*, quod est nota: nam verbum e verbo ductum, id est, veriloquium, ipse Cicero qui finxit, reformidat. Sunt qui vim potius intuiti, originationem vocent. Hæc habet aliquando usum necessarium, quoties interpretatione res de qua quæritur, eget: ut cum M. Cælius se esse hominem

minem frugi vult probare, non quia abstinens sit CAP. VI.
 (nam id ne mentiri quidem poterat) sed quia utilis
 multis, id est fructuosus, unde sit dicta *frugalitas*.
 Ideoque in definitionibus assignatur etymologiæ lo-
 cus. Nonnunquam etiam barbara ab emendatis co-
 natur discernere, ut cum *Triquetram* dici Siciliam, an
Triquadram: *meridiem*, an *medidiem* oporteat, quæ-
 ritur, aliaque quæ consuetudini serviunt. Continet
 autem in se multam eruditionem, sive illa ex Græ-
 cis orta tractemus, quæ sunt plurima, præcipueque
Æolica ratione (cui est sermo noster simillimus,) de-
 clinata: sive ex historiarum veterum notitia nomina
 hominum, locorum, gentium, urbium requiramus:
 unde *Bruti*, *Publicola*, *Pici*: cur *Latium*, *Italia*, *Be-
 neventum*: quæ *Capitolium*, collem *Quirinalem*, &
Argiletum appellandi ratio. Jam illa minora, in qui-
 bus maxime studiosi ejus rei fatigantur, qui verba
 paulum declinata, varie & multipliciter ad veritatem
 reducunt, aut correptis aut porrectis, aut adjectis
 aut detractis, aut permutatis literis syllabisve: ut in
 parvis ingeniis ad foedissima usque ludibria labantur:
 sitne *Consul* a consulendo, an a judicando: nam &
 hoc *consulere* veteres vocaverunt: unde adhuc reman-
 et illud, *Rogat boni consulas*, id est, bonum judi-
 ces. *Senatui* nomen dederit ætas: nam iidem *Patres*
 sunt: & *Rex*, *rektor*: & alia plurima indubitata. Nec
 abnuerim *regula*, *regulaque*, & similibus his rationem.
 Jam si sicut *classis* a calando, & *lepus levipes*; & *vulpes*
volipes etiam eam interpretationem rectam sequen-
 dam, improbandam contrariam? etiamne a contra-
 riis aliqua sinemus trahi? ut *lucus*, quia umbra opa-
 cus parum luceat? & *ludus*, quia sit longissime ab
 lusu?

CAP. V. lusu? & *ditis* quia minime dives? Etiamne *hominem* appellari, quia sit humo natus? (quasi vero non omnibus animalibus eadem origo, aut illi primi mortales ante nomen imposuerint terræ, quam sibi) & *verba*, ab aere verberato? Pergamus: sic pervenimus eousque ut *stella*, luminis stilla credatur: cujus etymologiæ auctorem, clarum sane in literis, nominari ea parte qua a me reprehenditur, inhumanum est. Qui vero talia libris complexi sunt, nomina sua ipsi inscripserunt: ingenioseque sibi visus est Cajus Granius *calibes* dicere veluti *calites*, quod onere gravissimo vacent, idque Græco argumento. *ἰσθὺς* enim eadem de causâ dici affirmat. Nec ei cedit Modestus inventione. nam quia Cœlo Saturnus genitalia absciderit, hoc nomine appellatos qui uxore careant. At L. Ælius *pituitam*, quia petat vitam. Sed cui non post Varronem sit venia, qui *agrum*, quod in eo agatur aliquid: & *graculos*, quia gregatim volent, dictos, Ciceroni persuadere voluit; (ad eum enim scribit) cum alterum ex Græco sit manifestum duci, alterum ex vocibus avium? Sed hoc tanti fuit vertere, ut *merula*, quia sola volat, quasi mera volans nominaretur. Quidam non dubitaverunt etymologiæ subicere omnem nominis causam: ut ex habitu, quemadmodum dixi, *Longus* & *Rufus*: ex sono: *stertere*, *murmurare*: etiam derivata, ut a *velocitate* dicitur *velox*: & composita pleraque his similia, quæ sine dubio aliunde originem ducunt, sed arte non egent; cujus in hoc opere non est usus nisi in dubiis. Verba a vetustate repetita, non solum magnos assertores habent, sed etiam afferunt orationi majestatem aliquam, non sine delectatione: nam &

& auctoritatem antiquitatis habent: & quia intermissa sunt, gratiam novitati similem parant. Sed opus est modo, ut neque crebra sint hæc, neque manifesta: quia nihil est odiosius affectatione: nec utique ab ultimis & jam oblitteratis repetita temporibus, qualia sunt *topper*, & *antigerio*, & *exanclare*, & *prosapia*, & *Saliorum carmina* vix sacerdotibus suis satis intellecta. Sed illa mutari vetat religio, & consecratis utendum est. Oratio vero, cujus summa virtus est perspicuitas, quam sit vitiosa si egeat interprete? Ergo ut novorum optima erunt maxime vetera, ita veterum maxime nova. Similis circa auctoritatem ratio. Nam etiamsi potest videri nihil peccare, qui utitur iis verbis quæ summi auctores tradiderunt, multum tamen refert non solum quid dixerint, sed etiam quid persuaserint. Neque enim *tuburchinabundum* & *turchabundum* jam in nobis quisquam ferat, licet Caro sit auctor: nec *hos lodices*, quanquam id Pollioni placeat: nec *gladiola*, atqui Messala dixit: nec *parricidatum*, quod in Cælio vix tolerabile videtur: nec *collos* mihi Calvus persuaserit: quæ nec ipsi jam dicerent. Superest igitur consuetudo: nam fuerit pene ridiculum malle sermonem quo locuti sunt homines, quam quo loquantur. Et sane quid est aliud vetus sermo, quam vetus loquendi consuetudo? Sed huic ipsi necessarium est iudicium, constituendumque inprimis, id ipsum, quid sit, quod consuetudinem vocemus. Quæ si ex eo quod plures faciunt, nomen accipiat, periculosissimum dabit præceptum, non orationi modo, sed (quod majus est) vitæ. Unde enim tantum boni, ut pluribus quæ recta sunt placeant? Igitur ut velli, & comam in gradus

CAP. VI. *du*s frangere, & in balneis perpotare, quamlibet hæc invaserint civitatem, non erit consuetudo, quia nihil horum caret reprehensione: at lavamur, & tondemur, & convivimus ex consuetudine: sic in loquendo, non si quid vitiose multis infederit, pro regula sermonis accipiendum erit. Nam ut transeam quemadmodum vulgo imperiti loquuntur, tota sæpe theatra, & omnem Circi turbam exclamasse barbare scimus. Ergo consuetudinem sermonis, vocabo consensum eruditorum: sicut vivendi, consensum bonorum.

CAP. VII. NUNC quoniam diximus quæ sit loquendi regula, dicendum quæ scribentibus custodienda. Id Græci *ὀρθογραφίαν* vocant, nos recte scribendi scientiam nominemus. Cujus ars non in hoc posita est, ut noverimus quibus quæque syllaba literis constet: (nam id quidem infra grammatici officium est) sed totam, ut mea fert opinio, subtilitatem in dubiis habet: ut longis syllabis omnibus apponere apicem, ineptissimum est, quia plurimæ natura ipsa verbi quod scribitur patent: sed interim necessarium, cum eadem litera alium atque alium intellectum, prout correpta vel producta est, facit; ut *malus* utrum arborem significet, an hominem non bonum, apice distinguitur. *Palus* aliud priore syllaba longa, aliud sequenti significat: & cum eadem litera nominativo casu brevis, ablativo longa est, utrum sequamur, plerunque hac nota monendi sumus: Similiter putaverunt illa quoque servanda discrimina, ut ex præpositionem, si verbum sequeretur *pecto*, adjecta secundæ syllabæ / litera: si *pecto*, remota scriberemus. Illa

Illa quoque servata est a multis differentia, ut *ad*, CAP. VII. cum esset præpositio, *d* literam: cum autem conjunctio, *t* acciperet. Item *cum*, si tempus significaret, per *q*, *u*, *o*: si comitem per *c*: si vero causam, per *q*, ac duas *n* sequentes scriberetur. Frigidiora his alia, ut *quicquid c* quartam haberet, ne interrogare bis videremur. Et *quotidie*, non *cotidie*, ut sit, quot diebus. Verum hæc jam inter ipsas ineptias evanuerunt. Quæri solet in scribendo præpositiones, sonum quem junctæ efficiunt, an quem separatæ, observare conveniat; ut cum dico, *optinuit*. secundam enim *b* literam ratio poscit, aures magis audiunt *p*. Et *immunis*, illud *n*, quod veritas exigit, sequentis syllabæ sono victum, *m* gemina commutatur. Est & in dividendis verbis observatio, mediam literam consonantem priori an sequenti syllabæ adjungas. *Aruspex* enim, quia pars ejus posterior a *spectando* est, *s* literam tertiæ dabit: *abstemius*, quia ex abstinentia temeti composita vox est, primæ relinquetur. Nam *K* quidem in nullis verbis utendum puto, nisi quæ significat, etiam ut sola ponatur. Hoc eo non omisi, quod quidam eam quoties *a* sequatur necessariam credunt: cum sit *c* litera, quæ ad omnes vocales vim suam perferat. Verum Orthographia quoque consuetudini servit, ideoque sæpe mutata est. Nam illa vetustissima transeo tempora, quibus & pauciores literæ, nec similes his nostris earum formæ fuerunt, & vis quoque diversa: sicut apud Græcos *o* literæ, quæ interim longa ac brevis, ut apud nos: interim pro syllaba quam nomine suo exprimit, posita est: ut Latinis veteribus *d* plurimis in verbis ultimam adjectam: quod

CAP. VII. manifestum est etiam ex columna rostrata quæ est C. Duellio in foro posita. Interim *g* quoque, ut in pulvinari Solis qui colitur juxta ædem Quirini, *vesperug*, quod *vesperi aruginem* accipimus. De mutatione etiam literarum, de qua supra dixi, nihil repetere hic necesse est. Fortasse enim sicut scribebant, etiam loquebantur. Semivocales non geminare, diu fuit usitatissimi moris: atque e contrario usque ad Accium & ultra, porrectas syllabas geminis, ut dixi, vocalibus scripserunt. Diutius duravit ut *e*, *i*, jungendis, eadem ratione qua Græci *α*, uterentur, ea casibus numerisque discreta sunt, ut Lucilius præcipit, *Jam pueri venere: e postremum facito, atque i, Ut puerei plures fiant.*--- ac deinceps idem. *Mendaci furique addes e, cum dare furei Jusseris.*----- Quod quidem cum supervacuum est, quia *i* tam longæ quam brevis naturam habet, tum incommodum aliquando. Nam in iis quæ proximam ab ultima literam *e* habebunt, & *i* longa terminabuntur, illam rationem sequentes utemur *e* gemina, qualia sunt hæc, *aureei, argentei, & similia*. Idque iis præcipue qui ad lectionem instituentur, etiam impedimento erit: sicut in Græcis accidit adjectione *ι* literæ: quam non solum dativis casibus in parte ultima adscribunt, sed quibusdam etiam interponunt, ut in *ληϊσῆι*, quia etymologia ex divisione in trisyllabas facta, desideret eam literam. *αι* syllabam, cujus secundam nunc *e* literam ponimus, varie per *α* & *i* efferebant; quidam semper, ut Græci; quidam singulariter tantum, cum in dativum vel genitivum casum incidissent: unde *πίκται vestis, & αὐλαί*, Virgilius amantissimus vetustatis, carminibus inseruit. idem

dem in plurali numero *e* utebantur, in his, *Sylla*, CAP. VII.
Galba. Est in hac quoque parte Lucilii præceptum :
 quod quia pluribus explicatur versibus, si quis pa-
 rum credat, apud ipsum in nono requirat. Quid
 quod Ciceronis temporibus, paulumque infra, fere
 quoties *ſ* litera media vocalium longarum, vel sub-
 jecta longis esset, geminabatur? ut *caussa*, *causus*, *di-*
visions: quo modo & ipsum, & Virgilium quoque
 scripsisse, manus eorum docent. Atqui paulum su-
 periores, etiam illud quod nos gemina *ſ* dicimus
jussi, una dixerunt. Etiam *optimus*, *maximus*, ut
 mediam *i* literam, quæ veteribus *u* fuerat, accipe-
 rent, C. primum Cæsaris inscriptione traditur fa-
 ctum. *Here*, nunc *e* litera terminamus: at veterum
 Comitorum adhuc libris invenio, *Heri ad me venit*.
 Quod idem in epistolis Augusti, quas sua manu scrip-
 sit, aut emendavit,prehenditur. Quid? non
 Cato Censorius, *dicam & faciam*, *dicem & faciem*
 scripsit? eundemque in cæteris, quæ similiter ca-
 dunt, modum tenuit? quod & ex veteribus ejus li-
 bris manifestum est, & a Messala in libro de *s* li-
 tera positum. *Sibe & quase*, scriptum in multorum
 libris est: sed an hoc voluerint auctores, nescio: T.
 Livium ita his usum, ex Pediano comperi, qui &
 ipse eum sequebatur. hæc nos *i* litera finimus. Quid
 dicam *vortices*, & *vorsus*, cæteraque ad eundem mo-
 dum, quæ primo Scipio Africanus in *e* literam se-
 cundam vertisse dicitur? Nostri præceptores *cervum*,
ſervumque, *v* & *o* literis scripserunt, quia subjecta
sibi vocalis, in unum sonum coalescere, & confun-
 di nequiret: nunc *u* gemina scribuntur, ea ratione
 quam reddidi: neutro sane modo vox quam senti-
 mus,

CAP. VII. mus, efficitur. Nec inutiliter Claudius Æolicam illam ad hos usus *F* literam adjecerat. Illud nunc melius, quod *cui*, tribus quas proposui literis enotamus: in quo pueris nobis, ad pinguem fane sonum, *qu* & *oi* utebantur, tantum ut ab illo *qui*, distingueretur. Quid, quæ scribuntur aliter quam enunciantur? Nam & Gajus C. litera significatur, quæ inversa mulierem declarat: quia tam *Gajas* esse vocitatas, quam *Gajos*, etiam ex nuptialibus sacris apparet. Nec *Cneus* eam literam in præfominis nota accipit, quæ sonat: & *columa*, exemta *n* litera, & *Consules*, geminata eadem litera *s*, legimus: & *Saburra* quum tribus literis notatur, *c* tertiam ostendit. Multa sunt generis hujus: sed hæc quoque vereor ne modum tam parvæ quæstionis excellerint. Judicium autem suum Grammaticus interponat his omnibus. Nam hoc valere plurimum debet. Ego (nisi quod consuetudo obtinuerit) sic scribendum quidque judico, quomodo sonat. Hic enim est usus literarum, ut custodiant voces, & velut depositum reddant legentibus. itaque id exprimere debent, quod dicturi sumus. Hæ fere sunt emendate loquendi scribendique partes: duas reliquas, significanter ornatèque dicendi, non equidem grammaticis aufero: sed cum officia rhetoris supersint, majori operi reservo. Sedet autem illa cogitatio, quosdam fore, qui hæc quæ diximus, parva nimirum, & impedimenta quoque majus aliquid agentibus putent. Nec ipse ad extremam usque anxietatem, & ineptas cavillationes descendendum, atque his ingenia concidi & comminui credo: Sed nihil ex grammatica nocuerit, nisi quod supervacuum est. An ideo

minor

minor M. Tullius orator, quod idem artis hujus di- CAP. VII.
 ligentissimus fuit, & in filio (ut epistolis apparet)
 recte loquendi usquequaque asper quoque exactor?
 Aut vim C. Cæsaris fregerunt editi de analogia li-
 bri? Aut ideo minus Messala nitidus, quia quosdam
 totos libellos non de verbis modo singulis, sed et-
 iam literis dedit? Non obstant hæ disciplinæ per
 illas euntibus, sed circa illas hærentibus.

SUPEREST lectio: in qua puer ut sciat ubi CAP. VIII.
 suspendere spiritum debeat, quo loco versum distin-
 guere, ubi claudatur sensus, unde incipiat, quando
 attollenda vel submittenda sit vox; quid quoque
 flexu, quid lentius, celerius; concitatus, lenius
 dicendum, demonstrari nisi in opere ipso non pot-
 est. Unum est igitur quod in hac præcipiam, ut
 omnia ista facere possit; intelligat. Sit autem in-
 primis lectio virilis, & cum suavitate quadam gra-
 vis: & non quidem profæ similis, quia carmen est,
 & se poetæ canere testantur: non tamen in canti-
 cum dissoluta, nec plasmate (ut nunc a plerisque
 fit) effœminata. de quo genere optime C. Cæsa-
 rem prætextatum adhuc accepimus dixisse: *Si can-
 tas, male cantas: si legis, cantas.* Nec prosopopœias, ut
 quibusdam placet, ad comicum morem pronuciari
 velim; esse tamen flexum quendam, quo distin-
 guantur ab ijs in quibus poeta persona sua utetur.
 Cætera admonitione magna egent: inprimis, ut te-
 nera mentes, tracturæque altius quicquid rudibus &
 omnium ignaris infederit, non modo quæ diserta,
 sed vel magis quæ honesta sunt, discant. Ideoque
 H opti-

CAP. VIII. optime institutum est, ut ab Homero atque Virgilio lectio inciperet: quanquam ad intelligendas eorum virtutes, firmiore iudicio opus est. sed huic rei superest tempus: neque enim semel legentur. Interim & sublimitate heroici carminis animus adsurgat: & ex magnitudine rerum spiritum ducat, & optimis imbuatur. Utiles tragœdi. Alunt & lyri: si tamen in his non auctores modo, sed etiam partes operis elegeris. Nam & Græci licenter multa, & Horatium in quibusdam nolim interpretari. Elegia vero, utique quæ amat, & hendecasyllaba, quæ sunt commata sotadeorum (nam de sotadeis ne præcipiendum quidem est) amoveantur, si fieri potest: si minus, certe ad firmitus ætatis robur referentur. Comœdiæ, quæ plurimum conferre ad eloquentiam potest, cum per omnes & personas & affectus eat, quem usum in pueris putem, paulo post suo loco dicam. Nam cum mores in tuto fuerint, inter præcipua legenda erit. de Menandro loquor: nec tamen excluderim alios. Nam Latini quoque auctores adferent utilitatis aliquid. Sed pueris, quæ maxime ingenium alant, atque animum augeant, prælegenda: cæteris, quæ ad eruditionem modo pertinent, longa ætas spatium dabit. Multum autem veteres etiam Latini conferunt, quanquam plerique plus ingenio quam arte valuerunt: inprimis copiam verborum: quorum in tragœdiis gravitas, in comœdijs elegantia, & quidam velut ἀντιστοιχισμός inveniri potest. Oeconomia quoque in his diligentior, quam in plerisque novorum erit, qui omnium operum solam virtutem sententias putaverunt. Sanctitas certe, & ut sic dicam, virilitas ab his

his petenda, cum nos in omnia deliciarum vitia, **CAP. VIII.**
dicendi quoque ratione defluxerimus. Denique credamus summis oratoribus, qui veterum poemata vel ad fidem causarum, vel ad ornamentum eloquentiæ adsumunt. Nam præcipue quidem apud Ciceronem, frequenter tamen apud Asinium etiam, & cæteros qui sunt proximi, vidimus Ennii, Accii, Pacuvii, Lucilii, Terentii, Cæcilii, & aliorum inferi versus, summa non eruditionis modo gratia, sed etiam jucunditatis: cum poeticis voluptatibus aures a forensi asperitate respirent. quibus accedit non mediocris utilitas, cum sententiis eorum, velut quibusdam testimoniis, quæ proposuere confirment. Verum priora illa ad pueros magis, hæc sequentia ad robustiores pertinebunt. Cum grammatices amor, & usus lectionis, non scholarum temporibus, sed vitæ spatio terminentur; in prælegendo grammaticus & illa quidem minora præstare debebit, ut partes orationis reddi sibi soluto versu desideret, & pedum proprietates: quæ adeo debent esse notæ in carminibus, ut etiam in oratoria compositione desiderentur: deprehendat quæ barbara, quæ impropria, quæ contra legem loquendi sunt posita: non ut ex his utique improbentur poetæ: quibus quia plerumque metro servire coguntur, adeo ignoscitur, ut vitia ipsa aliis in carmine appellationibus nominentur. metaplasmos enim, & schematismos, & schemata, ut dixi, vocamus, & laudem virtutis necessitati damus: sed ut commoneat artificialium, & memoriam agitet. Id quoque inter prima rudimenta non inutile, demonstrare quot quæque verba modis intelligenda sint. Circa glossemata etiam, id est vo-

CAP. VIII. ces minus usitatas, non ultima ejus professionis diligentia est. Enimvero jam majore cura doceat tropos omnes, quibus præcipue non poema modo, sed etiam oratio ornatur: schemata, id est figuras, quæque λέξεις, quæque διανοίαι vocantur: quorum ego, sicut troporum, tractatum in eum locum differo, quo mihi de ornatu orationis dicendum erit. Præcipue vero illa infigat animis, quæ in œconomia virtus, quæ in decoro rerum: quid personæ cuique convenerit: quid in sensibus laudandum, quid in verbis: ubi copia probabilis, ubi modus. His accedat enarratio historiarum, diligens quidem illa, non tamen usque ad supervacuum laborem occupata. Nam receptas, aut certe clavis auctoribus memoratas exposuisse satis est. Persequi quidem quod quisque unquam vel contemptissimorum hominum dixerit, aut nimiae miseriæ, aut inanis jactantiæ est: & detinet atque obruit ingenia, melius aliis vacatura. Nam qui omnes etiam indignas lectione schedas excutit, anilibus quoque fabulis accommodare operam potest. Atque pleni sunt ejusmodi impedimentis grammaticorum commentarii, vix ipsis qui composuerunt satis noti. Nam Didymo quoque, quo nemo plura scripsit, accidisse compertum est, ut cum historiæ cuidam tanquam vanæ repugnaret, ipsius proferretur liber, qui eam continebat. Quod evenit præcipue in fabulosis usque ad deridicula, quædam etiam pudenda: unde improbissimo cuique pleraque fingendi licentia est, adeo ut de libris totis, & auctoribus, ut succurrit, mentiatur tuto, quia inveniri, qui nunquam fuere, non possunt. Nam in notioribus frequentissime deprehenduntur a curiosis.

olis. Ex quo mihi inter virtutes grammatici habetur, aliqua nescire. CAP. VIII.

ET finitæ quidem sunt partes duæ, quas hæc CAP. IX.
 professio pollicetur, id est ratio loquendi, & enar-
 ratio auctorum: quarum illam methodicen, hanc
 historicen vocant. Adjiciamus tamen eorum curæ
 quædam dicendi primordia, quibus ætates nondum
 rhetorem capientes instituant. Igitur *Æsopi* fabel-
 las, quæ fabulis nutricularum proxime succedunt,
 narrare sermone puro, & nihil se supra modum
 extollente; deinde eandem gracilitatem stylo exi-
 gere condiscant: Versus primo solvere, mox
 mutatis verbis interpretari: tum paraphrasi au-
 dacius vertere, qua & brevare quædam, & exor-
 nare, salvo modo poetæ sensu, permittitur. Quod
 opus, etiam consummatis professoribus difficile, qui
 commode tractaverit, cuicumque discendo sufficiet.
 Sententiæ quoque & chriæ & ethologiæ subjectis di-
 ctorum rationibus apud grammaticos scribantur, quia
 initium ex lectione ducunt. Quorum omnium simi-
 lis est ratio, forma diversa: quia sententia universa-
 lis est vox, ethologia personis continetur. Chria-
 rum plura genera traduntur. Unum simile senten-
 tiæ, quod est positum in voce simplici, *Dixit ille:*
 aut, *Dicere solebat*. Alterum, quod est in respon-
 dendo: *Interrogatus ille*, vel *Cum hoc ei dictum esset,*
respondit. Tertium huic non dissimile, cum quis
 non dixisset, sed aliquid fecisset. Etiam in ipsis fa-
 ctis esse chriam putant: ut, *Crates cum indoctum*
puerum vidisset, pedagogum ejus percussit. Et aliud
H 3
pene

CAP. IX. pene par ei, quod tamen eodem nomine appellare non audent, sed dicunt *χρηῶδες*, ut, *Milo quem vitulum assueverat ferre, taurum ferebat*. In his omnibus & declinatio per eosdem ducitur casus, & tam factorum quam dictorum ratio est. Narratiunculas a poetis celebratas, notitiæ causâ non eloquentiæ tractandas puto. Cætera majoris operis ac spiritus, Latini rhetores relinquendo, necessaria grammaticis fecerunt: Græci magis operum suorum & onera & modum norunt.

CAP. X. HÆC de Grammaticæ quam brevissime potui: non ut omnia dicerem sectatus, (quod infinitum erat) sed ut maxime necessaria. Nunc de cæteris artibus, quibus instituendos prius quam tradantur rhetori, pueros existimo, strictim subjungam; ut efficiatur orbis ille doctrinæ, quem Græci *ἐγκυκλιον παιδείαν* vocant. Nam iisdem fere annis aliarum quoque disciplinarum studia ingredienda sunt: quæ quia & ipsæ artes sunt, & esse perfecta sine his orandi scientiâ non potest, nec rursus ad efficiendum oratorem satis valent solæ; an sint huic operi necessariæ, quæritur. Nam quid, inquiunt, ad agendam causam, dicendamve sententiam pertinet, scire quemadmodum data linea constitui triangula æquis lateribus possint? Aut quo melius vel defendet reum, vel reget consilia, qui citharæ sonos nominibus & spatijs distinxerit? Enumerent etiam fortasse multos, quamlibet utiles foro, qui nec geometrem audiverint, nec musicos nisi hac communi voluptate aurium intelligant. Quibus ego primum hoc respondeo, quod & Cicero scripto ad Brutum libro frequen-

quentius testatur, non eum a nobis institui oratorem, qui sit, aut fuerit: sed imaginem quandam concepisse nos animo perfecti illius, ex nulla parte cessantis. Nam & sapientem formantes eum, qui sit futurus consummatus undique, & (ut dicunt) mortalis quidam deus, non modo cognitione cœlestium vel mortalium putant instruendum; sed per quædam parva (sane sint, si ipsa demum æstimes) ducunt, exquisitas interim ambiguitates: non quia Ceratinæ aut Crocodilinæ possint facere sapientem, sed quia illum ne in minimis quidem oporteat falli. Similiter oratorem, qui debet esse sapiens, non geometres faciet aut Musicus, quæque his alia subjungam: sed hæ quoque artes, ut sit consummatus, juvabunt. Nisi forte antidotum quidem, atque alia quæ morbis aut vulneribus medentur, ex multis atque interim contrarijs quoque inter se effectibus componi videmus, quorum ex diversis fit illa mixtura una, quæ nulli earum similis est quibus constat, sed proprias vires ex omnibus sumit: & multa animalia mellis illum inimitabilem humana ratione saporem, vario florum ac succorum genere perficiunt: nos mirabimur, si oratio, qua nihil præstantius homini dedit providentia, pluribus artibus eget? quæ etiam cum se non ostendunt in dicendo, nec proferunt, vim tamen occultam suggerunt, & tacite quoque sentiuntur. Fuit aliquis sine his desertus: ast ego oratorem volo. Non multum adjiciunt: sed utique non erit totum, cui vel parva decerunt: & optimum quidem iter esse conveniet: cuius etiam si in arduo spes est; nos tamen præcipimus omnia, ut saltem plura fiant. Sed cur desiciat

CAP. X. *ciat animus? Natura enim perfectum oratorem esse non prohibet: turpiterque desperatur, quicquid fieri potest. Atque ego vel iudicio veterum poteram esse contentus. Nam quis ignorat musicen (ut de hac primum loquar) tantum jam illis antiquis temporibus non studij modo, verumetiam venerationis habuisse, ut iidem musici, & vates & sapientes iudicarentur? mittam alios; Orpheus & Linus; quorum utrumque diis genitum, alterum vero, quod rudes quoque atque agrestes animos admiratione mulceret, non feras modo, sed saxa etiam sylvasque duxisse, posteritatis memoriae traditum est. Et Timagenes auctor est, omnium in literis studiorum antiquissimam musicen existisse: & testimonio sunt clarissimi poetae, apud quos inter regalia convivia laudes heroum ac deorum ad citharam canebantur. Jopas vero ille Virgilij nonne canit*

---errantem lunam, solisque labores? &c.

Quibus certe palam confirmat auctor eminentissimus, musicen cum divinarum etiam rerum cognitione esse conjunctam. Quod si datur, erit etiam oratori necessaria. Siquidem (ut diximus) hæc quoque pars quæ ab oratoribus relicta, a philosophis est occupata, nostri operis fuit: ac sine omnium talium scientia non potest esse perfecta eloquentia. Atque claros nomine sapientiæ viros, nemo dubitaverit studiosos musices fuisse, quum Pythagoras atque cum secuti, acceptam sine dubio antiquitus opinionem vulgaverint, mundum ipsum ejus ratione esse compositum; quam postea sit lyra imitata. Nec illa modo contenti dissimilium concordia, quam vocant *apocrius*, sonum quoque his motibus dederunt. Nam
Plato

Plato cum in alijs quibusdam, tum præcipue in Ti- CAP. X.
 mæo, ne intelligi quidem nisi ab ijs, qui hanc quo-
 que partem disciplinæ diligenter perceperint, potest.
 Quid de philosophis loquor, quorum fons ipse So-
 crates jam senex institui lyra non erubescerebat? Du-
 ces maximos & fidibus & tibijs cecinisse traditum,
 & exercitus Lacedæmoniorum musicis accensos mo-
 dis. Quid autem aliud in nostris legionibus cornua
 ac tubæ faciunt? quorum concentus quanto est ve-
 hementior, tantum Romana in bellis gloria cæteris
 præstat. Non igitur frustra Plato civili viro, quem
πολιτικόν vocant, necessariam musicen credidit. Et
 ejus sectæ, quæ alijs severissima, alijs asperrima vi-
 detur, principes in hac fuere sententia, ut existima-
 rent sapientum aliquos nonnullam operam his stu-
 dijs accommodaturos. et Lycurgus durissimarum
 Lacedæmonijs legum auctor, musices disciplinam
 probavit. Atque eam natura ipsa videtur ad tole-
 randos facilius labores velut muneri nobis dedisse.
 Siquidem & remigem cantus hortatur: nec solum in
 ijs operibus, in quibus plurimum conatus præeunte
 aliqua jucunda voce conspirat, sed etiam singulorum
 fatigatio quamlibet se rudi modulatione solatur. Lau-
 dem adhuc dicere artis pulcherrimæ videor, non-
 dum tamen eam oratori conjungere. Transeamus igi-
 tur, quod grammaticæ quondam ac musicæ junctæ
 fuerunt. Siquidem Architas atque Aristoxenus etiam
 subjectam grammaticen musicæ putaverunt, & eor-
 dem utriusque rei præceptores fuisse, cum Sophron
 ostendit mimorum quidem scriptor, sed quem Plato
 adeo probavit, ut suppositos capiti libros ejus, cum
 moreretur, habuisse credatur; tum Eupolis, apud
 quem

CAP. X. quem Prodamus & musicen & literas docet, & Maricas, qui est Hyperbolus, nihil se ex musice scire nisi literas confitetur. Aristophanes quoque non uno libro sic institui pueros antiquitus solitos esse demonstrat: & apud Menandrum in *Hypobolima* senex; reposcenti filium patri velut rationem impendiorum quæ in educationem contulerit, exponens, psaltis se & geometris multa dicit dedisse. Unde etiam ille mos, ut in convivijis post cœnam circumferretur lyra: cujus cum se imperitum Themistocles confessus esset, ut verbis Ciceronis utar, *habitus est indoctior*. Sed veterum quoque Romanorum epulis fides ac tibia adhibere moris fuit. Versus quoque Salliorum habent carmen. Quæ cum omnia sint a Numæ rege instituta, faciunt manifestum, ne illis quidem qui rudes ac bellicosi videntur, curam musices, quantum illa recipiebat ætas, defuisse. Denique in proverbium usque Græcorum celebratum est, *Indoctos a Musis atque Gratiis abesse*. Verum quid ex ea proprie petat futurus orator, disseramus. Numeros musice duplices habet, in vocibus, & in corpore, utriusque enim rei aptus quidam modus consideratur. Vocis rationem Aristoxenus musicus dividit in *ῥυθμὸν*, & *μέλῳ ἁμμετρον* quorum alterum modulatione, alterum canore ac sonis constat. Num igitur non hæc omnia oratori necessaria? quorum unum ad gestum, alterum ad collocationem verborum, tertium ad flexus vocis, qui sunt in agendo quoque plurimi, pertinet. Nisi forte in carminibus tantum & in canticis exigitur structura quædam & inoffensa copulatio vocum, in agendo supervacua est; aut non compositio & sonus in oratione quoque

que varie pro rerum modo adhibetur, sicut in mu- CAP. X.
 sice. Namque & voce & modulatione grandia elate, jucunda dulciter, moderata leniter canit: totaque arte consentit cum eorum quæ dicuntur, affectibus. Atqui in orando quoque intentio vocis, remissio, flexus, pertinet ad movendos audientium affectus: aliaque & collocationis & vocis (ut eodem utar verbo) modulatione concitationem judicium, alia misericordiam petimus: cum etiam organis, quibus sermo exprimi non potest, affici animos in diversum habitum sentiamus: Corporis quoque aptus & decens motus, qui dicitur *εὐρυθμία*, est necessarius, nec aliunde peti potest; in quo pars actionis non minima consistit: qua de re sepositus nobis est locus. Age si habebit in primis curam vocis orator, quid tam musices proprium? Sed ne hæc quidem præsumenda pars est: ut uno interim contenti simus exemplo C. Gracchi præcipui suorum temporum oratoris, cui concionanti consistens post eum musicus, fistula quam *τοράριον* vocant, modos quibus deberet intendi, ministrabat. Hæc etiam cura ei inter turbidissimas actiones, vel terrenti optimates, vel jam timenti fuit. Libet propter quosdam imperitiores, etiam crassiore (ut vocant) musa, dubitationem hujus utilitatis eximere. Nam poetas certe legendos oratori futuro concesserint: num igitur hi sine musice? Ac si quis tam cæcus animi est, ut de alijs dubitet; illos certe, qui carmina ad lyram composuerunt. Hæc diutius forent dicenda, si hoc studium velut novum præciperem. Cum vero antiquitus a Chirone atque Achille usque ad nostra tempora apud omnes, qui modo legitimam disciplinam

I 2

non

CAP. X. non sint përosi , duraverit , non est committendum ut illa dubia faciam, defensionis sollicitudine. Quamvis autem satis jam ex ijs quibus sum modo usus exemplis, credam esse manifestum, quæ mihi , & quatenus musice placeat : apertius tamen profitemdum puto , non hanc a me præcipi , quæ nunc in scenis effœminata , & impudicis modis fracta, non ex parte minima , si quid in nobis virilis roboris manebat, excidit : sed qua laudes fortium canebantur, quaque & ipsi fortes canebant, nec psalteria & spadicas, etiam virginibus probis recusanda : sed cognitionem rationis, quæ ad movendos leniendosque affectus plurimum valet. Nam & Pythagoram accepimus, concitatos ad vim pudicæ domui afferendam juvenes, jussu mutare in spondæum modos tibicina, composuisse : & Chrysippus etiam nutricum illi quæ adhibetur infantibus allecationi, suum quoddam carmen assignat. Est etiam non inerudite ad declamandum ficta materia, in qua ponitur tibicen qui sacrificanti Phrygium cecinerat, acto illo in insaniam & per præcipitia delato, accusari, quod causa mortis exstiterit. quæ si dici debet ab oratore, nec dici citra scientiam musices potest, quomodo non hanc quoque artem necessariam esse operi nostro vel iniqui consentient? In geometria partem fatentur esse utilem teneris ætatibus. agitari namque animos, atque acui ingenia , & celeritatem percipiendi venire inde concedunt : sed prodesse eam non ut ceteras artes, cum perceptæ sint, sed cum discatur, existimant. Ea vulgaris opinio est : nec sine causa summi viri etiam impensam huic scientiæ operam dediderunt. Nam cum sit geometria divisa in numeros
atque

atque formas; numerorum quidem notitia non oratori modo, sed cuicunque in primis saltem literis erudito necessaria est. In causis vero vel frequentissime versari solet: in quibus actor non dico si circa summas trepidat, sed si digitorum saltem incerto aut indecoro gestu a computatione dissentit, judicatur indoctus. Illa vero linearis ratio, & ipsa quidem cadit frequenter in causas: nam de terminis mensurisque sunt lites: sed habet majorem quandam aliam cum arte oratoria cognationem. Jam primum ordo est geometriæ necessarius: nonne & eloquentiæ? Ex prioribus geometria probat insequentia, & certis incerta: nonne id in dicendo facimus? Quid? illa propositarum quæstionum conclusio, non tota fere constat syllogismis? propter quod plures invenias qui dialecticæ similem, quam qui rhetoricæ fateantur hanc artem. Verum & orator, etiamsi raro, non tamen nunquam probabit dialectice. Nam & syllogismo, si res poscet, utetur: & certe enthymemate, qui rhetoricus est syllogismus. Denique probationum quæ sunt potentissimæ, γραμμικὰ ἀποδείξεις vulgo dicuntur. Quid autem magis oratio quam probationem petit? Falsa quoque verisimilia, geometria ratione deprehendit. Fit hoc & in numeris per quasdam, quas ψευδογραφίας vocant: quibus pueri ludere solebamus. Sed alia majora sunt. Nam quis non ita proponenti credat: Quorum locorum extremæ lineæ eandem mensuram colligunt, eorum spatium quoque quod his lineis continetur, par sit necesse est? At id falsum est. Nam plurimum refert cujus sit formæ ille circuitus: reprehensique a geometris sunt historici qui magnitudines insularum

CAP. X. satis significari navigationis ambitu crediderunt. Nam ut quæque forma perfectissima, ita capacissima est. Ideoque illa circumcurrens linea si efficiat orbem, quæ forma est in planis maxime perfecta, amplius spatium complectetur, quam si quadratum paribus oris efficiat. Rursus quadrata triangulis, triangula ipsa plus æquis lateribus quam inæqualibus. Sed alia forsitan obscuriora: nos facillimum etiam imperitis sequamur experimentum. Jugeri mensuram, ducentos & quadraginta longitudinis pedes esse, dimidioque in latitudine patere, non fere quisquam est qui ignoret: & qui sit circuitus, & quantum campi claudat, colligere expeditum. At centeri & octogeni in quamque partem pedes, idem spatium extra terminant, sed multo amplius clusæ quatuor lineis areæ faciunt. Id si computare quem piget, brevioribus idem discat. nam deni in quadratam pedes, quadraginta per oram; intra, centum erunt. At si quinideni per latera, quini in fronte sint; ex illo quod amplectuntur, quartam deducunt eodem circumductu. Si vero porrecti utrinque undeviceni singulis distent, non plures intus quadratos habebunt, quam per quot longitudo ducetur: quæ circumibit autem linea, ejusdem spatii erit cujus ea quæ centum continet. Ita quicquid formæ quadrati detraxeris, amplitudini quoque peribit. Ergo etiam id fieri potest, ut majore circuitu minor loci amplitudo cludatur. Hoc in planis. Nam in collibus vallibusque etiam imperito patet plus soli esse quam cœli. Quid quod se eadem geometria tollit ad rationem usque mundi? in qua cum siderum certos constitutosque cursus numeris docet, discimus nihil esse

inor-

inordinatum atque fortuitum : quod ipsum non-
nunquam pertinere ad oratorem potest. An vero CAP. X.
cum Pericles Athenienses solis obscuracione territos,
redditis ejus rei causis , metu liberavit : aut cum
Sulpitius ille Gallus in exercitu L. Pauli de lunæ de-
fectione differuit , ne velut prodigio divinitus facto
militum animi terrentur ; non videntur esse usi
oratoris officio ? Quod si Nicias in Sicilia scisset ,
non eodem confusus metu pulcherrimum Athenien-
sium exercitum perdidisset : sicut Dion , cum ad de-
struendam Dionysij tyrannidem venit , non est tali
casu deterritus. Sint exempla licet usus bellici , transi-
eamusq; quod Archimedes unus obsidionem Syracusa-
rum in longius traxit : illud utique jam proprium est
ad efficiendum quod intendimus , plurimas quæsti-
ones , quarum difficilior alia ratione explicatio est ,
ut de ratione dividendi , de sectione in infinitum ,
de celeritate augendi , linearibus illis probationibus
solvi solere : ut si est oratori (quod proximus de-
monstrabit liber) de omnibus rebus dicendum , nullo
modo sine geometria esse possit orator.

DANDUM aliquid comædo quoque , dum CAP. XI.
eatenus , qua pronuntiandi scientiam futurus orator
desiderat. Non enim puerum , quem in hoc insti-
tuimus , aut foemineæ vocis exilitate frangi volo , aut
seniliter tremere. Nec vitia ebrietatis effingat , nec
servili vernilitate imbuatur : nec amoris , avaritiæ ,
metus discat affectum : quæ neque oratori sunt ne-
cessaria , & mentem præcipue in ætate prima tene-
ram adhuc & rudem inficiunt. Nam frequens imi-
tatio

CAP. XI. tatio transit in mores. Ne gestus quidem omnis ac motus a comœdis petendus est. Quanquam enim utrumque eorum ad quendam modum præstare debet orator : plurimum tamen aberit a scenico, nec vultu, nec manu, nec excursionibus nimius. Nam si qua in his ars est dicentium, ea prima est, ne ars esse videatur. Quod est igitur in his doctoris officium? Inprimis vitia si qua sunt oris, emendet: ut expressa sint verba, ut suis quæque literæ sonis enuncientur. Quarundam enim vel exilitate vel pinguetudine nimia laboramus: quasdam velut acriores parum efficimus, & alijs non dissimilibus, sed quasi hebetioribus permutamus. Quippe & *ε* literæ, quæ Demosthenes quoque laboravit, *λ* succedit: quarum vis est apud nos quoque: Et cum *c* ac similiter *g* non valuerunt, in *t* ac *d* molliuntur. Ne illas quidem circa *s* literam delicias hic magister feret: nec verba in faucibus patietur audiri, nec oris inanitate resonare: nec, quod minime sermoni puro conveniat, simplicem vocis naturam pleniore quodam sono circumlinire, quod Græci καταπεπλασμένον dicunt. sic appellatur cantus tiliarum, quæ præclufis quibus clarescunt foraminibus, recto modo exitu graviores spiritum reddunt. Curabit etiam ne extremæ syllabæ intercidant, ut par sibi sermo sit: ut quoties exclamandum erit, lateris conatus sit ille, non capitis: ut gestus ad vocem, vultus ad gestum accommodetur. Observandum erit etiam, ut recta sit facies dicentis: ne labra distorqueantur: ne immodicus hiatus rictum distendat: ne supinus vultus, ne dejecti in terram oculi, ne inclinata utrolibet cervix. Nam frons pluribus generibus peccat. Vidi mul-

multos quorum supercilia ad singulos vocis conatus CAP. XI
allevarentur, aliorum constricta: aliorum etiam dis-
fidentia, cum altero in verticem tenderent, altero
pene oculus ipse premeretur. Infinitum autem, ut
mox dicemus, in his quoque rebus momentum est.
Et nihil potest placere, quod non decet. Debet
etiam docere comœdus quomodo narrandum, qua
sit auctoritate suadendum: qua concitatione confur-
gat ira, qui flexus deceat miserationem. Quod ita
optime faciet, si certos ex comœdiis elegerit locos,
& ad hoc maxime idoneos, id est actionibus simi-
les. Iidem autem non ad pronunciandum modo
utilissimi, verum ad augendam quoque eloquentiam
maxime accommodati erunt. Et hæc, dum infirma
ætas majora non capiet. Cæterum cum legere ora-
tiones oportebit, cum virtutes earum jam sentiet,
tum mihi diligens aliquis ac peritus assistat: neque
solum lectione formet, verumetiam ediscere electa
ex his cogat, & ea dicere stantem clare, & quem-
admodum agere oportebit: ut protinus pronun-
tiatione vocem & memoriam exerceat. Ne illos qui-
dem reprehendendos putem, qui paulum etiam pa-
læstricis vacaverint. Non de his loquor, quibus pars
vitæ in oleo, pars in vino consumitur, qui cor-
porum cura mentem obruerunt: (hos enim abesse
ab eo quem instituimus, quam longissime velim) sed
nomen est idem ijs a quibus gestus motusque for-
matur. ut recta sint brachia, ne indoctæ rusticæ ve-
manus, ne status indecorus, ne qua in proferendis
pedibus inscitia, ne caput oculique ab alia corporis
inclinatione dissideant. Nam neque hoc esse in par-
te pronuntiationis negaverit quisquam, nec ipsam
K pro-

CAP. XI. pronuntiationem ab oratore secernet. Et certe quod facere oporteat, non indignandum est discere, cum præsertim hæc chironomia, quæ est (ut nomine ipso declaratur) lex gestus, & ab illis temporibus heroicis orta sit, & a summis Græciæ viris, & ab ipso etiam Socrate probata, a Platone quoque in parte civilium posita virtutum, & a Chrysippo in præceptis de liberorum educatione compositis non omissa. Nam Lacedæmonios quidem etiam saltationem quandam, tanquam ad bella quoque utilem, habuisse inter exercitationes accepimus. Neque id veteribus Romanis dedecori fuit: argumentum est, sacerdotum nomine ac religione durans ad hoc tempus saltatio: & illa in tertio Ciceronis de oratore libro verba Crassi, quibus præcepit ut orator utatur laterum inclinatione forti ac virili, non a scena & histrionibus, sed ab armis, aut etiam a palæstra: cuius etiam disciplinæ usus in nostram usque ætatem sine reprehensione descendit. A me tamen nec ultra pueriles annos retinebitur, nec in his ipsis diu. Neque enim gestum oratoris componi ad similitudinem saltationis volo, sed subesse aliquid ex hac exercitatione puerili, unde nos non id agentes fortim decor ille discantibus traditus prosequatur.

CAP. XII. QUÆRI solet, an etiam si discenda sint hæc, eodem tempore tradi omnia & percipi possint. Negant enim quidam; quia confundatur animus ac fatigetur tot disciplinis in diversum tendentibus, ad quas nec mens, nec corpus, nec dies ipse sufficiat: & si maxime patiatur hoc ætas robustior, tamen pueriles annos onerari non oporteat. Sed non satis perspiciunt

spiciunt quantum natura humani ingenij valeat : quæ CAP. XII.

ita est agilis & velox, sic in omnem partem, ut ita dixerim, spectat, ut ne possit quidem aliquid agere tantum unum: in plura vero, non eodem die modo, sed eodem temporis momento vim suam impendat. An vero citharœdi non simul & memoria, & sono vocis, & pluribus flexibus serviunt, cum interim alios nervos dextra percurrunt, alios læva trahunt, continent, præbent; ne pes quidem otiosus, certam legem temporum servat, & hæc pariter omnia? Quid? nos agendi subita necessitate deprehenſi, nonne alia dicimus, alia providemus, cum pariter inventio rerum, electio verborum, compositio gestus, pronuntiatio, vultus, motusque desiderentur? Quæ si velut sub uno conatu tam diversa parent simul, cur non pluribus curis horas partiamur, cum præsertim reficiat animos ac reparet varietas ipsa, contraque sit aliquanto difficilius in labore uno perseverare? ideoque & stylus lectione requiescit, & ipsius lectionis tædium vicibus levatur. Quamlibet multa egerimus, quodam tamen modo recentes sumus ad id quod incipimus. Quis non obtundi possit, si per totum diem cujuscunque artis unum magistrum ferat? Mutatione recreabitur: sicut in cibus, quorum diversitate reficitur stomachus, & pluribus minore fastidio alitur. Aut dicant isti mihi, quæ sit alia ratio discendi? Si grammatico soli deserviamus, deinde geometræ tantum? omitamus interim quod didicimus, mox transeamus ad musicum, excidant priora? & quum Latinis studemus literis, non respiciamus ad Græcas? & ut semel finiam, nihil faciamus nisi novissimum? Cur

K 2

non

CAP. XII. non idem suademus agricolis, ne arva simul & vinea, & oleas, & arbutum colant? ne pratis & pecoribus, & hortis, & alvearibus accommodent curam? Cur ipsi aliquid forensibus negotijs, aliquid desiderijs amicorum, aliquid rationibus domesticis, aliquid curæ corporis, nonnihil voluptatibus quotidie damus? quarum nos una res quælibet nihil intermittentes fatigaret. Adeo facilius est multa facere, quam diu. Illud quidem minime verendum est, ne laborem studiorum pueri difficilius tolerant, neque enim ulla ætas minus fatigatur. Mirum sit forsitan, sed experimentis deprehendas. Nam & dociliora sunt ingenia priusquam obdurerunt. Id vel hoc argumento patet, quod intra biennium quam verba recte formare potuerunt, quamvis nullo instante, omnia fere loquuntur: at novitijs nostris, per quot annos sermo Latinus repugnat? Magis scias, si quem jam robustum instituere literis cœpe is, non sine causâ dici *παιδομαλῆς* eos, qui in sua quidque arte optime faciant. Et patientior est laetioris natura pueris quam juvenibus. Videlicet ut corpora infantium nec casus quo in terram toties deferuntur, tam graviter affligit: nec illa per manus & genua reptatio, nec post breve tempus continui lusus, & totius diei discursus; quia pondus illis abest, nec se ipsi gravant: sic animi quoque credo, quia minore conatu moventur, nec suo nisu studijs insistant, sed formandos se tantummodo præstant, non similiter fatigantur. Præterea secundum aliam ætatis illius facilitatem, velut simplicius docentes sequuntur; nec quæ jam egerint, metiuntur. Abest illis etiam adhuc laboris iudicium. Porro,

ro, ut frequenter experti sumus, minus afficit sensus fatigatio, quam cogitatio. Sed ne temporis quidem unquam plus erit: quia his ætatibus omnis in audiendo profectus est. Cum ad stylum secedet, cum generabit ipse aliquid atque componet, tum inchoare hæc studia vel non vacabit, vel non libebit. Ergo cum grammaticus totum diem occupare non possit, nec debeat, ne discantis animum tædio avertat; quibus potius studijs hæc temporum velut subsiciva donabimus? Nam nec ego comminui studentem in his artibus volo: nec ut moduletur, aut musicis notis cantica excipiat; nec utique ad minutissima geometriæ opera descendat. Non comœdum in pronuntiando, nec saltatorem in gestu facio: quæ si omnia exigere, suppeditabat tamen tempus. Longa est enim quæ discit ætas, & ego non de tardis ingenijs loquor. Denique cur in his omnibus, quæ discenda oratori futuro puto, emineat Plato? qui non contentus disciplinis quas præstare poterant Athenæ, non Pythagoreorum, ad quos in Italiam navigaverat; Ægypti quoque sacerdotes adiit, atque eorum arcana perdidicit. Difficultatis patrocinia præteximus segnitia. Neque enim nobis operis amor est: nec quia sit honesta, atque pulcherrima rerum eloquentia, petitur ipsa, sed ad vilem usum & sordidum lucrum accingimur. Dicant sine his in foro multi, & acquirant; dum sit locupletior aliquis sordidæ mereis negotiator, & plus voci suæ debeat præco. Ne velim quidem lectorem dari mihi, quid studia referant computaturum. Qui vero imaginem ipsam eloquentiæ divina quadam mente conceperit, quique illam (ut ait non

CAP. XII.

CAP. XII. ignobilis tragicus) reginam rerum orationem ponet ante oculos, fructumque non ex stipe advocatum, sed ex animo suo, & contemplatione ac scientia petet, perpetuum illum, nec fortunæ subiectum; facile persuadebit sibi, ut tempora quæ spectaculis, campo, tesseris, ociosis denique sermonibus, ne dicam somno, & conviviorum mora conterunt, geometriæ potius ac musicalis impendat, quanto plus delectationis habiturus, quam ex illis ineruditæ voluptatibus? Dedit enim hoc providentia hominibus munus, ut honesta magis juvarent. Sed nos hæc ipsa dulcedo longius duxit. Hactenus ergo de studijs, quibus antequam majora capiat, puer instituendus est: proximus liber velut novum sumet exordium, & ad rhetoris officia transibit.

M. FA-

Institutione Oratoria

LIBER II.

TENUIT consuetudo, quæ quotidie ma- CAP. I.
gis invalescit, ut præceptoribus elo-
quentiæ, Latinis quidem semper, sed
etiam Græcis interim, discipuli serius
quam ratio postulat, traderentur. Ejus
rei duplex est causa: quod & rhetor-
es atque nostri suas partes omiserunt, & grammatici
alienas occupaverunt. Nam & illi declamare
modo, & scientiam declamandi ac facultatem tra-
dere, officij sui ducunt, idque intra deliberativas
judicialesque materias: nam cætera ut professione
sua minora despiciunt: & hi non satis credunt ex-
cepisse quæ relicta erant (quo nomine gratia quoque
his est habenda) sed ad prosopopœias usque, ac sua-
sorias, in quibus onus dicendi vel maximum est,
irruunt. Hinc ergo accidit, ut quæ alterius ar-
tis prima erant opera, facta sint alterius novissima:
& ætas altioribus jam disciplinis debita, in scola
minore subsidat, ac rhetoricen apud grammaticos
cunctat: Itaque, quod est maxime ridiculum, non
ante ad declamandi magistrum mittendus videtur
puer, quam declamare sciat. Nos suum cuique pro-
fessi-

CAP. I. fessione modum demus. Et grammaticæ (quam in Latinum transferentes, literaturam vocaverunt) fines suos norit, præsertim tantum ab hac appellationis suæ paupertate, intra quam primi illi consistere, provecta. Nam tenuis a fonte, adsumptis potetarum historicorumque viribus, pleno jam satis alveo fluit: cum præter rationem recte loquendi, non parum alioqui copiosam, prope omnium maximarum artium scientiam amplexa sit. Et rhetorice, cui nomen virtus eloquendi dedit, officia sua non detrectet, nec occupari gaudeat pertinentem ad se laborem: quæ dum opere cedit, jam pene possessione depulsa est. Nec inficiabatur, ex ijs aliquem qui grammaticen profitentur, eousque scientia progredi posse, ut ad hæc quoque tradenda sufficiat: sed cum id ager, rhetoris officio fungetur, non suo. Nos porro quærimus, quando ijs quæ rhetorice præcipit, percipiendis puer maturus esse videatur. In quo quidem non id est æstimandum, cujus quisque sit ætatis, sed quantum in studijs jam effecerit. Et ne diutius differam quando sit rhetori tradendus, sic optime finiri credo, cum poterit. Sed hoc ipsum ex superiore pendet quæstione. Nam si grammatices munus usque ad suasorias prorogatur, tardius rhetore opus est. Si rhetor prima operis sui officia non recuset, a narrationibus statim, & laudandi vituperandique opusculis cura ejus desideratur. An ignoramus antiquis hoc fuisse ad augendam eloquentiam genus exercitationis, ut theses dicerent, & communes locos, & cætera citra complexum rerum personarumque, quibus veræ fictæque controversiæ continentur? Ex quo palam est quam turpi-

ter

ter deferat eam partem rhetorices institutio, quam CAP. I.
 & primam habuit, & diu solam. Quid autem est ex
 ijs de quibus supra dixi, quod non cum in alia
 quæ sunt rhetorum propria, tum certe in illud ju-
 dicialia causæ, genus incidat? An non in foro nar-
 randum est? qua in parte nescio an sit vel pluri-
 mum. Nonne laus ac vituperatio certaminibus illis
 frequenter inferitur? Non communes loci? siue qui
 sunt in vitia directi, quales legimus a Cicerone
 compositos: seu quibus quæstiones generaliter tra-
 ctantur, quales sunt editi a Quinto quoque Hor-
 tensio: ut, sitne parvis argumentis credendum, &
 pro testibus, & in testes, in medijs litium me-
 dullis versantur. Arma sunt hæc quodammodo
 præparanda semper, ut his, cum res poscet, uta-
 ris. Quæ qui pertinere ad orationem non putabit,
 is ne statuat quidem inchoari credet, cum ejus
 membra fundentur. Neque hanc (ut aliqui puta-
 bunt) festinationem meam sic quisquam calumnietur,
 tanquam eum qui sit rhetori tradendus, abdu-
 cendum protinus a Grammaticis putem. Dabuntur
 illis tum quoque tempora sua: neque erit verend-
 um, ne binis præceptoribus oneretur puer. Non
 enim crescet, sed dividetur qui sub uno miscebatur
 labor: & erit sui quisque operis magister utilior:
 quod adhuc obtinent Græci: a Latinis omissum est:
 & fieri videtur excusate, quia sunt qui labori isti
 successerunt.

ERGO cum ad eas in studijs vires pervenit CAP. II.
 puer, ut quæ prima esse præcepta rhetorum di-
 ximus, mente consequi possit, tradendus ejus artis

L

ma-

CAP. II. magistris erit. Quorum imprimis inspicere mores oportebit. Quod ego non idcirco potissimum in hac arte tractare sum aggressus, quia non in cæteris quoque doctoribus idem hoc examinandum quam diligentissime putem, sicut testatus sum libro priorē: sed quod magis necessariam ejus rei mentionem facit ætas ipsa discipulorum. Nam & adulti fere pueri ad hos præceptores transferuntur, & apud eos juvenes etiam facti perseverant: ideoque major adhibenda tum cura est: ut & teneriores annos ab injuria sanctitas docentis custodiat, & ferociore a licentia gravitas deterreat. Neque vero satis est summam præstare abstinētiā, nisi disciplinæ severitate convenientium quoque ad se mores adstrinxerit. Summat igitur ante omnia parentis erga discipulos suos animum, ac succedere se in eorum locum a quibus sibi liberè traduntur, existimet. Ipse nec habeat vitia, nec ferat. Non austeritas ejus tristis, non dissoluta sit comitas: ne inde odium, hinc contemptus oriatur. Plurimus ei de honesto ac bono sit sermo. Nam quo sæpius monuerit, hoc rarius castigabit. Minime iracundus; nec tamen eorum quæ emendanda erunt, dissimulator: simplex in docendo, patiens laboris, assiduus potius quam immodicus. Interrogantibus libenter respondeat, non interrogantes percontetur ultro. In laudandis discipulorum dictionibus nec malignus, nec effusus: quia res altera tedium laboris, altera securitatem parit. In emendando quæ corrigenda erunt, non acerbus, minimeque contumeliosus. nam id quidem multos a proposito studendi fugat, quod quidam sic objurgant, quasi oderint. Ipse aliquid, imo multa quotidie dicat, quæ se-

secum auditores referant. Licet enim satis exemplorum ad imitandum ex lectione suppeditet, tamen viva illa, ut dicitur, vox alit plenius, præcipueque ejus præceptoris, quem discipuli, si modo recte sunt instituti, & amant, & verentur. Vix autem dici potest, quanto libentius imitemur eos quibus favemus. Minime vero permittenda pueris, ut sit apud plerosque, assurgendi exultandique in laudando licentia: quinetiam juvenum modicum esse, cum audient, testimonium debet. Ita fiet, ut ex judicio præceptoris discipulus pendeat, atque id se dixisse recte, quod ab eo probabitur, credat. Illa vero vitiosissima, quæ jam humanitas vocatur, invicem qualiacunque laudandi, cum est indecora & theatralis, & severe institutis scholis aliena, tum studiorum perniciosissima hostis. Supervacua enim videntur cura, ac labor, parata quicquid effuderint, laude. Vultum igitur præceptoris intueri, tam qui audiunt, debent, quam ipse qui dicit. Ita enim probanda atque improbanda discernent: sic stylo facultas continget, auditione judicium. At nunc proni atque succincti ad omnem clausulam non exsurgunt modo, verum etiam excurrunt, & cum indecora exultatione conclamant. Id mutuum est; & ibi declamationis fortuna. Hinc tumor & vana de se persuasio; usque adeo, ut illo condiscipulorum tumultu inflati, si parum a præceptore laudentur, ipsi de illo male sentiant. Sed se quoque præceptores intente ac modeste audiri velint. Non enim judicio discipulorum dicere debet magister, sed discipuli magistri. Quin, si fieri potest, intendendus animus in hoc quoque, ut perspiciat quæ quisque

L 2

&

CAP. II. & quomodo laudet : & placere quæ bene dicet, non suo magis quam eorum nomine delectetur, qui recte judicabunt. Pueros adolescentibus sedere permixtos, non placet mihi. Nam etiam si vir talis, qualem esse oportet studijs moribusque præpositum, modestam habere potest etiam juventutem, tamen vel infirmitas a robustioribus separanda est : & carendum non solum crimine turpitudinis, verum etiam suspitione. Hæc notanda breviter existimavi. Nam ut absit ab ultimis vitijs ipse præceptor hac scola; ne præcipiendum quidem credo. Ac si quis est qui flagitia manifesta in eligendo filij præceptore non vitet, jam hinc sciat cætera quoque quæ ad utilitatem juventutis componere conamur, esse sibi, hac parte omiſſa, supervacua.

CAP. III. NE illorum, quidem persuasio silentio transcunda est, qui etiam cum idoneos rhetori pueros putaverunt, non tamen continuo tradendos eminentissimo credunt, sed apud minores aliquandiu detinent : tanquam instituendis artibus magis sit apta mediocritas præceptoris, cum ad intellectum atque imitationem faciliior, tum ad suscipiendas elementorum molestias minus superba. Qua in re mihi non arbitror diu laborandum, ut ostendam quanto sit melius optimis imbui, quantaque in eluendis quæ semel infederint vitijs, difficultas consequatur : cum geminatum onus succedentes premat, & quidem docendi gravius ac plus quam docendi. Propter quod Timotheum clarum in arte tiliarum, ferunt duplices ab ijs quos alius instituisset, solitum exigere mercedes

cedes, quam si rudes traderentur. Error tamen est CAP. III.
in re duplex. Unus, quod interim sufficere illos
minores existimant: & bono sane stomacho con-
tenti sunt. Quæ quanquam & ipsa reprehensione
digna securitas, tamen esset utcunque tolerabilis, si
ejusmodi præceptores minus docerent, non pejus.
Alter, ille etiam frequentior, quod eos qui ampli-
orem dicendi facultatem sint consecuti, non pu-
tant ad minora descendere: idque interim fieri,
quia fastidiant præstare hanc inferioribus curam:
interim, quia omnino non possint. Ego porro eum
qui nolit, in numero præcipientium non habeo:
posse autem maxime, si velit, optimum quemque
contendo. Primum quod cum eloquentia cæteris
præstet, illa quoque per quæ ad eloquentiam per-
venitur, diligentissime percepisse credibile est: de-
inde, quia plurimum in præcipiendo valet ratio,
quæ doctissimo cuique planissima est. Postremo,
quia nemo sic in majoribus eminet, ut eum mino-
ra deficiant. Nisi forte Jovem quidem Phidias opti-
me fecit, illa autem quæ in ornamentum operis
ejus accedunt, alius melius elaborasset: aut ora-
tor loqui nesciet: aut leviores morbos curare non
poterit medicus præstantissimus. Quid ergo? non
est quædam eloquentia major quam ut eam intelle-
ctu consequi puerilis infirmitas possit? Ego vero
confiteor: sed hunc disertum præceptorem, pru-
dentem quoque & non ignarum docendi esse oport-
tebit, summittentem se ad mensuram discantis: ut
velocissimus quisque si forte iter cum parvulo faci-
at, det manum, & gradum suum minuat, nec
procedat ultra quam comes possit. Quid, quod ple-
runque

CAP. III. runque accidit ut faciliora sint ad intelligendum, & lucidiora multo, quæ a doctissimo quoque dicuntur? Nam & prima est eloquentiæ virtus, perspicuitas, & quo quis ingenio minus valet, hoc se magis attollere & dilatare conatur: ut statuta breves, in digitos eriguntur, & plura infirmi minantur. Nam tumidos, & corruptos, & tinnulos, & quocunque alio cacozeliæ genere peccantes, certum habeo non virium, sed infirmitatis vitio laborare: ut corpora non robore, sed valetudine inflantur: & recto itinere lassī plerunque divertunt. Erit ergo etiam obscurior quo quisque deterior. Non excidit mihi, scripsisse me in libro priore, cum potiorē in scholis eruditionem esse quam domi dicerem, libentius se prima studia tenerosque profectus ad imitationem condiscipulorum, quæ facilior esset, erigere. quod a quibusdam sic accipi potest, tanquam hæc, quam nunc tueor, sententia priori diversa sit. Id a me procul aberit. namque ea causa vel maxima est cur optimo cuique præceptori sit tradendus puer, quod apud eum discipuli quoque melius instituti, aut dicent quod inutile non sit imitari; aut si quid erraverint, statim corrigentur. at indoctus ille probabit etiam fortasse vitiosa, & placere audientibus iudicio suo coget. Sit ergo tam eloquentia quam moribus præstantissimus, qui ad Phœnicis Homericī exemplum dicere ac facere doceat.

CAP. IV. HINC jam quas primas in docendo partes rhetorum putem, tradere incipiam: dilata parumper illa, quæ sola vulgo vocatur, arte rhetorica. Ac mihi opportunus maxime videtur ingressus ab eo, cuius

ius aliquid simile apud grammaticos puer didicerit. CAP. IV.
 Et quia narrationum, excepta qua in causis utimur,
 tres accipimus species: fabulam, quæ versatur in
 tragœdijs atque carminibus, non a veritate modo,
 sed etiam a forma veritatis remotam: argumentum,
 quod falsum, sed vero simile comœdiæ fingunt: hi-
 storiam, in qua est gestæ rei expositio: grammati-
 cis autem poeticas dedimus: apud rhetorem initium
 sit historia; tanto robustior, quanto verior. Sed
 narrandi quidem quæ nobis optima ratio videatur,
 tum demonstrabimus, cum de judiciali parte dice-
 mus. Interim admonere illud satis est, ut sit ea ne-
 que arida prorsus atque jejuna: (nam quid opus erat
 tantum studijs laboris impendere, si res nudas atque
 inornatas indicare satis videretur?) neque rursus si-
 mulosa, & arcessitis descriptionibus, in quas plerique
 imitatione poeticæ licentiæ ducuntur, lasciva. Vi-
 tium utrumque: pejus tamen illud quod ex inopia,
 quam quod ex copia venit. Nam in pueris oratio
 perfecta nec exigi nec sperari potest: melior autem
 est indoles læta, generosique conatus, & vel plura
 iusto concipiens interim spiritus. Nec unquam me
 in his discentis annis offendat si quid superfuerit.
 Quin ipsis doctoribus hoc esse curæ velim, ut tene-
 ras adhuc mentes more nutricum mollius alant, &
 satiari velut quodam jucundioris disciplinæ lacte pa-
 tiantur. Erit illud plenius interim corpus, quod mox
 adulta ætas adstringat. Hinc spes roboris. Maciem
 namque & infirmitatem in posterum minari solet pro-
 ptinus omnibus membris expressus infans. Audeat
 hæc ætas plura, & inveniat, & inventis gaudeat,
 sint licet illa non satis interim sicca & severa. Faci-
 le

CAP. IV. le remedium est ubertatis, sterilia nullo labore vincuntur. Illa mihi in pueris natura minimum spei dederit, in qua ingenium iudicio præsumitur. Materiam esse primum volo vel abundantiorē, atque ultra quam oporteat fufam. Multum inde decoquent anni, multum ratio limabit, aliquid velut usu ipso deteretur, sit modo unde excidi possit, & quod exculpi. erit autem, si non ab initio tenuem nimium laminam duxerimus, & quam coelatura altior rumpat. Quod me de his ætatibus sentire minus mirabitur, qui apud Ciceronem legerit, *Volo enim se effrat in adolescente fecunditas.* Quapropter inprimis evitandus, & in pueris præcipue, magister aridus, non minus, quam teneris adhuc plantis siccum & sine humore ullo solum. Inde fiunt humiles statim, & velut terram spectantes, qui nihil supra quotidianum sermonem attollere audeant. Macies illis pro sanitate, & iudicii loco infirmitas est: & dum satis putant vitio carere, in id ipsum incidunt vitium, quod virtutibus carent. Quare mihi ne maturitas quidem ipsa festinet, nec musta in lacu statim austera sint: sic & annos ferent, & vetustate proficient. Ne illud quidem quod admoneamus indignum est, ingenia puerorum nimia interim emendationis severitate deficere: nam & desperant, & dolent, & novissime oderunt: &, quod maxime nocet, dum omnia timent, nihil conantur. Quod etiam rusticis notum est, qui frondibus teneris non putant adhiendam esse falcem, quia reformidare ferrum videntur, & cicatricem nondum pati posse. Jucundus ergo tum maxime debet esse præceptor, ut remedia, quæ alioqui natura sunt aspera, molli manu lenian-

niantur: laudare aliqua, ferre quædam, mutare etiam, CAP. IV;
reddita cur id fiat ratione: illuminare, interponendo aliquid sui. Nonnunquam hoc quoque erit utile, totas ipsum dictare materias, quas & imitetur puer, & interim tanquam suas amet. At si tam negligens ei stylus fuerit, ut emendationem non recipiat, expertus sum prodesse, quoties eandem materiam rursus a me retractatam, scribere de integro juberem: posse enim eum adhuc melius: quatenus nullo magis studia quam spe gaudent. Aliter autem alia ætas emendanda est, & pro modo virium exigendum opus. Solebam ego dicere pueris aliquid ausis licentius aut lætius, laudare illud me adhuc, venturum tempus quo idem non permetterem. ita & ingenio gaudebant, & judicio non fallebantur. Sed ut eo revertar, unde sum digressus; narrationes stylo componi quanta maxima possit adhibita diligentia volo. Nam ut primo cum sermo instituitur, dicere quæ audierint, utile est pueris ad loquendi facultatem, ideoque & retro agere expositionem, & a media in utramque partem discurrere sane merito cogantur, sed ad præceptoris gremium, & dum aliud non possunt, & dum res ac verba connectere incipiunt, ut protinus memoriam firmant: ita cum jam formam rectæ atque emendatæ orationis accipient, extemporælis garrulitas, nec expectata cogitatio, & vix surgendi mora, circulatoriæ vere jactationis est. Hinc parentum imperitorum inane gaudium, ipsis vero contemptus operis, & invereconda frons, & consuetudo pessime dicendi, & malorum exercitatio, &, quæ magnos quoque profectus frequenter perdidit, arrogans de

M

se

CAP. IV. se persuasio innascitur. Erit suum parandæ facilitati tempus, nec a nobis negligenter locus iste transibitur. Interim satis est, si puer omni cura, & summo (quantum ætas illa capit) labore aliquid probabile scripserit: in hoc assuescat, hujus rei sibi naturam faciat. Ille demum in id quod quærimus, aut ei proximum poterit evadere, qui ante discet recte dicere, quam cito. Narrationibus non inutiliter subjungitur opus destruendi confirmandique eas, quod *ἀνασκευή* & *κατασκευή* vocatur. Id porro non tantum in fabulosis & carmine traditis fieri potest, verum etiam in ipsis annalium monumentis: ut si quærat: an sit credibile super caput Valerij pugnantis sedisse corvum, qui os oculosque hostis Galli rostro atque alis everberaret; sit in utramque partem ingens ad dicendum materia: ac de serpente quo Scipio traditur genitus, & lupa Romuli, & Egeria Numæ. Nam Græcis historijs plerumque poeticæ similis est licentia. Sæpe etiam quæri solet de tempore, de loco, quo gesta res dicitur. Nonnunquam de persona quoque, sicut Livius frequentissime dubitat, & alij ab alijs historici dissentiunt. Inde paulatim ad majora tendere incipiet, laudare claros viros, & vituperare improbos: quod non simplicis utilitatis opus est. Namque & ingenium exercetur multiplici variaque materia, & animus contemplatione recti pravique formatur, & multa inde cognitio rerum venit: exemplisque, quæ sunt in omni genere causarum potentissima, jam tum instruitur, cum res poscet usus. Hinc illa quoque exercitatio subit comparisonis, uter melior, uterve deterior: quæ quanquam versatur in ratione
finit.

simili, tamen & duplicat materiam, & virtutum C A P. IV:
vitiisque non tantum naturam, sed etiam mo-
dum tractat. Verum de ordine laudis, contraque,
quoniam tertia hæc rhetorices pars est, præcipimus
suo tempore. Communes loci (de ijs loquor qui-
bus citra personas in ipsa vitia moris est perorare,
ut in *adulterum, alcatores, petulantem*) ex medijs
sunt judicijs, & si reum adjicias, accusationes: quan-
quam hi quoque ab illo generali tractatu ad quas-
dam deduci species solent, ut si ponatur *adulter ca-
tus, alcator pauper, petulans senex*. Habent autem
nonnunquam etiam defensionem. Nam & pro luxu-
ria, & pro amore dicimus, & leno interim para-
sitique defenditur: sic ut non homini patrocine-
mur, sed crimini. Theses autem quæ sumuntur ex
rerum comparatione, ut *rusticane vita an urbana po-
rior, jurisperiti an militaris viri laus major*, mire sunt
ad exercitationem dicendi speciosæ atque uberes:
quæ vel ad suadendi officium, vel etiam ad judici-
orum disceptationem juvant plurimum. Nam poste-
rior ex prædictis locus, in causa Murænæ copiosis-
sime a Cicerone tractatur. Sunt & illæ pene totæ
ad deliberativum pertinentes genus, *ducendane uxor,
petendine sint magistratus*. Namque & hæ personis
modo adjectis suasoriæ erunt. Solebant præceptores
mei, neque inutiles, & nobis etiam jucundo genere
exercitationis, præparare nos conjecturalibus causis,
cum quærere atque exequi juberent, cur *armata apud
Lucidemonios Venus*: & quid ita crederetur *Cupido
per, ac volucer, & sagittis ac face armatus*, & similia:
in quibus scrutabamur voluntatem, cujus in contro-
versijs frequens quæstio est. quod genus Chiræ vi-

CAP. IV. deri potest. Nam locos quidem, quales sunt de testibus, *semperne his credendum*: & de argumentis, *an habenda etiam parvis fides*: adeo manifestum est ad forenses actiones pertinere, ut quidam nec ignobiles in officiis civilibus, scriptos eos, memoriaeque diligentissime mandatos, in promptu habuerint; ut quoties esset occasio, extemporales eorum dictiones his velut emblematis exornarentur. Quo quidem (neque enim ejus rei judicium differre sustineo) summam videbantur mihi infirmitatem de se confiteri. Nam quid hi possint in causis, quarum varia ac nova semper est facies, proprium invenire, quomodo propositis ex parte adversa respondere, altercationibus velociter occurrere, testem rogare, qui etiam in ijs quae sunt communia, & in plurimis causis tractantur, vulgatissimos sensus verbis nisi tanto ante praeparatis, prosequi nequeant: nec vero his, cum eadem judicijs pluribus dicunt, aut fastidium moveant, velut frigidi & repositi cibi; aut pudorem deprehensa toties audientium memoria infelix suppellex? quae, sicut apud pauperes ambitiosos, pluribus & diversis officijs conteratur: cum eo quidem, quod vix ullus est tam communis locus, qui possit cohaerere cum causa, nisi aliquo propriae quaestionis vinculo copulatus: appareatque eum non tam insertum, quam applicitum; vel quod dissimilis est ceteris, vel quod plerumque assumi etiam parum apte solet; non quia desideratur, sed quia paratus est. ut quidam sententiarum gratia verbosissimos locos arcessunt, cum ex locis debeat nasci sententia. Ita sunt autem speciosa haec & utilia, si oriuntur ex causa. Ceterum quamlibet pulchra locutio, nisi ad victoriam tendit, utique

utique supervacua, sed interim etiam contraria est. CAP. IV.
 Verum hactenus evagari satis fuerit. Legum laus & vituperatio jam majores ac prope summis operibus suffecturas vires desiderant: quæ quidem suavorijs an controversijs magis accommodata sit exercitatio, consuetudine & jure civitatum differt. Apud Græcos enim lator earum ad judicem vocabatur; Romanis pro concione suadere ac dissuadere moris fuit. Utroque autem modo pauca de his, & fere certa dicuntur. Nam & genera sunt tria, sacri, publici, privati juris. Quæ divisio ad laudem magis spectat, si quis eam per gradus augeat, quod lex, quod publica, quod ad religionem deum comparata sit. Ea quidem de quibus quæri solet, communia omnibus. Aut enim de jure dubitari potest ejus qui rogat, ut de P. Clodij, qui non rite creatus tribunus arguebatur: aut de ipsius rogationis, quod est varium, sive non trino forte nundino promulgata, sive non idoneo die, sive contra intercessionem, vel auspicia, aliudve quid, quod legitimis obstat, dicitur lata, vel ferri, sive alicui manentium legum repugnare. Sed hæc ad illas primas exercitationes non pertinent. Nam sunt hæc citra complexum personarum, temporum, causarum. Reliqua eadem fere vero fictoque certamine hujusmodi tractantur. Nam vitium aut in verbis est, aut in rebus. In verbis quæritur, *an satis significant, an sit in his aliquid ambiguum.* In rebus, *an lex sibi ipsa consentiat, an in præteritum ferri debeat, an in singulos homines.* Maxime vero commune est quærere, *an sit honesta, an utilis.* Nec ignoreo, plures fieri a plerisque partes: sed nos justum, pium, religiosum, cæteraque his similia, honesto

CAP. IV. complectimur. Iusti tamen species non simpliciter excuti solent. Aut enim de re ipsa quaeritur, ut *dignane pena vel premio sit*: aut de modo praemij, poenae, quia tam major quam minor culpari potest. Utilitas quoque interim natura discernitur, interim tempore. Quaedam an obtineri possint, ambigi solet. Ne illud quidem ignorare oportet, leges aliquando totas, aliquando ex parte reprehendi solere; cum exemplum rei utriusque nobis claris orationibus praebetur. Nec me fallit eas quoque leges esse, quae non in perpetuum rogentur, sed de honoribus aut imperijs; qualis Manilia fuit, de qua Ciceronis oratio est. Sed de his nihil hoc loco praecipitur. Constant enim propria rerum de quibus agitur, non communi qualitate. His fere veteres facultatem dicendi exercuerunt, assumpta tamen a dialecticis argumentandi ratione. Nam fictas ad imitationem fori consiliorumque materias apud Graecos dicere, circa Demetrium Phalerea institutum fere constat. An ab ipso id genus exercitationis sit inventum, (ut alio quoque libro sum confessus) parum comperi: sed ne ij quidem qui hoc fortissime affirmant, ullo satis idoneo auctore nituntur. Latinos vero dicendi praecipuos extremis L. Crassi temporibus coepisse, Cicero auctor est: quorum insignis maxime Plotius fuit.

CAP. V. SED de ratione declamandi post paulo: interrim, quia prima rhetorices rudimenta tractamus, non omittendum videtur id quoque ut moneam, quantum sit collaturus ad profectum discipulorum rhetor, si quemadmodum a grammaticis exigitur poetarum

tarum enarratio, ita ipse quoque historiae, atque etiam magis orationum lectione susceptos a se discipulos instruxerit: quod nos in paucis, quorum id aetas exigebat, & parentes utile esse crediderant, servavimus. Ceterum sentientibus jam tum optima, duae res impedimento fuerunt, quod & longa consuetudo aliter docendi fecerat legem, & robusti fere juvenes, nec hunc laborem desiderantes, exemplum nostrum sequebantur. Nec tamen etiamsi quid novi vel sero invenissem, praecipere in posterum puderet. Nunc vero scio id fieri apud Græcos, sed magis per adjutores: quia non videntur tempora suffectura, si legentibus singulis præire semper ipsi velint. Et hercle prælectio, quæ in hoc adhibetur, ut facile atque distincte pueri scripta oculis sequantur, etiam illa quæ vim cujusque verbi, si quod minus usitatum incidat, docet, multum infra rhetoris officium existimanda est. At demonstrare virtutes, vel, si quando ita incidat, vitia, id professionis ejus atque promissi, qui se magistrum eloquentiæ pollicetur, maxime proprium est: eo quidem validius, quod non utique hunc laborem decentium postulo, ut ad gremium revocatis, cujus quisque eorum velit libri lectioni deserviant. Nam mihi cum facilius, tum etiam multo magis videtur utile, facto silentio unum aliquem (quod ipsum imperari per vices optimum est) constituere lectorem, ut protinus pronuntiationi quoque assuescant: tum exposita causa in quam scripta legetur oratio, (nam sic clarius quæ dicentur, intelligi poterunt) nihil otiosum pati, quodque in inventione, quodque in elocutione annotandum erit: quæ narrandi lux, brevitatis, fides: quod

CAP. V. quod aliquando consilium, & quam occulta calliditas. Namque ea sola in hoc ars est, quæ intelligi nisi ab artifice non possit. Quanta deinceps in dividendo prudentia, quam subtilis & crebra argumentatio: quibus viribus inspiret, qua jucunditate permulceat: quanta in maledictis asperitas, in jocis urbanitas. ut denique dominetur in affectibus, atque in pectora irrumpat, animumque judicium similem ijs quæ dicit, efficiat. Tum in ratione eloquendi, quod verbum proprium, ornatum, sublime: ubi amplificatio laudanda, quæ virtus ei contraria: quid speciose translatum, quæ figura verborum, quæ lenis & quadrata, sed virilis tamen compositio. Ne id quidem inutile, etiam corruptas aliquando & vitiosas orationes, quas tamen plerique judiciorum pravitate mirantur, legi palam pueris, ostendique in his quam multa impropria, obscura, tumida, humilia, sordida, lasciva, effoeminata sint: quæ non laudantur modo a plerisque, sed (quod pejus est) propter hoc ipsum quod sunt prava, laudantur. Nam sermo rectus, & secundum naturam enunciatus, nihil habere ex ingenio videtur: illa vero quæ utcunque deflexa sunt, tanquam exquisitiora miramur: non aliter quam distortis, & quocunque modo prodigiosis corporibus apud quosdam majus est pretium, quam ijs quæ nihil ex communis habitus bonis perdiderunt: atque etiam qui specie capiuntur, vulsis, lævatisque, & inustas comas acu comentibus, & non suo colore nitidis, plus esse formæ putant, quam possit tribuere incorrupta natura: ut pulchritudo corporis venire videatur ex malis moribus. Nec solum hæc ipse debet docere præceptor, sed frequenter

quenter interrogare, & iudicium discipulorum experiri. Sic audientibus securitas aberit, nec quæ dicentur, superfluent aures: simulque ad id perducentur, quod ex hoc quæritur, ut inveniant ipsi, & intelligant. Nam quid aliud agimus docendo eos, quam ne semper docendi sint? Hoc diligentiae genus ausim dicere plus collaturum discipulis, quam omnes omnium artes; quæ juvant sine dubio multum: sed latiore quadam comprehensione, per omnes quidem species rerum quotidie pene nascentium ire qui possunt? Sicut de re militari quanquam sunt tradita quædam præcepta communia, magis tamen proderit scire, qua ducum quisque ratione, in quali loco, tempore, sit usus sapienter, aut contra. Nam in omnibus fere minus valent præcepta, quam experimenta. An vero declamabit quidem præceptor, ut sit exemplo suis auditoribus: non plus contulerint lecti Cicero aut Demosthenes? Corrigetur palam si quid in declamando discipulus erraverit: non potentius erit emendare orationem? quinimo etiam jucundius. Aliena enim vitia quisque reprehendi mavult, quam sua. Nec deerant plura quæ dicerem: sed neminem hæc utilitas fugit: atque utinam tam non pigeat facere istud, quam non displicebit. Quod si potuerit obtineri, non ita difficilis supererit questio, qui legendi sint incipientibus. Nam quidam illos minores, quia facilius eorum intellectus videbatur, probaverunt: alij floridius genus, ut ad alenda primarum ætatum ingenia magis accommodatum. Ego optimos quidem & statim & semper, sed tamen eorum candidissimum quemque, & maxime expositum velim: ut Livium a pueris magis quam

N

Sallu-

CAP. V.

CAP. V. Sallustium: & hic historiæ majoris est auctor: ad quem tamen intelligendum jam profectu opus sit. Cicero, ut mihi quidem videtur, & jucundus incipientibus quoque & apertus est satis: nec prodesse tantum, sed etiam amari potest; tum (quemadmodum Livius præcipit) ut quisque erit Ciceroni simillimus. Duo autem genera maxime cavenda pueris puto. Unum, ne quis eos, antiquitatis nimius admirator, in Gracchorum, Catonisque, & aliorum similium lectione durescere velit. Fient enim horridi atque jejuni. Nam neque vim eorum adhuc intellectu consequentur: & elocutione, quæ tum sine dubio erat optima, sed nostris temporibus aliena, contenti, quod est pessimum, similes sibi magnis viris videbuntur. Alterum, quod huic diversum est, ne recentis hujus lasciviæ flosculis capti, voluptate quadam prava deliniantur, ut prædulce illud genus, & puerilibus ingenijs hoc gratius, quo propius est, adament. Firmis autem judicijs, jamque extra periculum positis, suaserim & antiquos legere, ex quibus si assumatur solida ac virilis ingenij vis, deterfo rudis sæculi squalore, tum noster hic cultus clarius enitescet; & novos, quibus & ipsis multa virtus adest. Nec enim nos tarditatis natura damnavit: sed dicendi mutavimus genus, & ultra nobis, quam oportebat, indulsumus. ita non tam ingenio illi nos superarunt, quam proposito. Multa ergo licebit eligere: sed curandum erit, ne ijs quibus permixta sunt, inquinentur. Quosdam vero etiam quos totos imitari oporteat, & fuisse nuper & nunc esse, quidni libenter non concesserim modo, verum etiam contenderim? Sed hi qui sint, non cujusque est pronunci-

nunciare. Tutius circa priores vel erratur: ideoque hanc novorum discipuli lectionem, ne imitatio iudiciorum antecederet. CAP. V.

FUIT etiam in hoc diversum præcipientium propositum, quod eorum quidam materias quas discipulis ad dicendum dabant, non contenti divisione dirigere, latius dicendo prosequerantur: nec solum probationibus implebant, sed etiam affectibus. Alij cum primas modo lineas duxissent; post declamationes, quid omisisset quisque tractabant; quosdam vero locos non minore cura, quam cum ad dicendum ipsi surgerent, excolebant. Utile utrumque: & ideo neutrum ab altero separo. sed si facere tantum alterum necesse sit, plus proderit demonstrasse rectam protinus viam, quam revocare ab errore jam lapsos. Primum, quia emendationem auribus modo accipiunt; divisionem vero ad cogitationem etiam & stylum perferunt: deinde, quod libentius præcipientem audiunt, quam reprehendentem. Si qui vero paulo sunt vivaciores, in his præsertim moribus, etiam irascuntur admonitioni, & taciti repugnant. Nec ideo tamen minus vitia aperte coarguenda sunt. Habenda enim ratio cæterorum, qui recta esse quæ præceptor non emendaverit, credent. Utraque autem ratio miscenda est, & ita tractanda, ut ipsæ res postulabunt. Namque incipientibus danda erit velut præformata materia secundum cuiusque vires. At cum satis composuisse se ad exemplum videbuntur; brevem quædam demonstranda vestigia: quæ perfecti, jam suis viribus sine adminiculo progredi possint. Nonnunquam credi sibi ipsos oportebit; ne ma-

CAP. VIII. gagiter fuerit intuitus cujus ingenium presso limato-
 que genere dicendi, cujus acri, gravi, dulci, aspe-
 ro, nitido, urbano, maxime gaudeat; ita se com-
 modaturum singulis, ut in eo quo quisque eminet,
 provehatur: quod & adjuncta cura natura magis eva-
 lescat: & si in diversa ducatur, nec in ijs quibus
 minus aptus est, satis possit efficere: & ea in quæ
 natus videtur, deferendo faciat infirmiora. Quod
 mihi (libera enim vel contra receptas persuasiones
 rationem sequenti, sententia est) in parte verum vi-
 detur. Nam proprietates ingeniorum dispicere pror-
 sus necessarium est. In his quoque certum studio-
 rum facere dilectum nemo dissuaserit. Namque erit
 alius historiæ magis idoneus, alius compositus ad
 carmen, alius utilis studio juris, ut nonnulli rus for-
 tasse mittendi. Sic discernet hæc dicendi magister, quo
 modo palæstricus ille cursorem faciet, aut pugilem, aut
 luctatorem, aliudve quid ex ijs quæ sunt sacrorum
 certaminum. Verum ei qui foro destinabitur, non
 in unam partem aliquam, sed in omnia quæ sunt
 ejus operis, etiam si quæ difficiliora discenti vide-
 buntur, elaborandum est. Nam & omnino superva-
 cua erat doctrina, si natura sufficeret. An si quis
 ingenio corruptus ac tumidus, ut plerique sunt, in-
 ciderit, in hoc eum ire patiemur: aridum atque
 jejunum non alemus, & quasi vestiemus? Nam si
 quædam detrahare necessarium est, cur non sit adji-
 cere concessum? Neque ego contra naturam pugno.
 Non enim deterendum id bonum, siquod ingentum
 est, existimo, sed augendum, addendumque quod
 cessat. An vero clarissimus ille præceptorum Isocra-
 tes, quem non magis libri bene dixisse, quam di-
 scipuli

scipuli bene docuisse testantur, cum de Ephoro atque Theopompo sic judicaret, *ut alteri franis, alteri calcaribus opus esse* diceret; aut in illo lentiore tarditatem, aut in hoc plane præcipiti concitationem adjuvandam docendo existimavit, cum alterum alterius natura miscendum arbitraretur? Imbecillibus tamen ingenijs sane sic obsequendum sit, ut tantum in id quo vocat natura, ducantur. Ita enim quod solum possunt, melius efficient. Si vero liberalior materia contigerit, & in qua merito ad spem oratoris finis aggressi, nulla dicendi virtus omittenda est. Nam licet sit aliquam in partem pronior, ut necesse est; cæteris tamen non repugnabit, atque ea cura paria faciet ijs in quibus eminebat: sicut ille (ne ab eodem exemplo recedamus) exercendi corpora peritus, non si docendum pancratiasten susceperit, pugno ferire vel calce tantum, aut nexus modo, atque in his certos aliquos docebit, sed omnia quæ sunt ejus certaminis. Erit qui ex his aliqua non possit? In id maxime quod poterit incumbet. Nam sunt hæc duo vitanda prorsus: unum ne tentes quod effici non possit: alterum, ne ab eo quod quis optime facit, in aliud cui minus est idoneus, transferas. At si fuerit qui docebitur, ille quem adolescentes senem vidimus, Nicostratus, omnibus in eo docendi partibus similiter utetur: efficietque illum, qualis hic fuit, luctando pugnandoque (quorum utroque certamine iisdem diebus coronabatur) invictum. Et quanto id magis oratoris futuri magistro providendum erit? Non enim satis est dicere pressè tantum, aut subtiliter, aut aspere: non magis quam phosco acutis tantum, aut medijs, aut gravibus sonis, aut

CAP. VIII.

CAP. VIII. aut horum etiā particulis excellere. Nam sicut cithara, ita oratio perfecta non est, nisi ab imo ad summum omnibus intenta nervis consentiat.

CAP. IX. PLURA de officijs docentium locutus, discipulos id unum interim moneo; ut præceptores suos non minus quam ipsa studia ament: & parentes esse non quidem corporum, sed mentium credant. Multum hæc pietas confert studio. nam ita & libenter audient, & dictis credent, & esse similes concupiscent: in ipsos denique cœtus scholarum læti & alacres convenient: emendati non irascuntur, laudati gaudebunt; ut sint charissimi, studio merebuntur. Nam ut illorum officium est docere, sic horum præbere se dociles. alioqui neutrum sine altero sufficit. Et sicut hominis ortus ex utroque gignentium confertur, & frustra sparseris semina, nisi illa præmolitus foverit sulcus: ita eloquentia coalescere nequit, nisi sociata tradentis accipientisque concordia.

CAP. X. IN his primis operibus, quæ non ipsa parva sunt, sed majorum quasi membra atque partes, bene instituto, ac satis exercitato, jam fere tempus appetet aggrediendi suasorias judicialesque materias: quarum antequam viam ingredior, pauca mihi de ipsa declamandi ratione dicenda sunt: quæ quidem ut ex omnibus novissime inventa, ita multo est utilissima. Nam & cuncta illa de quibus diximus, in se fere continet, & veritati proximam imaginem reddit: ideoque ita est celebrata, ut plerisque videretur ad formandam eloquentiam vel sola sufficere. Neque enim virtus ulla perpetuæ duntaxat orationis repe-

reperiri potest, quæ non sit cum hac dicendi meditatione communis. Eo quidem res ista culpa docentium recidit, ut inter præcipuas quæ corrumpere eloquentiam causas, licentia atque inciticia declamantium fuerit. Sed eo quod natura bonum est, bene uti licet. Sint ergo & ipsæ materiæ quæ finguntur, quam simillimæ veritati: & declamatio in quantum maxime potest, imitetur eas actiones in quarum exercitationem reperta est. Nam *magos & pestilentiam*, & *responsa*, & *saviore tragicis novercas*, aliaque magis adhuc fabulosa, frustra inter sponsones & interdicta quæremus. Quid ergo? Nunquam hæc supra fidem, & poetica (ut vere dixerim) themata, juvenibus tractare permittemus, ut expatiantur, & gaudeant materia, & quasi in corpus eant? Erit optimum: sed certe sint grandia & tumida, non stulta etiam, & acrioribus oculis intuenti ridicula: ut si jam cedendum est, impleat se declamator aliquando; dum sciat, ut quadrupedes, cum viridi pabulo distentæ sunt, sanguinis detractio curantur, & sic ad cibos viribus conservandis idoneos redeunt; ita sibi quoque tenuandos adipem, & quicquid humoris corrupti contraxerit, emittendum, si esse sanus ac robustus volet. Alioqui tumor ille inanis primos cujuscunque veri operis conatus deprimit. Totum autem declamandi opus qui diversum omnimodo a forensibus causis existimant, ij profecto ne rationem quidem qua ista exercitatio inventa sit, pervident. Nam si foro non præparat; aut scenicæ ostentationi, aut furiosæ vociferationi simillimum est: Quid enim attinet judicem præparare, qui nullus est? narrare quod omnes sciant falsum? probati-

O

ones

CAP. X. ones adhibere causæ, de qua nemo sit pronunciat-
 turus? Et hæc quidem otiosa tantum: affici vero,
 & ira vel luctu permovere, cujus est ludibrij, nisi
 quibusdam pugnae simulacris ad verum discrimen a-
 ciemque justam consuecimus? Nihil ergo inter fo-
 rense genus dicendi, atque hoc declamatorium in-
 tererit? Si profectus gratia dicimus, nihil. Uti-
 namque adjici ad consuetudinem posset, ut nomi-
 nibus uteremur, & perplexæ magis, & longioris
 aliquando actus controversiæ fingerentur, & verba
 in usu quotidiano posita minus timeremus, & jocos
 inferere moris esset: ob quæ nos, quamlibet per a-
 lia in scholis exercitati simus, tyrones in foro inve-
 nimur. Si vero in ostentationem comparetur decla-
 matio, sane paululum aliquid inclinare ad volupta-
 tem audientium debemus. Nam & iis actionibus
 quæ in aliqua sine dubio veritate versantur, sed sunt
 ad popularem aptatæ delectationem, quales legimus
 panegyricos, totumque hoc demonstrativum genus
 permittitur adhibere plus cultus; omnemque artem
 (quæ latere plerumque in judicijs debet) non confi-
 teri modo, sed ostentare etiam hominibus in hoc
 advocatis. Quare declamatio, quoniam est judicio-
 rum consiliorumque imago, similis esse debet veri-
 tati: quoniam autem aliquid in se habet *ἐπίδεικτικόν*,
 ponnihil sibi nitoris assumere. Quod faciunt actores
 comici: qui neque ita prorsus, ut nos vulgo loqui-
 mur, pronunciant; quod esset sine arte: neque pro-
 cul tamen a natura recedunt: quo vitio periret imi-
 tatio: sed morem communis hujus sermonis decore
 quodam scenico exornant. Sic quoque aliqua nos in-
 commoda ex his quas finxerimus materijs, conse-
 quen-

quentur ; in eo præcipue , quod multa in his re- CAP. X.
linquuntur incerta , quæ sumimus ut videntur , ata-
tes , facultates , liberi , parentes , urbium ipsarum
vires , jura , mores , alia his similia. Quin aliquan-
do etiam argumenta ex ipsis positionum virijs duci-
mus. Sed hæc suo quæque loco. Quamvis enim
omne propositum operis a nobis destinati eo spectet,
ut orator instituat : ne tamen quid studiosi requi-
rant , etiamsi quid erit quod ad scholas pertineat pro-
prie , in transitu non omitemus.

JAM hinc ergo nobis inchoanda est ea pars ar- CAP. XI.
tis , ex qua capere initium solent qui priora omise-
runt : quanquam video quosdam in ipso statim li-
mine obstaturos mihi , qui nihil egere hujusmodi
præceptis eloquentiam putent : sed natura sua , &
scolarum exercitatione contenti , rideant etiam dili-
gentiam nostram , exemplo magni quoque nominis
professorum , quorum aliquis , ut opinor , interroga-
tus quid esset *ῥῆμα* & *νόημα* , nescire se quidem , sed
si ad rem pertineret , esse in sua declamatione re-
spondit. Alius percontanti , Theodoreus an Apollo-
doreus esset , Ego , inquit , parmularius sum. Nec sa-
ne potuit urbanus ex confessione inscitiae suæ elabi.
Porro hi , quia & beneficio ingenij præstantes sunt
habiti , & multa etiam memoria digna exclamave-
runt : plurimos habent similes negligentiae suæ , pau-
cissimos naturæ. Igitur impetu dicere se , & viribus
ui gloriantur. Nec enim opus esse probatione aut
dispositione in rebus fictis : sed (cujus rei gratia ple-
num sit auditorium) sententiis grandibus , quarum
optima quæque a periculo petatur. Quin etiam in

CAP. XI. cogitando nulla ratione adhibita, aut tectum intuentes, magnum aliquid quod ultro se offerat, pluribus sæpe diebus exspectant; aut murmure incerto velut classico instincti, concitatissimum corporis motum non enunciandis, sed quærendis verbis accommodant. Nonnulli certa sibi initia, priusquam sensum invenerint, destinant, quibus aliquid disertis subiungendum sit: eaque diu secum ipsi clareque meditati, desperata connectendi facultate, deserunt: & ad alia deinceps, atque inde alia non minus communia ac nota divertunt. Qui plurimum videntur habere rationis, non in causas tantum laborem suum, sed in locos intendunt: atque in his non corpori prospiciunt, sed abrupta quædam, ut forte ad manum venire, jaculantur. Unde fit, ut dissoluta & ex diversis congesta oratio coherere non possit, similisque sit commentariis puerorum, in quos ea quæ alijs declamantibus laudata sunt, regerunt: magnas tamen sententias, & res bonas (ita enim gloriari solent) elidunt: nam & barbari & servi: & si hoc factum est, nulla est ratio dicendi.

CAP. XII. NE hoc quidem negaverim, sequi plerumque hanc opinionem, ut fortius dicere videantur indocti. Primum vitio male judicantium, qui majorem habere vim credunt ea quæ non habent artem: ut efringere, quam aperire: rumpere, quam solvere: trahere, quam ducere, putant robustius. Nam & gladiator qui armorum inscius in rixam fuit, & luctator qui totius corporis nisi in id quod semel invasit, incumbit, fortior ab his vocatur: cum interim & hic frequenter suis viribus ipse prostermitur, & illum

& illum vehementis impetus excipit adversarij mol-
lis articulus. sed sunt in hac parte quæ imperitos
etiam naturaliter fallant. Nam & divisio cum plu-
rimum valeat in causis, speciem virium minuit : &
rudia politis majora, & sparsa compositis numero-
siora creduntur. Est præterea quædam virtutum vi-
tiorumque vicinia, qua maledicus pro libero, te-
merarius pro forti, effusus pro copioso accipitur.
Maledicit autem ineruditus apertius, & sæpius vel
cum periculo suscepti litigatoris, frequenter etiam
suo: Affert & ista res opinionem, quia libentissi-
me homines audiunt ea quæ dicere ipsi noluis-
sent. Illud quoque alterum quod est in elocutione ipsa
periculum, minus vitat, conaturque perditæ: unde
evenit nonnunquam, ut aliquid grande inveniatur, qui
semper quærit quod nimium est: verum & raro e-
venit, & cætera vitia non pensat. Propter hoc
quoque interdum videntur indocti copiam habere
majorem, quod dicunt omnia: doctis est & ele-
ctio, & modus. His accedit, quod a cura docendi
quod intenderint, recedunt. Itaque illud quæstio-
num & argumentorum apud corrupta judicia frigus
evitant: nihilque aliud quam quo vel pravis volu-
ptatibus aures assistentium permulceant, quærunt.
Sententiæ quoque ipsæ, quas solas petunt, magis
eminent, cum omnia circa illas sordida & abjecta
sunt: ut *lumina non inter umbras* (quemadmodum
Cicero dicit) *sed plane in tenebris clariora sunt*. Ita-
que ingeniosi vocentur ut libet, dum tamen con-
stet, contumeliose sic laudari disertum. Nihilomi-
nus confitendum est detrahere doctrinam aliquid, ut
limam rudibus, & cotes hebetibus, & vino vetu-
statem

CAP. XII. statem : sed vitia detrahit : atque eo solo minus est quod literæ perpolierunt , quo melius. Verum hi pronunciatione quoque famam dicendi fortius quærunt. Nam & clamant ubique , & omnia levata (ut ipsi vocant) manu emugiunt , multo discursu , anhelitu , jactatione , gestu , motu capitis furentes. Jam collidere manus , terræ pedem incutere , femur , pectus , frontem cædere , mire ad pullatum circulum facit : cum ille eruditus , ut in oratione multa summittere , variare , disponere , ita etiam in pronunciando suum cuique eorum quæ dicet , colori accommodare actum sciat : & si quid sit perpetua observatione dignum , modestus & esse & videri malit. At illi hanc vim appellant , quæ est potius violentia : cum interim non actores modo aliquos invenias , sed (quod est turpius) præceptores etiam , qui brevem dicendi exercitationem consecuti , omiſſa ratione , ut tulit impetus , passim tumultuentur , eosque qui plus honoris literis tribuerunt , & ineptos , & jejunos , & trepidos , & infirmos , ut quodque verbum contumeliosissimum occurrit , appellant. Verum illis quidem gratulemur , sine labore , sine ratione , sine disciplina disertis. nos quando & præcipiendi munus etiam pridem deprecati sumus , & in foro quoque dicendi ; quia honestissimum finem putabamus , desinere dum desideraremur ; inquirendo scribendoque talia consolemur otium nostrum , quæ futura usus bonæ mentis juvenibus arbitramur , nobis certe sunt voluptati.

CAP. XIII. Nemo autem a me exigat id præceptorum genus , quod est a plerisque scriptoribus artium traditum,

ditum, ut quaſi quaſdam leges immutabili neceſſitate conſtrictas ſtudioſis dicendi feram: utique proœmium, & id quale: proxima huic narratio: quæ lex deinde narrandi: propoſitio poſt hanc, vel, ut quibuſdam placuit, excuſſio: tum certus ordo quaëſtionum, cæteraquæ quæ velut ſi aliter facere fas non ſit, quidam tantum quantum juſſi ſequuntur. Erat enim rhetorice res prorſus facilis ac parva, ſi uno & brevi præſcripto contineretur: ſed mutantur pleraquæ cauſis, temporibus, occasione, neceſſitate. Atque ideo res in oratore præcipua conſilium eſt, quia varie, & ad rerum mōmenta convertitur. Quid ſi enim præcipias imperatori, quoties aciem inſtruet, dirigat frontem, cornuâ utrinque promoveat, equites pro cornibus locet? Erit hæc quidem rectiſſima fortaſſe ratio, quoties licebit: ſed mutabitur natura loci, ſi mons occurret, ſi flumen obſtabit, ſi collibus, ſylvis, aſperitate alia prohibebitur. Mutabit hoſtium genus, mutabit præſentis conditio diſcriminis: nunc acie directâ, nunc cuneis, nunc auxilijs, nunc legione pugnabitur: nonnunquam terga etiam dediſſe ſimulata fuga proderit. Ita proœmium neceſſarium, an ſupervacuum: breve, an longius: ad judicem omni ſermone directo, an aliquando averſo per aliquam figuram, dicendum ſit: conſtricta an latius fuſa narratio, continua an diviſa, reſta an ordine permutato, cauſæ docebunt. Itemquæ de quaëſtionum ordine, cum in eadem controverſia aliud alij parti prius quaeri frequenter expediat. Neque enim rogationibus plebiſve ſcitis ſancta ſunt iſta præcepta, ſed hoc quicquid eſt, utilitas excogitavit. Non negabo autem ſic utile eſſe plerumquæ, alioqui
nec

CAP. XIII. nec scriberem : verum si eadem illa nobis aliud suadebit utilitas , hanc relictis magistrorum auctoritatibus sequemur. Equidem id maxime præcipiam , ac repetens iterum iterumque monebo : Res duas in omni actu spectet orator , quid deceat , quid expediat. Expedit autem sæpe mutare ex illo constituto traditoque ordine aliqua , & interim decet ; ut in statuis atque picturis videmus , variari habitus , vultus , status. Nam recti quidem corporis vel minima gratia est : nempe enim adversa fit facies , & demissa brachia , & juncti pedes , & a summis ad ima rigens opus. Flexus ille , & ut sic dixerim , motus , dat actum quendam effectis. Ideo nec ad unum modum formatæ manus , & in vultu mille species. Cursum habent quædam & impetum , sedent alia , vel incumbunt. nuda hæc , illa velata sunt : quædam mixta ex utroque. Quid tam distortum & elaboratum , quam est ille *Discobolus* Myronis ? Si quis tamen ut parum rectum improbet opus , nonne ab intellectu artis abfuerit , in qua vel præcipue laudabilis est illa ipsa novitas , ac difficultas ? Quam quidem gratiam & delectationem afferunt figuræ , quæque in sensibus , quæque in verbis summutant etiam aliquid a recto , atque hanc præ se virtutem ferunt , quod a consuetudine vulgari recesserunt. Habet in pictura speciem tota facies : Apelles tamen imaginem Antigoni latere tantum altero ostendit , ut amissi oculi deformitas lateret. Quid ? non in oratione operienda sunt quædam , sive ostendi non debent , sive exprimi pro dignitate non possunt ? ut fecit Timanthes , ut opinor , Cithnius , in ea tabula qua Coleten Tejum vicit. Nam cum in Iphigenia

immo

immolatione pinxisset tristem Calchantem, tristior
 rem Ulyssē, addidisset Menelao quem summum
 poterat ars efficere mœrorem: consumtis affectibus,
 non reperiens quo digne modo patris vultum pos-
 set exprimere, velavit ejus caput, & suo cuique
 animo dedit æstimandum. Nonne huic simile est il-
 lud Sallustianum, *Nam de Carthagine tacere satius pu-
 to, quam parum dicere?* Propter quæ mihi semper
 moris fuit, quam minime alligare me ad præcepta
 quæ καθολικά vocant, id est (ut dicamus quomodo
 possumus) universalialia, vel perpetualia. Raro enim
 reperitur hoc genus, ut non labefactari parte ali-
 qua, aut subrui possit. Sed de his plenius suo quid-
 que loco tractabimus. Interim nolo se juvenes satis
 instructos, si quem ex his qui breves plerumque
 circumferuntur, artis libellum edidicerint, & velut
 decretis technicorum tutos, putent. Multo labore,
 assiduo studio, varia exercitatione, plurimis experi-
 mentis, altissima prudentia, præsentissimo consilio
 constat ars dicendi. Sed adjuvatur his quoque, si
 tamen rectam viam, non unam orbitam monstrent:
 a qua declinare qui crediderit nefas, patiatur ne-
 cesse est illam per funes ingredientium tarditatem.
 Itaque & stratum militari labore iter sæpe descri-
 mus compendio ducti: & si rectum limitem rupti
 torrentibus pontes inciderint, circumire cogemur: &
 si janua tenebitur incendio, per parietem exhibi-
 mus. Late fusum opus est, & multiplex, & prope
 quotidie novum, & de quo nunquam dicta erunt
 omnia. Quæ sint tamen tradita, quid ex his opti-
 mum, & si qua mutari, adjici, detrahi melius vi-
 debitur, dicere experiar.

P

RHE-

CAP. XIV. RHETORICEN in Latinum transferentes, tum oratoriam, tum oratricem nominaverunt. Quos e- quidem non fraudaverim debita laude, quod copiam Romani sermonis augere tentaverint. Sed non omnia nos ducentes ex Græco sequuntur, sicut ne illos quidem quoties suis utique verbis signare nostra voluerunt. Et hæc interpretatio non minus dura est, quam illa Plauti *essentia* atque *entia*: sed ne propria quidem. Nam *oratoria* sic efferetur, ut elocutoria: *oratrix* ut elocutrix. Illa autem de qua loquimur rhetorice, talis est, qualis eloquentia: nec dubie apud Græcos quoque duplicem intellectum habet. Namque uno modo fit appositum, ars rhetorica, ut navis piratica: altero nomen rei, qualis est philosophia, amicitia. Nos ipsam nunc volumus significare substantiam, ut grammaticæ literatura est, non *literatrix*, quemadmodum *oratrix*: nec *literatoria*, quemadmodum *oratoria*. Verum in rhetorice non sic. Non pugnemus igitur: cum præsertim plurimis alioqui Græcis sit utendum. Nam certe si *Philosophos*, & *musicos*, & *geometras* dicam: nec vim afferam his nominibus indecora in Latinum sermonem mutatione. Denique cum M. Tullius etiam ipsis librorum quos hac de re primum scripserat titulis, Græco nomine utatur, profecto non est verendum ne temere videamur oratori maximo de nomine artis suæ credidisse. Igitur rhetorice (jam enim sine metu cavillationis utemur hac appellatione) sic, ut opinor, optime dividetur, ut de arte, de artifice, de opere dicamus. Ars erit, quæ disciplina percipi debet: ea est bene dicendi scientia. Artifex est qui percipit hanc artem, id est orator, cujus est
summa

summa bene dicere. Opus, quod efficitur ab artifice, id est bona oratio. Hæc omnia rursus diducuntur in species. Sed illa sequentia suo loco : nunc quæ de prima parte tractanda sunt, ordiar. CAP. XIV

ANTE omnia, quid sit rhetorice : quæ finitur CAP. XV.
quidem varie, sed quæstionem habet duplicem. aut enim de qualitate ipsius rei, aut de comprehensione verborum dissensio est. Prima ac præcipua opinionum circa hoc differentia, quod alij malos quoque viros posse oratores dici putant : alij (quorum nos sententiæ accedimus) nomen hoc, artemque de qua loquimur, bonis demum tribui volunt. Eorum autem qui dicendi facultatem a majore ac magis expetenda vitæ laude secernunt, quidam rhetoricen vim tantum, quidam scientiam, sed non virtutem, quidam usum, quidam artem quidem, sed a scientia & virtute dijectam, quidam etiam pravitatem quandam artis, id est κακοτεχνίαν nominaverunt. Hi fere aut in persuadendo, aut in dicendo apte ad persuadendum, positum orandi munus sunt arbitrati. Id enim fieri potest ab eo quoque, qui vir bonus non sit. Est igitur frequentissimus finis rhetorices vis persuadendi. Quod ego vim appello, plerique potestatem, nonnulli facultatem vocant : quæ res ne quid afferat ambiguitatis, vim dico τὴν δύναμιν. Hæc opinio originem ab Isocrate (si tamen re vera ars quæ circumfertur, ejus est) duxit. Qui cum longe sit a voluntate infamantium oratoris officia, finem artis temere comprehendit, dicens esse rhetoricen persuadendi opificem, id est πειθῆς δημιουργόν. Neque enim mihi permiserim eadem uti declinatione,
P 2 ne,

CAP. XV. ne, qua Ennius M. Cethegum Suadæ medullam vocat. Apud Platonem quoque Gorgias in libro qui nomine ejus inscriptus est, idem fere dicit: sed hanc Plato illius opinionem vult accipi, non suam. Cicero pluribus locis scripsit, oratoris officium esse, dicere apposite ad persuadendum. In rhetoricis etiam, quos sine dubio ipse non probat, finem facit persuadere. Verum & pecunia persuadet, & gratia, & auctoritas dicentis, & dignitas, & postremo aspectus etiam ipse sine voce, quo vel recordatio meritorum cujusque, vel facies aliqua miserabilis, vel formæ pulchritudo sententiam dicit. Nam & M. Aquilius defendens Antonius, quum scissâ veste cicatrices quas is pro patria pectore adverso suscepisset, ostendit, non orationis habuit fiduciam, sed oculis populi Romani vim attulit: quem illo ipso aspectu maxime motum in hoc ut absolveret reum, creditum est. Sergium quidem Galbam miseratione sola, qua non suos modo liberos parvulos in concionem produxerat, sed Galli etiam Sulpitij filium suis ipse manibus circumtulera, elapsum esse, cum aliorum monumentis, tum Catonis oratione testatum est. Et Phrynem non Hyperidis actione, quanquam admirabili, sed aspectu corporis, quod illa speciosissimum alioqui, diducta nudaverat tunica, putant periculo liberatam. Quæ si omnia persuadent, non est hic de quo locuti sumus, idoneus finis. Ideoque diligentiores visi sunt sibi, qui cum de rhetorice idem sentirent, existimaverunt eam, vim dicendo persuadendi. Quem finem Gorgias in eodem de quo supra diximus libro, velut coactus a Socrate facit. a quo

quo non dissentit Theodectes, sive ipsius id opus est CAP. XV.
 quod de rhetorice nomine ejus inscribitur; sive, ut
 creditum est, Aristotelis: in quo est, finem esse
 rhetorices, ducere homines dicendo in id quod actor
 velit. Sed ne hoc quidem satis est comprehensum.
 persuadent enim dicendo, vel ducunt in id quod
 volunt alij quoque, ut meretrices, adulatores, cor-
 ruptores. At contra non persuadet semper orator:
 ut interim non sit proprius hic finis ejus; interim
 sit communis cum ijs qui ab oratore procul absunt.
 Atqui non multum ab hoc fine abest Apollodorus,
 dicens judicialis orationis primum & super omnia
 esse persuadere judici, & sententiam ejus ducere in
 id quod velit. Nam & ipse oratorem fortunæ subji-
 cit: ut si non persuaserit, nomen suum retinere
 non possit. Quidam recesserunt ab eventu, sicut
 Aristoteles, qui dicit, *rhetorice est vis inveniendi o-*
mnia in oratione persuasibilia. Qui finis & illud viti-
 um de quo supra diximus, habet: & insuper, quod
 nihil nisi inventionem complectitur, quæ sine elocu-
 tione non est oratio. Hermagoræ, qui finem ejus
 esse ait persuasibiliter dicere, & alijs qui eandem
 sententiam non eisdem tantum verbis explicant, ac
 finem esse demonstrant, dicere quæ oporteat omnia
 ad persuadendum, satis responsum est, cum persua-
 dere non tantum oratoris esse convicimus. Addita
 sunt his alia varie. Quidam enim circa res omnes,
 quidam circa civiles modo versari rhetoricen puta-
 verunt. quorum verius utrum sit, in eo loco qui
 hujus quæstionis proprius est, dicam. Omnia subje-
 cisse oratori videtur Aristoteles, cum dixit, *vim esse*
dicendi quicquid in quaque re possit esse persuasibile. Et

CAP. XV. Patrocles, qui non quidem adjicit, *in quaque re;* sed nihil excipiendo, idem ostendit. *Vim* enim vocat *inveniendi quod sit in oratione persuasibile.* qui fines & ipsi solam complectuntur inventionem. Quod vitium fugiens Theodorus, *vim* putat *inveniendi & eloquendi cum ornatu credibilia in omni oratione.* Sed cum eodem modo credibilia quo persuasibilia etiam non orator inveniat: adjiciendo, *in omni oratione,* magis quam superiores, concedit scelera quoque persuadentibus, pulcherrimæ rei nomen. Gorgias apud Platonem, persuadendi se artificem in judicijs & alijs cœtibus esse ait; de justis quoque & injustis tractare: cui Socrates persuadendi non docendi concedit facultatem. Qui vero non omnia subiciebant oratori, sollicitius ac verbosius, ut necesse erat, adhibuerunt discrimina: quorum fuit Ariston Critolai Peripatetici discipulus, cujus hic finis est, *scientia videndi & agendi in questionibus civilibus per orationem popularis persuasionis.* Hic scientiam, quia Peripateticus est, non ut Stoici, virtutis loco ponit: popularem autem comprehendendo persuasionem, etiam contumeliosus est adversus artem orandi, quam nihil putat doctis persuasuram. Illud de omnibus qui circa civiles demum quæstiones oratorem judicant versari, dictum sit, excludi ab his plurima oratoris officia: illam certe laudativam totam, quæ est rhetorices pars tertia. Cautius Theodorus Gadareus, ut jam ad eos veniamus qui artem quidem esse eam, sed non virtutem, putaverunt. Ita enim dicit (ut ipsis eorum verbis utar qui hoc ex Græco transfulerunt) *Ars inventrix, & judicatrix, & enunciatrix decente ornatu secundum mensuram*
eius

ejus quod in quoque potest sumi persuasibile in materia CAP. XV.
civili. Itemque Cornelius Celsus, qui finem rhetorices ait, *dicere persuasibiliter in dubia, & civili materia.* Quibus sunt non dissimiles, qui ab alijs traduntur; qualis est ille, *Vis videndi & eloquendi de rebus civilibus subjectis sibi, cum quadam persuasione, & quodam corporis habitu, & eorum qua dicit pronuntiatione.* Mille alia, sed aut eadem, aut ex eisdem composita: quibus cum de materia rhetorices dicendum erit, respondebimus. Quidam eam neque vim, neque scientiam, neque artem putaverunt: sed Critolaus usum dicendi: nam hoc *τρησις* significat. Athenæus fallendi artem. Plerique autem dum pauca ex Gorgia Platonis, a prioribus imperite excerpta, legere contenti, neque hoc totum, neque alia ejus volumina evolvunt, in maximum errorem inciderunt: creduntque eum in hac esse opinione, ut rhetoricen non artem, sed *peritiā quandam gratia ac voluptatis* existimet: & alio loco, *civilitatis particula simulacrum, & quartam partem adulationis*: quod duas partes civilitatis corpori assignet, medicinam, & quam interpretantur exercitatricem: duas animo, legalem, atque justitiam. Adulationem autem medicinæ, vocet coquorum artificium: & exercitatricis, mangonum, qui colorem fuco, & verum robur inani sagina mentiantur: legalis, cavillatricem: justitiæ, rhetoricen. Quæ omnia sunt quidem scripta in hoc libro: dictaque a Socrate, cujus persona videtur Plato significare quid sentiat: sed alij sunt ejus sermones ad coarguendos qui contra disputant compositi, quos *ἐλεγκτικῆς* vocant, alii ad præcipiendum, qui *δογματικοὶ* appellantur. Socrates autem, seu Plato,

CAP. XV. to, eam quidem quæ tum exercebatur, rhetoricen, talem putavit. nam & dicit his verbis τῷτον τὸν τρόπον, ὃν ὑμεῖς πολιτεύεσθε. veram autem & honestam intelligit. Itaque disputatio illa contra Gorgiam ita cluditur, ἡκῆν ἀνάγκη τὸν ῥητορικὸν δίκαιον εἶναι, τὸν δὲ δίκαιον βιάσασθαι δίκαια καὶ πράσσειν. Ad quod ille quidem conticescit, sed sermonem suscipit Polus juvenili calore inconsiderator: contra quem illa de simulacro & adulatione dicuntur. Tum Callicles adhuc concitator, qui tamen ad hanc perducitur clausulam, τὸν μέλλοντα ὁρῶν ῥητορικὸν εἶσεσθαι, δίκαιον ἄρα δὲ εἶναι καὶ ἐπισήμονα τῶν δικαίων. ut appareat Platoni non rhetoricen videri malam, sed eam veram nisi iusto ac bono non contingere. Adhuc autem in Phædro manifestius facit hanc artem consummari citra justitiæ quoque scientiam non posse: cui opinioni nos quoque accedimus. An aliter defensionem Socratis, & eorum qui pro patria ceciderant, laudem scripsisset? quæ certe sunt oratoris opera. Sed in illud hominum genus quod facultate dicendi male utebatur, investus est. Nam & Socrates inhonestam sibi credidit orationem, quam ei Lysias reo composuerat: & tum maxime scribere litigatoribus, quæ illi pro se ipsi dicerent, erat moris: atque ita juri, quo non licebat pro altero agere, fraus adhibebatur. Doctores quoque ejus artis parum idonei Platoni videbantur, qui rhetoricen a justitia separarent, & veris credibilia præferrent: nam id quoque dicit in Phædro. Consensisse autem illis superioribus videri potest etiam Cornelius Celsus, cujus hæc verba sunt, *Orator simile tantum veri petit.* Deinde paulo post, *Non enim bona conscientia, sed victoria, litigantis est* pra-

premium. Quæ si vera essent, pessimorum hominum foret, hæc tam pernicioſa nocentiſſimis moribus dare instrumenta, & nequitiam præceptis adjuvare. Sed illi rationem opinionis suæ viderint. Nos autem ingressi formare perfectum oratorem, quem imprimis esse virum bonum volumus, ad eos qui de hoc opere melius sentiunt, revertamur. Rhetoricen autem quidam eandem civilitatem esse judicaverunt: Cicero *scientia civilis partem* vocat. Civilis autem scientia idem quod sapientia est. Quidam etiam philosophiæ. Sed Isocratis huic ejus substantiæ maxime convenit finitio, *Rhetoricen esse bene dicendi scientiam.* Nam & orationis omnes virtutes semel complectitur, & protinus mores etiam oratoris; cum bene dicere non possit nisi vir bonus. Idem valet Chrysippi finis ille ductus a Cleanthe, *scientia recte dicendi.* Sunt plures ejusdem, sed ad alias quæstiones magis pertinent. Idem sentiret finis hoc modo comprehensus, *Persuadere quod oporteat:* nisi quod artem ad exitum alligat. Bene Areus, *Dicere secundum virtutem orationis.* Excludunt a rhetorice malos & illi qui scientiam civilium officiorum eam putaverunt, si scientiam virtutem judicant: sed anguste intraque civiles quæstiones coercent. Albutius non obscurus professor atque auctor, scientiam bene dicendi esse consentit: sed exceptionibus peccat, adjiciendo, *circa civiles quæstiones, & credibiliter.* quarum jam utriusque responsum est. Probabilis & illi voluntatis, qui recte sentire & dicere, rhetorices putaverunt. Hi sunt fere fines maxime illustres, & de quibus præcipue disputatur. Nam omnes quidem persequi, neque attinet, neque possum: cum prævum quoddam

Q

(ut

CAP. XV. (ut arbitror) studium circa scriptores artium exstiterit, nihil eisdem verbis quæ prior aliquis occupasset, finiendi : quæ ambitio præcul aberit a me. Dicam enim non utique quæ invenero, sed quæ placebunt : sicut hoc, *rhetoricen esse bene dicendi scientiam* : cum reperto quod est optimum, qui quærit aliud, pejus velit. His approbatis, simul manifestum est illud quoque, quem finem, vel quid summum & ultimum habeat rhetorice, quod τέλοϛ dicitur, ad quod omnis ars tendit : nam si est ipsa bene dicendi scientia ; finis ejus & summum est bene dicere.

CAP. XVI SEQUITUR quæstio, an utilis rhetorice ? Nam quidam vehementer in eam invehi solent : &, quod sit indignissimum, in accusationem orationis utuntur orandi viribus : eloquentiam esse quæ poenis eripiat scelerstos ; cujus fraude damnentur interim boni : consilia ducantur in pejus : nec seditiones modo turbæque populares, sed bella etiam inexpugnabilia excitentur : cujus denique tum maxime sit usus, cum pro falsis contra veritatem valet. Nam & Socrati objiciunt comici, docere eum quomodo pejorem causam meliorem faciat : & contra Tisiam & Gorgiam similia dicit polliceri Plato. Et his adjiciunt exempla Græcorum Romanorumque, & enumerant qui perniciosæ, non singulis tantum, sed rebus etiam publicis, usi eloquentia, turbaverint civitatum status, vel everterint : eoque & Lacedæmoniorum civitate expulsam : & Athenis quoque, ubi actor movere affectus vetabatur, velut recisam orandi potestatem. Quo quidem modo nec duces
erunt

erunt utiles , nec magistratus , nec medicina , nec CAP. XVI
ipsa denique sapientia. Nam & dux Flaminius , &
Grachi , Saturnini , Glauciae magistratus , & in me-
dicis venena , & in ijs qui philosophorum nomine
male utuntur , gravissima nonnunquam flagitia de-
prehensa sunt. Cibos aspernemur , attulerunt saepe
valetudinis causas. Nunquam tecta subeamus , su-
per habitantes aliquando procumbunt. Non fabri-
cetur militi gladius , potest uti eodem ferro latro.
Quis nescit ignes , aquas , sine quibus nulla sit vita ,
& (ne terrenis immorer) solem lunamque praecipua
siderum , aliquando etiam nocere ? Num igitur ne-
gabitur deformem Pyrrhi pacem caecus ille Appius
dicendi viribus diremisse ? Aut non divina M. Tullij
eloquentia & contra leges Agrarias popularis fuit ,
& Catilinae fregit audaciam , & supplicationes , qui
maximus honor victoribus bello ducibus datur , in
toga meruit ? Nonne perterritos militum animos fre-
quenter a metu revocat oratio , & tot pugnandi
pericula ineuntibus , laudem vita potiore esse per-
suadet ? Neque vero me Lacedaemonij atque Athe-
nienses magis moverint , quam populus Romanus ,
apud quem summa semper oratoribus dignitas fuit.
Equidem nec urbium conditores reor aliter effectu-
ros fuisse , ut vaga illa multitudo coiret in populos ,
nisi docta voce commota : nec legum repertores si-
ne summa vi orandi consecutos , ut se ipsi homines
ad servitutem juris adstringerent. Quin ipsa vitae
praecepta , etiamsi natura sunt honesta , plus tamen
ad formandas mentes valent , quoties pulchritudi-
nem rerum claritas orationis illuminat. Quare etiamsi
in utramque partem valent arma facundiae , non ta-

Q 2

men

CAP. XVI men est æquum id haberi malum , quo bene uti licet. Verum hæc apud eos forsitan quærantur , qui summam rhetorices ad persuadendi vim retulerunt. Si vero est bene dicendi scientia , quem nos finem sequimur , ut sit orator inprimis vir bonus : utilem certe eam esse confitendum est. Et hercle deus ille princeps parens rerum , fabricatorque mundi , nullo magis hominem separavit a cæteris , quæ quidem mortalia essent , animalibus , quam dicendi facultate. Nam corpora quidem magnitudine , viribus , firmitate , patientia , velocitate præstantiora in illis mutis videmus ; eadem minus egere acquisitæ extrinsecus opis : nam & ingredi citius , & pasci , & tranare aquas citra docentem natura ipsa sciunt. Et pleraque contra frigus ex suo corpore vestiuntur , & arma his ingenua quædam , & ex obvio fere victus : circa quæ omnia multus hominibus labor est. Rationem igitur nobis præcipuam dedit , ejusque nos socios esse cum dis immortalibus voluit. Sed ipsa ratio neque tam nos juvaret , neque tam esset in nobis manifesta , nisi quæ concepissemus mente , promere etiam loquendo possemus : quod magis deesse cæteris animalibus , quam intellectum & cogitationem quandam videmus. Nam & moliri cubilia , & nidos texere , & educare fœtus , & excludere , quin etiam reponere in hyemem alimenta ; opera quædam nobis inimitabilia , qualia sunt cerarum & mellis , efficere , nonnullius fortasse rationis est : sed quia carent sermone quæ id faciunt , muta atque irrationabilia vocantur. Denique homines quibus negata vox est , quantum adjuvat animus ille cœlestis. Quare si nihil a dijs oratione melius accepimus , quid
tam

tam dignum cultu ac labore ducamus , aut in quo CAP. XVI
malimus præstare hominibus , quam quo ipsi homi-
nes cæteris animalibus præstant ? Eo quidem ma-
gis , quod nulla in parte plenius labor gratiam re-
fert. Id eo manifestum erit , si cogitaverimus , un-
de , & quousque jam provecta sit orandi facultas , &
adhuc augeri potest. Nam ut omittam , defendere
amicos , regere consilijs senatum , populum , exerci-
tum in quæ velit ducere , quam sit utile , conveni-
atque bono viro : nonne pulchrum vel hoc ipsum
est , ex communi intellectu , verbisque quibus utun-
tur omnes , tantum assequi laudis & gloriæ , ut non
loqui & orare , sed quod Pericli contigit , fulgurare
ac tonare videaris ?

FINIS non erit , si exspatiari parte in hac , & CAP. XVII.
indulgere voluptati velim. Transeamus igitur ad
eam quæstionem quæ sequitur , an rhetorice ars sit ?
Quod quidem adeo ex ijs qui præcepta dicendi tra-
diderunt , nemo dubitavit , ut etiam ipsis librorum
titulis testatum sit scriptos eos de arte rhetorica :
Cicero vero etiam quæ rhetorice vocetur , esse ar-
tificiofam eloquentiam dicat. Quod non oratores
tantum vindicarunt , ut studijs aliquid suis præsti-
tisse videantur : sed cum his philosophi & Stoici &
Peripatetici plerique consentiunt. Ac me dubitasse
confiteor , an hanc partem quæstionis tractandam
putarem. nam quis est adeo non ab eruditione mo-
do , sed a sensu remotus hominis , ut fabricandi
quidem , & texendi , & e luto vasa ducendi artem
putet : rhetoricen autem , maximum ac pulcherri-
mum (ut supra diximus) opus , in tam sublime fa-
stigium

CAP.
XVII.

stigium existimet sine arte venisse ? Equidem illos qui contra disputaverunt , non tam id sensitse quod dicerent , quam exercere ingenia materiæ difficultate credo voluisse : sicut Polycratem cum Busiridem laudaret , & Clytemnestram : quanquam is , quod his dissimile non esset , composuisse orationem quæ est habita contra Socratem , dicitur. Quidam naturalem esse rhetoricen volunt , & tamen adjuvari exercitatione non diffitentur : ut in libro Ciceronis de Oratore dicit Antonius , observationem quandam esse , non artem. Quod non ideo , ut pro vero accipiamus , est positum ; sed ut Antonij persona servetur , qui dissimulator artis fuit. Hanc autem opinionem habuisse Lysias videtur : cujus sententiæ talis defensio est , quod indocti & barbari & servi pro se cum loquuntur , aliquid dicant simile principio , narrent , probent , refutent , & (quod vim habeat epilogi) deprecentur. Deinde adjiciunt illas verborum cavillationes , Nihil quod ex arte fiat , ante artem fuisse : atqui dixisse homines pro se , & in alios semper : doctores artis , sero jam & circa Tisiam & Coracæ primum repertos. orationem igitur ante artem fuisse , eoque artem non esse. Nos porro quando cœperit hujus rei doctrina , non laboramus : quanquam apud Homerum , & præceptorem Phœnicem tum agendi tum etiam loquendi , & oratores plures , & omne , in tribus , orationis genus , & certamina quoque proposita eloquentiæ inter juvenes , invenimus : quin in cælatura clypei Achillis & lites sunt & actores. Illud admonere satis est , omnia quæ ars consummaverit , a natura initia duxisse : aut tollatur medicina , quæ ex observatione salubrium atque his contrario-

triorum reperta est, & ut quibusdam placet, tota constat experimentis. Nam & vulnus deligavit aliquis, antequam hæc ars esset: & febrem quiete & abstinentia, non quia rationem videbat, sed quia id valetudo ipsa coegerat, mitigavit. Nec fabrica sit ars: casus enim primi illi sine arte fecerunt. Nec musica: cantatur ac saltatur per omnes gentes aliquo modo. Ita si rhetorice vocari debet sermo quicumque, fuisse eam antequam esset ars, confitebor. Si vero non quisquis loquitur, orator est, & tum non tanquam oratores loquebantur; necesse est oratorem factum arte, nec ante artem fuisse, fateantur. Quo illud quoque excluditur quod dicunt, non esse artis id quod faciat qui non didicerit: dicere autem homines & qui non didicerunt. Ad cuius rei confirmationem afferunt Demadem remigem & Æschinem hypocriten oratores fuisse falso. Nam neque orator esse qui non didicit, potest: & hos sero potius quam nunquam didicisse quis dixerit: quanquam Æschines ab initio sit versatus in literis, quas pater ejus etiam docebat: Demadem neque non didicisse certum sit, & continua dicendi exercitatio potuerit tantum, quantuscunque postea fuit, fecisse. Nam id potentissimum discendi genus est. Sed & præstantiorem, si didicisset, futurum fuisse dicere licet. Neque enim orationes scribere est ausus, ut eum multum valuisse in dicendo sciamus. Aristoteles, ut solet, quærendi gratia, quædam subtilitatis suæ argumenta excogitavit in Gryllo: sed idem & de arte rhetorica tres libros scripsit, & in eorum primo non artem solum eam fatetur, sed ei particulam civilitatis, sicut Dialecticis,

CAP. cis, assignat. Multa Critolaus contra, multa Rho-
XVII. dius Athenodorus. Agnon quidem detraxit sibi inscriptione ipsa fidem, qua rhetorices accusationem professus est. Nam de Epicuro, qui disciplinas omnes fugit, nihil miror. Hi complura dicunt, sed ex paucis locis ducta. Itaque potentissimis eorum breviter occurram, ne in infinitum quaestio evadat. Prima his argumentatio ex materia est. Omnes enim artes ajunt habere materiam; quod est verum: rhetorices nullam esse propriam; quod esse falsum in sequentibus probabo. Altera est calumnia, nullam artem falsis assentiri opinionibus, quia constitui sine praeeptione non possit, quæ semper vera sit: rhetorices assentiri falsis: non esse igitur artem. Ego rhetorices nonnunquam dicere falsa pro veris confitebor, sed non ideo in falsa quoque opinione, concedam: quia longe diversum est, ipsi quid videri, & ut alij videatur, efficere. nam & imperator falsis utitur sæpe: ut Hannibal, cum inclusus a Fabio, sarmentis circum cornua bouum deligatis incensisque, per noctem in adversos montes agens armenta, speciem hosti abeuntis exercitus dedit; sed illum fefellit: ipse quid verum esset, non ignoravit. Nec vero Theopompus Lacedæmonius, cum permutato cum uxore habitu e custodia ut mulier evasit, falsam de se opinionem habuit, sed custodibus præbuit. Item orator cum falso utitur pro vero, scit esse falsum, eoque se pro vero uti: non ergo falsam habet ipse opinionem, sed fallit alium. Nec Cicero cum se tenebras offudisse iudicibus in causa Cluentii gloriatus est, nihil ipse vidit. Et pictor cum vi artis suæ efficit ut quædam eminere in opere,

re, quædam recessisse credamus, ipse ea plana esse non nescit. Ajunt etiam, omnes artes habere finem aliquem propositum, ad quem tendant: hunc modo nullum esse in rhetorice, modo non præstari eum qui promittatur. mentiuntur. Nos esse finem jam ostendimus, & quis esset diximus. Præstabit hunc semper orator, semper enim bene dicet. Firmum autem hoc quod opponitur, adversus eos fortasse sit, qui persuadere finem putaverunt. Noster orator atque a nobis finita, non sunt posita in eventu. Tendit quidem ad victoriam qui dicit: sed cum bene dixit, etiamsi non vincat, id quod arte continetur, effecit. Nam & gubernator vult salva nave in portum pervenire: si tamen tempestate fuerit abreptus, non ideo minus erit gubernator, dicetque, notum illud, *Dum clavum rectum teneam*. Et medicus sanitatem ægri petit; si tamen aut valetudinis vi, aut intemperantia ægri, aliove quo casu summa non contingit, dum ipse omnia secundum rationem fecerit, medicinæ fine non excidit. Ita oratori bene dixisse finis est. Nam est ars ea, ut post paululum clarius ostendemus, in actu posita, non in effectu. Ita falsum erit illud quoque quod dicitur, Artes scire quando sint finem consecutæ, rhetoricen nescire. Nam se quisque bene dicere intelligit. Uti etiam vitis rhetoricen, quod ars nulla faciat, criminantur: quia & falsum dicat, & affectus moveat. Quorum neutrum est turpe, cum ex bona ratione profiscitur: ideoque nec vitium. Nam & mendacium dicere, etiam sapienti aliquando concessum est: & affectus, si aliter ad æquitatem perducere judex non poterit, necessario movebit orator. Imperiti enim

R

judi-

CAP.
XVII.

judicant, & qui frequenter in hoc ipsum fallendi sunt, ne errent. Nam si mihi sapientes iudices dentur, sapientum conciones, atque omne concilium, nihil invidia valeat, nihil gratia, nihil opinio praesumpta, falsique testes; perquam sit exiguus eloquentiae locus, & prope in sola delectatione ponatur. Sin & audientium mobiles animi, & tot malis obnoxia veritas: arte pugnandum est; & adhibenda quae profunt. Neque enim qui recta via depulsus est, reduci ad eam nisi alio flexu potest. Plurima vero ex eo contra rhetoricen cavillatio est, quod ex utraque causae parte dicatur. Inde haec, Nullam esse artem sibi contrariam, rhetoricen esse contrariam sibi. Nullam artem destruere quod effecerit, accidere hoc rhetorices operi. Item, aut dicenda eam docere, aut non dicenda: itaque vel per hoc non esse artem, quod non dicenda praecipiat: vel per hoc, quod cum dicenda praeeperit, etiam contraria his doceat. Quae omnia apparet de ea rhetorice dici, quae sit a bono viro atque ab ipsa virtute sejuncta: alioquin ubi injusta causa est, ibi rhetorice non est: adeo ut vix admirabili quodam casu possit accidere, ut ex utraque parte orator, id est vir bonus dicat. Tamen quoniam hoc quoque in rerum naturam cadit, ut duos sapientes aliquando justae causae in diversum trahant, quando etiam pugnatueros eos inter se, si ratio ita duxerit, credunt, respondebo propositis: atque ita quidem, ut appareat haec adversus eos quoque frustra exco-gitata, qui malis moribus nomen oratoris indulgent. Nam rhetorice non est contraria sibi. Causa enim cum causa, non illa secum ipsa componitur. Nec si
pugnent

CAP.
XVII.

qui intervalla siderum, & mensuras solis ac terræ colligunt: disciplinam tamen suam, artem vocant. Quod si ratio efficit, ut hæc non opinari, sed propter vim probationum scire videantur; eadem ratio idem præstare oratori potest. Sed an causa vera sit, nescit: Ne medicus quidem, an dolorem capitis habeat qui hoc se pati dicet: curabit tamen tanquam id verum sit, & erit ars medicina. Quid? quod rhetorice non utique propositum habet semper vera dicendi, sed semper verisimilia: scit autem esse verisimilia quæ dicit. Adjiciunt his qui contra sentiunt, quod sæpe quæ in aliis litibus impugnarunt actores causarum, eadem in aliis defendant. Quod non artis, sed hominis est vitium. Hæc sunt præcipua quæ contra rhetorice dicantur: alia & minora, & tamen ex his fontibus derivata. Confirmatur autem eam esse artem breviter. Nam sive (ut Cleanthes voluit) *ars est potestas via id est, ordine efficiens*; esse certe viam atque ordinem in bene dicendo nemo dubitaverit: sive ille ab omnibus fere probatus finis observatur, artem constare ex præceptionibus consentientibus & coexercitatis ad finem vitæ utilem: jam ostendimus nihil non horum in rhetorice inesse. Quid quod & inspectione, & exercitatione, ut artes ceteræ, constat? Nec potest ars non esse, si ars est dialectice, quod fere constat; cum ab ea specie magis quam genere differat. Sed nec illa omittenda sunt, qua in re alius se inartificialiter, alius artificialiter gerat, in ea esse artem: & in eo quod qui didicerit, melius faciat, quam qui non didicerit, esse artem. Atqui non solum doctus indoctum, sed etiam doctior doctum in

rhetor-

rhetorices opere superabit ; neque essent ejus aliter tam multa præcepta , tamque magni qui docerent. Id quod cum omnibus confitendum est , tum nobis præcipue qui rationem dicendi a bono viro non separamus.

C A P.
XVII.

CUM sint autem artium aliæ positæ in inspectione , id est cognitione & æstimatione rerum , qualis est Astrologia , nullum exigens actum , sed ipso rei cujus studium habet , intellectu contenta , quæ θεωρητικὴ vocatur : aliæ in agendo , quarum in hoc finis est , & ipso actu perficitur , nihilque post actum operis relinquit , quæ πρακτικὴ dicitur , qualis est saltatio : aliæ in effectû , quæ operis quod oculis subjicitur , consummatione finem accipiunt , quam ποιητικὴ appellamus , qualis est pictura : fere judicandum est rhetoricen in actu consistere. Hoc enim quod est officii sui perficit : atque ita ab omnibus dictum est. Mihi autem videtur etiam ex illis cæteris artibus multum assumere. Nam & potest aliquando ipsa res per se inspectione esse contenta. Ernit enim rhetorice in oratore etiam tacente : & si defuerit agere , vel proposito vel aliquo casu impeditus , non magis desinet esse orator , quam medicus , qui curandi fecerit finem. Nam est aliquis , ac nescio an maximus etiam ex secretis studiis fructus , ac tum pura voluptas literarum , cum ab actu , id est opere recesserunt , & contemplatione sui fruuntur. Sed effective quoque aliquid simile scriptis orationibus , vel historiis (quod ipsum opus in parte oratoria merito ponimus) consequetur. Si tamen una ex tribus artibus habenda sit , quia maximus

C A P.
XVIII.

R 3

ejus

ejus usus actu continetur, atque est in eo frequentissima, dicatur activa, vel administrativa. Nam & hoc ejusdem rei nomen est.

CAP.
XIX.

SCIO quæri etiam, naturane plus ad eloquentiam conferat, an doctrina. Quod ad propositum quidem nostri operis nihil pertinet: neque enim consummatus orator nisi ex utraque fieri potest: plurimum tamen referre arbitror, quam esse in hoc loco quæstionem velimus. Nam si parti utrilibet omnino alteram detrahas, natura etiam sine doctrina multum valebit, doctrina nulla esse sine natura poterit. Sin ex pari coeant, in mediocribus quidem utrisque majus adhuc naturæ credam esse momentum, consummatos autem plus doctrinæ debere quam naturæ putabo, sicut terræ nullam fertilitatem habenti, nihil optimus agricola profuerit: e terra uberi utile aliquid etiam nullo colente nascitur. At in solo fecundo plus cultor quam ipsa per se bonitas soli efficiet. Et si Praxiteles signum aliquod ex molari lapide conatus esset exculpere, Parium marmor mallet rude: at si illud idem artifex expolisset, plus in manibus fuisset, quam in marmore. Denique natura materiæ, ars doctrinæ est. hæc fingit, illa fingitur. Nihil ars sine materia: materia etiam sine arte pretium est. Ars summa, materia optima melior.

CAP.
XX.

ILLA quæstio est major, an ex mediis artibus, quæ neque laudari per se, neque vituperari possunt, sed utiles aut secus secundum mores utentium sunt, habenda sit rhetoricæ: an sit, ut compluribus

pluribus etiam philosophorum placet, virtus. Equidem illud quod in studiis dicendi plerique exercuerunt & exercent, aut nullam artem, quæ *ἀρετή* nominatur, puto; (multos enim video, sine ratione, sine literis, qua vel impudentia vel fames duxit, ruentes) aut malam quasi artem quam *κακοτέχνη* dicimus. Nam & fuisse multos, & esse nonnullos existimo, qui facultatem dicendi ad hominum perniciem converterunt. *Ματαιοδρεξία*, quoque est quedam, id est supervacua artis imitatio, quæ nihil sane neque boni neque mali habeat, sed vatum laborem: qualis illius fuit qui grana ciceris ex spatio distante missa, in acum continuo & sine frustratione inferebat: quem cum spectasset Alexander, donasse dicitur ejusdem leguminis modio. quod quidem præmium fuit illo opere dignissimum. His ego comparandos existimo, qui in declamationibus, quas esse veritati dissimillimas volunt, ætatem multo studio ac labore consumunt. Verum hæc quam instituere conamur, & cujus imaginem animo concepimus, quæ bono viro convenit, quæque est vera rhetorice, virtus erit. Quod philosophi quidem multis & acutis conclusionibus colligunt: mihi vero etiam planiore hac proprieque nostra probatione videtur esse perspicuum. Ab illis hæc dicuntur; Si consonare sibi in faciendis ac non faciendis, virtus est, quæ pars ejus prudentia vocatur. Eadem in dicendis ac non dicendis erit: Et si virtutes sunt, ad quas nobis etiam ante quam doceremur, initia quædam ac semina sunt concessa natura; ut ad *justitiam*, cujus rusticis quoque ac barbaris apparet aliqua imago: nos certe sic esse ab initio formatos, ut pos-

CAP.
XX

ut possimus orare pro bonis, etiamsi non perfecte; tamen ut inessent quædam (ut dixi) semina ejus facultatis, manifestum est. Non eadem autem his natura artibus est, quæ a virtute sunt remotæ: Itaque cum duo sint genera orationis, altera perpetua, quæ rhetorice dicitur: altera concisa, quæ dialectice: quas quidem Zenon adeo conjunxit, ut hanc compressæ in pugnum manus, illam explicitæ diceret similem, etiam disputatrix virtus erit: adeo de hac, quæ speciosior atque apertior tanto est, nihil dubitabitur. Sed plenius hoc idem atque apertius intueri ex ipsis operibus volo. Nam quid orator in laudando faciet, nisi honestorum ac turpium peritus? aut in suadendo, nisi utilitate perspecta? aut in judiciis, si justitiæ sit ignarus? Quid? non fortitudinem postulat res eadem, cum sæpe contra turbulentas populi minas, sæpe cum periculosa potentium offensâ, nonnunquam, ut in judicio Miloniano, inter circumfusa militum arma dicendum sit? ut si virtus non est, nec perfecta quidem esse possit oratio. Quod si ea in quoque animalium est virtus, quæ præstat cætera vel pleraque, ut in leone impetus, in equo velocitas: hominem porro ratione atque oratione excellere cæteris certum est: cur non tam in eloquentia, quam in ratione virtutem ejus esse credamus? Recteque hoc apud Ciceronem disserit Crassus. Est enim eloquentia una quædam de summis virtutibus. Et ipse Cicero in sua persona, cum ad Brutum in epistolis, tum aliis etiam locis, virtutem eam appellat. At proœmium aliquando & narrationem dicit malus homo, & argumenta; sic, ut nihil sit in his requirendum. Nam & latro ruginabit

gnabit acriter, virtus tamen erit fortitudo : & tormenta sine gemitu feret malus servus, tolerantia tamen doloris laude sua non carebit. Multa fiunt eadem, sed aliter. Sufficiant igitur hæc, quia de utilitate supra tractavimus.

MATERIAM rhetorices quidam dixerunt esse orationem ; qua in sententia ponitur apud Platonem Gorgias. Quæ si ita accipitur ut sermo quacunque de re compositus dicatur oratio, non materia, sed opus est : ut statuarii statua. nam & oratio efficitur arte, sicut statua. Sin hac appellatione verba ipsa significari putamus, nihil hæc sine rerum substantia faciunt. Quidam argumenta persuasibilia : quæ & ipsa in parte sunt operis, & arte fiunt, & materia egent. Quidam civiles quæstiones : quorum opinio non qualitate, sed modo erravit. Est enim hæc materia rhetorices, sed non sola. Quidam, quia virtus sit rhetorice, materiam ejus totam vitam vocant. Alij, quia non omnium virtutum materia sit tota vita, sed pleræque earum versentur in partibus, sicut justitia, fortitudo, continentia, proprijs officijs & suo fine intelliguntur : rhetorice quoque dicunt in una aliqua parte ponendam : eique locum ethice negotialem assignant, id est, *πραγμα-
τικόν*. Ego (neque id sine auctoribus) materiam esse rhetorices judico, omnes res quæcunque ei ad dicendum subjectæ erunt. Nam Socrates apud Platonem dicere Gorgiæ videtur, non in verbis esse materiam, sed in rebus. Et in Phædro palam, non in judicij modo & concionibus, sed in rebus etiam p*ri*vatis ac domesticis rhetorice esse demonstrat.

S

Quo ma-

CAP.
XXI

CAP.
XXI.

Quo manifestum est hanc opinionem ipsius Platonis fuisse. Et Cicero quodam loco materiam rhetorices vocat *res qua subjecta sunt ei*, sed certas demum putat esse subjectas. Alio vero, de omnibus rebus oratori dicendum arbitratur, his quidem verbis, *Quaquam vis oratoris, professioque ipsa bene dicendi hoc suscipere ac polliceri videatur, ut omni de re, quaunque sit proposita, ornate ab eo copioseque dicatur. Atque adhuc alibi, Venum enim oratori, quae sunt in hominum vita (quandoquidem in ea versatur orator, atque ea est ei subjecta materia) omnia quae sita, audita, lecta, disputata, tractata, agitata esse debent.* Hanc autem quam nos materiam vocamus, id est res subjectas, quidam modo infinitam, modo non propriam rhetorices esse dixerunt: eamque artem *circumcurantem* vocaverunt, quod in omni materia diceret. Cum quibus mihi minima pugna est. Nam de omni materia dicere eam fatentur: propriam habere materiam, quia multiplicem habeat, negant. Sed neque infirma est, etiam si est multiplex: & aliae quoque artes minores habent multiplicem materiam, velut architectonicae. Namque ea in omnibus quae sunt aedificio utilia, versatur. Et calatura, quae auro, argento, aene, ferro, opera efficit. Nam sculptura etiam lignum, ebur, marmor, vitrum, gemmas, praeter ea quae supra dixi, complectitur. Neque protinus non est materia rhetorices, si in eadem versatur & alius. Nam si quaram quae sit materia stamarij, dicetur ars: si quaram quae sit excusoris, id est, ejus fabricae quam Graeci *χαλκουργία* vocant, similiter res esse respondeant. Atqui plurimum a statoris differant vasa. Nec medicina ideo non erit ars,

ars, quia unctio & exercitatio cum palæstrica, ciborum vero qualitas etiam cum coquorum ei sit arte communis. Quod vero de bono, utili, justo disserere, philosophiæ officium esse dicunt, non obstat. Nam cum philosophum dicunt, hoc accipi volunt, virum bonum. Cur igitur oratorem, quem à bono viro non separo, in eadem materia versari mirer? cum præsertim primo libro jam ostenderim, philosophos omissem hanc ab oratoribus partem occupasse, quæ rhetorices propria semper fuisset, ut illi potius in nostra materia versentur. Denique cum sit dialectices materia de rebus subjectis disputare, sit autem dialectices oratio concisa, cur non eadem perpetuæ quoque materia videatur? Solet a quibusdam & illud poni, *Omnium igitur artium peritus erit orator, si de omnibus ei dicendum est.* Possem hic Ciceronis respondere verbis, apud quem hoc invenio, *Mea quidem sententia nemo esse poterit omni laude cumulatus orator, nisi erit omnium rerum magnarum atque artium scientiam consecutus.* sed mihi satis est, ejus esse oratorem rei, de qua dicit, non incertum. Neque enim omnes causas novit, & debet posse de omnibus dicere. De quibus ergo dicet? de quibus didicit. Similiter de artibus quoque, de quibus dicendum erit, incertum dicet: & de quibus didicerit, dicet. Quid ergo? non aut faber de fabrica melius, aut de musice musicus? Si nesciat orator quid sit de quo quæritur, plane melius. Nam & litigator rusticus illiteratusque de causa sua melius quam orator, qui nescit quid in lite sit, dicet: sed accepta à musico, à fabro, sicut à litigatore, melius orator quam ipse qui docuerit. Verum &

CAP. XXI faber cum de fabrica, & musicus cum de musica, si quid confirmationem desideraverit, dicet; non erit quidem orator, sed faciet illud quasi orator: sicut cum vulnus imperitus deligabit, non erit medicus, sed faciet ut medicus. An huiusmodi res nec in laudem, nec in deliberationem, nec in iudicium veniunt? Ergo cum de faciendo portu Hostiensi deliberatum est, non debuit dicere sententiam orator? Atqui opus erat ratione architectorum. Livores & tumores in corpore, cruditatis an veneni signa sint, non tractat orator? At est id ex ratione medicinæ. Circa mensuras & numeros non versabitur? Dicamus has geometriæ esse partes. Equidem omnia fere posse credo casu aliquo venire in officium oratoris: quod si non accidet, non erunt ei subiecta. Ita sic quoque recte diximus materiam rhetorices esse omnes res ad dicendum ei subiectas; quod quidem probat etiam sermo communis. Nam cum aliquid de quo dicamus acceperimus, positam nobis esse materiam frequenter etiam præfatione testamur. Gorgias quidem adeo rhetori de omnibus putavit esse dicendum, ut se in auditoriis interrogari pateretur, qua quisque de re vellet. Hermagoras quoque dicendo materiam esse in causa & in quæstionibus, omnes res subiectas erat complexus. Sed quæstiones si negat ad rhetorice pertinere, dissentit a nobis: si autem ad rhetorice pertinent, ab hoc quoque adjuvamus. Nihil est enim quod non in causam aut quæstionem cadat. Aristoteles tres faciendo partes orationis, iudicialem, deliberativam, demonstrativam, pene & ipse

ipse oratori subjecit omnia. nihil enim non in
hæc cadit. Quæsitum a paucissimis etiam de in-
strumento est. Instrumentum voco, sine quo for-
mari materia, & in id quod velimus effici opus
non possit. Verum hoc ego non artem credo
egere, sed artificem. Neque enim scientia deside-
rat instrumentum, quæ potest esse consummata,
etiamsi nihil faciat; sed ille artifex, ut cælator
cælum, & pictor penicilla. Itaque hæc in eum
locum quo de oratore dicturi sumus, differamus.

CAP. XXI

M. FA-

CAP. XXI faber cum de fabrica, & musicus cum de musica, si quid confirmationem desideraverit, dicet; non erit quidem orator, sed faciet illud quasi orator: sicut cum vulnus imperitus deligabit, non erit medicus, sed faciet ut medicus. An huiusmodi res nec in laudem, nec in deliberationem, nec in iudicium veniunt? Ergo cum de faciendo portu Hostiensi deliberatum est, non debuit dicere sententiam orator? Atqui opus erat ratione architectorum. Livores & tumores in corpore, cruditatis an veneni signa sint, non tractat orator? At est id ex ratione medicinæ. Circa mensuras & numeros non versabitur? Dicamus has geometriæ esse partes. Equidem omnia fere posse credo casu aliquo venire in officium oratoris: quod si non accidet, non erunt ei subjecta. Ita sic quoque recte diximus materiam rhetorices esse omnes res ad dicendum ei subjectas; quod quidem probat etiam sermo communis. Nam cum aliquid de quo dicamus acceperimus, positam nobis esse materiam frequenter etiam præfatione testamur. Gorgias quidem adeo rhetori de omnibus putavit esse dicendum, ut se in auditoriis interrogari pateretur, qua quisque de re vellet. Hermagoras quoque dicendo materiam esse in causa & in quæstionibus, omnes res subjectas erat complexus. Sed quæstiones si negat ad rhetorice pertinere, dissentit a nobis: si autem ad rhetorice pertinent, ab hoc quoque adjuvamus. Nihil est enim quod non in causam aut quæstionem cadat. Aristoteles tres faciendo partes orationis, iudicialem, deliberativam, demonstrativam, pene & ipse

ipse oratori subjecit omnia. nihil enim non in hæc cadit. Quæsitum a paucissimis etiam de instrumento est. Instrumentum voco, sine quo formari materia, & in id quod velimus effici opus non possit. Verum hoc ego non artem credo egere, sed artificem. Neque enim scientia desiderat instrumentum, quæ potest esse consummata, etiamsi nihil faciat; sed ille artifex, ut cælator cælum, & pictor penicilla. Itaque hæc in eum locum quo de oratore dicturi sumus, differamus.

CAP. XXI

M. FA-

M. FABII QUINCTILIANI
DE

Institutione Oratoria

LIBER III.

CAP. I.

QUONIAM in libro secundo quæsitum est quid esset rhetorice, & quis finis ejus; artem quoque eam esse, & utilem, & virtutem, ut vires nostræ tulerunt, ostendimus: materiamque ei res omnes de quibus dicere oporteret, subjecimus: jam hinc, unde cœperit, quibus constet, quo quæque in ea modo invenienda atque tractanda sint, exequar. Intra quem modum plerique scriptores artium constitierunt, adeo ut Apollodorus contentus solis judicialibus fuerit. Nec sum ignarus, hoc a me præcipue, quod hic liber inchoat, opus, studiosos ejus desiderasse, ut inquisitione opinionum, quæ diversissimæ fuerunt, longe difficillimum, ita nescio an minime legentibus futurum voluptati: quippe quod prope nudam præceptorum traditionem desideret. In cæteris enim admiscere tentavimus aliquid nitoris, non jactandi ingenii gratia (namque in id eligi materia poterat uberior) sed ut hoc ipso alliceremus magis juventutem ad cognitionem eorum quæ necessaria studiis arbitramur.

mur, si ducti jucunditate aliqua lectionis, libentius discerent ea, quorum ne jejuna atq; arida traditio averteret animos, & aures præsertim tam delicatas raderet, verebatur. qua ratione se Lucretius dicit præcepta philosophiæ carmine esse complexum. namque hac, ut est notum, similitudine utitur:

Ac veluti pueris absynthia tetra medentes

Cum dare conantur, prius oras pocula circum

Aspirant mellis dulci flavoque liquore. & quæ sequuntur. Sed nos veremur ne parum hic liber mellis, & absynthii multum habere videatur, sitque salubrior studiis quam dulcior. Quin etiam hoc timeo, ne ex eo minorem gratiam inear, quod pleraque non inventa per me, sed ab alijs tradita, continebit: habeat etiam quosdam qui contra sentiant & adversentur, propterea quod plurimi auctores quamvis eodem tenderent, diversas tamen vias munierunt, atque in suam quisque duxit sequentes. Illi autem probant quaecunque ingressi sunt iter: nec facile inculcatas pueris persuasiones mutaveris, quia nemo non didicisse mavult, quam discere. Est autem, ut procedente libro patebit, infinita dissensio auctorum, primo ad ea quæ rudia atque imperfecta adhuc erant, adjicientibus quod invenissent scriptoribus: mox, ut aliquid sui viderentur afferre, etiam recta mutantibus. Nam primus post eos quos poetæ tradiderunt, movisse aliqua circa rhetoricen Empedocles dicitur. Artium autem scriptores antiquissimi, Corax & Tisias Siculi: quos *insecutus est* vir ejusdem insulæ Gorgias Leontinus, Empedoclis (ut traditur) discipulus. Is beneficio longissimæ ætatis (nam centum & novem vixit annos),

C A P. I.

CAP. I. nos) cum multis simul floruit: ideoque & illorum, de quibus supra dixi, fuit æmulus, & ultra Socratem usque duravit. Thrasymachus Chalcedonius cum hoc, & Prodicus Cejus, & Abderites Protagoras, a quo decem millibus denariorum didicisse artem quam edidit, Euathlus dicitur; & Hippias Eleus, & quem Palamedem Plato appellat, Alcidamus Eleates. Antiphon quoque & orationem primus omnium scripsit, & nihilominus artem & ipse composuit, & pro se dixisse optime est creditus: etiam Pylocrates, a quo scriptam in Socratem diximus orationem: & Theodorus Byzantius, ex ijs & ipse quos Plato appellat λογοδαίδαις. Horum primi communes locos tractasse dicuntur, Protagoras, Gorgias, Prodicus, & Thrasymachus. Cicero in Bruto negat ante Periclem scriptum quicquam quod ornatum oratorium habeat: ejus aliqua ferri. Equidem non reperio quicquam tanta eloquentiæ fama dignum: ideoque minus miror esse qui nihil ab eo scriptum putent: hæc autem quæ feruntur, ab alijs esse composita. His succedere multi, sed clarissimus Gorgiæ auditorum, Isocrates, quanquam de præceptore ejus inter auctores non convenit. nos autem Aristoteli credimus. Hinc velut diversæ secari cœperunt viæ. Nam & Isocratis præstantissimi discipuli fuerunt in omni studiorum genere: eoque jam seniore (octavum enim & nonagesimum implevit annum) postmeridianis scholis Aristoteles præcipere artem oratoriam cœpit, noto quidem illo (ut traditur) versu ex Philocteta frequenter usus.

Λογὸν σιωπᾶν μὲν, καὶ Ἰσοκράτην ἔαν λέγῃ.

Turpe esse tacere, & Isocratem pati dicere.

Ars

Ars est utriusque, sed pluribus eam libris Aristoteles complexus est. Eodem tempore Theodectes fuit, CAP. I.
 de cuius opere supra dictum est. Theophrastus quoque Aristotelis discipulus de rhetorice diligenter scripsit: atque hinc vel studiosius philosophi quam rhetores, præcipueque Stoicorum ac Peripateticorum principes. Fecit deinde velut propriam Hermagoras viam, quam plurimi sunt secuti: cui maxime par atque æmulus videtur Athenæus fuisse. Multa post Apollonius Molon, multa Areus, multa Cæcilius & Halicarnasseus Dionysius. Præcipue tamen in se converterunt studia Apollodorus Pergamenus, qui præceptor Apolloniæ Cæsaris Augusti fuit, & Theodorus Gadareus, qui se dici maluit Rhodium; quem studiose audisse, cum in eam insulam secessisset, dicitur Tiberius Cæsar. Hi diversas opiniones tradiderunt, appellatique inde Apollodorei & Theodorei, ad morem certas in philosophia sectas sequendi. Sed Apollodori præcepta magis ex discipulis cognoscas: quorum diligentissimus in tradendo fuit latine C. Valgius, græcè Atticus. Nam ipse sola videtur ars edita ad Matium, quia cæteras missa ad Domitium epistola non agnoscit. Plura scripsit Theodorus, cuius auditorem Hermagoram sunt qui viderint. Romanorum primus (quantum ego quidem sciam) tradidit aliqua in hac materia M. Cato ille Censorius, post M. Antonius inchoavit. Nam hoc solum opus ejus, atque id ipsum imperfectum manet. Secuti minus celebres, quorum memoriam si quo loco res poscèt, non omittam. Præcipuum verò lumen sicut eloquentiæ, ita præceptis quoque ejus dedit utricumque apud nos specimen orandi,

T.

di,

CAP. I. di, docendique oratorias artes; M. Tullius: post quem tacere modestissimum foret, nisi & rhetoricos suos ipse adolescenti sibi elapsos diceret, & in oratorijs hæc minora, quæ plerique desiderant, sciens omisisset. Scripsit de eadem materia non pauci Cornificius, aliqua Stertinius, nonnihil pater Gallio; accuratius vero priores Gallione Celsus & Lenas: & ætatis nostræ Virginius, Plinius, Rutilius. Sunt & hodie clari ejusdem operis auctores; qui si omnia complexi forent, consulissent labori meo: sed parco nominibus viventium; veniet eorum laudi suum tempus; ad posteros enim virtus durabit, non perveniet invidia. Non tamen post tot ac tantos auctores pigebit meam quibusdam locis posuisse sententiam. Neque enim me cujusquam sectæ, velut quadam superstitione imbutus, addixi: & electuris quæ volent faciendæ copia fuit, sicut ipse plurimum in unum confero inventa, ubicunque ingenio non erit locus, curæ testimonium meruisse contentus.

CAP. II. NEC diu nos moretur quæstio, quæ rhetorices origo sit. Nam cui dubium est, quin sermonem ab ipsa rerum natura geniti protinus homines acceperint, (quod certe principium est ejus rei) huic studium & incrementum dederit utilitas, summam ratio & exercitatio? Nec video quare curam dicendi putent quidam inde cœpisse, quod qui in discrimen aliquod vocabantur, accuratius loqui defendendi sui gratia instituerint. Hæc enim ut honestior causa, ita non utique prior est: cum præsertim accusatio præcedat defensionem: nisi quis dicet etiam gladium fabricatum ab eo prius qui ferum

rum in tutelam sui, quam qui in perniciem alterius compararit. Initium ergo dicendi dedit natura: initium artis, observatio. Homines enim sicut in medicina cum viderent alia salubria, alia insalubria, ex observatione eorum effecerunt artem: ita cum in dicendo alia utilia, alia inutilia deprehenderent, notarunt ea ad imitandum vitandumque, & quædam secundum rationem eorum adjecerunt ipsi quoque: hæc confirmata sunt usu: tum quæ sciebat quisque, docuit. Cicero quidem initium orandi conditoribus urbium ac legum latoribus dedit: in quibus fuisse vim dicendi necesse est: cur tamen hanc primam originem putem, non video; cum sint adhuc quædam vagæ & sine urbibus ac sine legibus gentes, & tamen qui sunt in his nati & legationibus fungantur, & accusent aliqua ac defendant, & denique alium alio melius loqui credant.

OMNIS autem orandi ratio, ut plurimi maximeque auctores tradiderunt, quinque partibus constat; inventione, dispositione, elocutione, memoria, pronuntiatione sive actione: utroque enim modo dicitur. Omnis vero sermo, quo quidem voluntas aliqua enunciat, habeat necesse est rem, & verba. Ac si est brevis, & una conclusione finitus, nihil fortasse ulterius desideret: at oratio longior plura exigit. Non enim tantum refert, quid aut quomodo dicamus, sed etiam quo loco: opus ergo est & dispositione. Sed neque omnia quæ res postulat, dicere, neque suo quæque loco poterimus, nisi adjuvante memoria. quapropter ea quoque pars quarta erit. Verum hæc cuncta corrumpit ac prope-

T 2

modum

CAP. III. modum perdit indecora vel voce vel gestu pronuntiatio. Huic quoque igitur tribuendus est necessario quintus locus. Nec audiendi quidam, quorum est Albutius, qui tres modo primas esse partes volunt; quia memoria atque actio natura non arte contingant: quarum nos praecepta suo loco dabimus: licet Thrasymachus quoque idem de actione crediderit. His adjecerunt quidam sextam partem, ita ut inventioni iudicium subnecterent: quia primum esset invenire, deinde iudicare. Ego porro ne invenisse quidem credo eum, qui non iudicavit. nec enim contraria, communia, stulta invenisse dicitur quisquam, sed non vitasse. Et Cicero quidem in Rhetoricis iudicium subjecit inventioni: mihi autem adeo tribus primis partibus videtur esse commixtum, (nam neque dispositio sine eo, neque elocutio fuerit) ut pronuntiationem quoque vel plurimum ex eo mutuari, putetur. Quod hoc audacius dixerim, quod in partitionibus oratorijs ad easdem, de quibus supra dictum est, quinque pervenit partes. Nam cum dupliciter primum divisisset, in inventionem atque elocutionem: res ac dispositionem inventioni, verba & pronuntiationem elocutioni dedit: quintamque constituit communem, ac velut custodem omnium, memoriam. Idem in oratore, quinque rebus constare eloquentiam dicit: in quibus postea scriptis certior ejus sententia est. Non minus mihi cupidi novitatis alicujus videntur fuisse, qui adjecerunt ordinem, cum dispositionem dixissent: quasi aliud sit dispositio, quam rerum ordine quamoptimo collocatio. Dion inventionem modo & dispositionem tradidit, sed utramque duplicem, rerum, ac ver-

ac verborum, ut sit elocutio inventionis, pronun- CAP. III.
 ciatio dispositionis: his quinta pars memoria acce-
 dat. Theodori fere inventionem duplicem, rerum,
 atque elocutionis, deinde tres ceteras partes: Her-
 magoras, iudicium, partitionem, ordinem, quæque
 elocutionis sunt, subicit œconomia, quæ græce
 appellata ex cura rerum domesticarum: & hic per
 abusum posita, nomine latino caret. Est & circa
 hoc quæstio, quod memoriam in ordine partium
 quidam inventioni, quidam dispositioni subjunxe-
 runt: nobis quartus ejus locus maxime placet. Non
 enim inventa tantum tenere ut disponamus, nec dis-
 posita ut eloquamur, sed etiam verbis formata me-
 moria mandare debemus. Hac enim omnia, quæ
 cumque in orationem collata sunt, continentur. Fue-
 runt etiam in hac opinione non pauci, ut has non
 rhetorices partes esse existimarent, sed opera ora-
 toris: ejus enim esse invenire, disponere, eloqui,
 & cetera. Quod si accipimus, nihil arti relinqui-
 mus. Nam bene dicere est oratoris: rhetorice ta-
 men est bene dicendi scientia: vel, ut alii putant,
 artificis est persuadere: vis autem persuadendi, ar-
 tis. Ita invenire quidem & disponere, oratoris: in-
 ventio autem & dispositio, rhetorices propria vi-
 deri potest. In eo plures dissenserunt, utrumne
 hæc partes essent rhetorices, an ejusdem opera; an
 (ut Athenæus credit) elementa quæ vocant σοιχία.
 Sed neque elementa recte quis dixerit: alioqui tan-
 tum initia erunt, ut mundi vel humor, vel ignis,
 vel materia, vel corpora inseparabilia: nec operum
 recte nomen accipient, quæ non ab alijs perficiun-
 tur, sed aliud ipsa perficiunt. Partes igitur. Nam
T 3
cum

CAP. III. cum sit ex his rhetorice, fieri non potest, ut cum totum ex partibus constet, non sint partes totius, ex quibus constet. Videntur autem mihi qui hæc opera dixerunt, eo quoque moti, quod in alia rursus divisione nollent in idem nomen incidere. Partes enim rhetorices esse dicebant laudativam, deliberativam, judicalem. Quæ si partes sunt, materię sunt potius quam artis. Namque in his singulis rhetorice tota est, quia & inventionem, & dispositionem, & elocutionem, & memoriam, & pronuntiationem quæcunque earum desiderat. Itaque quidam genera ea tria rhetorices dicere maluerunt: optime autem ij, quos secutus est Cicero, qui genera causarum.

CAP. IV. SED tria an plura sint, ambigitur. Nec dubie prope omnes utique summæ apud antiquos auctoritatis scriptores Aristotelem secuti, qui nomine tantum alio concionalem pro deliberativa appellat, hac partitione contenti fuerunt. Verum & tum leviter est tentatum, cum apud Græcos quosdam, tum apud Ciceronem in libris de oratore, & nunc maximo temporum nostrorum auctore prope impulsus, ut non modo plura hæc genera, sed pene innumerabilia videantur. Nam si laudandi ac vituperandi officium in parte tertia ponimus; in quo genere versari videbimur cum querimus, consolamur, mitigamus, concitamus, terremus, confirmamus, præcipimus, obscure dicta interpretamur, narramus, deprecamur, gratias agimus, gratulamur, objurgamus, maledicimus, describimus, mandamus, remuneramus, optamus, opinamur, & plurima alia? ut
mihi

nihil in illa vetere persuasione permanenti, velut petenda sit venia: quarendumque quo moti priores, rem tam late fufam, tam breviter adstrinxerint. Quos qui cessasse putant, hoc secutos arbitrantur, quod in his fere versari tum oratores videbant. Nam & laudes & vituperationes scribebantur, & *ἑταίρις* dicere erat moris, & plurimum in consiliis ac judiciis infundebatur operæ, ut scriptores artium pro solis comprehenderint frequentissima. Qui vero defendunt, tria faciunt genera auditorum: unum quod ad electionem conveniat, alterum quod consilium accipiat, tertium quod de causis iudicet. Mihi multa iuvanti, talis quædam ratio succurrit, quod quædam oratoris officium aut in judiciis est, aut extra judicia. Eorum de quibus iudicio quæritur, manifestum genus est; ea quæ ad iudicem non veniunt, aut præteritum habent tempus, aut futurum. Præterita laudamus, vituperamus, de futuris deliberamus. Item omnia de quibus dicendum est, aut certa sint necesse est, aut dubia. Certa, ut cuique est animus, laudat aut vituperat; ex dubiis partim nobis ipsis ad electionem sunt libera, de his deliberatur: partim aliorum sententiæ commissa, de his lite contenditur. *ἑταίρις* judicalem & concionalem generales partes voluit, septem autem species, hortandi, dehortandi: laudandi, vituperandi: accusandi, defendendi, exquirendi, quod *ἑταίρις* dicit: quarum duæ primæ deliberativi, duæ sequentes demonstrativi, tres ultimæ judicialis generis sunt partes. *ἑταίρις* transiit, qui interrogandi, respondendi, precandi, quod *ἑταίρις* dixit, partes suas putat. Plato in Sophista, judiciali & concionalis

CAP. IV. nali tertiam adjecit *προσομιλικήν*, quam sane permittamus nobis dicere sermocinatricem: quæ a forensi ratione disjungitur, & est accommodata privatis disputationibus: cujus vis eadem profecto est, quæ dialecticæ. Isocrates in omni genere inesse laudem ac vituperationem existimavit. Nobis & tutissimum est auctores plurimos sequi, & ita videtur ratio dicere. Est igitur, ut dixi, unum genus quo laus ac vituperatio continetur, sed est appellatum a parte meliore laudativum: idem alii demonstrativum vocant. utrumque nomen ex Græco creditur fluxisse. Nam & *εγκωμιαστικὸν* & *ἐπιδεικτικὸν* dicunt. Sed mihi *ἐπιδεικτικὸν* non tam demonstrationis vim habere, quam ostentationis videtur, & multum ab illo *εγκωμιαστικὸν* differre. nam ut continet laudativum in se genus, ita non intra hoc solum consistit. An quisquam negaverit Panegyricos *ἐπιδεικτικὰς* esse? Atqui formam suadendi habent, & plerumque de utilitatibus Græciæ loquuntur: ut causarum quidem genera tria sint, sed ea tum in negotiis, tum in ostentatione posita. Nisi forte non ex Græco mutantur demonstrativum vocant, verum id sequuntur, quod laus ac vituperatio quale sit quidque demonstrat. Alterum est deliberativum. Tertium, judiciale. Cæteræ species in hæc tria incidunt genera: nec invenietur ex his ulla, in qua non laudare aut vituperare, suadere aut dissuadere, intendere quid vel depellere debeamus. Illa quoque sunt communia, conciliare, narrare, docere, augere, minuire, concitandis componendisve affectibus animos audientium fingere. Ne his quidem accesserim, qui laudativam materiam honestorum, deliberativam
utilium,

utilium, judicialem justorum quæstione contineri CAP. IV;
 putant, celeri magis ac rotunda usi distributione,
 quam vera. Stant enim quodammodo mutuis au-
 xiliis omnia. Nam & in laude justitia utilitasque
 tractantur, & in consiliis honestas; & raro judici-
 alem inveneris causam, in cujus non parte aliquid
 eorum quæ supra diximus, reperiatur.

OMNIS autem oratio constat aut ex ijs quæ si- CAP. V;
 gnificantur, aut ex iis quæ significant, id est, re-
 bus & verbis. Facultas orandi consummatur natu-
 ra, arte, exercitatione: cui quartam partem adjici-
 unt quidam imitationis, quam nos arti subjicimus.
 Tria sunt item quæ præstare debet orator, ut doceat,
 moveat, delectet. Hæc enim clarior divisio, quam eo-
 rum qui totum opus in res & in affectus partiuntur.
 Non semper autem omnia in eam quæ tractabitur
 materiam cadent. Erunt enim quædam remotæ ab
 affectibus: qui ut non ubique habent locum, ita
 quocunque irruerunt, plurimum valent. Præstan-
 tissimis auctoribus placet, alia in rhetorice esse quæ
 probationem desiderent, alia quæ non desiderent:
 cum quibus ipse consentio. Quidam vero, ut Cel-
 sus, de nulla re dicturum oratorem, nisi de qua
 queratur, existimant: cui cum maxima pars scripto-
 rum repugnat, tum etiam ipsa partitio: nisi forte
 laudare quæ constet esse honesta, & vituperare quæ
 ex confesso sint turpia, non est oratoris officium.
 Illud jam omnes fatentur, esse quæstiones aut in
 scripto, aut in non scripto. In scripto sunt de jure,
 in non scripto de re. Illud legale, hoc rationale
 U genus,

CAP. V. genus. Hermagoras atque eum secuti vocant νομικόν, & λογικόν. Idem sentiunt qui omnem quaestionem ponunt in rebus, & in verbis. Item convenit quaestiones esse aut infinitas, aut finitas. Infinitae sunt, quae remotis personis, & temporibus, & locis, ceterisque similibus, in utramque partem tractantur: quod Graeci θίσις dicunt, Cicero propositum, alii quaestiones universales civiles, alij quaestiones philosopho convenientes. Athenaeus partem causae appellat. Hoc genus Cicero scientia & actione distinguit: ut sit scientiae, an providentia mundus regatur: actionis, an accedendum ad remp. administrandam. Prius, trium generum, an sit, quid sit, quale sit. omnia enim haec ignorari possunt. Sequens, duorum, quomodo adipiscamur, quomodo utamur. Finitae autem sunt ex complexu rerum, personarum, temporum, ceterorumque. haec ὑποθέσις a Graecis dicitur, causae a nostris. In his omnis quaestio videtur circa res personasque consistere. Amplior est semper infinita. inde enim finita descendit. Quod ut exemplo pateat, infinita est, an uxor ducenda: finita, an Catoni ducenda: ideoque esse suasoria potest. Sed etiam remotae a personis propriis, ad aliquid referri solent. Est enim simplex, *an respublica administranda*: refertur ad aliquid, *an in tyrannide administranda*. Sed hic quoque subest velut latens persona. tyrannus enim geminat quaestionem, subestque & temporis & qualitatis tacita vis: nondum tamen hoc proprie dixeris causam. Haec autem quas infinitas voco, & generales appellantur. quod si est verum, finitae speciales erunt. In omni autem speciali unque inest generalis, ut quae sit prior. Ac
nescio

nescio an in causis quoque quicquid in quæstionem CAP. V.
venit qualitatis, generale sit. *Milo Clodium occidit: jure occidit insidiatorem.* nonne hoc quæritur, *an sit jure insidiatorem occidendi?* Quid in conjecturis? non illa generalia, *an causa sceleris odium? cupiditas? an tormentis credendum? testibus an argumentis major fides habenda?* Nam finitione quidem comprehendere nihil non in universum certum erit. Quidam putant etiam eas posse theses aliquando nominari, quæ personis causisque contineantur, aliter tantummodo positas: ut causa sit, cum Orestes accusatur: thesis, *an Orestes recte sit absolutus.* cujus generis est, *an Cato recte Mariam Hortensio tradiderit.* Hi thesin a causa sic distinguunt, ut illa sit spectativæ partis, hæc activæ. Illic enim veritatis tantum gratia disputari, hic negotium agi. Quanquam inutiles quidam oratori putant universales quæstiones, quia nihil proficit quod constet *ducendam esse uxorem*, vel *adminstrandam rempublicam*, si quis vel ætate vel valetudine impediatur. Sed non omnibus ejusmodi quæstionibus sic occurri potest, ut illis, *sitne virtus finis, regaturne providentia mundus.* Quinetiam in iis quæ ad personam referuntur, ut non est satis generale tractasse quæstionem, ita perveniri ad speciem nisi illa prius excussa non potest. Nam quomodo *an sibi uxor ducenda sit*, deliberabit Cato, nisi constiterit *uxores esse ducendas?* Et quomodo, *an ducere Mariam debeat* quæretur, nisi Catoni *ducenda uxor est?* Sunt tamen inscripti nomine Hermagoræ libri, qui confirmant illam opinionem, siue falsus est titulus, siue alius hic Hermagoras fuit. Nam ejusdem esse quomodo possunt, qui de hac arte mirabiliter

CAP. V. liter multa composuit, cum, sicut ex Ciceronis quoque rhetorico primo manifestum est, materiam rhetorices in theses & causas diviserit? Quod reprehendit Cicero, ac thesin nihil ad oratorem pertinere contendit, totumque hoc genus quaestionis ad philosophos refert. Sed me liberavit respondendi verecundia, & quod ipse hos libros improbat, & quod in oratore, atque ijs quos de oratore scripsit libris, & Topicis, praecipit, ut a propriis personis atque temporibus avocemus controversiam: quia latius dicere liceat de genere quam de specie, & quod in universo probatum sit, in parte probatum esse necesse sit. Status autem in hoc omne genus materiae iidem qui in causas cadunt. Ad hoc adjicitur, alias esse quaestiones in rebus ipsis, alias quae ad aliud referantur. Illud, *an uxor ducenda*: hoc, *an seni ducenda*. Illud, *an fortis*: hoc, *an fortior*, & similia. Causam finit Apollodorus, ut interpretatione Valgij discipuli ejus utar, ita, *Causa est negotium omnibus suis partibus spectans ad quaestionem*: aut, *Causa est negotium, cujus finis est controversia*. Ipsum deinde negotium sic finit, *Negotium est congregatio personarum, locorum, temporum, causarum, modorum, casuum, factorum, instrumentorum, sermonum, scriptorum, & non scriptorum*. Causam nunc intelligimus ὑπερθεω, negotium περίθεω. Sed ipsam causam quidam similiter finierunt, ut Apollodorus 'negotium. Isocrates causam esse ait *quaestionem finitam civilem, aut rem controversam in personarum finitarum complexu*. Cicero his verbis, *Causa certis personis, locis, temporibus, actionibus, negotiis cernitur, aut in omnibus, aut in plerisque eorum*.

ERGO

ERGO cum omnis causa contineatur aliquo statu, prius quam dicere aggredior quo modo genus quodque causæ sit tractandum, id quod commune est omnibus, quid sit status, & unde ducatur, & quot & qui sint, intuendum puto: quanquam id nonnulli ad judiciales tantum pertinere materias putaverunt. Quorum inscitiam, cum omnia tria genera fuero executus, res ipsa deprehendet. Quod nos statum, id quidam constitutionem vocant, alii quæstionem, alii quod ex quæstione appareat. Theodorus generale caput, id est, κεφάλαιον γενικώτατον, ad quod referantur omnia. Quorum diversa appellatio, vis eadem est: nec interest discentium, quibus quidque nominibus appelletur, dum res ipsa manifesta sit. Statum Græci εἶσις vocant: quod nomen non primum ab Hermagora traditum putant, sed alij ab Naucratis Isocratis discipulo, alii a Zopyro Clazomenio: quanquam videtur Æschines quoque in oratione contra Ctesiphontem uti hoc verbo, cum a iudicibus petit ne Demostheni permittant evagari, sed eum dicere de ipso causæ statu cogant. Quæ appellatio dicitur ducta vel ex eo quod ibi sit primus causæ congressus, vel quod in hoc causa consistat. Et nominis quidem hæc origo. Nunc quid sit. Statum quidam dixerunt primam causarum consuetudinem: quos recte sensisse, parum elocutos puto. Non est enim status prima consuetudo. *Fecisti, non feci*: sed quod ex prima consuetudine nascitur, id est, genus quæstionis. *Fecisti, non feci, an fecerit. Hoc fecisti, non hoc feci, quid fecerit.* quia ex his apparet, illud conjectura, hoc finitione quærendum; atque in eo pars utraque insistit, erit quæstio

CAP. VI. conjecturalis, vel finitivi status. Quid si enim dicat quis, *Sonus est duorum inter se corporum conflictio*. Erret ut opinor: non enim sonus est conflictio, sed ex conflictione. Sed hoc levius, intelligitur enim utcunque dictum. Inde, vero ingens male interpretantibus innatus est error; quia primam conflictionem legerant, crediderunt statum semper ex prima quaestione deducendum: quod est vitiosissimum. Nam quaestio nulla non habet utique statum: constat enim ex intentione, & depulsione: sed aliae sunt propriae causarum de quibus ferenda sententia est: aliae adductae extrinsecus, aliquid tamen ad summam causae conferentes, velut auxilia quaedam: quo fit ut in controversia una plures quaestiones esse dicantur. Harum porro plerumque levissima quaque primo loco fungitur. Namque & illud frequens est, ut ea quibus minus confidimus, cum tractata sunt, omittamus: interim sponte nostra velut donantes, interim ad ea quae sunt potentiora, gradum ex his fecisse contenti. Simplex autem causa etiam si varie defenditur, non potest habere plus uno de quo pronuncietur: atque inde erit status causae, quod & orator praecipue sibi obtinendum, & iudex spectandum maxime intelligit. in hoc enim causa consistet. Ceterum quaestionum possunt esse diversi. Quod ut brevissimo pateat exemplo, cum dicit reus, *Etiam si feci, recte feci*, qualitatis utitur statu: cum adjicit, *sed non feci*, conjecturam movet. Semper autem firmitus est non fecisse: ideoque in eo statum esse iudicabo, quod dicerem si mihi plus quam unum dicere non liceret. Recte igitur est appellata causarum prima conflictio, non quaestionum. Nam & pro

pro Rabirio Posthumo Cicero prima parte orationis CAP. VI.
in hoc tendit, ut actionem competere in equitem
Romanum neget: secunda, nullam ad eum pecuni-
am pervenisse confirmat. statum tamen in eo dicam
fuisse, quod est potentius. Nec in causa Milonis
circa primas quaestiones, quae sunt ante proœmium
positae, judicabo conflixisse causam: sed ubi totis vi-
ribus *insidiator Clodius, ideoque jure interfectus*, osten-
ditur. Et hoc est quod ante omnia constituere in
animo suo debeat orator, etiamsi pro causa plura
dicturus est, quid maxime liquere judici velit. Quod
tamen ut primum cogitandum, ita non utique pri-
mum dicendum erit. Alii statum crediderunt pri-
mam ejus, cum quo ageretur, depulsionem. Quam
sententiam his verbis Cicero complectitur, *In quo*
primum insistis quasi ad repugnandum congressa defensio.
Unde rursus alia quaestio, an eum semper is faciat
qui respondet. Cui rei praecipue repugnat Corne-
lius Celsus, dicens non a depulsione sumi, sed ab
eo qui propositionem suam confirmet: ut si homi-
nem occisum reus negat, status ab accusatore nasca-
tur, quia is velit probare: si jure occisum reus di-
cit, translata probationis necessitate idem a reo fiat,
& sit ejus intentio. Cui non accedo equidem. nam
est vero propius quod contra dicitur, nullam esse
litem, si is cum quo agitur, nihil respondeat ideo-
que fieri statum a respondente. Mea tamen senti-
tia varium id est, & accidit pro conditione causa-
rum: quia & videri potest propositio aliquando
statum facere, ut in conjecturalibus causis: utitur
enim conjectura magis qui agit. Quo moti quidam,
eundem a reo inficalem esse dixerunt: & in syllo-
gismo

CAP. VI. gismo tota ratiocinatio ab eo est qui intendit. Sed quia videtur illis quoque necessitatem hos status exequendi facere qui negat. (is enim si dicat, *Non feci*, coget adversarium conjectura uti: & si dicat, *Non habet legem*, syllogismo) concedamus ex depulsione nasci statum. Nihilominus enim res eo revertetur, ut modo is qui agit, modo is cum quo agitur, statum faciat. Sit enim accusatoris intentio, *Hominem occidisti*: si neget reus, faciet statum qui negat. Quod si confutetur, sed *jure a se adulterum dicis occisum*, (nempe legem esse certum est quæ permittat) nisi aliquid accusator respondeat, nulla lis est. *Non fuit* (inquit) *adulter*. Ergo depulsio incipit esse actoris: ille statum faciet. Ita erit quidem status ex prima depulsione, sed ea fiet ab accusatore, non a reo. Quid quod eadem quæstio potest eundem vel accusatorem facere vel reum? *Qui artem ludicram exercueris, in quatuordecim primis ordinibus ne sedeas*. qui se prætori in hortis ostenderat, neque erat productus, sedit in quatuordecim ordinibus. Nempe intentio est, *Artem ludicram exercuisti*. depulsio, *Non exercui artem ludicram*, quæstio, *Quid sit artem ludicram exercere*. Si accusabitur theatri lege, depulsio erit rei. si excitatus fuerit de spectaculis, & aget injuriarum, depulsio erit accusatoris. Frequentius tamen illud accidet, quod est a pluribus traditum. Effugerunt has quæstiones qui dixerunt statum esse id quod appareat ex intentione & depulsione, ut *fecisti, non feci*, aut *recte feci*. Viderimus tamen utrum id sit status, an in eo status. Hermagoras statum vocat, per quem subjecta res intelligatur, & ad quem probationes etiam partium referantur. Nostra opi-

nio

nio semper hæc fuit, quum essent frequenter in cau- CAP. VI.
 sa diversi quæstionum status, in eo credere statum
 causæ, quod esset in ea potentissimum, & in quo
 maxime res verteretur. Id si quis generalem quæ-
 stionem, vel caput generale dicere malit, cum hoc
 mihi non erit pugna: non magis quam si aliud ad-
 hac, quo idem intelligatur, ejus rei nomen inve-
 nerit. quanquam tota volumina in hanc disputati-
 onem impendisse multos sciam. nobis statum dici
 placet. Sed cum in aliis omnibus inter scriptores
 summa dissensio est, tum in hoc præcipue videtur
 mihi studium quoque diversa tradendi fuisse: adeo
 nec qui sit numerus, nec quæ nomina, nec qui ge-
 nerales quive speciales sint status convenit. Ac pri-
 mum Aristoteles elementa decem constituit, circa
 quæ versari videatur omnis quæstio. *ὁρίαν*, quam
 Flavius *essentiam* vocat: neque sane aliud est ejus
 nomen latinum: sed ea quæritur, an sit. Quali-
 tatem, cujus apertus intellectus est. Quantitatem,
 quæ dupliciter a posterioribus divisa est, quam ma-
 gnum, & quam multum sit. Ad aliquid, unde du-
 ctæ translatio & comparatio. Post hæc ubi, & quan-
 do: deinde facere, pati, habere, quod est quasi
 armatum esse, & vestitum esse. Novissime, *καθῆσθαι*,
 quod est compositum esse quodammodo, ut sedere,
 stare, jacere. Sed ex his omnibus prima quatuor
 ad status pertinere, cætera ad quosdam locos argu-
 mentorum videntur. Alii novem elementa posu-
 erunt. Personam, in qua de animo, corpore, ex-
 tra positis quaratur: quod pertinere ad conjecturæ
 & qualitaris instrumenta video. Tempus, quod *χρῆς*-
ος vocant, ex quo quæstio, *an is, quem dum addicta*
X
est

Cap. VI. *est mater peperit, servus sit natus.* Locum, unde controversia videtur, *an fas fuerit Tyrannum in templo occidere: an exulaverit qui domi latuit.* Tempus iterum, quod *καιρὸν* appellant. Hanc autem videri volunt speciem illius temporis, ut aestatem, vel hyemem. Huic subjicitur ille in pestilentia comessator. Actum, id est *πεδῆν*, quod eo refertur, *sciens commiserit, an insciens: necessitate, an casu, & talia.* Numerum, qui cadit in speciem quantitatis. *An Thrasibulo triginta premia debeantur, quia tot tyrannos sustulerit.* Causam, cui plurimæ subjacent lites, quoties factum non negatur, sed quia iusta ratione sit factum, defenditur. *Τέρον*, cum id quod alio modo fieri licet, alio dicitur factum: hinc est, *adulter loris casus, vel fame necatus.* Occasionem factorum, quod est apertius, quam ut vel interpretandum, vel exemplo sit demonstrandum; tamen *αἰτίας ἐγγυαί* vocant. Hi quoque nullam quaestionem extra hæc putant. Quidam detrahunt duas partes, numerum & occasionem: & pro illo quem dixi actu, subjiciunt res; id est *πεδύματα*. Quæ ne prætemisse viderer, satis habui attingere. Cæterum his nec status satis ostendi, nec omnes contineri locos credo: quod apparebit diligentius legentibus, quæ de utraque re dicam. Erunt enim plura multo, quam quæ his elementis comprehenduntur. Apud plures auctores legi placuisse quibusdam, unum omnino statum esse conjecturalem. Sed quibus placuerit; neque illi tradiderunt, neque ego usquam reperire potui. Rationem tamen hanc secuti dicuntur, quod res omnis signis colligeretur, quo modo licet qualitatis quoque solum statum faciant: quia
ubique

indique qualis sis cuiusque rei natura, quæri potest. C A P. VI
 Sed utroque modo sequetur summa confusio. Neque interest unum quis statum faciat, an nullum, si omnes causæ sint conditionis ejusdem. Conjectura dicta est a conjectu, id est directione quadam rationis ad veritatem: unde etiam somniorum atque ominum interpretes conjectores vocantur. Appellatum tamen est hoc genus varie, sicut in sequentibus apparebit. Fuerunt qui duos status facerent: Archidemus conjecturalem, & finitivum, exclusâ qualitate, quia sic de ea quæri existimabat quid esset iniquum, quid injustum, quid dicto audientem non esse: quod vocat, de eodem & alio. Hinc diversa sententia eorum fuit, qui duos quidem status esse voluerunt, sed unum inficiale, alterum juridiciale. Inficialis est quem nos dicimus conjecturalem, cui ab inficiando nomen alij in totum dederunt, alij in partem, quia accusatorem conjecturæ inficiatione uti putaverunt. Juridicialis est qui *δικαλογικός* Græce dicitur. Sed quemadmodum ab Archidemo qualitas exclusâ est, sic ab his repudiata finitio. nam subjiçunt eam juridiciali: quærendumque arbitrantur, justumne sit sacrilegium appellari quod objiçatur, vel furtum, vel amentiam. Quæ in opinione Pamphilus fuit: sed qualitatem in plura partitus est. plurimi deinceps, mutatis tantum nominibus, in rem de qua non constet, & in rem de qua constet. Nam est verum, nec aliter fieri potest, quam ut aut certum sit factum esse, quid, aut non sit. Si non est certum, conjectura sit: si certum est, reliqui status. Nam idem dicit Apollodorus, cum quæstionem aut in rebus extra positis,

C. VI. tis, quibus conjectura explicatur, aut in nostris &
 pindonibus existimat positam: quorum illud *πράγμα-
 τικόν*, hoc *περί εννοίας* vocat. Idem, qui *ἄπορον* & *προ-
 λαλητικόν* dicunt, id est, dubium & praesumptum:
 quo significatur, de quo liquet. Idem Theodorus,
 qui de eo an sit, & de accidentibus ei quod esse
 constat, id est *περί ἔσεως καὶ συμβεβηκότων*, existimat
 quæri. Nam in his omnibus prius genus conjectu-
 ram habet, sequens reliqua. Sed hæc reliqua Apol-
 lodorus duo vult esse, qualitatem, & de nomine,
 id est finitivam: Theodorus, quid, quale, quan-
 tum, ad aliquid. Sunt & qui de eodem, & de alio,
 modo qualitatem esse, modo finitionem velint. In
 duo & Posidonius dividit, vocem & res. In voce,
 quæri putat an significet, quid, quam multa, quo-
 modo: in rebus conjecturam, quod καὶ *αἰσθησι* vo-
 cat, & qualitatem, & finitionem, cui nomen dat
 καὶ *ἐννοίαν*, & ad aliquid. Unde & illa divisio est,
 alia esse scripta, alia inscripta. Celsus Cornelius duos
 & ipse fecit status generales, an sit, quale sit. Pri-
 ori subiecit finitionem, quia æque quæritur, an sit
 sacrilegus qui nihil se sustulisse de templo dicit, &
 qui privatam pecuniam confitetur sustulisse: qualita-
 tem in rem & scriptum dividit. Scripto, quatuor
 partes legales, exclusa translatione: quantitatem &
 mentis quæstionem, conjecturæ subiecit. Est etiam
 alia in duos dividendi status ratio, quæ docet aut
 de substantia controversiam esse, aut de qualitate:
 ipsam porro qualitatem aut in summo genere confi-
 stere, aut in succedentibus. De substantia est con-
 jectura: quæstio enim tractatur rei, an facta sit, an
 fiat, an futura sit. Interdum etiam mentis: idque
 melius,

melius, quam quod iis placuit qui statum eundem C A P. VI.
facti nominaverunt, tanquam de præterito tantum,
& tantum de facto quæreretur. Pars qualitatis quæ
est de summo genere, raro in iudicium venit: qua-
le est, *id ne sit honestum, quod vulgo laudatur*. Suc-
cedentium autem aliæ de communi appellatione, ut
*sunt sacrilegus, qui pecuniam privatam ex templo fu-
ratus est*: aut de re denominata, ubi & factum esse
certum est, nec dubitatur quid sit quod factum est.
Cui subjacent omnes de honestis, justis, utilibus,
quæstiones. His etiam cæteri status contineri dicun-
tur, quia & quantitas modo ad conjecturam refe-
ratur, ut *majorne sol quam terra*: modo ad qualita-
tem, *quanta pena quempiam quantove premio sit affici
justum*: & translatio versetur circa qualitatem, &
definitio pars sit translationis: quin & contrariæ le-
ges, & ratiocinativus status, id est syllogismus, &
plerumque scripti & voluntatis, æquo nitantur: nisi
quod hic tertius aliquando conjecturam accipit, quid
fenserit legis constitutor: ambiguitatem vero sem-
per conjectura explicari necesse sit; quia cum sit
manifestum, verborum intellectum esse duplicem,
de sola quæritur voluntate. A plurimis tres sunt fa-
cti generales status, quibus & Cicero in oratore uti-
tur, & omnia quæ aut in controversiam aut in con-
tentionem veniant, contineri putat, sitne, quid sit,
quale sit: quorum nomina apertiora sunt quam ut
dicenda sint. Idem Patrocles sentit. Tres fecit &
M. Antonius, his quidem verbis, *Pauca res sunt,
quibus ex rebus omnes orationes nascuntur, factum, non
factum: jus, injuria: bonum, malum*. Sed quoniam
quod jure dicimur fecisse, non hunc solum intellē-

CAP. VI. Etum habet, ut lege, sed illum quoque, ut iuste fecisse videamur; secuti Antonium apertius voluerunt eisdem status distinguere. Itaque dixerunt conjecturalem, legalem, iudiciallem: qui & Virgilio placent. Horum deinde fecerunt species, ita ut legali subicerent finitionem, & alios qui ex scripto ducuntur: legum contrariarum, quæ ἀντινομία dicitur: & scripti, & sententiæ vel voluntatis, id est κατὰ ρητὸν, καὶ διάνοιαν. & μέλητην, quam nos varie translaticivam, transumptivam, transpositivam vocamus: συλλογισμὸν, quem accipimus ratiocinativum, vel collectivum: ambiguitatis, quæ ἀμφιβολία nominatur. quos posui, quia & ipsi a plerisque status appellantur: cum quibusdam legales potius quaestiones eas dici placuerit. Quatuor fecit Athenæus, προτρεπτικὴν εἶσιν, vel παραινέτικὴν, id est exhortativum, qui suasoriæ est proprius: σπλιτικὴν, qua conjecturam significari, magis ex his quæ sequuntur, quam ex ipso nomine apparet: ὑπαλλακτικὴν, ea finitio est; mutatione enim nominis constat: Iudiciallem, eadem appellatione Græca, qua cæteri, usus. Nam est (ut dixi) multa in nominibus differentia. Sunt qui ὑπαλλακτικὴν translationem esse existiment, secuti hanc mutationis significationem. Fecerunt alii totidem status, sed alios, an sit, quid sit, quale sit, quantum sit; ut Cæcilius & Theon. Aristoteles in rhetoricis etiam sic omne opus dividit, in veritatem, & petenda ac fugienda, quod est suasoriæ, & de eodem atque alio: partiendo tamen ad hoc pervenit, ut, an sit, quid, quale, quantum, & quam multum sit, quaerendum putet. Quodam tamen loco finitionis quoque vim intelli-

git

git, quo dicit quædam sic defendi, *sustuli, sed non* CAP. VI.
furtum feci: percussi, sed non injuriam feci. Posuerat
 & Cicero in libris rhetoricis, facti, nominis, gene-
 ris, actionis: ut in facto conjectura, in nomine
 finitio, in genere qualitas, in actione jus intelli-
 getur. Juri subjecerat translationem. Verum hic le-
 gales quoque quæstiones alio loco tractat ut species
 actionis. Fuerunt qui facerent quinque, conjectu-
 ram, finitionem, qualitatem, quantitatem, ad ali-
 quid. Theodorus quoque (ut dixi) iisdem generali-
 bus capitibus utitur, an sit, quid sit, quale sit,
 quantum sit, ad aliquid. Hæc ultimum maxime in
 comparativo genere versari putat: quoniam melius
 ac pejus, majus & minus, nisi alio relata non in-
 telliguntur. Sed in illas quoque translativas, ut su-
 præ significavi, quæstiones incidunt, an huic jus a-
 gendi sit, vel facere aliquid conveniat, an contra
 hunc, an hoc tempore, an sic. Omnia enim ista re-
 ferri ad aliquid necesse est. Alij sex status putant,
 conjecturam, quam *γένεσις* vocant: & qualitatem,
 & proprietatem, id est *ιδιότης*, quo verbo finitio
 ostenditur: & quantitatem, quam *ἀξία* dicunt: &
 comparisonem, & translationem, cujus ad hoc no-
 vum nomen inventum est *μετάθεσις*. novum, inquam,
 in statu, alioqui ab Hermagora inter species juridi-
 cialis usitatum. Aliis septem esse placuit: a quibus
 nec translatio, nec quantitas, nec comparatio rece-
 pta est: sed in horum trium locum subditæ qua-
 tuor legales, adjunctæque tribus illis rationalibus. Alii
 pervenerunt usque ad octo, translatione ad septem
 superiores adjuncta. A quibusdam deinde divisa ratio
 est, & status rationales appellarunt quæstiones (quem-
 ad-

CAP. VI. admodum supra dixi) legales: ut in illis de re, in his de scripto quaeretur. Quidam in diversum hos status esse; illas quaestiones maluerunt. Sed alii rationales tres putaverunt, *an sit, quid sit, quale sit*. Solus Hermagoras quatuor, conjecturam, proprietatem, translationem, qualitatem, quam per accidentia, id est κατὰ συμβεβηκότα vocat, hac interpretatione, *an illi accidat viro bono esse vel malo*. Hanc ita dividit, de appetendis & fugiendis, quae est pars deliberativa. De persona, ea ostenditur laudativa. Negotialem quam πραγματικὴν vocat, in qua de rebus ipsis quaeritur, remoto personarum complexu, ut, *sive liber qui est in assertionem: an divitiae superbiam pariant: an iustum quid; an bonum sit*. Juridicalem, in qua fere eadem, sed certis destinatisque personis quaerantur, *an ille iuste hoc fecerit, vel bene*. Nec me fallit, in primo Ciceronis rhetorico aliam esse loci negotialis interpretationem, cum ita scriptum sit, *Negotialis est, in qua quid juris ex civili more & equitate sit, consideratur: cui diligentia praesse apud nos jurisconsulti existimantur*. Sed quod ipsius de his libris iudicium fuerit, supra dixi. Sunt enim velut regestae in hos commentarios, quas adolescens deduxerat scolae: & si qua est in his culpa, tradentis est: sive eum movit, quod Hermagoras prima in hoc loco posuit exempla ex quaestionibus juris, sive quod Graeci πραγματικὴς vocant juris interpretes. Sed Cicero quidem hic pulcherrimos illos de oratore substituit, ideoque culpari, tanquam falsa praecipiat, non potest. Nos ad Hermagoram. Translationem hic primus omnium tradidit, quanquam semina ejus quaedam citra nomen ipsum apud Aristotelem

Stotelem reperiuntur. Legales autem quaestiones has CAP. VI.
 fecit, scripti & voluntatis (quam ipse vocat κατὰ πῆχυν,
 & ὑπεξαίρεσιν, dictum, & exceptionem : quorum
 prius ei cum omnibus commune est, exceptionis
 nomen minus usitatum) ratiocinativum, ambigui-
 tatis, legum contrariarum. Albutius eadem divisi-
 one usus, detrahit translationem, subjiciens juridi-
 ciali. In legalibus quoque quaestionibus nullum pu-
 tat esse qui dicatur ratiocinativus. Scio plura inven-
 turos adhuc qui legere antiquos studiosius volent.
 sed ne hæc quoque excesserint modum, vereor. Ipse
 me paulum in alia quam prius habuerim opinione,
 nunc esse confiteor. Et fortasse tutissimum erat fa-
 mæ modo studentī, nihil ex eo mutare, quod mul-
 tis annis non sensissem modo, verum etiam appro-
 bassem. Sed non sustineo esse conscius mihi dissi-
 mulati, in eo præsertim opere, quod ad bonorum
 juvenum aliquam utilitatem componimus, in ulla
 parte iudicii mei. Nam & Hippocrates, clarus arte
 medicinæ, videtur honestissime fecisse, quod quos-
 dam errores suos, ne posterī errarent, confessus est.
 Et M. Tullius non dubitavit aliquos jam editos li-
 bros aliis postea scriptis ipse damnare, sicut Catu-
 lum atque Lucillum, & hos ipsos, de quibus mo-
 do sum locutus, artis Rhetoricæ. Etenim superva-
 cuus foret in studiis longior labor, si nihil liceret
 melius invenire præteritis. Neque tamen quicquam
 ex his quæ tum præcepi, supervacuum fuit: ad eas-
 dem enim particulas hæc quoque quæ nunc præci-
 piam, revertentur. Ita neminem didicisse poeniteat.
 Colligere tantum eadem, ac disponere paulo signi-
 ficantius conor. Omnibus autem satisfactum volo,
 Y non

CAP. VI. non me hæc serius demonstrare aliis, quam mihi ipse persuaserim. Secundum plurimos auctores servabam treis rationales status, conjecturam, qualitatem, finitionem, unum legalem. Hi mihi status generales erant. Legalem in quinque species partiebar, scripti & voluntatis, legum contrariarum, collectivum, ambiguitatis, translationis: nunc quantum ex generalibus intelligo posse removeri. Sufficit enim prima divisio, qua diximus alios rationales, alios legales esse: ita non erit status, sed quæstionum genus: alioquin & rationalis status esset. Ex his etiam quos speciales vocabam, removi translationem: frequenter quidem (sicut omnes qui me secuti sunt, meminisse possunt) testatus, & in ipsis etiam illis sermonibus me nolente vulgatis, hoc tamen complexus, vix in ulla controversia translationis statum posse reperiri, ut non & alius in eadem recte dici videretur: ideoque a quibusdam eum exclusum. Neque ignoro multa transferri, cum in omnibus fere causis, in quibus cecidisse quis formula dicitur, hæ sint quæstiones, an huic, an cum hoc, an lege, an apud hunc, an hoc tempore liceat agere, & si qua sint talia. Sed personæ, tempora, actiones, cæteraque propter aliquam causam transferuntur: ita non est in translatione quæstio, sed in eo propter quod transferuntur. *Non debes apud prætorem petere fideicommissum, sed apud consules: major enim prætoriam cognitione summa est. quæritur, an major summa sit: facti controversia est. Non licet tibi agere mecum: cognitor enim fieri non potuisti. judicatio est, an potueris. Non debuisti interdicere, sed petere: an recte interdictum sit, ambigitur. Quæ omnia succe-*

succedunt legitimis quæstionibus. An non præscri- CAP. VI.
ptiones, etiam in quibus maxime videtur manife-
sta translatio, easdem omnes species habent, quas
eæ leges, quibus agitur, ut aut de nomine, aut
scripto, & sententia, vel ratiocinatione quærat, de-
inde status ex quæstione oriatur? translatio non ha-
bet quæstionem de qua contendit orator, sed pro-
pter quam contendit. Hoc apertius: *Occidisti ho-*
minem, non occidi: quæstio, *an occiderit*: status, con-
jectura. Non est tale, *Habeo jus actionis, non habes*:
ut sit quæstio, *an habeat*, & inde status. Accipiat
enim actionem, necne, ad eventum pertinet, non
ad causam: & ad id quod pronunciat iudex, non
id propter quod pronunciat. Hoc illi simile est,
puniendus es, non sum: videbit iudex, *an puni-*
endus sit: sed non hic erit quæstio, nec hic status.
Ubi ergo? *puniendus es, hominem occidisti: non occi-*
di: an occiderit. *Honorandus sum, non es*: num sta-
tum habet? Non puto. *Honorandus sum, quia ty-*
rannum occidi: non occidisti: quæstio, & status. Si-
militer, *non recte agis; recte ago*: non habet statum:
ubi est ergo? *non recte agis ignominiosus*, quæritur,
an ignominiosus sit, aut, *an agere ignominioso liceat*: &
quæstiones, & status. Ergo translative genus cau-
sæ est, ut comparative, & mutue accusationis.
At enim simile est illi, *habeo jus, non habes: occi-*
disti, recte occidi. Non nego: sed nec res hæc statum
facit. non enim sunt hæc propositiones, alioqui cau-
sa non explicabitur: sed cum suis rationibus: *scelus*
commisit Horatius; sororem enim occidit: non commisit;
debit enim occidere eam, quæ hostis morte mærebat.
quæstio, an hæc iusta causa. ita qualitas. Ac simi-
liter

CAP. VI. *liter in translatione, non habes jus abdicandi, quia ignominioso non est actio: habeo jus, quia abdicatio actio non est. quæritur, quid sit actio. finiemus, non licet abdicare filium: syllogismus. Sic cætera per omnes & rationales & legales status. Nec ignoro fuisse quosdam qui translationem in rationali quoque genere ponerent, hoc modo, *Hominem occidi, jussus ab imperatore. dona templi cogenti tyranno dedi. deserui, tempestatibus, fluminibus, valetudine impeditus*, id est, non per me stetit, sed per illa. A quibus etiam liberius dissentio. Non enim actio transfertur, sed causa facti: quod accidit pene in omni defensione. Deinde is qui tali utitur patrociniò, non recedit a forma qualitatis. dicit enim se culpa vacare: ut magis qualitatis duplex ratio facienda sit: altera, qua & factum defenditur: altera qua tantum reus. Credendum est igitur iis, quorum auctoritatem secutus est Cicero, tria esse quæ in omni disputatione quærantur, an sit, quid sit, quale sit: quod ipsa nobis etiam natura præscribit. nam primum oportet subesse aliquid de quo ambigitur: quod quid sit, & quale sit, certe non potest æstimari, nisi prius esse constiterit: ideoque ea prima quaestio: sed non statim quod esse manifestum est, etiam quid sit apparet. Hoc quoque constituto, novissima qualitas superest: nec his exploratis aliud est ultra. His infinitæ quaestiones, his finitæ continentur. Horum aliqua in demonstrativa, deliberativa, judiciali materia utique tractantur. Hæc rursus judiciales causas ex rationali parte & legali continent. Nec enim ulla juris disceptatio, nisi finitione, qualitate, conjectura, potest explicari. Sed*
in-

instituentibus rudes, non erit inutilis latius primo **CAR. VI.**
fusa ratio, etsi non statim rectissima linea tensa,
facilior tamen & apertior via. Discant igitur ante
omnia quadripartitam in omnibus causis esse ratio-
nem, quam primam intueri debeat qui acturus est.
Nam ut a defensore potissimum incipiam, longe
fortissima tuendi se ratio est, si quod objicitur, ne-
gari potest. Proxima, si non id quod objicitur,
factum esse dicatur. Tertia honestissima, qua recte
factum defenditur. Quibus si deficiamus, ultima
quidem, sed jam sola superest salus, aliquo juris
adjutorio elabendi ex crimine quod neque negari
neque defendi potest, ut non videatur jure actio
intendi. Hinc illæ quæstiones sive actionis, sive
translationis. Sunt enim quædam non laudabilia na-
tura, sed jure concessa: ut in XII. tabulis, debitoris
corpus inter creditores dividi licuit: quam legem
mos publicus repudiavit. Et aliquid æquum, sed
prohibitum jure; ut libertas testamentorum. Accu-
satori nihilo plura intuenda sunt, quam ut probet
factum esse, hoc esse factum, non recte factum, ju-
re se intendere. Ita circa species easdem lis omnis
versabitur, translatis tantum aliquando partibus: ut
in causis in quibus de præmio agitur, recte factum
petitor probat. Hæc quatuor velut proposita formæ-
que actionis, quæ tum generales status vocabam, in
duo (ut ostendi) genera discedunt, rationale, & le-
gale. Rationale simplicius est, quia ipsius tantum
naturæ contemplatione constat. Itaque in eo satis
est ostendisse conjecturam, finitionem, qualitatem.
Legalium plures sint species necesse est, propterea
quod multæ sunt leges, & varias habent formas.

CAP. VI. Alia est cujus verbis nitimur, alia cujus voluntate: alias nobis, cum ipsi nullam habemus, adjungimus: alias inter se comparamus: alias in diversum interpretamur. Sic nascuntur hæc velut simulacra ex illis tribus, interim simplicia, interim & mixta, propriam tamen faciem ostendentia: ut scripti & voluntatis, quæ sine dubio aut qualitate aut conjectura continentur: & syllogismus, qui est maxime qualitatis: & legis contrariæ, quæ iisdem quibus scriptum & voluntas, constat: & ἀμφιβολία, quæ semper conjectura explicatur. Finitio quoque utriusque generi, quodque rerum quodque scripti contemplatione constat, communis est. Hæc omnia etiam in illos tres status veniunt, tamen quia (ut dixi) habent aliquid velut proprium, videntur demonstranda discipulis: & permittendum ea dicere vel status legales, vel quæstiones, vel capita quædam minora: dum sciant, nihil ne in his quidem præter tria quæ prædiximus, quæri. At quantum, & quam multum, & ad aliquid, & (ut nonnulli putaverunt) comparativus, non eandem rationem habent. Sunt enim hæc non ad varietatem juris, sed ad solam rationem referenda: ideoque semper in parte aut conjecturæ aut qualitatis ponenda sunt, ut qua mente, & quo tempore, & quo loco. Sed de singulis dicemus quæstionibus, cum tractare præcepta divisionis cœperimus. Hoc inter omnes convenit, in causis simplicibus singulos status esse causarum: quæstionum autem, quæ velut subjacentes ad illud quo iudicium continetur, referuntur, sæpe in unam cadere plures posse. Etiam credo aliquando dubitari, quo statu sit utendum, cum adversus unam intentionem
plura

plura opponuntur: & sicut in colore dicitur narra- CAP. VI.
tionis, eum esse optimum, quem actor optime tue-
atur: ita hic quoque posse dici, eum statum esse fa-
ciendum, in quo tuendo plurimum adhibere virium
possit orator. Ideoque pro Milone, aliud Ciceroni
agenti placuit, aliud Bruto, cum exercitationis gra-
tia componeret orationem: cum ille jure tanquam
insidiatorem occisum, & tamen non Milonis confi-
lio, dixerit: hic etiam gloriatus sit occiso malo ci-
ve. In conjunctis vero posse duos & tres inveniri,
vel diversos: ut si quis aliud se non fecisse, aliud re-
cte fecisse defendat: vel generis ejusdem, ut si quis
duo crimina vel omnia neget. Quod accidit etiam
si de una re quærat aliqui, sed eam plures pe-
tant, vel eodem jure, ut proximitatis; vel diverso,
ut cum hic testamento, ille proximitate nitatur. Quo-
ties autem aliud alii petitori opponitur, dissimiles
esse status necesse est: ut in illa controversia, *Testa-
menta legibus facta, rata sint. Intestatorum parentum
liberi hæredes sint. Abdicatus ne quid de bonis patris ca-
piat. Nothus ante legitimum natus, legitimus filius sit:
post legitimum natus, tantum civis. In adoptionem dare
liceat. In adoptionem dato redire in familiam liceat,
si pater naturalis sine liberis decesserit.* Qui ex duobus
legitimis alterum in adoptionem dederat, alterum
abdicaverat, sustulit nothum, instituto hærede ab-
dicato decessit. Omnes tres de bonis contendunt.
Nō, qui non sit legitimus, Græci vocant: Lati-
num rei nomen, ut Cato quoque in oratione qua-
dam testatus est, non habemus, ideoque utimur pe-
grino. Sed ad propositum. Hæredi scripto oppo-
nitur lex, *Abdicatus ne quid de bonis patris capiat:* fit
sta-

CAP. VI. status scripti & voluntatis, *an ullo modo capere possit, an ex voluntate patris, an hæres scriptus.* Notho duplex fit quæstio, quod post legitimos natus sit, & quod non sit ante legitimum natus. Prior syllogismum habet, *an pro non natis sint habendi, qui a familia sunt alienati.* Altera scripti & voluntatis. Non esse enim hunc natum ante legitimum convenit: sed voluntate legis se tuebitur, quam dicet talem fuisse, ut legitimus esset nothus tum natus, cum alius legitimus in domo non esset. Scriptum quoque legis excludet, dicens, *non utique si postea legitimus natus non sit, notho nocere:* uteturque hoc argumento, *finge solum natum nothum, cujus conditionis erit? tantum civis? atqui non erit post legitimum natus. filius? atqui non erit ante legitimos natus. quare si verbis legis stari non potest, voluntate standum est.* Nec quenquam turbet, quod ex una lege duo status fiant. duplex est, ita vim duarum habet. Redire in familiam volenti dicitur ab altero, primum, *ut tibi redire liceat, hæres sum.* idem status, qui in petitione abdicati. quæritur enim, *an possit esse hæres.* Adjicitur communiter a duobus, *redire tibi in familiam non licet, non enim pater sine liberis decessit.* Sed in hoc propria quisque eorum quæstione niteatur. Alter enim dicet, *abdicatum quoque inter liberos esse:* & argumentum ducet ex ipsa qua repellitur lege. Supervacuum enim fuisse prohiberi patris bonis abdicatum, si esset numero alienorum: nunc quia filii jure futurus fuerit intestati hæres, oppositam esse legem, qua tamen non id efficiatur ne filius sit, sed ne hæres sit. Status finitivus, *quid sit filius.* Rursus nothus eisdem colligit argumentis,
non

non sine liberis patrem decessisse, quibus in petitione CAP. VI.
 usus est, ut probaret esse se filium; nisi forte & hic
 finitionem movet, *an liberi sint etiam non legitimi*.
 Cadent igitur in unam controversiam vel specialiter
 duo legitimi status, scripti & voluntatis, & syllogi-
 smus, & præterea finitio: vel tres illi, qui natura
 soli sunt, conjectura in scripto & voluntate, quali-
 tas in syllogismo, & quæ per se est aperta finitio.
 Causa quoque, & judicatio & continens est in omni
 genere causarum. Nihil enim dicitur cui non insit,
 ratio, & quo iudicium referatur, & quod rem ma-
 xime contineat. Sed quia magis hæc variantur in li-
 nibus, & fere tradita sunt ab iis qui de judicialibus
 causis aliqua composuerunt, in illam partem diffe-
 rantur. Nunc quia in tria genera causas divisi, or-
 dinem sequar.

AC potissimum incipiam ab ea quæ constat CAP. VII.
 laude ac vituperatione. Quod genus videtur Aristo-
 teles, atque eum secutus Theophrastus, a parte ne-
 gotiali, hoc est *πραγματικῇ* removisse, totamque
 ad solos auditores relegasse: & id ejus nominis,
 quod ab ostentatione ducitur, proprium est. Sed
 mos Romanus etiam negotiis hoc munus inseruit.
 Nam & funebres laudationes pendent frequenter ex
 publico aliquo officio, atque ex senatusconsulto ma-
 gistratibus sæpe mandantur: & laudare testem, vel
 contra, pertinet ad momentum judiciorum: & ipsi
 etiam reis dare laudatores licet: & editi in compe-
 titores, in L. Pisonem, in Clodium & Curionem
 libri, vituperationem continent, & tamen in senatu
 Z loco

CAP. VII. loco sunt habiti sententiæ. Neque inficias eo, quædam esse ex hoc genere materias. ad solam compositionis ostentationem, ut laudes deorum, virorumque quos priora tempora tulerunt. Quo solvitur quæstio supra tractata: manifestumque est errare eos qui nunquam oratorem dicturum nisi de re dubia putaverunt. An laudes Capitolini Jovis, perpetua sacri certaminis materia, vel dubiæ sunt, vel non oratorio genere tractantur? Ut desiderat autem laus, quæ negotiis adhibetur, probationem: sic etiam illa quæ ostentationi componitur, habet interim aliquam speciem probationis: ut qui Romulum Martis filium, educatumque a lupa dicat, in argumentum cælestis ortus utatur his, quod abjectus in profluentem, non potuerit extinguï: quod omnia sic egerit, ut gentium præside bellorum deo incredibile non esset: quod ipsum quoque cælo receptum temporis ejus homines non dubitaverint. Quædam vero etiam in defensionis speciem cadent: ut si in laude Herculis, permutatum cum regina Lydiæ habitum, & imperata (ut traditur) pensâ orator excuset. Sed proprium laudis est, res amplificare & ornare. Quæ materia præcipue in deos & homines cadit: est tamen & aliorum animalium. etiam carentium anima. Verum in deis generaliter primum majestatem ipsius eorum naturæ venerabimur: deinde propriam vim cujusque, & inventa, quæ utile aliquid hominibus attulerint. Vis ostenditur, ut in Jove, regendorum omnium: in Marte, belli: in Neptuno, maris. Inventa; ut artium, in Minerva: Mercurio, literarum: medicinæ, Apolline: Cerere, frugum: Libero, vini. Tum si qua ab iis acta vetustas tradit,

dit, commemoranda. Addunt etiam diis honorem CAP. VII.
parentes, ut si quis sit filius Jovis. Addit antiqui-
tas, ut iis qui sunt ex Chao. Progenies quoque,
ut Apollo ac Diana, Latonæ. Laudandum in qui-
busdam, quod geniti immortales: in quibusdam,
quod immortalitatem virtute sint consecuti: quod
pietas principis nostri, præsentium quoque tempo-
rum decus fecit. Magis est varia laus hominum.
Nam primum dividitur in tempora, quodque ante
eos fuit, quoque ipsi vixerunt. In iis autem qui
fati sunt functi, etiam quod est infecutum. Ante
hominem, patria ac parentes, majoresque erunt;
quorum duplex tractatus est: aut enim respondisse
nobilitati, pulchrum erit: aut humilior genus illu-
strasse factis. Illa quoque interim ex eo quod ante
ipsum fuit tempore trahuntur, quæ responsis vel au-
guriis futuram claritatem promiserint: ut eum qui
ex Theride natus esset, majorem patre suo futurum
cecinisse dicuntur oracula. Ipsius vero laus hominis,
ex animo, & corpore, & extra positis peti debet.
Et corporis quidem fortuitorumque cum levior, tum
non uno modo tractanda est. Nam & pulchritudi-
nem interim roburque prosequimur honore verbo-
rum, ut Homerus in Agamemnone atque Achille.
Interim confert admirationi multum etiam infirmi-
tas, ut cum idem Tydea parvum, sed bellatorem
dicit fuisse. Fortuna vero cum dignitatem affert, ut
in regibus principibusque, (namque est hæc materia
ostendendæ virtutis uberior) tum quo minores opes
fuerunt, eo majorem benefactis gloriam parit. Sed
omnia quæ extra nos bona sunt, quæque homini-
bus forte obtigerunt, non ideo laudantur, quod ha-
buerit

CAP. VII. buerit quis ea, sed quod his honeste sit usus. Nam divitiæ, & potentia, & gratia, cum plurimum virium dent in utramque partem, certissimum faciunt morum experimentum. aut enim meliores propter hæc, aut peiores sumus. Animi semper vera laus: sed non una per hoc opus via ducitur. Namque alias ætatis gradus, gestarumque rerum ordinem sequi speciosius fuit, ut in primis annis laudaretur indoles, tum disciplinæ, post hoc operum, id est factorum dictorumque contextus: alias in species virtutum dividere laudem, fortitudinis, justitiæ, continentiae, cæterarumque, ac singulis assignare quæ secundum quamque earum gesta erunt. Utra sit autem harum via utilior, cum materia deliberabimus: dum sciamus gratiora esse audientibus, quæ solus quis, aut primus, aut certe cum paucis fecisse dicitur; si quid præterea supra spem aut expectationem, præcipue quod aliena potius causa, quam sua. Tempus quod finem hominis insequitur, non semper tractare contingit: non solum quod viuentes aliquando laudamus, sed quod rara hæc occasio est; ut referri possint divini honores & decreta, ut publice statutz constitutz. Inter quæ numeraverim ingeniorum monumenta quæ seculis probarentur. Nam quidam, sicut Menander, iustiora posterorum quam suæ ætatis iudicia sunt consecuti. Afferunt laudem liberi parentibus, urbes conditoribus, leges latoribus, artes inventoribus, nec non instituta quoque auctoribus, ut a Numa traditum deos colere, & a Publicola fasces populo summittere. Qui omnis etiam in vituperatione ordo constabit tantum in diversum. Nam & turpitudine generis opprobrio multis fuit: & quos-

quosdam claritas ipsa notiores circa vitia, & invisos **CAP. VII.**
magis fecit: & in quibusdam, ut in Paride traditum
est, prædicta perniciēs: & corporis ac fortunæ qui-
busdam mala contemptum, ut Therisitæ, atque Iro:
quibusdam bona vitiis corrupta odium attulerunt:
ut Nireia imbellem, Plisthenem impudicum, a poëtis
accepimus. Et animi totidem vitia, quot virtutes
sunt: nec minus quam in laudibus, duplici ratione
tractantur. Et post mortem adjecta quibusdam igno-
minia est: ut Melio, cujus domus solo æquata: Mar-
coque Manlio, cujus prænomen e familia in poste-
rum exemptum est. Et parentes malorum odimus. Et
est conditoribus urbium infame, contraxisse aliquam
perniciōsam cæteris gentem, qualis est primus Ju-
daicæ superstitionis auctor: & Gracchorum leges
invisæ: & si quod est exemplum deformis posteris
traditum, quale libidinis vir Perses in muliere Sa-
mia instituere ausus dicitur primus. Sed in viven-
tibus quoque judicia hominum velut argumenta sunt
morum, & honos aut ignominia veram esse laudem
vel vituperationem probat. Interesse tamen Aristo-
teles putat ubi quidque laudetur aut vituperetur.
Nam plurimum refert qui sint audientium mores,
quæ publice recepta persuasio: ut illa maxime quæ
probant, esse in eo qui laudabitur, credant: aut
in eo contra quem dicemus, ea quæ oderint. Ita
non dubium erit judicium, quod orationem præces-
serit. Ipsorum etiam permiscenda laus semper. nam
id benevolos facit: quoties autem fieri poterit, cum
materiæ utilitate jungenda. Minus Lacedæmone stu-
dia literarum, quam Athenis, honoris merebuntur;
plus patientia, ac fortitudo. Rapto vivere quibus-
dam

CAP. VII. dam honestum, aliis cura legum. Frugalitas apud Sybaritas forsitan odio foret, veteribus Romanis summum crimen luxuria. Eadem in singulis differentia. Maxime faver iudex, qui sibi dicentem assentiri putat. Idem præcipit illud quoque, quod mox Cornelius Celsus prope supra modum invasit: quia sit quædam virtutibus ac vitiis vicinitas, utendum proxima derivatione verborum, ut pro temerario fortem, pro prodigo liberalem, pro avaro parcum vocemus: quæ eadem etiam contra valeat. Quod quidem orator, id est vir bonus, nunquam faciet, nisi forte communi utilitate ducatur. Laudantur autem urbes similiter atque homines. Nam pro parente est conditor: & multum auctoritatis affert vetustas, ut iis qui terra dicuntur orti: & virtutes ac vitia circa res gestas: eademque in singulis. Illa propria, quæ ex loci positione ac munitione sunt. Cives illis, ut hominibus liberi, decori. Est laus & operum, in quibus honor, utilitas, pulchritudo, auctor spectari solet. Honor, ut in templis: utilitas, ut in muris: pulchritudo vel auctor utrobique. Est & locorum, qualis Siciliae apud Ciceronem. in quibus similiter speciem & utilitatem intuemur: speciem, maritimis, planis, amœnis: utilitatem, salubribus, fertilibus. Erit etiam dictorum factorumque laus generalis. Erit & rerum omnis modi. Nam & somni & mortis scriptæ laudes, & quorundam a medicis ciborum. Itaque ut non consensu hoc laudativum genus circa solam versari honesti questionem, sic qualitate maxime contineri puto: quamquam omnes tres status cadere in hoc opus possint, iisque usum C. Cæsarem in vituperando Catone, notaverit

averit Cicero. Totum autem habet aliquid simile CAP. VII.
suasoris: quia plerumque eadem illic suaderi, hic
laudari solent.

DELIBERATIVAS quoque miror a quibusdam CAP. VIII.
sola utilitate finitas. Ac siquid in his unum sequi
oporteret, potior fuisset apud me Ciceronis senten-
tia, qui hoc materiae genus dignitate maxime con-
tineri putat. Nec dubito quin hi qui sunt in illa
priori sententia, secundum opinionem pulcherri-
mam, ne utile quidem, nisi quod honestum esset,
existimarint. Et est hæc ratio verissima, si consili-
um contingat semper bonorum atque sapientum. Ve-
rum apud imperitos, apud quos frequenter dicenda
est sententia, populumque præcipue, qui ex pluri-
bus constat indoctis, discernenda sunt hæc, & se-
cundum communes magis intellectus loquendum.
Sunt enim multi qui etiam quæ credunt honesta,
non tamen satis eadem utilia quoque existiment, &
quæ turpia esse dubitare non possunt, utilitatis spe-
cie ducti præbent, ut foedus Numantinum, jugumque
Caudinum. Ne qualitatibus quidem statu, in quo &
honestorum & utilium quæstio est, complecti eas sa-
tis est. Nam frequenter in his etiam conjecturae lo-
cus est. nonnunquam tractatur aliqua finitio: ali-
quando etiam legales possunt incidere tractatus, in
privata maxime consilia, siquando ambigitur, an
liceat. De conjectura paulo post pluribus. Interim
estne finitio apud Demosthenem, *de Halonnesum*
Philippus, an reddat? apud Ciceronem in *Philippi-*
cis, quid sit tumultus? Quid? non illa similis judi-
ciali-

CAP. VIII. cialium quæstio, de statua Servii Sulpitii, *an is de-
mum ponenda sit, qui in legatione ferro sunt interemti?*
Ergo pars deliberativa, quæ eadem suasoria dicitur,
de tempore futuro consultat, quærit etiam de præ-
terito: officiis constat duobus, suadendi, ac dissua-
dendi. Proœmio, quale est in judicialibus, non
ubique eget, quia conciliatus est ei quisque, quem
consultit. Initium tamen quodcunque debet habere
aliquam proœmii speciem. neque enim abrupte,
nec unde libuit, incipiendum: quia est aliquid in
omni materia naturaliter primum. In senatu uti-
que & in concionibus, eadem ratio quæ apud judi-
ces, acquirendæ sibi plerumque eorum apud quos
dicendum sit, benevolentia. Nec mirum, cum et-
iam in Panegyricis petatur audientium favor, ubi
emolumentum non in utilitate aliqua, sed in sola
laude consistit. Aristoteles quidem, nec sine causa,
putat & a nostra, & ab ejus qui dissentiet persona,
duci frequenter in consiliis exordium, quasi mutu-
antibus hoc nobis a judiciali genere: nonnunquam
etiam ut minor res majorve videatur. In demon-
strativis vero proœmia esse maxime libera existi-
mat. Nam & longe a materia duci, ut in Helenæ
laude Isocrates fecerit: & ex aliqua rei vicinia, ut
idem in Panegyrico conqueritur plus honoris cor-
porum quam animorum virtutibus dari: & Gor-
gias in Olympico laudans eos qui primi tales in-
stituerunt conventus. Quos secutus videlicet Cris-
pus Sallustius, in Bello Jugurthino & Catilinario,
nihil ad historiam pertinentibus principiis orsus est.
Sed nunc ad suasoriam, in qua etiam quum proœ-
mio utemur, brevior tamen & velut quodam ca-
pite

pite tantum & initio debebimus esse contenti. Nar- CAP. VIII.
 rationem vero nunquam exigit privata deliberatio
 ejus duntaxat rei, de qua dicenda sententia est: quia
 nemo ignorat id de quo consulit. Extrinsecus pos-
 sunt pertinentia ad deliberationem multa narrari. In
 concionibus sæpe est etiam illa quæ ordinem rei do-
 cet, necessaria. Affectus, ut quæ maxime, postulat.
 Nam & concitanda & lenienda frequenter est ira,
 & ad metum, cupiditatem, odium, conciliationem
 impellendi animi. Nonnunquam etiam movenda
 miseratio est, sive ut auxilium oblessis feratur, sua-
 dere oportebit, sive sociæ civitatis eversionem defle-
 bimus. Valet autem in consiliis auctoritas plurimum.
 Nam & prudentissimus esse haberique, & optimus
 debet, qui sententiæ suæ de utilibus atque honestis
 credere omnes velit. In judiciis enim vulgo fas ha-
 betur indulgere aliquid studio suo; consilia nemo
 est qui neget secundum mores dari. Græcorum qui-
 dem plurimi omne hoc officium concionale esse ju-
 dicaverunt, & in sola reipublicæ administratione po-
 fuerunt. Quin & Cicero in hac maxime parte ver-
 satur. Ideoque suasuris de pace, bello, copiis, ope-
 ribus, vectigalibus, hæc duo præcipue nota esse vo-
 luit, vires civitatis, & mores: ut ex natura cum ipsa-
 rum rerum, tum audientium, ratio suadendi duce-
 retur. Nobis major in re videtur varietas. nam &
 consultantium & consiliorum plurima sunt genera.
 Quare in suadendo & dissuadendo tria primum spe-
 ctanda erunt; Quid sit de quo deliberetur, qui sint
 qui deliberent, qui sit qui suadeat. Rem de qua de-
 liberatur, aut certum est posse fieri, aut incertum.
 Si incertum, hæc erit quæstio sola, aut potentissi-

A a

ma,

CAP. VIII. ma. Sæpe enim accidet ut prius dicamus, ne si posset quidem fieri, esse faciendum: deinde fieri non posse. Cum autem de hoc quaeritur, conjectura est, *an Isthmos intercidi, an siccari palus Pomptina, an portus fieri Hostia possit: an Alexander terras ultra Oceanum sit inventurus.* Sed in iis quoque quæ constabit posse fieri, conjectura aliquando erit: ut si quaeratur, *an utique futurum sit ut Carthaginem superent Romani: ut redeat Hannibal si Scipio exercitum in Africam transfulerit: ut servant fidem Samnites, si Romani arma deposuerint.* Quædam & fieri posse, & futura esse credibile est: sed aut alio tempore, aut alio loco, aut alio modo. Ubi conjecturæ non erit locus, alia sunt intuenda. Et primum, aut propter ipsam rem de qua sententiæ rogantur, consultabitur: aut propter alias intervenientes extrinsecus causas. Propter ipsam deliberant Patres conscripti, *an stipendium militi constituent.* Hæc materia simplex erit. Accedunt causæ aut faciendi; ut, deliberant P. C. *an Fabios dedant Gallis bellum minitantibus.* Aut non faciendi; ut, deliberat C. Cæsar, *an perseveret in Germaniam ire, cum milites passim testamenta facerent.* Hæc suavoriæ duplices sunt. Nam & illic causa deliberandi est, quod bellum Galli minitentur: esse tamen quaestio potest, dedendine fuerint etiam citra hanc denunciationem, qui contra fas, cum legati missi essent, praelium iniierint, regemque ad quem mandata acceperant, trucidarint. Et nihil Cæsar sine dubio deliberaret, nisi propter hanc militum perturbationem: est tamen locus quaerendi, *an citra hunc quoque casum penetrandum in Germaniam fuerit.* Semper autem de eo prius loquemur, de quo deliberari etiam detractis sequentibus posset. Parte
sua

suadendi quidam putaverunt honestum, utile, ne-
cessarium. Ego non invenio huic tertiæ locum. Quan-
talibet enim vis ingruat, aliquid fortasse pati ne-
cesse sit, nihil facere: de faciendo autem delibera-
tur. Quod si hanc vocant necessitatem, in quam
homines graviorum metu coguntur, utilitatis erit
quæstio: ut si obsessi, & impares, & aqua ciboq;
defecti, de facienda ad hostem deditione deliberent,
& dicatur, necesse est: nempe sequitur ut hoc subji-
ciatur, alioqui pereundum est. ita propter id ipsum
non est necesse, quia perire potius licet. denique
non fecerunt Saguntini, nec in rate Opitergini cir-
cumventi. Igitur in his quoque causis, aut de sola
utilitate ambigetur, aut quæstio inter utile atque
honestum consistet. At enim, si quis liberos procre-
are velit, necesse habeat uxorem ducere: quis du-
bitat? sed ei qui pater vult fieri, liqueat necesse est,
uxorem esse ducendam. Itaque mihi ne consilium
quidem videtur, ubi necessitas est: non magis quam
ubi constat quid fieri omnino non posse. Omnis enim
deliberatio de dubiis est. Melius igitur, qui terti-
am partem dixerunt *δυνατόν*, quod nostri possibile
nominant. quæ ut dura videatur appellatio, tamen
sola est. Quas partes non omnes in omnem cadere
suasoriam manifestius est quam ut docendum sit. Ta-
men apud plerosque earum numerus augetur, a qui-
bus ponuntur ut partes, quæ species sunt partium.
Nam fas, justum, pium, æquum, mansuetum quo-
que (sic enim sunt interpretati τὸ ἡμῶν) & si qua
adhuc adicere quis ejusdem generis velit, subji-
ci possunt honestati. An sit autem facile, magnum,
jucundum, sine periculo, ad quæstionem pertinet
A a 2 utili-

CAP. VIII. utilitatis : qui loci oriuntur ex contradictione. Est quidem utile , sed difficile , parvum , injucundum , periculosum. Tamen quibusdam videtur esse nonnunquam de jucunditate sola consultatio , ut si de ædificando theatro , instituendis ludis , deliberetur. Sed neminem adeo solutum luxu puto , ut nihil in causa suadendi sequatur præter voluptatem. Præcedat enim semper aliquid necesse est , ut in ludis honor deorum , in theatro non inutilis laborum remissio , deformis & incommoda turbæ , si id non sit , conflictatio : & nihilominus eadem illa religio , cum theatrum veluti quoddam illius sacri templum vocabimus. Sæpe vero & utilitatem despiciendam esse dicimus , ut honesta faciamus : ut cum illis Opiterginis damus consilium , ne se hostibus dedant , quamquam perituri sint nisi fecerint. Et utilia honestis præferimus : ut cum suademus ut bello Punico servi armentur. Sed tamen neque hic plane concedendum est , esse id inhonestum. Liberos enim natura omnes , & usdem constare elementis , & fortasse aliquis etiam nobilibus ortus dici potest. Et illic ubi manifestum periculum est , opponenda alia : ut crudelius etiam perituros affirmemus si se dederint , sive hostis non servaverit fidem , sive Cæsar vicerit , quod vero similis. Hæc autem , quæ tantum inter se pugnant , plerumque nominibus deflecti solent. Nam & utilitas ipsa oppugnatur ab iis , qui dicunt non solum potiora esse honesta quam utilia , sed ne utilia quidem esse quæ non sint honesta : & contra quod non honestum , illi vanum , ambitiosum , stolidum , verbis quam re probabilis vocant. Nec tantum inutilibus comparantur utilia , sed inter se quoque ipsa :

ut si ex duobus eligamus, in altero quid sit magis, in altero quid sit minus. Crescit hoc adhuc. Nam interim triplices etiam suasiores incidunt: ut cum Pompejus deliberavit, Parthos, an Africam, an Aegyptum peteret. Ita non tantum utrum melius, sed quid sit optimum, quaeritur. Itemque contra. Nec unquam incidit in hoc genere materia dubitatio rei quae undique secundum nos sit. Nam ubi contradictioni locus non est, quae potest esse causa dubitandi? Ita fere omnis suasio nihil est aliud quam comparatio. Videndumque, quid consecuturi simus, & per quid: ut aestimari possit, plus in eo quod petimus, sit commodi, an vero in eo per quod perimus, incommodi. Est utilitatis & in tempore quaestio, *Expedi, sed non nunc*. Et in loco, *Non hic*. Et in persona, *Non nobis, non contra hos*. Et in genere agendi, *Non sic*. Et in modo, *Non in tantum*. Sed personam sapientis decoris gratia intuemur, quae & in nobis, & in iis qui deliberant, spectanda est. Itaque quamvis exempla plurimum in consiliis possunt, quia facillime ad consentiendum homines ducuntur experimentis: refert tamen quorum auctoritas, & quibus adhibeatur. Diversi sunt enim deliberantium animi, duplex conditio. Nam consultant aut plures, aut singuli: sed in utrisque differentia: quia & in pluribus multum interest, *Senatus sit, an Populus: Romani, an Fidenates: Graeci, an Barbari*. & in singulis, *Catonem petendos honores suademus, an C. Mario: de ratione belli Scipio prior, an Fabius deliberet*. Proinde intuenta, sexus, dignitas, aetas. Sed & mores praecipue discrimen dabunt. Et honesta quidem honestis suadere facillimum est: si

CAP. VIII. vero apud turpes recta obtinere conabimur, ne videamur exprobrare diversam vitæ sectam, cavendum est; & animus deliberantis, non ipsa honesti natura, quam ille non respicit, permovendus: sed laude vulgi, opinione, & si parum proficiet hæc vanitas, secutura ex his utilitate: aliquanto vero magis objiciendo aliquos, si diversa fecerint, metus. Nam præter id quod his levissimi cujusque animus facillime terretur, nescio an etiam naturaliter apud plurimos plus valeat malorum timor, quam spes bonorum: sicut facilius eisdem turpium quam honestorum intellectus est. Aliquando bonis quoque suadentur parum decora, dantur parum bonis consilia, in quibus ipsorum qui consulunt, spectatur utilitas. Nec me fallit quæ statim cogitatio subire possit legentem: Hoc ergo præcipis? & hoc fas putas? Poterat me liberare M. Cicero, qui ita scribit ad Brutum: *Propositis plurimis qua honeste suaderi Cassari possent, simne bonus vir, si hæc suadeam? Minime.* Suasoris enim finis est utilitas ejus cui quisque suadet. At recta sunt: quis negat? sed non est semper rectis in suadendo locus. Sed quia est altior questio, nec tantum ad suasorias pertinet, destinatus est mihi hic locus duodecimo (qui summus futurus est) libro. Nec ego quicquam fieri turpiter velim, verum interim hæc vel ad scholarum exercitationes pertinere credantur. nam & iniquorum ratio notanda est, ut melius æqua tueamur. Interim si quis bono inhonesta suadebit, meminerit non suadere tantquam inhonesta, ut quidam declamatores Sextum Pompejum ad piraticam, propter hoc ipsum, quod turpis & crudelis sit, impellunt. sed dandus illis de-

for-

formibus color, idque etiam apud malos. Neque enim quisquam est tam malus, ut malus videri velit. Sic Catilina apud Sallustium loquitur, ut rem sceleratissimam non malitia, sed indignatione videatur audere. Sic Atreus apud Varium,

Jam fero (inquit) infandissima, jam facere cogor.

Quanto magis eis quibus curæ fama fuit, conservandus est hic vel ambitus? Quare & cum Ciceroni dabimus consilium ut Antonium roget, vel etiam ut Philippicas (ita vitam pollicente eo) extorat, non cupiditatem lucis allegabimus, (hæc enim si valet in animo ejus, tacentibus quoque nobis valet) sed ut se reipublicæ servet, hortabimur. Hac illi opus est occasione, ne eum talium precum pudeat. Et Cajo Cæsari suadentes regnum, affirmabimus stare jam rempublicam nisi uno regente, non posse. Nam qui de re nefaria deliberat, id solum querit, quomodo quam minimum peccare videatur. Multum refert etiam quæ sit persona suadentis: quia anteacta vita, si illustris fuit, aut clarius genus, aut ætas, aut fortuna, affert expectationem. Providendum est, ne quæ dicuntur, ab eo qui dicit, dissentiant. At his contraria summissiorem quendam modum postulant. Nam quæ in aliis libertas est, in aliis licentia vocatur. Et quibusdam sufficit auctoritas, quosdam ratio ipsa ægre tuetur. Ideoque longe mihi difficillimæ videntur prosopopœiæ, in quibus ad reliquam suavioris laborem accedit etiam personæ difficultas. Namque idem illud aliter Cæsar, aliter Cicerone, aliter Cato suadere debet. Utilissima vero hæc exercitatio, vel quod duplicis est operis, vel quod poetis quoque, aut historianum futuris scriptoribus

CAP. VIII. ribus plurimum confert: verum & oratoribus necessaria. Nam sunt multæ a Græcis Latinisque compositæ orationes, quibus alii uterentur, ad quorum conditionem vitamque aptanda quæ dicebantur fuerunt. An eodem modo cogitavit, aut eandem personam induit Cicero cum scriberet Cn. Pompejo, & cum Domitio Cæsarive: ac non uniuscujusque eorum fortunam, dignitatem, res gestas intuitus, omnium quibus vocem dabat, etiam imaginem expressit? ut melius quidem, sed tamen ipsi dicere viderentur. Neque enim minus vitiosa est oratio, si ab homine, quam si a re cui accommodari debuit, dissidet. Ideoque Lysias optime videtur in iis quæ scribebat indoctis, servasse veritatis fidem. Enimvero præcipue declamatoribus considerandum est, quid cuique personæ conveniat: qui paucissimas controversias ita dicunt ut advocati: plerumque filii, patres, divites, senes, asperi, lenes, avari, denique superstitiosi, timidi, derisores fiunt: ut vix comædiarum actoribus plures habitus in pronunc iando capiendi sint, quam his in dicendo. Quæ omnia videri possunt prosopopœiæ, quas ego suavoriis subjeci, quia nullo alio ab his quam persona distant. Quanquam hæc aliquando etiam in controversias ducitur, quæ ex historiis compositæ, certius agentium nominibus continentur. Neque ignoro, plerumque exercitationis gratia poni & poëticas & historicas; ut, Priami verba apud Achillem, aut Syllæ dictataram deponentis in concione. Sed hæc in partem cedunt trium generum in quæ causas divisimus. Nam & rogare, indicare, rationem reddere, & alia de quibus supra dictum est, varie, atque ut res vult, in materia

materia judiciali, deliberativa, demonstrativa, sub- CAP. VIII;
jicere solemus. Frequentissime vero in his utimur
ficta personarum quas ipsi substituimus, oratione:
ut apud Ciceronem pro Cœlio, Clodium & Cæcus
Appius, & Clodius frater, ille in castigationem, hic
in rationem amorum compositus, alloquitur. Solent
in scholis fingi materiæ ad deliberandum similiores
controverſiis, & ex utroque genere commixtæ: ut
cum apud C. Cæsarem consultatio de pœna Theo-
dori ponitur. Constat enim accusatione & defensi-
one causæ; quod est judicialium proprium. Per-
mixta autem est & utilitatis ratio, *an pro Cæsare fue-
rit occidi Pompeium: an timendum a rege bellum, si
Theodorus sit occisus: an id minime opportunum hoc tem-
pore, & periculosum, & certe longum sit futurum.* Quæ-
ritur & de honesto, *deceatne Cæsarem ultio Pompeii:
an sit verendum, ne pejorem faciat suarum partium cau-
sam, si Pompeium indignum morte fateatur.* Quod ge-
nus accidere etiam veritati potest. Non simplex au-
tem circa suasorias error in plerisque declamatori-
bus fuit, qui dicendi genus in his diversum, atque
illi judiciali contrarium esse existimarunt. Nam &
principia abrupta, & concitatam semper orationem,
& in verbis effusiores (ut ipsi vocant) cultum affe-
ctaverunt, & harum breviores utique commentarios
quam legalis materiæ facere elaborarunt. Ego por-
ro ut proœmio video non utique opus esse suasoriis,
propter quas dixi supra causas, ita cur initio furio-
so sit exclamandum, non intelligo: cum proposita
consultatione rogatus sententiam, si modo est sanus,
non quiritet, sed quam maxime potest civili & hu-
mano ingressu mereri assensum deliberantis velit.

Bb

Cur

CAP. VIII. Cur autem torrens, & utique æqualiter concitata sit in ea dicentis oratio, cum vel præcipue moderationem rationemque consilia desiderent? Neque ego negaverim sapius subsidere in controversiis impetum dicendi procæmio, narratione, argumentis: quæ si detrahas, id fere supererit, quo suasoriæ constant. verum id quoque æqualius erit, non tumultuosius atque turbidius. Verborum autem magnificentia non validius est affectanda suasorias declamantibus, sed contingit magis. Nam & personæ fere magnæ fin- gentibus placent, regum, principum, populi, senatus, & res ampliores. ita cum verba rebus aptentur, ipso materiæ nitore clarescunt. Alia veris consiliis ratio est: ideoque Theophrastus quam maxime remotum ab omni affectatione in deliberativo genere voluit esse sermonem; secutus in hoc auctoritatem præceptoris sui: quanquam dissentire ab eo non timide solet. Namque Aristoteles idoneam maxime ad scribendum demonstrativam, proximamque ab ea judicalem putavit: videlicet quoniam prior illa tota esset ostentationis, hæc secunda egeret artis, vel ad fallendum, si ita poposcisset utilitas, consilia fide prudentiaque constarent. Quibus in demonstrativa consentio. Nam & omnes alii scriptores idem tradiderunt. In judiciis autem consiliisque secundum conditionem ipsius quæ tractabitur rei, accommodandam dicendi credo rationem. Nam & Philippicas Demosthenis eisdem quibus habitas in judiciis orationes, video eminere virtutibus. Et Ciceronis sententiæ & conciones, non minus clarum quam est in accusationibus ac defensionibus, eloquentiæ lumen ostendunt. Dicit tamen idem de suasoria, hoc modo,

do: *Tota autem oratio, simplex, & gravis, & sententia debet ornatiores esse quam verbis.* Usus exemplorum nulli materiae magis convenire merito fere omnes consentiunt, cum plerumque videantur respondere futura praeteritis, habeaturque experimentum velut quoddam rationis, testimonium. Brevitas quoque aut copia non genere materiae, sed modo constat. Nam ut in consiliis plerumque simplicior quaestio est, ita saepe in causis minor. Quae omnia vera esse sciet, si quis non orationes modo, sed historias etiam (namque in his conciones atque sententiae plerumque suadendi ac dissuadendi funguntur officio) legere maluerit, quam in commentariis rhetorum consensescere. Inveniet enim nec in consiliis abrupta initia, & concitatus saepe in judiciis dictum, & verba aptata rebus in utroque genere, & breviores aliquanto causarum orationes quam sententiarum. Ne illa quidem in his vitia deprehendet, quibus quidam declamatores laborant, quod & contra sentientibus inhumane convitiantur, & ita plerumque dicunt, tanquam ab iis qui deliberant utique dissentiant: ideoque oburgantibus similiores sunt, quam suadentibus. Hae adolescentes sibi scripta sciant, ne aliter quam dicturi sint, exerceri velint, & in desuiscendis morentur. Caeterum cum advocari coeperint in consilia amicorum, dicere sententiam in senatu, suadere si quid consulat princeps; quod praecipis fortasse non credunt, usu docebuntur.

CAP. VIII.

NUNC de judiciali genere, quod est praecipue multiplex, sed officiis constat duobus, intentionis ac depulsionis. cujus partes, ut plurimis auctoribus

CAP. IX.

B b 2

pla-

CAP. IX. placuit, quinque sunt, proœmium, narratio, probatio, refutatio, peroratio. His adjecerunt quidam, partitionem, propositionem, excessum: quarum priores duæ probationi succedunt. Nam proponere quidem quæ sis probaturus, necesse est: sed & concludere. Cur igitur si illa pars causæ est, non & hæc sit? Partitio vero dispositionis est species, ipsa dispositio pars rhetorices, & per omnes materias totumque earum corpus æqualiter fusa, sicut inventio & elocutio. Ideoque eam non orationis totius partem unam esse credendum est, sed quæstionum etiam singularum. Quæ namque est quæstio, in qua non promittere possit orator quid primo, quid secundo, quid tertio sit loco dicturus? quod est proprium partitionis. Quam ergo ridiculum est, quæstionem quidem speciem esse probationis; partitionem autem, quæ sit species quæstionis, partem totius orationis vocari? Egressio vero, vel (quod usitatus esse cœpit) excessus, sive est extra causam, non potest esse pars causæ; sive est in causâ, adiutorium vel ornamentum partium est earum ex quibus egreditur. Nam si quicquid in causâ est, pars causæ vocabitur; cur non argumentum, similitudo, locus communis, affectus, exempla, partes vocentur? Tamen nec iis assentior qui detrahunt refutationem, tanquam probationi subjectam, ut Aristoteles. hæc enim est quæ constituat, illa quæ destruat. Hoc quoque idem aliquatenus novat, quod proœmio non narrationem subjungit, sed propositionem. Verum id facit quia propositio genus, narratio species videtur: & hæc non semper, illa semper & ubique credit opus esse. Verum ex his quas constitui partibus, non ut quid-
que

que primum dicendum, ita primum cogitandum est: **CAP. IX.**
 sed ante omnia intueri oportet, quod sit genus causæ, quid in ea quærat, quæ prosint, quæ noceant: deinde quid confirmandum sit, ac refellendum: tum quomodo narrandum. Expositio enim probationum est præparatio: nec esse utilis potest, nisi prius constiterit quid debeat de probatione promittere. Postremo intuendum quemadmodum iudex sit conciliandus. Neque enim nisi totis causæ partibus diligenter inspectis, scire possumus qualem nobis facere animum cognoscentis expediat, severum an mitem, concitatum an remissum, adversum gratiæ an obnoxium. Neque ideo tamen eos probaverim, qui scribendum quoque procœmium novissime putant. Nam ut conferri materiam omnem oportet, & quid quoque loco sit opus, constare debet, antequam dicere aut scribere ordiamur; ita incipiendum ab iis quæ prima sunt. Nam nec pingere quisquam aut fingere cœpit a pedibus: nec denique ars ulla consummatur ibi unde ordiendum est. Quid fiet alioqui, si spatium componendi orationem stylo non fuerit? nonne nos hæc inversa consuetudo deceperit? Inspicienda igitur materia est, quo præcipimus ordine: scribenda, quo dicimus.

CÆTERUM causa omnis, in qua pars altera **CAP. X.**
 agentis est, altera recusantis, aut unius rei controversia constat, aut plurium. Illa simplex dicitur, hæc conjuncta. Una controversia est per se furti, per se adulterii. Plures, aut ejusdem generis, ut in pecuniis repetundis: aut diversi, ut si quis sacrilegii

Bb 3

simul

Cap. X. simul & homicidii accusetur. Quod nunc in publicis judiciis non accidit, quoniam prætor certa lege sortitur: principum autem & senatus cognitionibus frequens est: & populi fuit. Privata quoque judicia sæpe unum judicem habere multis & diversis formulis solent: nec aliæ species erunt, etiam si unus a duobus duntaxat eandem rem, atque ex eadem causa petet, aut duo ab uno, aut plures a pluribus; quod accidere in hæreditariis litibus interim scimus: quia quamvis in multis personis, causa tamen una est, nisi si conditio personarum quæstiones variaverit. Diversum his tertium genus, quod dicitur comparativum, cuius rei tractatus in parte causæ frequens est; ut cum apud centumviros post alia quaritur & hoc, uter dignior hæreditate sit. Rarum est autem ut in foro judicia propter id solum constituantur: sicut divinationes, quæ fiunt de accusatore constituendo; & nonnunquam inter delatores, uter præmium meruerit. Adjecerunt quidam numero mutuam accusationem, quæ ἀντικατηγορία vocatur: aliis videlicet succedere hanc quoque comparativo generi existimantibus: cui similis erit petitionum invicem diversarum: quod accidit vel frequentissime. Id si & ipsum vocari debet ἀντικατηγορία (nam proprio caret nomine) duo erunt genera ejus: alterum, quo litigatores idem crimen invicem intentant: alterum, quo aliud atque aliud. Cui & petitionum conditio par est. Cum apparuerit genus causæ, tum intuebimur, negeturne factum quod intenditur, an defendatur, an alio nomine appelletur, an a genere actionis repellatur: unde sunt status.

His

HIS inventis, intuendum deinceps Hermagoræ CAP. XI.
videtur quid sit quæstio, ratio, judicatio, *συζήτων*, id
est continens, vel, ut alii vocant, firmamentum.
Quæstio latius intelligitur omnis de qua in utramque
partem, vel in plures dici credibiliter potest. In
judiciali autem materia dupliciter accipienda est. Al-
tero modo, quo dicimus multas quæstiones habere
controversiam, quo etiam minores omnes comple-
simur: altero, quo significamus summam illam in
qua causa vertitur. De hac nunc loquor, ex qua na-
scitur status, an factum sit, quid factum sit, an recte
factum sit. Has Hermagoras & Apollodorus & alii
plurimi scriptores proprie quæstiones vocant: Theo-
dorus (ut dixi) capita generalia; sicut illas minores
aut ex illis pendentes, specialia. Nam & quæstio-
nem ex quæstione nasci, & speciem in species divi-
di convenit. Hanc igitur quæstionem veluti princi-
palem vocant *ζητήματα*. Ratio autem est, qua id
quod factum esse constat, defenditur. Et cur non
utamur eodem, quo sunt usi fere omnes, exemplo?
Orestes matrem occidit. hoc constat. dicit, *se jussu fecisse.*
status erit qualitat. quæstio, *an jussu fecerit.* ratio,
quod Clytemnestra maritum suum patrem Orestis occidit.
hoc *αἴτιον* dicitur. *κρινόμενον* autem judicatio, *an opor-*
tuerit vel nocentem matrem a filio occidi. Quidam di-
viferunt *αἴτιον* & *αἰτίαν*, ut esset altera, propter quam
judicium constitutum est, ut *occisa Clytemnestra*: al-
tera, qua factum defenditur, ut *occisus Agamemnon.*
Sed tanta est circa verba dissensio, ut alii *αἰτίαν* cau-
sam judicii, *αἴτιον* autem facti vocent: alii eadem in
contrarium vertant. Latinorum quidam hæc initium
& rationem vocaverunt: quidam utrumque eodem
nomi-

CAP. XI. nomine appellant. Causa quoque ex causa, id est αἰτίον ἐξ αἰτίας nasci videtur: quale est, *Occidit Agamemnonem Clytemnestra, quia ille filiam communem immolaverat, & captivam pellicem adducebat.* Iidem putant & sub una quaestione plures esse rationes: ut si Orestes & alteram afferat matris necatae causam, *quod responsis sit impulsus.* Quot autem causas faciendi, totidem iudicationes. Nam & hæc erit iudicatio, *an responsis parere debuerit.* Sed & una causa plures habere quaestiones & iudicationes (ut ego arbitror) potest: ut in eo qui cum adulteram deprehensam occidisset; adulterum qui tum effugerat, postea in foro occidit. Causa enim est una, *adulter fuit:* quaestiones & iudicationes, *an illo tempore, an illo loco licuerit occidere.* Sed sicut cum sint plures quaestiones, omnesque suos status habeant, causæ tamen status unus sit, ad quem referuntur omnia: ita iudicatio maxime propria, de qua pronunciatur. Συνέχον autem (quod, ut dixi, continens alii, firmamentum alii putant, Cicero firmissimam argumentationem defensoris, & appositissimam ad iudicationem) quibusdam id videtur esse, post quod nihil quaeritur: quibusdam id quod ad iudicationem firmissimum affertur. Causa facti non in omnes controversias cadit. Nam quæ fuerit causa faciendi, ubi factum negatur? At ubi causa tractatur, negant eodem loco esse iudicationem, quo quaestionem. Idque & in Rhetoricis Cicero, & in Partitionibus dicit. Nam in conjectura est quaestio ex illo, factum, non factum, an factum sit. Ibi ergo iudicatio, ubi quaestio: quia in eadem re prima quaestio, & extrema disceptatio. At in qualitate, *Matrem Orestes occidit: recte, non recte:*

an recte occideris, quæstio; nec statim judicatio. Quando ergo? Illa patrem meum occiderat. Sed non ideo tu matrem debuisti occidere: an debueris; hic judicatio. Firmamentum autem verbis ipsius ponam; si velit Orestes dicere ejusmodi animum matris suæ in patrem suum, in seipsum ac sorores, in regnum, in famam generis ac familiæ, ut merito ab ea poenas liberi sui potissimum petere debuerint. Utuntur alii & talibus exemplis: Qui bona paterna consumserit, ne concionetur. in opera publica consumpsit. quæstio, an quisquis consumserit, prohibendus sit: judicatio, an qui sic. Vel ut in causa militis Mariarii qui C. Lusium tribunum vim sibi inferentem interfecit. quæstio, an jure feceris. ratio, quod is vim afferebat. judicatio, an indemnatum, an Tribunum a milite occidi oportuerit. Alterius etiam status quæstionem, alterius judicationem putant. Quæstio qualitatis, an recte Clodium Milo occideris. Judicatio conjecturalis, an Clodius infidias fecerit. Ponunt & illud, sæpe causam in aliquam rem dimitti, quæ non sit propria quæstionis, & de ea judicari. a quibus multum dissentio. Nam & illa quæstio, an omnes qui paterna bona consumserint, concione sint prohibendi, habeat oportet suam judicationem. Ergo non alia quæstio, alia judicatio erit, sed plures quæstiones, & plures judicationes. Quid? non in causa Milonis ipsa conjectura refertur ad qualitatem? Nam si est infidiatus Clodius, sequitur ut recte sit occisus. Cum vero in aliquam rem missa causa, & recessum est a quæstione quæ erat constituta; non & hic quæstio, ubi judicatio est? Paulum in his secum etiam Cicero dissentit. Nam in rhetoricis (quemadmodum supra

C c

pra

CAP. XI.

pra dixi) Hermagoram est secutus: in topicis, ex statu effectam contentionem *κρινόμενον* existimat. Idque Trebatio, qui juris erat consultus, alludens, *qua de re agitur* appellat: quibus id contineatur, continentia: quasi firmamenta defensionis, quibus sublatis defensio nulla sit. At in partitionibus oratoriis, firmamentum, quod opponitur defensioni: quia continens quod primum sit, ab accusatore dicatur: ratio, a reo: ex rationis & firmamenti quaestione, disceptatio sit judicationum. Verius igitur & brevius, qui statum & continens & judicationem idem esse voluerunt: continens autem id esse, quo sublato lis esse non possit. Hoc mihi videntur utramque causam complexi, & *quod Orestes matrem, & quod Clytemnestra Agamemnonem occiderit*. Iidem judicationem & statum consentire semper existimarunt. Nec enim aliud eorum rationi conveniens fuisset. Verum hæc affectata subtilitas, circa nomina rerum ambitiose laboret; a nobis in hoc assumpta solum, ne parum diligenter inquisisse de opere quod aggressi sumus, videremur. Simplicius autem instituenti non est necesse per tam minutas rerum particulas rationem dicendi concidere. Quo vitio multi quidem laborarunt, præcipue tamen Hermagoras, vir alioqui subtilis, & in plurimis admirandus, tantum diligentiae nimium sollicitæ; ut ipsa ejus reprehensio laude sit aliqua non indigna. Hæc autem brevior, & vel ideo lucidior multo via, neque discentem per ambages fatigabit, nec corpus orationis in parva momenta ducendo consumet. Nam qui viderit quid sit quod in controversiam veniat, quid in eo, & per quæ velit efficere pars diversa, quid nostra, quod

quod inprimis est intuendum; nihil eorum ignorare, CAP. XI.
de quibus supra diximus, poterit. Nec est fere quifquam, modo non stultus, atque ab omni prorsus usu dicendi remotus, quin sciat & quid litem faciat, (quod ab aliis causa vel continens dicitur) & quæ sit inter litigantes quaestio, & de quo judicari oporteat: quæ omnia idem sunt. Nam & de eo quaestio est, quod in controversiam venit: & de eo judicatur, de quo quaestio est. Sed non perpetuo intendimus in hæc animum, & cupiditate laudis utcunque acquirendæ, vel dicendi voluptate evagamur, quando uberior semper extra causam materia est, quia intra controversiam pauca sunt, extra omnia: & hic dicitur de iis, quæ accepimus, illic, de quibus volumus. Nec tam hoc præcipiendum est, ut quaestionem, continens, judicationem inveniamus, (nam id quidem facile est) quam ut intueamur semper, aut certe si digressi fuerimus, saltem respiciamus, ne plausum affectantibus arma excidant. Theodori scola (ut dixi) omnia refert ad capitâ. His plura intelliguntur: uno modo summa quaestionum, ut status: altero cæteræ quæ ad summam referuntur: tertio, propositio cum affirmatione: ut dicimus; *Caput rei est apud Menandrum, κεφάλαιον ἐστίν*. In universum autem quicquid probandum est, erit caput: sed id majus, aut minus. Et quoniam quæ de his a scriptoribus artium sunt tradita, verbosius etiam quam necesse erat exposuimus: præterea quæ partes sint judicialium causarum, supra dictum est: proximus liber proœmia, id est exordia, concipiet.

M. FABII QUINCTILIANI

DE

Institutione Oratoria

LIBER IV.

PERFECTO, Marcelle Victori, operis tibi dedicati tertio libro, & jam quarta fere laboris parte transacta, novæ insuper mihi diligentiae causa, & altior sollicitudo, quale iudicium hominum emereret, accessit. Adhuc enim velut studia inter nos conferebamus: & si parum nostra institutio probaretur a cæteris, contenti fore domestico usu videbamus, ut tui meique filii formare disciplinam satis putaremus. Cum vero mihi Domitianus Augustus fororis suæ nepotum delegaverit curam, non satis honorem iudiciorum cœlestium intelligam, nisi ex hoc oneris quoque magnitudinem metiar. Quis enim mihi aut mores excolendi sit modus, ut eos non immerito probaverit sanctissimus censor? aut studia, ne fefellisse in his videar principem, ut in omnibus, ita in eloquentia quoque eminentissimum? Quod si nemo miratur poëtas maximos sæpe fecisse, ut non solum initiis operum suorum musas invocarent, sed provecti quoque longius, cum ad aliquem graviores venissent locum, repeterent vota, & vel-
ut

ut nova precatatione uterentur: mihi quoque profecto poterit ignosci, si, quod initio, quum primum hanc materiam inchoavi, non fecerim, nunc omnes in auxilium deos, ipsumque inprimis, quo neque presentius aliud, neque studiis magis propitium numen est, invocem: ut quantum nobis expectationis adjecit, tantum ingenii adspiret, dexterque ac volens adsit, & me qualem esse credidit, faciat. Cujus mihi religionis non hæc sola ratio, quæ maxima, est; sed alia, quia sic procedit ipsum opus, ut majora præteritis, ac magis ardua sint quæ ingredior. Sequitur enim ut judicialium causarum, quæ sunt maxime variæ ac multiplices, ordo explicetur: quod procemii sit officium: quæ ratio narrandi: quæ probationum sit fides, seu proposita confirmamus, sive contra dicta dissolvimus: quanta vis in perorando, seu reficienda brevi repetitione rerum memoria est judicis, sive affectus (quod est longe potentissimum) commovendi. De quibus partibus singulis quidam separatim scribere maluerunt, velut onus totius corporis veriti; & sic quoque complures de unaquaque earum libros ediderunt: quas ego omnes ausus contexere, prope infinitum laborem prospicio, & ipsa cogitatione suscepti muneris fatigor. Sed durandum est, quia coepimus: & si viribus deficiemur, animo tamen perseverandum.

QUOD principium Latine vel exordium dicitur, majore quadam ratione Græci videntur προοίμιον nominasse: quod a nostris initium modo significatur; illi satis clare partem hanc esse ante ingressum rei,

CAP. I. rei, de qua dicendum sit, ostendunt. Nam siue propterea quod *ὅμνη cantus* est, & citharœdi pauca illa, quæ, antequam, legitimum certamen inchoent, emerendi favoris gratia canunt, *proœmium* cognominaverunt; oratores quoque ea, quæ prius quam causam exordiantur, ad conciliandos sibi iudicum animos præloquuntur, eadem appellatione signarunt: siue quod *ὁμιον* iidem Græci *viam* appellant; id quod ante ingressum rei ponitur, sic vocare est institutum: certe proœmium est, quod apud iudicem prius quam causam cognoverit, profit. Vitioseque in scholis facimus, quod exordio semper sic utimur, quasi causam iudex jam noverit. Cujus rei licentia ex hoc est, quod ante declamationem illa velut imago litis exponitur. Sed in foro quoque contingere istud principiorum genus secundis actionibus potest quidem: primis raro unquam; nisi forte apud eum cui res aliunde jam nota sit, dicimus. Causa principii nulla est alia, quam ut auditorem, quo sit nobis in cæteris partibus accommodatior, præparemus. Id fieri tribus maxime rebus, inter auctores plurimos constat; si benevolum, attentum, docilem fecerimus: non quia ista non per totam actionem sint custodienda, sed quia initiis præcipue necessaria; per quæ in animum iudicis, ut procedere ultra possimus, admittimur. Benevolentiam aut a personis ducimus, aut a causis accipimus: sed personarum non est (ut plerique crediderunt) triplex tantum ratio, ex litigatore, & adversario, & iudice. Nam exordium duci nonnunquam etiam ab actore causæ solet. Quanquam enim pauciora de se ipso dicit & parcius, plurimum tamen ad omnia momenti

menti est in hoc positum, si vir bonus creditur. Sic **C A P. I.** enim contingit, ut non studium advocati videatur afferre, sed pene testis fidem. Quare inprimis existimetur venisse ad agendum, ductus officio vel cognitionis, vel amicitiae; maximeque, si fieri poterit, reipublicae, aut alicujus certe non mediocris exempli. Quod sine dubio multo magis ipsis litigatoribus faciendum est, ut ad agendum magna atque honesta ratione, aut etiam necessitate accessisse videantur. Sed ut praecipua in hoc dicentis auctoritas, si omnis in subeundo negotio suspicio sordium, aut odiorum, aut ambitionis abfuerit: ita quaedam in his quoque commendatio tacita, si nos infirmos & impares agentium contra ingenii dixerimus: qualia sunt pleraque Messalae proemia. Est enim naturalis favor pro laborantibus: & iudex religiosus libentissime patronum audit, quem iustitiae suae minime timet. Inde illa veterum circa occultandam eloquentiam simulatio, multum ab hac nostrorum temporum jactatione diversa. Vitandum etiam, ne contumeliosi, maligni, superbi, maledici in quenquam hominem ordinemve videamur, praecipueque eorum qui laedi, nisi aversa iudicum voluntate, non possunt. Nam in iudicem ne quid dicatur, non modo palam, sed quod omnino intelligi possit, stultum erat monere, nisi fieret. Etiam partis adversae patronus dabit exordio materiam: interim cum honore, si eloquentiam ejus ac gratiam nos timere fingendo, ut ea suspecta sint iudici, fecerimus: interim per contumeliam; sed hoc perquam raro; ut Asinius pro Urbiniae haeredibus Labienum adversarii patronum inter argumenta malae causae posuit.

Ne-

CAP. I. Negat hæc esse procœmia Cornelius Celsus, quia sint extra litem. Sed ego cum auctoritate summorum oratorum magis ducor, tum pertinere ad causam puto, quicquid ad dicentem pertinet: cum sit naturale, ut iudices iis quos libentius audiunt, etiam facilius credant. Ipsius autem litigatoris tractanda persona varie est. Nam tum dignitas ejus allegatur, tum commendatur infirmitas: nonnunquam contingit relatio meritorum: de quibus verecundius dicendum erit sua quam aliena laudanti. Multum agit sexus, ætas, conditio, in fœminis, senibus, pupillis, liberos, parentes, conjuges allegantibus. Nam sola rectum quoque judicem inclinat miseratio. Degustanda tamen hæc procœmio, non consumenda. Adversarii vero persona prope iisdem omnibus, sed e contrario ductis impugnari solet. Nam & potentes sequitur invidia, & humiles abjectosque contemptus, & turpes ac nocentes odium: quæ tria sunt ad alienandos judicum animos potentissima. Neque hæc dicere satis est, quod datur etiam imperitis: pleraque augenda aut minuenda, ut expediet. Hoc enim oratoris est, illud causæ. Judicem conciliabimus nobis non tantum laudando eum, (quod & fieri cum modo debet, & est tamen parti utrique commune) sed si laudem ejus ad utilitatem nostræ causæ conjunxerimus, ut allegemus pro honestis dignitatem illi suam, pro humilibus justitiam, pro infelicibus misericordiam, pro læsis severitatem, & similiter cætera. Mores quoque (si fieri potest) judicis velim nosse. Nam prout asperi, lenes, jucundi, graves, duri, remissi erunt, aut assumere in causam naturas eorum qua competent, aut mitigare qua

qua repugnabunt, oportebit. Accidit autem interim **CAP. I.**
 hoc quoque, ut aut nobis inimicus, aut adversario
 sit amicus, qui iudicat: quæ res utrique parti tra-
 ctanda est, ac nescio an ei magis, in quam vide-
 tur propensior. Est enim nonnunquam pravis iudi-
 cibus hic ambitus, adversus amicos, aut pro his
 quibuscum similitates gerunt, pronunciandi, facien-
 dique injuste, ne fecisse videantur. Fuerunt etiam
 quidam rerum suarum iudices. Nam & in libris obser-
 vationum a Septimio editis, affuisse Ciceronem tali
 causæ invenio: & ego pro Regina Berenice apud eam
 ipsam dixi. Similis hic quoque superioribus ratio
 est. Adversarius enim fiduciam partis suæ jactat,
 patronus timet cognoscentis verecundiam. Præterea
 detrahenda vel confirmanda opinio si quam præci-
 pue domo videbitur attulisse. Metus etiam nonnun-
 quam est amovendus: ut Cicero pro Milone, ne ar-
 ma Pompeji contra se disposita, putarentur, labora-
 vit. Nonnunquam adhibendus, ut idem in Verrem
 facit: sed adhibendi modus alter ille frequens & fa-
 vorabilis, ne male sentiat populus Romanus, ne ju-
 dicia transferantur; alter autem asper & rarus, quo
 minatur corruptis accusationem. Et id quidem in
 concilio ampliore utcunque tutius, nam & mali in-
 hibentur, & boni gaudent. Apud singulos vero nun-
 quam suaserim, nisi defecerint omnia. Quod si ne-
 cessitas exigit, non erit jam ex arte oratoria; non
 magis quam appellare, etiamsi id quoque sæpe u-
 tile est: aut antequam pronunciet, rem facere. Nam
 & minari & deferre etiam non orator potest. Si
 causa conciliandi nobis iudicis materiam dabit, ex
 hac potissimum aliqua in usum principii, quæ ma-

Dd

xime

CAP. I. xime favorabilia videbuntur, decerpi oportebit. quo in loco Virginius fallitur, qui Theodoro placere tradit, ut ex singulis quaestionibus singuli sensus in proœmium conferantur. Nam ille non hoc dicit: sed ad potentissimas quaestiones iudicem præparandum. In quo vitii nihil erat, nisi in universum id præciperet: quod nec omnis actio patitur, nec omnis causa desiderat. Nam protinus a petitore primo loco, dum ignota iudici lis est, quomodo ex quaestionibus ducemus sententias? nimirum res erunt indicandæ prius. Demus aliquas, (nam id exigit ratio nonnunquam) etiamne potentissimas omnes, id est totam causam? sic erit in proœmio peracta narratio. Quid vero si (ut frequenter accidit) paulo est durior causa; non benevolentia iudicis petenda ex aliis partibus erit; sed non ante conciliato ejus animo nuda quaestionum committetur asperitas? Quæ si recte semper initio dicendi tractarentur, nihil proœmio opus esset. Aliqua ergo nonnunquam, quæ erunt ad conciliandum nobis iudicem potentissima, non inutiliter interim ex quaestionibus in exordio locabuntur. Quæ sint porro in causis favorabilia, enumerare non est necesse, quoniam & manifesta erunt, cognita cujusque controversiæ conditione, & omnia colligi in tanta litium varietate non possunt. Ut autem hæc invenire & augere, ita quod lædit, aut omnino repellere, aut certe minuere, ex causa est. Miseratio quoque aliquando ex eadem venit, sive quid passi sumus grave, sive passuri. Nec enim sum in hac opinione, qua quidam, ut eo distare proœmium ab epologo credam, quod in hoc præterita, in illo futura dicantur: sed quod in ingressu

gressu parcius & modestius prætentanda est iudicis CAP. I.
 misericordia : in epilogo vero liceat totos effunde-
 re affectus, & fictam orationem induere personis, &
 defunctos excitare, & pignora eorum producere:
 quæ minus exordiis sunt usitata. Sed hæc quæ su-
 pra dixi, non movere tantum, verum ex diverso
 amoliri quoque, proœmio opus est. Ut autem no-
 strum miserabilem, si vincamur, exitum: ita ad-
 versariorum superbum, si vicerint, utile est credi.
 Sed ex iis quoque quæ non sunt personarum nec
 causarum, verum adjuncta personis & causis, duci
 proœmia solent. Personis applicantur non pignora
 modo de quibus supra dixi, sed propinquitates, ami-
 citiæ, interim regiones etiam, civitatesque, & si
 quid aliud ejus quem defendimus causa dici potest.
 Ad causam extra pertinet tempus, unde principium
 pro Cælio: Locus, unde pro Deiotaro: Habitus,
 unde pro Milone: Opinio, unde in Verrem. dein-
 ceptis ne omnia enumerem, fama judiciorum, expe-
 ctatio vulgi. nihil enim horum in causa est, ad cau-
 sam tamen pertinent. Adjicit Theophrastus ab acti-
 one principium. quale videtur esse Demosthenis pro
 Ctesiphonte, ut sibi dicere suo potius arbitrio liceat
 rogantis, quam eo modo quem accusator actione
 præscripserat. Fiducia ipsa solet opinione arrogan-
 tiæ laborare. Faciunt favorem & illa pene commu-
 nia, non tamen omittenda, vel ideo, ne occupen-
 tur; optare, abominari, rogare, sollicitum agere:
 quia plerumque attentum quoque judicem facit, si
 res agi videtur nova, magna, atrox, pertinens ad
 exemplum: præcipue tamen si iudex aut sua vice
 aut reipublicæ commovetur: cujus animus spe, me-
 tu,

Dd 2

CAP. I. tu, admonitione, precibus, vanitate denique, si id profuturum credemus, agitandus est. Sunt & illa excitandis ad audiendum non inutilia, si nos neque diu moraturos, neque extra causam dicturos existiment. Docilem sine dubio & hæc ipsa præstat attentio: sed & illud, si breviter & dilucide summam rei de qua cognoscere debeat, indicaverimus: quod Homerus atque Virgilius operum suorum principii faciunt. Nam istius rei modus est, ut propositioni similior sit, quam expositioni: nec quomodo quicque sit actum, sed de quibus dicturus sit orator ostendat. Nec video quod hujus rei possit apud oratores reperiri melius exemplum, quam Ciceronis pro A. Cluentio. *Animadverti, iudices, omnem accusatoris orationem in duas divisam esse partes: quarum altera mihi niti & magnopere confidere videbatur; invidia jam inveterata iudicii Juniani: altera tantummodo consuetudinis causa timide & diffidenter attingere rationem veneficii criminum, qua de re lege est hæc quaestio constituta.* Id tamen totum respondentem facilius est, quam proponenti: quia hic admonendus iudex, illic docendus est. Nec me quanquam magni auctores in hoc duxerint, ut non semper facere attentum ac docilem iudicem velim: non quia nesciam id quod ab illis dicitur; esse pro mala causa, qualis ea sit, non intelligi: verum quia istud non negligentia iudicis contingit, sed errore. Dixit enim adversarius, & fortasse persuasit: nobis opus est ejus diversa opinione; quæ mutari non potest, nisi illum fecerimus ad ea quæ dicemus, docilem & attentum. Quid ergo? Imminuenda quædam, & elevanda, & quasi contemnenda esse consentio, ad remittendam inter-

intentionem judicis, quam adversario præstat: ut se- CAP. I.
cit pro Ligario Cicero. Quid enim agebat aliud ironia illa, quam ut Cæsar minus in rem tanquam non novam intenderet? Quid pro Cœlio, quam ut res expectatione minor videretur? Verum ex iis quæ proposui, aliud in alio genere causæ desiderari palam est. Genera porro causarum plurimi quinque fecerunt, honestum, humile, dubium vel anceps, admirabile, obscurum: id est, ἔνδοξον, ἄδοξον, ἀμφίδρονον, παράδοξον, δισπραγκαλόγητον. Sunt quibus recte videatur adjici turpe, quod alii humili, alii admirabili subjiciunt. Admirabile autem vocant, quod est præter opinionem hominum constitutum. In ancipiti maxime benevolum judicem, in obscuro docilem, in humili attentum parare debemus. Nam honestum quidem ad conciliationem satis per se valet: admirabili & turpi remediis opus est. Et eo quidam exordium in duas dividunt partes, principium, & insinuationem: ut sit in principiis recta benevolentia & attentionis postulatio: quæ quia esse in turpi causæ genere non possit, insinuatio surrepat animis, maxime ubi frons causæ non satis honesta est, vel quia res sit improba, vel quia hominibus parum probetur: aut si facie quoque ipsa premitur, vel invidia consistentis ex diverso patroni, aut patris, vel miserabilis senis, cæci, infantis. Et quidem quibus adversus hæc modis sit medendum, verbosius tradunt, materiasque ipsi sibi fingunt, & ad morem actionum prosequuntur: sed hæc cum oriantur ex causis, quarum species consequi omnes non possumus, nisi generaliter comprehendantur, in infinitum sunt extrahendæ. Quare singulis consilium ex propria

CAP. I. pria ratione nascetur. Illud in universum præceptum sit, ut ab iis quæ lædunt, ad ea quæ prosunt, refugiamus. Si causa laborabimus, persona subveniat: si persona, causa: si nihil, quod nos adjuvet, erit; quæramus quid adversarium lædat. Nam ut optabile est, plus favoris mereri; sic proximum, odii minus. In iis quæ negari non poterunt, elaborandum, ut aut minora quam dictum est, aut alia mente facta, aut nihil ad præsentem quæstionem pertinere, aut emendari posse poenitentia, aut satis jam punita videantur. Ideoque agere advocato quam litigatori facilius: quia & laudat sine arrogantiae crimine, & aliquando utiliter etiam reprehendere potest. Nam se quoque moveri interim finget, ut pro Rabirio Posthumo Cicero, dum aditum sibi ad aures faciat, & auctoritatem induat vera sentientis; quo magis credatur vel defendenti eadem, vel neganti. Ideoque hoc primum intuemur, litigatoris an advocati persona sit utendum, quoties utrumque fieri potest. Nam in scola liberum est, in foro rarum, ut sit idoneus rei suæ quisque defensor. Declamaturus autem maxime positas in affectibus causas propriis personis debet induere. Hæc sunt enim quæ mandari non possunt: nec eadem vi perferuntur alieni animi, qua sui, motus. His etiam de causis insinuatione videtur opus esse, si adversarii actio iudicum animos occupavit, vel si dicendum apud fatigatos est: quorum alterum promittendo nostras probationes, & adversas eludendo vitabimus: alterum & spe brevitatis, & iis quibus attentum fieri iudicem docuimus. Et urbanitas opportuna reficit animos, & undecunque petita iudicis voluptas levat tædium.

Non

Non inutilis etiam est ratio occupandi quæ videntur ob stare : ut Cicero dicit ; *scire se mirari quosdam, quod is qui per tot annos defenderit multos, laserit neminem, ad accusandum Verrem descenderit.* deinde ostendit hanc ipsam sociorum defensionem : quod schema *παρόλυσ* dicitur. Id cum sit utile aliquando, nunc a declamatoribus quibusdam pene semper assumitur ; qui fas non putant nisi a contrario incipere. Negant Apollodorum secuti, tres esse (de quibus diximus) præparandi judicis partes : sed multas species enumerant, ut ex moribus judicis, ex opinionibus ad causam extra pertinentibus, ex opinione de ipsa causa, quæ sunt prope infinitæ : tum iis, ex quibus omnes controversiæ constant, personis, factis, dictis, causis, temporibus, locis, occasionibus cæteris. Quas veras esse fateor, sed in hæc tria genera recidere. Nam si judicem benevolum, attentum, docilem habeo, quid amplius debeam optare, non reperio : cum metus ipse, qui maxime videtur esse extra hæc, & attentum judicem faciat, & ab adverso favore deterreat. Verum quoniam non est satis demonstrare discipulis quæ sint in ratione proœmii, sed dicendum etiam quomodo perfici facillime possint ; hoc adjicio, ut dicturus intueatur, quid, apud quem, pro quo, contra quem, quo tempore, quo loco, quo rerum statu, qua vulgi fama dicendum sit : quid judicem sentire credibile sit antequam incipimus : tum quid, aut desideremus, aut deprecemur ; ipsa illum natura eo ducet, ut sciat quid primum dicendum sit. At nunc omne quod cœperint, proœmium putant : & ut quidque succurrerit, utique si aliqua sententia blandiatur, exordium. Multa autem
fine

CAP. I. sine dubio ex aliis partibus sunt; aut aliis partibus causæ communia: nihil tamen in quaque melius dicitur, quam quod æque bene dici alibi non possit. Multum gratiæ exordio est, quod ab actione diversæ partis materiam trahit, hoc ipso, quod non compositum domi, sed ibi, atque e re natum, & facilitate famam ingenii auget, & facie simplicis sumtique e proximo sermonis fidem quoque acquirit: adeo ut etiamsi reliqua scripta atque elaborata sint, tamen plerumque videatur tota extemporalis oratio, cujus initium nihil præparatum habuisse manifestum est. Frequentissime vero proœmium decebit & sententiarum, & compositionis, & vocis, & vultus modestia: adeo ut in genere causæ etiam indubitabili, fiducia se ipsa nimium exercere non debeat. Odit enim iudex fere litigantis securitatem: cumque jus suum intelligat, tacitus reverentiam postulat. Nec minus diligenter, ne suspecti simus ulla parte, vitandum: propter quod minime ostentari debet in principiis cura, quia videtur ars omnis dicentis contra iudicem adhiberi. Sed ipsum istud evitare, summæ artis est. Nam id sine dubio ab omnibus, & quidem optime præceptum est; verum aliquatenus temporum conditione mutatur: quia jam quibusdam iudiciis maximeque capitalibus, ut apud centumviros, ipsi iudices exigunt sollicitas & accuratas actiones: contemnique se, nisi in dicendo etiam diligentia appareat, credunt: nec doceri tantum, sed etiam delectari volunt. Et est difficilis hujus rei moderatio: quæ tamen temperari ita potest, ut videamur accurate non callide dicere. Illud ex præceptis veteribus manet, ne quod insolens verbum, ne audacius translatum,

latum, ne aut ab obsoleta vetustate, aut poetica li-
centia sumtum, in principioprehendatur. Non-
dum enim recepti sumus, & custodit nos recens
audientium intentio: magis conciliatis animis, & jam
calentibus, hæc libertas feretur, maximeque cum in
locos fuerimus ingressi, quorum naturalis ubertas li-
centiam verbi notari circumfuso nitore non patitur.
Nec argumentis autem, nec locis, nec narrationi si-
milis esse in proœmio debet oratio; neque tamen
deducta semper, atque circumlata, sed sæpe simpli-
ci atque illaboratæ similis, nec verbis vultuque ni-
mia promittens. Dissimulata enim, &, ut Græci
dicunt, ἀντισπαρος actio, melius sæpe surrepit. Sed
hæc prout formari animos iudicum expediet. Tur-
bari memoria, vel continuandi verba facultate de-
stitui, nusquam turpius: cum vitiosum proœmium
possit videri cicatricosa facies: & pessimus certe
gubernator, qui navem, dum portum egreditur,
impegit. Modus principii pro causa. Nam brevius
simplices, longius perplexæ suspectæque & infames
desiderant. Ridendi vero, qui velut leges proœmiis
omnibus dederunt, ut intra quatuor sensus termi-
narentur. Nec minus evitaanda est immodica ejus
longitudo, ne in caput excrevisse videatur, & quo
preparare debet, fatiget. Sermonem a persona ju-
dicis aversum, quæ ἀποστροφὴ dicitur, quidam in to-
tum a proœmio summovent, nonnulla quidem in
hanc persuasionem ratione ducti. Nam prorsus esse
hoc magis secundum naturam consistendum est, ut
eos alloquamur potissimum, quos conciliare nobis
studemus. Interim tamen & est hic proœmio ne-
cessarius sensus aliquis: & is acrior fit atque vehe-
mentior

E e

CAP. I. mentior ad personam directus alterius. Quod si accadat, quo jure, aut qua tanta superstitione prohibemur dare per hanc figuram sententiæ vires? Nec enim istud scriptores artium, quia non liceat, sed quia non putent utile, vetant. Ita si vincet utilitas, propter eandem causam facere debemus, propter quam vetamur. Et Demosthenes ad Æschinem orationem in proœmio convertit, & Marcus Tullius cum pro aliis quibusdam, ad quos ei visum est, tum pro Ligario ad Tuberonem. Nam erat multo futura languidior, si esset aliter figurata. quod facilius cognoscet si quis illam totam partem vehementissimam, cujus hæc forma est, *Habes igitur, Tubero, quod est accusatori maxime optandum* &c. convertat ad judicem: tum enim vere averſa videatur oratio, & languescat vis omnis dicentibus nobis, *Habet igitur Tubero, quod est accusatori maxime optandum*. Illo enim modo preſſit atque inſtitit, hoc tantum indicasset. Quod idem in Demosthene, si flexum illi mutaveris, accidet. Quid? non Sallustius directo ad Ciceronem, in quem ipsum dicebat, usus est principio, & quidem protinus? *Graviter & iniquo animo maledicta tua paterer, Marce Tulli*. sicut & Cicero fecerat in Catilinam, *Quousque tandem abutere patientia nostra?* Ac ne quis apostrophon miretur, idem Cicero pro Scauro ambitus reo, quæ causa est in commentariis (nam bis eundem defendit) proſopœia loquentis pro reo utitur: pro Rabirio vero Posthumo, eodemque Scauro reo repetundarum, etiam exemplis: pro Cluentio (ut modo ostendi) partitione. Non tamen hæc, quia possunt bene aliquando fieri, passim facienda sunt, sed quoties præceptum

ceptum vicerit ratio : quomodo & similitudine, C A P. I.
 dum brevi, & translatione, atque aliis tropis (quæ
 omnia cauti illi ac diligentes prohibent) utemur in-
 terim: nisi si cui divina illa pro Ligario ironia, de
 qua paulo ante dixeram, displicet. Alia exordiorum
 vitia verius tradiderunt. Quod in plures causas ac-
 commodari potest, vulgare dicitur. Id minus favo-
 rabile, aliquando tamen non inutiliter assumimus;
 magnis sæpe oratoribus non evitatum. Quo & ad-
 versarius uti potest, commune appellatur. Quod ad-
 versarius in suam utilitatem deflectere potest, com-
 mutabile. Quod causæ non cohæret, separatum.
 Quod aliunde trahitur, translatum. Præterea quod
 longum, quod contra præcepta est. Quorum plera-
 que non principii modo sunt vitia, sed totius orati-
 onis. Hæc de procæmio, quoties erit ejus usus. non
 semper autem est. Nam & supervacuum aliquando
 est; si sit præparatus satis etiam sine hoc iudex, aut
 si res præparatione non egeat. Aristoteles quidem
 in totum id necessarium apud bonos iudices negat:
 aliquando tamen uti nec si velimus, eo licet, cum
 iudex occupatus, cum angusta sunt tempora, cum
 major potestas ab ipsa re cogit incipere. Contraque
 est interim procæmii vis etiam non exordio. Nam
 iudices & in narratione nonnunquam, & in argumen-
 tis, ut attendant, & ut faveant, rogamus: quo Pro-
 dicus velut dormitantes eos excitari putabat: quale
 est Ciceronis, *Tum C. Varenus, is qui a familia An-
 tharianus occisus est. Hoc, quæsa, iudices, diligenter at-
 tendite.* Utrique si multiplex causa est, sua quibusque
 partibus danda præfatio est: ut, *Audite. nunc reliqua.*
 &, *Transseo. nunc illud.* Sed in ipsis etiam probationi-
 bus

CAP. I. nibus multa funguntur proœmii vice, ut facit Cicero pro Cluentio, dicturus contra censores: pro Muræna, cum Servio se excusat. Verum id frequentius est, quam ut exemplis confirmandum sit. Quoties autem proœmio fuerimus usi, tum sive ad expositionem transibimus, sive protinus ad probationem, id debet in principio postremum esse, cui commodissime jungi initium sequentium poterit. Illa vero frigida & puerilis est in scholis affectatio, ut ipse transitus efficiat aliquam utique sententiam, & hujus velut præstigiæ plausum petat: ut Ovidius lascivire in Metamorphosi solet, quem tamen excusare necessitas potest, res diversissimas in speciem unius corporis colligentem. Oratori vero quid est necesse surripere hanc transgressionem, & iudicem fallere, qui ut ordini rerum animum intendant, etiam commonendus est? Peribit enim prima pars expositionis, si iudex narrari nondum sciet. Quapropter ut non abrupte cadere in narrationem, ita non obscure transcendere, est optimum. Si vero longior sequitur ac perplexa magis expositio, ad eam ipsam præparandus erit iudex; ut Cicero sapius, sed hoc præcipue loco fecit, *Paulo longius exordium rei demonstranda repetam; quod quæso, iudices, ne moleste patiamini: principis enim cognitis, multo facilius extrema intelligetis.* Hæc fere sunt mihi de exordio comperta.

CAP. II. MAXIME naturale est, & fieri frequentissime debet, ut præparato per hæc quæ supra dicta sunt, iudice, res de qua pronunciaturus est, indicetur. Ea est narratio. In qua sciens transcurram sub-

subtiles nimium divisiones quorundam, plura ejus genera facientium. Non enim solam volunt esse

CAP. II.

illam negotij, de quo apud judices quæritur, expositionem, sed personæ: ut, *Marcus Acilius Palicanus, humili loco, Picens, loquax magis quam facundus. Locci: ut, oppidum est in Hellesponto Lampſacum, judices. Temporis: ut,*

*Vere novo, gelidus canis quum montibus humor
Liquitur.*

Causarum, quibus historici frequentissime utuntur, cum exponunt unde bellum, seditio, pestilentia. Præter hæc, alias perfectas, alias imperfectas vocant: quod quis ignorat? Adjiciunt expositionem & præteritorum esse temporum, quæ est frequentissima; & præsentium, qualis est Ciceronis de discursu amicorum, Chryſogonus postquam est nominatus; & futurorum, quæ solis dari vaticinantibus potest. Nam *ὑπὸ τῆς ἱστορίας* non est habenda narratio. Sed nos potioribus vacemus. Plerique semper narrandum putaverunt: quod falsum esse pluribus coarguitur. Sunt enim ante omnia quædam tam breves causæ, ut propositionem potius habeant quam narrationem. Id accidit aliquando utrique parti, cum vel nulla expositio est, vel de re constat, de jure quæritur: ut apud centumviros, filius an frater debeat esse intestati hæres: pubertas annis, an habitu corporis æstimetur. Aut cum est quidem in re narrationi locus, sed aut ante judici nota sunt omnia, aut priore loco recte exposita. Accidit aliquando alteri, & sapius actori, vel quia satis est proponere, vel quia sic magis expedit. Satis est dixisse, *Certam creditam pecuniam peto ex stipulatione: legatum peto ex testamento.* Diversæ

Ec 3

partis

CAP. II. partis expositio est, cur ea non debeantur. Et satis est actori, & magis expedit sic indicare, *Dico ab Haratio sororem suam interfecit.* Namque & propositione iudex crimen omne cognoscit, & ordo & causa facti pro adversario magis est. Reus contra tunc narrationem subtrahet, cum id quod objicitur, neque negari neque excusari poterit, sed in sola juris quaestione consistit: ut in eo qui cum pecuniam privatam ex aede sacra surripuerit, sacrilegii reus est, confessio verecundior est quam expositio, *Non negamus pecuniam de templo esse sublatam, calumniatur tamen accusator actione sacrilegii; cum privata fuerit, non sacra: vos autem de hoc cognoscetis, an sacrilegium sit admissum.* Sed ut has aliquando non narrandi causas puto, sic ab illis dissentio, qui non esse narrationem existiment, cum reus, quod objicitur, tantum negat. in qua est opinione Cornelius Celsus, qui conditionis hujus esse arbitratur plerasque cædis causas, & omnes ambitus ac repetundarum. Non enim putat esse narrationem nisi quæ summam criminis de quo iudicium est, continet: at deinde fatetur ipse pro Rabirio Posthumo narrasse Cicero- nem: atque ille & negavit pervenisse ad Rabirium pecuniam, qua de re erat quaestio constituta; & in hac narratione nihil de crimine exposuit. Ego autem, magnos alioqui secutus auctores, duas esse in iudiciis narrationum species existimo: alteram ipsius causæ, alteram rerum ad causas pertinentium expositionem. *Non occidi hominem,* nulla narratio est: convenit: sed erit aliqua & interim etiam longa, contra argumenta ejus criminis, de antea acta vita, de causis propter quas innocens in periculum deducatur,

tur, aliisque quibus incredibile id quod objicitur fiat. CAP. II.
 Nec enim accusator hoc tantum dicit, *occidisti*, sed quibus id probet, narrat: ut in tragoediis, cum Teucer Ulysses reum facit Ajacis occisi, dicens inventum eum in solitudine juxta exanime corpus inimici cum gladio cruento; non id modo Ulysses respondet, non esse a se id facinus admissum, sed sibi nullas cum Ajace inimicitias fuisse: de laude inter ipsos certatum. deinde subjungit quomodo in eam solitudinem venerit, jacentem exanimem sit conspicatus, gladium e vulnere extraxerit. his subtexitur argumentatio. Sed ne illud quidem sine narratione est, dicente accusatore, *Fuisti in eo loco, in quo tunc inimicus occisus est: non fui.* dicendum enim ubi fuerit. Quare ambitus quoque causae & repetundarum, hoc etiam plures ejusmodi narrationes habere poterunt, quo plura crimina. In quibus ipsa quidem neganda sunt, sed argumentis expositione contraria resistendum interdum singulis, interdum universis. An reus ambitus male narrabit quos parentes habuerit, quemadmodum ipse vixerit, quibus meritis fretus ad petitionem descenderit? Aut si quis repetundarum infirmulabitur, num & anteaquam vitam, & quibus de causis vel provinciam universam, vel accusatorem aut testem offenderit, non utiliter exponet? Quae si narratio non est, ne illa quidem Ciceronis pro Cluentio prima, cujus est initium, *A. Cluentius Habitus*. Nihil enim hic de veneficio, sed de causis quibus ei mater inimica sit, dicit. Illae quoque sunt pertinentes ad causam, sed non ipsius causae narrationes, vel exempli gratia, ut in Verrem de L. Domitio, qui pastorem, quod is aprum quem ipsi

CAP. II. ipsi muneri obtulerat, exceptum esse a se venabulo confessus esset, in crucem sustulit. Vel discutiendi alicujus extrinsecus criminis; ut pro Rabirio Posthumo, *Nam ut ventum Alexandriam est, judices, haec una ratio a rege proposita Posthumo est servanda pecunia, si curationem & quasi dispensationem regiam suscepisset.* vel augendi; ut describitur iter Verris. Ficta interim narratio introduci solet, vel ad concitandos judices, ut pro Roscio circa Chrysogonum, cujus paulo ante habui mentionem: vel ad resolvendos aliqua urbanitate, ut pro Cluentio circa fratres Cepasios. Interdum per digressionem decoris gratia; qualis rursus in Verrem de Proserpina, *In his quondam locis mater filiam quasisse dicitur.* Quæ omnia eo pertinent, ut appareat non utique non narrare eum qui negat, sed illud ipsum narrare quod negat. Nec hoc quidem simpliciter accipiendum, quod est a me positum, supervacuam esse narrationem rei quam judex noverit. Quod sic intelligi volo, si non modo factum quid sit, sciet; sed ita factum etiam ut nobis expedit, opinabitur. Neque enim narratio in hoc reperta est, ut tantum cognoscat judex, sed aliquanto magis, ut consentiat. Quare etiam si non erit docendus, sed aliquo modo afficiendus, narrabimus cum præparatione quadam: scire quidem eum in summa quid acti sit, tamen rationem quoque facti cujusque noscere ne gravetur. Interim propter aliquem in consilium adhibitum nos repetere illa simulemus; interim ut rei quæ ex adverso proponatur, iniquitatem omnes etiam circumstantes intelligant. In quo genere plurimis figuris erit varianda expositio, ad effugiendum tedium nota audientis: ficut,

Meministi. &, Fortasse supervacuum fuerit hic commora- CAP. II.
ri. Sed quid ego diutius? cum tu optime noris; illud
quale sit, tu scias, & his similia. Alioqui si apud ju-
dicem cui nota causa est, narratio semper videtur
supervacua, potest videri non semper esse etiam ipsa
actio necessaria. Alterum est de quo frequentius
queritur, an sit utique narratio proœmio subjicien-
da: Quod qui opinantur, non possunt videri nulla
ratione ducti. Nam cum proœmium idcirco com-
paratum sit, ut iudex ad rem accipiendam fiat con-
ciliator, docilior, intentior, & probatio nisi causa
prius cognita non possit adhiberi, protinus notitia
rerum instruendus videtur. Sed hoc quoque interim
mutat conditio causarum: nisi forte Marcus Tullius
in oratione pulcherrima, quam pro Milone scri-
ptam reliquit, male distulisse narrationem videtur,
tribus præpositis quæstionibus; aut profuisset expo-
nere quomodo insidias Miloni fecisset Clodius, si re-
um qui a se hominem occisum fateretur, defendi
omnino fas non fuisset: aut si jam præjudicio da-
mnatus esset Milo: aut si Cn. Pompejus, qui pro-
pter aliquam gratiam iudicium militibus armatis clau-
derat, tanquam adversus existimaretur. Ergo hæ
quoque quæstiones vim proœmii obtinebunt, cum
omnes iudicem præparaverint. Sed aliter pro L. Mu-
rena postea quoque narravit, cum objecta diluit.
Quod fiet utiliter, quoties crimen non repellendum
tantum, sed etiam transferendum erit, ut prius his
defensis velut initium sit aliud culpandi narratio: ut
in armorum ratione antiquior cavendi quam ictum
inferendi cura est. Erunt quædam causæ (neque id
raro) crimini quidem de quo cognitio est, faciles di-
Ff
luendo,

CAP. II. luendo, sed multis anteaactæ vitæ flagitiis & gravibus criminibus onerata: quæ prius amolienda sunt, ut propitius iudex defensionem ipsius negotii, cuius propria quæstio est, audiat: ut si defendendus sit M. Cælius, nonne optime patronus occurrat prius convitiis luxuriæ, petulantia, impudicitia, quam veneficii, in quibus solis omnis Ciceronis versatur oratio: deinde tum narret de bonis paulatim, totamque dein explicet causam, quæ est ipsius actione defensa? Sed nos ducit scolarum consuetudo, in quibus certa quædam ponuntur, quæ themata dicimus, præter quæ nihil est diluendum. Ideoque narratio proœmio semper subjungitur. Inde libertas declamatoribus, ut etiam secundo partis suæ loca narrare videantur. Nam quum pro petitore dicunt, & expositione, tanquam prius agant, uti solent; & contradictione, tanquam respondeant: id quod fit non recte. Nam cum sit declamatio, forensium actionum meditatio, cur non utrumque protinus locum exerceat? Cujus rationis ignari, ex more cui assueverunt, nihil in foro putant esse mutandum. Sed in scholasticis quoque nonnunquam evenit ut pro narratione sit propositio. Nam quid exponet qui zelotypum malæ tractationis accusat? aut qui Cynicum apud censores reum de moribus facit? cum totum crimen uno verbo in qualibet actionis parte posito satis indicetur. Sed hæc hætenus. Nunc quæ sit narrandi ratio, subjungam. Narratio est rei factæ, aut ut factæ utilis ad persuadendum expositio: vel ut Apollodorus finit, *oratio docens auditorem quid in controversia sit*. Eam plerique scriptores, maxime qui sunt ab Iſocrate, volunt esse lucidam, brevem, verisimilem.

milem. Nec enim refert an pro lucida perspicuam, CAP. II.
pro verisimili probabilem credibilemve dicamus. Eadem nobis placet divisio: quanquam & Aristoteles ab Isocrate parte in una dissenserit, præceptum brevitas irridens, tanquam necesse sit longam aut brevem esse expositionem, nec liceat ire per medium. Theodori quoque solam relinquunt ultimam partem, quia nec breviter utique nec dilucide semper sit utile exponere. Quo diligentius distinguenda sunt singula, ut quid quoque loco profit, ostendam. Narratio est aut tota pro nobis, aut tota pro adversario, aut mixta ex utrisque. Si erit tota pro nobis, contenti simus his tribus partibus, per quas efficitur, quo iudex facilius intelligat, meminerit, credat. Nec quisquam reprehensione dignum putet, quod proposuerim eam quæ sit tota pro nobis, debere esse verisimilem, cum vera sit. Sunt enim plurima vera quidem, sed parum credibilia, sicut falsa quoque frequenter verisimilia. Quare non minus laborandum est ut iudex quæ vera dicimus, quam quæ fingimus, credat. Sunt quidem hæ, quas supra retuli, virtutes, aliarum quoque partium. Nam & per totam actionem vitanda est obscuritas, & modus ubique custodiendus, & credibilia esse oportet omnia quæ dicuntur. Maxime tamen hæc in ea parte custodienda sunt, quæ prima iudicem docet: in qua si acciderit ut aut non intelligat, aut non meminerit, aut non credat, frustra in reliquis laborabimus. Erit autem aperta narratio atque dilucida, si fuerit primum exposita verbis propriis & significantibus, & non sordidis quidem, non tamen exquisitis, & ab usu remotis: tum distincta rebus,

Ff 2

per-

CAP. II. personis, temporibus, locis, causis, ipsa etiam pronuntiatione in hoc accommodata, ut iudex quæ dicuntur, quam facillime accipiat. Quæ quidem virtus negligitur a plurimis, qui ad clamorem dispositæ vel etiam forte circumfusæ multitudinis, compositi, non ferunt illud intentionis silentium: nec sibi deserti videntur, nisi omnia tumultu ac vociferatione concusserint. rem indicare sermonis quotidiani, & in quemcunque etiam indoctiorum cadentis, existimant: cum interim quod tanquam facile contemnunt, nescias præstare minus velint, an possint. Neque enim aliud in eloquentia cuncta experti, difficilius reperient, quam id quod se dicturos fuisse omnes putant, postquam audierunt: quia non bona iudicant esse illa, sed vera. Tum autem optime dicit orator, cum videtur vera dicere. At nunc velut campum nacti expositionis, hic potissimum & vocem flectunt, & cervicem reponunt, & brachium in latus jactant, totoque & rerum & verborum & compositionis genere lasciviunt: deinde (quod sit monstrum simile) placet actio, causa non intelligitur. Verum hæc omittamus, ne minus gratiæ præcipiendo recta, quam offensæ reprehendendo prava, mereamur. Brevis erit narratio ante omnia, si inde coeperimus rem exponere, unde ad iudicem pertinet: deinde, si nihil extra causam dixerimus: tum etiam si reciderimus omnia, quibus sublati, nec cognitioni quicquam nec utilitati detrahatur. Solet enim esse quædam partium brevitatis, quæ longam tamen efficit summam. *In portum veni, navim proplexi, quanti verberet interrogavi, de precio convenit, conscendi, sublata sunt anchora, solvimus oram, provelti sumus.* Nihil horum

horum dici celerius potest, sed sufficit dicere, *e por- CAP. II.
tu navigavi.* Et quoties exitus rei satis ostendit pri-
ora, debemus hoc esse contenti, quo reliqua intel-
liguntur. Quare cum dicere liceat, *Est mihi filius
juvenis, omnia illa supervacua, cupidus ego liberorum
uxorem duxi, natum sustuli, filium educavi, in adole-
scentiam perdux.* Ideoque Græcorum aliqui aliud cir-
cumcisam expositionem, id est σύντομον, aliud bre-
vem putaverunt: quod illa supervacuis careret, hæc
posset aliquid ex necessariis desiderare. Nos autem
brevitatem in hoc ponimus, non ut minus, sed ne
plus dicatur quam oporteat. Nam iterationes qui-
dem, & ταυτολογίας & περισσολογίας, quas in narra-
tione vitandas quidam scriptores artium tradiderunt,
transeo. Sunt enim hæc vitia non tantum brevitatis
gratia fugienda. Non minus autem cavenda erit,
quæ nimium corripientes omnia sequitur obscuritas:
fatiusque est aliquid narrationi superesse, quam de-
esse. Nam supervacua cum tædio dicuntur, necessa-
ria cum periculo subtrahuntur. Quare vitanda etiam
illa Sallustiana (quanquam in ipso virtutis obtinet lo-
cum) brevitatis, & abruptum sermonis genæ: quod
ociosum fortasse lectorem minus fallit, audientem
transvolat, nec dum repetatur exspectat: cum præ-
sertim lector non fere sit nisi eruditus, judicem ru-
ra plerumque in decurias mittant, de eo pronuncia-
turum, quod intellexit: ut fortasse ubicunque, in
narratione tamen præcipue media hæc tenenda sit
via dicendi, quantum opus est, quantum satis est.
Quantum opus est autem, non ita solum accipi vo-
lo, quantum ad judicandum sufficit: quia non inor-
nata debet esse brevitatis, alioqui sit indocta. Nam

Ff 3

&

CAP. II. & fallit voluptas; & minus longa quæ delectant videntur: ut amœnum ac molle iter, etiamsi est spatii amplioris, minus fatigat, quam durum arduumque compendium. Nec enim mihi unquam tanta fuerit cura brevitatis, ut non ea quæ credibilem faciunt expositionem, inseri velim. Simplex enim & undique præcisa, non tam narratio vocari potest, quam confusio. Sunt porro multæ conditione ipsa rei longæ narrationes, quibus extrema (ut præcepi) proœmii parte ad intentionem præparandus est iudex: deinde curandum, ut omni arte vel ex spatio ejus detrahamus aliquid, vel ex tædio. Ut minus longa sit, efficiemus quæ poterimus differendo, non tamen sine mentione eorum quæ differemus. *Quas causas occidendi habuerit, quos assumerit confcios, quemadmodum disposuerit insidias, probationis loco dicam.* Quædam vero ex ordine prætermittenda, quale est apud Ciceronem, *Moritur Fulcinius. multa enim quæ sunt in re, quia remota sunt a causa, prætermittam.* Et partitio tædium levat. *Dicam quæ acta sint ante ipsum rei contractum, dicam quæ in re ipsa, dicam quæ postea.* Ita tres potius modicæ narrationes videbuntur, quam una longa. Interim expediet expositiones brevi interseptione distinguere. *Audistis quæ ante acta sunt: accipite nunc quæ insequuntur.* Reficietur enim iudex priorum sine, & se velut ad novum rursus initium præparabit. Si tamen adhibitis his quoque artibus in longum exierit ordo rerum, erit non inutilis in extrema parte communitio: quod Cicero etiam in brevi narratione facit. *Adhuc, Cæsar, Q. Ligarius omni culpa caret. domo est egressus non modo nullum ad bellum; sed ne ad minimam quidem belli suspi-*

suspicionem. &c. Credibilis autem erit narratio ante CAP. II.
omnia si prius consuluerimus nostrum animum, ne
quid naturæ dicamus adversum: deinde si causas ac
rationes factis præposuerimus, non omnibus, sed de
quibus quæritur: si personas convenientes iis quæ
facta credi volemus constituerimus: ut furti reum,
cupidum: adulterii, libidinosum: homicidii, teme-
rarium. vel his contraria, si defendemus. Præterea
loca, tempora, & similia. Est autem quidam etiam
ductus rei credibilis, qualis in comoediis, & in mi-
mis. Aliqua enim naturaliter sequuntur & cohæ-
rent, ut si bene priora narraveris, iudex ipse, quod
postea sis narraturus, exspectet. Ne illud quidem
fuerit inutile, semina quædam probationum spargeres:
verum sic, ut narrationem esse meminerimus, non
probationem. Nonnunquam tamen etiam argumento
aliquo confirmabimus quod proposuerimus, sed sim-
plici & brevi: ut in veneficiis, *Sanus bibit, statim concidit, livor ac tumor confestim est infecutus.* Hoc faci-
unt & illæ præparationes, cum reus dicitur robu-
stus, armatus, sollicitus, contra infirmos, inermes,
securus. Omnia denique quæ probatione tractaturi
sumus, personam, causam, locum, tempus, instru-
mentum, occasionem, narratione delibabimus. Ali-
quando si destituti fuerimus his, etiam fatebimur vix
esse credibile, sed verum, & hoc majus habendum
scelus: nescire nos quomodo factum sit, aut quare:
mirari: sed probaturos. Optimæ vero præparatio-
nes erunt quæ latuerint, ut a Cicerone sunt quidem
utilissime prædicta omnia per quæ Miloni Clodius,
non Clodio Milo insidiatus esse videatur: plurimum
tamen facit illa callidissima simplicitatis imitatio:
Milo

CAP. II. *Milo autem cum in senatu fuisset eo die quoad senatus, dimissus, domum venit, calceos & vestimenta mutavit, paulisper dum se uxor, ut sit. comparat, commoratus est. Quam nihil præparato, nihil festinato fecisse videtur Milo! Quod non solum rebus ipsis vir eloquentissimus, quibus moras & lentum prosecutionis ordinem ducit, sed verbis etiam vulgaribus & quotidianis, & arte occulta consecutus est: quæ si aliter dicta essent, strepitu ipsum judicem ad custodiendum patronum excitasset. Frigida videntur ista plerisque: sed hoc ipso manifestum est, quomodo judicem fefellerit, quod vix a lectore deprehenditur. Hæc sunt quæ credibilem faciunt expositionem. Nam ne contraria aut sibi repugnantia in narratione dicamus, si cui præcipiendum est, is reliqua frustra docetur: etiamsi quidam scriptores artium hoc quoque tanquam occultum & a se prudenter erutum, tradunt. His tribus narrandi virtutibus adjiciunt quidam magnificentiam, quam μεγαλοπρέπειαν vocant: quæ neque in omnes causas cadit, (nam quid in plerisque judiciis privatis, de re certa credita, locato & conducto, interdictis, habere loci potest supra modum se tollens oratio?) nec semper est utilis, ut vel proximo exemplo Miloniano patet. Et meminimus multas esse causas, in quibus confitendum, excusandum, submittendum sit quod exponimus: quibus omnibus aliena est illa magnificentiae virtus. Quare non magis proprium narrationis est magnifice dicere, quam miserabiliter, invidiose, graviter, dulciter, urbane: quæ cum suo quæque loco sint laudabilia, non sunt huic parti proprie assignata, & velut dedita. Illa quoque ut narrationi*
apta,

apta, ita cæteris partibus communis est virtus, quam CAP. II.
 Theodectes huic uni proprie dedit. non enim magnificam modo vult esse, verum etiam jucundam expositionem. Sunt qui adjiciant his evidentiam, quæ *πάρεσις* græce vocatur. Neque ego quenquam deceperim, ut dissimulem Ciceroni quoque plures partes placere. Nam præterquam planam, & brevem, & credibilem, vult esse evidentem, moratam cum dignitate. Sed in oratione morata debent esse omnia cum dignitate qua potuerint. Evidentia in narratione, quantum ego intelligo, est quidem magna virtus, cum quid veri non dicendum, sed quodammodo etiam ostendendum est: sed subjici perspicuitati potest: quam quidam etiam contrariam interim putaverunt; quia in quibusdam causis obscuranda veritas esset: quod est ridiculum. Nam qui obscurare vult, narrat falsa pro veris: & in his quæ narrat, debet laborare ut videantur quam evidentissima. Sed quatenus etiam forte quadam pervenimus ad difficilius narrationum genus, jam de his loquamur, in quibus res contra nos erit: quo loco nonnulli prætereundam narrationem putaverunt. Et sane nihil est facilius, nisi prorsus totam causam omnino non agere. Sed si aliqua justa ratione hujusmodi susceperis litem; cujus artis est, malam esse causam silentio confiteri? Nisi forte tam hebes futurus est iudex, ut secundum id pronunciet, quod sciet narrare te noluisse. Neque inficias eo, in narratione, ut aliqua neganda, aliqua adjicienda, aliqua mutanda, sic aliqua etiam tacenda: sed tacenda quæ tacere oportebit, & liberum erit. quod sit nonnunquam brevitatis quoque gratia, quale illud est, *Re-*

G g

pon-

CAP. II. *Milo autem cum in senatu fuisset eo die quoad senatus est dimissus, domum venit, calceos & vestimenta mutavit, paulisper dum se uxor, ut sit, comparat, commoratus est. Quam nihil præparato, nihil festinato fecisse videtur Milo! Quod non solum rebus ipsis vir eloquentissimus, quibus moras & lentum profectiois ordinem ducit, sed verbis etiam vulgaribus & quotidianis, & arte occulta consecutus est: quæ si aliter dicta essent, strepitu ipsum judicem ad custodiendum patronum excitasset. Frigida videntur ista plerisque: sed hoc ipso manifestum est, quomodo judicem fefellerit, quod vix a lectore apprehenditur. Hæc sunt quæ credibilem faciunt expositionem. Nam ne contraria aut sibi repugnantia in narratione dicamus, si cui præcipiendum est, is reliqua frustra docetur: etiamsi quidam scriptores artium hoc quoque tanquam occultum & a se prudenter erutum, tradunt. His tribus narrandi virtutibus adjiciunt quidam magnificentiam, quam μεγαλοπρέπειαν vocant: quæ neque in omnes causas cadit, (nam quid in plerisque judiciis privatis, de re certa credita, locato & conducto, interdictis, habere loci potest supra modum se tollens oratio?) nec semper est utilis, ut vel proximo exemplo Miloniano patet. Et meminimus multas esse causas, in quibus confitendum, excusandum, submittendum sit quod exponimus: quibus omnibus aliena est illa magnificentiae virtus. Quare non magis proprium narrationis est magnifice dicere, quam miserabiliter, invidiose, graviter, dulciter, urbane: quæ cum suo quæque loco sint laudabilia, non sunt huic parti proprie assignata, & velut dedita. Illa quoque ut narrationi apta,*

apta, ita cæteris partibus communis est virtus, quam CAP. II.
 Theodectes huic uni proprie dedit. non enim magnificam modo vult esse, verum etiam jucundam expositionem. Sunt qui adjiciant his evidentiam, quæ *πάρεσις* græce vocatur. Neque ego quenquam deceperim, ut dissimulem Ciceroni quoque plures partes placere. Nam præterquam planam, & brevem, & credibilem, vult esse evidentem, moratam cum dignitate. Sed in oratione morata debent esse omnia cum dignitate qua potuerint. Evidentia in narratione, quantum ego intelligo, est quidem magna virtus, cum quid veri non dicendum, sed quodammodo etiam ostendendum est: sed subjici perspicuitati potest: quam quidam etiam contrariam interim putaverunt; quia in quibusdam causis obscuranda veritas esset: quod est ridiculum. Nam qui obscurare vult, narrat falsa pro veris: & in his quæ narrat, debet laborare ut videantur quam evidentissima. Sed quatenus etiam forte quadam pervenimus ad difficilius narrationum genus, jam de his loquamur, in quibus res contra nos erit: quo loco nonnulli prætereundam narrationem putaverunt. Et sane nihil est facilius; nisi prorsus totam causam omnino non agere. Sed si aliqua justa ratione hujusmodi susceperis litem; cujus artis est, malam esse causam silentio confiteri? Nisi forte tam hebes futurus est iudex, ut secundum id pronunciet, quod sciet narrare te noluisse. Neque incicias eo, in narratione, ut aliqua neganda, aliqua adjicienda, aliqua mutanda, sic aliqua etiam tacenda: sed tacenda quæ tacere oportebit, & liberum erit: quod sit nonnullam brevitatis quoque gratia, quale illud est, *Re-*

G g

Spon-

CAP. II. *spondit qua visum est.* Distinguamus igitur genera caularum. Namque in quibus non de culpa quaeritur, sed de actione, etiamsi erunt contra nos themata, confiteri nobis licebit: *Pecuniam de templo sustulit, sed privatam: non ideo sacrilegus est. Virginem rapuit, non tamen optio patri dabitur. Ingenuum stupravit, & stupratus se suspendit: non tamen ideo stuprator capite ut causa mortis puniatur; sed decem millia, qua pœna stupratori constituta est, dabit.* Verum in his quoque confessionibus est aliquid quod ex invidia quam expositio adversarii fecit, detrahi possit, cum etiam servi nostri de peccatis suis mollius loquantur. Quædam enim quasi non narrantes mitigabimus: *Non quidem, ut adversarius dicit, consilium furti in templum attulit, nec diu captavit ejus rei tempus: sed occasione & absentia custodum corruptus, & pecunia, qua nimium quam in animis hominum potest, victus est. Sed quid refert? peccavit, & fur est. nihil attinet id defendere, cujus pœnam non recusamus.* Interim quasi damnemus ipsi: *Vis te dicam vino impulsus? errore lapsus? nocte deceptus? vera sunt ista fortasse: tu tamen ingenuum stuprasti, solve decem millia.* Nonnunquam propositione præmuniri potest causa, & deinde exponi. Contraria sunt omnia tribus filiis, qui in mortem patris conjurarant; sortiti nocte singuli per ordinem cum ferro cubiculum intrarunt, patre dormiente. cum occidere eum nemo potuisset, excitato omnia indicarunt. Si tamen pater qui divisit patrimonium, & reos parricidii defendit, sic agit. *Quod contra legem sufficit, parricidium obicitur juvenibus quorum pater vivit, atque etiam liberis suis adst. ordinem rei narrare quid necesse est, cum ad legem ni-*
hil

hil pertineat? sed si confessionem mea culpa exigitis, CAP. II.
 ego fui pater durus, & patrimonii, quod jam melius ab
 his administrari poterat, tenax custos. Deinde subjici-
 tur, stimulatos ab iis quorum indulgentiores parentes
 erant: semper tamen cum habuisse animum, qui sit even-
 tu deprehensus, ut occidere patrem non possent. Neque
 enim jurejurando opus fuisse, si aliqui hoc mentis ha-
 buissent: nec forte, nisi quod se quisque eximi voluerit.
 Omnia hæc qualiacunque placidioribus animis acci-
 pientur, illa brevi primæ propositionis defensione mol-
 lita. At cum quæritur an factum sit, vel quale factum sit,
 licet omnia contra nos sint, quomodo tamen evitare ex-
 positionem salva causæ ratione possumus? Narravit ac-
 cusator, neque ita, ut quæ essent acta tantum indicave-
 rit; sed adjecit invidiam, rem verbis exasperavit,
 accesserunt probationes, peroratio incendit, & iræ
 plenos reliquit. Exspectat naturaliter judex quid
 narretur a nobis. Si nihil exponimus, illa esse, quæ
 adversarius dixit, & talia qualia dixit, credat ne-
 cesse est. Quid ergo? eadem exponemus? Si de
 qualitate agitur, cujus tum demum quæstio est, cum
 de re constat, eadem, sed non eodem modo: alias
 causas, aliam rationem dabo. Verbis elevare quæ-
 dam licebit: luxuria hilaritatis, avaritia parsimo-
 niæ, negligentia simplicitatis nomine lenietur. Vul-
 tu denique, voce, habitu, vel favoris aliquid, vel
 miserationis merebor. Solet nonnunquam movere
 lacrymas ipsa confessio. Atque ego libenter inter-
 rogem, sint ne illa defensori quæ non narraverint,
 necne? Nam si neque defenderint, neque narrave-
 rint, tota causa prodetur. At si defensori sunt,
 proponere certe plerumque id quod confirmaturi
 sumus,

CAP. II. fumus, oportet. Cur ergo non exponamus quod & dilui potest, & ut hoc contingat, utique indicandum est? Aut quid inter probationem & narrationem interest, nisi quod narratio est probationis continua propositio; rursus probatio narrationi est congruens confirmatio? Videamus ergo num expositio hæc longior demum esse debeat, & paulo verbosior preparatione, & quibusdam argumentis. argumentis dico, non argumentatione: cui tamen plurimum confert frequens affirmatio, *effecturos nos quod dicimus: non posse vim rerum ostendi prima expositione: expectent, & opiniones suas differant, & bene sperent.* Denique narrandum est utique, quicquid aliter quam adversarius exposuit, narrari potest, aut eo etiam proœmia sunt in his causis supervacua: quæ quid magis agunt, quam ut cognitioni rerum accommodatorem iudicem faciant? Atqui constat nusquam eorum esse maiorem usum, quam ubi animus iudicis ab aliqua contra nos insita opinione flectendus est. Conjecturales autem causæ, in quibus de facto quaeritur, non tam sæpe rei de qua iudicium est, quam eorum per quæ res colligenda est, expositionem habent. Quæ cum accusator suspiciose narret, reus levare suspicionem debeat; aliter ab hoc atque ab illo ad iudicem perferri oportet. At enim quædam argumenta turba valent; diducta, leviora sunt. Id quidem non eo pertinet, ut quaeratur an narrandum, sed quomodo narrandum sit. Nam congerere plura expositione quid prohibet, si id utile est causæ? & promittere, sed & dividere narrationem, & probationem subungere partibus, atque ita transire ad sequentia? Nam ne iis quidem accedo, qui semper

eo putant ordine, quo quid actum sit, esse narrandum: sed eo malo, quo expedit. Quod fieri plurimis figuris licet. Nam & aliquando excidisse simulamus, cum quid utiliore loco reducimus: & interim nos reducturos reliquum ordinem testamur, quia sic futura sit causa lucidior. Interim re exposita, subjungimus causas quæ antecesserunt. Nec enim est una lex defensionis, certumque præscriptum: pro re, pro tempore, intuenda quæ profint: atque ut erit vulnus, ita vel curandum protinus, vel si curatio differri potest, interim deligandum. Nec sapius narrare duxerim nefas, quod Cicero pro Cluentio fecit: estque non concessum modo, sed aliquando etiam necessarium: ut in causis repetundarum, omnibusque quæ simplices non sunt. Amentis est enim superstitione præceptorum contra rationem causæ trahi. Narrationem ideo ante probationes ponere est institutum, ne iudex, qua de re dicatur, ignoret. Cur igitur si singula probanda aut refellenda erunt, non singula etiam narrentur? Me certe, quantacunque nostris experimentis habenda est fides, fecisse hoc in foro, quoties aliqua ita desiderabat utilitas, probantibus & eruditis & iis qui iudicabant, scio: & (quod arroganter dixerim, quia sunt plurimi quibuscum egi, qui me refellere possint si mentiar) fere ponendæ a me causæ officium exigebatur. Neque ideo tamen non sapius facere oportebit, ut rerum ordinem sequamur. Quædam vero etiam turpiter convertuntur: ut si peperisse narres, deinde concepisse: apertum testamentum, deinde signatum: in quibus si id quod posterius est dixeris, de priore tacere optimum est. Sunt quædam & falsæ exposi-

CAP. II. tiones, quarum in foro duplex est genus. Alterum, quod instrumentis adjuvatur; ut, *Publius Clodius fiducia testium, qua nocte incestum Roma commiserat, Interamna se fuisse dicebat*. Alterum, quod est tuendum dicentis ingenio. Id interim ad solam verecundiam pertinet; unde etiam mihi videtur dici Color: interim ad quæstionem. Sed utrumcunque erit, prima sit curarum, ut id quod fingemus, fieri possit: deinde, ut & personæ, & loco, & temporì congruat, & credibilem rationem & ordinem habeat: si continget etiam, veræ alicui rei cohæreat, aut argumento, quod sit in causâ, confirmetur. Nam quæ tota extra rem petita sunt, mentiendi licentiam produunt. Curandum præcipue (quod fingentibus frequenter accidit) nequa inter se pugnent. Quædam enim partibus blandiuntur, sed in summam non consentiunt. Præterea, ne iis quæ vera esse constabit, adversa sint. In scola etiam, ne color extra themata quærat. Utrobique autem orator meminisse debet actione tota quid finxerit, quoniam solent excidere quæ falsa sunt: verumque est illud quod vulgo dicitur; Mendacem memorem esse oportere. Sciamus autem, si de nostro facto quærat, unum nobis aliquid esse dicendum: si de alieno, mittere in plurimas suspiciones licere. Est tamen scholasticis controversiis, in quibus ponitur aliquem non respondere ad quæ interrogatur, libertas omnia enumerandi quæ responderi potuissent. Fingenda vero meminimus ea quæ non cadant in testem. Sunt autem quæ nostro dicuntur animo, cujus ipsi tantum conscii sumus. Item quod a defunctis: nec hoc enim est qui neget. Itemque ab eo cui idem expediet: is enim

enim non negabit. Ab adversario quoque: quia non CAP. II.
 est habiturus in negando fidem. Somniorum & superstitionum colores ipsa jam facilitate auctoritatem perdidit. Non est autem satis in narratione uti coloribus, nisi per totam actionem consentiant: cum præsertim quorundam probatio sola sit in asseveratione & perseverantia: ut ille parasitus, qui ter abdicatum a divite juvenem & absolutum, tanquam suum filium asserit, habebit quidem colorem, quo dicat; & paupertatem sibi causam exponendi fuisse, & ideo a se parasiti personam esse susceptam, quia in illa domo filium haberet; & ideo illum innocentem ter abdicatum, quia filius abdicantis non esset. Nisi tamen omnibus verbis & amorem patrium, atque hunc quidem ardentissimum ostenderit, & odium divitis, & metum pro juvene, quem periculose mansurum in illa domo, in qua tam invisus sit, sciat; suspicionem subjecti petitoris non carebit. Evenit aliquando in scholasticis controversiis, quod in foro an possit accidere dubito, ut eodem colore utraque pars utatur, deinde cum pro se quisque defendat: ut in illa controversia: *Uxor marito dixit appellatam se de stupro a privigno. & sibi constitutum tempus, & locum: eadem contra filius detulit de noverca, edito tantum alio tempore, ac loco: pater in eo quem uxor prædixerat, filium invenit; in eo quem filius, uxorem: illam repudiavit: qua tacente, filium abdicat.* Nihil dici potest pro juvene, quod non idem sit pro noverca. Ponuntur tamen etiam communia, deinde ex personarum comparatione, & indicij ordine, & silentio repudiata, argumenta ducentur. Ne illud quidem ignorare oportet, quædam esse quæ colorem non recipiant,

CAP. II. piant, sed tantum defendenda sint: qualis est ille dives, qui statuam pauperis inimici flagellis cecidit & reus est injuriarum. Nam factum ejus modestum esse nemo dixerit: fortasse ut sit tutum, obtinebit. Quod si pars expositionis pro nobis, pars contra nos erit, miscenda sit, an separanda narratio, cum ipsa causæ conditione deliberandum est. Nam si plura sunt quæ nocent, quæ prosunt obruentur. Itaque tunc dividere optimum erit; & iis quæ partem nostram adjuvabunt, expositis & confirmatis, adversus reliqua uti remediis de quibus supra dictum est. Si plura proderunt, etiam conjungere licebit; ut quæ obstant, in medio, velut auxiliis nostris posita, minus habeant virium. Quæ tamen non erunt nuda ponenda, sed ut & nostra aliqua argumentatione firmemus, & diversa cur credibilia non sint, adjiciamus. quia nisi distinxerimus, verendum est ne bona nostra permixtis malis inquinentur. Illa quoque de narratione præcipi solent, nequa ex ea fiat excursio, ne avertatur a iudice sermo, ne alienæ personæ vocem demus, ne argumentemur: adjiciunt quidam etiam, ne utamur affectibus. Quorum pleraque sunt frequentissime custodienda: imo nunquam, nisi ratio coëgerit, mutanda: ut sit expositio perspicua & brevis. Nihil quidem tam raro poterit habere rationem, quam excursio: nec unquam debet esse nisi brevis, & talis, ut vi quadam videamur affectus velut recto itinere depulsi: qualis est Ciceronis circa nuptias Sallia, *O mulieris scelus incredibile, & præter hanc unam in omni vita inauditum! O libidinem effrenatam, & indomitam! O audaciam singularem! non timuisse, si minus vim deorum, hominumque famam, at illam*

illam ipsam noctem, facesque illas nuptiales, non limen cubiculi, non cubile filia, non parietes denique ipsos superiorum testes nuptiarum. Sermo vero averfus a iudice & brevius indicat interim, & coarguit magis. Qua de re idem quod de procemio dixeram, sentio: sicut de prolopopœia quoque: qua tamen non Servius modo Sulpitius utitur pro Aufidia, *Somnone te languidum, an gravi lethargo putem oppressum?* sed M. quoque Tullius circa navarchos. Nam ea quoque rei expositio est, ut; *Adeas, tantum dabis*, & reliqua. Quid? pro Cluentio, Staleni Bulbique colloquium, nonne ad celeritatem plurimum & fidem confert? Quæ ne fecisse sine observantia quadam videatur, quanquam hoc in illo credibile non est, in Partitionibus præcipit, ut *habeat narratio suavitatem, admirationes, expectationes, exitus inopinatos, colloquia personarum, omnes affectus*. Argumentabimur in narratione, ut dixi, nunquam: argumentum ponemus aliquando: quod facit pro Ligario Cicero, cum dicit; *sic cum provincia præfuisse, ut illi pacem esse expediret*. Inferemus expositioni & brevem cum res poscet defensionem, & rationem factorum. Nec enim narrandum est tanquam testi, sed tanquam patrono. Rei ordo per se talis est; *Quintus Ligarius legatus in Africam cum C. Considio profectus est*. Quid ergo Marcus Tullius? *Quintus igitur*, inquit, *Ligarius, cum esset adhuc nulla belli suspicio, legatus in Africam cum C. Considio profectus est*. Alibi; *Non modo nullum ad bellum, sed ne ad minimam quidem suspicionem belli*. Et cum esset indicaturo fatis; *Quintus Ligarius nullo se implicari negotio passus est*, adjecit; *Domum spectans, & ad suos redire cupiens*. Ita quod exposcebat, & ratione fecit credibile, & affectus quoque

Hh

im-

CAP. II. implevit. Quo magis miror eos qui non putant in narratione esse utendum affectibus. Qui si hoc dicunt, non diu, nec ut in epilogo, mecum sentiunt. Effugiendæ sunt enim moræ. Cæterum cur ego judicem nolim, dum eum doceo, etiam movere? Cur quod in summa parte sum actionis petiturus, non in primo statim rerum ingressu, si fieri potest, consequar; cum præsertim etiam in probationibus faciliore sim animo ejus abusus, occupato vel ira, vel miseratione? An non Marcus Tullius circa verbera civis Romani omnes brevissime movet affectus, non solum conditione ipsius, loco injuriæ, genere verberum, sed animi quoque commendatione? Summum enim virum ostendit; *qui cum virgîs caderetur, non ingemuerit, non rogaverit, sed tantum civem se Romanum esse, cum invidia cadentis, & fiducia juris clamaverit.* Quid? Philodami casum nonne cum per totam expositionem incendit invidia, tum in supplicio lacrymis implevit, cum flentes non tam narret quam ostenderet, patrem de morte filii, filium de patris? Quid ulli epilogi possunt habere miserabile magis? Serum est enim advocare iis rebus affectum in peroratione, quas securus narraveris. Assuevit illis judex, jamque eas sine motu mentis accipit, quibus commotus novis non est: & difficile est mutare habitum animi semel constitutum. Ego vero (neque enim dissimulabo judicium meum: quamquam id quod sum dicturus exemplis magis quam præceptis ullis continetur) narrationem, ut si ullam partem orationis, omni qua potest gratia & venere exornandam puto. Sed plurimum refert, quæ sit natura ejus rei quam exponimus. In parvis ergo, qua-

quales sunt fere privatae, sit ille pressus & velut CAP. II.
applicitus rei cultus: in verbis summa diligentia;
quæ in locis impetu feruntur, & circumjectæ ora-
tionis copia latent; hic expressa, &, ut vult Zeno,
sensu tincta esse debebunt: compositio dissimulata qui-
dem, sed tamen quam jucundissima: figuræ, non
illæ poëticæ, & contra finem loquendi auctoritate
veterum receptæ: (nam debet esse quam purissimus
sermo) Sed quæ varietate tædium effugiant, & mu-
tationibus animum levent: ne in eundem casum,
similem compositionem, pares elocutionum tractus
incidamus. Caret enim cæteris lenociniis expositio,
& nisi commendetur hac venustate, jaceat necesse
est. Nec in ulla parte intentior est iudex: eoque
nihil recte dictum perit. Præterea, nescio quomo-
do etiam credit facilius quæ audienti jucunda sunt,
& voluptate ad fidem ducitur. Ubi vero major res
erit, & atrociam invidiose, & tristitia miserabiliter di-
cere decebit: non ut consumantur affectus, sed ut
tamen velut primis lineis designentur: ut plane
qualis futura sit imago rei statim appareat. Ne sen-
tentia quidem velut fatigatum intentione stomachum
judicis reficere dissuaserim, maxime quidem brevi
interjecta, qualis est illa; *Fecerunt servi Milonis, quod
suos quisque servos in re tali facere voluisset*. Interim
paulo liberiore, qualis est illa; *Nubit genero socrus
nullis auspiciis, nullis auctoribus, funestis ominibus omni-
um*. Quod cum sit factum iis quoque temporibus,
quibus omnis ad utilitatem potius quam ad ostenta-
tionem componebatur oratio, & erant adhuc seve-
riora judicia; quanto nunc faciendum magis, cum
in ipsa capitis aut fortunarum pericula irrupit vo-
luptas?

H h 2

CAP. II. luptas? Cui hominum desiderio quantum dari debeat, alio loco dicam. Interim aliquid indulgendum esse confiteor. Multum confert adjecta veris credibilis rerum imago, quæ velut in rem præsentem perducere audientes videtur: qualis est illa M. Cœlii in Antonium descriptio; *Namque ipsum offendunt temulento sopore profligatum, totis præcordiis stertentem, rutiluosos spiritus geminare, præclarasque contubernales ab omnibus spondis transversas incubare; & reliquas circumjacere passim; quæ tamen exanimata terrore, hostium adventu percepto excitare Antonium conabantur: nomen inclamabant: frustra cervicibus tollebant: blandius alia ad aurem invocabat, vehementius etiam nonnulla feriebat. Quarum cum omnium voce tactuque oscitaret, proxima cujusque collum amplexu petebat: neque dormire excitatus, neque vigilare ebrius poterat: sed semisomno sopore inter manus centurionum concubinarumque jactabatur.* Nihil his neque credibilius fingi, neque vehementius exprobrari, neque manifestius ostendi potest. Ne illud quidem præteribo, quantam afferat fidem expositioni, narrantis auctoritas; quam mereri debemus ante omnia quidem vita, sed & ipso genere orationis: quod quo fuerit gravius, sanctius, hoc plus habeat necesse est in affirmando quoque ponderis. Effugienda igitur in hac præcipue parte omnis calliditatis suspicio: neque enim se usquam custodit magis iudex: nihil videatur fictum, nihil sollicitum. omnia potius a causa, quam ab oratore profecta credantur. Sed hoc pati non possumus, & perire artem putamus, nisi appareat: cum desinat ars esse, si apparet. Pendemus ex laude, atque hanc laboris nostri ducimus summam. Ita quæ circumstanti-

stantibus ostentare volumus, iudicibus prodimus. Est CAP. II.
& quædam repetita narratio, quæ ἐπιδηγησις dicitur;
sane res declamatoria magis quam forensis, ideo au-
tem reperta, ut quia narratio brevis esse debet, fu-
sius & ornatus res possit exponi: quod fit vel in-
vidiæ gratia, vel miserationis. Id raro faciendum
iudico, neque sic unquam, ut totus ordo repetatur.
licet enim per partes idem consequi. Cæterum qui
uti ἐπιδηγησῆαι volet, narrationis rem loco stringat,
& contentus indicare quod facti sit, quo sit modo
factum, plenius se loco suo expositurum esse promit-
tat. Initium narrationis quidam utique faciendum a
persona putant: eamque, si nostra sit, ornandam:
si aliena, infamandam statim. Hoc sane frequentissi-
mum est, quia personæ sunt inter quas litigatur. Sed hæ
quoque interim cum suis accidentibus ponendæ, cum
id profuturum est: ut; *A. Cluentius Habitus fuit pater hu-
jusce, Iudices, homo non solum municipii Larinatis, ex quo
erat, sed etiam regionis illius & vicinitatis, virtute,
existimatione, nobilitate facile princeps.* Interim sine
his: ut; *Q. Ligarius cum esset.* Frequenter vero & a
re: sicut pro Tullio Cicero; *Fundum habet in agro
Thurino M. Tullius paternum.* Demosthenes pro Cte-
siphonte, τῷ γὰρ Θωκυκῆς συνάντος πόλεμος. De fine
narrationis cum his contentio est, qui perducere ex-
positionem volunt eo, unde quæstio oritur. *His re-
bus ita gestis, P. Dolabella prætor interdixit, ut est con-
suetudo, de vi hominibus armatis, sine ulla exceptione:
tantum, ut unde deiecisset, restitueret. restituisse se di-
xit. sponsio facta est. hac de sponsione vobis iudicandum
est.* Id a petitore semper fieri potest, a defensore
non semper.

Hh 3

OR-

CAP. III.

ORDINE ipso narrationem sequitur confirmatio. Probanda sunt enim quæ propter hoc exposuimus. Sed priusquam ingrediar hanc partem, pauca mihi de quorundam opinione dicenda sunt. Plerisque moris est, prolato rerum ordine, protinus utique in aliquem lætum ac plausibilem locum quam maxime possint favorabiliter excurrere. Quod quidem natum ab ostentatione declamatoria, jam in forum venit, postquam agere causas non ad utilitatem litigatorum, sed ad patronorum jactationem repertum est. Ne si pressæ illi (qualis sæpius desideratur) narrationis gracilitati conjuncta argumentorum pugnacitas fuerit, dilatis diutius dicendi voluntatibus oratio refrigescat. In quo vitium illud est, quod sine discrimine causarum atque utilitatis, hoc, tanquam semper expediat, aut etiam necesse sit, faciunt: eoque sumtas ex ijs partibus, quarum alius erat locus, sententias in hanc congerunt, ut plurima aut iterum dicenda sint, aut quia alieno loco dicta sunt, dici suo non possint. Et confiteor hoc exspatiandi genus non modo narrationi, sed etiam questionibus vel universis, vel interim singulis opportune posse subjungi cum res postulat, aut certe permittit: atque eo vel maxime illustrari ornarique orationem, sed si cohæret & sequitur, non si per vim cuneatur, & quæ natura juncta erant, distrahit. Nihil enim tam est consequens, quam narrationi probatio: nisi si excursus ille, vel quasi finis narrationis, vel quasi initium probationis est. Erit ergo illi nonnunquam locus: ut si expositio circa finem atrox fuerit, prosequamur eam velut erumpente protinus indignatione. Quod tamen ita fieri oportebit,

bit, si res dubitationem non habebit : alioqui prius CAP. III.
 est, quod objicias, verum efficere, quam magnum :
 quia criminis invidia pro reo est priusquam proba-
 tur. Difficillima est enim gravissimi cujusque scele-
 ris fides. Idem fieri non inutiliter potest, ut si me-
 rita in adversarium aliqua exposueris, in ingratum
 inveharis : aut si varietatem criminum narratione
 demonstraveris, quantum ob ea periculum intente-
 tur, ostendas. Verum hæc breviter omnia. Judex
 enim ordine audito festinat ad probationem, & quam-
 primum certus esse sententiæ cupit. Præterea caven-
 dum est ne ipsa expositio vaneſcat, averſis in aliud
 animis, & inani mora fatigatis. Sed ut non semper
 est necessaria post narrationem illa procurſio, ita
 frequenter utilis ante quæſtionem præparatio : uti-
 que si prima specie minus erit favorabilis, si legem
 asperam tuebimur, aut pœnarias actiones inferemus ;
 est hic locus velut ſequentis exordium, ad concili-
 andum probationibus noſtris judicem. Quod quo-
 liberius, hoc & vehementius fieri potest ; quia ju-
 dici nota jam cauſa est. His igitur velut fomentis,
 si quid erit asperum, præmolliemus, quo facilius
 aures judicis, quæ post dicturi erimus, admittant,
 ne jus noſtrum oderint. Nihil enim facile perſua-
 detur invitis. Quo loco tamen judicis quoque no-
 ſcenda natura est, juri magis an æquo ſit appoſitus :
 Proinde enim magis aut minus erit hoc neceſſari-
 um. Cæterum res eadem & post quæſtionem pero-
 rationis vicem fungitur. Hanc partem *παρεμβασις*
 Græci vocant, Latini egreſſum, vel egreſſionem.
 Sed hæc ſunt plures, ut dixi, quæ per totam cauſam
 varios habent excuſus : ut laus hominum locorum-
 que,

CAP. III. que, ut descriptio regionum, expositio quarundum rerum non solum gestarum sed etiam fabulofarum. Quo ex genere est in orationibus contra Verrem compositis Siciliae laus, Proserpinæ raptus, pro L. Cornelio popularis illa virtutum Cn. Pompeii commemoratio: in quam ille divinus orator, velut nomine ipso ducis cursus dicendi teneretur, abrupto quem inchoaverat sermone, divertit actutum. *Παρεκτασις* est (ut mea quidem fert opinio) alienæ rei, sed ad utilitatem causæ pertinentis, extra ordinem excurrens tractatio. Quapropter non video cur hunc ei potissimum locum assignent, qui rerum ordinem sequitur; non magis quam illud cur hoc ita demum proprium putent, si aliquid in digressu sit exponendum, cum tot modis a recto itinere declinet oratio. Nam quicquid dicitur præter illas quinque quas fecimus partes, egressio est; indignatio, miseratio, invidia, convitium, excusatio, conciliatio, maledictorum refutatio: similia his, quæ non sunt in quaestione, omnis amplificatio, minutio, omne affectus genus: atque ea maxime jucundam, & ornatam faciunt orationem, de luxuria, de avaritia, de religione, de officiis; quæ cum sunt argumentis subiecta similibus rerum, quia cohærent, egredi non videntur. Sed plurima sunt quæ rebus nihil secum cohærentibus inferuntur, quibus iudex reficitur, admonetur, placatur, rogatur, laudatur. Innumerabilia sunt hæc, quorum alia sic præparata afferimus: quædam ex occasione vel necessitate dicimus, si quid nobis agentibus novi accidit, interpellatio, interventus alicujus tumultus. Unde Ciceroni quoque in procæmio, cum diceret pro Milone, digredi fuit necesse,

celle, ut ipsa oratiuncula qua usus est, patet. Potest CAP. III.
autem paulo longius exire, qui pręparat aliquid ante quęstionem, & qui finitę probationi velut commendationem adjicit. At qui ex media erumpit, cito ad id redire debet, unde divertit.

SUNT qui narrationi propositionem subjungant CAP. IV.
tanquam partem judicialis materię: cui opinioni respondimus. Mihi autem propositio videtur omnis confirmationis initium: quod non modo in ostendenda quęstione principali, sed nonnunquam etiam in singulis argumentis poni solet, maximeque in his quę *επιχειρήματα* vocantur. Sed nunc de priore loquimur. Ea non' semper uti necesse est. Aliquando enim sine propositione quoque aliqua satis manifestum est quid in quęstione versetur: utique si narratio ibi finem habet, ubi initium quęstio; adeo ut aliquando subjungatur expositioni, quę solet in argumentis esse summa collectio. *Hac sicut exposui, ita gesta sunt, judices: insidiator superatus, vi victa vis, vel potius oppressa virtute audacia est.* Sed nonnunquam valde utilis est; pręcipue ubi res defendi non potest, de fine quęritur: ut pro eo qui pecuniam privatam de templo sustulit; *Sacrilegii agitur, de sacrilegio cognoscitur:* ut judex intelligat id unum esse officii sui, quęrere an id quod objicitur, sacrilegium sit. Item in causis obscuris, aut multiplicibus. Nec semper propter hoc solum, ut sit causa lucidior, sed aliquando etiam ut magis moveat. Movel autem, si protinus subtexantur aliqua quę profint. *Lex aperte scripta est, ut peregrinus qui murum ascenderit, morte mul-*

CAP. IV. *multetur. peregrinum te esse certum est: quin ascende-
ris murum; non queritur: quid superest, nisi ut te puniri
oporteat?* Hæc enim propositio confessionem adver-
sarii premit; & quodammodo judicandi moram tol-
lit: nec indicat quæstionem, sed adjuvat. Sunt au-
tem propositiones & simplices, sunt plerumque &
duplices, vel multiplices. quod accidit non uno mo-
do. Nam & plura crimina junguntur: ut cum So-
crates accusatus est quod corrumpere juvenutem,
& novas superstitiones introduceret. Et singula ex plu-
ribus colliguntur: ut cum legatio male gesta objici-
tur Æschini, quod mentitus sit, quod nihil ex man-
datis fecerit, quod moratus sit, quod munera acce-
perit. Recusatio quoque plures interim propositio-
nes habet: ut contra petitionem pecuniæ; *Male peti:
procuratori enim tibi esse non licuit: sed neque illi cujus
nomine litigas, habere procuratorem: sed neque es heres
ejus a quo accepisse mutuam dicor: nec ipsi debui.* Mul-
tiplicari hæc in quantum libet possunt, sed rem osten-
disse satis est. Hæc si ponantur singulæ subjectis pro-
bationibus, plures sunt propositiones: si conjungan-
tur, in partitionem cadunt. Est & nuda propositio,
qualis fere in conjecturalibus: *Cadis ago, furum ob-
jicio.* Est ratione subjecta: ut, *Majestatem minui Ca-
jus Cornelius: nam codicem tribunus plebis ipse pro con-
cione legit.* Præter hæc utimur propositione aut no-
stra, ut; *Adulterium objicio.* Aut adversarii; ut, *Adul-
terii mecum agitur.* Aut communi, ut; *Inter me &
adversarium quæstio est, uter sit intestato propior.* Non-
nunquam diversas quoque jungimus; *Ego hoc dico,
adversarius hoc.* Habet interim vim propositionis,
etiam si per se non est propositio: ut cum exposito
rerum

rerum ordine subijcimus; *De his cognoscitis.* ut sit hæc CAP. IV.
commonitio judicis, quo se ad quæstionem acrius
intendat, & quodam velut tactu excitatus, finem esse
narrationis, & initium probationis intelligat: & no-
bis confirmationem ingredientibus, ipse quoque no-
vum quodammodo audiendi sumat exordium.

PARTITIO est nostrarum aut adversarii propo- CAP. V.
sitionum, aut utrarumque ordine collata enumeratio.
Hac quidam utendum semper putant, quod ea & fiat
causa lucidior, & judex intentior ac docilior, si sci-
erit & de quo dicimus, & de quo dicturi postea
sumus. Rursus quidam periculosum id oratori ar-
bitrantur, duabus ex causis, quod nonnunquam &
excidere soleant quæ promissimus, & si qua in par-
titione præterierimus, occurrere. Quod quidem ne-
mini accidet, nisi qui plane vel nullo fuerit inge-
nio, vel ad agendum nihil cogitati præmeditatique
detulerit. Alioqui quæ tam manifesta & lucida est
ut oratio, quam recta sequatur partitione? Sequitur
enim naturam ducem, adeo ut memoriæ id maxi-
mum sit auxilium, via dicendi non decedere. Qua-
propter ne illos quidem probaverim, qui partiti-
onem vetant ultra tres propositiones extendere. quæ
sine dubio si nimium sit multiplex, fugiet memori-
am judicis, & turbabit intentionem. Hoc, aut alio
tamen numero velut lege non est alliganda, cum
possit causa plures desiderare. Alia sunt magis pro-
pter quæ partitione non semper sit utendum. Pri-
mum, quia pleraque gratiora sunt, si inventa subi-
to, nec domo allata, sed inter dicendum ex ipsa re
li 2 nata

CAP. V. nata videantur. Unde illa non injucunda schemata; *Pene excidit mihi: &; Fugerat me: &; Recte admones.* Propositis enim probationibus, omnis in reliquum gratia novitatis præcerpitur. Interim vero etiam fallendus est iudex, & variis artibus subeundus: ut aliud agi, quam quod petimus, putet. Nam est nonnunquam dura propositio, quam iudex si providet, non aliter reformidat, quam qui ferrum medici priusquam curetur, aspexit. At si re non ante proposita, securum, ac nulla denunciatione in se conversum, intrarit oratio, efficiet quod promittenti non crederetur. Interim refugienda non modo distinctio quæstionum est, sed omnino tractatio: affectibus turbandus, & ab intentione auferendus auditor. Non enim solum oratoris est docere, sed plus eloquentia circa movendum valet. Cui rei contraria est maxime tenuis illa, & scrupulose in partes sectæ divisionis diligentia, eo tempore, quo cognoscenti iudicium conamur auferre. Quid, quod interim quæ per se levia sunt & infirma, turba valent? Ideoque congerenda sunt potius, & velut eruptione pugnandum: quod tamen rarum esse debet, & ex necessitate demum, cum hoc ipsum quod dissimile rationi est, coegerit ratio. Præter hæc in omni partitione est utique aliquid potentissimum, quod cum audivit iudex, cætera tanquam supervacua gravari solet. Itaque si plura vel obijcienda sunt, vel disuenda, & utilis & jucunda partitio est: ut quid quæque de re dicturi sumus, ordine appareat. At si unum crimen varie defendimus, supervacua: ut si ita partiamur; *Dicam non talem esse hunc quem tueor reum, ut in eo credibile videri possit homicidium: dicam*
ecce

occidendi causam huic non fuisse: dicam hunc eo tempore CAP. V.
quo homo occisus est, trans mare fuisse. Omnia quæ
ante id quod ultimum est, exequeris, inania videri
necesse est. Festinat enim iudex ad id quod poten-
tissimum est, & velut obligatum promissio patro-
num, si est patientior, tacitus appellat: si vel occu-
patus, vel in aliqua potestate, vel etiam, si mori-
bus incompotus, cum convitio efflagitat. Itaque
non defuerunt, qui Ciceronis illam pro Cluentio par-
titionem improbarent, qua se dicturum esse promi-
sit primum; *neminem majoribus criminibus, gravio-
ribus testibus in iudicium vocatum, quam Oppianicum:*
deinde; præjudicia esse facta ab iis ipsis iudicibus, a
quibus condemnatus sit: postremo; *iudicium pecunia*
tentatum non a Cluentio, sed contra Cluentium: quia
si probari posset quod est tertium, nihil necesse fu-
erit dicere priora. Rursus nemo tam erit aut inju-
stus, aut stultus, quin eum fateatur optime pro Mu-
ræna esse partitum; *Intelligo, iudices, tres totius accu-*
sationis partes fuisse, & earum unam in reprehensione
vita, alteram in contentione dignitatis, tertiam in cri-
minibus ambitus esse versatam. Nam sic & ostendit
lucidissime causam, & nihil fecit altero supervacu-
um. De illo quoque genere defensionis plerique
dubitant: *Si occidi, recte feci: sed non occidi:* quo
enim prius pertinere, si sequens firmum sit? hæc
invicem obstat, & utroque utentibus, in neutro
haberi fidem. Quod sane in parte verum est, & illo
sequenti, si modo indubitale sit, solo utendum. At
si quid in eo quod est fortius, timebimus, utraque
probatione nitemur. Alius enim alio moveri solet:

CAP. V. & qui factum putavit, justum credere potest; qui tanquam justo non movebitur, factum fortasse non credet. Ut certa manus uno telo possit esse contenta, incertæ plura spargenda sunt, ut sit & fortunæ locus. Egrege vero Cicero pro Milone, insidiatorem primo Clodium ostendit: tum addit ex abundanti, *etiamsi id non fuisset, talem tamen civem cum summa virtute interfectoris & gloria necari potuisse.* Neque illum tamen ordinem, de quo prius dixi, damnaverim: quia quædam etiamsi ipsa sunt dura, in id tamen valent, ut ea molliant quæ sequuntur. Nec omnino sine ratione est quod vulgo dicitur; Iniquum petendum, ut æquum feras. Quod tamen nemo sic accipiat, ut omnia credat audendum. Recte enim Græci præcipiunt; Non tentanda, quæ effici omnino non possint. Sed quoties hac, de qua loquor, duplici defensione utemur, id laborandum est, ut in illam partem sequentem fides ex priore ducatur. Potest enim videri qui tuto etiam confessurus fuit, mentiendi causam in negando non habere. Et illud utique faciendum est, ut quoties suspicabimur a iudice aliam probationem desiderari, quam de qua loquimur, promittamus nos plene & statim de eo satis esse facturos: præcipueque si de pudore agitur. Frequenter autem accidit, ut causa parum verecunda, jure tuta sit: de quo ne inviti iudices audiant, & aversi, frequentius sunt admonendi, secuturam defensionem probitatis ac dignitatis: expectent paulum, & agi ordine sinant. Quædam interim nos & invitatis litigatoribus simulandum est dicere: quod Cicero pro Cluentio facit circa judiciariam legem. Nonnunquam quasi interpellemur ab iis, subsistere. Sæpe

pe convertenda ad ipsos oratio. Hortandi, ut sinant CAP. V.
nos uti nostro consilio. Ita surrepetur animo judi-
cis, & dum sperat probationem pudoris, asperiori-
bus illis minus repugnabit. Quæ cum receperit,
etiam verecundiæ defensionem facilius erit. Sic utra-
que res invicem juvabit, eritque judex circa jus no-
strum spe modestiæ attentior, circa modestiam juris
probatione proclivior. Sed ut non semper necessa-
ria, aut utilis etiam partitio est, ita opportune adhi-
bita plurimum orationi lucis & gratiæ confert. Ne-
que enim id solum efficit, ut clariora fiant quæ di-
cuntur, rebus velut ex turba extractis, & in conspe-
ctu judicum positis: sed reficit quoque audientem
certo singularum partium fine: non aliter quam fa-
cientibus iter, multum detrahunt fatigationis, notata
inscriptis lapidibus spatia. Nam & exhausti laboris
nosse mensuram voluptati est; & hortatur ad reliqua
fortius exequenda, scire quantum superfit. Nihil
enim longum videri necesse est, in quo quid ulti-
mum sit, certum est. Nec immerito multum ex di-
ligentia partiendi tulit laudis Quintus Hortensius: cu-
jus tamen divisionem in digitos diductam, nonnun-
quam Cicero leviter eludit. Nam est suus & in ge-
stu modus, & vitanda ut quæ maxime concisa ni-
mium & velut articulosa partitio. Nam & auctorita-
ti plurimum detrahunt minuta illa, nec jam membra
sed frustra: & hujus gloriæ cupidi, quo subtilius &
copiosius divisisse videantur, & supervacua assumunt,
& quæ natura singularia sunt, secant: nec tam plu-
ra faciunt, quam minora: deinde cum fecerunt mille
particulas, in eandem incidunt obscuritatem, contra
quam partitio inventa est. Divisa & simplex propo-
sitio

CAP. V. sitio quories utiliter adhiberi potest, primum debet esse aperta atque lucida: nam quid sit turpius, quam id esse obscurum ipsum, quod in eum solum adhibetur usum, ne sint cætera obscura? tum brevis, nec ullo supervacuo onerata verbo. Non enim de quo dicamus, sed de quo dicturi simus, ostendimus. Obtinendum etiam, ne quid in ea desit, ne quid supersit. Superest autem sic fere, cum aut in species partimur, quod in genera partiri sit satis; aut genere posito subjicitur species: ut, si dicam de virtute, justitia, continentia: cum justitia atque continentia virtutis sint species. Partitio prima est, quid sit de quo conveniat; quid de quo ambigatur: In eo quod convenit, quid adversarius fateatur, quid nos: In eo de quo ambigitur, quæ dicturi sumus, quæ nostræ propositiones, quæ partis adversæ. Turpissimum vero, non eodem ordine exequi, quo quidque proposueris.

M. FA-

M. FABII QUINCTILIANI

D E

Institutione Oratoria

LIBER V.

FUERUNT & clari quidam auctores, quibus solum videretur oratoris officium, docere. Namque & affectus duplici ratione excludendos putabant: primum, quia vitium esset omnis animi perturbatio: deinde, quia a veritate depelli misericordia, vel ira, similibusque, non oporteret: & voluptatem audientium petere, cum vincendi tantum gratia diceretur, non modo agenti supervacuum, sed vix etiam viro dignum arbitrabantur. Plures vero, qui nec ab illis sine dubio partibus rationem orandi summovent, hoc tamen proprium atque præcipuum crederent opus, sua confirmare, & quæ ex adverso proponerentur, refutare. Vtrumcunque est, (nec enim hoc loco meam interpono sententiam) hic erit liber illorum opinione maxime necessarius, quo toto hæc sola tractantur; quibus sane & ea quæ de judicialibus causis jam dicta sunt, serviunt. Nam neque proœmii, neque narrationis est alius usus, quam ut iudicem præparent: & status nosse, atque ea de quibus supra scripsimus, intueri, supervacuum
 Kk foret,

foret, nisi ad hanc perveniremus. Denique ex quinque quas judicialis materiæ fecimus partibus, quæcunque alia potest aliquando necessaria causæ non esse: lis nulla est, cui probatione opus non sit. Ejus præcepta sic optime divisuri videmur, ut prius in commune quæ ad omnes quæstiones pertinent, ostendamus: deinde quæ in quoque causæ genere propria sunt, exequamur.

CAP. I. AC prima quidem illa partitio ab Aristotele tradita consensum fere omnium meruit: alias esse probationes quas extra dicendi rationem acciperet orator; alias quas ex causa traheret ipse, & quodammodo gigneret. Ideoque illas ἀτέχνους, id est inartificiales; has ἐτέχνους, id est artificiales, vocaverunt. Ex illo priore genere sunt præjudicia, rumores, tormenta, tabulæ, jusjurandum, testes: in quibus pars maxima contentionum forensium consistit. Sed ut ipsa per se carent arte, ita summis eloquentiæ viribus allevanda sunt plerumque, & refellenda. Quare mihi videntur magnopere damnandi, qui totum hoc genus a præceptis removerunt. Nec tamen in animo est, omnia quæ aut pro his aut contra dici solent, complecti. Non enim communes locos tradere destinamus, quod esset operis infiniti, sed viam quandam atque rationem. Quibus demonstratis, non modo in exequendo suas quisque vires debet adhibere, sed etiam inveniendi similia, ut quæque conditio litium poscet. Neque enim de omnibus causis dicere quisquam potest, saltem præteritis, ut taceam de futuris.

JAM

JAM præjudiciorum vis omnis tribus in gene- CAP. II.
ribus versatur: Rebus, quæ aliquando ex paribus cau-
sis sunt judicatæ, quæ exempla rectius dicuntur; ut
de rescissis patrum testamentis, vel contra filios con-
firmatis: judiciis ad ipsam causam pertinentibus, un-
de etiam nomen ductum est; qualia in Oppianicum
facta dicuntur, & a senatu adversus Milonem: aut
cum de eadem causa pronunciatum est, ut in reis de-
portatis, & assertionem secunda, & de partibus cen-
tumviralium, quæ in duas hastas divisæ sunt. Con-
firmantur præcipue duobus: auctoritate eorum qui
pronunciaverunt, & similitudine rerum de quibus
quæritur. Refelluntur autem raro per contumeliam
judicum, nisi forte manifesta in his culpa erit. Vult
enim cognoscentium quisque firmam esse alterius
sententiam, & ipse pronunciaturus: nec libenter
exemplum quod in se fortasse recidat, facit. Con-
fugiendum ergo est in duobus superioribus, si res
feret, ad aliquam dissimilitudinem causæ. Vix au-
tem ulla est per omnia alteri similis. Si id non con-
tinget, ac eadem causa erit: aut actorum incusanda
negligentia, aut de infirmitate personarum queren-
dum, contra quas erit judicatum: aut de gratiæ quæ
testes corruerit, aut de invidia, aut de ignorantia:
aut inveniendum quid causæ postea accesserit. Quo-
rum si nihil erit, licet tamen dicere multas judici-
orum causas ad inique pronunciandum valere: ideo-
que damnatum Rutilium, absolutos Clodium atque
Catilinam. Rogandi etiam judices, ut rem potius
intueantur ipsam, quam iurijurando alieno suum do-
nent. Adversus consulta autem senatus, & decreta
principum vel magistratum, remedium nullum est,
Kk 2 nisi

CAP. II. nisi aut inventa quantulacunque causæ differentia, aut aliqua vel eorundem vel ejusdem potestatis hominum posterior constitutio, quæ sit priori contraria. quæ si decrint, lis non erit.

CAP. III. FAMAM atque rumores pars altera consensum civitatis & velut publicum testimonium vocat; altera sermonem sine ullo certo auctore dispersum, cui malignitas initium dederit, incrementum credulitas: quod nulli non etiam innocentissimo possit accidere fraude inimicorum falsa vulgantium. Exempla utrinque non deerunt.

CAP. IV. SICUT in tormentis quoque, qui est locus frequentissimus, cum pars altera quæstionem, vera fatendi necessitatem vocet, altera sæpe etiam causam falsa dicendi: quod aliis patientia facile mendacium faciat, aliis infirmitas necessarium. Quid attinet de his plura? Plenæ sunt orationes veterum ac novorum. Quædam tamen in hac parte erunt propria cujusque litis. Nam si de habenda quæstione agetur, plurimum intererit, quis, & quem postulet aut offerat, & in quem, & ex qua causa: si jam erit habita, quis ei præfuerit, quis & quomodo sit tortus; an credibilia dixerit, an inter se constantia; perseveraverit in eo quod coeperat, an aliquid dolore mutavit: prima parte quæstionis, an procedente cruciatu. Quæ utrinque tam infinita sunt, quam ipsa rerum varietas.

CAP. V. CONTRA tabulas quoque sæpe dictum; sæpe dicendum est: cum eas non solum refelli, sed etiam accu-

accusari, sciamus esse usitatum. Cum sit autem in **CAP. V.** his aut scelus signatorum, aut ignorantia: tutius ac facilius id quod secundo loco diximus, tractatur, quod pauciores rei fiunt. Sed hoc ipsum argumenta ex causa trahit, si forte aut incredibile est id actum esse quod tabulæ continent; aut (ut frequentius evenit) aliis probationibus æque inartificialibus solvitur: si aut is in quem signatum est, aut aliquis signator dicitur abfuisse vel prius esse defunctus: si tempora non congruunt: si vel antecedentia vel insequentia tabulis repugnant. Inspectio ipsa sæpe etiam falsum deprehendit.

JUSJURANDUM litigatores aut offerunt suum, **CAP. VI.** aut non recipiunt oblatum: aut ab adversario exigunt, aut recusant cum ab ipsis exigatur. Offerre suum sine illa conditione, ut vel adversarius juret, fere improbum est. Qui tamen id faciet, aut vita se tuebitur, ut eum non sit credibile pejeraturum: aut ipsa vi religionis; in qua plus fidei consequetur; si id egerit, ut non cupide ad hoc descendere, sed ne hoc quidem recusare videatur: aut si causa modo patietur litis, propter quam devoturus se ipse non fuerit: aut si præter alia causæ instrumenta adjicit ex abundanti hanc quoque conscientiae suæ fiduciam. Qui non recipiet, & iniquam conditionem, & a multis contemni jurisjurandi metum dicet: cum etiam philosophi quidam sint reperti, qui deos habere curam rerum humanarum negarent: eum vero qui nullo deferente jurare sit paratus, se ipsum velle de causa sua pronunciare, & quam id quod offert, leve

Kk 3

ac

CAP. VI. ac facile credat, ostendere. At is qui defert, agere modeste videtur cum litis adversarium judicem faciat, & cum cujus cognitio est, onere liberet, qui profecto alieno jurejurando stari quam suo malit. Quo difficilior recusatio est, nisi forte res est ea, quam credibile sit notam ipsi non esse. Quæ excusatio si deerit, hoc unum relinquetur, ut invidiam sibi quæri ab adversario dicat, atque id agi, ut in causa in qua vincere non potest, queri possit. Itaque hominem quidem malum occupaturum hanc conditionem fuisse, se autem probare malle quæ affirmet, quam dubium cuiquam relinquere, an pejerarit. Sed nobis adolescentibus seniores in agendo facti præcipere solebant, ne unquam jusjurandum deferremus: sicut neque optio judicis adversario esset permittenda: nec ex advocatis partis adversæ judex eligendus. Nam si dicere contraria turpe advocato videretur, certe turpius habendum, facere quod noceat.

CAP. VII. MAXIMUS tamen patronis circa testimonia sudor est. Ea dicuntur aut per tabulas, aut a præsentibus. Simplicior contra tabulas pugna. Nam & minus obstitisse videtur pudor inter paucos signatores, & pro diffidentia premitur absentia. Si reprehensionem non capit ipsa persona, infamare signatores licet. Tacita præterea quadam significatione refragatur his omnibus, quod nemo per tabulas dat testimonium nisi sua voluntate: quo ipso non esse amicum ei se contra quem dicit, fatetur. Neque tamen protinus cesserit orator, quo minus & amicus pro amico, & inimicus contra inimicum possit verum (si integra sit ei fides) dicere. Sed late locus
uter-

uterque tractatur. Cum presentibus vero ingens di-
micatio est, ideoque velut duplici contra eos, pro-
que his acie configitur, actionum, & interrogatio-
num. In actionibus primum generaliter pro testi-
bus, atque in testes dici solet. Est hic communis
locus, cum pars altera nullam firmiorem probatio-
nem esse contendit, quam quæ sit hominum scien-
tia nixa: altera ad detrahendam illis fidem, omnia
per quæ fieri soleant falsa testimonia, enumerat. Se-
quens ratio est, cum specialiter quidem, sed tamen
multos pariter invadere patroni solent. Nam & gen-
tium simul universarum elevata testimonia ab ora-
toribus scimus, & tota genera testimoniorum: ut de
auditionibus: non enim ipsos esse testes, sed injura-
torum afferre voces: ut in causis repetundarum, qui
se reo numerasse pecunias jurant, litigatorum non
testium habendos loco. Interim adversus singulos di-
rigitur actio: quod insectationis genus & permixtum
defensioni legimus in orationibus plurimis, & sepa-
ratim editum, sicut in Vatinius testem. Totum igitur
excutiamus locum, quando universam institutio-
nem aggressi sumus. Sufficiebant alioqui libri duo
a Domitio Afro in hanc rem compositi, quem ado-
lescentulus senem colui: ut non lecta mihi tantum
ea, sed pleraque ex ipso sint cognita. Is verissime
præcepit, primum esse in hac parte officium orato-
ris, ut totam causam familiariter norit: quod sine
dubio ad omnia pertinet. Id quomodo contingat ex-
plicabimus, quum ad destinatum huic parti locum
venerimus. Ea res suggeret materiam interrogatio-
ni, & veluti tela ad manum subministrabit. Eadem
docebit, ad quæ judicis animus actione sit præparan-
dus.

CAP. VII. **dus.** Debet enim vel fieri, vel detrahi testibus fides oratione perpetua: quia sic quisque dictis movetur, ut est ad credendum vel non credendum ante formatus. Et quoniam duo genera sunt testium, aut voluntariorum, aut eorum quibus in judiciis publicis lege denunciatur; quorum altero pars utraque utitur, alterum accusatoribus tantum concessum est: separemus officium dantis testes, & refellentis. Qui voluntarium producit, scire quid is dicturus sit, potest: ideoque faciliorem videtur in rogando habere rationem. Sed hæc quoque pars acumen & vigiliantiam poscit: providendumque, ne timidus, ne inconstans, ne imprudens testis sit. Turbantur enim, & a patronis diversæ partis induuntur in laqueum: & plus deprehensi nocent, quam firmi & interriti profuissent. Multum igitur domi ante versandi; ac variis percontationibus, quales haberi ab adversario possunt, explorandi sunt. Sic fit ut aut constent sibi, aut siquid titubaverint, opportuna rursus ejus a quo producti sunt, interrogatione velut in gradum reponantur. In his quoque adhuc qui constiterint sibi, vitandæ sunt insidiæ. nam frequenter subjici ab adversario solent, & omnia profutura polliciti, diversa respondent, & auctoritatem habent non arguentium illa, sed confitentium. Explorandum igitur quas causas lædendi adversarium afferant: nec id sat est inimicos fuisse, sed an desierint, an per hoc ipsum reconciliari velint, ne corrupti sint, ne poenitentia propositum mutaverint. Quod cum in iis quoque, qui ea quæ dicturi videntur, revera sciunt, necessarium est præcavere: tum multo magis in iis qui se dicturos quæ falsa sunt, pollicentur. Nam. & frequentior

quentior eorum poenitentia est, & promissum susce- CAP. VII.
ptius; & si perseveraverint, reprehensio facilior. Eo-
rum vero quibus denunciatur, pars testium est quæ
reum lædere velit, pars quæ nolit. Idque interim
scit accusator, interim nescit. Fingamus in præsentia
scire. in utroque enim genere summis artibus inter-
rogantis opus est. Nam si habet testem cupidum
lædendi, cavere debet hoc ipsum, ne cupiditas ejus
appareat: nec statim de eo quod in judicium venit,
rogare, sed aliquo circuitu ad id pervenire, ut illi
quod maxime dicere voluit, videatur expressum.
Nec nimium instare interrogationi, ne ad omnia re-
spondendo testis fidem suam minuat: sed in tantum
evocare eum, quantum sumere ex uno satis sit. At
in eo qui verum invitus dicturus est, prima felicitas
interrogantis est extorquere quod is noluerit. Hoc
non alio modo fieri potest, quam longius interro-
gatione repetita. Respondebit enim quæ nocere cau-
sæ non arbitrabitur: ex pluribus deinde quæ con-
fessus erit, eo perducetur, ut quod dicere non vult,
negare non possit. Nam ut in oratione, sparsa ple-
rumque colligimus argumenta, quæ per se nihil re-
um aggravare videantur, congregatione deinde eo-
rum factum convincimus: ita hujusmodi testis mul-
ta de antea actis, multa de insecutis, loco, tempore,
persona, cæteris, est interrogandus, ut in aliquod
responsum incidat, post quod illi vel fateri quæ vo-
lumus necesse sit, vel iis quæ jam dixerat, repu-
gnare. Id si non contingit, reliquum erit ut eum
nolle dicere manifestum sit: protrahendusque, ut in
aliquo quod vel extra causam sit, deprehendatur.
Tenendus etiam diutius, ut omnia ac plura quam res
Ll desu-

CAP. VII. desiderat, pro reo dicendo, suspectus judici fiat: quo non minus nocebit, quam si vera in reum dixisset. At si (quod secundo loco diximus) nesciat actor quid propositi testis attulerit, paulatim, & ut dicitur, pedetentim interrogando experietur animum ejus, & ad id responsum quod eliciendum erit, per gradus ducet. Sed quia nonnunquam sunt hæ quoque testium artes, ut primo ad voluntatem respondeant, quo majore fide diversa postea dicant; est oratoris, suspectum testem dum prodest, dimittere. Patronorum in parte expeditior, in parte difficilior interrogatio est. Difficilior hoc, quod raro unquam possunt ante judicium scire quid testis dicturus sit. Expeditior, quod cum interrogandus est, sciunt quid dixerit. Itaque in eo quod incertum est, cura & inquisitione opus est, quis reum premat, quas & quibus ex causis inimicitias habeat: eaque in oratione prædicenda atque amolienda sunt, siue odio conflatos testes, siue invidia, siue gratia, siue pecunia videri volumus. Et si deficietur numero pars diversa, paucitatem: si abundabit, conspirationem: si humiles producet, vilitatem: si potentes, gratiam oportebit incessere. Plus tamen proderit causas propter quas reum lædant, exponere: quæ sunt variæ, & pro conditione cujusque litis aut litigatoris. Nam contra illa quæ supra diximus, simili ratione responderi locis communibus solet, quia & in paucis atque humilibus accusator simplicitate gloriari potest, quod neminem præter eos qui possunt scire, quæsierit: & multos atque honestos commendare aliquanto est facilius. Verum interim & singulos ut exornare, ita destruere contingit, aut recitatis in actione, aut testibus

stibus nominatis. Quod iis temporibus, quibus te- CAP. VII.
stis non nisi post finitas actiones rogabatur, & faci-
lius & frequentius fuit. Quid autem in quemque te-
stium dicendum sit, sumi nisi ex ipsorum personis
non potest. Reliquæ interrogandi sunt partes. Qua
in re primum est, nosse testem. nam timidus terre-
ri, stultus decipi, iracundus concitari, ambitiosus
inflari, longus protrahi potest: prudens vero &
constans, vel tanquam inimicus & pervicax dimit-
tendus statim, & non interrogatione, sed brevi in-
terlocutione patroni refutandus est: aut aliquo, si
continget, urbane dicto refrigerandus: aut siquid in
ejus vitam dici poterit, infamia criminum destruendi-
us. Probos quosdam & verecundos non asperere in-
cessere profuit. nam sæpe qui adversus insectantem
pugnassent, modestia mitigantur. Omnis autem in-
terrogatio, aut in causa est, aut extra causam. In
causa, sicut accusatori præcepimus, patronus quo-
que altius, & unde nihil suspecti sit, repetita per-
contatione, priora sequentibus applicando, sæpe eo
perducit homines, ut invitis quod profit extorqueat.
Ejus rei sine dubio nec disciplina ulla in scholis, nec
exercitatio traditur: & naturali magis acuminis, aut
usu contingit hæc virtus. Si quod tamen exemplum
ad imitationem demonstrandum sit, solum est quod
ex dialogis Socraticorum, maximeque Platonis, duci
potest: in quibus adeo scitæ sunt interrogationes,
ut cum plerisque bene respondeatur, res tamen ad id
quod velint efficere, perveniat. Illud fortuna interim
præstat, ut aliquid quod inter se parum consentiat,
a teste dicatur: interim (quod sæpius evenit) ut te-
stis testi diversa dicat. Acuta autem interrogatio,

L1 2

ad

CAP. VII. ad hoc quod casu fieri solet, etiam ratione perducet. Extra causam quoque multa quæ profint, rogari solent, de vita testium aliorum, de sua quisque, si turpitudine, si humilitas, si amicitia accusatoris, si inimicitia cum reo: in quibus aut dicant aliquid quod profit, aut in mendacio vel cupiditate lædendi deprehendantur. Sed inprimis interrogatio debet esse circumspecta, quia multa contra patronos venuste testis sæpe respondet, eique præcipue vulgo favetur. Tum verbis quam maxime ex medio sumtis: ut qui rogatur (is autem est sapius imperitus) intelligat, aut ne intelligere se neget: quod interrogantis non leve frigus est. Illæ vero pessimæ artes, testem subornatum in subsellia adversarii mittere, ut inde excitatus plus noceat, vel dicendo contra reum, cum quo sederit; vel cum adjuvisse testimonio videbitur, faciendo ex industria multa immodeste atque intemperanter, per quæ non a se tantum dictis detrahat fidem, sed cæteris quoque qui profuerant, auferat utilitatem. Quorum mentionem habui, non ut fierent, sed ut vitarentur. Sæpe inter se collidi solent: inde testatio, hinc testes: locus utrinque. Hæc enim se pars jurejurando, illa consensu signantium tuetur. Sæpe inter testes & argumenta quæsitum est. Inde scientiam in testibus & religionem, ingenia esse in argumentis dicitur: hinc testem gratia, metu, pecunia, ira, odio, amicitia, ambitu fieri, argumenta ex natura duci: in his judicem sibi, in illis alii credere. Communia hæc pluribus causis, multumque jactata sunt semper, tum iactabuntur. Aliquando utrinque sunt testes: sed quæstio sequitur, ex ipsis, utri meliores viri: ex causis, utri magis credibilia

dabilia dixerint: ex litigatoribus, utri gratia magis CAP. VII.
 valuerint. His adjicere si quis volet ea quæ divina testimonio vocantur, ex responsis, oraculis, omnibus, duplicem sciat eorum esse tractatum: generalem alterum, in quo inter Stoicos & Epicuri sectam secutos pugna perpetua est, regaturne providentia mundus. Specialem alterum, contra partes divinationis, ut quæque in quæstionem cadit. Aliter enim oraculorum, aliter aruspicum, augurum, conjectorum, mathematicorum fides confirmari, aut refelli potest, cum sit rerum earum ratio diversa. Circa ejusmodi quoque instrumenta, firmanda vel destruenda, multum habet operis oratio, si quæ sint voces per vinum, somnum, dementiam emissæ, vel excepta parvulorum dicta; quos pars altera nihil fingere, altera nihil judicare dictura est. Nec tantum præstari hoc genus potest, sed etiam ubi non est, desiderari solet: *Pecuniam dedisti, quis numeravit? ubi? unde? Venenum arguis, ubi emi? a quo? quanti? per quem dedi? quo conficio?* Quæ fere omnia pro Cluentio Cicero in crimine veneficii excutit. Hæc de inartificialibus quam brevissime potui.

PARS altera probationum, quæ est tota in arte, CAP. VIII.
 constatque rebus ad faciendam fidem apposis, ple-
 rumque aut omnino negligitur, aut levissime attingitur ab iis qui argumenta velut horrida & confragosa vitantes, amœnioribus locis desident: neque aliter quam qui traduntur a poëtis gustu cujusdam apud Lotophagos graminis, & Sirenum cantu delin-
 titi, voluptatem saluti prætulisse, dum laudis falsam

CAP. VIII. imaginem persequuntur, ipsa, propter quam dicitur, victoria cedunt. Atqui cetera quæ continuo magis orationis tractu decurrunt, in auxilium atque ornamentum argumentorum comparantur, nervisque illis quibus causa continetur, adjiciunt superinducti corporis speciem: ut si forte quid factum ira, vel metu, vel cupiditate dicatur, latius quæ cujusque affectus natura sit, prosequamur. Iisdem laudamus, incusamus, augemus, minuimus, describimus, deterremus, querimus, consolamur, hortamur. Sed horum esse opera in rebus aut certis, aut de quibus tanquam certis loquimur, potest. Nec abnuerim esse aliquid in delectatione, multum vero in commovendis affectibus: sed hæc ipsa plus valent cum se didicisse iudex putat: quod consequi nisi argumentatione, aliaque fide rerum non possumus. Quorum priusquam partior species, indicandum reor, esse quædam in omni probationum genere communia. Nam nec ulla quæstio est, quæ non sit aut in re, aut in persona: nec esse argumentorum loci possunt, nisi in iis quæ rebus aut personis accidunt: eaque aut per se inspicere solent, aut ad aliud referri. Nec ulla confirmatio, nisi aut ex antecedentibus, aut ex consequentibus, aut ex repugnantibus: & hæc necesse est aut ex præterito tempore, aut ex conjuncto, aut ex sequenti petere. Nec ulla res probari nisi ex alia potest: eaque sit oportet aut major, aut par, aut minor. Argumenta vero reperiuntur aut in quæstionibus, quæ etiam separatæ a complexu rerum personarumque spectari per se possint: aut in ipsa causa, cum invenitur aliquid in ea non ex communi ratione ductum, sed ejus iudicii de quo cognoscitur.

pro-

proprium. Probationum præterea omnium aliæ sunt CAP. VIII.
 necessariae, aliæ credibiles, aliæ non repugnantes.
 Adhuc, omnium probationum quadruplex ratio est,
 ut vel quia aliquid est, aliud non sit: ut, quia dies
 est, nox non est. vel quia est aliquid, & aliud sit:
 ut, quia Sol est super terram, dies est. vel quia ali-
 quid non est, aliud sit: ut, quia nox non est, dies
 est. vel quia aliquid non est, nec aliud sit: ut, quia
 non est rationale, nec homo est. His in universum
 prædictis, partes subijciam.

OMNIS igitur probatio artificialis constat aut CAP. IX.
 signis, aut argumentis, aut exemplis. Nec ignoro
 plerisque videri signa partem argumentorum: quæ
 mihi separandi ratio hæc fuit, prima, quod sunt pe-
 ne ex illis inartificialibus. Cruenta enim vestis, &
 clamor, & livor, & talia, sunt instrumenta, qua-
 lia tabulæ, rumores, testes: nec inveniuntur ab ora-
 tore, sed ad eum cum ipsa causa deferuntur. Alte-
 ra, quod signa sive indubitata sint, non sunt argu-
 menta; quia ubi illa sunt, quæstio non est: argu-
 mento autem nisi in re controversa locus esse non
 potest: sive dubia, non sunt argumenta, sed ipsa ar-
 gumentis egent. Dividuntur autem in has primas
 duas species, quod eorum alia sunt (ut dixi) quæ ne-
 cessaria sunt, quæ Græci vocant *τεχνήσια*, alia non ne-
 cessaria, quæ *σημεία*. Priora illa sunt, quæ aliter
 habere se non possunt: quæ mihi vix pertinere ad
 præcepta artis videntur. Nam ubi est signum insolu-
 bile, ibi ne lis quidem est. Id autem accidit, cum
 quid aut necesse est fieri, factumve esse, aut omni-
 no

CAP. IX. no non potest fieri, vel esse factum: quo in causis posito, non est lis nisi facti. Hoc genus per omnia tempora perpendi solet. Nam & coisse eam cum viro, quæ peperit, quod est præteriti: & fluctus esse cum magna vis venti in mare incubuit, quod conjuncti: & eum mori, cujus cor est vulneratum, quod futuri, necesse est. Nec fieri potest ut ibi sit messis, ubi satum non est: ut quis Romæ sit, cum est Athenis: ut sit ferro vulneratus, qui sine cicatrice est. Sed quædam & retrorsus idem valent, ut, vivere hominem, qui spirat: & spirare, qui vivit. Quædam in contrarium non recurrunt. Nec enim quia movetur qui ingreditur, idcirco etiam ingreditur, qui movetur. Quare potest & coisse cum viro, quæ non peperit: & non esse ventus in mari, cum esset fluctus: nec utique cor ejus vulneratum esse qui perit: ac similiter satum fuisse potest, ubi non fuit messis: fuisse Romæ, qui fuit Athenis: nec fuisse ferro vulneratus, qui habet cicatricem. Alia sunt signa non necessaria, quæ *εικότα* Græci vocant: quæ etiam si ad tollendam dubitationem sola non sufficiunt, tamen adjuncta cæteris, plurimum valent. Signum vocatur (ut dixi) *σημείον*, quanquam id quidam indicium, quidam vestigium nominaverunt, per quod alia res intelligitur, ut per sanguinem cædes. At quia sanguis vel ex hostia respersisse vestem potest, vel e naribus profluxisse; non utique qui vestem cruentam habuerit, homicidium fecerit. Sed ut per se non sufficit, ita cæteris adjunctum, testimonii loco ducitur; si inimicus, si minatus ante, si eodem loco fuit: quibus signum cum accessit, efficit ut quæ suspecta erant, certa videantur. Alioqui sunt quæ-

quædam signa utrique parti communia, ut livores, CAP. IX.
tumores. nam videri possunt & veneficii, & cruditi-
tatis. Et vulnus in pectore, sua manu, & aliena
perisse dicentibus in æquo est. Hæc perinde firma
habentur, atque extrinsecus adjuvantur. Eorū au-
tem quæ signa sunt quidem, sed non necessaria, ge-
nus Hermagoras putat, non esse virginem Atalantam,
quia cum juvenibus per sylvas vagetur. Quod si re-
ceperimus, vereor ne omnia quæ ex facto ducuntur,
signa faciamus. Eadem tamen ratione, qua signa,
tractantur. Nec mihi videntur Areopagitæ cum da-
mnaverunt puerum coturnicum oculos eruentem,
aliud judicasse, quam id signum esse perniciosissimæ
mentis, multisque malo futuræ, si adolevisset. Un-
de Spurii Melii, Marcique Manlii popularitas, signum
affectati regni est existimatum. Sed vereor ne longe
nimium nos ducat hæc via. Nam si est signum adul-
teræ, lavari cum viris; erit & convivere cum ado-
lescentibus, deinde etiam familiariter alicujus amici-
tia uti: ut fortasse corpus vulsum, fractum inces-
sum, vestem muliebrem dixerit mollis & parum viri
signa, sicui (cum signum id proprie sit, quod ex eo
de quo quæritur natum sub oculos venit) ut sanguis
e cæde, ita illa ex impudicitia fluere videantur. Ea
quoque quæ quia plerumque observata sunt, vulgo
signa creduntur, ut prognostica,

--- vento rubet aurea Phæbe:

Et cornix plena pluviam vocat improba voce:
si causas ex qualitate cœli trahunt, sane ita appellen-
tur. Nam si vento rubet Luna, signum venti est ru-
bor. Et si, ut idem poëta colligit, densatus & laxa-
tus aër facit ut sit inde ille avium concentus, idem

M m

sen-

CAP. IX. sentiemus. Sunt autem signa etiam parva magnorum, ut vel hæc ipsa cornix. Nam majora minorum esse nemo miratur.

CAP. X. NUNC de argumentis. Hoc enim nomine complectimur omnia quæ Græci *ἐνθυμήματα, ἐπιχειρήματα, ἀποδείξεις* vocant: quanquam apud illos est aliqua horum nominum differentia, etiamsi vis eodem fere tendit. Nam enthymema (quod nos commentum sane, aut commentationem interpretamur, quia aliter non possumus, Græco melius usuri) unum intellectum habet, quo omnia mente concepta significat; sed nunc de eo non loquimur: alterum, quod sententiam cum ratione: tertium, quo certam quandam argumenti conclusionem, vel ex consequentibus, vel ex renegantibus: quanquam de hoc parum convenit. Sunt enim qui illud prius epicherema dicant: pluresque invenias in ea opinione, ut id demum quo pugna constat, enthymema accipi velint. Et ideo illud Cornificius contrarium appellat: hunc alii rhetoricum syllogismum, alii imperfectum syllogismum vocaverunt, quia nec distinctis, nec totidem partibus concluderetur: quod sane non utique ab oratore desideratur. Epicherema Valgius aggreffionem vocat; Celsus autem iudicat non nostram administrationem, sed ipsam rem quam aggredimur, id est argumentum quo aliquid probaturi sumus, etiamsi nondum verbis explanatum, jam tamen mente conceptum, epicherema dici. Aliis videtur, non destinatam, vel inchoatam, sed perfectam probationem hoc nomen accipere & ultimam speciem. Ideoque propria ejus appellatio, & maxime in usu posita est, quæ

qua significatur certa quædam sententiæ comprehensio, quæ ex tribus minimum partibus constat. Quidam epicherema rationem appellant; Cicero melius, ratiocinationem: quanquam & ille nomen hoc duxisse magis a syllogismo videtur. Nam & statum syllogisticum, ratiocinativum appellat, exemplisque utitur philosophorum. Et quoniam est quædam inter syllogismum & epicherema vicinitas, potest videri hoc nomine recte abusus. *Αποδείξις* est evidens probatio, ideoque apud Geometras *γραμματικαὶ ἀποδείξεις* dicuntur. Hanc & ab epicheremate differre Cæcilius putat solo genere conclusionis, & esse apodixin imperfectum epicherema, eadem causâ qua diximus enthymema syllogismo distare. Nam & epicherema syllogismi pars est. Quidam inesse epicheremati apodixin putant, & esse partem ejus confirmantem. Utrumque autem, quanquam diversi auctores eodem modo finiunt, ut sit ratio per ea quæ certa sunt, incertis fidem non dubiam afferens. quæ natura est omnium argumentorum. neque enim certa incertis declarantur. Hæc omnia generaliter *πίστις* appellant: quod etsi propria interpretatione dicere *fidem* possumus, apertius tamen *probationem* interpretabimur. Sed argumentum quoque plura significat. Nam & fabulæ ad actum scenarum compositæ argumenta dicuntur: & orationum Ciceronis velut thema ipse exponens Pedianus, *Argumentum*, inquit, tale est. & ipse Cicero ad Brutum ita scribit; *Veritus fortasse ne nos in Catonem nostrum transferamus illinc mali quid, etsi argumentum simile non erat.* Quo apparet omnem ad scribendum destinatam materiam ita appellari. nec mirum cum id inter opifices quoque

CAP. X. vulgatum sit: unde Virgilius, *Argumentum ingens*: vulgoque paulo numerosius opus dicitur *argumentosum*. Sed nunc de eo dicendum argumento est, quod probationem, indicium, rationum fidem, aggressionem, ejusdem rei nomina, Celsus facit, parum distincte, ut arbitror. Nam probatio & fides efficitur non tantum per hæc quæ sunt rationis, sed etiam per inartificialia. Signum autem, quod ille indicium vocat, ab argumentis jam separavi. Ergo cum sit argumentum ratio probationem præstans, qua colligitur aliud per aliud, & quæ quod est dubium, per id quod dubium non est, confirmat: necesse est esse aliquid in causa quod probatione non egeat. Alioqui nihil erit quo probemus, nisi fuerit quod aut sit verum, aut videatur, ex quo dubiis fides fiat. Pro certis autem habemus primum quæ sensibus percipiuntur, ut quæ videmus, audimus: qualia sunt signa. Deinde ea in quæ communi opinione consensum est; Deos esse, præstandam pietatem parentibus. Præterea quæ legibus cauta sunt, quæ persuasionem etiam si non omnium hominum, ejus tamen civitatis aut gentis in qua res agitur, in mores recepta sunt: ut pleraque in jure non legibus sed moribus constant. Si quid inter utramque partem convenit, si quid probatum est; denique cuicumque adversarius non contradicit. Sic enim fiet argumentum; Cum providentia mundus regatur, administranda est respublica: ut administranda respublica sit, si liquebit mundum providentia regi. Debet etiam nota esse recte argumenta tractaturo, vis & natura omnium rerum, & quid quæque earum plerumque efficiat. hinc enim sunt quæ *enótata* dicuntur. Credibilium autem genera sunt tria.

tria. Unum firmissimum, quod fere accidit, ut; **LI-CAP. X.** beros a parentibus amari. Alterum velut propensius; Eum qui recte valeat, in crastinum perventurum. Tertium tantum non repugnans; In domo furtum factum ab eo qui domi fuit. Ideoque Aristoteles in secundo de arte Rhetorica libro, diligentissime est executus quid cuique rei, & quid cuique homini soleat accidere: & quas res, quosque homines, quibus rebus aut hominibus vel conciliasset vel alienasset ipsa natura: ut, divitias qui sequatur, aut ambitum, aut superstitionem: quid boni probent, quid mali petant, quid milites, quid rustici: quo quæque modo res vitari vel appeti soleat. Verum hoc exequi mitto: non enim longum tantum, sed etiam impossibile, ac potius infinitum est: præterea positum in communi omnium intellectu. Si quis tamen desideraverit, a quo peteret, ostendi. Omnia autem credibilia, in quibus pars maxima consistit argumentationis, ex huiusmodi fontibus fluunt; An credibile sit a filio patrem occisum, incestum cum filia commissum: & contra, veneficium in noverca, adulterium in luxurioso. Illa quoque; An scelus palam factum, an falsum dixerit propter exiguam summam: quia suos quisque horum velut mores habet; plerumque tamen, non semper: alioqui indubitata essent, non argumenta. Excutiamus nunc argumentorum locos: quanquam quibusdam ii quoque de quibus supra dixi, videntur. Locos appello, non ut vulgo nunc intelliguntur, ut in luxuriam, & adulterium, & similia: sed sedes argumentorum, in quibus latent, & ex quibus sunt petenda. Nam ut in terra non omni generantur omnia, nec avem aut fe-

CAP. X. ram reperiās, ubi quæque nasci aut morari soleat, ignarus: & piscium quoque genera alia planis gaudent, alia saxosis, regionibus etiam littoribusque discretæ sunt, nec helopem nostro mari, aut scarum ducas: ita non omne argumentum undique venit: ideoque non passim quærendum est. Multus alioquin error est: & exhausto labore, quod non ratione scrutabimur, non poterimus invenire nisi casu. At si scierimus ubi quæque nascantur, cum ad locum ventum erit, facile quod in eo est, pervidebimus. Inprimis igitur argumenta sæpe a persona ducenda sunt: cum sit, ut dixi, divisio, ut omnia in hæc duo partiamur, res atque personas: ut causa, tempus, locus, occasio, instrumentum, modus, & cætera, rerum sint accidentia. Personis autem non quicquid accidit, exequendum mihi est; plerique hoc fecerunt: sed unde argumenta sumi possunt. Ea porro sunt; Genus: nam similes parentibus ac maioribus suis filii plerumque creduntur: & nonnunquam ad honeste turpiterque vivendum inde causæ fluunt. Natio: nam & gentibus proprii mores sunt: nec idem in Barbaro, Romano, Græco, probabile est, Patria: quia similiter etiam civitatum leges, instituta, opiniones habent differentiam. Sexus: ut latrocinium facilius in viro, veneficium in foemina credas. Ætas: quia aliud aliis annis magis convenit. Educatio, & disciplina: quoniam refert a quibus, & quo quisque modo sit institutus. Habitus corporis: ducitur enim frequenter in argumentum, species libidinis; robur petulantiae: his contraria in diversum. Fortuna: nec enim idem credibile est in divite, ac paupere: propinquis, amicis, clientibus abundante,

&c

& his omnibus destituito. Conditionis etiam distantia est. nam clarus an obscurus, magistratus an privatus, pater an filius, civis an peregrinus, liber an servus, maritus an coelebs, parens liberorum an orbus sit, plurimum distat. Animi natura: etenim avaritia, iracundia, misericordia, crudelitas, severitas, aliaque his similia afferunt fidem frequenter, aut detrahunt: sicut victus, luxuriosus, an frugi, an sordidus, quaeritur. Studia quoque: nam rusticus, forensis, negotiator, miles, navigator, medicus, aliud atque aliud efficiunt. Intuendum etiam quid affectet quisque; locuples videri an disertus, justus an potens. Spectantur ante acta dictaque. Ex praeteritis enim aestimari solent praesentia. His adjiciunt quidam commotionem: hanc accipi volunt temporarium animi motum, sicut iram, pavorem. Consilia autem, & praesentis & praeteriti & futuri temporis: quae mihi etiam si personis accidunt, referenda tamen ad illam partem argumentorum videntur, quam ex causis ducimus: sicut habitus quidam animi, quo tractatur amicus, an inimicus. Ponunt in persona & nomen: quod quidem ei accidere necesse est, sed in argumentum raro cadit: nisi cum aut ex causa datum est, ut sapiens, magnus, planus: aut & ipsum alicujus cogitationis attulit causam, ut Lentulo conjurationis, quod libris Sibyllinis aruspicumque responsis dominatio dari tribus Corneliis dicebatur; seque eum tertium esse dicebat post Syllam Cinnamque, quia & ipse Cornelius erat. Nam & illud apud Euripidem frigidum sane, quod nomen Polyrrhichis ut argumentum morum frater incessit. Jocorum tamen ex eo frequens materia, qua Cicero in Verrem non semel usus est.

CAP. X. est. Hæc fere circa personas sunt, aut his similia. Nec enim complecti omnia vel hac in parte, vel in cæteris possumus, contenti rationem plura quæsituris ostendere. Nunc ad res transeo, in quibus maxime sunt personis juncta quæ agimus, ideoque prima tractanda. In omnibus porro quæ fiunt, quæritur aut qua de re, aut ubi, aut quando, aut quomodo, aut per quæ facta sunt. Ducuntur igitur argumenta ex causis factorum, vel futurorum: quorum materiam, quam ὕλη alii, δύναμιν alii nominaverunt, in duo genera, sed quaternas utriusque dividunt species. Nam fere versatur ratio faciendi circa bonorum adeptionem, incrementum, conservationem, usum; aut malorum evitationem, liberationem, imminutionem, tolerantiam. namque & hæc in deliberando plurimum valent. Sed has causas habent recta: prava contra ex falsis opinionibus veniunt. Nam est his initium ex iis quæ creduntur bona aut mala, inde errores existunt, & pessimi affectus: in quibus sunt ira, odium, invidia, cupiditas, spes, ambitus, audacia, metus, cæteraque generis ejusdem. Accedunt aliquando fortuita, ebrietas, ignorantia. Quæ interim ad veniam valent, interim ad probationem criminis: ut si quis dum alii insidiatur, alium dicetur interemisse. Causæ porro non ad convincendum modo quod obicitur, sed ad defendendum quoque excuti solent, cum quis se recte fecisse, id est honesta causa, contendit: qua de re latius in tertio libro dictum est. Finitionis quoque quæstiones ex causis interim pendunt. An tyrannicida, qui tyrannum a quo deprehensus in adulterio fuerat, occidit. An sacrilegus, qui ut hostes urbe expelleret, arma templo affixa detraxit.

habet

CAP. X. habet & constituta discrimina, æstate, hyeme, noctu, interdiu: & fortuita, in pestilentia, in bello, in convivio. Latinorum quidam satis significari putaverunt, si illud generale tempus, hoc speciale vocarent. Quorum utrorumque ratio & in consiliis quidem, & in illo demonstrativo genere versatur: sed in judiciis frequentissima est. Nam & juris quæstiones facit, & qualitatem distinguit, & ad conjecturam plurimum confert: ut cum interim probationes inexpugnabiles afferat, quales sunt si dicatur (ut supra posui) signator, qui ante diem tabularum decessit: aut commississe aliquid vel cum infans esset, vel cum adhuc natus omnino non esset. præter id, quod omnia facile argumenta aut ex iis quæ ante rem facta sunt, aut ex conjunctis rei, aut insequentibus ducuntur. Ex antecedentibus; Mortem minatus es, noctu existi, proficiscentem antecessisti. Causæ quoque factorum, præteriti sunt temporis. Secundum tempus subtilius quidam quam necesse erat, diviserunt, ut esset juncti, sonus auditus est: adherentis, clamor sublatus est: insequentis illa, latuisti, profugisti, livores & tumores apparuerunt. Iisdem temporum gradibus defensor utetur ad detrahendam ei quod objicitur, fidem. In his omnis factorum dictorumque ratio versatur, sed dupliciter. Nam fiunt quædam, quia aliud postea futurum est: quædam, quia aliud antea factum est: ut cum objicitur reo lenocinii, quod speciosam adulterii damnatam quandam emerit; aut parricidii reo luxurioso, quod dixerit patri; *Non amplius me objurgabis*. Nam & ille non quia emit, leno est: sed quia leno erat, emit. Nec hic quia sic erat locutus, occidit: sed quia erat occisurus

furus, sic locutus est. Casus autem, qui & ipse præ-
stat argumentis locum, sine dubio est ex insequentibus: sed quadam proprietate distinguitur: ut si dicam; Melior dux Scipio quam Annibal: vicit enim Annibalem. Bonus gubernator; nunquam fecit naufragium. Bonus agricola; magnos sustulit fructus. Et contra; Sumtuosus fuit, patrimonium exhaustit, turpiter vixit: vel; Omnibus invisus est. Intuendæ sunt, præcipueque in conjecturis, & facultates. Credibilius est enim occisos a pluribus pauciores, a firmitioribus imbecilliores, a vigilantibus dormientes, a præparatis inopinantes. Quorum contraria in diversum valent. Hæc & in deliberando intuemur, & in judiciis ad duas res solemus referre, an voluerit quis, an potuerit. nam & voluntatem spes facit. Hinc illa apud Ciceronem conjectura: *Insidiatus est Clodius Miloni, non Milo Clodio: Ille cum servis robustis, hic cum mulierum comitatu: ille in equo, hic in rheda: ille expeditus, hic penula irretitus.* Facultati autem licet instrumentum conjungere. Sunt enim in parte facultatis & copiæ. Sed ex instrumento aliquando etiam signa nascuntur, ut spiculum in corpore inventum. His adjicitur modus, quem *τρόπος* dicunt, quo quæritur quemadmodum quid sit factum. Idque tum ad qualitatem scriptumque pertinet: ut si negemus adulterum veneno licuisse occidere, sed ferro oportuisse. tum ad conjecturam quoque: ut si dicam, bona mente factum, ideoque palam: mala, ideoque ex insidiis, noctu, in solitudine. In rebus autem omnibus, de quarum vi aut natura quæritur, quasque etiam intra complexum personarum, cæterorumque ex quibus fit causa, per se intueri possumus, tria sine dubio

CAP. X. bio rursus spectanda sunt, an sit, quid sit, quale sit. Sed quia sunt quidam loci argumentorum his omnibus communes, dividi hæc tria genera non possunt, ideoque locis potius, ut in quosque incurrent, subiicienda sunt. Ducuntur igitur argumenta ex finitione, seu fine: nam utroque modo traditur. Ejus duplex ratio est. Aut enim simpliciter quæritur, sitne hoc virtus. aut antecedente finitione, quid sit virtus. Ita aut universam vim verbi complectimur, ut; *Rhetorice est bene discendi scientia*, aut per partes, ut; *Rhetorice est recte inveniendi, & disponendi & eloquendi cum firma memoria, & cum dignitate actionis, scientia*. Præterea finimus aut vi, sicut superiora: aut *ἐννοια*, ut assiduum ab ære dando, & locupletem a locorum, pecuniosum a pecorum copia. Finitioni subjecta maxime videntur genus, species, differens, proprium. Ex his omnibus argumenta ducuntur. Genus ad probandam speciem minimum valet, plurimum ad refellendam. Itaque non quia est arbor, platanus est: at quod non est arbor, utique platanus non est. Nec quod non est virtus, utique non potest esse justitia. Itaque a genere perveniendum est ad ultimam speciem: ut homo est animal, non est satis: id enim genus est: mortale, etiamsi est species, cum aliis tamen communis finitio: rationale, nihil supererit ad demonstrandum quod velis. Contra species firmam probationem habet generis, infirmam refutationem. Nam quod justitia est, utique virtus est: quod non est justitia, potest esse virtus, si est fortitudo, constantia, continentia. Nunquam itaque tolletur a specie genus, nisi omnes species quæ sunt generi subjectæ, removeantur: hoc modo

modo, Quod neque immortale est, neque mortale, CAP. X.
 animal non est. His adjiciunt propria & differentia.
 Propriis confirmatur finitio, differentibus solvitur.
 Proprium autem est aut quod soli accidit, ut homi-
 ni sermo, risus: aut quod utique accidit, sed non
 soli, ut igni calefacere. Et sunt ejusdem rei plura
 propria, ut ipsius ignis lucere, calere. Itaque quod-
 cunque proprium deerit, solvet finitionem: non uti-
 que quodcunque erit, confirmabit. Sæpissime autem
 quid sit proprium cujusque, quæritur: ut si per *ἐτυ-
 μολογίαν* dicatur, tyrannicidæ proprium est tyran-
 num occidere, negemus. non enim si traditum sibi
 cum carnifex occiderit, tyrannicidâ vocetur: nec si
 imprudens, vel invitus. Quod autem proprium non
 erit, differens erit, ut aliud est servum esse, aliud
 servire: qualis esse in addictis quæstio solet; Qui
 servus est, si manumittatur, fit libertinus, non iti-
 dem addictus: & plura, de quibus alio loco. Illud
 quoque differens vocant, quum genere in species
 diducto, species ipsa discernitur. Animal, ge-
 nus: mortale, species: terrenum vel bipes, diffe-
 rens. Nondum enim proprium est, sed jam dif-
 fert a marino vel quadrupede. Quod non tam ad
 argumentum pertinet, quam ad diligentem finitionis
 comprehensionem. Cicero genus & speciem, quam
 eandem formam vocat, a finitione diducit, & iis
 quæ ad aliquid sunt subjicit: ut si is cui argentum o-
 mne legatum est, petat signatum quoque, utatur gene-
 re: at si quis, cum legatum sit ei quæ viro mater-
 familias esset, neget debere ei quæ in manum non
 convenerit, specie: quoniam duæ formæ sint matri-
 moniorum. Divisione autem adjuvari finitionem do-

N n 3

cet,

CAP. X. cet, eamque differre a partitione: quod hæc sit totius in partes, illa generis in formas. Partes incertas esse, ut; quibus constet respublica: formas certas, ut; quot sint species rerumpublicarum: quas tres accepimus, quæ populi, quæ paucorum, quæ unius potestate regerentur. Et ille quidem non his exemplis utitur, quia scribens ad Trebatium, ex jure ea ducere maluit: ego apertiora posui. Propria vero ad conjecturæ quoque pertinent partem: ut proprium est boni, recte facere: iracundi, verbis excandescere. At contrâ quædam in quibusdam utique non sunt, & ratio quamvis ex diverso, eadem est. Divisio & ad probandum simili via valet, & ad refellendum. Probanti interim satis est unum habere, hoc modo; Ut sit civis quis, aut natus sit oportet, aut factus. Neganti, utrumque tollendum est; nec natus nec factus est. Fit hoc & multiplex, idque est argumentorum genus ex remotione, quomodo efficitur totum falsum; modo id quod relinquitur, verum. Totum falsum est hoc modo; Pecuniam te credidisse dicis: aut habuisti ipse, aut ab aliquo accepisti, aut invenisti, aut surripuisti. Si neque domi habuisti, neque ab aliquo accepisti, & cætera, non credidisti. Reliquum fit verum sic; Hic servus, quem tibi vendicas, aut verna tuus est, aut emtus, aut donatus, aut testamento relictus, aut ex hoste captus, aut alienus. deinde remotis prioribus supererit alienus. Periculosum, & cum cura intuendum genus: quia si in proponendo unumquodlibet omiserimus, cum risu quoque tota res solvitur. Tutius quod Cicero pro Cecinna facit, cum interrogat; *Si hæc actio non sit, quæ sit?* Simul enim removentur omnia. Vel cum
duo

duo ponentur inter se contraria, quorum tenuisse *Cas. X.* utrumlibet sufficiat: quale Ciceronis est; *Unum quidem certe, nemo erit tam iniquus Cluentio, qui mihi non concedat, si constet corruptum illud esse iudicium, aut ab Habito, aut ab Oppianico esse corruptum. si doceo non ab Habito, vinco ab Oppianico: si ostendo ab Oppianico, purgo Habito.* Fit etiam ex duobus, quorum necessaria est alterutrum eligendi adversario potestas, efficiturque ut utrum elegerit, noceat. Facit hoc Cicero pro Oppio; *Utrum cum Cottam appetisset, aut cum ipse sese conaretur occidere, telum ei e manibus ereptum est?* Et pro Vareno; *Optio vobis datur, utrum velitis casu illo itinere Varenus usum esse, an huius persuasione & inductu.* Deinde utraque facit accusatori contraria. Interim duo ita proponuntur, ut utrumlibet electum, idem efficiat: quale est; *Philosophandum est, etiam si non est philosophandum.* Et illud vulgatum; *Quo schema, si intelligitur? quo, si non intelligitur?* Et; *Mentitur in tormentis, qui dolorem pati potest: mentietur, qui non potest.* Ut sunt autem tria tempora, ita ordo rerum tribus momentis confertus est. habent enim omnia initium, incrementum, summam: ut iurgium, deinde caedes, & strages. Est ergo hic quoque argumentorum locus invicem probantium. Nam & ex initiis summa colligitur: quale est; *Non possum togam praetextam sperare, cum exordium pullum videam:* & contra; *Non dominationis causa Syllam arma sumsisse, argumentum est dictatura deposita.* Similiter & ex incremento in utramque partem ducitur ratio, cum in conjectura, tum etiam in tractatu aequitatis, an ad initium summa referenda sit: id est, an ei caedes imputanda sit a quo iurgium coepit. Est argumentorum
locus

CAP. X. locus ex similibus; *Si continentia virtus, utique & abstinentia. Si fidem debet tutor, & procurator.* Hoc est ex eo genere, quod ἐπαγωγὴν Græci vocant, Cicero inductionem. Ex dissimilibus; *Non si letitia bonum, & voluptas. Non quod mulieri, idem pupillo.* Ex contrariis; *Frugalitas bonum, luxuria enim malum. Si malorum causa bellum est, erit emendatio pax. Si veniam meretur qui imprudens nocuit, non meretur premium qui imprudens profuit.* Ex repugnantibus; *Qui est sapiens, stultus non est.* Ex consequentibus, sive adjunctis; *Si est bonum iustitia, recte judicandum. Si malum perfidia, non est fallendum.* Idem retro. Nec sunt his dissimilia, ideoque huic loco subjicienda, cum & ipsa naturaliter congruant; *Quod quis non habuit, non perdidit. Quem quis amat, sciens non lædit. Quem quis heredem suum esse voluit, charum habuit, habet, habebit.* Sed cum sint indubitata, vim habent pene signorum immutabilium. Sed hæc consequentia dico ἀκόλυστα. est enim consequens sapientiæ bonitas. illa sequentia ἐπαγόμενα, quæ postea facta sunt, aut futura. Nec sum de nominibus anxius. vocet enim ut voluerit quisque, dum vis rerum ipsa manifesta sit: appareatque, hoc temporis, illud esse naturæ. Itaque non dubito hæc quoque consequentia, quamvis ex prioribus dent argumentum ad ea quæ sequuntur. Quorum quidam duas species esse voluerunt: actionis, ut pro Oppio; *Quos educere invitos in provinciam non potuit, eos invitos retinere qui potuit?* Temporis, in Verrem; *Si finem Prætoris edicto afferunt Calenda Januarii, cur non initium quoque edicti nascatur a Calendis Januarii?* Quod utrumque exemplum tale est, ut idem in diversum, si retroagas, valeat.

Con-

Consequens enim est, eos qui inviti duci non pō- CAP. X.
tuerint, invitos non potuisse retineri. Illa quoque
quæ ex rebus mutuam confirmationem præstantibus
ducuntur, quæ proprii generis videri quidam volunt,
& vocant *ἐκ τῶν πρὸς ἀλλήλα*, Cicero ex rebus sub
eandem rationem venientibus, forte consequentibus
junxerim; *Si portorium Rhodiis locare honestum est, &
Hermacreonti conducere. & Quod discere honestum, &
docere.* Unde illa, non hac ratione dicta, sed effici-
ens idem Domitii Afri sententia est pulchra; *Ego ac-
cusavi, vos damnavistis.* Est invicem consequens &
quod ex diversis idem ostendit: ut, qui mundum
nasci dicit, per hoc ipsum & deficere significet, quia
deficit omne quod nascitur. Simillima est his argu-
mentatio, qua colligi solent ex iis quæ faciunt, ea
quæ efficiuntur, aut contra: quod genus *a causis* vo-
cant. Hæc interim necessario fiunt, interim plerum-
que, sed non necessario. Nam corpus in lumine
utique umbram facit, & umbra ubicunque est, ibi
esse corpus ostendit. Alia sunt, ut dixi, non neces-
saria, vel utrinque, vel ex altera parte. *Sol colorat:
non utique qui est coloratus, a sole est. Iter pulverulen-
tum facit: sed nec omne iter pulverem movet; nec quis-
quis est pulverulentus, ex itinere est.* Quæ utique fiunt,
taliam sunt. *Si sapientia bonum virum facit, bonus vir
est utique sapiens. Ideoque boni est honeste facere: mali,
turpiter: & qui honeste faciunt, boni: qui turpiter,
mali recte judicantur. At; exercitatio plerumque robu-
stum corpus facit: sed non quisquis est robustus, exercita-
tus: nec quisquis exercitatus, robustus est. Nec quia for-
titudo præstat ne mortem timeamus; quisquis mortem non
timuerit, vir fortis erit existimandus. Nec si capitis do-*
O O *lorene*

CAP. X. *lorem facit, inutilis hominibus Sol est.* Et hæc ad hortativum maxime genus pertinent: *Virtus facit laudem, sequenda igitur: at voluptas infamiam, fugienda igitur.* Recte autem monemur, causas non utique ab ultimo esse repetendas: ut Medea, *Utinam ne in nemore Pelio.* Quasi vero id eam fecerit miseram aut nocentem, quod illic ceciderit abiegnæ ad terram trabes. Et Philoëteta Paridi; *Si imperasses tibi, ego nunc non essem miser.* Quo modo pervenire quo libet, retro causas legentibus licet. His illud adjicere ridiculum putarem, nisi eo Cicero uteretur, quod conjugatum vocant: ut; *Eos qui rem justam faciant, juste facere.* quod certe non eget probatione. *Quod compascuum est, compascere licere.* Quidam hæc quæ vel ex causis vel ex efficientibus diximus, alieno nomine vocant *ἐξάστως*, id est exitus. Nam, nec hic aliud tractatur, quam quid ex quoque eveniat. Apposita vel comparativa dicuntur, quæ majora ex minoribus, minora ex majoribus, paria ex paribus probant. Confirmatur conjectura ex majore, *Si quis sacrilegium facit, faciet & furtum.* Ex minore, *Qui facile ac palam mentitur, pejerabit.* Ex pari, *Qui ob rem judicandam pecuniam accepit, & ob dicendum falsum testimonium accipiet.* Juris confirmatio est ejusmodi. Ex majore; *Si adulterum occidere licet, & loris cadere;* Ex minore; *Si furem nocturnum occidere licet, quid latronem?* Ex pari; *Qua pœna adversus interfectorem patris iusta est, eadem adversus matris.* Quorum omnium tractatus versatur in syllogismis. Illa magis finitionibus aut qualitatibus profunt; *Si robur corporibus bonum non est, minus sanitas: Si furtum scelus, magis sacrilegium: Si abstinentia virtus, & continentia: Si mundus providen-*
tia

tia regitur, administranda est respublica: Si domus ad- CAP. XL
 ficari sine ratione non potest, quid agendum in navalium
 cura, & armorum? Ac mihi quidem sufficeret hoc
 genus, sed in species secatur. Nam & ex pluribus ad
 unum, & ex uno ad plura (unde est; Quod semel,
 & sæpius) & ex parte ad totum, & ex genere ad
 speciem, & ex eo quod continet, ad id quod conti-
 netur, & ex difficilioribus ad faciliora, & ex longe
 positis ad propiora, & ad omnia quæ contra hæc sunt,
 eadem ratione argumenta ducuntur. Sunt enim &
 hæc majora & minora, aut certe vim similem obti-
 nent: quæ si persequamur, nullus erit ea conciden-
 di modus. Infinita est enim rerum comparatio, ju-
 cundiora, gratiora, magis necessaria, honestiora,
 utiliora. Sed mittamus plura, ne in eam ipsam quam
 vito loquacitatem incidam. Exemplorum quoque ad
 hæc infinitus est numerus, sed paucissima attingam.
 Ex majore, pro Cecinna; *Quod exercitus armatos mo-
 vet, id ad vocationem togatorum non videbitur movisse?*
 Ex faciliore, in Clodium & Curionem; *Ac vide an
 facile fieri tu potueris; cum is factus non sit, cui tu con-
 cessisti.* Ex difficiliore; *Vide quæso, Tubero, ut qui de
 meo facto non dubitem, de Ligarii audeam confiteri.* Et
 ibi; *An sperandi Ligario causa non sit, cum mihi apud
 te locus sit etiam pro altero deprecandi?* Ex minore, pro
 Cecinna; *Itane vero scire esse armatos sat est, ut vim
 factam probes; in manus eorum incidere non est satis?*
 Ergo ut breviter contraham summam, ducuntur ar-
 gumenta a personis, causis, locis, tempore; cujus
 tres partes diximus, conjunctum; præcedens, inse-
 quens: facultatibus; quibus instrumentum subjeci-
 mus: modo; id est ut quicque sit factum: finitione;

Cap. X. genere, specie, differentibus, propriis, remotione, divisione, initio, incrementis, summa, similibus, dissimilibus, pugnantibus, consequentibus, efficientibus, effectis, eventis, jugatis, comparatione; quæ in plures diducitur species. Illud adjiciendum videtur, duci argumenta non a confessis tantum, sed etiam a fictione, quod Græci καὶ ὑποθέσειν vocant. Et quidem ex omnibus iisdem locis quibus superiora, quia totidem species esse possunt fictæ, quot veræ. Nam fingere hoc loco est proponere aliquid; quod si verum sit, aut solvat quæstionem, aut adjuvet: deinde id de quo quæritur, facere illi simile. Id quo facilius accipiant juvenes nondum scolam egressi, primo familiaribus magisque usitatis exemplis ostendam. Lex est; *Qui parentes non aluerit, vinciatur.* Non alit quis, & vincula nihilominus recusat. Utitur fictione; *Si miles, si infans sit, si reipublica causa absit.* Et illa contra optionem fortium; *Si tyrannidem petat, si templorum everisionem.* Plurimumque ea res virium habet contra scriptum. Utitur his Cicero pro Cecinpa; *Unde tu, aut familia, aut procurator tuus. Si me villicus tuus solus dejecisset, non familia dejetisset, ut opinor, sed aliquis de familia.* Si vero me habeas quidem servum præter eum qui me dejecerit: & alia in eodem libro plurima. Verum eadem fictio valet & ad qualitates; *Si Catilina cum suo concilio nefariorum hominum, quos secum eduxit, hac de re posset judicare, condemnaret L. Murenam.* Et ad amplificationem; *Si hoc tibi inter cœnam in illis immanibus poculis tuis accidisset.* Sic &; *Si resp. vocem haberet.* Has fere sedes accepimus probationum in universum: quas neque generatim tradere sat est, cum ex qua-
libet

libet earum innumerabilis argumentorum copia oria- CAP. X.
 tur: neque per singulas species exequi patitur natu-
 ra rerum: quod qui sunt facere conati, duo pariter
 subierunt incommoda, ut & nimium dicerent, nec
 tamen totum. Unde plurimi cum in hos inexplica-
 biles laqueos inciderunt, omnem etiam quem ex
 ingenio suo potuerant habere conatum, velut adstri-
 cti certis legum vinculis perdiderunt: & magistrum
 respicientes, naturam ducem sequi desierunt. Nam
 ut per se non sufficit scire, omnes probationes aut a
 personis aut a rebus peti, quia utrumque in plura
 dividitur: ita ex antecedentibus & junctis & inse-
 quentibus trahenda esse argumenta qui acceperit, num
 protinus in hoc sit instructus, ut quid in quaque cau-
 sa ducendum sit ex his, sciat? præsertim cum pluri-
 mæ probationes in ipso causarum complexu reperi-
 antur, ita ut sint cum alia lite nulla communes, eæ-
 que sint & potentissimæ, & minime obviæ: quia
 communia ex præceptis accepimus, propria invenien-
 da sunt. Hoc genus argumentorum sane dicamus ex
 circumstantia, quia *περίστασις* dicere aliter non possu-
 mus: vel ex iis quæ cujusque causæ propria sunt: ut
 in illo adultero sacerdote, qui lege qua unius
 servandi potestatem habebat, se ipse servare vo-
 luit, proprium est controversiæ dicere: *Non*
unum nocentem servabis, quia te dimisso adulteram occi-
dere non licebit. Hoc enim argumentum lex facit,
 quæ prohibet adulteram sine adultero occidi. Et illa,
 in qua lata lex est; *ut argentarii dimidium ex eo quod*
debant, solverent: creditum suum totum exigerent:
 Argentarius ab argentario solidum petit. Proprium
 ex materia est argumentum creditoris, idcirco adje-

CAP. X. *ſtum eſſe in lege, ut argentarius totum exigeret. Adverſus alios enim non opus fuiſſe lege; cum omnes præterquam ab argentariis totum exigendi jus haberent. Cum multa autem novantur in omni genere materiæ, tum præcipue in iis quæſtionibus quæ ſcripto conſtant, quia vocum eſt in ſingulis ambiguitas frequens, adhuc in conjunctis magis. Et hæc ipſa plurimum legum aliorumve ſcriptorum vel congruentium vel repugnantium complexu varientur necelle eſt: cum res rei, aut jus juris quaſi ſignum eſt: *Non debui tibi pecuni- am, nunquam me appellavi. Uſuram non accepisti, ultro a me mutuatus es. Lex eſt; Qui patri proditi- onis reo non affuerit, exhaeres ſit. Negat: niſi ſi pater abſolutus ſit. Quid ſigni? Lex altera; Proditionis damna- tus cum advocato exulet.* Cicero pro Cluentio Publi- um Popilium & Tiberium Guttam dicit non judici- um corrupti, ſed ambitus eſſe damnatos. Quid ſigni? quod accuſatores eorum, qui erant ipſi ambitus da- mnati, e lege ſint poſt hanc victoriam reſtituti. Nec minus in hoc curæ debet adhiberi, quid proponen- dum, quam quomodo ſit quod propoſueris, proban- dum. Hic omnino vis inventionis ſi non major, certe prior. Nam ut tela ſupervacua ſunt neſcienti quid petat: ſic argumenta, niſi prævideris cui rei adhibenda ſint. Hoc eſt quod comprehendendi arte non poſſit. Ideoque cum plures eadem didicerint, gene- ribus quidem argumentorum ſimilibus utentur: alius tamen alio plura quibus utatur, inveniet. Sit, exem- pli gratia, propoſita controverſia, quæ minime com- munes cum aliis quæſtiones habet: *Cum Thebas ever- tiſſet Alexander, invenit tabulas quibus centum talenta mutua Theſſalis dediffe Thebanos continebatur. Haſ, quia erat**

*erat usus commilitio Thessalorum, donavit his ultro. post- CAP. X.
ea restituti a Cassandro Thebani reposcunt Thessalos.* Apud
Amphiſtyonas agitur. Centum talenta & credidiſſe
eos conſtat, & non recepiſſe. Lis omnis ex eo quod
Alexander ea Theſſalis donaviſſe dicitur, pendet. Con-
ſtat illud quoque, non eſſe his ab Alexandro pecu-
niam datam. quæritur ergo, an perinde ſit quod da-
tum eſt, ac ſi pecuniam dederit. Quid proderunt
argumentorum loci, niſi hæc prius videro, nihil
eum egiſſe donando, non potuiſſe donare, non do-
naſſe? Et prima quidem actio facilis ac favorabilis,
repetentium jure quod vi ſit ablatum: ſed hinc aſpe-
ra & vehemens quæſtio exoritur de jure belli, dicens
Theſſalis, hoc regna, populos, fines gentium at-
que urbium contineri. Inveniendum contra eſt, quò
diſtet hæc cauſa a cæteris quæ in poteſtatem victoris
venirent: nec circa probationem res hæret, ſed circa
propositionem. Dicamus imprimis, in eo quod in judi-
cium deduci poteſt, nihil valere jus belli: nec armis ere-
pta, niſi armis poſſe retineri. Itaq; ubi illa valeant, non
eſſe judicem: ubi judex ſit, illa nihil valere. Hoc in-
veniendum eſt, ut adhiberi poſſit argumentum. Ideo
captivos, ſi in patriam ſuam redierint, liberos eſſe,
quia bello parta, non niſi eadem vi poſſideantur. Pro-
prium eſt & illud cauſæ, quod Amphiſtyones judi-
cant: ut alia apud centumviros, alia apud privatum
judicem in iisdem quæſtionibus ratio ſit. Secundo
gradu non potuiſſe donari a victore jus, quia id de-
mum ſit ejus, quod ipſe teneat: jus, quod ſit in-
corporale, apprehendi manu non poſſe. Hoc repe-
rire difficilius, quam cum inveneris, argumentis ad-
juvare: ut alia ſit conditio hæredis, alia victoris:
quia

CAP. X. quia ad illum jus, ad hunc res transeat. Proprium deinde materiæ, jus publici crediti transire ad victorem non potuisse, quia quod populus crediderit, omnibus debeat: & quamdiu quilibet unus superfuerit, esse eum totius summæ creditorem: Thebanos autem non omnes in Alexandri manu fuisse. Hoc non extrinsecus probatur, quæ vis est argumenti, sed ipsum per se valet. Tertiæ loci pars prior magis vulgaris, non in tabulis esse jus: itaque multis argumentis defendi potest. Mens quoque Alexandri duci debet in dubium, honorarit eos, an deceperit. Illud jam rursus proprium materiæ, & velut novæ controversiæ, quod restitutione recepisse jus, etiamsi quod amiserint, Thebani videntur. Hic & quid Cassander velit, quæritur: sed vel potentissima apud Amphictyonas æqui tractatio est. Hæc non idcirco dico, quod inutilem horum locorum, ex quibus argumenta ducuntur, cognitionem putem, alioqui nec tradidissem: sed ne si qui cognoverint ista, si cætera negligant, perfectos se protinus atque consummatos putent: & nisi in cæteris, quæ mox præcipienda sunt, elaboraverint, mutam quandam scientiam consecutos intelligant. Nec enim artibus editis factum est, ut argumenta inveniremus: sed dicta sunt omnia antequam præciperentur: mox ea scriptores observata & collecta ediderunt. Cujus rei probatio est, quod exemplis eorum veteribus utuntur, & ab oratoribus illa repetunt: ipsi nullum novum, & quod dictum non sit, inveniunt. Artifices ergo illi, qui dixerunt: sed habenda iis quoque gratia est, per quos labor nobis detractus est. Nam quæ priores beneficio ingenii singula invenerunt, nobis &
non

non sunt requirenda, & nota omnia. Sed non ma- CAP. X.
gis hoc sat est, quam palæstram didicisse, nisi cor-
pus exercitatione, continentia, cibis, ante omnia na-
tura juvetur, sicut contra ne illa quidem satis sine
arte profuerint. Illud quoque studiosi eloquentiæ co-
gitent, neque omnibus in causis ea quæ demonstra-
vimus, cuncta posse reperiri: neque cum proposita
fuerit materia dicendi, scrutanda singula, & velut
ostiatim pulsanda, ut sciant an ad probandum id quod
intendimus, forte respondeant: nisi cum discunt, &
adhuc usu carent. Infinitam enim faciet ipsa res di-
cendi tarditatem, si semper necesse sit ut tentantes
unumquodque eorum, quod sit aptum atque conve-
niens, experiendo noscamus: nescio an etiam impe-
dimento futura sint, nisi & animi quædam ingenita
natura, & studio exercitata velocitas, recta nos ad
ea quæ conveniunt causæ, ferant. Nam ut cantus
vocis plurimum juvat sociata nervorum concordia,
si tamen tardior manus, nisi inspectis dimensisque
singulis quibus quæque vox fidibus jungenda sit, du-
bitet, potius fuerit esse contentum eo quod simplex
canendi natura tulerit: ita huiusmodi præceptis de-
bet quidem aptata esse & citharæ modo intenta ra-
tio doctrinæ: sed hoc exercitatione multa consequen-
dum, ut quemadmodum illorum artificum, etiamsi
alio spectent, manus tamen ipsa consuetudine ad gra-
ves, acutos, medios horum sonos fertur: sic orato-
ris cogitationem nihil moretur hæc varietas argumen-
torum & copia, sed quasi offerat se, & occurrat:
& ut literæ syllabæque scribentium cogitationem non
exigunt, sic rationes sponte quadam sequantur.

CAP. XI.

TERTIUM genus ex iis quæ extrinsecus adducuntur in causam, Græci vocant παράδειγμα. Quo nomine & generaliter usi sunt in omni similitum appositione, & specialiter in iis quæ rerum gestarum auctoritate nituntur. Nostri fere similitudinem vocare maluerunt, quod ab illis παραβολή dicitur: alterum, exemplum: quanquam & hoc, simile est: & illud, exemplum. Nos quo facilius propositum explicemus, utrumque παράδειγμα esse dicamus, & ipsi appellemus exemplum. Nec vereor ne videar repugnare Ciceroni, qui collationem separat ab exemplo. Nam idem omnem argumentationem dividit in duas partes, inductionem & rationem, ut plerique Græcorum in παραδείγματα & ἐπιχειρήματα. dixeruntque παράδειγμα, ῥητορικὴν ἐπαγωγὴν. Nam illa qua plurimum Socrates est usus, hanc habuit viam; cum plura interrogassèt quæ fateri adversario necesse esset, novissime id de quo quærebatur, inferebat, cui simile concessisset. Id est inductio. Hoc in oratione fieri non potest: sed quod illic interrogatur, hic fere sumitur. Illa interrogatio talis; *Quod est pomum generosissimum? nonne quod optimum?* concederetur. *Quid equus generosissimus? nonne qui optimus?* & plura in eundem modum. Deinde, cuius rei gratia rogatum est; *Quid homo? nonne is generosissimus, qui optimus?* fatendum erit. Hoc in testium interrogatione valet plurimum, in oratione perpetua dissimile est. etenim sibi ipse respondet orator: *Quod pomum generosissimum? puto quod optimum. & equus? qui velocissimus: ita hominum, non qui claritate nascendi, sed qui virtute maxime excellēt.* Omnia igitur ex hoc genere sumta necesse est aut similia esse, aut dissimilia, aut contraria. Simi-

militudo assumitur & interim ad orationis ornatum. Sed illa cum res exiget, nunc ea quæ ad probationem pertinent, exequar. Potentissimum autem est inter ea quæ sunt hujus generis, quod proprie vocamus exemplum, id est, rei gestæ, aut ut gestæ, utilis ad persuadendum id quod intenderis, commemoratio. Intuendum igitur, totum simile sit, an ex parte: ut aut omnia ex eo sumamus, aut quæ utilia erunt. Simile est; *Jure occisus est Saturninus, sicut Gracchi*. Dissimile; *Brutus occidit liberos proditorem molientes, Manlius virtutem filii morte multavit*. Contrarium; *Marcellus ornamenta Syracusanis hostibus restituit, Verres eadem sociis abstulit*. Et probandorum & culpandorum ex his confirmatio eosdem gradus habet. Etiam in iis quæ futura dicemus, utilis similitum admonitio est: ut si quis dicens; *Dionysium idcirco petere custodes salutis suæ, ut eorum adjutus armis tyrannidem occupet*, hoc referat exemplum; *eadem ratione Pisistratum ad dominationem pervenisse*. Sed ut sunt exempla interim tota similia, ut hoc proximum; sic interim ex majoribus ad minora, ex minoribus ad majora ducuntur: *Propter matrimonia violata urbes eversa sunt, quid fieri adultero par est? Tibicines cum ab urbe discessissent publice revocati sunt; quanto magis principes civitatis viri, & bene de republica meriti, cum invidia cesserint, ab exilio reducendi?* Ad exhortationem vero præcipue valent imparia. Admirabilior in foemina quam in viro virtus. Quare si ad fortiter faciendum accendatur aliquis, non tantum afferent momenti Horatius & Torquatus, quantum illa mulier cujus manu Pyrrhus est interfectus: & ad moriendum, non tam Cato & Scipio, quam Lucretia: quod

CAP. XI. ipsum est ex majoribus ad minora. Singula igitur horum generum ex Cicerone (nam unde potius?) exempla ponamus. Simile est hoc pro Murena; *Etenim mihi ipsi accidit, ut cum duobus patriciis, altero improbissimo atque audacissimo, altero modestissimo atque optimo viro peterem: superavi tamen dignitate Catilinam, gratia Galbam.* Majus minoris, pro Milone; *Negant inveni lucem esse fas ei, qui a se hominem occisum esse fateatur. In qua tandem urbe hoc homines stultissimi disputant? nempe in ea, que primum, judicium de capite vidit M. Horatii fortissimi viri, qui nondum libera civitate, tamen populi Romani comitiis liberatus est, cum sua manu sororem esse interfectam fateretur.* Minus majoris; *Occidi, non Spurium Melium, qui annona levanda, jacturaque rei familiaris, quia nimis amplecti plebem putabatur, in suspicionem incidit regni appetendi, &c. deinde; sed eum (auderet enim dicere, cum patriam periculo liberasset) cujus nefandum adulterium in pulvinaribus. & totus in Clodium locus.* Dissimile plures casus habet. fit enim genere, modo, tempore, loco, cæterisque, per quæ fere omnia Cicero præjudicia, quæ de Cluentio videbantur facta, subvertit. Contrario vero exemplo censoriam notam, laudando censorem Africanum, qui eum quem pejerasse conceptis verbis palam dixisset, testimonium etiam pollicitus si quis contradiceret, nullo accusante, traducere equum passus est. quæ quia erant longiora, non suis verbis exposui. Breve autem apud Virgilium contrarii exemplum est;

*At non ille, satum quo te mentiris, Achilles
Talis in hosse fuit Priamo.*

Quædam autem ex iis quæ gesta sunt, tota narrabimus:

mus: ut Cicero pro Milone; *Pudicitiam cum eriperet militi tribunus militaris in exercitu Caji Marii, propinquus ejus Imperatoris, interfectus ab eo est, cui vim afferebat. Facere enim probus adolescens periculose, quam perpeti turpiter maluit: atque hunc ille summus vir sceleris solum, periculo liberavit.* Quædam significare satis erit, ut idem, ac pro eodem; *Neque enim posset aut Hala ille Servilius, aut P. Nasica, aut L. Opimius, aut me consule senatus non nefarius haberi, si sceleratos interfici nefas esset.* Hæc ita dicentur, prout nota erunt, vel utilitas causæ aut decor postulabit. Eadem ratio est eorum quæ ex poëticis fabulis ducuntur, nisi quod iis minus affirmationis adhibetur: cujus usus qualis esse deberet, idem optimus auctor ac magister eloquentiæ ostendit. Nam hujus quoque generis eadem in oratione reperietur exemplum: *Itaque hoc, judices, non sine causa etiam fictis fabulis doctissimi homines memoria prodiderunt, cum qui patris ulciscendi causa matrem necavisset; variatis hominum sententiis, non solum humana, sed etiam sapientissima dea sententia liberatum.* Illæ quoque fabulæ, quæ etiamsi originem non ab Æsopo acceperunt (nam videtur earum primus auctor Hesiodus) nomine tamen Æsopi maxime celebrantur, ducere animos solent, præcipue rusticorum, & imperitorum; qui & simplicius quæ ficta sunt audiunt, & capti voluptate, facile iis quibus delectantur, consentiunt. Siquidem & Menenius Agrippa plebem cum patribus in gratiam traditur reduxisse nota illa de membris humanis adversus ventrem discordantibus fabula. Et Horatius ne in poemate quidem humilem generis hujus usum putavit; in illis versibus;

P p 3

olim

CAP. XI. *Olim quod vulpes, agrote causa leoni, &c.*

Αἴνον Græci vocant, & αἰσωπικώητον, ut dixi, λόγους μυθικούς. nostrorum quidam non sane recepto in usum nomine *Apologationem*. Cui confine est παροιμίας genus illud, quod est velut fabella brevior, & per allegoriam accipitur. *Non nostrum, inquit, onus: bos clientellas.* Proximas exempli vires habet similitudo, præcipueque illa quæ ducitur citra ullam translationum mixturam ex rebus pene paribus. *Ut qui accipere in Campo consueverunt, iis candidatis quorum nummos superpressos esse putant, inimicissimi solent esse: sic ejusmodi iudices infesti tum reo venerant.* Nam παραβολή, quam Cicero collationem vocat, longius res quæ comparantur, repetere solet. Nec hominum modo inter se opera similia spectantur, ut Cicero pro Murena facit; *Quod si e portu solventibus, ii qui jam in portum ex alto invehuntur, predicere summo studio solent & tempestatum rationem, & prædonum, & locorum; quod natura fert, ut iis faveamus qui eadem pericula quibus nos perfuncti sumus, ingrediantur: quo me tandem animo esse oportet, prope jam ex magna jactatione terram videntem, in hunc, cui video maximas tempestates esse subeundas?* Sed & a mutis atque etiam inanimis interim hujusmodi ducitur. Et quoniam similitum alia facies in tali ratione, admonendum est, rarius esse in oratione illud genus quod εἰκόνα Græci vocant, (quo exprimitur rerum aut personarum imago: ut Callius; *Quis istam faciem planipedis senis torquens?*) quam id quo probabilius fit quod intendimus: ut si animum dicas excolendum, similitudine utaris terræ, quæ neglecta sentes atque dumos, culta fructus creat: aut, si ad curam reipublicæ horteris, ostendas, apes etiam,

etiam, formicaſque, non modo muta, ſed etiam par-
 va animalia, in commune tamen laborare. Ex hoc
 genere dictum illud eſt Ciceronis; *Ut corpora noſtra
 ſine mente, ita civitas ſine lege, ſuis partibus ut nervis
 ac ſanguine & membris uti non poteſt.* Sed ut hac cor-
 poris humani pro Cluentio, ita pro Cornelio, equo-
 rum, pro Archia, ſaxorum quoque uſus eſt ſimili-
 tudine. Illa (ut dixi) prôpiora; ut remiges ſine gu-
 bernatore, ſic milites ſine imperatore nihil valere.
 Solent tamen fallere ſimilitudinum ſpecies: ideoque
 adhibendum eſt his iudicium. Neque enim ut navis
 utilior nova quam vetus, ſic amicitia: vel; ut lau-
 danda, quæ pecuniam ſuam pluribus largitur, ita quæ
 formam. Verba ſunt in his ſimilia, vetuſtatis, & lar-
 gitionis: vis quidem longe diverſa, pecuniæ, & pu-
 dicitia. Itaque in hoc genere maxime quæritur, an
 ſimile ſit quod inferitur. Etiam in illis interrogatio-
 nibus Socraticis, quarum paulo ante feci mentionem,
 cavendum ne incaute respondeas: ut apud Æſchinem
 Socraticum male reſpondit Aspasia Xenophontis u-
 xor: quod Cicero his verbis transfert; *Dic mihi,
 quaſo, Xenophontis uxor, ſi vicina tua melius habeat
 aurum, quàm tu habes, utrum illius, an tuum malis?*
Illius, inquit. Quid ſi veſtem & caterum ornatum mu-
licbrem pretii majoris habeat, quam tu habes, tuum, an
illius malis? Illius vero, reſpondit. Age, inquit, ſi virum
illa meliorem habeat, quam tu habes; virumne tuum, an
illius malis? Hic mulier erubuit, merito. male enim
 reſponderat; ſe malle alienum aurum, quam ſuum: nam
 eſt id improbum. At ſi reſpondiſſet; malle ſe aurum
 ſuum tale eſſe, quale illud eſſet, potuiſſet pudice re-
 ſpondere; malle ſe virum ſuum talem eſſe, qualis melior
 eſſet.

CAP. XI. *effet.* Scio quosdam inani diligentia per minutissimas ista partes secuisse, & esse aliquid minus simile, ut simia homini, & ut marmora deformata prima manu: aliquid plus, ut illud; *Non ovum tam simile ovo.* Et dissimilibus inesse simile, ut est formicæ & elephantogenus, quia sunt animalia. Et similibus dissimile, ut; *canibus casulos: &; matribus hædos.* differunt enim ætate. Contrariorum quoque aliter accipi opposita, ut noctem luci: aliter noxia, ut frigidam febris: aliter repugnantia, ut verum falso: aliter disparata, ut dura non duris. Sed quid hæc ad præsens propositum magnopere pertineant, non reperio. Illud est annotandum magis, argumenta duci ex jure simili; ut Cicero in Topicis; *Ei cui domus ususfructus relictus sit, non restitutum heredem si corruerit, quia non restituat servam si is decesserit.* Ex contrario; *Nihil obstat quo minus justum matrimonium sit mente cœuntium, etiamsi tabula signata non fuerint. Nihil enim proderit signasse tabulas, si mente matrimonium non fuisse constabit.* Ex dissimili, quale est Ciceronis pro Cecinna: *Ut si quis me exire domo cœgisset armis, haberem actionem: si quis introire prohibuisset, non haberem?* Dissimilia sic deprehenduntur; *Non si qui argentum omne legavit, videri potest signatam quoque pecuniam reliquisse: ideo etiam quod est in nominibus, dari voluisse creditur.* Ἀναλογίαν quidam a simili separaverunt; nos eam subjectam huic generi putamus. Nam ut unum ad decem, sic decem ad centum, simile certe est: & ut hostis, sic malus civis. quanquam hæc ulterius quoque procedere solent: *Si turpis domina consuetudo cum servo, turpis domini cum ancilla: Si mutis animalibus finis voluptas, idem homi-*
ni.

ni. Cui rei facillime occurrit ex dissimilibus argu-
 mentatio: *Non idem est dominum cum ancilla coisse,
 quod dominam cum servo: Nec si mutis finis voluptas,
 rationalibus quoque: quin imo ex contrario; quia
 mutis, ideo non rationalibus.* Adhibetur extrinsecus
 in causam & auctoritas. Hæc secuti Græcos, a qui-
 bus *ῥήτορες* dicuntur, *judicia* aut *judicationes* vocant,
 non de quibus ex causa dicta sententia est (nam ea
 quidem in exemplorum locum cedunt;) sed si quid
 ita visum gentibus, populis, sapientibus viris, claris
 civibus, illustribus poetis, referri potest. Ne hæc qui-
 dem vulgo dicta, & recepta persuasionem populari, si-
 ne usu fuerint testimonia. Sunt enim quodammodo
 vel potentiora etiam, quod non causis accommodata,
 sed liberis odio & gratia mentibus ideo tantum di-
 cta factaque, quia aut honestissima, aut verissima vi-
 debantur. An vero me de incommotis vitæ dis-
 ferentem non adjuvabit earum persuasio nationum,
 quæ fletibus natos, lætitiis defunctos prosequuntur?
 Aut si misericordiam commendabo judici, nihil pro-
 derit quod prudentissima civitas Atheniensium, non
 eam pro affectu, sed pro numine accepit? Jam illa
 septem præcepta sapientum, nonne quasdam vitæ le-
 ges existimamus? Si causam veneficii dicat adultera,
 non Marci Catonis iudicio damnata videatur, qui
 nullam adulteram non eandem esse veneficam dixit?
 Nam sententiis quidem poetarum non orationes mo-
 do sunt refertæ, sed libri etiam philosophorum; qui
 quanquam inferiora omnia præceptis suis ac literis cre-
 dunt, repetere tamen auctoritatem a plurimis versi-
 bus non fastidierunt. Neque est ignobile exemplum,
 Megareos ab Atheniensibus, cum de Salamine con-

Qq

ten-

CAP. XI. tenderent, victos Homeri versu, qui tamen ipse non in omni editione reperitur, significans Ajacem naves suas Atheniensibus junxisse. Ea quoque quæ vulgo recepta sunt, hoc ipso quod incertum auctorem habent, velut omnium fiunt; quale est; *Ibi amici, ubi opes: & Conscientia mille testes.* & apud Ciceronem; *Pa-res autem (ut est in vetere proverbio) cum paribus facillime congregantur.* Neq; enim durassent hæc in æternum, nisi vera omnibus viderentur. Ponitur a quibusdam, & quidem in parte prima, deorum auctoritas, quæ est ex responsis: ut; *Socratem esse sapientissimum.* Id rarum est: tamen utitur eo Cicero in libro de Aruspicum responsis, & in concione contra Catilinam, cum signum Jovis columnæ impositum populo ostendit: & pro Ligario, cum causam Caji Cæsaris meliorem, quia hoc dii judicaverint, confitetur. Quæ cum propria causæ sunt, divina testimonia vocantur: cum aliunde arcessuntur, argumenta. Nonnunquam contingit iudicis quoque, aut adversarii, aut ejus qui ex diverso agit, dictum aliquod aut factum assumere ad eorum quæ intendimus, fidem. Propter quod fuerunt qui exempla & has auctoritates, probationum inartificialium esse arbitrantur, quod ea non inveniret orator, sed acciperet. Plurimum autem refert. Nam testis, & quaestio, & his similia, & de ipsa re quæ in iudicio est, pronunciant; extra petita, nisi ad aliquam præsentis disceptationis utilitatem ingenio applicentur, nihil per se valent.

CAP. XII. HÆC fere de probatione vel ab aliis tradita, vel usu percepta in hoc tempus sciebam. Nec mihi fiducia

cia est, ut ea sola esse contendam: quinimo hor- CAP. XII.
tor ad quærendum, & inveniri posse fateor: quæ
tamen adjecta fuerint, non multum ab his abhorre-
bunt. Nunc breviter quemadmodum sit utendum
eis, subjungam. Traditum fere est, argumentum
oportere esse confessum. Dubiis enim probari dubia
qui possunt? Quædam tamen quæ in alterius rei
probationem ducimus, ipsa probanda sunt: *Occidisti*
virum, eras enim adultera. Prius de adulterio con-
vincendum est: ut cum id coeperit esse pro certo,
fiat incerti argumentum. *Spiculum tuum in corpore*
occisi inventum est. negat suum. ut probationi pro-
sit, probandum est. Illud hoc loco monete inter
necessaria est, nulla esse firmiora, quam quæ ex du-
biis facta sunt certa. *Cades a te commissæ est, cruentam*
enim vestem habuisti. non est tam grave argumentum
si fatetur, quam si convincitur. Nam si fatetur,
multis ex causis potuit cruenta esse vestis. Si negat,
hic causæ cardinem ponit, in quo si victus fuerit,
etiam in sequentibus ruit. Non enim videtur in ne-
gando mentiturus fuisse, nisi desperasset id posse de-
fendi si confiteretur. Firmissimis argumentorum sin-
gulis instandum, infirmiora congreganda sunt: quia
illa per se fortia non oportet circumstantibus obscu-
rare, ut qualia sunt appareant: hæc imbecilla na-
tura, mutuo auxilio sustinentur. Itaque si non pos-
sunt valere quia magna sunt, valebunt quia multa
sunt, quæ ad ejusdem rei probationem omnia spe-
ctant: ut si quis hæreditatis gratia hominem occi-
disse dicatur; *Hæreditatem sperabas, & magnam hære-*
ditatem, & pauper eras, & tum maxime a creditoribus
appellaberis; & offenderas eum cujus hæres eras, &

CAP. XII. *mutaturum tabulas sciebas.* Singula levia sunt, & communia: universa vero valent, etiamsi non. ut fulmine, tamen ut grandine. Quædam argumenta ponere satis non est; adjuvanda sunt: ut si cupiditas causa sceleris fuit, quæ sit vis ejus: ira, quantum efficiat in animis hominum talis affectio. Ita & firmiora erunt ipsa, & plus habebunt decoris, si non nudos & velut carne spoliatos artus ostenderint. Multum etiam refert, si argumento nitentur odii; utrum hoc ex invidia sit, an ex injuria, an ex ambitu: vetus, an novum: adversus inferiorem, parem, an superiorem: alienum, an propinquum. Suos habent omnia ista tractatus, & ad utilitatem partis ejus quam tuemur, referenda sunt. Nec tamen omnibus semper quæ invenerimus argumentis onerandus est iudex: quia & tædium afferunt, & fidem detrahunt. Neque enim potest iudex credere satis esse ea potentia, quæ non putamus ipsi sufficere qui dicimus. In rebus vero apertis argumentari tam sit stultum, quam in clarissimum solem mortale lumen inferre. His quidam probationes adjiciunt, quas παθητικάς vocant, ductas ex affectibus. Atque Aristoteles quidem potentissimum putat ex eo qui dicit, si sit vir optimus: quod ut optimum est, ita longe quidem, sed sequitur tamen, videri. Inde enim illa nobilis Scauri defensio; *Quintus Varius Sucronensis ait Emiliū Scaurum rempub. populi Romani prodidisse: Emilius Scaurus negat.* Cui simile quiddam fecisse Iphicrates dicitur, qui cum Aristophontem, quo accusante similis criminis reus erat, interrogasset, an is accepta pecunia rempub. proditurus esset, isque id negasset: *Quod igitur, inquit, tu non fecisses, ego feci?* Intuendum

dum autem & qui sit apud quem dicimus : & id CAP. XII.
 quod illi maxime probabile videatur, requirendum.
 Qua de re locuti sumus & in procemii & suasoriae
 praeceptis. Altera ex asseveratione probatio est; *Ego
 hoc feci. Tu mihi hoc dixisti.* & ; *O facinus indignum!*
 & similia. Quæ non debent quidem deesse orationi,
 & si desunt, multum nocent : non tamen habenda
 sunt inter magna præsidia, cum hoc in eadem causa
 fieri ex utraque parte similiter possit. illæ firmiores
 ex sua cujusque persona probationes, quæ credibili-
 lem rationem subjectam habent : ut vulneratus aut
 filio orbatus non fuerit alium accusaturus, quam no-
 centem : quando si negotium innocenti facit, liberet
 eum noxa qui admiserit. Hinc & patres adversus
 liberos, & adversus suos quisque necessarios auctori-
 tatem petunt. Quæsitum etiam, potentissima argu-
 menta primone ponenda sint loco, ut occupent ani-
 mos; an summo, ut inde dimittant : an partita pri-
 mo summoque, ut Homerica dispositione, in medio
 sint infirma : an a minimis crescant. Quæ prout
 ratio causæ cujusque postulabit, ordinabuntur, uno
 (ut ego censeo) excepto, ne a potentissimis ad levissi-
 ma decrescat oratio. Ego hæc breviter demonstrasse
 contentus ita posui, ut locos ipsos & genera quam
 possem apertissime ostenderem. Quidam executi sunt
 verbosius, quibus placuit proposita locorum commu-
 nium materia, quo quæque res modo dici posset,
 ostendere : sed mihi supervacuum videbatur. Nam
 & fere apparet quid in invidiam, quid in avari-
 tiam, quid in testem inimicum, quid pro teste
 amico dicendum sit. Et de omnibus his, & o-
 mnia dicere infinitum est, tam hercule, quam si con-

CAP. XII. troversiarum, quæ sunt, quæque futuræ sunt, quæstiones, argumenta, sententias tradere velim. Ipsas autem argumentorum velut sedes non me quidem omnes ostendisse confido, plurimas tamen. Quod eo diligentius faciendum fuit, quia declamationes, quibus ad pugnam forensẽ velut præpilatis exerceri solebamus, olim jam ab illa vera imagine orandi recesserunt, atque ad solam compositæ voluptatem, nervis carent, non alio mediis fidius vitio dicentium, quam quo mancipiorum negotiatores, formæ puerorum virilitate excisa lenocinantur. Nam ut illi robur ac lacertos barbamque ante omnia, & alia quæ natura propria maribus dedit, parum existimant decora; quæque fortia, si liceret, forent, ut dura molliunt: ita nos habitum orationis virilem, & illam vim stricte robusteque dicendi, tenera quadam elocutionis cute operimus; & dum lævia sint ac nitida, quantum valeant, nihil interesse arbitramur. Sed mihi naturam intuenti, nemo non vir spadone formosior erit: nec tam averſa unquam videbitur ab opere suo providentia, ut debilitas inter optima inventa sit. Nec id ferro speciosum fieri putabo, quod si nasceretur, monstrum erat. Libidinem juvet ipsum effœminati sexus mendacium, nunquam tamen hoc continget malis moribus regnum, ut si qua preciosa fecit, fecerit & bona. Quapropter eloquentiam licet hanc (ut sentio enim dicam) libidinosa resupina voluptate auditoria probent; nullam esse existimabo, quæ ne minimum quidem in se indicium masculini & incorrupti, ne dicam gravis & sancti viri, ostendat. An vero statuarum artifices, pictoresque clarissimi, cum corpora quam specio

ciosissima fingendo pingendove efficere cuperent, CAP. XII.
 nunquam in hunc inciderunt errorem, ut Bagoam
 aut Megabyzum aliquem in exemplum operis sume-
 rent sibi, sed Doriphorum illum mactum vel mili-
 tia vel palæstra, aliorumque juvenum bellicosorum
 & athletarum corpora, quæ esse decora vere existi-
 marint; nos qui oratorem studemus effingere, non
 arma, sed tympana eloquentiæ demus? Igitur & ille
 quem instituimus, adolescens, quam maxime potest,
 componat se ad imitationem veritatis: initurusque
 frequenter forensium certaminum pugnam, jam in
 scola victoriam spectet, & ferire vitalia, ac tueri sci-
 at; & præceptor id maxime exigat, & inventum
 præcipue probet. Nam ut ad pejora juvenes laude
 ducuntur, ita laudari in bonis gaudent. Nunc illud
 mali est, quod necessaria plerumque silentio trans-
 eunt, nec in dicendo videtur inter bona utilitas.
 Sed hæc & in alio nobis tractata sunt opere, & in
 hoc sæpe repetenda. Nunc ad ordinem inceptum
 revertamur.

CAP. XIII.
 REFUTATIO dupliciter accipi potest. Nam &
 pars defensoris tota est posita in refutatione; & quæ
 dicta sunt ex diverso, debent utrinque dissolvi. &
 hæc est proprie, cui in causis quartus assignatur lo-
 cus. Sed utriusque similis conditio est. Neque vero
 ex aliis locis ratio argumentorum in hac parte peti
 potest, quam in confirmatione: nec locorum, aut
 sententiarum, aut verborum & figurarum alia est
 conditio. Affectus plerumque hæc pars mitiores ha-
 bet. Non sine causa tamen difficilior semper est cre-
 ditum (quod Cicero sæpe testatur) defendere, quam
 accu-

CAP. XIII. accusare. Primum, quod est res illa simplicior: proponitur enim uno modo, dissolvitur varie: cum accusatori satis sit plerumque, verum esse id quod objecerit: patronus neget, defendat, transferat, excuset, deprecetur, molliat, minuat, avertat, despicat, derideat. Quare indirecta fere, atque, ut sic dixerim, clamorosa est actio. Hinc mille flexus & artes desiderantur. Tum accusator præmeditata pleraque domo affert: patronus etiam inopinatis frequenter occurrit. Accusator dat testem: patronus ex re ipsa refellit. Accusator criminum invidia, etsi falsa sit, materiam dicendi trahit, de parricidio, sacrilegio, majestate; quæ patrono tantum neganda sunt. Ideoque accusationibus etiam mediocres in dicendo suffecerunt; bonus defensor nemo, nisi qui eloquentissimus. Nam ut quod sentio semel finiam, tanto est accusare quam defendere, quanto facere quam sanare vulnera facilius. Plurimum autem refert, & quid protulerit adversarius, & quomodo. Primum igitur intuendum est, id cui responsuri sumus, proprium sit ejus judicii, an ad causam extra accersitum. Nam si est proprium; aut negandum, aut defendendum, aut transferendum. extra hæc in judiciis fere nihil est. Deprecatio quidem quæ est sine ulla specie defensionis, rara admodum, & apud eos solos judices, qui nulla certa pronunciandi forma tenentur: quanquam illæ quoque apud C. Cæsarem & triumviros pro diversarum partium hominibus actiones, etiamsi precibus utuntur, adhibent tamen patrocinia. nisi hoc fortissime defendentis est, dicere; *Quid aliud egimus, Tubero, nisi ut quod hic potest, nos possemus?* Quod si quando apud principem, aliumve cui utrum velit liceat

liceat, dicemus; dicendum erit, dignum quidem CAP. XIII.
 morte eum pro quo loquemur, clementia tamen
 servandum esse vel talem. Primum omnium non erit
 res nobis cum adversario, sed cum iudice: deinde
 forma deliberativæ magis materiæ, quam judicialis
 utemur. Suadebimus enim ut laudem humanitatis
 potius quam voluptatem ultionis concupiscat. Apud
 iudices quidem secundum legem dicturos sententiam,
 de confessis præcipere ridiculum est. Ergo quæ ne-
 que negari neque transferri possunt, utique defen-
 denda sunt, qualiacunque sunt; aut causa cedendum.
 Negandi duplicem ostendimus formam: aut non esse
 factum; aut non hoc esse, quod factum sit. Quæ
 neque defendi neque transferri possunt, utique ne-
 ganda: nec solum si finitio potest esse pro nobis,
 sed etiam si nuda inficiatio superest. Testes erunt?
 multa in eos dicere licet. Chirographum? de similitudi-
 ne literarum differendum. Utiq; nihil erit pejus quam
 confessio. Ultima est actionis controversia, cum de-
 fendendi negandive non est locus, translatio. Atqui
 quædam sunt quæ neque negari, neque defendi, ne-
 que transferri possunt. Adulterii rea est, quæ quum
 anno vidua fuisset, enixa est. lis non erit. Quare
 illud stultissime præcipitur; Quod defendi non possit,
 silentio dissimulandum: siquidem est id de quo ju-
 dex pronunciaturus est. At si extra causam sit ad-
 ductum, & tamen conjunctum, malim quidem di-
 cere, nihil id ad quæstionem, nec esse in his mo-
 randum, & minus esse quam adversarius dicit: ta-
 men velut huic simulationi oblivionis ignoscam. De-
 bet enim bonus advocatus pro rei salute brevem ne-
 gligentia reprehensionem non pertimescere. Viden-
R r
dum

CAP. XIII. dum etiam , num simul nobis plura aggredienda sint, an amolienda singula. Plura simul invadimus, si aut tam infirma sunt, ut pariter impelli possint; aut tam molesta, ut pedem conferre cum singulis non expediat. Tum enim toto corpore obnitendum, & , ut sic dixerim, directa fronte pugnandum est. Interim si resolvere ex parte diversa dicta difficilius erit, nostra argumenta cum adversariorum argumentis conferemus. si modo, hæc ut valentiora videantur, effici poterit. Quæ vero turba valebunt, diducenda erunt: ut quod paulo ante dixi: *Heres eras, & pauper, & magna pecunia appellaberis a creditoribus, & offenderas, & mutaturum tabulas testamenti sciebas.* Urgent universa. At si singula quæque dissolveris, jam illa flamma quæ magna congerie convaluerat, diductis quibus alebatur, concidet: ut si vel maxima flumina in rivos diducantur, qualibet transitum præbent. Itaque propositio quoque secundum hanc utilitatem accommodabitur, ut ea nunc singula ostendamus, nunc complectamur universa. Nam interim quod pluribus collegit adversarius, sat est semel proponere: ut si multas causas faciendi quod arguit, reo dicet accusator fuisse; nos non enumeratis singulis, semel hoc intuendum negemus, quia non quisquis causam faciendi sceleris habuit, & fecerit. Sæpius tamen accusatori congerere argumenta, reo dissolvere expediet. Id autem quod erit ab adversario dictum, quomodo refutari debeat, intuendum est. Nam si erit palam falsum, negare satis est: ut pro Cluentio Cicero; *cum quem dixerat accusator epoto poculo concidisse, negat eodem die mortuum.* Palam etiam contraria & supervacua & stulta reprehendere, nullus

us est artis; ideoque nec rationes eorum nec exempla tradere necesse est. Id quoque (*obscurum* vocant) quod secreto & sine teste aut argumento dicitur factum, satis natura sua infirmum est. Sufficit enim quod adversarius non probat. Item si ad causam non pertinet. Est tamen oratoris interim efficere, ut quid aut contrarium esse, aut a causa diversum, aut incredibile, aut supervacuum, aut nostræ potius causæ videatur esse conjunctum. Objicitur Oppio, quod de militum cibariis detraxerit: asperum crimen: sed contrarium ostendit Cicero, quia iidem accusatores objecerint Oppio, quod is voluerit exercitum largiendo corrumpere. Testes in Cornelium accusator lecti a tribuno codicis pollicetur: facit hoc Cicero supervacuum; quia idem fateatur ipse. Petit accusationem in Verrem Quintus Cæcilius, quod fuerat quaestor ejus: ipsum Cicero ut pro se videretur, efficit. Cætera quæ proponuntur, communes locos habent. Aut enim conjectura excutiuntur, an vera sint: aut finitione, an propria: aut qualitate, an inhonesta, iniqua, improba, inhumana, crudelia, & cætera quæ ei generi accidunt. Eaque non modo in propositionibus aut rationibus, sed in toto genere actionis intuenda. An sit crudelis, ut Labieni Rabinum lege perduellionis: Inhumana, ut Tiberonis Ligarium exulem accusantis, atque id agentis, ne ei Cæsar ignoscat: Superba, ut in Oppium ex epistola Cottæ reum factum. Proinde præcipites, insidiosæ, impotentes deprehenduntur. Ex quibus tamen fortissime invaseris, quod est aut omnibus periculosum; ut dicit Cicero pro Tullio; *Quis hoc statuit unquam, aut cui concedi sine summo omnium periculo potest, ut*

R r 2

cum

CAP. XIII *eum jure potuerit occidere, a quo metuisse se dicat ne ipse posterius occideretur?* Aut ipsis iudicibus, ut pro Oppio monet pluribus, ne illud actionis genus in equestrem ordinem admittant. Nonnunquam tamen quædam bene contemnuntur, vel tanquam levia, vel tanquam ad causam nihil pertinentia. Multis hoc locis facit Cicero. Sed hæc simulatio interim hucusque procedit, ut quæ dicendo refutare non possumus, quasi fastidiendo calcemus. Quoniam vero maxima pars eorum similibus constat, rimandum erit diligentissime, quid sit in quoque quod assumitur, dissimile. Id in jure facileprehenditur: Est enim scriptum de rebus utique diversis, tantoque magis ipsarum rerum differentia potest esse manifesta. Illas vero similitudines quæ ducuntur ex mutis animalibus, aut inanimis, facile est eludere. Exempla rerum varie tractanda sunt, si nocebunt. quæ si vetera erunt, fabulosa dicere licebit: siue dubia: maxime quidem dissimilia. Neque enim fieri potest, ut paria sint omnia: ut si Nasica post occisum Grachum defendatur exemplo Halæ, a quo Melius est interfectus: Melium regni affectatorem fuisse; a Graccho leges modo latas esse populares: Halam magistrum equitum fuisse; Nasicam privatum esse dicatur. Si defecerint omnia, tum videndum erit an obtineri possit, ne illud quidem recte factum. Quod de exemplis, idem etiam de iudicatis observandum. Quod autem posui, referre, quo quidque modo accusator dixerit, huc pertinet, ut si est minus efficaciter elocutus, ipsa ejus verba ponantur: si acri & vehementi fuerit usus oratione, eandem rem nostris verbis mitioribus proferamus: ut Cicero pro Cornelio; *Codi-*

ccm

cem attigit: & protinus cum quadam defensione: ut CAP. XIII.
 si pro luxurioso dicendum sit; *objecta est paulo liberalior vita.* Sic & pro sordido parcum, pro maledico liberum dicere licebit. Utique nunquam committendum est, ut adversariorum dicta cum sua confirmatione referamus, aut etiam loci alicujus executione adjuvemus, nisi cum eludenda. *Apud exercitum mihi fueris,* inquit: *tot annis forum non attigeris: abfueris tamdiu: & cum tam longo intervallo veneris, cum iis qui in foro habitaverunt, de dignitate contendas?* Præterea in contradictionibus interim totum crimen exponitur: ut Cicero pro Scauro contra Bostarem facit, velut orationem diversæ partis imitatus. Aut, pluribus propositionibus junctis: ut pro Vareno; *Cum iter per agros & loca sola faceret cum Populeno, in familiam Ancharianam incidisse dixerunt: deinde Populenum occisum esse: illico Varenum vinctum adservatum, dum hic ostenderet quid de eo fieri vellet.* Quod est utique faciendum, si erit incredibilis rei ordo, & ipsa expositione fidem perditurus. Interim per partes dissolvitur, quod contextu nocet: & plerumque id est tutius. Quædam contradictiones natura sunt singulæ. id exemplis non eget. Communia bene apprehenduntur; non tantum quia utriusque sunt partis, sed quia plus profunt respondententi. Neque enim pigebit, quod sæpe monui, referre. Commune qui prior dicit, contrarium facit. Est enim contrarium, quo adversarius bene uti potest. *At enim non verisimile est tantum scelus M. Cottam esse commentum. Quid? hoc verisimile est, tantum scelus Oppium esse conatum?* Artificis autem est invenire in actione adversarii, quæ inter fernet ipsa pugnent, aut pugnare videantur.

R r 3

quæ

CAP. XIII. quæ aliquando ex rebus ipsis manifesta sunt: ut in causa Cæliana; *Clodia aurum se Cælio commodasse dicit, quod signum magna familiaritatis est: venenum sibi paratum, quod summi odii argumentum est. Tubero Ligarium accusat, quod is in Africa fuerit: & queritur quod ab eo ipse in Africam non sit admissus.* Aliquando vero præbet ejus rei occasionem minus considerata ex adverso dicentis oratio: quod accidit præcipue cupidis sententiarum, ut ducti occasione dicendi non respiciant quid dixerint, dum locum præsentem non totam causam intuentur. Quid tam videri potest contra Cluentium, quam censoria nota? Quid tam contra eundem, quam filium ab Egnatio corrupti judicii, quo Cluentius Oppianicum circumvenisset, crimine exhæredatum? At hæc Cicero pugnare invicem ostendit: *Sed tu, Acci, consideres censeo diligenter, utrum censorium judicium grave velis esse, an Egnatii. Si Egnatii, leve est quod censes de cæteris subscripserunt. Ipsum enim Egnatium quem tu gravem esse vis, ex senatu ejecerunt. Sin autem censorium, hunc ipsum Egnatium, quem pater censoria subscriptione exhæredavit, censes in senatu, cum patrem ejecissent, retinuerunt.* Illa magis vitiose dicuntur, quam, acute reprehenduntur; argumentum dubium pro necessario, controversum pro confesso, commune pro proprio, vulgare, supervacuum, constitutum contra fidem. Nam & illa accidunt parum cautis, ut crimen augeant, quod probandum est: de facto disputent, cum de auctore quærat: impossibilia aggreantur: pro effectis relinquant vixdum inchoata: de homine dicere, quam de causa malint: hominum vitia rebus assignent: ut si quis decem-
vira-

viratum accuſet, non Appium: maniſeſtis repu-
gnent: dicant quod aliter accipi poſſit: ſummam
quæſtionis non intueantur: non ad propoſita reſpon-
deant. quod unum aliquando recipi poteſt, cum ma-
la cauſa adhibitis extrinſecus remediis tuenda eſt; ut
cum peculatus reus Verres, fortiter & industrie tui-
tus contra piratas Siciliam dicitur. Eadem adverſus
contradiſtiones nobis oppoſitas præcepta ſunt: hoc
tamen amplius, quod circa eas multi duobus vitiis
diverſis laborant. Nam quidam etiam in foro tan-
quam rem moleſtam & odioſam prætereunt, & iis
plerumque quæ compoſita domo attulerunt, conten-
ti, ſine adverſario dicunt: & ſcilicet multo magis
in ſcolis, in quibus non ſolum contradicſiones omit-
tuntur, verum etiam materiæ ipſæ ſic plerumque fin-
guntur, ut nihil dici pro parte altera poſſit. Alii
diligentia lapſi, verbis etiam, vel ſententiolis omni-
bus reſpondendum putant: quod eſt & infinitum, &
ſupervacuum. non enim cauſa reprehenditur, ſed
actor: quem ego ſemper videri malim ſic diſertum,
ut ſi dixerit quod rei proſit, ingenii credatur laus
eſſe, non cauſæ: ſi forte quod lædat; cauſæ, non
ingenii culpa. Itaque illæ reprehenſiones, aut obſcu-
ritatis, qualis in Rullum: aut infantia in dicendo,
qualis in Piſonem: aut inſcitia rerum verborumque
& inſulſitatis etiam, qualis in Antonium eſt, accom-
modantur juſtis odiis; ſuntque utiles ad concilian-
dum iis quos in viſos facere volueris, odium. Alia
reſpondendi patronis ratio: & aliquando tamen eo-
rum non oratio modo, ſed vita etiam, vultus deni-
que, inceſſus, habitus recte incuſari ſolet: ut ad-
verſus Quintium Cicero, non hæc ſolum, ſed ipſam
etiam

CAP. XIII. etiam prætextam demissam ad talos, infectatus est. Prefferat enim turbulentis concionibus Cluentium Quintius. Nonnunquam elevandæ invidiæ gratia, quæ asperius dicta sunt, eluduntur: ut a Cicerone Triarius. Nam cum Scauri columnas per urbem plaustris vectas esse dixit; *Ego porro*, inquit, *qui Albanas habeo columnas, clitellis eas apportavi*. Et magis hoc in accusatores concessum est, quibus convivari aliquando patrocinii fides cogit. Illa vero adversus omnes & recepta, & non inhumana conquestio, si callide quid tacuisse, breviasse, obscurasse, distulisse dicuntur. Defensionis quoque permutatio reprehenditur sæpe, ut Accius adversus Cluentium, Æschines adversus Ctesiphontem facit: cum ille Ciceronem lege usurum modo, hic minime de lege dicturum Demosthenem queritur. Declamatores vero imprimis sunt admonendi, ne contradictiones eas ponant, quibus facillime responderi possit; neu sibi stultum adversarium fingant. Facimus autem, quod maxime uberes loci, popularesque sententiæ nascuntur, materiam dicendi nobis quod volumus ducentibus: ut non sit inutilis ille versus; *Non male respondit, male enim prior ille rogarat*. Fallet hæc nos in foro consuetudo, ubi adversario, non ipsi nobis respondebimus. Ajunt Accium interrogatum cur causas non ageret, cum apud eum in tragœdiis tanta vis esset optime respondendi, hanc reddidisse rationem; *quod illic ea dicerentur qua ipse vellet, in foro dicturi adversarii essent qua minime vellet*. Ridiculum est ergo in exercitationibus quæ foro præparantur, prius cogitare quid responderi, quam quid ex diverso dici possit. Et bonus præceptor non minus laudare discipulum debet

debet, si quid pro diversa, quam si quid pro sua parte acriter excogitarit. Rursus aliquid in scholis permittendum semper, in foro raro. Nam loco a petitore primo contradictione uti qui possumus, ubi vera res agitur, cum adversarius adhuc nihil dixerit? Incidunt tamen plerique in hoc vitium vel consuetudine declamatoria, vel etiam cupiditate dicendi: dantque de se respondentibus venustissimos lusus, cum modo se vero nihil dixisse, neque tam stulte dicturos: modo bene admonitos ab adversario, & agere gratias, quod adjuti sint, jocantur; frequentissime vero, id quod firmissimum est, nunquam iis responsurum adversarium fuisse, quæ proposita non essent, nisi illa sciret vera esse, & ad fatendum conscientia esset impulsus: ut pro Cluentio Cicero; *Nam hoc persape dixisti, tibi sic renunciari, me habere in animo causam hanc praesidio legis defendere. itane est? ab amicis imprudentes videlicet prodimur? & est nescio quis de iis quos amicos nobis arbitramur, qui nostra consilia ad adversarium deferat? Quisnam hoc tibi renunciavit? quis tam improbus fuit? cui ego autem narraui? Nemo, ut opinor, in culpa est. nimirum tibi istud lex ipsa renunciavit.* At quidam contradictione non contenti, totos etiam locos expli- cant; *Scire se hoc dicturos adversarios, & ita persecutos.* Quod factum venuste nostris temporibus elusit Vibius Crispus, vir ingenii jucundi & elegantis; *Ego vero, inquit, ista non dico. quid enim attinet illa bis dici?* Nonnunquam tamen aliquid simile contradictioni poni potest, si quid ab adversario testationibus comprehensum, in advocationibus jactatum sit. Respondebimus enim rei ab illis dictæ, non

CAP. XIII. a nobis excogitatæ : aut si id genus erit causæ , ut proponere possimus certa , extra quæ dici nihil possit : ut cum res furtiva in domo deprehensa sit , dicat necesse est reus , aut se ignorante illatam , aut depositam apud se , aut donatam sibi : quibus omnibus etiam si proposita non sint , responderi potest. At in scolis recte & contradictionibus occurremus , ut in utrumque locum , id est , primum & secundum , simul exerceamur. quod nisi fecerimus , nunquam utemur contradictione : non enim erit cui respondeamus. Est & illud vitium , nimium solliciti , & circa omnia momenta luctantis. Suspectam enim facit judici causam , & frequenter quæ statim dicta omnem dubitationem sustulissent , dilata , ipsis præparationibus fidem perdunt ; quia patronus & aliis crediderit opus fuisse. Fiduciam igitur orator præse ferat , semperque ita dicat , tanquam de causa optime sentiat. Quod (sicut omnia) in Cicerone præcipuum est. Nam illa summa cura securitati est similis , tantaque in oratione auctoritas , ut probationis locum obtineat , dubitare nobis non audentibus. Porro qui scierit quid pars adversa , quid nostra habeat valentissimum , facile judicabit quibus maxime rebus vel occurrendum sit , vel instandum. Ordo quidem in parte nulla minus affert laboris. Nam si agimus , nostra confirmanda sunt primum ; tum quæ nostris opponuntur , refutanda. Si respondemus , prius incipiendum est a refutatione. Nascuntur autem ex his quæ contradictioni opposuimus , aliæ contradictiones , euntque interim longius ; ut gladiatorum manus quæ secundæ vocantur , fiunt & tertiæ , si prima ad evocandum adversarii ictum pro-

lata

lata erat : & quartæ , si geminata captatio est , ut CAP. XIII.
bis cavere , bis repetere oportuerit. Quæ ratio &
ultra ducit. Sed illa etiam quam supra ostendi , sim-
plicem ex affectibus atque ex affirmatione sola pro-
bationem recipit refutatio ; qualis est illa Scauri , de
qua supra dixi : quin nescio an etiam frequentior ,
ubi quid negatur. Videndum præcipue utrique par-
ti , ubi sit rei summa. Nam fere accidit ut in cau-
sis multa dicantur , de paucis judicetur. In his pro-
bandi refutandique ratio est , sed adjuvanda viribus
dicentis , & adornanda. Quamlibet enim sint ad di-
cendum quod volumus accommodata , tamen erunt
infirmæ , nisi majore quodam oratoris spiritu imple-
antur. Quare & illi communes loci de testibus , de
tabulis , de argumentis , aliisque similibus , magnam
vim animis judicum afferunt ; & hi proprii , quibus
factum quodque laudamus , aut contra , justum vel
injustum docemus , majus aut minus , asperius aut
mitius. Ex his autem alii ad probationem singulo-
rum argumentorum faciunt , alii ad plurimum , alii
ad totius causæ inclinationem. Ex quibus sunt qui
præparent animum judicis , sunt qui confirmant. Sed
præparatio quoque aut confirmatio , aliquando totius
causæ est , aliquando partium , & proinde ut cui-
que conveniunt , subjicienda. Ideoque miror inter
duos diversarum sectarum velut duces non medio-
cri contentione quæsitum , singulisne quæstionibus
subjiciendi essent loci , ut Theodoro placet ; an prius
docendus iudex quam movendus , ut præcipit A-
pollodorus : tanquam perierit hæc ratio media , &
nihil cum ipsius causæ utilitate sit deliberandum. Hæc
præcipiunt qui ipsi non dicunt in foro : at acies a

CAP.XL. securis otiosisque compositaz, ipsa pugnaz necessitate turbantur. Namque omnes fere qui legem dicendi quasi quaedam mysteria tradiderunt, certis non inveniendorum modo argumentorum locis, sed concludendorum quoque nos praecceptis alligaverunt: de quibus brevissime praelocutus, quid ipse sentiam, id est, quid clarissimos oratores fecisse videam, non tacebo.

CAP.
XIV.

IGITUR enthymema, & argumentum ipsum, id est rem quaz probationi alterius adhibetur, appellant, & argumenti elocutionem. Eam vero dixi duplicem. Ex consequentibus, quod habet propositionem, conjunctamque ei protinus probationem: quale pro Ligario; *Causa tum dubia, quod erat aliquid in utraque parte quod probari posset: nunc melior ea certe judicanda est, quam etiam dii adjuverunt: Habet enim rationem & propositionem, non habet conclusionem. Ita est ille imperfectus syllogismus. Ex pugnantibus vero, quod etiam solum enthymema quidam vocant, fortior multo probatio est. Tale est Ciceronis pro Milone; *Ejus igitur mortis sedetis ultores, cujus vitam si putetis per vos restitui posse, nolitis. Quod quidem etiam aliquando multiplicari solet, ut est ab eodem & pro eodem reo factum; *Quem igitur cum omnium gratia noluit, hunc voluit cum aliquorum querela? quem jure, quem loco, quem tempore, quem impune non est ausus; hunc injuria, iniquo loco, alieno tempore, cum periculo capitis non dubitavit occidere?* Optimum autem videtur enthymematis genus, cum proposito dissimili vel contrario ratio subjungitur: quale est Demosthenis, *Non enim***

enim si quid unquam contra leges factum est, idque tu es imitatus, idcirco te convenit pœna liberari: quin e contrario damnari multo magis. Nam ut si quis eorum damnatus esset, tu hac non scripsisses: ita damnatus tu si fueris, non scribet alius. Epicherematos & quatuor, & quinque, & sex etiam factæ sunt partes a quibusdam. Cicero maxime quinque defendit, ut sit propositio, deinde ratio ejus, tum assumptio, & ejus probatio, quinta complexio: quia vero interim & propositio non egeat rationis, & assumptio probationis, nonnunquam etiam complexione opus non sit, & quadripartitam, & tripartitam, & bipartitam quoque fieri posse ratiocinationem. Mihi & plurimis nihilominus auctoribus tres summum videntur. Nam ita se habet natura, ut sit de quo quærat, & per quod probetur: tertium adjici potest velut ex consensu duorum antecedentium. Ita erit prima intentio, secunda assumptio, tertia connectio. Nam confirmatio primæ, ac secundæ partis exornatio, eisdem cedere possunt, quibus subjiciuntur. Sumamus autem ex Cicerone quinque partium exemplum: *Melius gubernantur ea qua consilio reguntur, quam qua sine consilio administrantur.* Hanc primam partem numerant: eam deinceps rationibus variis, & quam copiosissimis verbis approbari putant oportere. Hoc ego totum cum sua ratione, unum puto: alioqui si ratio pars est (est autem varia ratio) plures partes esse dicantur. Assumptionem deinde ponit; *Nihil autem omnium rerum melius quam omnis mundus administratur.* Hujus assumptionis quarto in loco jam porro inducunt probationem: de quo idem quod supra dico. Quinto inducunt

loco

CAP.
XIV.

loco complexionem, quæ aut id infert solum, quod ex omnibus partibus cogitur: hoc modo; *Consilio igitur mundus administratur*: aut unum in locum cum conduxerit breviter propositionem & assumptionem, adjungit quid ex his conficiatur, ad hunc modum: *Quod si melius reguntur quæ consilio, quam quæ sine consilio administrantur: nihil autem omnium rerum melius quam omnis mundus administratur: consilio igitur mundus administratur.* Cui parti consentio. In tribus autem quas fecimus partibus, non est forma semper eadem, sed una, in qua idem concluditur quod intenditur. *Anima immortalis est. Nam quicquid ex seipso movetur, immortale est: anima autem ex seipsa movetur; immortalis igitur est anima.* Hoc fit non solum in singulis argumentis, sed in totis causis quæ sunt simplices, & in quæstionibus. Nam & hæc primum habent propositionem, *Sacrilegium commissi; hominem occidisti. Non quisquis hominem occidit, cadis reus tenetur.* Deinde rationem. Sed hæc est in causis & quæstionibus longior, quam in singulis argumentis. Et plerumque summa complexione, vel per enumerationem, vel per brevem conclusionem testatur quid effecerit. In hoc genere propositio dubia est: de hac enim quæritur. Altera est complexio, non par intentioni, sed vim habens parem. *Mors nihil ad nos. nam quod est dissolutum, sensu caret: quod autem sensu caret, nihil ad nos.* In alio genere non eadem propositio est, quæ connexio. *Omnia animalia meliora sunt quam inanima: nihil autem melius est mundo; mundus igitur animal.* Hic potest videri de re contentio. Potuit enim sic constitui ratiocinatio: *Animal est mundus; omnia enim animalia meliora sunt quam inani-*

inanima. Cæterum hæc propositio aut confessa est, ut proxima : aut probanda , ut ; *Qui beatam vitam vivere vult, philosophetur oportet.* Non enim conceditur. Cætera sequi, nisi confirmata prima parte, non possunt. Est & assumptio interim confessa : ut ; *Omnes autem volunt beatam vitam vivere.* Interim probanda, ut illa ; *Quod est dissolutum, sensu caret : cum, soluta corpore anima, an sit immortalis, vel ad tempus certum maneat,* sit in dubio. Quam assumptionem alii rationem vocant, alii epicherema. Epicherema autem nullo differt a syllogismo, nisi quod illi & plures habent species, & vera colligunt veris : epicherematis frequentior circa credibilia est usus. Nam si contingeret semper controversa confessis probare, vix esset in hoc genere usus oratoris. Nam quid ingenio est opus, ut dicas ; *Bona ad me pertinent, solus enim sum filius defuncti, vel solus hæres : cum jure bonorum possessio testati secundum tabulas testamenti detur ; ad me igitur pertinet.* Sed cum ipsa ratio in quæstionem venit, efficiendum est certum id quod probaturi sumus, quod incertum est : ut si ipsa forte intentione dicatur ; *Aut filius non es, aut non es legitimus, aut non es solus.* Itemque ; *Aut hæres non es, aut justum testamentum non est, aut capere non potes, aut habes cohæredes.* Efficiendum est justum, propter quod bona adjudicari nobis debeant. Sed tum est necessaria illa summa connexio, cum intervenit oratio largior. Aliquando sufficiunt intentio ac ratio ; *Silent leges inter arma, nec se expectari jubent, cum ei qui expectare velit, ante injusta pena luenda sit, quam iusta repetenda.* Ideoque id enthymema quod est ex consequentibus, rationi simile

CAP.
XIV.

mile dixerunt. Sed & singula quoque interim recte ponuntur : ut ipsum illud ; *Silent leges inter arma.* Et a ratione fas est incipere , deinde concludere : ut ibidem ; *Quod si duodecim tabula nocturnum furem quoquo modo , diurnum autem si se telo defenderet , interfici impune voluerunt : quis est , qui quoquo modo quis interfectus sit , puniendum putet ?* Variat autem hic adhuc , & rursus rationem tertio loco ponit ; *cum videat aliquando gladium nobis ad occidendum hominem ab ipsis porrigi legibus.* Prioris autem partis duxit ordinem : *Insidiatori autem & latroni quæ potest inferri injusta nex ?* hæc intentio. *Quid comitatus nostri , quid gladii volunt ?* hæc ratio. *Quos habere certe non liceret , si uti illis nullo pacto liceret.* hæc ex intentione & ratione connexio. Huic generi probationis tribus occurritur modis , id est per omnes partes. Aut enim expugnatur intentio , aut assumptio , aut conclusio ; nonnunquam omnia : sed omnia hæc tria sunt. Intentio expugnatur , *Jure occidi eum , qui insidiatus sit.* Nam prima statim pro Milone quaestio est ; *An sit ei fas lucem intueri , qui a se hominem necatum esse fateatur.* Expugnatur assumptio omnibus iis quæ de refutatione diximus. Et ratio quidem nonnunquam est vera , cum ejus propositio vera non sit. Interim veræ propositionis falsa ratio est. *Virtus bonum est , verum est.* si quis rationem subjiciat ; *quod ea locupletes faciat ,* veræ intentionis falsa sit ratio. Connexio aut vera negatur , cum aliud colligit quam id quod ex prioribus conficitur : aut nihil ad quaestionem dicitur pertinere. Non est vera sic ; *Insidiator jure occiditur.* nam qui curavit ut vim afferat ut hostis , debet etiam ut hostis repelli. recte igitur

ut Clodius ut hostis occisus est. Non utique. Nondum enim Clodium insidiatorem ostendimus : sed fit vera connexio ; *Recte igitur insidiator ut hostis occiditur.* Nihil ad nos. Nondum enim Clodius insidiator apparet. Sed ut potest esse vera intentio & ratio, & tamen falsa connexio : ita si illa falsa sunt, nunquam est vera connexio. Enthymema ab aliis oratorius syllogismus, ab aliis pars dicitur syllogismi, propterea quod syllogismus utique conclusionem & propositionem habet, & per omnes partes efficit quod proposuit : enthymema tantum intenta intelligi contentum sit. Syllogismus talis ; *Solum bonum virtus : nam id demum bonum est, quo nemo male uti potest : virtute nemo male uti potest : bonum est ergo virtus.* Enthymema ex consequentibus ; *Bonum est virtus, qua nemo male uti potest.* Et contra ; *Non est bonum pecunia : non enim bonum, quo quisquam male uti potest : pecunia potest quis male uti : non igitur bonum est pecunia.* Enthymema ex pugnantibus ; *An bonum est pecunia, qua quisque potest male uti ? Si pecunia qua est in argento signato, argentum est ; qui argentum omne legavit, & pecuniam qua est in argento signato legavit : Argentum autem omne legavit : igitur & pecuniam qua est in argento legavit.* Habebit formam syllogismi. Oratori satis est dicere ; *Cum argentum legaverit omne, pecuniam quoque legavit qua est in argento.* Peregisse mihi videor sacra tradentium artes, sed consilio locus superest. Namque ego ut in oratione syllogismo quidem aliquando uti nefas non duco, ita constare totam, aut certe confertam esse aggressionum & enthymematum stipatione minime velim. Dialogis enim & dia-

T t

lecticis

CAP.
XIV.

lecticis disputationibus erit similior, quam nostri operis actionibus, quæ quidem inter se plurimum differunt. Namque illi homines docti, & inter doctos verum quærentes, minutius & scrupulosius scrutantur omnia, & ad liquidum confessumque perducunt: ut qui sibi & inveniendi & judicandi vindicent partes, quarum alteram *τοπικὴν*, alteram *κρίτικὴν* vocant. Nobis ad aliorum judicia componenda est oratio, & sæpius apud omnino imperitos, atque aliarum certe ignaros literarum loquendum est: quos nisi & delectatione allicimus, & viribus trahimus, & nonnunquam turbamus affectibus; ipsa quæ justa ac vera sunt, tenere non possumus. Locuples & speciosa vult esse eloquentia: quorum nihil consequetur, si conclusionibus certis & crebris, & in unam prope formam cadentibus concisa, & contemptum ex humilitate, & odium ex quadam servitute, & ex copia satietatem, & ex amplitudine fastidium tulerit. Feratur igitur non semitis, sed campis: non, uti fontes angustis fistulis colliguntur, sed ut latissimi amnes, totis vallibus fluat, ac sibi viam, si quando non acceperit, faciat. Nam quid illa miserius lege velut præformatas infantibus literas persequentium, & ut Græci dicere solent, *quem mater amictum dedit, solícite custodientium*? Propositio ac conclusio ex consequentibus & repugnantibus, non inspi-ret, non augeat, non mille figuris variet ac verset: ut ea nasci, & ipsa provenire natura, non manu facta, & arte suscepta, magistrum fateri ubique videantur? Quis unquam sic dixit Orator? Nonne apud ipsum Demosthenem paucissima hujusmodi reperiuntur? Quæ apprehensa Græci magis (nam hoc solum no-
bis

bis pejus faciunt) in catenas ligant, & inexplicabili serie connectunt, & indubitata colligunt, & probant confessa, & se antiquis per hoc similes vocant. Deinde interrogati, nunquam respondebunt quem imitentur. Sed de figuris alio loco. Nunc illud adiciendum, ne iis quidem consentire me, qui semper argumenta sermone puro, & dilucido, & distincto, ceterum minime lato ornatoque putant esse dicenda. Namque ea distincta quidem ac perspicua debere esse confiteor: in rebus vero minoribus etiam sermone ac verbis quam maxime propriis, & ex usu. At si major erit materia, nullum ornatum his, qui modo non obscuret, subtrahendum puto. Nam & sæpe plurimum lucis affert ipsa translatio, cum etiam jurisconsulti, quorum summus circa verborum proprietatem labor est, littus esse audeant dicere, qua fluctus eludit. Quoque quid natura magis asperum, hoc pluribus condiendum est voluptatibus; & nimis suspecta argumentatio, dissimulatione: & multum ad fidem adjuvat audientis voluptas. Nisi forte existimamus Ciceronem male in hac ipsa argumentatione dixisse; *silere leges inter arma; & gladium nobis interim ab ipsis porrigi legibus.* His tamen habendus modus, ut sint ornamento, non impedimento.

M. FABII QUINCTILIANI

D E

Institutione Oratoria

LIBER VI.

HÆC, Marcelle Victori, ex tua voluntate maxime ingressus, tum si qua ex nobis ad juvenes bonos pervenire posset utilitas, novissime pene & necessitate quadam officii delegati mihi, sedulo laborabam; respiciens tamen illam curam meæ voluptatis, qui filio, cujus eminens ingenium sollicitam quoque parentis diligentiam merebatur, hanc optimam partem relicturus hæreditatis videbar: ut si me, quod æquum & optabile fuit, fata interceptissent, præceptore tamen patre uteretur. At me fortuna id agentem diebus ac noctibus, festinantemque metu meæ mortalitatis, ita subito prostravit, ut laboris mei fructus ad neminem minus quam ad me pertineret. Illum enim, de quo summa conceperam, & in quo spem unicam senectutis meæ reponebam, repetito vulnere orbitatis amisi. Quid nunc agam? aut quem ultra esse usum mei diis reprobantibus credam? Nam ita forte accidit,

accidit, ut eum quoque librum, quem *de causis corruptæ eloquentiæ* emisi, jam scribere aggressus, simili ictu ferirer. Tunc igitur optimum fuit, infaustum opus, & quicquid hoc est in me infelicium literarum, super immaturum funus consumpturis viscera mea flammis injicere, neque hanc impiam vivacitatem novis insuper curis fatigare. Quis enim mihi bonus parens ignoscat, si studere amplius possum? ac non oderit hanc animi mei firmitatem, si quis in me est alius usus vocis, quam ut incusem deos, superstes omnium meorum? Nullam terras despiciere providentiam testor: si non meo casu, cui tamen nihil objici, nisi quod vivam, potest; at illorum certe, quos utique immeritos mors acerba damnavit: erepta mihi prius eorundem matre, quæ nondum expleto ætatis undevicesimo anno, duos enixa filios, quamvis acerbissimis rapta fatis, felix decessit. Ego vel hoc uno malo sic eram afflictus, ut me jam nulla fortuna posset efficere felicem. Nam cum omni virtute quæ in foeminas cadit, functa, insanabilem attulit marito dolorem: tum ætate ea puellari, præsertim meæ comparata, potest & ipsa numerari inter vulnera orbitatis. Liberis tamen superstitibus oblectabar; & quod nefas erat, sæva, sed optabat ipsa, me salvo maximos cruciatus præcipiti via effugit. Mihi filius minor quintum egressus annum, ut in malis agerem, prior alterum ex duobus eruit lumen. Non sum ambitiosus in malis, nec augere lacrymarum causas volo: utinamque esset ratio minuendi: sed dissimulare qui possum, quid illi gratiæ in vultu, quid jucunditatis in sermone, quos ingenii igniculos, quam præstantiam placidæ, &

T t 3

(quod

(quod scio vix posse credi tantum) altæ mentis ostenderit ? qualis amorem quicumque alienus infans mereretur. Illud vero insidiantis, quo me validius cruciaret, fortunæ fuit, ut ille mihi blandissimus, me suis nutricibus, me aviæ educanti, me omnibus qui sollicitare illas ætates solent, anteferreret. Quapropter illi dolori, quem ex matre optima, atque laudem omnem supergressâ, paucos ante menses ceperam, gratulor. Minus enim est quod flendum meo nomine, quam quod illius gaudendum est. Una post hæc Quinctiliani mei spe ac voluptate innitebar : & poterat sufficere solatio. Non enim flosculos, sicut prior, sed jam decimum ætatis ingressus annum, certos atque deformatos fructus ostenderat. Juro per mala mea, per infelicem conscientiam, per illos manes, numina mei doloris, has me in illo vidisse virtutes ingenii, non modo ad percipiendas disciplinas, quo nihil præstantius cognovi plurima expertus, studiique jam tum non coacti (sciunt præceptores) sed probitatis, pietatis, humanitatis, liberalitatis ; ut prorsus possit hinc esse tanti fulminis metus, quod observatum fere est, celerius occidere festinatam maturitatem, & esse nescio quam, quæ spes tantas decerpat, invidiam : ne videlicet ultra quam homini datum est, nostra provehantur. Etiam illa fortuita aderant omnia ; vocis jucunditas claritasque, oris suavitas, & in utracunque lingua, tanquam ad eam demum natus esset, expressa proprietas omnium literarum. Sed hæc spes adhuc : illa majora, constantia, gravitas, contra dolores etiam ac metus robur. Nam quo ille animo, qua medicorum admiratione, mensium octo valetudinem tulit ?

tulit ? ut me insupremis consolatus est ? quam etiam deficiens, jamque non noster, ipsum illum alienatæ mentis errorem circa solas literas habuit ? Tuosne ego, o meæ spes inanes, labentes oculos, tuum fugientem spiritum vidi ? Tuum corpus frigidum exangue complexus, animam recipere, auramque communem haurire amplius potui ? dignus his cruciatibus quos fero : dignus his cogitationibus. Tene consulari nuper adoptione ad omnium spes honorum patris admotum, te avunculo prætori generum destinatum, te omnium spe Atticæ eloquentiæ candidatum, superstes parens tantum ad pœnas, amissi ? Et si non cupido lucis, certe patientia vindicet te reliqua mea ætate. Nam frustra mala omnia ad crimen fortunæ relegamus. Nemo nisi sua culpa diu dolet. Sed vivimus, & aliqua vivendi ratio quærenda est : credendumque doctissimis hominibus, qui unicum adverforum solatium literas putaverunt. Si quando tamen ita resederit præsens impetus, ut aliqua tot luctibus alia cogitatio inferi possit, non injuste petierim moræ veniam. Quis enim dilata studia miretur, quæ potius non abrupta esse mirandum est ? Tum si qua minus fuerint effecta iis quæ levius adhuc afflicti cœperamus, imperitiæ aut fortunæ remittantur : quæ si quid mediocrium alioqui nostro ingenio virium fuit, ut non extinxerit, debilitavit tamen. Sed vel propter hoc nos contumacius erigamus, quod illam ut perferre nobis difficile est, ita facile contemnere. Nihil enim sibi adversus me reliquit, & infelicem quidem, sed certissimam tamen attulit mihi ex his malis securitatem. Boni autem consulere nostrum laborem vel
propter

propter hoc certum est, quod in nullum jam proprium usum perseveramus, sed omnis hæc cura ad alienos, ut alienis utilis (si modo quid utile scribimus) spectat. Nos miseri, sicut facultates patrimonii nostri, ita hoc opus aliis præparabamus, aliis relinquemus.

CAP. I.

PERORATIO sequebatur, quam cumulum quidam, conclusionem alii vocant. Ejus duplex ratio est, posita aut in rebus, aut in affectibus. Rerum repetitio & congregatio, quæ Græce dicitur *ἀνασυναγωγή*, a quibusdam Latinorum enumeratio, & memoriam judicis reficit, & totam simul causam ponit ante oculos, & etiamsi per singula minus moverat, turba valet. In hac, quæ repetemus, quam brevissime dicenda sunt, & quod Græco verbo patet, decurrendum per capita. Nam si morabimur, non jam enumeratio, sed altera quasi fiet oratio. Quæ autem enumeranda videntur, cum pondere aliquo dicenda sunt, & aptis excitanda sententiis, & figuris utique varianda: alioqui nihil est odiosius recta illa repetitione, velut memoriæ judicum diffidentis. Sunt autem innumerabiles: optimeque in Verrem Cicero; *Si pater ipse judicaret, quæ diceret cum hac probarentur?* & deinde subjecit enumerationem. Aut cum idem in eundem, per invocationem deorum spoliata a prætore templa dinumerat. Licet & dubitare numquid nos fugerit, & quid responsuri sint adversarii his & his; aut quam spem accusator habeat omnibus ita defensis. Illa vero jucundissima, si contingat aliquod ex adversario ducere argumentum: ut si dicas; *Reliquis vero hanc partem causæ.* aut; *Invidia*

vidiā premere maluit. aut. Ad preces confugit. &, Merito, cum sciret hac & hac. Sed non sunt singulæ species persequendæ, ne sola videantur, quæ forte nunc dixerō : cum occasiones & ex causis, & ex dictis adversariorum, & ex quibusdam fortuitis quoque oriantur. Nec referenda modo nostra, sed postulandum etiam ab adversariis, ut ad quædam respondeant. Id autem, si & actionis supererit locus, & ea proposuerimus, quæ refelli non possunt. Nam provocare quæ desint fortia, non arguentis est, sed monentis. Id unum epilogi genus visum est plerisque Atticorum, & philosophis fere omnibus, qui *de arte oratoria* scriptum aliquid reliquerunt. Id sensisse Atticos credo, quia Athenis affectus movere etiam per præconem prohibebatur orator. Philosophos minus miror, apud quos vitii loco est, affici : nec boni mores videntur, sic a vero judicem averti, nec convenire bono viro vitiis uti. Necessarios tamen affectus fatebuntur, si aliter obtineri vera & justa & in commune profutura non possint. Cæterum illud constitit inter omnes, etiam in aliis partibus actionis, si multiplex causa sit, & pluribus argumentis defensa, utiliter ἀνακεφαλαιώσιν fieri solere : sicut nemo dubitaverit multas esse causas, in quibus nullo loco sit necessaria, si breves & simplices fuerint. Hæc pars perorationis accusatori patronoque ex æquo communis est. Affectibus quoque eisdem fere utuntur : sed rarius hic, ille sæpius ac magis. Nam huic concitare iudices, illi flectere convenit. Verum & accusator habet interim lacrymas ex miseratione ejus rei quem ulciscitur ; & reus de indignitate calumnizæ conspirationis vehementius interim queritur.

U u

Divi-

CAP. I. Dividere igitur hæc officia commodissimum, quæ plerunque sunt, ut dixi, proœmio similia, sed liberaiora, plenioraque. Inclinatione enim iudicum ad nos, petitur initio parcius, cum admitti satis est, & oratio tota superest. In epilogo vero est, qualem animum iudex in consilium ferat, & jam nihil amplius dicturi sumus, nec restat quo servemus. Est igitur utriusque commune, conciliare sibi, avertere ab adversario iudicem, concitare affectus, & componere. Et brevissimum quidem hoc præceptum dari utrique parti potest, ut totas causæ suæ vires orator ante oculos ponat: & cum viderit quid invidiosum, favorabile, invisum, miserabile, aut sit in rebus, aut videri possit; ea dicat; quibus, si iudex esset ipse, maxime moveretur. Sed certius est ire per singula. Et quæ conciliant quidem accusatorem, in præceptis exordii jam diximus. Quædam tamen quæ illic ostendere satis est, in peroratione implenda sunt: magis si contra impotentem, invisum, perniciosum suscepta causa est: si iudicibus ipsis aut gloriæ damnatio rei, aut deformitati futura absolutio. Nam egregie in Vatinius Cælius, *Factum*, inquit, *ambitum scitis omnes, & hoc vos scire omnes sciunt*. Cicero quidem in Verrem etiam *emendari posse infamiam iudiciorum damnato reo* dicit: quod est unum ex supradictis. Metus etiam si est adhibendus, ut facit idem, hunc habeat locum fortioiem quam in proœmio. Qua de re quid sentirem, alio jam libro exposui. Concitare quoque invidiam, odium, iram, liberius in peroratione contingit: quorum invidiam gratia, odium turpitudine, iram offensio iudicis facit, si contumax, arrogans, securus sit,

fit, qui non ex facto modo, dictove aliquo, sed vultu, habitu, aspectu moveri solet. Egregieque nobis adolescentibus dixisse accusator Cossutiani Capitonis videbatur, Græce quidem, sed in hunc sensum, *Erubescis Casarem timere*. Summa tamen concitandi affectus accusatori in hoc est, ut id quod objicit, aut quam atrocissimum, aut etiam si fieri potest, quam maxime miserabile esse videatur. Atrocitas crescit ex his, quid factum sit, a quo, in quem, quo animo, quo tempore, quo loco, quo modo: quæ omnia infinitos anfractus habent. Pulsatum querimur: de re primum ipsa dicendum: tum si senex, si puer, si magistratus, si probus, si bene de republica meritus. Etiam, si percussus sit a vili aliquo contemtoque; vel ex contrario a potente nimium, vel ab eo a quo minime oportuit. Et si die forte solemni, aut iis temporibus, cum judicia ejus rei maxime exercerentur, aut in sollicito civitatis statu. Item in theatro, in templo, in concione crescit invidia. Et si non errore, nec ira; vel etiam si forte ira, sed iniqua, quod patri affuisset, quod respondisset, quod honores contra peteret: & si plus etiam videri potest voluisse quam fecit. Plurimum tamen affert atrocitatis, modus, si graviter, si contumeliose: ut Demosthenes ex parte percussi corporis, ex vultu ferientis, ex habitu invidiam Mediæ quærit. Occisus est, utrum ferro, an igne, an veneno, uno vulnere an pluribus, subito an expectatione tortus, ad hanc partem maxime pertinet. Utique sequenter accusator & miseratione, cum autem factum quem ulciscitur, aut liberorum aut parentum solitudinem conqueritur. Etiam futuri tem-

CAP. I. poris imagine iudices movet, qui maneant eos casus, qui de vi & injuria questi sunt, nisi vindicentur; fugiendum de civitate, cedendum bonis, aut omnia quæcunque inimicis animus fuerit, perferenda. Sed sæpius id est accusatoris avertere iudicem a miseratione qua reus sit usurus, atque ad fortiter judicandum concitare. Cujus loci est etiam occupare quæ dicturum facturumve adversarium putes. Nam & cautiores ad custodiam suæ religionis iudices facit, & gratiam responsuris aufert, cum ea quæ prædicta sunt ab accusatore, jam si pro reo petentur, non sint nova: ut Servius Sulpitius contra Aufidiam, *ne signatorum ab ipsis discrimen objiciatur sibi*, præmonet: Nec non ab Æschine, quali sit usurus Demosthenes actione, prædictum est. Docendi interim quoque iudices, quid rogantibus respondere debeant: quod est unum repetitionis genus. Periclitantem vero commendat dignitas, & studia fortia, & susceptæ bello cicatrices, & nobilitas, & merita majorum. Hoc quod proxime dixi, Cicero atque Asinius certatim sunt usi; pro Scauro patre hic, ille pro filio. Commendat & causa periculi, si suscepisse inimicitias ob aliquod factum honestum videtur; præcipue bonitas, humanitas, misericordia. Juste enim tunc petere ea quisque videtur a iudice, quæ aliis ipse præstiterit. Referenda pars hæc quoque ad utilitatem reipublicæ, ad iudicum gloriam, ad exemplum, ad memoriam posteritatis. Plurimum tamen valet misratio, quæ iudicem flecti non tantum cogit, sed motum quoque animi sui lacrymis confiteri. Hæc petentur aut ex iis quæ passus est reus, aut ex iis quæ tum maxime pati-

patitur, aut ex iis quæ damnatum manent: quæ & ipsa duplicantur cum dicimus ex qua illi fortuna, & in quam recidendum sit. Affert in his momentum & ætas, & sexus, & pignora; liberi, dico, & parentes, & propinqui. quæ omnia tractari varie solent. Nonnunquam etiam & ipse patronus has partes subit: ut Cicero pro Milone, *O me miserum! o me infelicem! Revocare me tu in patriam, Milo, potuisti per hos, ego te in patria per eosdem retinere non potero?* Maximeque si (ut tunc accidit) non convenient ei qui accusatur, preces. Nam quis ferret Milonem pro capite suo supplicantem, qui a se virum nobilem interfectum, quia id fieri oportuisset, fateretur? Ergo & ille captavit ex illa præstantia animi favorem, & in locum lacrymarum ejus ipse successit. His præcipue locis utiles sunt proloporæ, id est fictæ alienarum personarum orationes, quales litigatorem decent, vel patronum. Mutæ tamen res movent, aut cum ipsis loquimur, aut cum ipsas loqui fingimus. Ex personis quoque trahitur affectus. Non enim audire judex videtur aliena mala deflentes, sed sensum ac vocem auribus accipere miserorum, quorum etiam mutus aspectus lacrymas movet: quantoque essent miseriora, si ea dicerent ipsi, tanto sunt quadam sua portione ad efficiendum potentiora, cum velut ipsorum ore dicuntur: ut scenicis actoribus eadem vox, eadem pronuntiatio plus ad movendos affectus sub persona valet. Itaque idem Cicero quanquam preces non dat Miloni, eumque potius animi præstantia commendat, accommodavit ei tamen & verba, & convenientes etiam forti viro conquestiones.

Uu 3

O fr-

CAP. I.

O frustra, inquit, mei suscepti labores! O spes fallaces! O cogitationes mea inanes! Nunquam tamen debet esse longa miseratio: nec sine causa dictum est, *Nihil facilius quam lacrymas inarefcere*. Nam cum etiam veros dolores mitiget tempus, citius evanescat necesse est illa, quam dicendo effinximus, imago: in qua si moramur, lacrymis fatigatur auditor, & requiescit, & ab illo quem ceperat impetu, ad rationem redit. Non patiamur igitur frigesce hoc opus: & affectum cum ad summum perduxerimus, relinquamus: nec speremus fore, ut aliena mala quisquam diu ploret. Ideoque cum in aliis, tum maxime in hac parte debet crescere oratio: quia quicquid non adjicit prioribus, etiam detrahere videtur: & facile deficit affectus qui descendit. Non solum autem dicendo sed etiam faciendo quædam, lacrymas movemus: unde & producere ipsos qui periclitentur, squalidos atque deformes, & liberos eorum ac parentes, institutum; & ab accusatoribus ostendi cruentum gladium, & lecta e vulneribus ossa, & vestes sanguine perfusas videmus, & vulnera resolvi, ac verberata corpora nudari. Quorum rerum ingens plerumque vis est, velut in rem præsentem animos hominum ducentium. Et populum Romanum egit in furorem prætexta Caii Cæsaris prolata in foro cruenta. Sciebatur interfectum eum, corpus denique ipsum impositum lecto erat: vestis tamen illa sanguine madens ita repræsentavit imaginem sceleris, ut non occisus esse Cæsar, sed tum maxime occidi videretur. Sed non ideo probaverim, quod factum & lego, & ipse aliquando vidi, depictam tabulam supra Jovem in imaginem rei

rei cujus atrocitate iudex erat commovendus. Quæ enim est actoris infantia, qui mutam illam effigiem magis quam orationem pro se putet locuturam? At sordes, & squallorem, & propinquorum quoque similem habitum scio profuisse, & magnum ad salutem momentum preces attulisse. Quare & obsecratio illa iudicum per carissima pignora, utique si & reo sint liberi, conjunx, parentes, utilis erit. Et deorum etiam invocatio, velut ex bona conscientia profecta videri solet. Stratum denique jacere, & genua complecti: nisi tamen persona nos, & antea acta vita, & rei conditio prohibebit. Quædam enim tam fortiter tuenda, quam facta sunt. Verum sic est habenda auctoritatis ratio, ne sit invisa securitas. Fuit quondam inter hæc omnia potentissimum id, quo Lucium Murenam Cicero accusantibus clarissimis viris eripuisse præcipue videtur. Persuasit enim nihil esse ad præsentem rerum statum utilius, quam pridie Calend. Januarias ingredi Consulatum. Quod genus nostris temporibus totum pene sublatum est, cum omnia curæ tutelæque unius innixa, periclitari nullo iudicii exitu possint. De accusatoribus & reis sum locutus, quia in periculis maxime versatur affectus. Sed privata quoque causæ utrumque habent perorationis genus: & illud quod est ex enumeratione probationum, & hoc quod ex lacrymis: si aut statu periclitari, aut opinione litigator videtur. Nam in parvis quidem litibus has tragœdias movere, tale est, quale si personam Herculis & cothurnos aptare infantibus velis. Illud ne indignum quidem admonitione, ingens in epilogis meo iudicio verti discrimen, quomodo se dicenti,

qui

CAP. I. qui excitatur, accommodet. Nam & imperitia, & rusticitas, & rigor, & deformitas afferunt interim frigus: diligenterque hæc sunt actori providenda. Equidem repugnanteis eos patrono, & nihil vultu commotos, & intempestive ridentes, & facto aliquo vel ipso vultu risum moventes sæpe etiam vidi, præcipue vero cum aliqua velut scenice fiunt. Transtulit patronus aliquando puellam, quæ soror esse adversarii dicebatur. (nam de hoc lis erat) in adversa subsellia, tanquam in gremio fratris relicturus. at is a nobis præmonitus discesserat. Tum ille alioqui vir facundus, inopinatæ rei casu obmutuit, & infantem suam frigidissime reportavit. Alius, imaginem mariti pro rea proferre magni putavit: at ea risum sæpius fecit. Nam & ii quorum officii erat, ut traderent eam, ignari qui esset epilogus, quoties respexisset patronus, offerebant palam, & prolata novissime, deformitate ipsa (nam senis cadaveri infusa) præteritam quoque orationis gratiam perdidit. Nec ignotum quid Glyconi, cui Spiridion fuit cognomen, acciderit. Huic puer, quem in jus productum, quid fieret interrogabat, ex prædago se vellicari respondit. Sed nihil illa contra Cepasios Ciceronis fabula efficacius ad pericula epilogorum. Omnia tamen hæc tolerabilia; quibus actionem mutare facile est: atqui a stylo non recedunt, aut conticescunt ad hos casus, aut frequentissime falsa dicunt. Inde est enim; *Tendit ad vestra genua supplices manus.* &, *Hæret in complexu liberorum miser.* &, *Revocat ecce me.* etsi nihil horum is de quo dicitur faciat. Et e scolis hæc vitia; in quibus omnia libere fingimus, & impune, quia pro facto

facto est quicquid volumus. non admittit hoc idem veritas fori. Egregieque Cassius Severus dicenti adolescentulo, *Quid me torvo vultu intueris, Severe? Non me hercule*, inquit, *faciebam, sed sic scripsisti, ecce*; & quam potuit, truculentissime eum apexit. Illud præcipue monendum, ne quis nisi summis ingenii viribus ad movendas lacrymas aggredi audeat. Nam ut est longe vehementissimus hic cum invaluit affectus, ita si nihil efficit, tepet: quem melius infirmus actor tacitis judicum cogitationibus reliquisset. Nam & vultus, & vox, & ipsa illa excitati rei facies, ludibrio etiam plerumque sunt hominibus quos non promoverunt. Quare metiatur ac diligenter æstimet vires suas actor: & quantum oneris subiturus sit, intelligat. Nihil habet ista res medium, sed aut lacrymas meretur, aut risum. Non autem commovere tantum miserationem, sed etiam discutere, epilogi est proprium; cum oratione continua, quæ motos lacrymis iudices ad justitiam reducat, tum etiam quibusdam urbane dictis: quale est, *Date puero panem, ne ploret*. Et corpulento litigatori, cujus adversarius item puer circa iudices erat, ab avvocato latus, *Quid faciam? ego te bajulare non possum*. Sed hæc tamen non debent esse mimica. Ita neque illum probaverim, qui inter clarissimos sui temporis oratores fuit, qui pueris in epilogum productis, talos jecit in medium, quos illi diripere coeperunt. Namque hæc ipsa discriminis sui ignorantia potuit esse miserabilis. Neque illum, qui cum esset cruentus gladius ejus ab accusatore prolatus, quo is hominem probabat occisum, subito ex subsellis ut territus fugit, & capite ex

X x

parte

CAP. I.

parte velato, cum ad agentem ex turba prospexisset, interrogavit an jam ille cum gladio recessisset. Fecit enim risum, sed ridiculus fuit. Discutiendæ tamen oratione hujusmodi scenæ. Egregieque Cicerone, qui & contra imaginem Saturnini pro Rabirio graviter, & contra juvenem, cujus subinde vulnus in judicio resolvebatur, pro Vareno multa dixit urbane. Sunt & illi leniores epilogi, quibus adversario satisfacimus; si forte sit ejus persona talis, ut illi debeatur reverentia; aut quum amice aliquid commonemus, & ad concordiam hortamur: quod est genus egregie tractatum a Passieno, cum Domitiae uxoris suæ pecuniaria lite adversus fratrem ejus Ænobarbum ageret. Nam quum de necessitudine multa dixisset, de fortuna quoque, qua uterque abundabat, adjecit, *Nihil vobis minus deest, quam de quo contenditis.* Omnes autem hos affectus, etiam si quibusdam videntur in procemio atque in epilogo sedem habere, in quibus sane sunt frequentissimi, tamen aliæ quoque partes recipiunt; sed breviores, ut ex his plurima sint reservanda. At hic si usquam, totos eloquentiæ aperire fontes licet. Nam ex his, si bene diximus reliqua, possidemus jam judicum animos; & confragosis atque asperis evecti, tuto pandere possumus vela: & cum sit maxima pars epilogi amplificatio, verbis atque sententiis uti licet magnificis, atque ornatis. Tunc est commovendum theatrum, quum ventum est ad ipsum illud, quo veteres tragœdiæ comœdiæque clauduntur, *Plaudite.* In aliis autem partibus tractandus affectus erit, ut quisque nascetur. Nam neque exponi sine hoc res atroces & miserabiles debent. Cum de qualitate

litate alicujus rei quæstio est, probationibus uniufcujusque rei recte subjungitur. Ubi vero conjunctam ex pluribus causam agimus, etiam necesse erit uti pluribus quasi epilogis: ut in Verrem Cicero fecit. Nam & Philodamo, & navarchis, & cruciatis civibus Romanis, & aliis plurimis suas lacrymas dedit. Sunt qui hos *μερικὲς ἐπιλόγας* vocent, quo partitam perorationem significant. Mihi non tam partes ejus quam species videntur. Si quidem & epilogi & perorationis nomina ipsa aperte satis ostendunt hanc esse consummationem orationis.

CAP. I.

QUAMVIS autem pars hæc judicialium causarum sit summa, præcipueque constet affectibus, & aliqua de his necessario dixerim; non tamen potui, ac ne debui quidem locum istum in unam speciem concludere. Quare adhuc opus superest, cum ad obtinenda quæ volumus, potentissimum, tum supradictis multo difficilius, movendi judicum animos, atque in eum quem volumus habitum formandi, & velut transfigurandi. Qua de re pauca, quæ postulabat materia, sic attigi, ut magis quid oporteret fieri, quam quo id modo consequi possemus, ostenderem. Nunc altius omnis rei repetenda ratio est. Nam & per totam (ut diximus) causam locus est affectibus; & eorum non simplex natura, nec in transitu tractanda: quod nihil majus afferre vis orandi potest. Nam cætera forsitan tenuis quoque & angusta ingenii vena, si modo vel doctrina vel usu sit adjuta, generare atque ad frugem aliquam perducere queat. Certe sunt, semperque fuerunt non parum multi, qui satis perite, quæ es-

CAP. II.

XX 2

sent

CAP. II, sent probationibus utilia, reperirent: quos equidem non contemno, sed hactenus utiles credo, ne quid per eos judici sit ignotum; atque (ut dicam quod sentio) dignos a quibus causas diserti docerentur. Qui vero judicem rapere, & in quem vellet habitum animi posset perducere, quo dicto flendum & irascendum esset, rarius fuit. Atque hoc est quod dominatur in judiciis. hæc eloquentiam regunt. Namque argumenta plerumque nascuntur ex causa, & pro meliore parte plura sunt semper: ut qui per hæc vicit, tantum non defuisse sibi advocatum sciat. Ubi vero animis judicum vis afferenda est, & ab ipsa veri contemplatione abducenda mens, ibi proprium oratoris opus est. Hoc non docet litigator: hoc libellis non continetur. Probationes enim efficiunt sane ut causam nostram meliorem esse iudices putent; affectus præstant ut etiam velint. Sed id quia volunt, credunt quoque. Nam cum irasci, favere, odisse, misereri coeperint, agi jam rem suam existimant: & sicut amantes de forma iudicare non possunt, quia sensum oculorum premit amor, ita omnem inquirendæ veritatis rationem iudex amittit occupatus affectibus: æstu fertur, & velut rapido flumini obsequitur. Ita argumenta ac testes quid egerint, pronuntiatio ostendit: commotus autem ab oratore iudex, quid sentiat, sedens adhuc atque audiens confitetur. An cum ille, qui plerisque perorationibus petitur, fletus erumpit, non palam dicta sententia est? Huc igitur incumbat orator, hoc opus ejus, hic labor est; sine quo cætera nuda, jejuna, infirma, ingrata sunt. adeo velut spiritus operis hujus atque animus est in affectibus.

bus. Horum autem sicut antiquitus traditum accepimus, duæ sunt species: Alteram Græci πάθος vocant, quam nos vertentes, recte ac proprie *affectum* dicimus: Alteram ἦθος, cujus nomine, ut ego quidem sentio, caret sermo Romanus; *mores* appellantur: atque inde pars quoque illa philosophiæ ἠθικῆ, *moralis* est dicta. Sed ipsam rei naturam spectanti mihi, non tam mores significari videntur, quam morum quædam proprietas. nam ipsis quidem omnes habitus mentis continentur. Cautiores, voluntatem complecti, quam nomina interpretari maluerunt. Affectus igitur hos concitatos, illos mites atque compositos esse dixerunt. in altero vehementer commotos, in altero lenes. denique hos imperare, illos persuadere. hos ad perturbationem, illos ad benevolentiam prævalere. Adjiciunt quidam peritorum πάθος temporale esse. Quod ut accidere frequentius fateor, ita nonnullas credo esse materias, quæ continuum desiderent affectum. Nec tamen minus artis aut usus hi leniores habent, virium atque impetus non tantundem exigunt. In causis vero etiam pluribus versantur, imo secundum quendam intellectum in omnibus. Nam cum nisi ex illo & hoc loco nihil ab oratore tractetur, quicquid de honestis & utilibus, denique faciendis & non faciendis dicitur, huc vocari potest. Quidam commendationem atque excusationem propria hujus officii putaverunt: nec abnuo esse ista in hac parte, sed non concedo ut sola sint: quin illud adhuc adjicio, πάθος atque ἦθος esse interim ex eadem natura, ita ut illud majus sit, hoc minus: ut amor πάθος, charitas ἦθος. Interdum diversa inter se, sicut

CAP. II in epilogis. Namque *πᾶθος* concitat, *ἥθος* solet mitigare. Propria tamen mihi vis nominis & exprimenda natura est, quatenus appellatione ipsa non satis significari videtur. *ἥθος* quod intelligimus, quodque a docentibus desideramus, id erit, quod ante omnia bonitate commendabitur: non solum mite ac placidum, sed plerumque blandum & humanum, & audientibus amabile atque jucundum: in quo exprimendo summa virtus ea est, ut fluere omnia ex natura rerum hominumque videantur, quo mores dicentis ex oratione pelluceant, & quodammodo agnoscantur. Quod est sine dubio inter conjunctas maxime personas, quoties perferimus, ignoscimus, satisfacimus, monemus, procul ab ira, procul ab odio. Sed tamen alia patris adversus filium, tutoris adversus pupillum, mariti adversus uxorem moderatio est. Hi enim præ se ferunt eorum ipsorum a quibus læduntur, charitatem: neque alio modo invisos eos faciunt quam quod amare ipsi videntur. Alia cum senex adolescentis, alia cum convivium honestus inferioris fert. Hic enim tantum concitari, illic etiam affici debet. Sunt & illa ex eadem natura, sed motus adhuc minoris, veniam petere, adolescentiæ defendere amores. Nonnunquam etiam levis alieni caloris derisus ex hac forma venit: sed non his ex locis tantum, verum aliquanto magis propriæ sunt virtutes simulationis, satisfaciendi, rogandi, & *εἰσπράξεις*, quæ diversum ei quod dicit, intellectum petit. Hinc etiam ille major ad concitandum odium nasci affectus solet, cum hoc ipso quod nos adversariis submittimus, intelligitur tacita impotentiae exprobratio. Namque eos
graves

graves & intolerabiles id ipsum demonstrat, quod CAP. II.
cedimus : & ignorant cupidi maledicendi , aut af-
fectatores libertatis , plus invidiam quam convitium
posse. nam invidia adversarios , convitium nos invidiosos
facit. Ille jam pene medius affectus est , ex amoribus
& ex desideriiis amicorum & necessariorum. Nam &
hoc major est , & illo minor. Non parum significanter
etiam illa in scholis ἡδῆ dixerimus , quibus plerum-
que rusticos , superstitiosos , avaros , timidos , se-
cundum conditionem propositorum effingimus. Nam
si ἡδῆ mores sunt , cum hos imitamur , ex his du-
cimus orationem. Denique hoc omne , bonum &
comem virum poscit. Quas virtutes cum etiam in
litigatore debeat orator , si fieri potest , approbare ,
utique ipse aut habeat , aut habere credatur. Sic
proderit plurimum causis , quibus ex sua bonitate
faciet fidem. Nam qui dum dicit , malus videtur ,
utique male dicit. non enim videtur iusta dicere ,
alioqui ἡδῆ videretur. Quare ipsum etiam dicendi
genus in hoc placidum debet esse ac mite ; nihil su-
perbum , nihil elatum saltem ac sublime desideret.
Proprie , jucunde , credibiliter dicere , sat est. Ideo-
que & medius ille orationis modus maxime con-
venit. Diversum est huic quod παράδοξος dicitur , quod-
que nos affectum proprie vocamus : & ; ut proxi-
me utriusque differentiam signem , illud comoediæ ,
hoc tragoediæ simile. Hæc pars circa iram , odium ,
metum , invidiam , miserationem , fere tota versatur.
Quæ quibus ex locis ducenda sint , & manifestum
omnibus , & a nobis in ratione proœmii atque e-
pilogi dictum est. Et metum tamen duplicem in-
telligi

CAP. II. telligi volo ; quem patimur , & quem facimus. Et invidiam ; namque altera invidum , altera invidiosum facit. Hoc autem hominis , illud rei est ; in quo & plus habet operis oratio. Nam quædam videntur gravia per se , parricidium , cædes , veneficium. quædam efficienda sunt. Id autem contingit , aut cum magnis alioqui malis gravius esse id quod passus sumus , ostenditur : quale est apud Virgilium :

*O felix Æna ante altas Priamæia virgo.
Hostilem ad tumultum Troja sub mænibus ælis
Jussa mori.—*

Quam miser enim casus Andromachæ , si comparata ei felix Polyxena ? Aut cum ita exaggeramus injuriam nostram , ut etiam quæ multo minora sunt , intoleranda dicamus : *Si pulsasses , defendi non poteras : vulnerasti.* Sed hæc diligentius , cum ad amplificationem venerimus , dicemus. Interim notasse contentus sum , non id solum agere affectus , ut quæ sunt ostendantur acerba ac luctuosa , sed etiam ut quæ toleranda haberi solent , gravia videantur : ut cum in maledicto plus injuriæ , quam in manu : in infamia plus poenæ dicimus , quam in morte. Namque in hoc eloquentiæ vis est , ut judicem non ad id tantum impellat , in quod ipse a rei natura duceretur ; sed aut qui non est , aut majorem quam est , faciat affectum. Hæc est illa quæ *dénoué* vocatur , rebus indignis , asperis , invidiosis addens vim oratio : qua virtute præter alios plurimum Demosthenes valuit. Quod si tradita mihi sequi præcepta sufficeret , satisfeceram huic parti , nihil eorum quæ legi vel dici,

dict, quod modo probabile fuit, omittendo? sed mihi in animo est, quæ latent penitus, ipsa hujus loci aperire penetralia: quæ quidem non aliquo tradente, sed experimento meo, ac natura ipsa duce accepi. Summa enim (quantum ego quidem sentio) circa movendos affectus in hoc posita est, ut moveamur ipsi. Nam & luctus & iræ & indignationis aliquando ridicula fuerit imitatio, si verba vultumque tantum, non etiã animum accommodaverimus. Quid enim aliud est causæ, ut lugentes utique in recenti dolore disertissime quædam exclamare videantur, & ira nonnunquam in indoctis quoque eloquentiam faciat, quam quod illis inest vis mentis, & veritas ipsa morum? Quare in iis quæ verisimilia esse volumus, simus ipsi similes eorum, qui vere patiuntur, affectibus: & a tali animo proficiscatur oratio, qualem facere judicem volet. An ille dolebit, qui audiet me hoc cum dicam non dolentem? Irascetur, si nihil ipse qui in iram concitat idque exigit, simile patietur? Siccis agenti oculis lacrymas dabit? fieri non potest. Nec incendit nisi ignis: nec madescimus nisi humore: nec res ulla dat alteri colorem, quem ipsa non habet. Primum est igitur, ut apud nos valeant ea quæ valere apud judicem volumus: afficiamurque antequam afficere conemur. At quomodo fiet ut afficiamur? Neque enim sunt motus in nostra potestate. Tentabo etiam de hoc dicere. Quas *ῥαῖσας* Græci vocant, nos sanè *visiones* appellemus: per quas imagines rerum absentium ita representantur animo, ut eas cernere oculis, ac præsentibus habere videamur. has quisquis bene conceperit, is

Y y

erit

CAP. II. erit in affectibus potentissimus. Hunc quidam dicunt *εὐφρατασιώτων*, qui sibi res, voces, actus secundum verum optime finget: quod quidem nobis volentibus facile continget. Nam ut inter ocia animum, & spes inanes, & velut somnia quædam vigilantium, ita nos hæ de quibus loquimur imagines prosequuntur, ut peregrinari, navigare, præliari, populos alloqui, divitiarum, quas non habemus, usum videamur disponere: nec cogitare, sed facere: hoc animi vitium ad utilitatem non transferemus? Ut hominem occisum querar: non omnia quæ in re præsentis accidisse credibile est, in oculis habebō? non percussor ille subitus erumpet? non expavescet circumventus? exclamabit? vel rogabit? vel fugiet? non ferientem, non concidentem videbō? non animo sanguis, & pallor, & gemitus, extremus denique expirantis hiatus insidet? *Ἰνσπύρεται* *ἐνδόρυρα*, quæ a Cicerone illustratio & evidentia nominatur: quæ non tam dicere videtur, quam ostendere: & affectus non aliter, quam si rebus ipsis intersumus, sequentur. An non ex his visibilibus illa sunt?

Excussi manibus radii, revolutaque pensa: &c,

— Levique patens in pectore vulnus: Et equus ille in funere Pallantis,

— positis qui insignibus

It lacrymans, guttisque humectat grandibus ora.

Quid? non idem poëta penitus ultimi fati cepit imaginem, ut diceret,

— Et dulcis moriens reminiscitur Argos.

Ubi

Ubi vero miseratione opus erit, nobis ea de quibus querimur, accidisse credamus, atque id animo nostro persuadeamus. Nos illi simus, quos gravia, indigna, tristia passos queramus. Nec agamus rem quasi alienam, sed assumamus parumper illum dolorem. Ita dicemus, quæ in simili nostro casu dicturi essemus. Vidi ego sæpe histriones atque comædos, cum ex aliquo graviore actu personam deposuissent, flentes adhuc egredi. Quod si in alienis scriptis sola pronuntiatio ita falsis accedit affectibus, quid nos faciemus qui illa cogitare debemus, ut moveri periclitantium vice possimus? sed in scôla quoque rebus ipsis affici convenit, easque veras sibi fingere, hoc magis, quod illic ut litigatores loquimur frequentius, quam ut advocati. Orbum agimus, & naufragum, & periclitantem: quorum induere personas quid attinet, nisi affectus assumimus? Hæc dissimulanda mihi non fuerunt, quibus ipse, quantuscunque sum aut fui (nam pervenisse me ad aliquod nomen ingenii credo) frequenter motus sum, ut me non lacrymæ solum deprehenderint, sed pallor, & vero similis dolor.

CAP. II.

HUIC diversa virtus, quæ risum iudicis movendo, & illos tristes solvit affectus, & animum ab intentione rerum frequenter avellit, & aliquando etiam reficit, & a satietate vel a fatigatione renovat. Quanta sit autem in ea difficultas, vel duo maximi oratores, alter Græcæ, alter Latinæ eloquentiæ principes, docent. Nam plerique Demostheni facultatem huius rei defuisse credunt, Ciceroni modum. Nec videri potest noluisse Demosthenes;

Y y 2

cujus

CAP. III. ejus pauca admodum dicta; nec sane ceteris ejus virtutibus respondentia; palam ostendunt non displicuisse illi jocos; sed non contigisse. Noster vero non solum extra judicia; sed in ipsis etiam orationibus habitus est nimius risus affectator. Mihi quidem, sive id recte judico; sive amore inmodico præcipui in eloquentia viri laboro, mira quædam videtur in eo fuisse urbanitas. Nam & in sermone quotidiano multa, & in altercationibus, & in interrogandis testibus plura quam quisquam; dixit facete; & illa ipsa quæ sunt in Verrem dicta frigidius, aliis assignavit, & testimonii loco posuit: ut quo sunt magis vulgaria, eo sit credibilius illa ab oratore non ficta, sed passim esse jactata. Utinam Quintus, & libertus ejus Tyro, aut alius quisquis fuit, qui tres hac de re libros edidit, parcius dictorum numero indulgissent, & plus judicii in eligendis quam in congerendis studii adhibuissent: minus obiectus ab his locus calumniantibus foret: qui tamen nunc quoque, ut in omni ejus ingenio, facilius quid rejici quam quid adjici possit, inventient. Affert autem summam rei difficultatem, primum, quod ridiculum dictum plerumque falsum est, hoc semper humile, sæpe ex industria depravatum: præterea nunquam honorificum: tum varia hominum judicia in eo, quia non ratione aliqua, sed motu quodam, nescio an enarrabili, judicatur. Neque hoc ab ullo satis explicari puto, licet multi tentaverint. Unde risus quidem non solum facto aliquo dictore, sed interdum quodam etiam corporis tactu lacessitur. Præterea non una ratione moveri solet. Neque enim acute tantum ac venuste, sed stulte, iracunde,

cunde, timide dicta aut facta ridentur. Ideoque anceps ejus rei ratio est, quod a derisu non procul abest risus. *Habet enim, ut Cicero dicit, sedem in deformitate aliqua & turpitudine.* Quæ cum in aliis demonstrantur, urbanitas: cum in ipsum dicentem recidunt, stultitia vocatur. Cum videatur autem res levis, & quæ a scurris, mimis, insipientibus denique sæpe moveatur, tamen habet vim nescio an imperiosissimam, & cui repugnari minime potest. Erumpit enim etiam invitis sæpe, nec fultus ope: nec vultus modo ac vocis exprimit confessionem, sed totum corpus vi sua concutit. Rerum autem sæpe (ut dixi) maximarum momenta vertit; ut cum odium iramque frequentissime frangat. Documento sunt juvenes Tarentini, qui multa de Pyrrho regē securius inter oenam locuti, cum rationem facti reposcerentur, & neque negari res, neque defendi posset, risu sunt & opportuno joco elapsi. Namque unus ex his, *Immo, inquit, nisi lagena defecisset, occidissimus te.* Eaque urbanitate tota est invidia criminis dissoluta. Verum hoc quicquid est, ut non ausim dicere carere omnino arte, quia nonnullam observationem habet, suntque ad id pertinentia & a Græcis & a Latinis composita præcepta: ita plane affirmo præcipue positum esse in natura & occasione. Porro natura non tantum in hoc valet, ut acutior quis atque habilior sit ad inveniendum (nam id sane doctrina posset augeri) sed inest proprius quibusdam decor in habitu atque vultu, ut eadem illa minus dicente alio videantur urbana esse. Occasioni vero & in rebus est tanta vis, ut sæpe adjuti ea non indocti modo, sed etiam rustici falsè

CAP. III. dicant in eum quisquis aliquid dixerit prior. Sunt enim longe venustiora omnia in respondendo, quam in provocando. Accedit difficultati, quod ejus rei nulla exercitatio est, nulli praeceptores. Utique in conviviis & sermonibus multi dicaces: sed quia in hoc usu quotidiano proficimus, oratoria urbanitas rara, nec ex arte propria, sed ad hanc consuetudinem accommodata. Nihil autem vetabat & componi materias in hoc idoneas, ut controversiæ permixtis salibus fingerentur: vel res proponi singulas ad juvenum talem exercitationem. Quin illæ ipsæ, quæ *Dicta* sunt, ac vocantur, quas certis diebus festæ licentiæ dicere solebamus, si paulum adhibita ratione fingerentur, aut aliquid in his serium quoque esset admixtum, plurimum poterant utilitatis afferre: quæ nunc juvenum, vel sibi ludentium exercitatio est. Pluribus autem nominibus in eadem re vulgo utimur: quæ tamen si diducas, suam propriam quandam vim ostendent. Nam & urbanitas dicitur: qua quidem significari video sermonem præ se ferentem in verbis & sono & usu proprium quendam gustum urbis, & sumtam ex conversatione doctorum tacitam eruditionem: denique cui contraria sit rusticitas. Venustum esse, quod cum gratia quadam & venere dicatur, apparet. Salsum in consuetudine pro ridiculo tantum accipimus: natura non utique hoc est: quanquam & ridicula oporteat esse salsa. Nam & Cicero, *omne quod salsum sit, ait esse Atticorum*; non quia sunt maxime ad risum compositi: & Catullus cum dicit,

Nulla in tam magno est corpore mica salis;

hoc

hoc dicit, nihil in corpore ejus esse ridiculum? Cap. III.

Sallum igitur erit, quod non erit insulsum, velut quoddam simplex orationis condimentum, quod laetatur latente judicio, & velut palatum excitat, quod & a tadio defendit orationem. Sane tamen ut ille in cibis paulo liberalius aspersus, si tamen non sit immodicus, affert aliquid propriae voluptatis: ita hi quoque in dicendo habent quiddam quod nobis faciat audiendi situm. Facetum quoque non tantum circa ridicula opinor consistere. Neque enim diceret Horatius *facetum carminis genus natura concessisse Virgilio*. Decoris hanc magis, & exultantiae cujusdam elegantiae appellationem puto. Ideoque in epistolis Cicero haec Bruti refert verba, *Na illi sunt pedes faceti, ac deliciis ingredienti molles*. Quod convenit cum illo Horatiano,

— *Molle atque facetum Virgilio*. Jocum vero accipimus, quod est contrarium serio. Nam & fingere, & terrere, & promittere interim, jocus est. Diccitas sine dubio a dicendo, quod est omni generi commune, ducta est: proprie tamen significat sermonem cum risu aliquos incessentem. Ideo De ~~modestiam~~ urbanum fuisse dicunt, dicacem negant. Proprium autem materiae de qua nunc loquimur, est ridiculum. Ideoque haec tota disputatio a Graecis ~~παις γλαίς~~ inscribitur. Ejus prima divisio traditur eadem quae est omnis orationis, ut sit positum in rebus, aut in verbis. Usus autem maxime simplex. Aut enim ex aliis risum petimus, aut ex nobis, aut ex rebus mediis. Aliena aut reprehendimus, aut refutamus, aut elevamus, aut repercutimus, aut ludimus. Nostra, ridicula indicamus, & ut verbo
Cice-

C. III. Ciceronis utar, dicimus aliqua subabsurda. Namque
 eadem quæ si imprudentibus excidant, stulta sunt:
 si simulamus, venusta creduntur. Tertium est ge-
 nus, ut idem dicit, in decipiendis expectationibus,
 dictis aliter accipiendis, cæterisque quæ neutram
 personam contingunt; ideoque a me media dicun-
 tur. Item ridicula aut facimus aut dicimus. Facto
 risus conciliatur interim admixta gravitate: ut Marcus
 Coelius prætor, cum sellam ejus curulem Consul
 Isauricus fregisset, alteram posuit loris intentam.
 dicebatur autem Cos. a patre flagris aliquando ca-
 sus. Interim sine respectu pudoris, ut illa pyxide
 Cæliana, quod neque oratori, neque ulli viro gravi
 conveniat. Idem autem de vultu gestuque ridiculo
 dictum sit: in quibus est quidem summa gratia,
 sed major cum captare risum non videntur. nihil
 enim ex iis quæ dicunt falsa, dicitur insulsius. Quan-
 quam autem gratiæ plurimum dictis severitas affert,
 fitque ridiculum id ipsum, quia qui dicit, non ri-
 det: est tamen interim & aspectus, & habitus o-
 ris, & gestus non inurbanus, cum iis modus con-
 tingit. id porro quod dicitur, aut est lascivum &
 hilare, qualia Galbæ pleraque: aut contumeliosum,
 qualia nuper Junii Bassi: aut asperum, qualia Cassii
 Severi: aut lene, qualia Domitii Atri. Refert, his
 ubi quis utatur. Nam in convictibus & quotidiano
 sermone lasciva humilibus, hilaria omnibus conve-
 niunt. Ludere nunquam velimus, longeque absit
 propositum illud, *Potius amicum quam dictum per-
 didi.* In hac quidem pugna forensi malim mihi le-
 nibus interdicere: quanquam & contumeliose & a-
 spere dicere in adversarios permissum est: cum ac-
 cūsare

accusare etiam palam , & caput alterius iuste petere concessum sit. Sed hic quoque tamen inhumana videri solet fortunæ infectatio : vel quia culpa caret , vel quia recidere etiam in ipsos qui objecerunt , potest. Primum itaque considerandum est , & quis , & in qua causâ , & apud quem , & in quem , & quid dicat. Oratori minime convenit distortus vultus , gestusque : quæ in mimis rideri solent. Dicacitas etiam scurrilis & scenica huic personæ alienissima est. Obscœnitas vero non a verbis tantum abesse debet , sed etiam a significatione. Nam si quando objici potest , non in omni loco exprobranda est. Oratorem præterea ut dicere urbane volo , ita videri affectare id , plane nolo. Quapropter ne dicet quidem falsè quoties poterit , & dictum potius aliquando perdet , quam minuet auctoritatem. Nec accusatorem autem atroci in causâ , nec patronum in miserabili jocantem feret quisquam. Sunt etiam iudices quidam tristiores , quam ut risum libenter patiantur. Solet interim accidere , ut id quod in adversarium dicimus , aut in iudicem conveniat , aut in nostrum quoque litigatorem : quanquam aliqui reperiuntur qui ne id quidem quod in ipsos recidere possit , evitent : quod fecit Longus Sulpitius , qui cum ipse foedissimus esset , eum contra quem iudicio liberali aderat , *ne faciem quidem habere liberi hominis* dixit. cui respondens Domitius Afer , *Et tu , inquit , ex animi sententia , Longe ? qui malam faciem habet , liber non est ?* Vitandum etiam ne petulans , ne superbum , ne loco , ne tempori alienum , ne præparatum & domo allatum videatur quod dicimus. Nam adversus miseros , sicut supra dixeram , inhu-

Z. z

manus

CAP. III. manus est locus. Sed quidam ita sunt receptæ auctoritatis & notæ verecundiæ, ut nocitura sit in eos dicendi petulantia. Nam de amicis jam præceptum est. Illud non ad orandi fere consilium, sed ad omnia pertinet, ne laceſſat hoc modo quem lædere sit periculofum, ne aut inimicitia graves infequantur, aut turpis ſatisfactio. Male etiam dicitur, quod in plures convenit, ſi aut nationes totæ inceſſantur, aut ordines, aut conditio, aut ſtudia multorum. Ea quæ dicit vir bonus, omnia ſalva dignitate ac verecundia decent. Nimium enim riſus premium eſt, ſi probitatis impendio conſtat. Unde autem concilietur riſus, & quibus ex locis peti ſoleat, difficilimum eſt dicere. Nam ſi ſpecies omnes perſequi velimus, nec modum reperiemus, & fruſtra laborabimus. Neque enim numeroſi minus ſunt loci, ex quibus hæc dicta, quam illi ex quibus ex quas ſententias vocamus, ducuntur, neque alii. Nam hic quoque eſt inventio & elocutio, atque ipſius elocutionis vis, alia in verbis, alia in figuris. Riſus igitur oriuntur aut ex corpore ejus in quem dicimus: aut ex animo, qui factis ab eo dictiſque colligitur: aut ex his quæ ſunt extra poſita. Intra hæc enim eſt omnis vituperatio: quæ ſi gravius poſita ſit, ſevera eſt: ſi levius, ridicula. Hæc aut oſtenduntur, aut narrantur, aut digito notantur. Rarum eſt autem, ut oculis ſubjicere contingat, ut fecit C. Julius, qui cum Helmio Mancie ſæpius obſtrepenti ſibi diceret, *Jam oſtendam qualis ſis*; illeque plane inſtaret interrogatione qualem ſe tandem oſtenſurus eſſet, digito demonſtravit imaginem Galli in ſcuti Mariano Cimbrico pictam, cui Mancia tum ſimil-

simillimus est vi. Tabernæ autem erant circa forum, ac scutum illud signi gratia positum. Narrare quæ falsa sint, inprimis est subtile, & oratorium: ut Cicero pro Cluentio narrat de Cepasio atque Fabritio: ac Marcus Coelius de illa C. Lælii collegæque ejus in provinciam festinantium contentione. Sed in his omnibus cum elegans & venusta exigitur tota expositio, tum id est festivissimum, quod adjicit orator. Nam & a Cicerone sic est Fabritii fuga illa condita. Itaque cum callidissime se putaret dicere, & cum illa verba gravissima ex intimo artificio depromississet, *Respicite, judices, hominum fortunas, respicite varias duosque casus, respicite C. Fabritii senectutem*: cum hoc *respicite*, ornandæ orationis causa sæpe dixisset, respexit ipse: at Fabritius a subselliis demisso capite discesserat, & cætera quæ adjecit: nam est notus locus: cum in re hoc solum esset, Fabritium a judicio recessisse. Et Coelius cum omnia venustissime finxit, tum illud ultimum: *Hic subsecutus, quomodo transierit, utrum rate, an piscatorio navigio, nemo sciebat. Siculi quidem, ut sunt lascivi & dicaces, ajebant in delphino sedisse, & sic tanquam Ariona transvectum*. In narrando autem Cicero consistere facetias putat, dicacitatem in jaciendo. Mire fuit in hoc genere venustus Afer Domitius, cujus orationibus complures hujusmodi narrationes insertæ reperiuntur: sed dictorum quoque ab eodem urbane, sunt editi libri. Illud quoque genus est positum non in hac veluti jaculatione verborum, & inclusa breviter urbanitate, sed in quodam longiore actu: quod de Crasso contra Brutum Cicero in secundo de Oratore libro, & aliis

ZZ 2

qui-

CAP. III. quibusdam locis narrat. Nunc cum Brutus in ac-
 cusatione Cn. Planci, ex duobus lectoribus ostendisset contraria L. Crassum patronum ejus in oratione quam de Colonia Narbonensi habuerat, fuisse iis quæ de lege Servilia dixerat, tres excitavit & ipse lectores, hisque patris ejus dialogos dedit legendos: quorum cum in Privernati unus, alter in Albano, tertius in Tiburti sermonem habitum complecteretur, requirebat ubi essent eæ possessiones. Omneis autem illas Brutus vendiderat: & cum paterna mancuparet prædia, turpis habebatur. Similis in apologis quoque & quibusdam etiam interim historiis exponendis gratia consequi solet. Sed acutior est illa atque velocior in urbanitate brevitatis. Cujus quidem duplex est forma, dicendi, ac respondendi: sed ratio communis in partem. Nihil enim in laceffendo dici potest, quod non etiam in repercutiendo: at propria quædam sunt respondentium: illa etiam ira concitati afferre solent: hæc plerumque in altercatione, aut in rogandis testibus requiruntur. Cum sint autem loci plures ex quibus dicta ridicula ducuntur, repetendum est mihi, non omneis eos oratoribus convenire. Inprimis autem ex amphibolia, neque illa obscura, quæ Atellanæ more captent, nec qualia vulgo jactantur a vilissimo quoque, conversa in maledictum fere ambiguitate. Ne illa quidem, quæ Ciceroni aliquando, sed non in agendo, exciderunt, ut dixi, cum is candidatus qui coqui filius habebatur, coram eo suffragium ab alio peteret, *Ego quoque tibi jure favebo*. Non quia excludenda sint omnino verba duos sensus significantia, sed quia raro ad velle respondeant, nisi cum

cum prorsus rebus ipsis adjuvantur. Quare non hoc modo pene & ipsum scurrile Ciceronis est in eundem, de quo supra dixi, Isauricum, *Miror quid sit quod pater tuus homo constantissimus te nobis variam reliquit*: sed illud ex eodem genere præclarum, cum objiceret Miloni accusator in argumentum factarum Clodio insidiarum, quod Bovillas ante horam nonam divertisset, ut expectaret dum Clodius a villa sua exiret, & identidem interrogaret, quo tempore Clodius occisus esset, respondit, *Sero*. Quod vel solum sufficit, ut hoc genus non totum repudietur. Nec pura modo significari solent, sed etiam diversa; ut Nero de servo pessimo dixit: *Nulli apud se plus fidei haberi: nihil ei neque occlusum neque obsignatum esse*. Pervenit res usque ad ænigma: quale est Ciceronis in Pletorium Fortei accusatorem, *cujus matrem dixit, dum vixisset, ludum; postquam mortua esset, magistros habuisse*. Dicebantur autem, dum vixit, infames foeminae ad eam convenire solitæ: post mortem bona ejus venibant. Quanquam hic *ludus* per translationem dictus est, *magistri* per ambiguitatem. In metalepsin quoque cadit ratio dictorum; ut Fabius Maximus incusans Augusti congiariorum quæ amicis dabantur, *exiguitatem, heminaria esse dixit*. Nam *congiarium* cum sit commune liberalitatis atque mensuræ, a mensura ducta imminutio est rerum. Et hæc tam frigida, quam est nominum fictio, adjectis, detractis, mutatis literis: ut *Acisculum*, quia esset pectus, *Pacisculum*: & *Placidum* nomine, quia is acerbis natura esset, *Acidum*: & *Tullium*, cum fur esset, *Tollium* dictos invenio. Sed hæc eadem ge-

CAP. III. *nera commodius in rebus quam in nominibus respondent. Afer enim venuste Manlium Suram multum in agendo discursantem, salientem, manus jactantem, togam deicientem & reponentem, non agere dixit, sed satagere. Est enim dictum per se urbanum, satagere, etiamsi nulla subsit alterius verbi similitudo. Fiunt & detracta & adjecta aspiratione, & binis conjunctis verbis similiter saepius frigida, aliquando tamen recipienda. Eademque conditio est in iis quae a nominibus trahuntur. Multa ex hoc Cicero in Verrem, sed ut ab aliis dicta, modo futurum ut omnia vereretur, cum diceretur Verres: modo Herculi quem expilaverat, molestiorem apro Erymanthio fuisse: modo malum Sacerdotem, qui tan nequam verrem reliquisset; quia Sacerdoti Verres successerat. Praebet tamen aliquando occasionem quaedam felicitas hoc quoque genere bene utendi; ut pro Cecinna Cicero in testem Sex. Clodium Phormionem: Nec minus niger, inquit, nec minus confidens, quam ille Terentianus est Phormio. Acriora igitur sunt & elegantiora, quae trahuntur ex vi rerum. In his maxime valet similitudo, si tamen ad aliquid inferius, leviusque referatur: qua jam veteres illi jocabantur, qui Lentulum Spinsberem, & Scipionem Serapionem esse dixerunt. Sed ea non ab hominibus modo petitur, verumetiam ab animalibus: ut nobis pueris Junius Bassus, homo in primis dicax, Asinus albus vocabatur. Et Sarmentus seu Publius Bleffus Junium hominem nigrum & macrum, & pandum, fibulam ferream dixit. Quod nunc risus petendi genus frequentissimum est. Adhibetur autem similitudo interim palam, interim inferi solet para-*

parabolæ : cuius est generis id Augusti , qui militi libellum timide porrigenti , *Noli* , inquit , *dubitare, tanquam assem elephanto des.* Sunt quædam etiam verisimilia : unde Vatinius , cum reus agente in eum Calvo , frontem candido sudario tergeret , idque ipsum accusator in invidiam vocaret , *Quamvis reus sum* , inquit , *& panem candidum edo.* Adhuc est subtilior illa ex simili translatio , cum quod in alia re fieri solet , in aliam mutuumur . Ea dicatur sâne fictio ; ut Chrysippus , cum in triumpho Cæsaris eborea oppida essent translata , & post dies paucos Fabii Maximi lignea , *thecas esse oppidorum Cæsaris* dixit . Et Peto de Mirmillone , qui retiarium consequebatur , nec feriebat , *Vivum* , inquit , *capere vult.* Jungitur amphiboliæ similitudo : ut L. Galba pilam negligenter petenti , *Sic* , inquit , *petis, tanquam Cæsaris candidatus.* Nam illud *petis* , ambiguum est , securitas similis . Quod hætenus ostendisse satis est . Cæterum frequentissima aliorum generum cum aliis mixtura est : eaque optima , quæ ex pluribus constat . Eadem dissimilium ratio est . Hinc eques Romanus , ad quem in spectaculis bibentem cum misisset Augustus qui ei diceret , *Ego si prandere volo, domum eo: Tu enim* , inquit , *non times ne locum perdas.* Ex contrario non una species . Neque enim eodem modo dixit Augustus præfecto quem ignominia mittebat , subinde interponenti precibus , *Quid respondebo patri meo? Dic me tibi displicuisse* : quo Galba penulam roganti , *Non possum commodare ; domi maneo* : cum cœnaculum ejus perplueret . Tertium adhuc illud (siquidem ut ne auctorem ponam , verecundia ipsius facit) *Libidinosior es, quam ullus spado* : quo sine du-

bio

CAP. III. *biô & opinio decipitur : sed ex contrario. Et hoc ex eodem loco est , sed nulli priorum simile , quod dixit Marcus Vestinius , cum ei nunciatum esset , Aliquando desinet putere. Onerabo librum exemplis , similemque iis qui risus gratia componuntur , efficiam , si persequi voluero singula veterum. Ex omnibus argumentorum locis eadem occasio est. Nam & finitione usus est Augustus de pantomimis duobus , qui alternis gestibus contendebant. cum eorum alterum saltatorem dixit , alterum interpellatorem. Et partitione Galba , cum penulam roganti respondit , Non pluit , non est opus tibi : si pluit , ipse utar. Proinde genere , specie , propriis , differentibus , iugatis , adjunctis , consequentibus , antecedentibus , repugnantibus , causis , effectis , comparatione parium , majorum , minorum , similis materia præbetur. Sicut in tropos quoque omneis cadunt. An non plurima καὶ ὑπερβολὴν dicuntur ? quale refert Cicero de Memmio homine prælongo , caput cum ad fœnicem Fabii offendisse. Et quod P. Oppius dixit de genere Lentulorum , cum assidue minores parentibus liberi essent , nascendo decrescere genus Lentulorum. Interim utrumque. Quid ironia ? nonne etiam quæ sit verissima , joci prope genus est ? Qua urbane usus est Afer , cum Didio Gallo qui provinciam ambitiosissime petierat , deinde impetrata ea tanquam coactus querebatur , Age , inquit , aliquid . & reipublica causa elabora. Quaque Cicero usus est , cum Vatinius morte nunciata , cuius parum certus dicebatur auctor , Interim , inquit , usura fruar. Idem per allegoriam M. Coelium melius obijcientem crimina quam defendentem , Bonam dextram , malam sinistram*

sinistram habere, dicebat. Emphasi Livius dixit ferro cotem Accium Navium incidisse. Figuras quoque mentis, quæ ῥήματα διανοίας dicuntur, res eadem recipit omnes, in quas nonnulli diviserunt species dictorum. Nam & interrogamus, & dubitamus, & affirmamus, & minamur, & optamus. Quædam ut miserantes, & quædam ut irascentes dicimus. Ridiculum est autem omne quod aperte fingitur. Stulta reprehendere facillimum est: nam per se sunt ridicula. Sed rem urbanam facit aliqua ex nobis adjectio; Stulte interrogaverat exeuntem de theatro Carpathium Tityus Maximus, *an spectasset*; fecit Carpathius dubitationem ejus stultiorum dicendo, *Non, sed in orchestra pila lusi*. Refutatio cum sit in negando, redarguendo, defendendo, elevando, ridicule negavit Manius Curius. Nam cum ejus accusator, in sipario omnibus locis aut nudum cum in nervo, aut ab amicis redemptum ex alea, pinxisset; *Ergo ego*, inquit, *nunquam vici*. Redarguimus interim aperte, ut Cicero Vibium Curium, multum de annis ætatis suæ mentientem; *Tum ergo cum una declamabamus, non eras natus*. Interim & simulata assensione, ut idem Fabiæ Dolabellæ dicenti triginta se annos habere; *Verum est*, inquit, *nam hoc jam viginti annis audio*. Belle interim subjicitur pro eo quod neges, aliud mordacius, ut Junius Bassus querentē Domitia Passieni quod incusans ejus sordes, *calceos eam veteres diceret vendere solere: non mehercle*, inquit, *hoc unquam dixi, sed dixi, emere te solere*. Defensionem imitatus est eques Romanus, qui objicienti Augusto quod patrimonium comedisset; *Meum*, inquit, *putavi*. Elevandi ratio est du-

A a a

plex

CAP. III. plex, ut aut veniam quis, aut jactantiam minuat: quemadmodum C. Cæsar Pomponio ostendenti vulnus ore exceptum in seditione Sulpitiana, quod ipse se passum pro Cæsare pugnantem gloriabatur; *Nunquam fugiens respexeris*, inquit. Aut crimen objectum, ut Cicero objurgantibus quod sexagenarius Popiliam virginem duxisset; *Cras mulier erit*, inquit. Hoc genus dicti, consequens vocant quidam, atque illi simile, & quo Cicero Curionem semper ab excusatione ætatis incipientem, *facilius quotidie proæmium habere* dixit: quia ista natura sequi & cohærere videantur. Sed elevandi genus est etiam causarum relatio, qua Cicero est usus in Vatinius, qui pedibus æger, cum vellet videri commodioris valetudinis factus, & diceret se jam bina millia passuum ambulare; *Dies enim*, inquit, *longiores sunt*. Et Augustus nunciantibus Tarraconensibus palmam in ara ejus enatam; *Apparet*, inquit, *quam saepe ascendatis*. Transtulit crimen Cassius Severus. Nam cum objurgaretur a prætore, quod advocati ejus L. Varo Epicureo Cæsaris amico convitium fecissent; *Nescio*, inquit, *qui convitati sint*; & *puto Stoicos fuisse*. Repercutiendi multa sunt genera: venustissimum, quod etiam similitudine aliqua verbi adjuvatur: ut Trachalus dicenti Suellio; *Si hoc ita est, is in exilium: si non est ita, redis*, inquit. Elusit Cassius Severus objiciente quodam quod ei domo sua Proculæjus interdixisset, respondendo; *Numquid ego iluc accedo?* Sic eluditur & ridiculum ridiculo: ut divus Augustus, cum ei Galli torquem aureum centum pondo dedissent, & Dolabella per jocum, tentans tamen joci sui eventum, dixisset; *Imperator, torque*

torque me dona. Malo te, inquit, civica donare. Men- CAP. III.
dacium quoque mendacio: ut Galba dicente quo-
dam Victoriato se uno in Sicilia quinque pedes
longam murenam emisse; Nihil, inquit, mirum:
nam ibi tam longa nascuntur, ut iis piscatores pro re-
stibus cingantur. Contraria est neganti confessionis
simulatio, sed ipsa quoque multum habet urbanita-
tis. Sic Afer cum ageret contra libertum Claudii Cæ-
faris, & ex diverso quidam conditionis ejusdem cu-
jus erat litigator, exclamasset; Præterea tu semper in
libertos Caesaris dicis. Nec mehercule, inquit, quic-
quam proficio. Cui vicinum est, non negare quod
objicitur, cum & id palam falsum est, & inde ma-
teria bene respondendi datur: ut Catulus dicenti
Philippo; Quid latras? Furem video, inquit. In se
dicere, non est fere nisi scurrarum, & in oratore
utique minime probabile. Quod fieri totidem mo-
dis, quot in alios, potest. Ideoque hoc, quamvis
frequens sit, transeo. Illud vero etiamsi ridiculum,
indignum tamen est homine liberali, quod aut tur-
piter, aut impotenter dicitur: quod fecisse quen-
dam scio, qui humiliori libere adversus se loquen-
ti; Colaphum, inquit, tibi ducam, & formulam scri-
bam, quod caput durum habeas. Hic enim dubium
est, utrum ridere audientes, an indignari debue-
rint. Superest genus decipiendi opinione, aut dicta
aliter intelligendi, quæ sunt in omni hac materia
vel venustissima. Inopinatum & a laceßente poni
solet: quale est quod refert Cicero; Quid huic ab-
est, nisi res & virtus? Aut illud Afri; Homo in a-
gendis causis optime vestitus. Et in occurrendo: ut Ci-
cero audita falsa Vatinii morte, cum Ovinium li-
A a a 2
bertum

CAP. III. bertum ejus interrogasset; *Reflene omnia?* dicenti, *Reflit Mortuus est?* inquit. Plurimus autem circa simulationem & dissimulationem risus est, quæ sunt vicina, & prope eadem; sed simulatio est certam opinionem animi sui imitantis: dissimulatio, aliena parum se intelligere fingentis. Simulavit Afer, qui cum in causa subinde dicentibus, *Celsinam dicere*, cognovisset quod erat potens foemina; *Quis est*, inquit, *iste?* Celsinam enim videri sibi virum finxit. Dissimulavit Cicero, cum Sex. Annalis testis reum læsisset, & instaret identidem accusator ei; *Dic, M. Tulli, numquid potes de Sexto Annali?* Versus tunc dicere coepit de libro Ennii annali sexto,

Quis potis ingentis causas evolvere belli.

Cui sine dubio frequentissimam dat occasionem ambiguitas: ut Casselio, qui consultori dicenti; *Narem dividere volo; Perdes*, inquit. Sed averti intellectus etiam aliter solet, cum ab asperioribus ad leniora deflectitur: ut qui interrogatus, quid sentiret de eo qui in adulterio deprehensus esset; *Tardum fuisse*, respondit. Ei confine est quod dicitur per suspensionem: quale illud apud Ciceronem, querenti quod uxor sua e ficio sese suspendisset; *Rogo des mihi furculum ex illa arbore, ut inferam*. Intelligitur enim quod non dicitur. Et hercle omnis falsæ dicendi ratio in eo est, ut aliter quam est, rectum verumque dicatur. Quod fit totum fingendis aut nostris aut alienis persuasionibus, aut dicendo quod fieri non potest. Aliena finxit Juba, qui querenti quod ab equo suo esset aspersus; *Quid tu*, inquit, *me Hippocentaurum putas?* Sua C. Cassius, qui militi

liti sine gladio decurrenti ; *Heus , commilito , pugno* CAP. III.
bene uteris , inquit. Et Galba de piscibus , qui cum
 pridie ex parte adest , & versati postero die appo-
 siti essent ; *Festinemus , alii subcanant* , inquit. Ter-
 tium Ciceronis (ut dixi) adversus Curium. fieri e-
 nim certe non poterat , ut declamaret , & natus
 non esset. Est & illa ex ironia fictio , qua usus est
 C. Cæsar. Nam cum testis diceret , a reo foemina
 sua ferro petita , & esset facilis reprehensio cur il-
 lam potissimum partem corporis vulnerare voluif-
 set ; *Quid enim faceres* , inquit , *cum tu galeam & lo-*
ricam haberes ? Vel optima est simulatio , contra si-
 mulantem ; qualis illa Domitii Afri fuit : Vetus ha-
 bebat testamentum , & unus ex amicis recentiori-
 bus sperans aliquid ex mutatione tabularum , fabu-
 lam intulerat , consulens eum , an primipilari seni
 testato suaderet ordinare suprema judicia ; *Noli* , in-
 quit , *facere : offendis illum*. Jucundissima sunt au-
 tem ex his omnibus lenia , & (ut sic dixerim) bo-
 ni stomachi ; ut Afer ingrato litigatori conspectum
 ejus vitanti in foro , per nomenclatorem missum ad
 eum , *Amas me* , inquit , *quod te non vidi* : Et dispen-
 satori , qui cum reliqua non responderent , dicebat
 subinde ; *Non comedi panem , & aquam bibo. Pasce-*
re , & redde quod debes. Quæ ῥήματα vocant. Est
 gratus jocus , qui minus exprobrat quam potest : ut
 idem dicenti candidato ; *Semper domum tuam colui* ,
 cum posset palam negare ; *Credo* , inquit , *& verum*
est. Interim de se dicere , ridiculum est : & quod
 in alium si absentem diceretur , urbanum non esset ,
 quoniam ipsi palam exprobratur , movet risum :
 quale Augusti est , cum ab eo miles nescio quid

CAP. III. improbe peteret, veniret contra Martianus, quem suspicabatur & ipsum aliquid injuste rogaturum; *Non magis*, inquit, *faciam, commilito, qua petis, quam quod Martianus a me petiturus est.* Adjuvant urbanitatem & versus commode positi, seu toti ut sunt: quod adeo facile est, ut Ovidius ex tetra-sticho Macri carmine librum in malos poëtas composuerit; quod fit gratius, si qua etiam ambiguitate conditur: ut Cicero in Accium hominem callidum & versutum, cum is in quadam causa suspectus esset; *Nisi qua Ulysses rate evasis Laërtius.* Seu verbis ex parte mutatis: ut in eum qui cum antea stultissimus esset habitus, post acceptam hereditatem primus sententiam rogabatur; *Cujus hereditas est, quam vocant sapientiam: pro illo, facultas est.* Seu ficti notis versibus similes, quod *παρῶδια* dicitur; & proverbialia opportune aptata: ut homine in aquam lapso, & ut allevaretur roganti; *Tollat se, qui non novit.* Ex historia etiam ducere urbanitatem, eruditum: ut Cicero fecit, cum ei testem in iudicio Verris roganti dixisset Hortensius; *Non intelligo hac anigmata. Atqui debes*, inquit, *cum Sphingem domi habeas.* Acceperat autem ille a Verre Sphingem æneam magnæ pecuniæ. Subabsurda illa constant stultis simili imitatione, & quæ nisi fingantur, stulta sunt: ut qui mirantibus quod humile candelabrum emisisset; *Prætorium eris*, inquit. Sed illa similia absurdis sunt acria, quæ tanquam sine ratione dicta feruntur: ut servus Dolabellæ cum interrogaretur, an dominus ejus auctionem proposuisset; *Domum*, inquit, *vendidit.* Deprehensæ interrim pudorem suum ridiculo aliquo explicant: ut qui

qui testem dicentem se a reo vulneratum, interroga-
 verat an cicatrices haberet : cum ille ingentem in
 femore ostendisset ; *Latus*, inquit, *oportunitus*. 'Con-
 tumeliis quoque uti belle datur: ut Hispo objicien-
 ti elisa tempore crimina accusatori ; *Mentiris*, in-
 quit. Et Fulvius propinquus legato interroganti, an
 in tabulis quas proferebat, chirographus esset ; *Et*
verus, inquit, *domine*. Has aut accepi species, aut
 inveni frequentissimas, ex quibus ridicula ducerentur :
 Sed repetam necesse est infinitas esse tam false
 dicendi quam severe ; quas præstat persona, locus,
 tempus, casus denique, qui est maxime varius.
 Itaque hæc ne omisisse viderer, attigi : illa autem
 quæ de usu ipso & modo jocandi complexus sum,
 adeo infirma, sed plane necessaria. His adjicit
 Domitius Marfus, qui de urbanitate diligentissime
 scripsit, quædam non ridicula, sed cuilibet
 severissimæ orationi convenientia eleganter dicta, &
 proprio quodam lepore jucunda : quæ sunt quidem
 urbana, sed risum tamen non habent. Neque enim
 ei de risu, sed de urbanitate est opus institutum ;
 quam propriam esse nostræ civitatis ait : & fero
 sic intelligi cœptam, postquam *Urbis* appellationem,
 etiamsi nomen proprium non adjiceretur, *Romam*
 tamen accipi sit receptum. Eamque sic finit :
Urbanitas est virtus quadam in breve dictum co-
acta, & apta ad delectandos movendosque homines in
omnem affectum, maxime idonea ad resistendum, vel
laccessendum, prout quaque res ac persona desiderat.
 Cui si brevitas exceptionem detraxeris, omnes o-
 rationis virtutes complexa sit. Nam sic constat re-
 bus & personis ; & quod in utrisque oporteat di-
 cere,

CAP. III. cere, perfectæ eloquentiæ est. Cur autem brevem eam esse voluerit, nescio quidem. At quam in eodem libro dicat fuisse, & in multis narrandi urbanitatem paulo post ita finit, Catonis (ut ait) opinionem sequutus: *Urbanus homo erit, cujus multa bene dicta responsaque erunt: & qui in sermonibus, circulis, conviviiis, item in concionibus, omni denique loco ridicule commodeque dicet. Risus erunt, quicunque hac faciet orator.* Quas si recipimus finitiones, quicquid bene dicetur, & urbane dicti nomen accipiet. Cæterum illi qui hoc proposuerat, consentanea fuit illa divisio, ut dictorum urbanorum alia seria, alia jocosa, alia media faceret. Nam est eadem omnium bene dictorum. Verum mihi etiam jocosa quædam videntur posse non satis urbane referri. Nam meo quidem iudicio, illa est urbanitas, in qua nihil absonum, nihil agreste, nihil inconditum, nihil peregrinum, neque sensu, neque verbis, neque ore gestuve possit deprehendi: ut non tam sit in singulis dictis, quam in toto colore dicendi: qualis apud Græcos ἀττικισμός ille redolens Athenarum proprium saporem. Ne tamen iudicium Marci hominis eruditissimi subtraham, seria partitur in tria genera, honorificum, contumeliosum, medium. Et honorifici ponit exemplum Ciceronis quod pro Ligario apud Cæsarem; *Qui nihil soles oblivisci, nisi injurias*: Et contumeliosi, quod Attico scripsit de Pompejo & Cæsare; *Habeo quem fugiam, quem sequar non habeo*: Et medii, quod ἀποφθυγμάτων vocat, & est cum ita dixit; *Neque gravem mortem accidere forti viro posse, neque immanitatem consulari, neque miseram sapienti.* Quæ omnia sunt optime dicta; sed

sed cur proprie nomen urbanitatis accipiant, non video. quod si non totus (ut mihi videtur) orationis color meretur, sed etiam singulis dictis tribuendum est; illa potius urbana esse dixerim, quæ sunt generis ejusdem, quæ ridicula dicuntur, & tamen ridicula non sunt: ut de Pollione Asinio seriis jocisque pariter accommodato dictum est; *Esse cum omnium horarum*. Et de actore facile dicente ex tempore; *Ingenium cum in numero habere*. Etiam Pompeji quod refert Marfius, in Ciceronem diffidentem partibus; *Transi ad Casarem, me timebis*. Erat enim, si de re minore aut alio animo, aut denique non ab ipso dictum fuisset, quod posset inter ridicula numerari. Etiam illud quod Cicero Cerialiæ scripsit, reddens rationem cur illa C. Cæsaris tempora tam patienter toleraret; *Hæc aut animo Catonis ferenda sunt, aut Ciceronis stomacho*. Stomachus enim ille habet aliquid joco simile. Hæc quæ movebant, dissimulanda mihi non fuerunt: in quibus ut erraverim, legentes tamen non decipi, indicata diversa opinione, quam sequi magis probantibus liberum est.

CAP. III.

ALTERCATIONIS præcepta poterant videri tunc inchoanda, cum omnia quæ ad continuam orationem pertinent, peregissem: nam est usus ejus ordine ultimus: sed cum sit posita in sola inventionem, neque habere dispositionem possit, nec elocutionis ornamenta magnopere desideret, aut circa memoriam & pronunciationem laboret; prius quam secundam quinque partium, hanc quæ tota ex prima pendet, tractaturus non alieno loco videor:

CAP. IV.

B b b

quam

CAP. IV. quam scriptores alii fortasse ideo reliquerunt, quia satis cæteris præceptis, in hanc quoque videbatur esse prospectum. Constat enim aut intentione, aut depulsione; de quibus satis traditum est: quia quicquid in actione perpetua circa probationes utile est, id & in hac brevi atque concisa profit necesse est. Neque alia dicuntur in altercatione, sed aliter, aut interrogando, aut respondendo. Cujus rei fere omnis observatio in illo testium loco excussa nobis est. Tamen quia latius hoc opus aggressi sumus, neque perfectus orator sine hac virtute dici potest, paululum impendamus huic quoque peculiaris operæ; quæ quidem in quibusdam causis ad victoriam vel plurimum valet. Nam ut in qualitate generali, in qua rectene factum quid, an contra sit, quaeritur, perpetua dominatur oratio, & quaestionem finitionis actionis plerumque satis explicat, & omnia pene, in quibus de facto constat, aut conjectura artificiali ratione colligitur: ita in iis causis (quæ sunt frequentissimæ) quæ vel solis extra artem probationibus, vel mixtis continentur, asperrima in hac parte dimicatio est, nec alibi dixeris magis mucrone pugnari. Nam & firmissima quæque memoriarum iudicis inculcanda sunt, & præstandum quicquid in actione promissimus, & refellenda mendacia. Nusquam est denique qui cognoscit, intentior. Nec immerito quidam, quanquam in dicendo mediocres, hac tamen altercandi præstantia meruerunt nomen patronorum. At quidam litigatoribus suis illum modo ambitiosum declamandi sudorem præstitisse contenti, cum turba laudantium destituunt subsellia, pugnamque illam decretoriam imperiis ac se-

et sæpe pullatæ turbæ relinquunt. Itaque videas a- CAP. IV.
~~his~~ plerumque judiciis privatis ad actiones vocari,
 alios ad probationes. Quæ si dividenda sunt offi-
 cia, hoc certe magis necessarium est: pudendum-
 que dictu, si plus litigantibus profunt minores. In
 publicis certe judiciis vox illa præconis, præter
 patronos, ipsum qui egerit, citat. Opus est igitur
 imprimis ingenio veloci ac mobili, animo præsen-
 ti & acri. Non enim cogitandum, sed dicendum
 statim est, & prope sub conatu adversarii, manus
 erigenda. Quare cum in omni parte hujusce officii
 plurimum facit, totas non diligenter modo, sed
 etiam familiariter nosse causas: tum in altercatione
 maxime necessarium est, omnium personarum, in-
~~strumentorum~~strumentorum, temporum, locorum habere noti-
 tiam: alioqui & tacendum est sæpe, & alijs subji-
 cientibus, plerumque autem studio loquendi, fatue,
 modo accedendum: quo nonnunquam accidit ut in
 nostra cruditate, aliena studia erubescamus. Neque
 tantum lis ipsis monitoribus clarescit: quidam faciunt
 aperte quo rixemur. Videas enim plerosque ira per-
 citos exclamantes, ut judex audiat contrarium id
 esse quod admoneatur, sciatque ille qui pronuncia-
 turus est, in causâ malum quod tacetur. Quare
 bonus altercator vitio iracundiæ careat. Nullus e-
 nim rationi magis obstat affectus, & fert extra
 causam, & plerumque deformia convitia facere ac
 mereri cogit, & ipsos nonnunquam judices incitat.
 Melior moderatio, ac nonnunquam etiam patien-
 tia. Neque enim refutanda tantum quæ e contra-
 rio dicuntur, sed contemnenda, elevanda, riden-
 da sunt: nec usquam plus loci reperit urbanitas:

Bbb 2

odium

CAP. IV. odium mordet & pudor : contra turbantes audendum , impudentiæ fortiter resistendum. Sunt enim quidam præduri in hoc oris , ut obstrepant ingenti clamore , & medios sermones intercipient , & omnia tumultu confundant : quos ut non imitari , sic acriter propulsare oportebit : & ipsorum improbitas retundenda : & iudices vel præsidentes magistratus appellandi frequenter , ut loquendi vices serventur. Nam est res animi jacentis , & mollis supra modum frontis , fallitque plerumque , quod probitas vocatur , quæ est imbecillitas. Valet autem in altercatione plurimum acumen : quod sine dubio ex arte non venit. natura enim non docetur : arte tamen adjuvatur. In qua præcipuum est semper id in oculis habere , de quo quæritur , & quod volumus efficere : quia propositum tenentes in rixam non ibimus : nec causæ debita tempora , convitiando conteremus : gaudebimusque si hoc adversarius facit. Omnia tempora fere parata sunt , meditatis diligenter quæ aut ex adverso dici , aut responderi a nobis possint. Nonnunquam tamen solet hoc quoque esse artis genus , ut quædam in actione dissimulata , subito in altercando proferantur : & inopinatis eruptionibus , & ex insidiis citissimo facto simillimum. Id autem tum faciendum , cum est aliquid cui responderi non statim possit ; potuerit autem , si tempus ad disponendum fuisset. Nam quod fideliter firmum est , a primis statim actionibus arripere optimum est , quo sæpius diutiusque dicatur. Illud vix saltem præcipiendum videtur , ne turbidus & clamor tantum sit altercator , & quales fere sunt qui literas nesciunt. Nam improbitas licet adversario molesta

moesta sit, judici inuisa est. Nocet etiam diu pu-
gnare in iis quæ obtinere non possis. Nam ubi vin-
ci necesse est, expedit cedere: quia siue plura sunt
de quibus quæritur, facilius erit in cæteris fides:
siue unum, mitior solet irrogari poena verecundiæ.
Nam culpam præsertim deprehensam pertinaciter
tueri, culpa altera est. Dum stat acies, multi in
rem consilii atque artis est, ut errantem adversa-
rium trahas, & ire quam longissime cogas, ut va-
na interim spe exultet. Ideo quædam bene dissimu-
lantur instrumenta. Instant enim, & sæpe discrimen
omne committunt, quod deesse nobis putant, &
faciunt probationibus nostris auctoritatem postulan-
do. Expedit etiam dare aliquid adversario, quod
pro se putet: quod apprehendens, majus aliquid
cogatur dimittere. Duas interim res proponere,
quarum utramlibet male sit electurus: quod in al-
tercatione sit potentius, quam in actione: quia in
illa nobis ipsi respondemus, in hac adversarium
quasi confessum tenemus. Est inprimis acuti, vide-
re quo iudex dicto moveatur, quid respuat: quod
ex vultu sæpissime, & aliquando etiam dicto ali-
quo factove ejus deprehenditur. Et instare profici-
entibus: & ab iis quæ non adjuvant, quam molli-
sime pedem oportet referre. Faciunt hoc medici
quoque, ut remedia perinde perseverent adhibere,
vel desinant, ut illa recipi vel respui vident. Non-
nunquam si rem evolvere propositam facile non sit,
inferenda est alia quæstio: atque in eam, si fieri
potest, iudex avocandus. Quid enim cum respon-
dere non possis, agendum est, nisi ut aliud inve-
nias, cui adversarius respondere non possit? In ple-
risque

CAP. IV. risque iudex est avocandus, ut dixi: qui circa testes locus personis modo distat, quod hic patronorum inter se certamen, illic pugna inter testem & patronum. Exercitatio vero hujus rei longe facilior. Nam est utilissimum, frequenter cum aliquo qui sit studiorum eorundem, sumere materiam vel veram vel etiam fictam controversiam, & diversas partes altercationis modo tueri: quod idem etiam in simplici genere questionum fieri potest. Ne illud quidem ignorare advocatum volo, quo quaque ordine probatio sit apud iudices proferenda: cujus rei eadem in argumentis ratio est, ut potentissima prima & summa ponantur. Illa enim ad credendum præparant iudicem, hæc ad pronunciandum.

CAP. V. HIS pro nostra facultate tractatis, non dubitarem transire protinus ad dispositionem, quæ ordine ipso sequitur; nisi vererem, ne quoniam fuerunt qui iudicium inventioni subjungerent, præterisset hunc locum quibusdam viderem; qui mea quidem opinione adeo partibus operis hujus omnibus connexus ac mistus est, ut ne a sententiis quidem aut verbis saltem singulis possit separari: nec magis arte traditur, quam gustus aut odor. Ideoque nos quid in quaque re sequendum cavendumque sit, docebimus, ut ad ea iudicium dirigatur. Præcipuum igitur, ne quod effici non potest, aggrediamur; ut contraria vitemus, & communia, ne quid in eloquendo corruptum obscurumque sit, referatur oportet ad sensus, qui non docentur. Nec multum a iudicio credo distare consilium, nisi quod illud ostendentibus se rebus adhibetur, hoc latentibus, &
aut

aut omnino nondum repertis, aut dubiis : & iudicium frequentissime certum est : consilium vero est ratio quædam arte petita, & plerumque plura perpendens & comparans, habensque in se & inventionem, & iudicationem. Sed ne hæc quidem præcepta in universum spectanda sunt : nam ex re sumitur, cui locus ante actionem est frequenter. Nam Cicero summo consilio videtur in Verrem vel contrahere tempora dicendi maluisse, quam in eum annum, quo erat Quinctus Hortensius consul futurus, incidere ; & in ipsis actionibus primum ac potentissimum obtinet locum. Nam quid dicendum, quid tacendum, quid diffidendum sit, exigere, consilii est : negare sit satius, an defendere : ubi proœmio utendum, & quali : narrandumne & quomodo : jure prius pugnandum, an æquo : qui sit ordo utilissimus : tum omnes colores, asperere an leniter, an etiam submisso loqui expediat. Sed hæc quoque ut quisque passus est locus, monuimus : idemque in reliqua parte faciemus. pauca tamen exempli gratia ponam, quibus manifestius appareat quid sit quod demonstrari posse præceptis non arbitror. Laudatur consilium Demosthenis, quod cum suaderet bellum Atheniensibus parum id prospere expertis, nihil adhuc factum esse ratione monstrat : poterat enim emendari negligentia. At si nihil esset erratum, melioris in posterum spei non erat ratio. Idem cum offensam vereretur si objurgaret populi segnitiam, in asserenda libertate reipublicæ, majorum laude uti maluit, qui eam fortissime administrassent. Nam & faciles habuit aures, & natura sequebatur, ut meliõra probantes pejo-
rum

CAP. V. rum poeniteret. Ciceronis quidem vel una pro Cluentio quamlibet multis exemplis suffecerit oratio. Nam quod in eo consilium maxime mirer? primamne expositionem, qua matri, cujus filium promebat auctoritas, abstulit fidem? an quod idem corrupti iudicii crimen transferre in adversarium maluit, quam negare propter inveteratam (ut ipse dicit) infamiam? An quod in re invidiosa, legis auxilio novissime est usus? quò genere defensionis etiam offendisset nondum præmolliatas iudicum mentes: an quod seipsum invito Cluentio facere testatus est? Quid pro Milone? quod non ante narravit, quam præiudiciis omnibus reum liberaret? quod insidiarum invidiam in Clodium vertit: & quamquam fevera fuerat pugna fortuita: quod factum & laudavit: & tamen voluntatem Milonis removit? quod illi preces non dedit, & in eorum locum ipse successit? Infinitum est enumerare, ut Cottæ detraxerit auctoritatem: ut pro Ligario se opposuerit: Cornelium ipsa confessionis fiducia eripuerit. Illud dicere satis habeo, nihil esse non modo in orando, sed in omni vita, prius consilio: frustra que sine eo tradi cæteras artes: plusque vel sine doctrina prudentiam, quam sine prudentia facere doctrinam. Aptare etiam orationem locis, temporibus, personis, esse ejusdem virtutis. Sed hic quia latius factus est locus, mixtusque cum elocutione, tractabitur cum præcipere de apte dicendo cœperimus.

M. FABII QUINCTILIANI

D E

Institutione Oratoria

LIBER VII.

DE inventione (ut arbitror) satis dictum est. Neque enim ea demum quæ ad docendum pertinent , executi sumus, verum etiam motus animorum tractavimus. Sed ut opera extruendis satis non est, saxa atque materiam, & cætera ædificanti utilia congerere, nisi disponendis iis collocandisque artificum manus adhibeatur: sic in dicendo quamlibet abundans rerum cōpia, cumulum tantum habeat atque congestum, nisi illas eadem dispositio in ordinem digestas, atque inter se commissas devinxerit. Nec immerito secunda quinque partium posita est, cum sine ea prior nihil valeat. Neque enim, quanquam fufis omnibus membris, statua sit, nisi collocetur: & si quam in corporibus nostris aliorumve animalium partem permutes atque transferas, licet habeat eadem omnia, prodigium sit tamen. Et artus etiam leviter loco moti, perdunt quo viguerunt usum: & turbati exercitus sibi ipsi sunt impedimento. Nec mihi videntur

Ccc

errare,

errare, qui ipsam veram naturam stare ordine præstant; quo confuso, peritura sint omnia. Sic oratio carens hac virtute tumultuetur necesse est, & sine rectore fluitet, nec cohæreat sibi: multa repetat, multa transeat, velut nocte in ignotis locis errans: nec initio nec fine proposito, casum potius quam consilium sequatur. Quapropter totus hic liber serviat dispositioni, quæ quidem si certa aliqua via tradi in omnes materias ullo modo posset, non tam paucis contigisset. Sed cum infinitæ litium formæ fuerint, futuræque sint: & tot sæculis nulla reperta sit causa quæ esset tota alteri similis, sapiat oportet actor, & vigilet, & inveniat, & judicet, & consilium a seipso petat. Neque incicias eo quædam esse quæ demonstrari possint, eaque non omittam.

CAP. I.

SIT igitur (ut supra significavi) divisio, rerum plurium in singulas partitio, singularum in partes discretus ordo, & recta quædam locatio prioribus sequentia annectens: dispositio, utilis rerum ac partium in locos distributio. Sed meminerimus ipsam dispositionem plerumque utilitate mutari, nec eandem semper primam quæstionem ex utraque parte tractandam. Cujus rei ut cætera exempla præteream, Demosthenes quoque atque Æschines possunt esse documento, in judicio Ctesiphontis diversum secuti ordinem; cum accusator a jure, quo videbatur potentior, cœperit: patronus contra omnia, vel pene omnia ante jus posuerit, quibus judicem quæstioni legum præpararet. Aliud enim alio decere prius expedit: alioqui semper petitoris arbitrio diceretur: denique in accusatione mutua, cum se uterque defendat

fundat priusquam adversarium arguat, omnium rerum necesse est ordinem esse diversum. Igitur quid ego sim secutus, quod partim præceptis, partim usurpatum ratione cognoveram, promam: nec unquam dissimulavi. Erat mihi curæ in controversiis forensibus, nosse omnia quæ in causa versarentur. Nam in scola certa sunt, & pauca, & ante declarationem exponuntur, quæ *Siquara* Græci vocant, Cicero proposita. Cum hæc in conspectu quodammodo collocaveram, non minus pro adversa parte, quam pro mea cogitabam. Et primum (quod non difficile dictum est, sed tamen ante omnia intuendum) constituere, quid utraq; pars vellet efficere, tum per quid. Hoc modo cogitabam quid primum petitor diceret: Id aut confessum erat, aut controversum. Si confessum, non poterat ibi esse quaestio. Transibam ergo ad responsum partis alterius; idem intuebar: nonnumquam etiam quod inde obtinebatur, confessum erat. Ubi primum coeperat non convenire, quaestio oriebatur. Id tale est, *Occidisti hominem, occidi*: convenit: transeo. Rationem reddere debet reus quare occiderit. *Adulterum*, inquit, *cum adultera occidere licet*; legem esse certum est. Tertium jam aliquid videndum est, in quo pugna consistat. *Non fuerunt adulteri*: *fuerunt*: quaestio. de facto ambigitur, conjectura est. Interim vero & tertium confessum est, adulteros fuisse: *sed tibi*, inquit accusator, *illos non licuit occidere*: *exul enim eras, & ignominiosus*: de jure quaeritur. At si protinus dicenti; *Occidisti*: respondeatur; *Non occidi*: statim pugna est. Sic explorandum est, ubi controversia incipiat, & considerari debet quæ primam quaestio-

Ccc 2

onem

CAP. I. onem facit. Intentio simplex ; *Occidit Saturninus Rabirius* : conjuncta ; *Lege de sicariis commissis L. Varenus*. Nam C. Varenus occidendo , & Ca. vulnerando , & Salarium item occidendo , cadit. Nam sic diversæ propositiones erunt. quod idem de petitionibus dictum sit. Verum ex conjuncta propositione plures esse quæstiones ac status possunt , si aliud negat reus , aliud defendit , aliud jure actionis excludit. In quo genere agenti est dispiciendum , quid quoque loco diluat. Quod pertinet ad actorem , non plane dissentio a Celso , qui sine dubio Ciceronem est secutus. Instat tamen huic parti vehementius , ut putet primo firmum aliquid esse ponendum , summo firmissimum , imbecilliora medio : quia & initio movendus sit iudex , & summo impellendus. At pro reo plerumque gravissimum quicque primum movendum est , ne illud spectans , iudex reliquorum defensionis sit averfior. Interim tamen & hoc mutabitur , si leviora illa palam falsa erunt , gravissimi defensio difficilior : ut detracta prius accusatoribus fide , aggrediamur ultimum , jam iudicibus omnia vana esse credentibus. Opus erit tamen præfatione , qua & ratio reddatur dilati criminis , & promittatur defensio : ne id quod non statim diluamus , timere videamur. Anteaactæ vitæ crimina plerumque prima purganda sunt , ut id de quo laturus est sententiam iudex , audire propitius incipiat. Sed hoc quoque pro Vareno Cicero in ultimum distulit ; non quid frequentissime , sed quid tum expediret , intuitus. Cum simplex intentio erit , videndum est an unum aliquid respondeamus , an plura. Si unum , in re quæstionem instituiamus , an
in

in scripto. Si in re ; negandum sit quod obijcitur, CAP. I
an tuendum. Si in scripto ; in qua specie juris pugna sit, & in ea de verbis, an de voluntate quærat-
tur. Id ita consequemur, si intuiti fuerimus quæ sit
lex quæ litem faciat, hoc est, qua judicium sit con-
stitutum. Nam quædam in scolasticis ponuntur ad
conjungendam modo actæ rei seriem, ut ; *Pater ex-*
positum qui agnoverit, solutis alimentis recipiat. Mi-
nus dicto audientem filium liceat abdicare. Qui exposi-
tum recipit, imperat ei nuptias locupletis propin-
qui, ille ducere vult filiam pauperis educatoris. Lex
de expositis ad affectum pertinet ; judicium pendet
ex lege abdicationis. Nec tamen semper ex una le-
ge quæstio est, ut in ἀντινομία. His spectatis appa-
rebit circa quæ pugna sit. Conjuncta defensio est,
qualis pro Rabirio : *Si occidisset, recte fecisset : sed*
non occidit. Ubi vero multa contra unam proposi-
tionem dicimus, cogitandum est primum quicquid
dici potest : tum ex his quo quicque loco dici ex-
pediat, ordinandum. In quo non idem sentio quod
de propositionibus paulo ante, quodque de argu-
mentis probationum loco concessi, aliquando nos
incipere a firmioribus. Nam vis quæstionum sem-
per crescere debet, & ad potentissima ab infirmis-
simis pervenire, sive sunt ejusdem generis, sive di-
versi. Juris autem quæstiones solent esse nonnun-
quam ex aliis atque aliis confictionibus : facti sem-
per idem spectant : in utroque genere similis ordo
est. Sed prius de dissimilibus, ex quibus infirmissi-
mum quidque primum tractari oportet. Ideoque
quasdam quæstiones executi, donare solemus, & con-
cedere. Neque enim transire ad alias possumus, nisi

CAP. I. omiſſis prioribus. Quod ipſum ita fieri oportet, non ut damnaffe eas videamur, ſed omiſſiſſe, quia poſſimus etiam ſine eis vincere. Procurator alicujus pecuniam petit ex ſœnore hæreditario: poteſt incidere quæſtio, an huic eſſe procuratorem liceat. Fin-ge, nos poſtquam tractavimus, remittere, vel etiam convinci: quæretur; an ei cujus nomine litigatur procuratorem habendi ſit juſ. Diſcedamus hinc quoque, recipit materia quæſtionem; an ille cujus nomine agitur, hæres ſit ſœneratoris, an ex aſſe hæres. Hæc quoque conceſſa ſint, quæretur, an debeat. Contra, nemo tam demens fuerit, ut id quod firmiſſimum duxerit ſe habere, remittat, & ad leviora tranſcendat. Huic in ſcola ſimile eſt; *Non abdicabis adoptatum: ut hunc quoque; non virum fortem: ut & fortem; non quicumque voluntati tuae non paruerit: & ut in alia omnia ſubjectus ſi; non propter opſionem: & ut propter opſionem; non propter talem opſionem.* Hæc juris quæſtionum differentia eſt. In factis autem ad idem tendentia ſunt plura: ex quibus aliqua citra ſummam quæſtionem remitti ſolent: ut ſi is cum quo furti agitur, dicat; *Proba te habuiſſe, proba te perdiſſe, proba te furto perdiſſe, proba te mea fraude.* Priora enim remitti poſſunt: ultimum non poteſt. Solebam & hoc facere præcipue, ut vel ab ultima ſpecie (nam ea ſere eſt quæ continet cauſam) retrorſum quærerem uſque ad primam generalem quæſtionem, vel a genere ad extremam ſpeciem deſcenderem, etiam in ſuaſoriis: ut; deliberat Numa, an regnum offerentibus Romanis recipiat. Primum id eſt genus, an regnandum, an in civitate aliena, an Romæ, an
laturi

laturi sint Romani talem regem. Similiter & in controversiis. Optet enim vir fortis alienam uxorem. Generale est, an quicquid optaverit, accipere debeat: inde an ex privato; an nuptias; an maritum habentem. Sed hoc non quemadmodum dicitur, ita & quaeritur. Primum enim occurrit ferre, quod est ultimum dicendum, ut hoc; *Non debes alienam uxorem optare*. Ideoque divisionem perdit festinatio. Non oportet igitur offerentibus se contentum esse: quaeratur aliquid quod est ultra; *si ne viduam quidem*: adhuc plus; *si nihil ex privato*: ultimum retrorsum, quod idem a capite primum est; *si nihil iniquum*. Itaque propositione visa, quod est facillimum, cogitemus si fieri potest, quid naturale sit primum responderi. Id si tanquam res agatur, & nobis ipsis respondendi necessitas sit, intueri voluerimus, occurrit. Si id non contigerit, seponamus id quod primum se obtulerit, & ipsi nobiscum sic loquamur: *Quid si hoc non esset?* id iterum, & tertium, & dum nihil sit reliqui. Ita inferiora quoque scrutabimur, quae tractata faciliorem nobis judicem in summa quaestione facient. Non dissimile huic est & illud praecipuum, ut a communibus ad propria veniamus. Fere enim communia generalia sunt. Commune est; *Tyrannum occidit*: proprium; *virum tamen tyrannum occidit, mulier occidit, uxor occidit*. Solebam & excerpere quid mihi cum adversario conveniret, si modo id proprie erat: nec solum premere confessionem, sed partiendo multiplicare: ut in illa controversia; Dux qui competitorem patrem in suffragiis vicerat, captus est: euntes ad redimendum legati, obvium habue-

CAP. I. habuerunt patrem revertentem ab hostibus : is legatis dixit ; *Sero itis.* Excusserunt illi patrem, & aurum in sinu ejus invenerunt : ipsi perseverarunt ire quo intenderant : invenerunt ducem crucifixum, cujus vox fuit ; *Cavete proditorem.* Reus est pater. Quæ conveniunt ? *Proditio nobis prodita est, & prodita a duce, quarimus proditorem. te isse ad hostes fateris, & isse clam, & ab his incolumem redisse, aurum resulisse, & aurum occultum habuisse.* Nam quod fecit, id nonnunquam potentius fit in propositione : quæ si animos occuparit, prope aures ipsi defensionis præcluduntur. In totum autem congregatio criminum accusantem adjuvat, separatio defendentem. Solebam, id quod fieri & in argumentis dixi, in tota facere materia, ut propositis extra quæ nihil esset, omnibus, deinde cæteris remotis, solum id superesset quod credi volebam : ut in prævaricationum criminibus, ut absolvatur reus, aut innocentia ipsius fit, aut interveniente aliqua potestate, aut vi, aut corrupto judicio, aut difficultate probationis, aut prævaricatione. *Nocentem fuisse confiteris, nulla potestas obstitit, nulla vis, corruptum judicium non quæreris, nulla probandi difficultas fuit : quid superest, nisi ut prævaricatio fuerit ?* Si omnia amoliri non poteram, tamen plura amoliebar. Hominem occisum esse constat, non in solitudine, ut a latronibus suspiceret : non prædæ gratia, quia inspoliatus est : non hereditatis spe, quia pauper fuit. odium igitur in causa : quis inimicus ? Quæ res autem faciliorem divisioni viam præstat, eadem inventioni quoque excutere quicquid dicitur, potest, & velut rejectione facta ad optimum pervenire. Accusatur Milo quod

Clo-

Clodium occiderit : aut fecit , aut non. Optimum erat negare : si non potest ; occidit ergo aut jure , aut injuria. Utique jure : aut voluntate igitur , aut necessitate. Nam ignorantia prætendi non potest. Voluntas anceps est. Sed quia ita homines putant , adjungenda defensio , ut id pro Republica fuerit. Necessitate ; subita igitur pugna , non præparata : alter igitur insidiatus est. Uter ? profecto Clodius. Videsne ut ipsa rerum necessitas diducat ad defensionem ? Adhuc ; Aut utique voluit occidere insidiatorem Clodium , aut non. Tutius si noluit. Fecerunt ergo servi Milonis , neque jubente neque sciente Milone. At hæc tam timida defensio detrahit auctoritatem illi , qua recte dicebamus occisum. Adjicietur ; quid suos quisque servos in tali re facere voluisset. Hoc eo est utilius , quod sæpe nihil placet , & aliquid dicendum est. Intueamur ergo omnia : ita apparebit aut id quod optimum est , aut id quod minime malum. Propositione aliquando adversarii utendum : & esse nonnunquam communem eam , suo loco dictum est. Multis millibus versuum scio apud quosdam esse quæsitum , quomodo inveniremus , utra pars deberet prior dicere : quod in foro vel atrocitate formularum , vel modo petitionum , vel novissime sorte adjudicatur. In scola quæri nihil attinet , cum in declamationibus iisdem narrare , & contradictionesolvere , non tam ab actore quam a defensore concessum sit. Sed in plurimis controversiis ne inveniri quidem potest : ut in illâ : Qui tres liberos habebat , oratorem , philosophum , medicum , testamento quatuor partes fecit , & singulas singulis dedit : unam ejus esse voluit , qui

D d d

esset

CAP. I. esset utilissimus civitati. Contendunt : quis primus dicat , incertum est ; propositio tamen certa. Ab eo enim cujus personam tuebimur , incipiendum erit. Et hæc quidem de dividendo in universum præcipi possunt. At quomodo inveniemus etiam illas occultiores quæstiones ? scilicet quomodo sententias , verba , figuras , colores , ingenio , cura , exercitatione. non tamen fere unquam nisi imprudentem fugerint , si (ut dixi) naturam sequi ducem velit. Sed plerique eloquentiæ famam affectantes , contenti sunt locis , speciosis modo , vel nihil ad probationem conferentibus. Alii nihil invita re , ea quæ in oculos incurrunt , exquirenda putant. Quod quo facilius appareat , unam de scholæ controversiam , non ita sane difficilem aut novam proponam in exemplum: *Qui reo proditiōis patri non affuerit , exhæres sit. Proditionis damnatus , cum advocato exulet.* Reo proditiōis patri disertus filius affuit , rusticus non affuit : damnatus abiit cum advocato in exilium. Rusticus cum fortiter fecisset , præmii nomine impetravit restitutionem patris , & fratris. Pater reversus intestatus decessit : petit rusticus partem bonorum , orator totum sibi vendicat. Hic illi eloquentes , quibusque nos , circa lites paratas sollicitiores , ridiculi videmur , invadent personas favorabiles. Actio pro rustico contra disertum , pro viro forti contra imbellem , pro restitutore contra ingratum , pro eo qui parte contentus sit , contra eum qui fratri nihil dare ex paternis velit. Quæ omnia sunt in materia , & multum juvant , victoriam tamen non tradunt. In hac quærentur sententiæ , si fieri poterit , præcipites , vel obscuræ. Nam ea nunc virtus est ;
& pul-

& pulchre fuerit cum materia tumultu & clamore tranſactum. Illi vero quibus propoſitum quidem melius, ſed cura in proximo eſt; hæc velut innatantia videbunt, excuſatum eſſe ruſticum, qui non interfuerit iudicio, nihil collaturus patri: ſed ne diſertum quidem habere quod imputet reo, cum is damnatus ſit: dignum eſſe hæreditate reſtitutorem: avarum, impium, ingratum, qui dividere nolit cum fratre, eoque ſic merito. Quæſtionem quoque illam primam ſcripti & voluntatis, qua non expugnata, non ſit ſequentibus locus. At qui naturam ſequetur, illa cogitabit profeſto: primo, hoc dicturum ruſticum; *Pater inſeſtatus duos nos filios reliquit, partem jure gentium peto.* Quis tam imperitus, quis tam procul a literis, quin ſic incipiat, etiãſi neſcierit quid ſit propoſitio? Hanc communem omnium legem leviter adornabit; ut juſtam nempe: ſequetur, ut quæramus, quid huic tam æquæ poſtulationi reſpondeatur. At id manifeſtum eſt. *Lex eſt qua jubet exhæredem eſſe eum, qui patri proditionis reo non affuerit: tu autem non affuiſti.* Hanc propoſitionem neceſſario ſequitur legis laudatio, & ejus qui non affuerit, vituperatio. Adhuc verſamur in confeſſis: redeat animus ad petitozem: numquid non hoc cogitet neceſſe eſt, niſi qui ſit plane hebes? Si lex obſtat, nulla lis eſt, inane iudicium eſt: atqui & legem eſſe, & hoc quod ea puniat, a ruſtico factum, extra dubitationem eſt. Quid ergo dicemus? *Ruſticus eram.* Sed lex erat; omnes complectitur: nihil proderit. Quæramus ergo, num infirmari in aliqua parte lex poſſit. Quid aliud (ſæpius dicam) natura permittit, quam ut cum

D d d 2

verba

CAP. I. verba contra sint, de voluntate quærat? Generalis igitur quæstio; verbis, an voluntate sit standum. Sed enim in commune de jure omni disputandum semper, nec unquam satis judicatum est. Quærendum igitur in hac ipsa qua consistimus, an aliquid inveniri possit quod scripto adversetur. Ergo quisquis non affuerit, exhæres erit? quisquis, sine exceptione? Jam se illa vel ultro offerent argumenta; Filius infans & æger non affuit, & qui aberat, & qui militabat, & qui in legatione erat. Jam multum acti est: possit aliquis non affuisse, & hæres esse. Transeat nunc idem ille qui cogitavit, ut ait Cicero, tibicinis Latini modo ad disertum. *Ut ista concedam; tu nec infans es, nec æger eras, nec abfuisti, nec militasti, nec in legatione fuisti.* Num aliud occurrit quam illud; *Sed rusticus sum?* Contra, quod palam est, dicet: *Ut agere non potueris, assidere potuisti.* & verum est. quare redeundum rustico ad animum legumlatoris; *Impietatem punire voluit, ego autem impius non sum.* Contra quæ disertus; *Tum impie fecisti,* inquit, *cum exhæredationem meruisti: licet te postea vel pænitentia vel ambitus ad hoc genus optionis adduxeris.* Præterea propter te damnatus est pater. *Videbaris enim de causa pronuntiasse.* Ad hæc rusticus; *Tu vero causa damnationis fuisti: multos offenderas: inimicitias domni contraxeras.* Hæc conjecturalia. Illud quoque quod coloris loco rusticus dicit; *patris fuisse consilium, ne universam domum periculo subjeceret.* Hæc prima quæstione scripti & voluntatis continentur. Intendamus ultra animum, videamusque an aliquid inveniri præterea possit quo id modo fiat. Sedulo imitor quærentem,

tēm ; ut quærere doceam , & omisso speciosiore illo genere , ad utilitatem me summitto discientium. Omnes adhuc quæstiones ex persona petitoris ipsius duximus : cur non aliquid circa patrem quærimus ? dictum nempe est ; *Cui quis non affuerit , exhaeres eris*. Cur non conamur & hic quærere , num cuicunque quis non affuerit ? Facimus hoc sæpe in iis controversiis , in quibus petuntur in vincula qui parentes suos non alunt ; an eum qui testimonium in filium peregrinitatis reum dixit ? an eum qui filium lenoni vendidit ? In hoc de quo loquimur patre , quid apprehendi potest ? Damnatus est. Numquid igitur lex ad absolutos tantum patres pertinet ? dura prima fronte quæstio. Non desperemus ; credibile est hoc voluisse legumlatorem , ne auxilia liberorum innocentibus deessent. Sed hoc dicere rustico verendum est , quia innocentem fuisse patrem fatetur. Dat aliud argumentum controversiæ ; *Damnatus proditoris cum advocato exulet*. Vix videtur posse fieri , ut poena filio eadem , patri & si affuerit , & si non affuerit , constituta sit. Præterea lex ad exules nulla pertinet. Non ergo credibile est , non advocato damnati scriptum : An possint enim bona esse ulla exulis ? rusticus in utraque parte dubium facit. Difertus & verbis inhærebit , in quibus nulla exceptio est ; & propter hoc ipsum poenam esse constitutam eis qui non affuerint , ne periculo exilii deterreantur ab advocacy ; & rusticum innocenti non affuisse dicet. Illud protinus non indignum quod annotetur , posse ex uno statu duas generales fieri quæstiones ; an quisquis , an cuicunque. Hæc ex duabus personis quæsita sunt. E tertia autem , quæ

Ddd 3

est

CAP. I. est adversarii, nulla oriri quaestio potest; quia nulla fit ei de sua parte controversia. Nondum tamen cura deficiat. Ista enim omnia dici possent, etiam non restituto patre. Nec statim eo tendamus, quod occurrit ultro; A rustico restitutum. Qui id subtiliter quaeret, aliquid spectabit ultra. Nam ut genus speciem sequitur, ita speciem genus praecedit. Fingamus ergo ab alio restitutum, ratiocinativa atque collectiva quaestio orietur; an restitutio pro sublatione iudicii sit, & perinde valeat, ac si iudicium non fuisset. Ubi tentabit rusticus dicere, ne impetrare quidem aliter potuisse suorum restitutionem uno praemio, nisi patre perinde ac si accusatus non esset, revocato: quae res advocati quoque poenam, tanquam is non affuisset, remiserit. Tum veniemus ad id quod primum occurrebat; A rustico restitutum esse patrem. Ubi rursus ratiocinamur; An restitutor accipi debeat pro advocato, quum id praestiterit, quod advocatus petiit; nec improbum sit pro simili accipi, quod plus est. Reliqua jam aequitatis sunt, utrius iustius sit desiderium. Id ipsum adhuc dividitur, etiamsi uterque sibi totum vendicaret, nunc utique, cum alter semissem, alter universa, fratre excluso. Sed his tractatis, etiam magnum momentum habet apud iudices, patris memoria, cum praesertim de bonis ejus quaeratur. Erit ergo conjectura, qua mente patet intestatus decesserit. Sed ea pertinet ad qualitatem; quae alterius status instrumentum est. Plerumque autem in fine causarum de aequitate tractabitur, quia nihil libentius iudices audiunt: aliquando tamen hunc ordinem mutabit utilitas; ut, si
in ju-

in jure minus fiducia erit , æquitate judicem præparemus. Nihil habui amplius quod in universum præciperem. Nunc eamus per singulas causarum judicialium partes , quas ut persequi ad ultimam speciem , id est , ad singulas lites controversiasque non possum ; ita de generalibus scribere licet , ut quæ in quemque statum frequentissime incidunt , tradam. Et quia natura prima quæstio est , factumne sit ; ab hac ordiar.

CAP. I.

CONJECTURA omnis , aut de re , aut de animo est. Utriusque tria tempora , præteritum , præsens , futurum. De re & generales quæstiones sunt , & definitæ , id est , & quæ non continentur , & quæ continentur. De animo quæri non potest , nisi ubi persona est , & de facto constat. Ergo cum de re agitur , aut quid factum sit , in dubium venit , aut quid fiat , aut quid sit futurum : ut in generalibus ; An atomorum concursu mundus sit effectus : an providentia regatur : an sit aliquando casurus. In definitis ; An parricidium commiserit Roscius : an regnum affectet Manlius : an recte Verrem sit accusaturus Q. Cæcilius. In judiciis præteritum tempus maxime valet. Nemo enim accusat nisi quæ facta sunt. Nam & quæ fiant , & quæ futura sint , ex præteritis colliguntur. Quæritur & unde quid ortum : ut pestilentia , ira deum , an intemperie cœli , an corruptis aquis , an noxio terræ halitu. Et quæ causa facti : ut quare ad Trojam quinquaginta reges navigaverint , jurejurando adacti , an exemplo moti , an gratificantes Atridis. quæ duo genera non multum inter se distant. Ea vero quæ

CAP. II. quæ sunt præsentis temporis, si non argumentis, quæ necesse est præcessisse, sed oculis deprehendenda sunt, non egent conjectura: ut si apud Lacedæmonios quæratur; an Athenis muri fiant. Sed & illud potest videri extra hoc propositum conjecturæ genus, cum de aliquo homine quæritur quis sit: ut est quæsitum contra Urbinæ hæredes; si is qui tanquam filius petebat bona, Clusinius Figulus esset, an Sosipater: nam & substantia ejus sub oculos venit, ut non possit quæri, an sit; quomodo, an ultra oceanum: nec quid sit, nec quale sit, sed an quid sit. Verum hoc quoque genus litis ex præterito pendet; an hic sit ex Urbinia natus Clusinius Figulus? Fuerunt autem tales etiam nostris temporibus controversiæ, atque aliquæ in meum quoque patrocinium inciderunt. Animi conjectura non dubie in omnia tempora cadit; Qua mente Ligarius in Africa fuerit: Qua mente Pyrrhus foedus petat. Quomodo laturus sit Cæsar si Ptolemæus Pompeium occiderit. Quæritur per conjecturam & quantitas & qualitas circa modum, speciem, numerum; An sol major quam terra. Luna globosa, an plana, an acuta. Unus mundus, an plures. Itemque extra naturales quæstiones: Majus bellum Trojanum, an Peloponnesiacum: Qualis clypeus Achillis: An annus Hercules. In iis autem quæ accusatione ac defensione constant, unum est genus in quo quæritur & de facto, & de auctore. Quod interim conjunctam quæstionem habet, & utrumque pariter negatur: interim separatam, cum & sit factum, necne; & si de facto constet, a quo factum sit, ambigitur. Ipsum quoque factum aliquando simplicem quæstio-

quæstionem habet, an homo perierit: aliquando CAP. II.
 duplicem, veneno an cruditate perierit. Alterum
 est genus de facto tantum, cum si id certum sit,
 non potest de auctore dubitari. Tertium de aucto-
 re tantum, cum factum constat, sed a quo factum
 sit, in controversiam venit. Et quod tertio loco po-
 sui, non est simplex. Aut enim reus fecisse tantum-
 modo se negat, aut alium fecisse dicit. Sed ne in
 alterum quidem transferendi criminis una forma est.
 Interdum enim substituitur mutua accusatio, quam
 Græci ἀντικατηγορίαν vocant, nostrorum quidam
 concertativam. Interdum in aliquam personam, quæ
 extra discrimen iudicii est, transfertur, & alias cer-
 tam, alias incertam. Et cum in certam, aut in ex-
 traneam, invitam, aut in ipsius qui periit voluntatem.
 In quibus similis atque in ἀντικατηγορία, personarum,
 causarum, cæterorum comparatio est: ut Cicero
 pro Vareno in familiam Ancharianam; pro Scauro
 circa mortem Bostaris, in matrem avertens crimen,
 facit. Est etiam illud huic contrarium comparatio-
 nis genus, in quo uterque a se factum esse dicit:
 & illud in quo non personæ inter se, sed ipsæ res
 colliduntur, id est, non uter fecerit, sed utrum
 factum sit. Cum de facto & de auctore constat, de
 animo quæri potest. Nunc de singulis. Cum pari-
 ter utrumque negatur, hoc modo: *Adulterium non*
commisi. Tyrannidem non affectavi. In cædis ac ve-
 neficii causis frequens est illa divisio; *Non est factum:*
& si est factum, ego non feci. Sed cum dicimus;
Proba hominem occisum; accusatoris tantum partes
 sunt: a reo nihil dici contra, præter aliquas for-
 tasse suspensiones potest, quas spargere quam maxi-

Ecc

me va-

CAP. II. rie oportebit: quia si unum aliquid affirmaris, probandum est, aut causa periclitandum. Nam ut cum inter id quod ab adversario, & id quod a nobis propositum est, quæritur, videtur utique alterum verum: ita ex adverso quoque defendere reliquum est, quo premimur. At cum quærimus de ambiguis signis cruditatis & veneni, nihil tertium est: ideoque utraque pars quod proposuit, tuetur. Interim autem ex re quæritur, veneficium fuerit, an cruditas, cum aliqua ex ipsa, circa personam quoque, argumenta ducuntur. Refert enim, convivium præcesserit, an tristitia: labor, an ocium: vigilia, an quies. Ætas quoque ejus qui periit, discrimen facit. Interest, subito defecerit, an longiore valetudine consumptus sit. Liberior adhuc in utramque partem disputatio, si tantum subita mors in quæstionem venit. Interim ex persona probatio rei petitur, ut propterea credibile sit venenum fuisse, quia credibile est ab hoc factum veneficium: vel contra. Cum vero de reo & de facto quæritur, naturalis ordo est ut prius factum esse accusator probet, deinde a reo factum. Si tamen plures in persona probationes habuerit, convertet hunc ordinem. Defensor autem prius negabit esse factum: quia si in hac parte vicerit, reliqua non necesse habet dicere: victo superest ut tueri se possit. Illic quoque ubi de facto tantum controversia est, quod si probetur, non possit de auctore dubitari; similiter argumenta & ex persona, & ex re ducuntur, sed in unam facti quæstionem: sicut in illa controversia; (utendum est enim & his exemplis, quæ sunt discuntibus magis familiaria:) Abdicatus medicinæ studuit; cum pater ejus ægrota-

agrotaret, desperantibus de eo ceteris medicis, adhibitus, sanaturum se dixit, si is potionem a se datam bibisset: Pater acceptæ potionis epota parte, dixit, venenum sibi datum: filius quod reliquum erat, exhaustit: pater decessit: ille parricidii reus est. Manifestum est quis potionem dederit, nulla quæstio de auctore: tantum an venenum fuerit, ex argumentis a persona ductis colligetur. Superest tertium, in quo factum esse constat aliquid: a quo sit factum, quæritur. Cujus rei supervacuum est ponere exemplum, cum plurima sint hujusmodi judicia, ut hominem occisum esse manifestum sit, vel sacrilegium commissum; is autem qui arguitur, neget: ex hoc nascitur *ἀντιμαρτυροῦσα*. Utique hoc factum esse convenit, quod duo invicem obijciunt. In quo quidem genere causarum admonet Celsus, fieri id in foro non posse: quod neminem ignorare arbitror. De uno enim reo consilium cogitur: & si qui sunt qui invicem accusent, alterum iudicium proferre necesse est. Apollodorus quoque *ἀντιμαρτυροῦσαν* duas esse controversias dixit: & sunt revera secundum forense jus duæ lites. Potest tamen hoc genus in cognitionem venire senatus, aut principis. Sed in iudicio quoque nihil interest actionum, utrum simul de utroque pronunciatur, an de uno seorsum. Quo in genere semper prior debet esse defensio: Primum, quia natura potior est salus nostra, quam adversarii perniciēs. Deinde, quod plus habebimus in accusatione auctoritatis, si prius de innocentia nostra constiterit. Postremum, quod ita demum duplex causa erit. Nam qui dicit, ego non occidi, habet reliquam partem, ut dicat;

E c c 2

tu oc-

CAP. II. tu occidisti. At qui dicit, tu occidisti, supervacuum habet postea dicere; ego non occidi. Haec porro actiones constant comparatione: ipsa comparatio non una via ducitur. Aut enim totam causam nostram cum tota adversarii causa componimus, aut singula argumenta cum singulis. Quorum utrum sit faciendum, non potest nisi ex ipsius litis utilitate cognosci: ut Cicero singula pro Vareno comparat in primo crimine. Est enim superior, cum persona alieni cum persona matris temere comparetur. Quare optimum est, si fieri potuerit, ut singula vincantur a singulis. Sed si quando in partibus laborabimus, universitate pugnandum est: sive invicem accusant, sive crimen reus contra accusationem in adversarium vertit: ut Roscius in accusatores suos, quamvis reos non fecisset: sive in ipsos quos sua manu periisse dicemus, factum deflectitur: non aliter quam in iis quæ mutuam accusationem habent, utriusque partis argumenta inter se comparantur. Id autem genus, de quo novissime dixi, non solum in scholis sæpe tractatur, sed etiam in foro. Nam id est in causa Nævii Apruniani solum quaesitum; Præcipitatane esset ab eo uxor, an se ipsa sua sponte jecisset. Quam actionem equidem solam in hoc tempus emiseram: quod ipsum me fecisse seductum juvenili cupiditate gloriæ fateor. Nam cæteræ quæ sub nomine meo feruntur, negligentia excipientium in quaestum notariorum corruptæ, minimam partem mei habent. Est & alia duplex conjectura, huic ἀντιπαρθεσία diversa, de præmiis; ut in illa controversia; Tyrannus suspicatus a medico suo datum sibi venenum, torfit eum: & cum is dedisset

disse se negaret, accersit alterum medicum: ille **CAP. II**
datum ei venenum dixit, sed se antidotum daturum:
& dedit ei potionem, qua epota tyrannus decessit.
De præmio duo medici contendunt. Nam ut illic
factum in adversarium transferentium, ita hic sibi
vindictantium personæ, causæ, facultates, tempora,
instrumenta, testimonia comparantur. Illud quoque
etiamsi non est ἀντιπαρρηγορία, simili tamen ratione
tractatur, in quo citra accusationem quæritur, qu-
trum factum sit. Utraque enim pars expositionem
suam habet, atque eam tuetur: ut in lite Urbiniana
petitor dicit; *Clusinium Figulum filium Urbinia acie
victa in aqua steterat, fugisse: jactatumque casibus va-
riis, retentum etiam a rege, tandem in Italiam ac pa-
triam suam Marginos venisse, atque ibi agnoscere: Pol-
lio contra; servisse cum Pisauri dominis duobus, medi-
cinam factitasse, manumissum aliena se familia venali
immiscuisse, ac rogantem uti serviret, emptum.* Non-
ne tota lis constat duarum causarum comparatione,
& conjectura duplici atque diversa? Quæ autem ac-
cusantium atque defendentium, eadem petentium
& inficiantium ratio est. Ducitur conjectura pri-
mum a præteritis. In his sunt personæ, causæ, con-
silia. Nam is ordo est, ut facere voluerit, potue-
rit, fecerit. Ideoque intuendum ante omnia, qua-
lis sit de quo agitur. Accusatoris autem est efficere,
ut si quid objecerit, non solum turpe sit, sed etiam
crimini de quo est iudicium, quam maxime conve-
niat. Nam si reum cædis, impudicum vel adulte-
rum vocet, lædat quidem infamia: minus tamen
hoc ad fidem valeat, quam si audacem, petulan-
tem, crudelem, temerarium ostenderit. Patrono, si
E e e 3 fieri

CAP. II. fieri potuerit, id agendum est, ut objecta vel neget, vel defendat, vel minuat: proximum est, ut a præsenti quæstione separet. Sunt enim pleraque non solum dissimilia, sed etiam aliquando contraria: ut si reus furti, prodigus dicatur, aut negligens. Neque enim videtur in eundem & contemptus pecuniæ, & cupiditas cadere. Si deerunt hæc remedia, ad illa declinandum est, non de hoc quaeri, nec eum qui aliquando peccaverit, utique commisisse omnia: & hanc fiduciam fuisse accusatoribus falsa objiciendi, quod læsum & vulneratum reum speravere hac invidia opprimi posse. Alia propositio est accusatoris, contra quam loci oriuntur. Sæpe a persona prior ducit argumenta defensor: & interim generaliter; Incredibile esse a filio patrem, ab uxore virum occisum, ab imperatore proditam hostibus patriam: facile respondetur, vel quod omnia scelera in malos cadant, ideoque sæpe deprehensa sint: vel quod indignum sit crimina ipsa atrocitate defendi. Interim proprie; quod est varium: Nam dignitas personæ tuetur reum, & nonnumquam ipsa in argumentum facti convertitur, tanquam inde fuerit spes impunitatis: perinde paupertas, humilitas, opes, ut cuique ingenio vis est, in diversum trahuntur. Probi vero mores, & antea vitæ integritas, nunquam non plurimum profuerint. Si nihil objicietur, patronus quidem in hoc vehementer incumbet: accusator autem ad præsentem quæstionem, de qua sola iudicium sit, cognitionem alligabit, dicens, neminem, mali quando coepissent, spectare, nec proscenia ducendum scelus primum. Hæc in respondendo. Sic autem præparabit

parabit actione prima iudicium animos, ut noluisse potius obijcere, quam non potuisse credatur. Eoque satius est, omni se anteaetæ vitæ abstinere convictio, quam levibus aut frivolis aut manifesto falsis reum inceslere; quia fides cæteris detrahitur: & qui nihil obijcit, omisisse credi potest maledicta tanquam supervacua: qui vana congerit, confitetur vanum in anteaetis argumentum, in quibus vinci quam tacere maluerit. Cætera quæ a personis duci solent, in argumentorum locis exposuimus. Proxima est ex causis probatio: in quibus hæc maxime spectantur, ira, odium, metus, cupiditas, spes: nam reliqua in horum species cadunt. Quorum si quid in reum conveniet, accusatoris est efficere, ad quicquid faciendum causæ valere videantur, easque quas in argumentum sumet, augere: Si minus, illuc conferenda est oratio, aut aliquas fortasse latentes fuisse, aut nihil ad rem pertinere cur fecerit, si fecit: aut etiam dignius esse odio scelus, quod non habuerit causam. Patronus vero quoties poterit, instabit huic loco ut nihil credibile sit factum esse sine causa. Quod Cicero vehementissime multis orationibus tractat: præcipue tamen pro Varena, qui in omnibus, publicis malis premebatur: nam & damnatus est. At si proponitur cur factum sit; aut falsam causam, aut levem, aut ignotam reo dicet. Possunt esse aliquæ interim ignotæ: An hæredem habuerit: an accusatus fuerit eum a quo dicitur occisus. Si alia defecerint, non utique spectandas esse causas. Nam quem posse reperiri, qui non metuat, oderit, speret? plurimos tamen hæc salva innocentia facere. Neque illud est omit-

tendum,

CAP. II. tendum, non omnes causas in omnibus personis valere. Nam ut alicui sit furandi causa paupertas, non erit idem in Curio Fabricioque momentum. De causa prius, an de persona dicendum sit, quaeritur: varieque est ab oratoribus factum: a Cicerone etiam praelata frequentissime causa. Sed mihi, si neutro litis conditio praeponderet, secundum naturam videretur incipere a persona. Nam hoc magis generale est, rectiorque divisio; aut in nullo crimen credibile, aut in hoc. Potest tamen id ipsum, sicut pleraque, vertere utilitas. Nec tantum causa voluntatis sunt quaerendae; sed interim & erroris, ut ebrietas, ignorantia. Nam ut haec in qualitate crimen elevant, ita in conjectura premunt. Et persona quidem nescio an unquam, utique in vero actu, rei possit incidere, de qua neutra pars dicat: de causis frequenter quaeri nihil attinet, ut in adulteriis, ut in furtis: quia illas per se ipsa crimina secum habent. Post haec intuenda videntur & consilia: quae late patent: an credibile sit reum sperare id a se scelus effici posse, an ignorari eum fecisse: an etiam, si ignoratum non esset, absolvi, vel poena levi transigi, vel tardiore, vel ex qua minus incommodi consecuturus, quam ex facto gaudii videretur: an etiam tanti putaverit poenam subire. Post haec, an alio tempore, & aliter facere, vel facilius, vel securius potuerit: ut dicit Cicero pro Milone, enumerans plurimas occasiones quibus ab eo Clodius impune occidi potuerit. Praeterea, cur potissimum illo loco, illo tempore, illo modo sit aggressus: qui & ipse diligentissime tractatur, pro eodem locus. An etiam si
nulla

nulla ratione ductus est, impetu raptus sit, & absque sententia. Nam vulgo dicitur, *Scelera non habere consilium*. An etiam consuetudine peccandi sit ablatus. Excussa prima parte, an voluerit: sequitur, an potuerit. Hic tractatur locus, tempus; ut furtum in loco clauso vel recluso, frequenti vel solo: tempore vel diurno, cum testes plures; vel nocturno, cum major difficultas. Inspiciuntur utique difficultates & occasiones, quæ sunt plurimæ, ideoque exemplis non egent. Hic sequens locus talis est, ut si fieri non potuit, sublata lis sit: si potuit, sequatur quæstio, an fecerit. Sed hæc etiam ad animi conjecturam pertinent: nam & ex his colligitur an speraverit. Ideo spectari debent & instrumenta, ut Clodii ac Milonis comitatus. Quæstio an fecerit, incipit a secundo tempore, id est præsentis: ac deinde conjuncto, quorum sunt sonus, clamor, gemitus: insequenti, latitatio, metus, similia. His accedunt signa, de quibus tractatum est. Verba etiam & facta, quæque antecesserunt, quæque insecuta sunt. Hæc aut nostra sunt, aut aliena. Sed verba magis nocent, aut minus. Magis nocent & minus prosunt nostra, quam aliena: magis prosunt & minus nocent aliena, quam nostra. Facta autem interim magis prosunt nostra, interim aliena: ut si quid quod pro nobis sit, adversarius fecit. Semper vero magis nocent nostra quam aliena. Est & illa in verbis differentia, quod aut aperta sunt, aut dubia. Seu nostra seu aliena sunt, infirmiora in utrumque sint necesse est dubia: tamen nostra sæpe magis nocent: ut in illa controversia; Interrogatus filius ubi esset pater, di-

CAP. II. xit ; *Ubiunque est , vivit.* at ille in puteo mortuus est inventus. Aliena quæ sunt dubia , nunquam possunt nocere , nisi aut incerto auctore , aut mortuo. Nocte audita est vox ; *Cavete tyrannidem :* & , interrogatus , cuius veneno moreretur , respondit ; *Non expedit tibi scire.* Nam si est qui possit interrogari , solvet ambiguitatem. Cum autem dicta factaque nostra defendi solo animo possint , aliena varie refutantur. De uno quidem maxime genere conjecturalium controversiarum locuti videmur , & in omnes aliquid ex his cadit. Nam depositi , furti , creditæ pecuniæ , & a facultatibus argumenta veniunt , an fuerit quod deponeretur : & a personis , an illum deposuisse apud hunc , vel huic credidisse credibile sit : an petito rem calumniari , an reum inficiatorem esse , vel furem. Sed etiam in furti reo , sicut in cædis , quæritur de facto , & de auctore. Crediti & depositi duæ sunt quæstiones , sed nunquam junctæ , an datum sit , an redditum. Habent aliquid proprii adulterii causæ , quod plerumque duorum discrimen est ; & de utriusque vita dicendum : quanquam & id quæritur , an utrumque pariter defendi oporteat. Cujus rei consilium nascetur ex causa. Nam si adjuvabit pars altera , jungam : si nocebit , separabo. Ne quis autem mihi putet temere excidisse , quod plerumque duorum crimen esse adulterium , non semper , dixerim : potest accusari sola mulier incerti adulterii : Munera domi inventa sunt , pecuniæ ejus auctor non extat ; codicilli , dubium ad quem scripti. In falso quoque ratio similis : aut enim plures in culpam vocantur , aut unus. Et scriptor qui-
dem

dem semper tueri signatorem necesse habet, signa- CAP. II.
tor scriptorem non semper : nam & decipi potuit.
Is autem qui hos adhibuisse, & cui id factum dici-
tur, & scriptorem & signatores defendet. Iidem
argumentorum loci in causis proditiōis & affectatæ
tyrannidis. Verum illa scolarum consuetudo ituris
in forum potest nocere, quod omnia quæ in the-
mate non sunt, pro nobis ducimus. *Adulterium obji-
cis ; quis testis ? quis index ? quod pretium ? quis con-
scius ? Venenum : ubi emi ? a quo ? quando ? quan-
ti ? per quem dedi ?* Pro reo tyrannidis affectatæ :
ubi sunt arma ? quos contraxi fasellites ? Neque hæc
nego esse dicenda, & ipsis utendum pro parte sus-
cepta. Nam & in foro, siquando adversarius pro-
bare non poterit, desiderabo. Sed in foro tantum
illam facultatem olim desideravimus, ubi non fere
causa agitur, ut non aliquid ex his, aut plura po-
nantur. Huic simile est, quod in epilogis quidam,
quibus volunt, liberos, parentes, nutrices accom-
modant : nisi quod magis concesseris ea quæ non
sint posita, desiderare, quam dicere. De animo
quo modo quærat, satis dictum est, cum ita di-
viserimus, an voluerit, an potuerit, an fecerit. Nam
qua vi tractatur an voluerit, eadem quo animo
fecerit. Id enim est, an male facere voluerit. Or-
do quoque rerum aut affert aut detrahit fidem :
multo scilicet magis res, prout congruunt, aut re-
pugnant. Sed hæc nisi in ipso complexu causarum
non deprehenduntur. Quærendum tamen semper,
quid cuique connectatur, & quid consentiat.

Eff 2

SEQUI.

CAP. III. SEQUITUR conjecturam finitio. Nam qui non potest dicere nihil fecisse, proximum habebit ut dicat, non id fecisse quod obijcitur. Itaque plerumque legibus iisdem quibus conjectura, versatur, defensionis tantum genere mutato: ut in furtis, depositis, adulteriis. Nam quemadmodum dicimus; *non feci furtum, non accepi depositum, non commisi adulterium*: ita; *non est hoc furtum, non est hoc depositum, non est hoc adulterium*. Interim a qualitate ad finitionem descenditur, ut in actionibus dementiæ, malæ tractationis, reipublicæ læsæ: in quibus si recte facta esse quæ obijciuntur, dici non potest, illud succurrit; *Non est hoc dementem esse, male tractare, reipublicam ledere*. Finitio igitur est rei propositæ propria & dilucida & breviter comprehensa verbis enunciatio. Constat maxime, sicut est dictum, genere, specie, differentibus, propriis: ut si finias equum, (noto enim maxime utar exemplo) genus est animal: species, mortale: differentia, irrationale: nam & homo mortale erat: proprium, hinnien. Hæc adhibetur orationi in pluribus causis. Nam tum est certum de nomine; sed quæritur quæ res ei subjicienda sit: tum res est manifesta, sed de nomine non constat. Quando de nomine constat, de re dubium est; interim conjectura est: ut si quærat quid sit Deus. Nam qui id neget, Deum esse spiritum omnibus partibus immixtum; non hoc dicat, falsam esse illius divinæ naturæ appellationem; sicut Epicurus, qui humanam ei formam, locumque inter mundos dedit. nomine uterque uno utitur; utrum sit in re, conjectat. Interim qualitas tractatur, ut, quid sit rhetorice; vis persuadendi, an bene

an bene dicendi scientia. Quod genus est in judiciis frequentissimum. Sic enim quæritur, an deprehensus in lupanari cum aliena uxore, adulter sit: quia non de appellatione, sed de vi facti ejus ambigitur, an omnino peccaverit: Nam si peccavit, non potest aliud esse quam adulter. Diversum est genus, cum controversia consistit in nomine, quod pendet ex scripto, nec versatur in judiciis nisi propter verba, quæ litem faciunt: An qui se interficit, homicida sit: an qui tyrannum in mortem compulit, tyrannicida: an carmina magorum, veneficium. Res enim manifesta est, sciturque non idem esse occidere se, quod alium: non idem occidere tyrannum, quod compellere ad mortem: non idem carmina, ac mortiferam potionem: quæritur tamen an eodem nomine appellanda sint. Quanquam autem dissentire vix audeo a Cicerone, qui permultos secutus auctores, dicit finitionem esse de eodem, & de altero: semper enim negando aliquid esse nomen, dicendum quid sit potius: tamen in eandem tres habeo velut species. Nam interim convenit sic quærere, an habendum sit adulterium in lupanari: cum hoc negamus, non necesse est dicere quid id vocetur, quia totum crimen inficiamur. Interim quæritur an hoc furtum, an sacrilegium: non quin sufficiat non esse sacrilegium, sed quia necesse sit dicere quid sit aliud: quo in loco utrumque finiendum est. Interim quæritur in rebus specie diversis, an & hoc eodem modo sit appellandum, cum res utraque habeat suum nomen, ut amatorium, venenum. In omnibus autem hujus generis litibus quæritur, an etiam hoc: quia nomen

Fff 3

de quo

CAP. III.

da quo ambigitur, utique in alia re certum est: Sacrilegium est rem sacram de templo surripere: num & privatam? Adulterium, cum aliena uxore domi coire; an & in lupanari? Tyrannicidium, occidere tyrannum; an etiam in mortem compellere? Ideoque συλλεγισμός, de quo postea dicam, velut infirmior est finitio, quia in hac quæritur, an idem sit hujus rei nomen, quod alterius: illo, an perinde habenda sit hæc, atque illa. Est & talis finitionum diversitas, ut quidam sentiunt, num idem diversis verbis comprehendatur: ut rhetorice, bene dicendi scientia, & eadem, bene inveniendi, & bene enunciandi, & dicendi secundum virtutem orationis, & dicendi quod sit officii. Atque providendum, ut si sensu non pugnent, comprehensione dissentiant. Sed de his disputatur, non litigatur. Opus est aliquando finitione obscurioribus & ignotioribus verbis, ut quid sit *clarigatio*, *proletarius*: interim notis nomine verbis: ut quid sit *penus*, quid *littus*. Quæ varietas efficit, ut eam quidam conjecturæ, quidam qualitati, quidam legitimis quæstionibus subjecerint. Quibusdam ne placuit quidem omnino subtilis hæc & ad morem Dialecticorum formata conclusio, ut in disputationibus potius per argumenta verborum cavillatrix, quam in oratoris officio multum allatura momenti. Licet enim valeat in sermone tantum, ut constructum vinculis suis habeat eum qui responsurus est, & vel tacere, vel etiam invitum id quod sit contra, cogat fateri: non eadem est tamen ejus in causis utilitas. Persuadendum enim judici est; qui etiam si verbis devinctus est, tamen nisi ipsi rei accesserit, tacitus

tacitus dissentiet. Agenti vero quæ tanta est hujus præcisæ comprehensionis necessitas? An si non dixero; Homo est animal mortale rationale, non potero expositis tot corporis animique proprietatibus latius oratione ducta, vel a diis eum vel a mutis discernere? Quid quod nec uno modo definitur res eadem, sed latiore, varioque tractatu; ut facit Cicero, ut omnes oratores plerumque fecerunt. Rarissima enim apud eos reperietur illa ex consuetudine philosophorum ducta servitus (est enim certe servitus) ad certa se verba adstringendi. Idque faciendum in libris Ciceronis de oratore vetat M. Antonius. Nam est etiam periculosum; cum si uno verbo sit erratum, tota causa cecidisse videamur: optimaque est illa media via, qua utitur Cicero pro Cecina, ut res proponatur, verba non periclitentur. *Etenim, recuperatores, non ea sola vis est, qua ad corpus nostrum vitamque pervenit, sed etiam multo major ea qua periculo mortis injecto, formidine animi perterritum, loco saepe & certo statu dimovet.* Aut cum finitionem præcedit probatio, ut in Philippicis Cicero Servium Sulpitium occisum ab Antonio colligit, & in clausula demum ita finit; *Is ei profecto mortem attulit, qui causa mortis fuit.* Non negaverim tamen hæc quoque, ut expediet causæ, esse facienda: & si quando firma comprehendi poterit, & brevi complexu verborum finitio, esse id tum elegans, tum etiam fortissimum, si modo erit illa inexpugnabilis. Ejus certus ordo est, quid sit, an hoc sit: & in hoc fere labor major est, ut finitionem confirmes, quam ut in rem finitionem applices. In eo, quid sit, duplex opus est. Nam & nostra

CAP. III. nostra confirmanda est, & adversæ partis destruenda finitio. Ideoque in scola, ubi nobis ipsis fingimus contradictionem, duos ponere debemus fines, quales utrinque esse optimi poterunt. At in foro providendum, num forte supervacua, & nihil ad causam pertinens, an ambigua, an contraria, an communis sit finitio: quorum nihil accidere nisi agentis culpa potest. Ut recte autem finiamus, ita fiet, si prius in animo constituerimus, quid velimus efficere. Sic enim accommodari ad voluntatem verba poterunt. Atque ut a notissimo exemplo, quo sit res lucidior, non recedamus; Qui privatam pecuniam de templo surripuit, sacrilegii reus est. Culpa manifesta. quæstio est, an huic crimini nomen quod est in lege, conveniat. Ergo ambigitur, an hoc sacrilegium sit. Accusator, quia de templo sit surrepta pecunia, utitur hoc nomine. Reus, quia privatam surripuerit, negat esse sacrilegium, sed furtum fatetur. Actor ergo ita finiet; Sacrilegium est surripere aliquod de sacro. Reus ita finiet; Sacrilegium est surripere aliquid sacri. Uterque alterius finitionem impugnat. Ea duobus generibus evertitur, si aut falsa est, aut parum plena. Nam illud tertium nisi stultis non accidit, ut nihil ad quæstionem pertineat. Falsa est, si dicas; Equus est animal rationale: nam est equus animal, sed irrationale. Quod autem commune cum alio est, desinet esse proprium. Hic reus falsam dicit esse finitionem accusatoris: accusator autem non potest dicere falsam rei. Nam est sacrilegium, surripere aliquid sacri. Dicit parum plenam: adjiciendum enim, aut ex sacro. Maximus autem usus in approbando

bando refellendoque sine propriorum ac differentium, nonnunquam etiam etymologiae. Quae tamen omnia, sicut in cæteris, confirmat æquitas, nonnunquam etiam conjectura mentis. Etymologia maxime rara est: *Quid enim est aliud tumultus, nisi perturbatio tanta, ut major timor oriatur? Unde etiam nomen ductum est, tumultus.* Circa propria ac differentia magna subtilitas: ut cum quaeritur; an addictus, quem lex servire donec solverit jubet, servus sit: altera pars finit ita; Servus est, qui est jure in servitute. Altera, qui in servitute est eo jure, quo servus; aut ut antiqui dixerunt, qui servitutem servit. Quae finitio etiamsi distat aliquo, nisi tamen propriis & differentibus adjuvetur, inanis est. Dicit enim adversarius, servire eum servitutem, aut eo jure quo servum. Videamus ergo propria differentiaque liberorum, quæ leviter in transitu attigeram. Servus cum manumittitur, libertinus; addictus, recepta libertate, est ingenuus. Servus invito domino libertatem non consequetur: addictus solvendo, citra voluntatem domini consequetur. Ad servum nulla lex pertinet: addictus legem habet. Propria liberi, quæ nemo habet nisi liber, prænomen, nomen, cognomen, tribum: habet hæc addictus. Excusso quid sit, prope peracta est quaestio, an hoc sit. Id enim agimus, ut sit causæ nostræ conveniens finitio. Potentissima autem est in ea qualitas; an amor, an insania. Huc pertinebunt probationes, quas Cicero dicit proprias esse finitionis, ex antecedentibus, consequentibus, adjunctis, repugnantibus, causis, effectis, similibus: de quorum argumentorum natura dictum est. Breviter autem pro Cecina Cicero

G g g. initia,

CAP. III. initia, causas, effecta, antecedentia, consequentia complexus est : *Quid igitur ? fugiebant propter metum ? Quid metuebant ? Vim videlicet. Potestis igitur principia negare, cum extrema conceditis ?* Sed similitudine quoque usus est ; *Quae vis in bello appellatur, ut in ocio non appellabitur ?* Sed etiam ex contrario argumenta ducuntur, ut si quaeratur ; an amatorium venenum sit, necne : quia venenum, amatorium non sit. Illud alterum genus quo sit manifestius adolescentibus meis, (meos enim semper adolescentes putabo) hic quoque fictae controversiae utar exemplo : Juvenes qui convivere solebant, constituerunt ut in littore coenarent. Unius, qui coenae defuerat, nomen tumulto quem extruxerant, inscripserunt. Pater ejus a transmarina peregrinatione cum ad littus idem appulisset, lecto nomine suspendit se. Dicuntur hi causa mortis fuisse. Hic finitio est accusatoris ; Per quem factum est ut quis perierit, causa mortis est. Rei est, qui fecit quid sciens, per quod perire homini necesse esset. Remota finitione, accusatori sat est dicere ; *Causa mortis fuistis ; per vos enim factum est ut homo periret : quia nisi vos illud fecissetis, viveret.* Contra, non statim, per quem factum est ut quis periret, is damnari debet : ut accusator, testis, iudex rei capitalis. Nec undecunque causa fluxit, ibi culpa est : ut si cui quis profectio- nem suaserit, ut ad amicum accesserit trans mare, & is naufragio perierit : ad coenam invitarit, & is cruditate illic contracta desesserit. Nec fuit in causa mortis solum adolescentium factum, sed credulitas senis, & in dolore ferundo infirmitas ; denique si fortior fuisset aut prudentior, viveret. Nec mala mente fecerunt : & ille potuit vel ex loco tumu-
li, vel

li, vel ex opere tumultuario. suspicari non esse monumentum. Qui ergo puniri debent? in quibus omnia sunt homicidæ præter manum. Est interim certa finitio, de qua inter utramque partem convenit: ut Cicero dicit; *Majestas est in imperio, atque in omni populi Romani dignitate.* Quæritur tamen, an ~~majestas~~ minuta sit, ut in causâ Cornelii quæsitum est. sed hic etiam similis videri potest finitivæ: tamen quia de finitione non ambigitur, judicatio est qualitatis, atque ad eum potius statum reducenda: ad cuius forte quandam venimus mentionem, sed & erat ordine proximus locus.

CAP. III.

EST autem qualitas alia de summo genere, atque ea quidem non simplex. Nam & qualis sit cuiusque rei natura, & quæ forma, quæritur: An immortalis anima, An humana specie Deus: & de magnitudine ac numero, Quantus sol, An unus mundus. Quæ omnia conjectura quidem colliguntur, quæstionem tamen habent in eo, qualia sint. Hæc & in suasoriis tractari solent, ut si Cæsar deliberet; an Britanniam impugnet: quæ sit Oceani natura: an Britannia insula (nam tum ignorabatur:) quanta in ea terra: quo numero militum aggre-dienda, in consilium ferendum sit. Eidem qualitati succedunt facienda, ac non facienda: appetenda, vitanda: quæ in suasorias quidem maxime cadunt, sed in controversiis quoque sunt frequentia: hac sola differentia, quia illic de futuris, hic de factis agitur. Item demonstrativæ parti omnia sunt in hoc statu: factum esse constat: quale sit factum, quæritur. Lis est omnis aut de præmio, aut

CAP. IV.

Ggg 2

CAP. IV. de poena, aut de quantitate. Igitur primum genus causæ, aut simplex, aut comparativum. Illic quid æquum, hic quid æquius, aut quid æquissimum sit, excutitur. Cum de poena iudicium est, a parte ejus qui causam dicit, aut defensio est criminis, aut imminutio, aut excusatio, aut, ut quidam putant, deprecatio. Defensio longe potentissima est, quæ ipsum factum quod objicitur, dicimus honestum esse. Abdicatur aliquis, quod invito patre militavit, honores petierit, uxorem duxerit: tuemur quod fecimus. Partem hanc vocant Hermagorei κατ' ἀντίληψιν, ad intellectum id nomen referentes. Latine ad verbum translatam non invenio: absoluta appellatur. Sed enim de re sola quæstio, iusta sit ea, necne. iustum omne continetur natura, vel constitutione. Natura, quod sit secundum cuiusque rei dignitatem. Hæc sunt pietas, fides, continentia, & talia. Adjiciunt & id quod sit par. verum id non temere intuendum est. Nam & vis contra vim, & talio, nihil habent adversum eum, qui prior fecit, iniustitiæ: & non, quoniam res pares sunt, etiam id est iustum, quod antecessit. Illa utrinque iusta, eadem lex, eadem conditio: ac forsitan ne sint quidem paria, quæ ulla parte sunt dissimilia. Constitutio est in lege, more, iudicio, pacto. Alterum est defensionis genus, in quo factum per se improbabile, assumptis extrinsecus auxiliis tuemur: id vocant κατ' ἀπόψιν. Latine hoc quoque non ad verbum transtulerunt: Assumptiva enim dicitur causa. In quo genere fortissimum est, si crimen causa facti tuemur: qualis est defensio Orestis, oratio Milonis. ἀντέγκλημα dicitur, quia omnis nostra

nostra defensio constat ejus accusatione, qui vindi- CAP. IV.
 catur. *Occisus est, sed latro: exsecutus, sed raptor.* Est
 & illa ex causis facti ducta defensio, priori contra-
 ria, in qua neque factum ipsum per se, ut in ab-
 soluta quaestione defenditur: neque ex contrario
 facto, sed ex aliqua utilitate aut reip. aut homi-
 num multorum, aut etiam ipsius adversarii, non-
 nunquam & nostra, si modo id erit quod facere
 nostra causa fas sit: quod sub extraneo accusatore
 & legibus agente prodesse nunquam potest; in do-
 mesticis discepcionibus potest. Nam & filiis pa-
 ter in judicio abdicationis, & maritus uxori, si
 malæ tractationis accusabitur, & patri filius, si de-
 mentiae causa erit, non inverecunde dicet multum
 sua interfuisse. In quo tamen incommoda vitantis
 melior quam commoda petentis est causa. Quibus
 similia etiam in vera rerum quaestione tractantur.
 Nam quæ in scolis abdicatorum, hæc in foro exhæ-
 redatorum a parentibus, & bona apud consules repe-
 tentium ratio est: quæ illic malæ tractationis, hic
 rei uxoriæ; cum quaeritur; utrius culpa divortium
 factum sit: quæ illic dementiæ, hic petendi cura-
 toris. Subjacet utilitati etiam illa defensio; si pe-
 jus aliquid futurum fuit. Nam in comparatione ma-
 jorum, boni locum obtinet levius; ut si Mancinus se-
 dus Numantinum sic defendat, quod periturus, nisi id
 factum esset, fuerit exercitus Romanus. Hoc genus
ἀντιπαραβολῆς Græce nominatur: comparativum nostri
 vocant. Hæc circa defensionem facti: quæ si neque
 per se ipsam, neque adhibitis auxiliis dabitur, pro-
 ximum est in alium transferre crimen, si possumus.
 Ideoque etiam in hos qui jam descripti sunt status,

G g g 3

visâ

CAP. IV. *visa est cadere translatio. Interdum ergo culpa in hominem relegatur: ut si Gracchus reus foederis Numantini, cuius metu leges populares tulisse in tribunatu videtur, missum se ab imperatore suo diceret. Interim derivatur in rem; ut si is qui testamento quid iussus non fecerit, dicat per leges id fieri non potuisse. Hoc μετασταν vocant. Exclusis quoque his, excusatio superest. Ea est aut ignorantia; ut si quis fugitivo stigmata scripserit, eoque ingenuo iudicato, neget se liberum eum scisse. Aut necessitatis; ut cum miles ad commeatu diem non affuit, dicit se fluminibus interclusum aut valetudine. Fortuna quoque sæpe substituitur culpæ: nonnunquam male fecisse nos, sed bono animo dicimus. Utriusque rei multa & manifesta exempla sunt. Idcirco non est eorum necessaria expositio. Si omnia quæ supra scripta sunt, deerunt, videndum an minui culpa possit. Hic est ille qui a quibusdam dicitur fieri status quantitatis. Sed ea cum sit aut poenæ, aut honoris; ex qualitate facti constituitur: eoque nobis sub hoc esse statu videtur; sicut ejus quoque quæ ad numerum refertur a Græcis: nam & ποσότης, & ποσότης dicunt, nos utrumque eadem appellatione complectimur. Ultima est deprecatio: quod genus causæ plerique negarunt in iudicium unquam venire. Quin Cicero quoque pro Quinto Ligario idem testari videtur, cum dicit; *Causas, Caesar, egi multas, & quidem tecum, dum te in foro tenuis ratio honorum tuorum: certe nunquam hoc modo. Ignoscite iudices, erravi, lapsus est, non putavi, si nunquam posthac, & cætera. In senatu vero, & apud populum, & apud principem, & ubicunque juris clemen-**

clementia est, habet locum deprecatio. In qua plurimum valet, ex ipso qui reus est, hæc tria in vita præcedere; si innocens, si bene meritus, si spes in futurum innocenter victuri, & in aliquo usu futuri. præterea si vel aliis incommodis, vel præsentis periculo, vel poenitentia videatur satis poenarum dedisse. Extra, nobilitas, dignitas, propinqui, amici. In eo tamen qui cognoscit, plurimum ponendum; si laus eum misericordis potius quam reprehensio dissoluti consecutura est. Verum & in judiciis etiam si non toto genere causæ, tamen ex parte magna hic locus sæpe tractatur. Nam & divisio frequens est, etiam si fecisset, ignoscendum fuisse; idque in causis dubiis sæpe prævaluit: & epilogi omnes in eadem fere materia versari solent. Sed nonnunquam etiam reus hic totius summam constituit, si ex hæredatum a se filium pater testatus fuerit elogio, propterea quod is meretricem amaverit. Nam omnis hic questio, an huic delicto pater debuerit ignoscere, & centumviri tribuere debeant veniam. Sed etiam in formulis, cum poenariæ sunt actionis, nos ita causam partimur; an commissæ sit poena, an exigi debeat. Id autem quod illi viderunt, verum est, reum a iudicibus hoc defensionis modo liberari non posse. De præmiis autem quærentur duo; an ullo sit dignus qui petit, an tanto: ex duobus; uter dignior: ex pluribus; quis dignissimus. Quorum tractatus ex ipso meritorum genere ducuntur. Et intuebimur non rem tantum, siue alleganda; siue comparanda erit: sed personam quoque. nam & multum interest, tyrannum juvenis occiderit, an senex: vir, an femina: alienus, an conjunctus.

Et

CAP. IV. Et locum multipliciter ; in civitate tyrannis afflucta, an libera semper : in arce, an domi. Et quomodo factum sit ; ferro, an veneno. Et quo tempore ; bello, an pace : an cum depositurus esset eam potestatem ; an cum aliquid novi sceleris ausurus. Habentur in meriti gratia periculum quoque, ac difficultas. Similiter liberalitas a quo profecta sit, refert. Nam in paupere gratior, quam in divite ; dante beneficium, quam reddente ; patre, quam orbo. Item quam rem dederit, & quo tempore, & quo animo : id est, num in aliquam spem suam : similiter alia. Et ideo qualitas, maxima oratoris recipit opera : quia in utramque partem plurimum est ingenio loci, nec usquam tantum affectus valent. Etiam conjectura extrinsecus quoque adductas frequenter probationes habet, & argumenta ex materia sumit : & quale quidque videatur, eloquentiæ est opus : hic regnat, hic imperat, hic sola vincit. Huic parti subjungit Virginius causas abdicationis, dementiæ, malæ tractationis, orbarum nuptias indicientium. Nam & iudicium fere sic accidit : inventique sunt, qui has materias, officiorum vocarent. Sed alios quoque nonnunquam hæc leges recipiunt status. Nam & conjectura est aliquando in plerisque horum, cum se vel non fecisse, vel bona mente fecisse contendunt. Cujus generis exempla sunt multa. Et quid sit dementia, ac malæ tractatio, finitur : Nam juris plerumque quæstiones præcurrere solent, & causæ ex quibus non sit statutum. Quod tamen facto defendi non poterit, jure nitetur, & quod, & quibus causis abdicare non liceat, & in quæ crimina malæ tractationis actio non detur, & cui

cui accusare dementiæ non permittatur. Abdicationum formæ sunt duæ : altera criminis perfecti, ut si abdicetur raptor, adulter : Altera imperfecti, velut pendentis, & adhuc in conditione positi ; quales sunt in quibus abdicatur filius, quia non pareat patri. Illa semper asperam abdicantis actionem habet ; immutabile est enim quod factum est : hæc ex parte blandam, & suadenti similem. Mavult enim pater corrigere, quam abdicare. At pro filiis in utroque genere summisam, & ad satisfaciendum compositam. A quo dissensuros scio, qui libenter patris figuram lædunt. quod non ausim dicere nunquam esse faciendum : potest enim materia incidere quæ hoc exigit : certe vitandum est, quoties aliter agi potest. Sed de figuris alio loco tractabimus. Non dissimiles autem abdicationum actionibus sunt malæ tractationis actiones. Nam & ipsæ habent eandem in accusationibus moderationem. Dementiæ quoque judicia, aut propter id quod factum est, aut propter id quod adhuc fieri vel non fieri potest, instituuntur : & actor in eo quod factum est, liberum habet impetum : sic tamen, ut factum accuset, ipsius patris tanquam valetudine lapsi misereatur : in eo vero cuius libera mutatio est, diu roget & suadeat, & novissime dementiam rationi queratur obstare, non mores ; quos quanto magis in præteritum laudaverit, tanto facilius probabit morbo esse mutatos. Reus, quoties causa patietur, debet esse in defensione moderatus, quia fere ira & concitatio furori sunt similia. Omnibus his commune est, quod rei non semper defensione facti, sed excusatione ac venia frequenter utuntur.

H h h

enim

CAP. IV. enim domestica disceptatio, in qua, & semel peccasse, & per errorem, & levius quam obijciatur, absolutioni nonnunquam sufficit. Sed alia quoque multa controversiarum genera in qualitatem cadunt. Injuriarum: quanquam enim reus aliquando fecisse negat, plerumque tamen hæc actio facto atque animo continetur. De accusatore constituendo; quæ judicia divinationes vocantur: in quo genere Cicero quidem, qui mandantibus sociis Verrem accusabat, hac usus est divisione: spectandum a quo maxime agi velint hi quorum de ultione quæritur; a quo minime velit is qui accusatur. Frequentissima tamen hæc sunt quæstiones: Uter majores causas habeat; uter plus industriæ aut virium sit allaturus ad accusandum; uter id meliore fide facturus. Tutelæ præterea: in quo judicio solet quæri, an alia de re quam de calculis, cognosci oporteat: an fides præstari debeat tantum, non etiam consilium & eventus. Cui simile est malæ gestæ procurationis, quæ in foro negotiorum gestorum etiam, & mandati actio est. Præter hæc finguntur in scholis & scripti malefici: in quibus aut hoc quæritur; an scriptum sit: aut hoc; an maleficium sit: raro utrumque. Malæ gestæ legationis apud Græcos & veris causis frequens: ubi juris loco quæri solet; an omnino aliter agere quam mandatum sit, liceat; & quousque sit legatus: quoniam aliæ in renunciando sunt; ut in hoc qui testimonium in Verrem dixerat post perlatam legationem. Plurimum tamen est in eo, quale sit factum, reipublica læsa. Hinc moventur quidem mille juris cavillationes: Quid sit rempublicam lædere: & læserint, an profuerit: & ab ipso, an

an propter ipsum læsa sit. In facto tamen plurimum est. Ingrati quoque. In quo genere quaeritur; an is cum quo agitur, acceperit beneficium: quod raro negandum est; ingratus est enim qui negat: an quantum acceperit, reddiderit: an protinus qui non reddidit, ingratus sit: an potuerit reddere: an id quod exigebatur, debuerit: quo animo sit. Simpliciores illæ, iniusti repudii: sub qua lege controversiæ illud proprium habent, quod a parte accusantis defensio est, & defendentis accusatio. Præterea cum quis rationem mortis in senatu reddit: ubi una quæstio est juris; an is demum prohibendus sit, qui mori vult, ut se legum actionibus subtrahat. Cætera qualitatis. Finguntur & testamenta, in quibus de sola quaeratur voluntate: ut in controversia quam supra exposui, in qua de parte patrimonii quarta, quam pater dignissimo ex filiis reliquerat, contendunt philosophus, medicus, orator. Quod idem accidit, si orbi nuptias indicant pares gradu, & si inter propinquos de idoneo quaeratur. Sed nec omnes mihi persequi materias in animo est, (fingi enim adhuc possunt) nec communes sunt earum quæstiones, quia positionibus mutantur. Hoc tantum admiror, Flavium, cujus apud me merito summa est auctoritas, cum artem scolæ tantum componeret, tam anguste materiam qualitatis terminasse. Quantitas quoque (ut dixi) plerumque, etiamsi non semper, plerumque tamen eidem subjacet, seu modi est, seu numeri. Sed modus aliquando constat æstimatione facti, quanta sit culpa, quantumve beneficium: aliquando jure, cum id in controversiam venit, qui quis

H h h 2

lege

CAP. IV. lege puniendus, vel honorandus sit: Stuprator an decem millia dare debeat, quæ poena huic crimini constituta est: an quia stupratus se suspendit, capite puniri, tanquam causa mortis. Quo in genere falluntur qui ita dicunt, tanquam inter duas leges quærat. Nam in decem millibus nulla controversia est, quæ non petuntur. Judicium redditur, an reus causa sit mortis. In conjecturam quoque eadem species cadit: quum perpetuo, an quinquenniali sit exilio multandus, in controversiam venerit; num prudens eadem commiserit, quæritur. Illa quoque quæ ex numero ducitur, pendet ex jure: an Thrasibulo triginta præmia debeantur: & cum duo fures pecuniam abstulerunt, separatim quadruplum quisque, an duplum debeat. Sed hic quoque factum æstimatur, & tamen jus ipsum pendet ex qualitate.

CAP. V. QUI neque fecisse se negabit, neque aliud esse quod fecerit, dicet, neque factum defendet, necesse est in suo jure consistat: in quo plerumque actionis est quæstio; quæ non semper eadem est, ut quidam putaverunt. Nam & judicium antecedit, qualia sunt præturæ curiosa consilia, cum de jure accusatoris ambigitur: & in ipsis frequentissime judiciis versatur. Est enim duplex ejus disceptationis conditio, quod aut intentio, aut præscriptio habet controversiam. Ac fuerunt qui præscriptionis statum facerent, tanquam ea non iisdem omnibus, quibus cæteræ leges, quæstionibus contineretur. Cum ex præscriptione lis pendet, de ipsa re quæri non est necesse. Ignominioso patri filius præscribit: de eo so-

eo solo judicatio est ; An liceat. Quoties tamen CAP. V.
 poterimus , efficiendum est ut de re quoque bene
 sentiat. Sic enim juri nostro libentius indulgebit :
 ut in sponsonibus quæ ex interdictis fiunt , etiamsi
 non proprietatis est quæstio , sed tantum possessionis ;
 tamen non solum possedisse nos , sed etiam nostrum
 possedisse docere oportebit. Sed frequentius etiam
 quæritur de intentione. *Vix fortis optet quod volet.*
 nego illi dandum quicquid optaverit. non habeo
 præscriptionem , sed tamen voluntate contra verba ,
 præscriptionis modo utor. In utroque autem gene-
 re , status idem fit. Porro lex omnis aut tribuit , aut
 adimit , aut punit , aut jubet , aut vetat , aut per-
 mittit. Litem habet , aut propter se ipsam , aut
 propter alteram. Quæstio est aut in scripto , aut in
 voluntate. In scripto , aut apertum est , aut obscu-
 rum , aut ambiguum. Quod de legibus dico , idem
 accipi volo de testamentis , pactis , stipulationibus ,
 omni denique scripto : idem de voce. Et quoniam
 quatuor hujus generis quæstiones vel status facimus ,
 singulos percurram.

SCRIPTI & voluntatis frequentissima inter CAP. VI.
 consultos quæstio est , & pars magna controversiæ
 juris hinc pendet : quo minus id in scholis accidere
 mirum est , ubi etiam ex industria fingitur. Ejus
 genus unum est , in quo & de scripto & de volunta-
 te quæritur. Id tum accidit , cum est in lege aliqua
 obscuritas , & in ea aut uterque suam interpreta-
 tionem confirmat , aut adversarii subvertit : ut hic ,
Per quadruplum solvat. duo surripuerunt pariter de-
 cem millia ; petuntur ab utroque quadragena : illi

H h h 3

postu-

CAP. VI. postulant ut vicena conferant. Nam & actor dicit hoc esse quadruplum quod petat, & rei hoc quod offerant: voluntas quoque utrinque defenditur. Aut cum de altero intellectu certum est, de altero dubium. *Ex meretrice natus, ne concionetur.* - Quæ filium habebat, prostare cœpit: Prohibetur adolescens concione. Nam de ejus filio, quæ ante partum meretrix fuit, certum est: an eadem hujus causa sit, dubium est, quia ex hac natus, & hæc meretrix est. Solet & illud quæri; quo referatur quod scriptum est; *Bis de eadem re ne sit actio*: id est, hoc bis, ad actorem, an ad actionem. Hæc ex jure obscuro. Alterum genus est ex manifesto: quod qui solum viderunt, hunc statum plani & voluntatis appellaverunt. In hoc altera pars scripto nititur, altera voluntate. Sed contra scriptum tribus generibus occurritur. Unum est, in quo id servari semper non posse ex ipso patet. *Liberi parentes alant, aut vinciantur.* Non enim alligabitur infans. Hinc erit ad alia transitus, & divisio; num quisquis non aluerit; num hic; propter hoc. Proponunt quidam tale genus controversiarum, in quo nullum argumentum est, quod ex lege ipsa peti possit, sed de eo tantum de quo lis est, quærendum sit. *Peregrinus si murum ascenderit, capite puniatur.* Cum hostes murum ascendissent, peregrinus eos depulit. petitur ad supplicium. Non erunt hic separatæ quæstiones, an quisquis, an hic: quia nullum potest afferri argumentum contra scriptum vehementius eo quod in lite est: sed hoc tantum, an ne servanda quidem civitatis causa. Ergo & æquitate & voluntate pugnandum. Fieri tamen potest, ut ex aliis legibus

legibus exempla ducamus , per quæ appareat semper stari scripto non posse ; ut Cicero pro Cecina fecit. Tertium , cum in ipsiſ verbis legis reperimus aliquid per quod probemus aliud legumlatorem voluisse : ut in hac controversia ; *Qui nocte cum ferro deprehensus fuerit , alligetur.* Cum annulo ferreo inventum magistratus alligavit. Hic quia est verbum in lege , *deprehensus* , satis etiam significatum videtur , non contineri lege nisi noxium ferrum. Sed ut qui voluntate nitetur , scriptum quoties poterit infirmare debebit ; ita qui scriptum tuebitur , adjuvare se etiam voluntate tentabit. In testamentis & illa accidunt , ut voluntas manifesta sit , scriptum nihil sit ; ut in judicio Curiano , in quo nota L. Crassi & Scævola fuit contentio. Substitutus hæres erat , si posthumus ante tutelæ suæ annos decessisset : Non est natus : Propinqui bona sibi vendicabant. Quis dubitaret , quin ea voluntas fuisset testantis , ut is non nato filio hæres esset , qui mortuo ? sed non scripserat. Sic quoque , quod huic contrarium est , accidit nuper , ut esset scriptum quod appareret scriptorem noluisse : Qui sestertium nummum quinque millia legaverat , cum emendaret testamentum , sublati sestertiis nummis , argenti pondus posuit , quinque millia remanserunt. Apparuit tamen quinque pondus dari voluisse ; quia ille in argento legato modus & inauditus erat , & incredibilis. Sub hoc etiam statu generales sunt quæstiones ; Scripto , an voluntate standum sit ; quæ fuerit scribentis voluntas : tractatus omnes qualitatis aut conjecturæ : de quibus satis dictum arbitror.

PRO-

CAP. VII. PROXIMUM est de legibus contrariis dicere, quia inter omnes artium scriptores constitit, in antinomia duos esse scripti & voluntatis status: neque immerito: quia cum lex legi obstat, & utrinque contra scriptum dicitur, & quaestio est de voluntate: in utraque id ambigitur, an utique ita lege sit utendum. Omnibus autem manifestum est, nunquam esse legem legi contrariam jure ipso; quia si diversum jus esset, alterum altero abrogaretur: sed eas casu collidi, & eventu. Colliduntur autem aut pares inter se, ut si optio tyrannicidæ & viri fortis comparentur, utrique data quod velit petendi potestate: hic meritorum, temporis, præmii collatio est. Aut secum ipsæ, ut duorum fortium, duorum tyrannicidarum, duarum raptarum: in quibus non potest esse alia quaestio quam temporis, utra prior sit; aut qualitatis, utra justior sit petitio. Diversæ quoque leges confligunt, aut similes. Diversæ, quibus etiam citra adversam legem contradici possit: ut in hac controversia; *Magistratus ab arce ne discedat: Vir fortis optato quæ volet*: vel alia nulla obstante quæri potest; an quicquid optarit, accipere debeat: & a magistratu multa dicentur, quibus scriptum expugnatur; Si incendium in arce fuerit; si in hostes decurrendum. Similes, contra quas nihil opponi potest, nisi lex altera. *Tyrannicida imago in gymnasio ponatur*: contra; *mulieris imago in gymnasio ne ponatur*. Mulier tyrannum occidit. Nam neque mulieris imago ullo alio casu poni potest, neque tyrannicidæ ullo alio casu summo-
moveri. Impares sunt, cum alteri multa, quæ opponi possunt, alteri nihil sit nisi quod in lite est:
ut cum

ut cum vir fortis impunitatem desertoris petit. Nam **CAP. VII.**
 contra legem viri fortis (ut supra ostendi) multa
 dicuntur: adversus desertores scripta, non potest
 nisi optione subverti. Item aut concessum est ex u-
 traque parte jus, aut dubium: Si concessum est,
 hæc fere quærentur; Utra lex potentior: ad deos
 pertineat, an ad homines: rempublicam, an pri-
 vatos: de honore, an de pœna: de magnis rebus,
 an de parvis: permittat, an vetet, an imperet. So-
 let tractari & utra sit antiquior: & velut poten-
 tissimum, utra minus perdat: ut in desertore, &
 viro forti; quod illo non occiso lex tota tollatur:
 occiso, sit reliqua viro forti alia optio. Plurimum
 tamen est in hoc; utrum fieri sit melius, atque æ-
 quius: de quo nihil præcipi nisi proposita materia
 potest. Si dubium; aut alteri, aut invicem utri-
 que de jure sit controversia: ut in re tali; *Patri*
in filium, patrono in libertum manus injectio fit: li-
berti heredem sequantur. Liberti filium quidam fe-
 cit heredem, invicem petitur manus injectio: &
 patronus negat jus patris illi fuisse, quia ipse in
 manu patroni fuerit. Duplices leges sicut duæ col-
 liduntur: ut; *Nothus ante legitimum natus, legitimus*
fit; post legitimum, tantum civis. Quod de legibus,
 idem de senatusconsultis dictum: quæ si aut inter se
 pugnent, aut obstant legibus, non tamen aliud sit
 ejus status nomen.

SYLLOGISMUS habet aliquid simile scripto **CAP.**
 & voluntati, quia semper pars in eo altera scripto **VIII.**
 nititur: sed hoc interest, quod illic contra scriptum
 dicitur, hic super scriptum: illic qui verba de-
 fendit,

CAP.
VIII.

fendit, hoc agit, ut fiat utique quod scriptum est: hic ne aliud quam scriptum est. Ejus nonnulla etiam cum finitione connexio. Nam sæpe si finitio infirma est, in syllogismum delabitur. Sit enim lex: *Venefica capite puniatur*. Spe perseverandi amatorium dedit; repudiavit: per propinquos rogata ut rediret, non est reversa; suspendit se maritus: Mulier veneficii rea est. Fortissima est actio dicentis amatorium venenum esse. id erit finitio: quæ si parum valebit, fiet syllogismus: ad quem velut remissa priore contentione veniemus; An perinde puniri debeat, ac si virum veneno necasset. Ergo hic status ducit ex eo quod scriptum est, id quod incertum est; idque quoniam ratione colligitur, ratiocinativus dicitur. In has autem fere species venit; An quod semel jus est, idem & sæpius. Incesti damnata, & præcipitata de saxo, vixit; repetitur. An quod in uno, in pluribus: Qui duos uno tempore tyrannos occidit, duo præmia petit. An quod ante, & postea: Raptor profugit, rapta nupsit; reverso illo, petit optionem. An quod in toto, idem in parte: Aratrum accipere pignore non licet; vomerem accepit. An quod in parte, idem in toto: Lanæ vehere Tarento non licet, oves vexit. In his syllogismis scripto alter nititur, alter non satis cautum esse dicit. Postulo ut præcipitetur incesta; lex est: & rapta optionem petit; & in ove lanæ sunt: similiter alia. Sed quia responderi potest; Non est scriptum ut sæpius præcipitetur damnata; aut quodcumque rapta optet; aut tyrannicida duo præmia accipiat; nihil de vomere

mere cautum, nihil de ovibus: ex eo quod manifestum, colligitur quod dubium est. Majoris pugnae est, ex scripto ducere quod scriptum non est: Qui patrem occiderit, culleo insuatur: matrem occidit, Ex domo in jus educere ne liceat: tabernaculo e-
duxit. In hoc genere haec quaeruntur. An quoties propria lex non est, simili sit utendum: an id de quo agitur, ei de quo scriptum est, simile sit. Simile autem & majus est, & par, & minus. In illo priore; an satis lege cautum sit, an & si parum cautum est, hac sit utendum. In utroque de voluntate legumlatoris. sed de æquo tractatus potentissimi.

CAP. VIII.

AMPHIBOLIÆ species sunt innumerabiles; adeo ut philosophorum quibusdam nullum videatur verbum, quod non plura significet: genera admodum pauca. Aut enim vocibus accedit singulis, aut conjunctis. Singula afferunt errorem, cum pluribus rebus aut hominibus eadem appellatio est: *ομωνυμια* dicitur, ut *Gallus*. Utrum enim avem, an gentem, an nomen, an fortunam corporis significet, incertum est. & *Ajax*, Telamonis an Oilei filius. Verba quoque quædam diversos intellectus habent, ut *ceruo*: quæ ambiguitas plurimis modis accedit: unde fere lites; præcipue ex testamentis, cum de libertate, aut etiam hæreditate contendunt ii quibus idem nomen est: aut quid sit legatum, quaeritur. Alterum est, in quo alia integro verbo significatio est, alia divisio: ut; *in genua*, & *arma mentium*, & *cor vinum*: ineptæ sane cavillationes, ex quo tamen Græci controversias ducunt: inde *αυληταις* illa vulgata

CAP. IX.

CAP. IX. gata, cum quæritur; utrum aula quæ ter ceciderit, an tibicina si ceciderit, debeat publicari. Tertia est ex compositis: ut si quis corpus suum in occulto loco poni jubeat, circaque monumentum multum agri ab hæredibus in tutelam cinerum; ut solent, leget; *Sit filius ossario culini*. Sic apud Græcos contendit *λίον & πανταλέον*, cum scriptura dubia est, bona *omnia* *λίοντι*, an *πανταλίοντι* relicta sint. In conjunctis plus ambiguitatis est. Fit autem per casus: ut;

Atio te, Æacida, Romanos vincere posse.

Per collocationem, ubi dubium est quid quo referri oporteat: ac frequentissime cum id quod medium est, utrinque possit trahi, ut de Troilo Virgilius;

Lora tenens tamen—

Hic utrum quod teneat tamen lora, an quamvis teneat, tamen trahatur, quæri potest. Unde controversia illa: Testamento quidam jussit poni statuum auream hastam tenentem. Quæritur, statuum hastam tenens aurea esse debeat, an hasta esse aurea in statua alterius materiæ. Fit per flexum idem magis;

Quinquaginta ubi erant centum inde occidit Achilles.

Sæpe utri duorum antecedentium sermo subjunctus sit, in dubio est: unde est controversia; *Hæres meam uxori meæ dare damnas esto argenti, quod volueris, pondo centum*. Uter eligat quæritur. Verum id quod
ex his

ex his primum est, mutatione casuum : sequens, CAP. IX. divisione verborum, aut translatione emendatur : tertium, adjectione. Accusativi geminatione facta amphibolia, solvitur ablativo : ut illud ; *Lachetem ausuri percussisse Demeam*, fiat ; *a Lachete percussam Demeam*. Sed ablativo ipsi, ut in primo diximus, inest naturalis amphibolia,

— *Calo decurrit aperto.*

Utrum per apertum cœlum, an cum esset apertum. Divisio respiratione & mora constat. *Statuam*, deinde *auream hastam* : vel *statuam auream*, deinde *hastam*. Adjectio talis est ; Argentum quod elegerit ipse, ut hæres intelligatur : vel ipsa, ut uxor. Adjectione facta amphibolia, qualis sit ; Nos flentes illos deprehendimus, detractione solvetur. Pluribus verbis emendandum, ubi est id, quod quo referatur, est dubium, & ipsum est ambiguum : *Heres meus dare illi damnas esto omnia sua*. In quod genus incidit Cicero loquens de C. Fannii soceri instituto, quem, quia cooptatus in augurum collegium non erat, non admodum diligebat ; præsertim cum ille Q. Scævolam sibi minorem natu generum prætulisset. Nam *sibi*, & ad socerum referri, & ad Fannium potest. Productio quoque in scripto & correctio in dubio relicta, causa est ambiguitatis : ut in hoc, *Caso* : aliud enim ostendit brevis secunda syllaba casu nominativo, aliud eadem syllaba producta casu dativo aut ablativo. Plurimæ præterea sunt aliæ species, quas persequi nihil necesse est. Nec refert quomodo facta sit amphibolia, aut quo resolvatur. Duas enim res significari manifestum est : & quod

l i i 3

ad

CAP. IX. ad scriptum vocemve pertinet, in utramque par-
est partem. Ideoque frustra præcipitur, ut in hoc
statu vocem ipsam ad nostram partem conemur ver-
tere. Nam si id fieri potest, amphibolia non est.
Amphiboliæ autem omnis in his erit quæstio, ali-
quando uter sit secundum naturam magis sermo,
semper utrum sit æquius, utrum is qui sic scripsit
ac sic dixit, sic voluerit. Quarum in utramque par-
tem satis ex his quæ de conjectura & qualitate di-
ximus, præceptum est.

CAP. X. EST autem quædam inter hos status cognatio. Nam & in finitione, quæ sit voluntas nominis, quæritur: & in syllogismo, qui secundus a finitione status est, spectatur quid voluerit scriptor: & ex contrariis legibus duos esse scripti & voluntatis status apparet. Rursus & finitio quodammodo est amphibolia, cum in duas partes diducatur intellectus nominis. Scriptum & voluntas habet in verbis vocis quæstionem: quod idem in antinomia petitur. Ideoque omnia hæc quidam scriptum & voluntatem esse dixerunt: alii in scripto & voluntate amphiboliam esse quæ facit quæstionem. Sed distincta sunt. Aliud est enim obscurum jus, aliud ambiguum. Igitur finitio in natura ipsa nominis quæstionem habet generalem, & quæ esse etiam circa complexum causæ possit: Scriptum & voluntas de eo disputat verbo, quod est in lege; Syllogismus de eo quod non est. Amphiboliæ lis in diversum trahit: Legum contrariarum ex diverso pugna est. Neque immerito: & recepta est a doctissimis hæc differentia, & apud plurimos ac prudentissimos durat.

rat. Et de hoc quidem genere disceptationis, etiam. CAP. X.
si non omnia tradi, tamen aliqua potuerunt. Sunt
alia, quæ nisi proposita de qua dicendum est, ma-
teria, viam docendi non præbeant. Non enim cau-
sa universa in quæstiones ac locos diducenda est: sed
hæ ipsæ partes habent rursus ordinem suum. Nam
& in præmio primum est aliquid, & secundum,
ac deinceps. Et quæstio omnis ac locus habet suam
dispositionem, ut thesæ etiam simplices. Nisi for-
te satis erit dividendi peritus, qui controversiam in
hæc diduxerit; An omne præmium viro forti dan-
dum sit, an ex privato, an nuptiæ, an ea quæ nu-
pta sit, an hæc: deinde cum fuerit de prima quæ-
stione dicendum, passim & ut quicque in mentem
veniet, miscuerit: non primum in ea scierit esse
tractandum; verbis legis standum sit, an volunta-
te: hujus ipsius particulæ aliquod initium fecerit:
deinde proxima subnectens, struxerit orationem;
ut pars hominis est manus, ejus digiti, illorum
quoque articuli. Est & hoc, quod scriptor de-
monstrare non possit, nisi certa, definitaque ma-
teria. Sed quid una faciat, aut altera? quinimo
centum ac mille in re infinita, atque materia?
Præceptoris est, in alio atque alio genere quotidie
ostendere quis ordo sit rerum, & quæ copulatio;
ut paulatim fiat usus, & ad similia transitus. Tradi-
enim omnia quæ ars efficit, non possunt. Nam quis
pictor omnia quæ in rerum natura sunt, adumbra-
re didicit? sed percepta semel imitandi ratione, as-
similabit quicquid acceperit. Quis non faber vascu-
lum aliquod quale nunquam viderat, facit? Qua-
dam vero non docentium sunt, sed discientium.
Nam

CAP. X. Nam & medicus quid in quoque valetudinis genere faciendum sit ; quid quibus signis providendum, docebit : Vim sentiendi pulsus venarum , caloris motus , spiritus meatum , coloris distantiam , quæ sua cujusque sunt , ingenium dabit. Quare plurima petamus a nobis , & cum causis deliberemus ; cogitemusque homines ante invenisse artem , quam docuisse. Illa enim potentissima est , quæque vere dicitur œconomica totius causæ dispositio , quæ constitui nisi velut in re præsentī non potest : ubi assumendum procœmium , ubi omittendum : ubi utendum expositione continua , ubi partita : ubi ab initiis incipiendum , ubi more Homérico a mediis , vel ultimis : ubi omnino non exponendum : quando a nostris , quando ab adversariorum propositionibus incipiamus : quando a firmissimis probationibus , quando a levioribus : quando in causâ proponendæ procœmii quæstiones , qua præparatione præmuniendæ : quid iudicis animus accipere possit statim dictum , quo paulatim deducendus : singulis , an universis opponenda refutatio : reservandi perorationi , an per totam actionem diffundendi affectus : de jure prius , an de æquitate dicendum : an antea acta crimina , an de quibus judicium est , prius objicere vel diluere conveniat. Si multiplices causæ erunt ; quis ordo faciendus , quæ testimonia , tabulæve cujusque generis in actione recitandæ , quæ reservandæ. Hæc est velut imperatoria virtus copias suas partientis ad casus præliorum , retinentis partes propter castella tuenda ; custodiendasve urbes , petendos commearum , obsidenda itinera ; mari denique ac terra dividendis. Sed hæc in oratione præstat omnia , cui affue-

INSTITUTIONES CAP. X.
affertur natura, doctrina, studium. Quare nemo expectet, ut alieno tantum labore sit disertus. Vigilandum ducat, iterum enitendum, pallendum: est facienda sua cuique vis, usus, sua ratio: non respiciendum ad hæc, sed in promptu habenda: nec tanquam tradita, sed tanquam innata. Nam viam demonstrare velociter ars potest, si qua est: verum ars satis præstat, si copias eloquentiæ ponit in medio; nostrum est uti eis scire. Reliqua partium est demum dispositio: & in his ipsis primus aliquis sensus, & secundus, & tertius: qui non modo ut sint ordine collocati, elaborandum est, sed ut inter se juncti, atque ita coherentes, ne commissura pellucet, corpus sit, non membra. Quod ita continget, si & quid in quoque conveniat viderimus, & ut verba verbis applicemus, non pugnantiæ, sed quæ invicem complectantur. Ita res diversæ distantibus ex locis quasi invicem ignotæ non collidentur, sed aliqua societate cum prioribus ac sequentibus se, copulaque tenebunt: ac videbitur non solum composita oratio, sed etiam continua. Verum longius fortasse progredior fallente transitu, & a dispositione ad elocutionis præcepta labor, quod proximus liber inchoabit.

M. FABII QUINCTILIANI

DE

Institutione Oratoria

LIBER VIII.

HIS fere quæ in proximos quinque libros collata sunt, ratio inveniendi, atque inventa disponendi, continetur: quam ut per omnes numeros penitus cognoscere, ad summam scientiæ necessarium est, ita incipientibus brevius ac simplicius tradi magis convenit. Aut enim difficultate institutionis tam numerosæ atque perplexæ deterreri solent: aut eo tempore quo præcipue alenda ingenia, atque indulgentia quadam enutrienda sunt, asperiorum tractatu rerum atteruntur: aut si hæc sola didicerint, satis se ad eloquentiam instructos arbitrantur: aut quasi ad certas quasdam dicendi leges alligati, conatum omnem reformidant. Unde existimant accidisse, ut qui diligentissimi artium scriptores extiterunt, ab eloquentia longissime fuerint. Via tamen opus est incipientibus, sed ea plana, & cum ad ingrediendum, tum ad demonstrandum expedita. Eligat itaque peritus ille

ille præceptor ex omnibus optima, & tradat ea demum in præsentia, quæ placent, remota refutandi cætera mora. Sequuntur enim discipuli quo rexeris: mox cum robore discendi crescit etiam eruditio. Iidem primo solum iter credant esse in quod inducentur, post illud cognituri etiam optimum. Sunt autem neque obscura, neque ad percipiendum difficilia, quæ scriptores diversis opinionibus pertinaciter tuendis involverunt. Itaque in toto artis hujus tractatu difficilius est judicare quid doceas, quam cum judicaris, docere: præcipueque in dubiis his partibus perquam sunt pauca, circa quæ si is qui instituitur, non repugnaverit, primum ad cætera habiturus est cursum. Nempe enim plurimum in hoc laboris exhausimus, ut ostenderemus rhetoricæ bene dicendi scientiam, & utilem, & artem, & virtutem esse: materiam ejus, res omnes de quibus dicendum esset. Tum & eas in tribus fere generibus, demonstrativo, deliberativo, judicialique reperiri. Orationem porro omnem constare rebus & verbis. In rebus intuendam inventionem, in verbis elocutionem, in utrisque collationem: quæ memoria complecteretur, actio commendaret. Oratoris officium, docendi, movendi, delectandi partibus contineri. Ex quibus ad docendum, expositio & argumentatio; ad movendum, affectus pertinerent: quos per omnem quidem causam, sed maxime tamen in ingressu ac fine dominari. Nam delectationem, quamvis in utroque sit eorum, magis tamen proprias in elocutione partes habere. Quæstiones alias infinitas, alias finitas; quæ personis, locis, temporibus continerentur. In omni

K k k 2

porro

porro materia tria esse querenda ; an sit , quid sit , quale sit. His adiciebamus , demonstrativam laude ac vituperatione constare. In ea , quæ ab ipso de quo diceremus ; quæ post eum acta essent , intueudum. Hoc opus tractatū honestorum utiliumque constare. Suasoriis accedere tertiam partem ex conjectura ; possetne fieri , & an esset futurum , de quo deliberaretur. Hic præcipue diximus spectandum ; quis , apud quem , quid diceret. Judicialium causarum alias in singulis , alias in pluribus controversiis consistere : & in quibusdam intentionem ; modo depulsionem : porro depulsionem omnem inficiatione duplici ; factumne , & an hoc factum esset : præterea defensione ac translatione constare. Questionem , aut ex facto , aut ex scripto esse. Ex facto ; de rerum fide , proprietate , qualitate. Ex scripto ; de verborum vi , aut voluntate : in quibus vis tum causarum , tum actionum inspicere solet : quæque aut scripti & voluntatis , aut ratiocinativæ , aut ambiguitatis , aut legum contrariarum specie continetur. In omni porro causa judiciali quinque esse partes : quarum exordio conciliari audientem , narratione causam proponi , confirmatione roborari , refutatione dissolvi , peroratione aut memoriam refici , aut animos moveri. His argumentandi & afficiendi locos ; & quibus generibus concitari , placari , resolvi iudices oportet , adjecimus. Accessit ratio divisionis. Credere modo qui discet , velit , certam quandam viam esse , in qua multa etiam sine doctrina præstare debeat per se ipsa natura ; ut hæc de quibus dixi , non tam inventa a præceptoribus , quam cum fierent , observata esse videantur.

deantur. Plus exigunt laboris & curæ quæ sequuntur. Hinc enim jam elocutionis rationem tractabimus, partem operis, ut inter omnes oratores convenit, difficillimam. Nam & M. Antonius, cujus supra habuimus mentionem, ait *a se disertos viſos eſſe multos, eloquentem autem neminem*. Disertis ſatis putat dicere quæ oporteat: ornatè autem dicere, proprium eſſe eloquentiſſimi. Quæ virtus ſi uſque ad eum in nullo reperta eſt, ac ne in ipſo quidem, aut L. Cratſo; certum eſt & in his & in prioribus eam deſideratam, quia difficillima fuit. Et Marcus Tullius inventionem quidem ac diſpoſitionem, prudentis hominis putat; eloquentiam, oratoris. Ideoque præcipue circa partis hujus præcepta elaboravit. Quod eum merito feciſſe, etiam ipſo rei, de qua loquimur nomine, palam declaratur. Eloqui enim hoc eſt, omnia quæ mente conceperis, promere, atque ad audientes perferre; ſine quo ſupervacua ſunt priora, & ſimilia gladio condito, atque intra vaginam ſuam hærenti. Hoc itaque maxime docetur: hoc nullus niſi arte aſſequi poteſt: huc ſtadium adhibendum: hoc exercitatio petit, hoc imitatio: hic omnis ætas conſumitur: hoc maxime orator oratore præſtantior: hoc genera ipſa dicendi alia aliis potiora. Neque enim Aſiani, aut quocunque alio genere corrupti, res non viderunt, aut eas non collocaverunt: neque quos aridos vocamus, ſtulti, aut in cauſis cæci fuerunt: ſed his judicium in eloquendo ac modus; illis vires deſuerunt: ut appareat in hoc & vitium & virtutem eſſe dicendi. Non ideo tamen ſola eſt agenda cura verborum. Occurram enim necesse eſt, & velut

velut in vestibulo protinus apprehensuris hanc confessionem meam, resistam iis qui omissa rerum (qui nervi sunt in causis) diligentia, quodam inani circa voces studio senescunt: idque faciunt gratia decoris; quod est in dicendo mea quidem opinione pulcherrimum, sed cum sequitur, non cum affectatur. Corpora sana, & integri sanguinis, & exercitatione firmata, ex iisdem his speciem accipiunt, ex quibus vires: namque & colorata, & adstricta, & laertis expressa sunt, sed eadem si quis vult atque fucata muliebriter comat, foedissima sunt ipso formae labore. Et cultus concessus atque magnificus addit hominibus, ut Græco versu testatum est, auctoritatem: at muliebris & luxuriosus, non corpus exornat, sed detegit mentem. Similiter illa translucida & versicolor quorundam elocutio, res ipsas effoeminat, quæ illo verborum habitu vestiuntur. Curam ergo verborum, rerum volo esse sollicitudinem. Nam plerumque optima rebus coherant, & cernuntur suo lumine: at nos quærimus illa tanquam lateant semper, seque subducant. Ita nunquam putamus circa id esse, de quo dicendum est sed ex aliis locis petimus, & inventis vim afferimus. Majore animo aggredienda eloquentia est: quæ si toto corpore valet, ungues polire & capillum componere, non existimabit ad curam suam pertinere. Sed evenit plerumque, ut hac diligentia deterior etiam fiat oratio. Primum, quia sunt optima minime accersita, & simplicibus atque ab ipsa veritate profectis similia. Nam illa quæ curam fatentur, & ficta atque composita videri etiam volunt, nec gratiam consequuntur, & fidem amittunt,

unt, propter id quod sensus obumbrant, & velut lato gramine sata strangulant. Nam & quod recte dici potest, circumimus amore verborum; & quod satis dictum est, repetimus; & quod uno verbo patet, pluribus oneramus; & pleraque significare melius putamus, quam dicere. Quid? quod nihil jam proprium placet, dum parum creditur disertum, quod & alius dixisset. A corruptissimo quoque poetarum figuras seu translationes mutuamur: tum demum ingeniosi scilicet, si ad intelligendos nos opus sit ingenio. Atqui satis aperte Cicero præceperat, in dicendo vitium vel maximum esse, a vulgari genere orationis, atque a consuetudine communis sensus abhorrere. Sed ille durus, atque in-eruditus: nos melius, quibus sordent omnia quæ natura dictavit: quia non ornamenta quærimus, sed lenocinia. quasi vero sit ulla verborum, nisi rei coherentium, virtus: quæ ut propria sint & dilucida & ornata, & apte collocentur, si tota vita laborandum est, omnis studiorum fructus amissus est. Atque plerosque videas hærentes circa singula, & dum inveniunt, & dum inventa ponderant, ac dimetiuntur. Quod etiam si idcirco fieret, ut semper optimis uterentur, abominanda tamen hæc infelicitas erat, quæ & cûrsûm dicendi refrænât, & calorem cogitationis extinguit mora & diffidentia. Miser enim, & (ut sic dicam) pauper orator est, qui nullum verbum æquo animo perdere potest. Sed ne perdet quidem, qui rationem loquendi pristinam cognoverit, tum lectione multa & idonea copiosam sibi verborum suppellectilem compararit, & huic adhibuerit artem collocandi: deinde hæc omnia ex-circita-

exercitatione plurima roborarit, ut semper in promptu sint, & ante oculos. Namque & hoc qui fecerit, ei res cum nominibus suis occurrent. Sed opus est studio præcedente, & acquisita facultate, & quasi reposita. Namque ista quærendi, judicandi, comparandi anxietas, dum discimus, adhibenda est, non cum dicimus. Alioqui sicut qui patrimonium non pararunt, subinde quærunt: ita in oratione, qui non satis laborarunt, si præparata vis dicendi non fuerit, erunt inofficiosi, non ut ad requisita respondere, sed ut semper sensibus inhærere videantur, atque ut umbra corpus sequi. Tamen in hac ipsa cura est aliquid satis. Nam cum latina, significantia, ornata, cum apte sunt collocata, quid amplius laboremus? Quibusdam tamen nullus finis calumniandi est, & cum singulis pene syllabis commorandi: qui etiam cum optima sunt reperta, quærunt aliud, quod sit magis antiquum, remotum, inopinatum: nec intelligunt jacere sensus in oratione, in qua verba laudantur. Sit igitur cura elocutionis quam maxima, dum sciamus tamen nihil verborum causa esse faciendum, cum verba ipsa rerum gratia reperta sint: quorum ea sunt maxime probabilia, quæ sensum animi nostri optime promunt, atque in animis iudicum quod volumus efficiunt. Ea debent præstare sine dubio & admirabilem & jucundam orationem. Verum admirabilem non sic quomodo prodigia miramur, & jucundam orationem non deformi voluptate, sed cum laude ad dignitatem conjuncta.

IGITUR

IGITUR quam Græci *ῥητορικὴ* vocant, latine CAP. I.
dicimus elocutionem. Eam spectamus in verbis aut
singulis, aut conjunctis. In singulis intuendum est,
ut sint latina, perspicua, ornata, & ad id quod ef-
ficere volumus, accommodata. In conjunctis, ut
emendata, ut collocata, ut figurata. Sed ea quæ
de ratione latine atque emendate loquendi fuerunt
dicenda, in libro primo cum de grammaticæ lo-
queremur, executi sumus. Verum illic tantum ne
vitiōsa essent, præcepimus: hic non alienum est
admonere, ut sint quam minime peregrina, & ex-
terna. Multos enim, quibus loquendi ratio non de-
fit, invenias, quos curiose potius loqui dixeris,
quam latine: quomodo & illa Attica anus Theo-
phrastum, hominem alioqui disertissimum, anno-
tata unius affectatione verbi, hospitem dixit: nec
alio se id deprehendisse interrogata respondit, quam
quod nimium Atticæ loqueretur. Et in Tito Livio
miræ facundiæ viro putat inesse Pollio Asinius quan-
dam Patavinitatē. Quare, si fieri potest, & ver-
ba omnia, & vox, hujus alumnū Urbis redo-
leant; ut oratio Romana plane videatur, non civi-
tate donata.

PERSPICUITAS in verbis præcipuam habet CAP. II.
proprietas: sed proprietas ipsa non simpliciter
accipitur. Primus enim intellectus est, sua cuius-
que rei appellatio. qua non semper utimur. Nam
& obscœna vitabimus, & sordida, & humilia. Sunt
autem humilia infra dignitatem rerum, aut ordinis.
In quo vitio cavendo non mediocriter quidam er-
rare solent, qui omnia quæ sunt in usu, etiam si

LIcausæ

CAP. II. causæ necessitas postulet, reformidant: ut ille qui in actione, *Ibericas herbas*, se solo nequicquam intelligente, dicebat, nisi irridens hanc vanitatem Cassius Severus, *Spartum* eum dicere velle indicasset. Nec video quare clarus orator *duratos maria pisces* nitidius esse crediderit, quam ipsum id quod vitabat. In hac autem proprietatis specie, quæ nominibus ipsis cuiusque rei utitur, nulla virtus est: atqui ei contrarium est vitium: id apud nos improprium, *ἀνυπερ* apud Græcos vocatur, quale est,

----- *Tantum sperare dolorem:*

Aut quod in oratione Dolabellæ emendatum a Cicerone annotavi; *Mortem ferre*. aut qualia nunc laudantur a quibusdam: quorum est; *De cruce verba ceciderunt*. Non tamen quicquid non erit proprium, protinus & improprii vitio laborabit: quia primum omnium multa sunt & græce & latine non denominata. Nam & qui jaculum emittit, *jaculari* dicitur: qui pilam aut sudem, appellatione privatim sibi assignata caret: & ut *lapidare* quid sit manifestum est, ita glebarum testarumque jactus non habet nomen. Unde abusio, quæ *κατάχρησις* dicitur, necessaria. Translatio quoque, in qua vel maximus est orationis ornatus, verba non suis rebus accommodat. Quare proprietas non ad nomen, sed ad vim significandi refertur: nec auditu, sed intellectu perpendenda est. Secundo modo dicitur proprium inter plura quæ sunt ejusdem nominis, id, unde cætera ducta sunt: ut *vertex* est contorta in se aqua, vel quicquid aliud similiter vertitur: inde propter flexum capillorum, pars est summa capitis: & ex

& ex hoc , quod est in montibus eminentissimum, CAP. II. .
 Recte , inquam , dixeris hæc omnia *vertices* ; proprie tamen , unde initium est. Sic *solea* & *turdi* pisces , & cætera. Tertius est huic diversus modus , cum res communis pluribus , in uno aliquo habet nomen eximium : ut carmen funebre proprie *Nænia* , & tabernaculum ducis , *Augustale*. Item quod commune est & aliis nomen , intellectu alicui rei peculiariter tribuitur ; ut *urbem* , Romam accipimus : & *venales* , novitios : & *Corinthia* , æra : cum sint urbes aliæ quoque , & venalia multa , & tam aurum & argentum , quam æs Corinthium. Sed ne in his quidem virtus oratoris inspicitur. At illud jam non mediocriter probandum , quod hoc etiam laudari modo solet , ut proprie dictum ; id est , quo nihil inveniri possit significantius : ut Cato dixit *C. Cæsarem ad evertendam rempublicam sobrium accessisse* : ut Virgilius *deductum carmen* , & Horatius *acrem tibiam* , *Hannibalemque dirum*. In quo modo illud quoque est a quibusdam traditum proprii generis , ex apposis : quæ epitheta dicuntur , ut ; *Dulce mustum* : & , *Cum dentibus albis*. De quo genere alio loco dicendum est. Etiam quæ bene translata sunt , propria dici solent. Interim autem quæ sunt in quoque genere præcipua , proprii locum accipiunt : ut Fabius inter plures imperatorias virtutes , *Cunctator* est appellatus. Possunt videri verba quæ plus significant quam eloquuntur , in parte ponenda perspicuitatis : intellectum enim adjuvant. Ego autem libentius emphasin retulerim ad ornatum orationis : quia non ut intelligatur efficit , sed ut plus intelligatur. At obscuritas fit etiam verbis ab usu

CAP. II. remotis : ut si commentarios quis pontificum , & vetustissima foedera , & exoletos scrutatus auctores, id ipsum petat ex his , ut quæ inde contraxerit , non intelligantur. Hinc enim aliqui famam eruditionis affectant , ut quædam soli scire videantur. Fallunt etiam verba vel regionibus quibusdam magis familiaria , vel artium propria : ut *Atabulus* ventus , & navis *Saccaria* , & *Inmalaco* , fane. Quæ vel vitanda apud judicem ignarum significationum earum , vel interpretanda sunt : sicut in his , quæ Homonyma dicuntur : ut ; *Taurus* animal sit , an mons , an signum in cælo , an nomen hominis , an radix arboris , nisi distinctum non intelligitur. Plus tamen est obcuritatis in contextu & continuatione sermonis , & plures modi. Quare nec fit tam longus , ut eum prosequi non possit intentio : nec traiectione tam tardus , ut in hyperbaton finis ejus differatur. Quibus adhuc peior est mixtura verborum , qualis in illo versu :

Saxa vocant Itali mediis qua in fluctibus , aras.

Etiâ interjectione , qua & oratores & historici frequenter utuntur , ut medio sermone aliquem inferant sensum , impediri solet intellectus ; nisi quod interponitur , breve est. Nam Virgilius illo loco quod pullum equinum describit , cum dixisset ;

Nec vanos horret strepitus—

compluribus insertis , alia figura quinto demum versu redit ;

— *Tum siqua sonum procul arma dedere ,
Stare loco nescis.*

Vitan-

Vitanda imprimis ambiguitas, non hæc solum, de
cujus genere supra dictum est, quæ incertum in-
tellectum facit; ut *Chremetem audiui percussisse De-
meam*: sed illa quoque, quæ etiamsi turbare non
potest sensum, in idem tamen verborum vitium in-
cidit: ut si quis dicat, *visum a se hominem librum
scribentem*. Nam etiamsi librum ab homine scri-
bi pateat, male tamen composuerat, feceratque
ambiguum, quantum in ipso fuit. Est etiam in qui-
busdam turba inanum verborum, qui dum com-
munem loquendi morem reformidant, ducti specie
nitoris, circumeunt omnia copiosa loquacitate quæ
dicere volunt: ipsam deinde illam seriem cum alia
simili jungentes, miscentesque, ultra quam ullus
spiritus durare possit, extendunt. In hoc malum
etiam a quibusdam laboratur: neque id novum vi-
tium est, cum jam apud Titum Livium inveniam,
fuisse præceptorem aliquem, qui discipulos obscura-
re quæ dicerent, juberet, Græco verbo utens;
σκότισον. Unde illa scilicet egregia laudatio; *Tanto
melior: ne ego quidem intellexi*. Alii brevitatis æmu-
li, necessaria quoque orationi subtrahunt verba, &
velut satis sit scire ipsos quæ dicere velint, quan-
tum ad alios pertineat, nihil putant. At ego otio-
sum sermonem dixerim, quem auditor suo ingenio
intelligit. Quidam emutatis in perversum dictis, de
figuris idem vitium consequuntur. Pessima vero sunt
ἀδιάρητα, hoc est, quæ verbis aperta occulto sensu
sunt: ut; *Conductus est cecius secus viam stare*: & qui
suos artus morsu lacerasset, fingitur in scholis, *su-
pra se cubasse*. Ingeniosa hæc & fortia, ut ex anci-
piti diserta credantur, perficiunt. At pervasit qui-

LII 3

dem

CAP. II. dem jam multos ista persuasio, ut id jam demum eleganter atque exquisitè dictum putent, quod interpretandum sit. Sed auditoribus etiam nonnullis grata sunt hæc, quæ cum intellexerint, acumine suo delectantur, & gaudent non quasi audiverint, sed quasi invenerint. Nobis prima sit virtus perspicuitas, propria verba, rectus ordo, non in longum dilata conclusio: nihil neque desit, neque superfluat. Ita sermo & doctis probabilis, & planus imperitis erit. Hæc est eloquendi observatio. Nam rerum perspicuitas quo modo præstanda sit, diximus in præceptis narrationis. Similis autem ratio est in omnibus. Nam si neque pauciora quam oportet, neque plura, neque inordinata aut indistincta dixerimus; erunt dilucida, & negligenter quoque audientibus aperta: quia id ipsum in consilio est habendum, non semper tam esse acrem iudicis intentionem, ut obscuritatem apud se ipse discutiat, & tenebris orationis inferat quoddam intelligentiæ suæ lumen: sed multis eum frequenter cogitationibus avocari; nisi tam clara fuerint quæ dicemus, ut in animum ejus oratio, ut sol in oculos, etiam si in eam non intendatur, incurrat. Quare non ut intelligere possit, sed ne omnino possit non intelligere curandum. Propter quod etiam repetimus sæpe quæ non satis percepisse eos qui cognoscunt, putamus: *Qua causa utique nostra culpa dicta obscurius est: qua causa ad planiora & communia magis verba descendimus.* Cum id ipsum optime fiat, quod nos aliquando non optime fecisse simulamus.

VENIO

VENIO nunc ad ornatum : in quo sine du- CAP. III.
bio plus quam in cæteris dicendi partibus sibi ora-
tor indulget. Nam emendate quidem ac dilucide
dicentium, tenue præmium est ; magisque vitiis ca-
rere, quam ut aliquam magnam virtutem adeptus
esse videaris. Inventio cum imperitis sæpe commu-
nis : dispositio modicæ doctrinæ credi potest : &
quæ sunt artes altiores, plerumque occultantur, ut
artes sint : denique omnia hæc ad utilitatem cau-
sarum solam referenda sunt. Cultu vero atque or-
natu se quoque commendat ipse qui dicit, & in
cæteris iudicium doctorum, in hoc vero etiam po-
pulari laudem petit. Nec fortibus modo, sed
etiam fulgentibus armis præliatus in causâ est Cice-
ro Cornelii : cum assecutus esset dicendo, ut popu-
lus Romanus admirationem suam non acclamatione
tantum, sed etiam plausu confiteretur. Sublimitas
profecto, & magnificentia, & nitor, & auctoritas
expressit illum fragorem. Nec tam insolita laus esset
prosecuta dicentem, si usitata & cæteris similis fuisset
oratio. Atque ego illos credo qui aderant, nec
sensisse quid facerent, nec sponte iudicioque plau-
sisse ; sed velut mente captos, & quo essent in lo-
co ignaros, erupisse in hunc voluntatis affectum.
Sed ne causæ quidem parum confert idem hic ora-
tionis ornatu. Nam qui libenter audiunt, & magis
attendunt, & facilius credunt ; plerumque ipsa de-
lectatione capiuntur : nonnunquam admiratione au-
feruntur. Nam & ferrum affert oculis terroris ali-
quid, & fulmina ipsa non tam nos confunderent, si
vis eorum tantum, non etiam ipse fulgor timeretur.
Recteque Cicero his ipsis ad Brutum verbis quadam
episto-

CAP. III. epistola scribit; *Nam eloquentiam, qua admirationem non habet, nullam judico.* Aristoteles quoque eandem petendam maxime putat. Sed hic ornatus (repetam enim) virilis, & fortis, & sanctus sit: nec effeminatam lævitatem, & fuco ementitum colorem amet; sanguine & viribus niteat. Hoc autem adeo verum est, ut cum in hac maxime parte sint vicina virtutibus vitia, etiam qui vitiis utuntur, virtutis tamen his nomen imponant. Quare nemo ex corruptis dicat, me inimicum esse culte dicentibus. Non nego hanc esse virtutem, sed illis eam non tribuo. An ego fundum cultiorem putem, in quo mihi quis ostenderit lilia & violas, & amœnos fontes surgentes; quam ubi plena messis, aut graves fructu vites erunt? Sterilem platanum, tonsasque myrtos, quam maritam ulmum & uberes oleas præoptaverim? Habeant illa divites: licet quid essent, si aliud nihil haberent? Nullusne ergo etiam fructiferis adbibendus est decor? quis negat? Nam & in ordinem certaque intervalla redigam eas arbores. Quid enim illo quincunce speciosius, qui, in quamcunque partem spectaveris, rectus est? Sed protinus in id quoque prodest, ut terræ succum æqualiter trahant. Surgentia in altum cacumina oleæ, ferro coërcebo: in orbem se formosius fundet, & protinus fructum ramis pluribus feret. Decentior equus, cujus adstricta sunt ilia; sed idem velocior. Pulcher aspectu sit athleta, cujus lacertos exercitatio expressit; idem certamini paratior. Nunquam vera species ab utilitate dividitur. Sed hoc quidem discernere modici judicii est. Illud observatione dignius, quod hic ipse honestus ornatus pro materiæ genere decet

M m m

Digitized by Google

CAP. III. natum esse, quod sit improprium. Sed cum idem frequentissime plura significant, quod *ovanyvia* vocatur, jam sunt alius alia honestiora, sublimiora, nitidiora, jucundiora, vocaliora. Nam ut syllabae litteris melius sonantibus clariores sunt, ita verba e syllabis magis vocalia: & quo plus quæque spiritus habet, auditu pulchrior. Et quod facit syllabarum, idem verborum quoque inter se copulatio, ut aliud alii junctum melius sonet. Diverſus tamen est usus. Nam rebus atrocibus verba etiam ipſo auditu aspera magis conveniunt. In universum quidem, optima simplicium creduntur, quæ aut maxime exclamant, aut sono sunt jucundissima. Et honesta quidem turpibus potiora semper, nec sordidis unquam in oratione erudita locus. Clara illa atque sublimia plerumque materiæ modo cernenda sunt. Quod enim alibi magnificum, tumidum alibi; & quæ humilia circa res magnas, apta circa minores videntur. Et sicut in oratione nitida notabile est humilius verbum, & velut macula: ita a sermone tenui sublime nitidumque discordat, fitque corruptum, quia in plano tumet. Quædam non tam ratione quam sensu judicantur: ut illud;

Casa jungebant fœdera porca—

fecit elegans, fictio nominis: quod si fuisset *porro*, vile erat. In quibusdam ratio manifesta est. Rissimus, & merito, nuper poetam qui dixerat;

Prætextam in cista mures referre Camilli.

At Virgilii miramur illud;

Sape exiguum mur.

Nam

Nam epitheton *exiguus*, aptatum proprium efficit CAP. III
ne plus expectaremus, & casus singularis magis de-
cuit, & clausula ipsa unius syllabæ non usitata, ad-
didit gratiam. Imitatus est itaque utrumque Ho-
rati;

--- *Nascetur ridiculus mus.*

Nec augenda semper oratio, sed submittenda
nonnunquam est. Vim rebus aliquando verbo-
rum ipsa humilitas affert. An cum dicit in Pisonem
Cicero; *Cum tibi tota cognatio in farraco advehatur*,
incidisse videtur in fordidum nomen, non eo con-
temptum hominis quem destructum volebat, attulisse?
Et alibi; *Caput opponis, cum eo consilians*. Unde inte-
rim grati idiotis joci: qualis est ille apud M. Tul-
lium; *Pasio qui cum majore sorore cabitabat*. Et; *Cn.*
Flavius, qui cornicum oculos confixit. Et pro Milo-
ne illud; *Heus ubi Ruscio?* & pro Varenio; *Eruius*
Antonias. Id tamen in declamationibus est nota-
bilius, laudarique me puero solebat; *Da patri pa-*
nem. & in eodem; *Etiā canem pascis*. Res qui-
dem præcipue in scholis anceps, sed frequenter cau-
sa risus; nunc utique, cum hæc exercitatio pœcul
a veritate *sejuncta*, laboret incredibili verborum fa-
stidio, ac sibi magnam partem sermonis abscederit.
Cum sint autem verba propria, ficta, translata; pro-
priis dignitatem dat antiquitas: namque & sanctio-
rem & magis admirabilem faciunt orationem, qui-
bus non quilibet fuerat usus: eoque ornamento
acerrimi iudicii P. Virgilius unice est usus. *illi enim*,
& *quiamam*, & *mis*, & *pene*, pellucunt ad spargen-
dam illam, quæ etiam in picturis est gratissima.

M m m 2

vetu-

CAP. III. vetustatis inimitabilem arti auctoritatem. Sed utendum modo, nec ex ultimis tenebris repetenda. Satis est vetus; quid necesse quæso dicere, *Oppido*? quo sunt usi paululum tempore nostro superiores; vereor ut jam non ferat quisquam: certe *Antigeris* cuius eadem significatio est, nemo nisi ambitiosus utetur. *Ærumnas* quid opus est? tanquam parum sit si dicatur *labor*. Horridum, *reor*: tolerabile, *autumno*: tragicum, *prolem*; sed *etiam universam ejus prosapiam*, insulsum, Quid multa? totus prope mutatus est sermo. Quædam tamen adhuc vetera vetustate ipsa gratius nitent, quædam etiam necessario interim sumuntur: *enuncappare*, *effari*, & multa alia etiam audientibus grata inferi possunt, sed ita demum, si non appareat affectatio: in quam mirifice Virgilius;

*Corinthiorum amator iste verborum,
Thucydides Britannus, Attica febres,
Tau Gallicum, min, al, spina mala illisit,
Ita omnia ista verba miscuit fratri.*

Cimber hic fuit; a quo fratrem necatum hoc Ciceronis dicto notatum est; *Germanum Cimber occidit*. Nec minus noto Sallustius epigrammate incescitur;

*Et verba antiqui multum furate Catonis
Crispe, Jugurthina conditor historia.*

Odiosa cura. nam est cuilibet facilis: & hoc pessima, quod rei studiosus, non verba rebus aptavit, sed res extrinsecus arcessit, quibus hæc verba conveniant. Fingere, ut primo libro dixi, Græcis ma-

gis

gis concessum est, qui sonis etiam quibusdam & af- CAP. III.
fectibus non dubitaverunt nomina aptare: non a-
lia libertate, quam qua illi primi homines rebus ap-
pellationes dederunt. Nostri autem in jungendo
aut derivando paulum aliquid ausi, vix in hoc sa-
tis recipiuntur. Nam memini juvenis admodum in-
ter Pomponium & Senecam etiam præfationibus esse
tractatum, an *gradus eliminat*, apud Accium in
Tragœdia dici oportuisset. At veteres ne *expectat*
quidem timuerunt. Et sane ejusdem notæ est, *ex-*
animat. At in tractu & declinatione talia sunt, qua-
lia apud Ciceronem *beatitas & beatitudo*: quæ dura
quidem sentit esse, veruntamen usu putat posse
molliri. Nec a verbis modo, sed a nominibus
quoque derivata sunt quædam, ut a Cicerone *sul-*
laturit, & ab Asinio *simbriaturit & figulaturit*. Mul-
ta ex Græco formata nova, ac plurima a Sergio
Flavio, quorum dura quædam admodum videntur,
ut *ens*, & *essentia*: quæ cur tantopere aspernemur,
nihil video, nisi quod iniqui iudices adversus nos
sumus, ideoque paupertate sermonis laboramus.
Quædam tamen perdurant. Nam & quæ vetera
nunc sunt, fuerunt olim nova, & quædam in usu
perquam recentia; ut Messala primus *reatum*, *mu-*
nerarium Augustus primus dixerunt. *Piraticam* quo-
que ut *musicam & fabricam* dici adhuc dubitabant
mei præceptores. *Favorem*, & *urbanum*, Cicero no-
va credit. Nam in epistola ad Brutum, *Eum*, in-
quit, *amorem*, & *eum* (ut hoc verbo utar) *favorem*
in consilium advocabo. Et ad Appium Pulchrum; *Te*
hominem non solum sapientem, verum etiam (ut nunc
M m m 3 loqui-

CAP. III. *loquimur*) *urbanum*. Idem putat a Terentio primum dictum esse *obsequium*. Cæcilius ad Sisennam, *Albenti cælo* : *Cervicem* videtur Hortensius primus dixisse. nam veteres pluraliter appellabant. Audendum itaque. Neque enim accedo Celsò, qui ab oratore verba fingi vetat. Nam cum sint eorum alia, iudicio Ciceronis, nativa, id est, quæ significata sunt primo sensu : alia reperta, quæ ex his facta sunt ; ut jam nobis ponere alia quam quæ illi rudes homines primique fecerunt, fas non sit : at derivare, flectere, conjungere, quod natis postea concessum est, quando desuit licere ? Et si quid periculosius finxisse videbimur, quibusdam remediis præmuniendum est ; *Ut ita dicam, si licet dicere, quodammodo, permittite mihi sic uti*. Quod idem etiam in iis quæ licentius translata erunt, proderit, quæ non tuto dici possunt. In quo non falli iudicium nostrum sollicitudine ipsa manifestum erit. Quæ de re Græcum erit illud elegantissimum, quo præcipitur ita, *προεπιπλήσσειν τῇ ὑπερβολῇ*. Translata probari nisi in contextu sermonis non possunt. Itaque de singulis verbis satis dictum, quæ, ut alio loco ostendi, per se nullam virtutem habent. Sed ne inornata sunt quidem, nisi cum sunt infra rei, de qua loquendum est, dignitatem : excepto, si obscena nudis nominibus enuncientur. Quæ viderint, qui non putant esse vitanda : quia nec sit vox ulla natura turpis, & si qua est rei deformitas, alia quoque appellatione quacunque ad intellectum eundem nihilominus perveniat. Ego Romani pudoris more contentus, ut jam respondi talibus, verecundiam silentio vindicabo. Jam hinc igitur ad con-

conjuncti sermonis rationem transeamus. Cujus or- CAP. III.
natus in hæc duo prima dividitur; quam concipia-
mus elocutionem, quo modo efferamus. Nam
primum est, ut liqueat, augere quid velimus, an
minuere: concitate dicere, an moderate: late, an
severe: abundanter, an presse: aspere, an leniter:
magnifice, an subtiliter: graviter, an urbane. Tum
quo translationis genere, quibus figuris, qualibus
sententiis, quo modo, qua postremo collocatione,
id quod intendimus, efficere possimus. Cæterum
dicturus quibus ornatur oratio, prius ea quæ sunt
huic contraria laudi, attingam: nam prima virtus
est, vitio carere. Igitur ante omnia ne speremus
ornatam orationem fore, quæ probabilis non erit.
Probabile autem Cicero id genus dicit, quod non
plus minusve est quam decet. Non quia comi ex-
polirique non debeat, (nam & hæc ornatus pars
est) sed quia vitium est ubique quod nimium est.
Itaque vult esse auctoritatem & pondus in verbis,
sententias vel graves, vel aptas opinionibus homi-
nium ac moribus. His enim salvis licet assume-
re quibus illustrem fieri orationem putat. Dele-
ctant translata, superlata, ad nomen adjuncta, du-
plicia, & idem significantia, ab ipsa actione atque
ab imitatione rerum non abhorrentia. Sed quo-
niam vitia prius demonstrare aggressi sumus, vel
hoc vitium sit quod κακόφωνος vocatur: sive mala
consuetudine in obscœnum intellectum sermo detor-
tus est, ut *ducere exercitus*, & *patrare bellum*, apud
Sallustium dicta sancte & antique, ridentur a nobis;
si diis placet: quam culpam non scribentium qui-
dem judico, sed legentium: tamen vitanda, qua-
tenus

CAP. III. tenus verba honesta moribus perdidimus, & evincantibus etiam vitiis cedendum est. sive junctura deformiter sonat, ut si *cum hominibus notis loqui nos* dicimus, nisi hoc ipsum *hominibus* medium sit, in præfanda videmur incidere: quia ultima prioris syllabæ litera, quæ exprimi nisi labris coeuntibus non potest, aut interficere nos indecentissime cogit, aut continuata cum insequente, in naturam ejus corrumpitur. Aliæ conjunctiones aliquid simile faciunt, quas persequi longum est, in eo vitio quod vitandum dicimus, commorantes. Sed divisio quoque affert eandem injuriam pudori, ut si *intercapedinis* nominativo casu quis utatur. Nec scripto modo id accidit, sed etiam sensu plerique obscœne intelligere, nisi caveris, cupiunt: ut apud Ovidium;

Quaque latent, meliora putat----

ac ex verbis quæ longissime ab obscœnitate absunt, occasionem turpitudinis rapere. Siquidem Celsus cacophaton apud Virgilium putat,

Incipiunt agitata tumescere----

quod si recipias, nihil loqui tutum est. Deformati proximum est humilitatis vitium, *ταπείνωσις* vocant, qua rei magnitudo vel dignitas minuitur. ut *Saxea est verruca in summo montis vertice*. Cui natura contrarium, sed errore par est, parvis dare excedentia modum nomina, nisi cum ex industria risus inde captatur. Itaque nec parriçidam, nequam dixeris hominem; nec deditum forte meretrici,

trici, nefarium: quod alterum parum, alterum CAP. III.
nimium est. Proinde quædam hebes, sordida, je-
juna, tristis, ingrata, vilis oratio est. Quæ vitia
facillime fiunt manifesta contrariis virtutibus. Nam
primum acuto, secundum nitido, tertium copioso,
deinceps hilari, jucundo, accurato diversum est.
Vitanda & *μείωσις*, cum sermoni quidem deest a-
liquid quo minus plenus sit: quanquam id obscu-
ræ potius quam inornatæ orationis vitium est. Sed
hoc quoque cum a prudentibus fit, schema dici so-
let, sicut *αυτολογία*, id est ejusdem verbi aut ser-
monis iteratio. Hæc enim, quanquam non magno-
pere summis auctoribus vitata, interim vitium vi-
deri potest: in quod sæpe incidit etiam Cicero, se-
curus tam parvæ observationis: sicut hoc loco; *Non
solum igitur illud judicium judicii simile, judices, non
fuit.* Interim mutato nomine *επαναληψις* dicitur, at-
que est & ipsum inter schemata: quorum exempla
illo loco reddam, quo virtutes erunt. Pejor hac
ὁμοιολογία est, quæ nulla varietatis gratia levat ta-
edium, atque est tota coloris unius, qua maxime de-
prehenditur carens arte oratoria: eaque & in sen-
tentiis, & figuris, & compositione longa, non a-
nimis solum, sed etiam auribus est ingratiissima.
Vitanda *μακρολογία*, id est longior quam oporteat
sermo, ut apud Livium; *Legati non impetrata pace,
retro domum, unde venerant, abierunt.* Sed huic vi-
cina periphrasis virtus habetur. Est & *πλεονασμός*, vi-
tium, cum supervacuis verbis oneratur oratio; *Ego
multis oculis vidi.* Satis est enim, *vidi.* Emendavit
hoc etiam urbane in Hirtio Cicero, qui cum in
Pansam declamans, filium matri decem mensibus

N N N

in

CAP. III. in utero latum esse dixisset ; *Quid ? alia* , inquit ,
in penula solent ferre ? Nonnunquam tamen illud ge-
 nus , cuius exemplum priore loco posui , affirma-
 tionis gratia adhibetur ,

---*Vocemque his auribus hausi.*

At vitium erit , quoties ociosum fuerit , & supere-
 rit , non cum adjicietur. Est etiam quæ *περυσία*
 vocatur , supervacua (ut sic dixerim) operositas , ut
 a diligenti curiosus , & a religione superstitio distat.
 Atque ut semel finiam , verbum omne quod neque
 intellectum adjuvat neque ornatum , vitiosum dici
 potest. *κακόζηλον* , id est mala affectatio , per omne
 dicendi genus peccat. Nam & tumida , & exilia ,
 & prædulcia , & abundantia , & arcessita , & ex-
 ultantia , sub idem nomen cadunt. Denique *κακό-*
ζηλον vocatur , quicquid est ultra virtutem , quoties
 ingenium iudicio caret , & specie boni fallitur : o-
 mnium in eloquentia vitiorum pessimum. Nam cæ-
 tera cum vitentur , hoc petitur. Est autem totum
 in elocutione. Nam rerum vitia sunt , stultum ,
 commune , contrarium , supervacuum : corrupta o-
 ratio in verbis maxime impropriis , redundantibus ,
 compressione obscura , compositione fracta , vocum
 similitum aut ambiguarum puerili captatione consi-
 stit. Est autem omne *κακόζηλον* utique falsum , et-
 iam si non omne falsum *κακόζηλον* : ut cum dicitur
 aliter quam se natura habet , & quam oportet , &
 quam sat est. Totidem autem generibus corrumpi-
 tur oratio , quot ornatur. Sed de hac parte & in a-
 lio a nobis opere plenius dictum est , & in hoc sæpe
 tractabitur , & adhuc spargetur omnibus locis. Lo-
 quen-

quentes enim de ornatu, subinde quæ sunt vitanda, similia virtutibus vitia, dicemus. Sunt inornata & hæc; Quod male dispositum est, id ἀνοικονόμητον; Quod male figuratum, id ἀσχημάτων; Quod male collocatum, id κακοσύνθετον vocant. Sed de dispositione diximus: de figuris & compositione dicemus. Κοινισμός quoque appellatur quædam mixta ex varia ratione linguarum oratio, ut si Atticis Dorica, Ionica, Æolica etiam dicta confundas. Cui simile vitium est apud nos, si quis sublimia humilibus, vetera novis, poetica vulgaribus misceat. Id enim tale est monstrum, quale Horatius in prima parte libri de arte poetica fingit;

CAP. III.

*Humano capiti cervicem pictor equinam
Jungere si velit, —*

& cætera ex diversis naturis subjiciat. Ornatum est quod perspicuo ac probabili plus est. Ejus primi gradus in eo quod velis exprimi decentius, quod hæc nitidiora faciat: quod proprie dixeris cultum. Itaque ἐνάργεια (cujus in præceptis narrationis feci mentionem) quia plus est evidentia, vel ut alii dicunt, representatio, quam perspicuitas: & illud quidem patet, hoc se quodammodo ostendit; inter ornamenta ponamus. Magna virtus est, res de quibus loquimur, clare, atque ut cerni videantur, enunciare. Non enim satis efficit, neque, ut debet, plane dominatur oratio, si usque ad aures volet, atque ea sibi judex de quibus cognoscit, narrari credit, non exprimi, & oculis mentis ostendi. Sed quoniam pluribus modis accipi solet, non equidem in omnes eam particulas secabo, quarum ambitio-

N n n 2

se a

CAP. III. se a quibusdam numerus augetur, sed maxime necessarias attingam. Est igitur unum genus, quo tota rerum imago quodammodo verbis depingitur.

Constitit in digitis exemplo arrectus uterque:

& cætera; quæ nobis illam pugilum congregientium faciem ita ostendunt, ut non clarius fuerit spectantibus. Plurimum in hoc genere, sicut in cæteris, eminet Cicero. An quisquam tam procul a concipiendis imaginibus rerum abest, ut cum illa in Verrem legit; *Stetit soleatus prator populi Romani cum pallio purpureo, tunicaque talari, muliercula nixus, in litore*: non solum ipsius os intueri videatur, & habitum, sed quædam etiam ex iis quæ dicta non sunt, sibi ipse adstruat? Ego certe mihi cernere videor & vultum, & oculos, & deformes utriusque blanditias, & eorum qui aderant, tacitam averſationem, ac timidam verecundiam. Interim ex pluribus efficitur illa quam conamur exprimere facies, ut est apud eundem (namque ad omnium ornandi virtutum exempla vel unus sufficit) in descriptione convivii luxuriosi; *Videbar videre alios intrantes, alios vero exeuntes, quosdam ex vino vacillantes, quosdam hesternæ potatione oscitantes. Versabatur inter hos Gallius unguentis oblitus, redimitus coronis. Humus erat immunda, lutulenta vino, coronis languidulis, & spinis cooperta piscium.* Quid plus videret qui intrasset? Sic urbium captarum crescit miseratio. Sine dubio enim qui dicit *expugnatam esse civitatem*, complectitur omnia quæcunque talis fortuna recipit: sed in affectus minus penetrat brevis hic velut nuncius. At si aperias hæc quæ verbo uno inclusa erant, apparebunt

rebunt & fusa per domos ac templa flamma, & ruentium sectorum fragor, & ex diversis clamoribus unus quidam sonus, aliorum fuga incerta, alii in extremo complexu suorum cohærentes, & infantium fœminarumque ploratus, & male usque in illum diem fato servati senes: tum illa prophætorum sacrorumque direptio, effluentium pradas repetentiumque discursus, & acti ante suum quisque prædonem catenati, & conata retinere infantem suum mater, & sicubi majus lucrum est, pugna inter victores. Licet enim hæc omnia (ut dixi) complectatur *versio*, minus est tamen totum dicere quam omnia. Consequemur autem ut manifesta sint, si fuerint verisimilia: & licebit etiam falso adfingere quicquid fieri solet. Contingit eadem claritas etiam ex accidentibus:

CAP. III.

--- *Mihi frigidus horror*

Membra quatit, gelidusque coit formidine sanguis. &

--- *Trepida matres pressere ad pectora natos.*

Atque hujus summæ, judicio quidem meo, virtutis facillima est via. Naturam intueamur, hanc sequamur. Omnis eloquentia circa opera vitæ est: ad se refert quisque quod audit: & id facillime accipiunt animi quod agnoscunt. Præclare vero ad inferendam rebus lucem, repertæ sunt similitudines, quarum aliæ sunt quæ probationis gratia inter argumenta ponuntur, aliæ ad exprimendam rerum imaginem compositæ, quod est hujus loci proprium;

--- *inde lupi ceu raptores atra in nebula* --- &;

--- *Avi similis, quæ circum littora, circum
Pisces scopulos humilis volat aquora juxta.*

Nnn ;

Quo

CAP. III. Quo in genere id est præcipue custodiendum, ne id quod similitudinis gratia adscivimus, aut obscurum sit, aut ignotum. Debet enim quod illustrandæ alterius rei gratia assumitur, ipsum esse clarius eo quod illuminatur. Quare poëtis quidem permittimus sane huiusmodi exempla:

*Qualis ubi hybernæ Lyciam Xantiqve fluentæ
Describit, aut Delon maternam invisit Apollo.*

Non idem decebit oratorem, ut occultis aperta demonstret. Sed illud quoque, de quo in argumentis diximus, similitudinis genus ornat orationem, facitque sublimem, floridam, jucundam, mirabilem. Nam quo quæque longius petita est, hoc plus affert novitatis, atque inexpectata magis est. Illa vulgaria videri possunt, & utilia tantum ad conciliandam fidem; *Ut terram cultu, sic animum disciplinis meliorem uberiolemque fieri.* Et; *ut medici ab alienata morbis membra pracidunt; ita turpes ac perniciosos, etiamsi nobis sanguine cohæcant, amputandos.* Jam sublimius illud pro Archia; *Saxa atque solitudines roci respondent, bestia sæpe immanes cantu flectuntur atque consistunt,* & cætera. Quod quidem genus a quibusdam declamatoria maxime licentia corruptum est. Nam & falsis utuntur: nec illa iis quibus tandem similia videri volunt, applicant: quorum utrumque in iis est quæ me juvene ubique cantari solebant; *Magnorum fluminum navigabiles fontes sunt.* & *Generosioris arboris statim planta cum fructu est.* In omni autem parabola aut præcedit similitudo, & res sequitur, aut præcedit res, & similitudo sequitur; sed interim libera & separata est: interim, quod

De Instit. Oratoria, Lib. VIII. 471

quod longe optimum est, cum re cuius est imago, CAP. III.
connectitur, collatione invicem respondente: quod
facit redditio contraria, quæ ἀνταπόδοσις dicitur. Præ-
cedit similitudo illa, cuius modo feci mentionem;

---- *Inde lupi cœu*
Raptores atra in nebula:----

sequitur in primo Georgicôn post longam de bellis
civilibus atque externis conquestionem;

Ut cum carceribus sese effudere quadriga,
Addunt in spacia, & frustra retinacula tendens
Fertur equis auriga, neque audit currus habenas.

Sed hæc sunt sine antapodosi. Redditio autem illa
rem utramque quam comparat, subjicit oculis, & pa-
riter ostendit. Cujus præclara apud Virgilium mul-
ta reperio exempla; sed oratoriis potius utendum
est. Dicit Cicero pro Murena; *Ut ajunt in Græcis*
artificibus eos aulædos esse, qui citharædi fieri non potue-
runt: sic nos videmus, qui oratores evadere non potue-
runt, eos ad juris studium divertere. Illud pro eodem
jam pene poetico spiritu, sed tamen cum sua reddi-
tione, quod est ad ornatum accommodatius: *nam*
ut tempestates sæpe certis aliquo cæli signo commoventur,
sæpe improvisis, nulla ex certa ratione, obscura aliqua
ex causa concitantur: sic in hac comitiarum tempestate
populari sæpe intelligas quo signo commota sit: sæpe ita
obscura est, ut sine causa excitata esse videatur. Sunt
& illæ breves; *Vagi per sylvas ritu ferarum.* Et illud
Ciceronis in Clodium; *Quo ex judicio velut ex incen-*
dio nudus effugit. Quibus similia possunt cuicunque
etiam ex quotidiano sermone succurrere. Huic sub-
jacet

CAP. III. jacet virtus non solum aperte ponendi rem ante oculos, sed acute, circumcise, atque velociter. Ac merito laudatur brevitās integra, sed ea minus praeſtat quoties nihil dicit niſi quod neceſſe eſt: *Βραχυλογία* vocant, quæ reddetur inter ſchemata. Eſt vero pulcherrima, cum plura paucis complectimur: quale illud Salluſtii eſt; *Mithridates corpore ingemiperinde armatus*. Hoc male imitantes ſequitur obſcuritas. Vicina prædictæ, ſed cumulatior virtus eſt *ἐμφασις*, altioreſ præbens intellectum, quam quem verba per ſe ipſa declarant. Ejus duæ ſunt ſpecies: altera, quæ plus ſignificat quam dicit: altera, quæ etiam id quod non dicit. Prior eſt & apud Homerum, cum Menelaus Grajos intra equum deſendiſſe ait: nam verbo uno magnitudinem ejus oſtendit. & apud Virgilium;

Demiffum lapſi per funem---

Nam ſic quoque altitudo demonſtrata eſt. Idem Cyclopa cum jacuiſſe dixit per antrum, prodigioſum illud corpus ſpacio loci menſus eſt. Sequens poſita eſt in voce aut omnino ſuppreſſa, aut etiam abſciſſa. Supprimitur vox, ut fecit pro Ligario Cicero; *Quod ſi in hac tanta tua fortuna lenitas tanta non eſſet, quantam tu per te, per te, inquam, obtines: intelligo quid loquar*. Tacuit enim illud quod nihilominus accipimus, non deeſſe homines qui ad crudelitatem eum impellant. Abſcinditur per *ἀποσιώπησις*, quæ quoniam eſt figura, reddetur ſuo loco. Eſt in vulgaribus quoque verbis emphasiſ; *Virum eſſe oportet. &, Homo eſt ille. &, Vivendum eſt*. Adeo ſimilis eſt arti plerumque natura. Non tamen ſatis eloquentiæ eſt, ea

est, ea de quibus dicit, clare atque evidenter ostendere : sed sunt multi ac varii excolendæ orationis modi. Nam & ipsa illa ἀφελεια simplex & inaffectata habet quendam purum, qualis etiam in scæminis amatur, ornatum, & sunt quædam velut e tenui diligentia circa proprietatem significationemque munditiæ. Alia copia locuples, alia floribus læta : virium non unum genus. Nam quicquid in suo genere satis effectum est, valet. Præcipua tamen ejus opera δεινωσις in exaggeranda indignitate : & in cæteris altitudo quædam : φαντασία in concipiendis visionibus : ἐξηργασία in efficiendo velut opere proposito : cui adjicitur ἐπεξηργασία, repetitio probationis ejusdem, & cumulus ex abundantia. ἐνέργεια confinis his est ab agendo dicta, & cujus propria sit virtus, non esse quæ dicuntur, ociosa. Est & amarum quiddam, quod fere in contumelia est positum, quale Cassii ; *Quid facies cum vi in bona tua invasero ? hoc est, cum te docuero nescire maledicere.* Et acre, ut illud Crassi ; *Ego te consulem putem, cum tu me non putes sensorem ?* Sed vis oratoris omnis in augendo minuendoque consistit. Utrique parti totidem modi ; ex quibus præcipuos attingemus : reliqui similes erunt. Sunt autem positi in rebus, & verbis. Sed quæ sit rerum inventio ac ratio, tractavimus : nunc quid elocutio attollat aut deprimat, dicendum.

PRIMA est igitur amplificandi vel minuendi species in ipso rei nomine ; ut cum cum qui sit cæsus, occisum : cum qui sit improbus, latronem : contraque cum qui pulsavit, attigisse : qui vulneravit, læsisse dicimus. Utriusque pariter exemplum est

O o o

CAP. IV. est pro M. Cœlio ; *Si vidua libere , proterva petulanter , dives effuse , libidinosa meretricio more viveret , adulterum ego putarem , si quis hanc paulo liberius salutasset ?* Nam & impudicam , meretricem vocavit : & cum cui longior cum illa fuerat usus , liberius salutasse . Hoc genus increſcit , ac fit manifestius , si ampliora verba cum ipsis nominibus pro quibus ea posituri sumus , conferantur : ut Cicero in Verrem ; *Non enim furem , sed raptorem : non adulterum , sed expugnatorem pudicitiae : non sacrilegum , sed hostem sacrorum religionumque : non sicarium , sed crudelissimum carnificem civium sociorumque in vestrum iudicium adduximus.* Illo enim modo ut sit multum , hoc etiam plus ut sit , efficitur . Quatuor tamen maxime generibus video constare amplificationem , incremento , comparatione , ratiocinatione , congerie . Incrementum est potentissimum , cum magna videntur etiam quæ inferiora sunt . Id aut uno gradu fit , aut pluribus . Per id venit non modo ad summum , sed interim quodammodo supra summum . Omnibus his sufficit vel unum Ciceronis exemplum ; *Facinus est vincire civem Romanum , scelus verberare , prope parricidium necare : quid dicam in crucem tollere ?* Nam & si tantum verberatus esset , uno gradu increverat , ponendo etiam id esse facinus , quod erat inferius . Et si tantum occisus esset , per plures gradus ascenderat . Cum vero dixerit : *prope parricidium necare.* supra quod nihil est , adjecit , *quid dicam in crucem tollere ?* ita cum id quod maximum est occupasset , necesse erat in eo quod ultra est , verba deficere . Fit & aliter supra summum adjectio : ut apud Virgilium de Lauso ;

— Quo

---- Quo pulchrior alter

CAP. IV.

Non fuit, exsepso Laurentis corpore Turni.

Summum est enim; quo pulchrior alter non fuit: huic deinde aliquid suprapositum est. Tertius quoque est modus, ad quem non per gradus itur, ut quod non est plus quam maximum, sed quo nihil majus est: *Matrem tuam occidisti. Quid dicam amplius? Matrem tuam occidisti.* Nam & hoc augendi genus est, tantum aliquid efficere, ut non possit augeri. Crescit oratio minus aperte, sed nescio an hoc ipso efficacius, cum citra distinctionem in contextu & cursu semper aliquid priore majus insequitur: ut de vomitu in Antonium Cicero; *In cætu vero populi Romani negotium publicum gerens magister equitum.* Singula incrementum habent. Per se deforme; *vel non in cætu vomere: in cætu etiam non populi: populi etiam non Romani: vel si nullum negotium ageret, vel si non publicum: vel si non magister equitum.* Sed alius divideret hæc & circa singulos gradus moraretur: hic in sublime etiam currit; & ad summum pervenit non nixu, sed impetu. Verum ut hæc amplificatio in superiora tendit, ita quæ fit per comparationem, incrementum ex minoribus petit. Augendo enim quod est infra, necesse est extollat id quod supra positum est: ut idem, atque in eodem loco; *Si hoc tibi inter cænam, & in illis immanibus poculis tuis accidisset, quis non turpe duceret? In cætu vero populi Romani.* Et in Catilinam; *Servi mehercle mei si me isto pacto metuerent, ut te metunt omnes cives tui, domum meam relinquendam putarem.* Interim proposito velut simili exemplo, efficiendum est ut sit majus

O o o 2

jus

CAP. IV. jus id quod a nobis exaggerandum est : ut idem pro Cluentio , cum exposuisset Mileſiam quandam a ſecundis hæredibus pro abortu pecuniam accepiſſe; *Quanto eſt*, inquit, *Oppianicus in eadem injuria majore ſupplicio dignus ? Siquidem illa cum ſuo corpori vim attuliſſet, ſe ipſa cruciavit : hic autem idem illud effecit per alieni corporis vim atque cruciatum.* Nec putet quiſquam hoc quanquam eſt ſimile, illi ex argumentis loco, quo majora ex minoribus colliguntur, idem eſſe. Illic enim probatio petitur, hic amplificatio : ſicut in Oppianico non id agitur in illa comparatione, ut ille male fecerit, ſed ut pejus. Eſt tamen quanquam diverſarum rerum quædam vicinia. Repetam igitur hic quoque idem quo ſum illic uſus exemplum, ſed non in eundem uſum. Nam hoc mihi oftendendum eſt, augendi gratia non tota modo totis, ſed etiam partes partibus comparari : ſicut hoc loco ; *An vero vir ampliffimus P. Scipio pontifex maximus Tib. Gracchum, mediocriter labefactantem ſtatum reipublicæ, privatus interſecit : Catilinam orbem terrarum cade atque incendio vaſtare cupientem, nos conſules perferemus ?* Hic & Catilina Graccho, & ſtatuſ reipublicæ orbi terrarum, & mediocris labefactatio cædi & incendiis & vaſtationi, & privatus conſulibus comparatur : quæ ſi quis dilatare velit, plenos ſingula locos habent. Quas dixi per ratiocinationem fieri amplificationes, videamus an ſatis proprio verbo ſignaverim. Nec ſum in hoc ſolicitus, dum res ipſa volentibus diſcere appareat. Hoc ſum tamen ſecutus, quod hæc amplificatio alibi poſita eſt, alibi valet : & ut aliud creſcat, aliud augetur : inde ad id quod extolli volumus.

lumen, ratione ducitur. Objecturus Antonio Cicero **CAP. IV.**

merum & vomitum; *Tu*, inquit, *istis faucibus, istis lateribus, ista gladiatoria totius corporis firmitate*. Quid fauces & latera ad ebrietatem? Minime sunt otiosa. Nam respicientes ad hæc, possumus æstimare quantum ille vini in Hippia nuptiis exhausserit, quod ferre & coquere non posset illa gladiatoria corporis firmitate. Ergo si ex alio colligitur aliud, nec improprium, nec inusitatum nomen est ratiocinationis, ut quod ex eadem causa inter status quoque habemus. Sic & ex insequentibus amplificatio ducitur. Siquidem tanta vis fuit vini erumpentis, ut non easum afferret aut voluntatem, sed necessitatem, ubi minime deceret, vomendi: & cibi non recentes, ut accidere interim solet, redderentur, sed qui usque in posterum diem redundarent. Idem hoc præstant quæ antecesserunt. Nam cum Æolus a Junone rogatus;

--- *Cavum conversa cuspide montem
Impulit in latus, ac venti velut agmine facto,
Qua data porta, ruunt: ---*

apparet quanta sit futura tempestas. Quid? cum res atrocissimas, quasque in summam ipsi extulimus invidiam, elevamus consulto, quo graviora videantur quæ secutura sunt: ut a Cicerone factum est cum illa diceret; *Levia sunt hæc in hoc reo crimina. Metum virgarum navarchus nobilissima civitatis precio redemit: humanum est. Alius, ne securi feriretur, pecuniam dedit: usitatum est*. Nonne usus est ratiocinatione, qua colligerent audientes quantum illud esset quod inferebatur, cui comparata hæc, hu-

O o o 3 mana

CAP. IV. mana viderentur atque usitata? Sic quoque solet ex alio aliud augeri: ut cum Hannibalis laudibus bellicis ampliatur virtus Scipionis: & fortitudinem Galorum Germanorumque miramur, quo sit major C. Cæsaris gloria. Illud quoque est ex relatione ad aliquid, quod non ejus rei gratia dictum videtur, amplificationis genus. Non putant indignum Trojani principes, Grajos Trojanosque propter Helenæ speciem tot mala tanto temporis spacio sustinere: quænam igitur illa forma credenda est? Non enim hoc dicit Paris, qui eam rapuit; non aliquis juvenis; non unus e vulgo: sed senes, & prudentissimi, & Priamo assidentes. Verum & ipse rex decenni bello exhaustus, amissis tot liberis, imminente summo discrimine, cui faciem illam, ex qua tot lacrymarum origo fluxisset, invisam atque abominandam esse oportebat, & audit hæc, & eam filiam appellans juxta se locat, & excusat etiam, atque sibi esse malorum causam negat. Nec mihi videtur in Symposio Plato, cum Alcibiadem confitentem de se, quid a Socrate pati voluerit, narrat, ut illum culparet hæc tradidisse: sed ut Socratis invictam continentiam ostenderet, quæ corrumpi speciosissimi hominis tam obvia voluntate non posset. Quin ex instrumento quoque, heroum illorum magnitudo æstimanda nobis datur. Huc pertinet clypeus Ajacis, & hasta Pelias Achillis. Qua virtute egregie est usus in Cyclope Virgilius. Nam quod illud corpus mente concipiam, cujus

Trunca manum pinus regit? —

Quid? cum vix loricam duo multiplicem connixi hume-

humeris ferrent'; quantus Demoleos, qui indutus CAP. IV.
eam

—*cursu palantes Troas agebat?*

Quid M. Tullius de M. Antonii luxuria tantum fingere saltem potuisset, quantum ostendit dicendo, *Conchyliatis Cn. Pompeii peristromatis servorum in cellis stratos lectos videres?* Conchyliata peristromata, & Cn. Pompeii, & lecti in cellis servorum; nihil dici potest ultra: & est tamen necesse infinito plus in domino cogitare. Est hoc simile illi quod *ἔμφασις* dicitur: sed illa ex verbo, hoc ex re conjecturam facit: tantoque plus valet, quanto res ipsa verbis est firmior. Potest adscribi amplificationi congeries quoque verborum ac sententiarum idem significantium. Nam etiam si non per gradus ascendant, tamen velut acervo quodam allevantur: *Quid enim tuus ille, Tubero, districtus in acie Pharsalica gladius agebat? cujus latus ille mucro petebat? qui sensus erat armorum tuorum? quæ tua mens? oculi? manus? ardor animi? quid optabas?* Simile est hoc figuræ quam *συμβασιμὸν* vocant: sed illic plurium rerum est congeries, hic unius multiplicatio. Hæc etiam crescere solet verbis omnibus altius atque altius insurgentibus: *Aderat janitor carceris, carnifex pratoris, mors terrorque sociorum, & civium Romanorum, licitor. Sextius.* Eadem fere est ratio minuendi. Nam totidem sunt ascendentibus, quot descendentibus gradus. Ideoque uno ero exemplo contentus ejus loci quo Cicero de oratione Rulli hæc dicit: *Pauci tamen, qui proximi adstiterant, nescio quid illum de lege Agraria voluisse dicere suspicabantur.* Quod si ad intellectum referas, minutio est: si ad obscuritatem, incre-

CAP. IV. incrementum. Scio posse videri quibusdam speciem amplificationis hyperbolen quoque. nam & hæc in utramque partem valet : sed quia excedit hoc nomen, in tropos differenda est. Quos continuo subjungerem, nisi esset a cæteris separata ratio dicendi, quæ constat non propriis, sed translatis. Demus ergo breviter hoc desiderio jam pene publico, ne omittamus cum quem plerique præcipuum ac pene solum putant orationis ornatum.

CAP. V. SENTENTIAM veteres, quod animo sensissent, vocaverunt. Id cum est apud oratores frequentissimum, tum etiam in usu quotidiano quasdam reliquias habet. Nam & juraturi ; *ex animi nostri sententia*, & gratulantes ; *ex sententia* dicimus. Non raro tamen & sic locuti sunt, ut *sensa sua* dicerent : nam sensus, corporis videbantur. Sed consuetudo jam tenuit, ut mente concepta, sensus vocaremus : lumina autem, præcipueque in clausulis posita, sententias. Quæ minus crebra apud antiquos, nostris temporibus modo carent. Ideoque mihi & de generibus earum, & de usu arbitror pauca dicenda. Antiquissimæ sunt, quæ proprie, quamvis omnibus idem sit nomen, *sententia* vocantur, quas Græci *γνώμας* appellant : Utrumque autem nomen ex eo acceperunt, quod similes sunt consiliis aut decretis. Est autem hæc vox universalis, quæ etiam citra complexum causæ possit esse laudabilis, interim ad rem tantum relata : ut ; *Nihil est tam populare quam bonitas*. interim ad personam : quale est Afri Domitii ; *Princeps qui vult omnia scire, habet multa ignorare*. Hanc quidam partem enthymematis, quidam
initium

initium aut clausulam epicherematis esse dixerunt: & CAP. V.
est aliquando, non tamen semper. Illud verius, esse
eam aliquando simplicem, ut ea quam supra dixi:
aliquando ratione subiecta; *Nam in omni certamine
qui opulentior est, etiamsi accipit injuriam, tamen quia
plus potest, facere videtur.* Nonnunquam duplicem;
Obsequium amicos, veritas odium parit. Sunt etiam
qui decem genera fecerunt, sed eo modo quo fieri
vel plura possunt; per interrogationem, compara-
tionem, inficiationem, similitudinem, admiratio-
nem, & cætera hujusmodi. per omnes enim figuras
tractari potest. Illud notabile ex diversis; *Mors mi-
sera non est, aditus ad mortem miser est.* Ac rectæ
quidem sunt tales; *Tam deest avaro quod habet, quam
quod non habet.* Sed majorem vim accipiunt com-
mutatione figuræ, ut;

Usque adeone mori miserum est? --

Acrius enim hoc, quam per se; *Mors misera non est.*
Et translatione a communi ad proprium. Nam cum
sit rectum; *Nocere facile est, pradesse difficile:* vehe-
mentius apud Ovidium Medea dicit;

Servare potui, perdere an possim rogas?

Vertit ad personam Cicero; *Nihil habet, Cesar, nec
fortuna tua majus, quam ut possis: nec natura melius,
quam ne velis servare quamplurimos.* Ita quæ erant re-
rum, propria fecit hominis. In hoc genere custo-
diendum est, & id quidem ubique, ne crebræ sint,
ne palam falsæ (quales frequenter ab iis dicuntur
qui hæc *καθολικά* vocant; & quicquid pro causâ vide-
tur, quasi indubitatum pronunciant) & ne passim

P p p

& a

CAP. V. & a quocunque dicantur. Magis enim decent eos in quibus est auctoritas, ut rei pondus etiam persona confirmet. Quis enim ferat puerum aut adolescentulum, aut etiam ignobilem, si iudicet in dicendo, & quodammodo præcipiat? Enthymema quoque est omne quod mente concipimus: proprie tamen dicitur quæ est sententia ex contrariis; propterea quod eminere inter cæteras videtur, ut; *Homerus poëta, urbs Roma.* De hoc in argumentis satis dictum est. Non semper autem ad probationem adhibetur, sed aliquando ad ornatum; *Quorum igitur impunitas, Cæsar, tua clementia laus est, eorum te ipsorum ad crudelitatem acuet oratio?* Non quia sit ratio dissimilis, sed quia jam per alia ut id injustum appareret, effectum erat. Et addita in clausula est epiphonematis modo non tam probatio, quam extrema quasi insultatio. Est enim Epiphonema, rei narratæ vel probatæ summa acclamatio;

Tanta molis erat Romanam condere gentem.

Facere enim probus adolescens periculose, quam perpeti turpiter maluit. Est. & quod appellatur a novis vinis, qua voce omnis intellectus accipi potest. sed hoc nomine donarunt ea quæ non dicunt, verum intelligi volunt; ut in eum quem sæpius a ludo redemerat foror, agentem cum ea talionis, quod ei pollicem dormienti recidisset; *Eras dignus ut haberes integram matrem.* Sic enim auditur; *ut depugnares.* Vocatur aliquid & clausula: quæ si est quod conclusionem dicimus, & recta, & quibusdam in partibus necessaria est: *Quare prius de facto vestro fateamini necesse est, quam Ligarii culpam ullam reprehendatis.* Sed nunc aliud

aliud volunt ; ut omnis locus , omnis sensus in fine sermonis feriat aurem. Turpe enim ac prope nefas ducunt , respirare ullo loco qui acclamationem non petierit. Inde minuti corruptique sensiculi , & extrarem petiti. Neque enim possunt tam multæ sententiæ esse , quam necesse est multæ sint clausulæ. Jam hæc magis nova sententiarum genera. Ex inopinato : ut dixit Vibius Crispus in eum , qui cum loricatus in foro ambularet , prætendebat id se metu facere ; *Quis tibi sic timere permisit ?* Et insigniter Aphricanus apud Neronem de morte matris ; *Rogant te, Caesar, Gallia tua, ut felicitatem tuam fortiter feras.* Sunt & alio relata , ut Afer Domitius cum Cloantillam defenderet , cui objectum crimen , quod virum qui inter rebellantes fuerat , sepelisset , remiserat Claudius , in epilogo filios ejus alloquens ; *Matrem tamen*, inquit , *pueri sepelitate.* Et aliunde petita , id est , in alium locum ex alio translata : ut pro Spathale Crispus , quam hæredem amator instituerat , & decessit , cum haberet annos undeviginti ; *O hominem divinum , qui sibi indulgit !* Facit quasdam sententias sola geminatio : qualis est Senecæ in eo scripto quod Nero ad Senatum misit occisa matre , cum se periclitatum videri vellet ; *Salvum me esse adhuc nec credo , nec gaudeo.* Melior , quia tum ex contrariis valet ; *Habeo quem fugiam , quem sequar non habeo.* *Quid , quod miser cum loqui non posset , tacere non poterat ?* Ea vero fit pulcherrima , cum aliqua comparatione clarescit. Trachallus contra Spathalem ; *Placet hoc ergo , o leges , diligentissima pudoris custodes , decimas uxoribus dari , quartas meretricibus ?* Sed horum quidem generum & bonæ dici possunt , & malæ. Illæ semper vitiosæ ; abuti verbo ; *Patres conscripti ;*

CAP. V. *Sic enim incipiendum est mihi, ut memineritis patrum.* Pejus adhuc, quo magis falsum est, & longius peti-
tum. Contra eandem sororem gladiatoris, cujus
modo feci mentionem; *Ad digitum parentavi.* Est et-
iam generis ejusdem, nescio an vitiosissimum, quoti-
es verborum ambiguitas cum rerum falsa quadam
similitudine jungitur. Clarum auctorem juvenis au-
divi, cum lecta in capite cujusdam sententiæ ossa
contuenda matri dedisset; *Infelicissima femina, non-
dum extulisti filium, & jam ossa legisti.* Ad hoc ple-
rique minimis etiam inventiunculis gaudent, quæ ex-
cussæ risum habent, inventæ facie ingenii blandiun-
tur. De eo qui naufragus, & ante agrorum sterilita-
te vexatus, in scholis fingitur se suspendisse; *Quem nec
terra recipit, nec mare, pendeat.* Huic simile in illo,
de quo supra dixi, cui pater sua membra laceranti
venenum dedit; *Qui hac edit, debet hoc bibere.* Et in
luxuriosum, qui ἀποκαρτίησις dicitur simulasse; *Ne-
te laqueum, habes quod faucibus tuis irascaris. Same
venenum, decet luxuriosum bibendo mori.* Alia vana: ut
suadentis purpuratis, ut Alexandrum Babylonis in-
cendio sepeliant: *Alexandrum sepelio, hoc quisquam
spectabit e tecto?* Quasi vero id sit in re tota indignis-
simum. Alia nimia: ut de Germanis dicentem quen-
dam audiui; *Caput nescio ubi in nube positum.* Et de
viro forti; *Bella umbone propellens.* Sed finis non erit,
si singulas corruptorum persequar formas. Illud po-
tius, quod est magis necessarium. Duæ sunt diversæ
opinionēs, aliorum sententias solas pene spectantium,
aliorum omnino damnantium: quorum mihi neu-
trum admodum placet. Densitas earum obstat invi-
cem: ut in satis omnibus fructibusque arborum nihil
ad

ad justam magnitudinem adolescere potest, quod lo- CAP. V.
 co in quem crescat, caret. Nec pictura in qua nihil
 circumlitum est, eminet. Ideoque artifices etiam
 cum plura in unam tabulam opera contulerunt, spa-
 tiis distinguunt, ne umbræ in corpora cadant. Facit
 res eadem concisam quoque orationem. Subsistit enim
 omnis sententia: ideoque post eam utique aliud est
 initium. Unde soluta fere oratio, & e singulis non
 membris, sed frustis collecta, structura caret; cum
 illa rotunda & undique circumcisa insistere invicem
 nequeant. Præter hoc etiam color ipse dicendi quam-
 libet clarus, multis tamen ac variis velut maculis
 conspergitur. Porro ut afferent lumen clavus & pur-
 puræ loco insertæ, ita certe neminem deceat inter-
 texta pluribus notis vestis. Quare licet hæc enitere,
 & aliquatenus exstare videantur, tamen lumina illa
 non flammæ, sed scintillis inter fumum emicantibus
 similia dixeris: quæ ne apparent quidem, ubi tota
 lucet oratio: ut in sole sidera ipsa desinunt cerni: &
 quæ crebris parvisque conatibus se attollunt, inæqua-
 lia tantum, & velut confragosa, nec admirationem
 consequuntur eminentium, & planorum gratiam per-
 dunt. Hoc quoque accidit, quod solas captanti sen-
 tentias, multas necesse est dicere leves, frigidas, in-
 eptas. non enim potest esse delectus, ubi numero la-
 boratur. Ideoque videas & divisionem pro sententia
 poni, & argumentum: sit; tantum in clausula & in calce
 pronuncietur; *Occidisti uxorem ipse adulter: non fer-
 rem te etiamsi repudiasses*; divisio est. *Vis scire venenum
 esse amatorium? viveret homo nisi illud bibisset*: argumen-
 tum est. Nec multas plerique sententias dicunt, sed
 omnia tanquam sententias. Huic quibusdam contrari-

000 3

um

CAP. V. um studium, qui fugiunt ac reformidant omnem hanc in dicendo voluptatem, nihil probantes nisi planum, & humile, & sine conatu. Ita dum timent ne aliquando cadant, semper jacent. Quod enim tantum in sententia bona crimen est? non causæ prodest? non judicem movet? non dicentem commendat? At est quoddam genus, quo veteres non utebantur. Ad quam usque nos vocatis vetustatem? Nam si ad illam extremam; multa Demosthenes, quæ ante eum nemo. Quomodo potest Ciceronem probare, qui nihil putet ex Catone Gracchisque mutandum? Sed ante hos simplicior adhuc loquendi ratio fuit. Ego vero hæc lumina orationis, velut oculos quosdam esse eloquentiæ credo. Sed neque oculos esse toto corpore velim, ne cætera membra officium suum perdant. & si necesse sit, veterem illum horrorem dicendi malim, quam ista nova licentia uti. Sed patet media quædam via, sicut in cultu victuque accessit aliquis citra reprehensionem nitor. Quare sicubi possumus, adjiciamus virtutibus: prius tamen sit, vitiis carere: ne dum volumus esse meliores veteribus, simus tantum dissimiles. Reddam nunc, quam proximam esse dixeram, partem de tropis, quos *motus* clarissimi nostrorum auctores vocant. Horum tradere præcepta & grammatici solent. Sed a me, cum de illorum officio loquerer, dilata pars hæc est, quia de ornatu orationis gravior videbatur locus, & majori operi servandus.

CAP. VI. **TROPUS** est verbi vel sermonis a propria significatione in aliam, cum virtute mutatio. Circa quem inexplicabilis & grammaticis inter ipsos, & philosophis

phus pugna est, quæ sint genera, quæ species, qui numerus, quis cuique subjiatur. Nos omiſſis quæ nihil ad instituendum oratorem pertinent, cavillationibus, necessariis maxime atque in usum receptos exequemur: hoc modo in his annotasse contenti, quosdam gratia significationis, quosdam decoris assumi, & esse alios in verbis propriis, alios in translatis: vertique formas non verborum modo, sed & sensuum, & compositionis. Quare mihi videntur errasse, qui non alios crediderunt tropos, quam in quibus verbum pro verbo poneretur. Neque illud ignoro, in iisdem fere qui significandi gratia adhibentur, esse & ornatum: sed non idem accidet contra: eruntque quidam tantum ad speciem accommodati. Incipiamus igitur ab eo, qui cum frequentissimus est, tum longe pulcherrimus: translationem dico, quæ μεταφορά Græce vocatur. Quæ quidem cum ita est ab ipsa nobis concessa natura, ut indocti quoque ac non sentientes ea frequenter utantur: tum ita jucunda atque nitida, ut in oratione quamlibet clara, proprio tamen lumine eluceat. Neque enim vulgaris esse, nec humilis, nec infuavis, recte modo adscita, potest. Copiam quoque sermonis auget permutando, aut mutuando quod non habet: quodque difficillimum est, præstat ne ulli rei nomen deesse videatur. Transfertur ergo nomen aut verbum ex eo loco, in quo proprium, in eum in quo aut proprium deest, aut translatum proprio melius est. Id facimus aut quia necesse est, aut quia significantius est, aut (ut dixi) quia decentius. Ubi nihil horum præstabit quod transferetur, improprium erit. Necessitate rustici dicunt *gemmam* in vitibus, (quid enim dicerent aliud?) & *sivire segetes*, & *fructus laborare*.

CAP. VI. *re. Necessitate nos, durum hominem, aut asperum. Non enim proprium erat quod daremus his affectionibus nomen. Jam, incensum ira: &, inflammatum cupiditate &, lapsum errore, significandi gratia. Nihil enim horum suis verbis, quam his accersitis, magis proprium. Illa ad ornatum; lumen orationis: &; generis claritatem: &; concionum procellas: &; eloquentiae flumina; ut Cicero pro Milone, Clodium fontem gloria ejus vocat: & alio loco, segetem ac materiam. Quædam etiam parum speciosa dictu, per hanc exemplificantur;*

*Hoc faciunt, nimio ne luxu obtusior usus
Sit genitili arvo, & sulcos oblimet inertes.*

In totum autem metaphora brevior est similitudo: eo-que distat, quod illa comparatur rei quam volumus exprimere, hæc pro ipsa re dicitur. Comparatio est, cum dico fecisse quid hominem *ut leonem*: translatio; cum dico de homine, *leo est*. Hujus vis omnis quadruplex maxime videtur: Cum in rebus animalibus aliud pro alio ponitur: ut de agitatore;

--- *Gubernator magna contorsit equum vi.*

& Livius, Scipionem a Catone *adlustrari* solitum refert. Inanima pro aliis generis ejusdem sumuntur: ut, *Classique immittit habenas*. Aut pro rebus animalibus inanima; *Ferro an fato metus Argivum occidit*. Aut contra;

--- *Sedet inscius alto
Accipiens sonitum saxi de vertice pastor.*

præcipueque ex his oritur mira sublimitas, quæ audaci & proxime periculum tolluntur translatione: cum
rebus

rebus sensu carentibus actum quendam & animos da- CAP. VI.
mus : qualis est ;

Pontem indignatus Araxes.

Et illa Ciceronis ; *Quid enim tuus ille , Tubero , distri-
ctus in acie Pharsalica gladius agebat ? Cujus latus ille
mucto petebat ? qui sensus erat armorum tuorum ?* Du-
plicatur interim hæc virtus apud Virgilium ;

Ferrumque armare veneno.

Nam & *veneno armare* , & *ferrum armare*, translatio
est. Secantur hæc in plures : ut a rationali ad rationa-
le , & idem de irrationalibus : & hæc invicem : qui-
bus similis ratio est , & a toto , & a partibus. Sed jam
non pueris præcipimus , ut accepto genere species in-
telligere non possint. Ut modicus autem atque op-
portunus ejus usus illustrat orationem ; ita frequens
& obscurat , & tædio implet : continuus vero in alle-
goriam & ænigmata exit. Sunt quædam etiam humi-
les translationes : ut id de quo modo dixi ; *Saxea est
verruca* : Et sordidæ : non enim si Cicero recte *senti-
nam reipublica* dixit , fœditatem hominum significans ;
idcirco probem illud quoque veteris oratoris , *seculisti
reipublica vomicas*. Optimeque Cicero demonstrat ca-
vendum , ne sit deformis translatio : qualis est (nam
ipsis ejus utar exemplis) *Castratam morte Aphricani
republicam* : & *Stercus curia Glauciam* : ne nimium
major : ne , quod sæpius accidit , minor : ne dissimilis : quo-
rum exempla nimium frequenter deprehendet , qui
scierit hæc vitia esse. Sed copia quoque modum egres-
sa est vitiosa ; præcipue in eadem specie. Sunt & duræ ,
id est a longinqua similitudine ductæ : ut ; *Capitis ni-
res* : & ;

Qq q

Juppi-

CAP. VI. *Juppiter hybernas cana hirc conspuit Alpes.*

In illo vero plurimum erroris, quod ea quæ poëtis (qui & omnia quæque ad voluptatem, & plurima vertere etiam metri necessitate coguntur) permixta sunt, convenire quidam etiam prosæ putant. At ego in agendo nec *pastorem populi* auctore Homero dixerim: nec volucres per os *sonare*, vel alis *remigare*, licet Virgilius in apibus ac Dædalo speciosissime sit usus. Metaphora enim aut vacantem occupare locum debet, aut si in alienum venit, plus valere eo quod expellit. Quod aliquanto pene etiam magis de synecdoche dicam. Nam translatio permovendis animis plerumque & signandis rebus, ac sub oculos subjiaciendis recepta est. Hæc variare sermonem potest, ut ex uno plures intelligamus, parte totum, specie genus, præcedentibus sequentia, vel contra: omnia liberiora poëtis, quam oratoribus. Nam prosa, ut mucronem pro gladio, ac tectum pro domo, recipiet: ita non puppim pro navi, nec abietem pro tabellis. Et rursus ut pro gladio ferrum, ita non pro equo quadrupedem. Maxime autem in orando valebit numerorum illa libertas. Nam & Livius sæpe sic dicit; *Romanus praelio victor*, cum Romanos vicisse significat. Et contra Cicero ad Brutum: *Populo*, inquit, *imposuimus, & oratores visi sumus*, cum de se tantum loqueretur. Quod genus non orationes modo ornat, sed etiam quotidiani sermonis usus recepit. Quidam *synecdoche* vocant, cum id in contextu sermonis quod tacetur, accipimus. Verbum enim ex verbo intelligitur; quod inter vitia *ἑκλεψις* vocatur. *Arcadas ad portas ruerunt.* Mihi hanc figuram esse magis placet. Illic ergo red-detur. Aliud etiam intelligitur ex alio;

Aspice.

Aspice. aratra jugo referunt suspensa iuveni.

CAP. VI.

Unde apparet noctem appropinquare. Id nescio an oratori conveniat, nisi in argumentando, cum rei signum est. Sed hoc ab elocutionis ratione distat. Nec procul ab hoc genere discedit *μετανομία*, quæ est nominis pro nomine positio: cujus vis est, pro eo quod dicitur, causam propter quam dicitur, ponere: sed ut ait Cicero, *ὑπαλλαγήν* esse rhetores dicunt. Hæc inventa ab inventore, & subjecta ab obtinentibus significat: ut; *Cererem corruptam undis*: & -- *Receptus Terra Neptunus classes Aquilonibus arcet*. Quod fit retro durius. Refert autem in quantum dictus tropus oratorem sequatur. Nam ut *Vulcanum* pro igne vulgo audivimus, & *vario Marte pugnatum*, eruditus est sermo: & *Venerem* quam coitum dixisse magis decet: ita *Liberum* & *Cererem* pro vino & pane licentius, quam ut fori severitas ferat: sicut ex eo quod continetur, usus recepit *bene moratas urbes*, & *potulum epotum*, & *saeculum felix*. At id quod contra est, raro audeat quis, nisi poëta;

— *Jam proximus ardet*

Ucalegon.

Nisi forte hoc potius est a possessore, quod possidet: ut *hominem devorari*, cujus patrimonium consumatur. Quo modo sunt innumerabiles species: Hujus enim sunt generis, cum ab Annibale caesa apud Cannas sexaginta millia dicimus; & apud Tragicos ab Ægialao: & carmina Virgilii *venisse*, & *venire* commeatus qui afferantur: & *sacrilegium deprehensum*, non sacrilegium: & *armorum* scientiam habere, non artis. Illud quoque & poëtis & oratoribus frequens, quo cum qui ef-

Qq q 2

ficit.

CAP. VI. ficit , ex eo quod efficitur , ostendimus. Nam & carminum auctores;

Pallida mors aquo pulsas pede pauperum tabernas,

Regumque turres --- Et;

Pallentesque habitant morbi , tristisque senectus.

Et orator *præcipitem iram, hilarem adolescentiam, segne otium* dicunt. Est etiam huic tropo quædam cum synecdoche vicinia. Nam cum dico *vultus hominis* pro vultu, dico pluraliter quod singulare est : quod plurale est , singulariter. Sed non id ago, ut unum ex multis intelligatur, (nam id est manifestum) sed nomina muto : ut cum *aurata tecta, aurea, pusillum* a vero discedo, quia non est pars auri aura. Quæ singula persequi, minutioris est curæ etiam non oratorem instruuntibus. *Αυτονομασία*, quæ aliquid pro nomine ponit, Poëtis utroque modo frequentissima : & per epitheton, quia detracto eo cui apponitur, valet pro nomine, *Tydidēs, Pelidēs*, & ex his quæ in quoque sunt præcipua;

--- *Divum pater, atque hominum rex.*

Et ex factis, quibus persona signatur;

--- *Thalamo quæ fixa reliquit*

Impius. ---

Oratoribus etiam si rarus ejus rei, nonnullus tamen usus est. Nam ut *Tydidem & Peliden* non dixerint, ita dixerunt *impium* pro parricida : *everserem* quoque *Carthagini & Numantia* pro Scipione ; & *Romana eloquentia principem* pro Cicerone potuissent dicere. Cicero ipse certe usus est hac libertate : *Non multa peccas, inquit ille fortissimo viro senior magister, & si peccas, te regere*

regere possum. Neutrum enim nomen positum est, & Cap. V. utrumque intelligitur. *ὀνομαστικὴ* quidem, id est fictio nominis, Græcis inter maximas habita virtutes, nobis vix permittitur: ut sunt plurima ita posita ab iis qui sermonem primo fecerunt, aptantes affectibus vocem: nam *rugitus*, & *sibilus*, & *murmur* inde venerunt. Deinde tanquam consummata sint omnia, nihil generare audemus ipsi, cum multa quotidie ab antiquis ficta moriantur. Vix illa quæ *παράλογα* vocant, quæ ex vocibus in usu receptis quocunque modo declinantur, nobis permittimus, qualia sunt *fullaturis*, & *proscripturis*: atque *laureati postes*, pro illo; lauro coronati, ex eadem fictione sunt. Sed hoc feliciter: evanuit e contra *via* in *eo*: ferimus in Græcis *obeliscos*. *Ἰσχυροῦς*, dure, & tamē jungere Maronem sollerter, & videre *septentriones* videmus. Eo magis necessaria *καταχρησμός*, quam recte dicimus *abusionem*, quæ non habentibus nomen suum, accommodat quod in proximo est: sic;

— *Equum divina Palladis arte*

Ædificant: & apud Tragicos; *Et jam leo pariet. At pater est*. Sunt mille sicut hæc: *Acceptabula* quicquid habet; & *pyxides*, cujuscunque materiæ sint; & *parricida*, matris quoque aut fratris interfector: discernendumque est totum a translatione istud genus: quod abusio est, ubi nomen nullum fuit; translatio, ubi aliud fuit. Nam poëtæ solent abusive etiam in his rebus, quibus nomina sua sunt, vicinis potius uti: quod rarum in prosa est. Illa quoque quidam *καταχρησμός* esse volunt, cum pro temeritate *virtus*, aut pro luxuria *liberalitas* dicitur. A quibus hæc quidem dissonantia sunt, quod in his non verbum pro verbo ponitur, sed res pro re.

Qq q 3

Ne-

CAP. VI. Neque enim putat quisquam luxuriam & liberalitatem idem significare: verum id quod fit, alius luxuriam esse dicit, alius liberalitatem: quamvis neutri dubium sit hæc esse diversa. Superest ex his quæ aliter significant, *μετάληψις*, id est transumptio, quæ ex alio in aliud velut viam præstat: tropus & rarissimus, & maxime improprius, Græcis tamen frequentior, qui *Centaurum* Chirona; & *νήσος* *βοάς*, *ὄρεας* dicunt. Nos quis ferat, si Verrem, *suem*: aut Lælium, *doctum* nominemus? Est enim hæc in metalepsi natura, ut inter id quod transfertur, sit medius quidam gradus, nihil ipse significans, sed præbens transitum: quem tropum magis affectamus, ut habere videamur, quam ut ullo in loco desideremus. Nam id ejus frequentissimum exemplum est, *cano, canto, dico*: ita *cano, dico* inter est medium illud *canto*. Nec diutius in eo morandum: nihil enim usus admodum video, nisi, ut dixi, in mediis. Cætera jam non significandi gratia, sed ad ornandum non ad augendum orationem assumuntur. Ornat enim *ἐπιθετον*, quod recte dicimus *appositum*: a nonnullis *sequens* dicitur. Eo poetæ & frequentius & liberius utuntur: Namque illis satis est convehire verbo cui apponitur: itaque & *dentes albi*, & *humida vina* in his non reprehendemus. Apud oratorem, nisi aliquid efficitur, redundat. Tum autem efficitur, si sine illo quod dicitur minus est: qualia sunt; *O scelus abominandum*, & *deformem libidinem*. Exornatur autem res tota maxime translationibus; *Cupiditas effrenata*, &; *Insana subtractiones*. Et solet fieri aliis adjunctis epitheton tropus, ut apud Virgilium; *Turpis egestas*, & *Tristis senectus*. Veruntatem talis est ratio hujusce virtutis, ut sine appo-

positis

poſitis nuda ſit & velut incoſta oratio. Ne oneretur CAP. VI.
tamen multis. nam ſit longa & impedita, ut in qua-
ſtionibus eam iudices ſimilem agmini totidem lixas
habenti, quot milites: quoque & numerus eſt du-
plex, nec duplum virium: quanquam non ſingula
modo, ſed etiam plura verba apponi ſolent: ut;

Conjugio Anchifa Veneris dignate ſuperbo.

Sed hoc quoque modo duo verba uni appoſita, ne ver-
ſum quidem decuerint. Sunt autem quibus non vi-
deatur hic omnino tropus, quia nihil vertat. Neceſ-
ſe eſt enim ſemper ut id quod eſt appoſitum, ſi a
proprio diſiſeris, per ſe ſignificet, & faciat antono-
maſiam. Nam ſi dicas; *Ille qui Carthaginem & Numan-
tiam evertit*, antonomafia eſt: ſi adjeceris *Scipio*, ap-
poſitum. Non poteſt ergo non eſſe junctum. At ἀντι-
ποſία, quam *inverſionem* interpretantur, aliud verbis,
aliud ſenſu oſtendit: ac etiam interim contrarium.
Prius, ut;

*O navis referunt in mare te novi
Fluctus: o quid agis? fortiter occupa
Portum.*

totuſque ille Horatii locus, quo *navim* pro republica,
fluctuum tempeſtates pro bellis civilibus, *portum* pro
pace atque concordia dicit. Tale Lucretius;

Invia Pieridum peragro loca. —
& Virgilius;

Sed nos immenſum ſpatiis confecimus aquor:

Et jam tempus equum ſumantia ſolvere colla.

Sine translatione vero in Bucolicis;

Certe

CAP. VI.

*Certe equidem audieram, qua se subducere colles
Incipiunt, mollique iugum demittere clivo,
Usque ad aquam, & veteris jam fracta cacumina sagi,
Omnia carminibus vestrum servasse Menalcam.*

Hoc enim loco præter nomen cætera propriis decisa sunt verbis: verum non pastor Menalcas, sed Virgilius est intelligendus. Habet usum talis allegoriæ frequenter oratio, sed raro totius: plerumque apertis permixta est. Tota apud Ciceronem talis est; *Hoc miror enim, querorque, quenquam hominem ita pessundare alterum verbis velle, ut etiam navem perforet in qua ipse naviget.* Illud commixtum frequentissimum; *Equidem cæteras tempestates & procellas in illis duntaxat fluctibus concionum semper Miloni putavi esse subendas.* Nisi adjecisset *duntaxat fluctibus concionum*, esset allegoria: nunc eam miscuit. Quo in genere & species ex arcessitis verbis venit, & intellectus ex propriis. Illud vero longe speciosissimum genus orationis, in quo trium permixta est gratia, similitudinis, allegoriæ, & translationis: *Quod fretum, quem Euripum, tot motus, tantas, tam varias habere creditis agitationes, commutationes, fluctus, quantas perturbationes, & quantos affus habet ratio comitiorum? Dies intermissus unus, aut nox interposita sæpe & perturbat omnia, & totam opinionem parva nonnunquam commutat aura rumoris.* Nam id quoque inprimis est custodiendum, ut quo ex genere coeperis translationis, hoc desinas. Multi autem cum initium a tempestate sumserunt, incendio aut ruina finiunt: quæ est inconsequentia rerum foedissima. Cæterum allegoria parvis quoque ingeniis, & quotidiano sermoni frequentissime servit. nam illa in agendis causis jam detrita, *Pedem conferre, & Jugulum*
put.

petere, & Sanguinem mittere, inde sunt : nec offendunt tamen. Est enim grata in eloquendo novitas, & mutatio : & magis inopinata delectant. Ideoque jam in his amissimus modum, & gratiam rei nimia captatione consumpsimus. Est in exemplis allegoria, si non prædicta ratione ponantur. Nam ut *Diomysum Corinthi esse*, quo Græci omnes utuntur, ita plura similia dici possunt. Hæc allegoria quæ est obscurior, ænigma dicitur : vitium meo quidem iudicio, siquidem dicere dilucide virtus : quo tamen & poëtæ utuntur;

C A P. VI.

*Dic quibus in terris, & eris mihi magnus Apollo,
Tris pateat cæli spatium non amplius ulnas.*

Et oratores nonnunquam : ut *Coelius quadrantariam Clytemnestram, & in triclinio choam, & in cubiculo nolam.* Namque & nunc quædam solvuntur, & tum erant notiora cum dicerentur : & ænigmata sunt tamen, nec ea, nisi quis interpretetur, intelligas. In eo vero genere quo contraria ostenduntur, ironia est : *illusionem* vocant : quæ aut pronuntiatione intelligitur, aut persona, aut rei natura : nam si qua earum verbis dissentit, apparet diversam esse orationi voluntatem. quanquam plurimis id tropis accidit, ut intersit quid de quo dicatur : quia (quod dicitur alibi) verum est, aut laudi simulatione detrahare, aut vituperationi laude, concessum esse : quale est : *quod C. Verres prætor urbanus, homo sanctus & diligens, subfortissionem ejus eo die non haberes.* Et contra, *oratores visifumus, & populo imposuimus.* Aliquando cum risu quodam contraria dicuntur iis quæ intelligi volunt. quemadmodum in Clodium ; *Integritas tua te purga-*

R r r

vit,

CAP. VI. *vit. mihi crede, pudor eripuit, vita anteaſta ſervavit.* Præter hæc uſus eſt allegoriæ, ut triſtiâ dicamus melioribus verbis; aut bonæ rei genera quædam contrariis ſignificemus; aliud textu, quam mente innuamus. Hæc ſi quis profecto ignorat, quibus Græci nominibus appellent, *ſαρκαſμὸν, αἰσῖμῶ, ἀντίφραſιν, παροιμίαν*, dici ſciat. Sunt etiam qui hæc non ſpecies allegoriæ, ſed ipſa tropoſ dicunt: acri quidem ratione, quod illa obſcurior ſit, & in his omnibus aperte appareat quid velimus. Cui accedit hoc quoque, quod genus ſi dividatur in ſpecies, nihil habet proprium: ut arbor pinus, & olea, & cupreſſus, & ipſius per ſe nulla proprietas: Allegoria vero habeat aliquid proprium. quod quo modo fieri poteſt, niſi ipſa eſt ſpecies? Sed ad utendum nihil refert. Adicitur his *μυκτηριſμὸς*, ſimulatus quidem, ſed non latens deriſus. Pluribus autem verbis cum id quod uno aut paucioribus certe dici poteſt explicatur, *περίφραſιν* vocant, circuitum loquendi, qui nonnunquam neceſſitatem habet, quoties dictu deformia operit: ut Salluſtius; *Ad requiſita natura.* Interim ornatum petit ſolum, qui eſt apud poëtas frequentiffimus: ut;

*Tempus erat, quo prima quies mortalibus agris
Incipit, & dono divum gratiffima ſerpit.*

Et apud oratores non rarus; ſemper tamen adſtrictior. Quicquid enim ſignificari brevius poteſt, & cum ornatu latius oſtenditur, *περίφραſις* eſt: cui nomen latine datum eſt, non ſane orationis aptum virtuti, *circuſiſio* vel *circumlocuſio*. Verum hæc ut cum decorem habet, periphrasiſ; ita cum in vitium incidit, *πρὸς λόγιον*

λογία dicitur. Obstat enim quicquid non adjuvat. CAP. VI.
Hyperbaton quoque, id est verbi transgressionem, quam frequenter ratio comparationis & decor poscit, non immerito inter virtutes habemus. Fit enim frequentissime aspera & dura, & dissoluta & hians oratio, si ad necessitatem ordinis sui verba redigantur, & ut quodque oritur, ita proximis etiam si vinciri non potest, alligetur. Differenda igitur quædam, & præsumenda, atque ut in structuris lapidum impolitiorum, loco quo conveniet quicque ponendum. Non enim recidere ea, nec polire possumus, quæ coagmentata, se magis jungant, sed utendum his qualia sunt, eligendaque sedes. Nec aliud potest sermonem facere numerosum, quam opportuna ordinis mutatio. Neque alio ceris Platonis inventa sunt quatuor illa verba, quibus illo pulcherrimo operum in Pyraeum se descendisse significat, plurimis modis scripta; quod cum quoque maximi facere experiretur. Verum id cum duobus verbis fit, ἀναστροφὴ dicitur, reversio quædam: qualia sunt vulgo; *Mecum, secum*: apud oratores & historicos; *Quibus de rebus*. At cum decoris gratia contrahitur longius verbum, proprie hyperbati tenet nomen: ut; *Animadverti, iudices, omnem accusatoris orationem in duas divisam esse partes*. Nam in *duas partes divisam esse*, rectum erat, sed durum & incommutatum. Poëtæ quidem etiam verborum divisionem faciunt, & transgressionem:

— *Hyperboreo septem subiecta trioni.*

quod oratio nequaquam recipit. At id quidem est propter quod cum dicitur, tropus fit, quia componendus est e duobus intellectibus. Alioqui ubi nihil

CAP. VI. ex significatione mutatum est, & structura sola variatur, figura potius verborum dici potest: sicut multi narrationem longis mutant hyperbatis. Ex confusis quæ vitia accidunt, suo loco diximus. Hyperbolen audacioris ornatus summo loco posui. Est hæc decens sermonis superjectio. Virtus ejus ex diverso par augendi atque minuendi. Fit pluribus modis. Aut enim plus facto dicimus; *Vomens, frustis esculentis gremium suum & totum tribunal implevit.*

--- *Geminique minantur*

In cælum scopuli.

Aut res per similitudinem attollimus:

--- *Credas innare revulsas*

Cycladas.

Aut per comparationem: ut;

--- *Fulminis ocyor alius.*

Aut signis quasi quibusdam;

Illæ vel intactæ segetis per summa volaret

Gramina, nec teneras cursu lassisset aristas.

Vel translatione, ut ipsum illud *volaret*. Crescit interim hyperbole, alia insuper addita: ut Cicero in Antonium dicit; *Quæ Charybdis tam vorax? Charybdin dico? quæ si fuit, fuit animal unum: Oceanus mediusfidius vix videtur tot res, tam dissipatas, tam distantibus in locis positas, tam cito absorbere potuisse.* Exquisitam vero figuram hujus rei deprehendisse apud principem Lyricorum videor in libro quem inscripsit ὕμνος. Is namque Hercules impetum adversus Meropas, qui in insula Coo dicuntur habitasse, non igni, nec ventis, nec mari, sed *fulmini* dicit similem fuisse: ut illa minora, hoc par esset. Quod imitatus Cicero, illa composuit in Verrem;

rem; Versabatur in Sicilia longo intervallo non Dionysius CAP. VI.
ille, nec Phalaris (tulit enim illa quondam insula multos
& crudeles tyrannos) sed novum quoddam monstrum ex
vetere illa immanitate, qua in iisdem versata locis dici-
tur. Non enim Charybdin tam infestam neque Scyllam na-
ribus, quam istum in eodem freto fuisse arbitror. Nec
pauciora sunt genera minuendi:

— Vix ossibus haerent.

Et quod Cicero in quodam joculari libello;

Fundum Varro vocat, quem possim mittere funda:

Ni tamen exciderit qua cava funda patet.

Sed hujus quoque rei servetur mensura quædam.
Quamvis enim est omnis hyperbole ultra fidem: non
tamen esse debet ultra modum: nec alia via magis in
καταφάνειαν itur. Piget referre plurima hinc orta vitia,
cum præsertim minime sint ignota & obscura. Mone-
re satis est, mentiri hyperbolen, nec ita, ut menda-
cio fallere velit. Quo magis intuendum est, quousque
deceat extollere quod nobis non creditur. Pervenit
hæc species frequentissime ad risum: qui si aptus est,
urbanitatis: sin aliter, stultitiæ nomen assequitur. Est
autem in usu vulgo quoque & inter eruditos, ut apud
rusticos: videlicet quod a natura est omnibus augendi
res vel minuendi cupiditas insita, nec quisquam vero
contentus est. Sed ignoscitur, quia non affirmamus.
Tum non est hyperbole vitium, cum res ipsa de qua lo-
quendum est, naturalem modum excessit. Conceditur
enim amplius dicere, quia dici quantum est, non pot-
est: meliusque ultra quam citra stat oratio. Sed de hoc
satis. quia eundem locum plenius in eo libro quo cau-
sas corruptæ eloquentiæ reddebamus, tractavimus.

M. FABII QUINCTILIANI

D E

Institutione Oratoria

LIBER IX.

CAP. I.

CUM sit proximo libro de tropis dictum, sequitur pertinens ad figuras, quæ *αῖματα* Graece vocantur, locus, ipsa rei natura conjunctus superiori. Nam plerique has tropos esse existimaverunt: quia sive ex hoc duxerint nomen, quod sint formati quodam modo; sive ex eo quod transferant orationem, unde & *motus* dicuntur; farendum erit esse utrumque eorum etiam in figuris. Usus quoque est idem. nam & vim rebus adjiciunt, & gratiam præstant. Nec defunt qui tropis figuræ nomen imponant: quorum est C. Artorius Proculus. Quin adeo similitudo manifesta est, ut eam discernere non sit in promptu. Nam quo modo quædam in his species plane distant, manente tamen generali illa societate, quod utraque res a recta & simplici ratione cum aliqua dicendi virtute deflectitur: ita quædam perquam tenui limite dividuntur: ut cum ironia tam inter figuras sententiæ, quam inter tropos reperiat. *πρίφρασις* autem, & *ὑπερβατον*, & *ὑπομεινωποιαν*, & *ὑπερβατον*, clari quoque auctores figuras verborum potius quam tropos dixerunt. Quo magis signanda est utriusque

utriusque rei differentia. Est igitur tropus, sermo a naturali & principali significatione translatus ad aliam, ornandæ orationis gratia: vel, (ut plerique Grammatici finiunt) dictio ab eo loco in quo est propria, translata in eum in quo propria non est. Figura, (sicut nomine ipso patet) est conformatio quædam orationis remota a communi & primum se offerente ratione. Quare in tropis ponuntur verba alia pro aliis, ut in μεταφορᾷ, μεταωνυμία, ἀντωνομασία, μεταλήψις, συνεκδοχή, καταχρήσις, ἀλληγορία, plerumque ὑπερβολῇ. Ἀλληγορία namque & rebus fit, & verbis. ὀνοματοποιία fictio est nominis. ergo hoc quoque pro aliis ponitur, quibus usuri fuimus, si illud non fingeremus. περίφρασις etiam si frequenter & id ipsum in cuius locum assumitur, nomen complecti solet, utitur tamen pluribus pro uno. ἐπιθετον quoniam plerumque habet antonomasiam partem, conjunctione ejus fit tropus. Hyperbaton commutatio est ordinis; indeque multi tropis hoc genus eximunt. Transfert tamen verbum aut partem ejus a suo loco in alienum. Horum nihil in figuras cadit. Nam & propriis verbis, & ordine collocatis figura fieri potest. Quomodo autem ironia alia sit tropi, alia schematis, suo loco reddam. Nomen enim fateor esse commune, & scio quam multiplicem habere, quamque scrupulosam disputationem: sed ea non pertinent ad præsens hæc propositum. Nihil enī præfert quo modo appelletur utrumlibet eorum, si quæ orationi profit, apparet. Nec mutatur vocabulo vis rerum. Et sicut homines si aliud accipiunt quam quod habuerant nomen, iidem sunt tamen: ita hæc de quibus loquimur, siue tropi, siue figuræ dicuntur, idem efficient. Non enim nominibus pro-

sunt

CAP. I sunt, sed effectibus: ut statum conjecturalem, an inficialelem, an facti, an substantiæ, an de substantia nominemus, nihil interst, dum idem quæri sciamus. Optimum ergo in his sequi maxime recepta, & rem ipsam quocunque appellabitur modo, intelligi. Illud tamen notandum, coire frequenter in easdem sententias & *τρόπον* & figuram. Tam enim translatis verbis, quam propriis figuratur oratio. Est autem non mediocris inter auctores dissensio, & quæ vis nominis ejus, & quot genera & quam multæ sint species. Quare primum intuendum est, quid accipere debeamus figuram. Nam duobus modis dicitur: Uno, qualiscunque forma sententiæ: sicut in corporibus, in quibus, quoquo modo sint composita, utique habitus est aliquis. Altero, quod proprie schema dicitur, in sensu vel sermone aliqua a vulgari & simplici specie cum ratione mutatio: sicut nos sedemus, incumbimus, respicimus. Itaque cum in eisdem casus, aut tempora, aut numeros, aut etiam pedes, continuo quis aut certe nimium frequenter incurrit, præcipere solemus varias figuras esse, vitandæ similitudinis gratia. ~~et loqui~~ ita loquimur, tanquam omnis sermo habeat figuram. Item eadem figura dicimus *cursitare*, qua *latitare*, id est, eadem ratione, declinari. Quare illo intellectu priore & communi nihil non figuratum est. Quo si contenti sumus, non immerito Apollodorus, si tradenti Cecilio credimus, incomprehensibilia partis ~~hæc~~ ~~recepta~~ existimavit. Sed si habitus quidam, & ~~quædam~~ ~~status~~ sic appellandi sunt, id demum schema hoc accipi oportebit, quod sit a simplici atque in ~~partem~~ ~~tu~~ posito dicendi modo poetice vel oratorie ~~inven-~~ ~~tum~~. Sic enim verum erit aliam esse orationem ~~et~~

μάτισον, id est carentem figuris, quod vitium non inter CAP. I.
 minima est: aliam ἐξηματισμένην, id est figuratam. Verum id ipsum anguste Cæcilius terminavit; qui id solum putaverit schema, quo aliud simulatur dici, quam dicitur: quod sane vulgo quoque sic accipi scio: unde & figuratæ controversiæ quædam, de quibus post paulo dicam, vocantur. Ergo figura sit arte aliqua novata forma dicendi. Genus ejus unum quidam putaverunt, in hoc ipso diversas opiniones secuti. Nam hi quia verborum mutatio sensus quoque verteret, omnes figuras in verbis esse dixerunt: illi quia verba rebus accommodarentur, omnes in sensibus. Quarum utraque manifesta cavillatio est. Nam & eadem dici solent aliter atque aliter, manetque sensus, elocutione mutata: & figura sententiæ, plures habere verborum figuras potest. Illa est enim posita in concipienda cogitatione, hæc in enuntianda: sed frequentissime coeunt: ut in hoc; *Jam jam, Dolabella, neq; tui me, neque tuorum liberum.* Nam oratio a judice averfa, in sententia: *jam jam, & liberum,* in verbis sunt schemata. Inter plurimos enim, quod sciam, consensus est, duas ejus esse partes: *διανοίας*, id est mentis, vel sensus, vel sententiarum; nam iis omnibus modis dictum est: & *λέξεως*, id est verborum, vel dictionis, vel elocutionis, vel sermonis, vel orationis; nam & variatur, & nihil refert. Cornelius tamen Celsus adjicit verbis & sententiis figuras colorum: nimia profecto novitatis cupiditate ductus. Nam quis ignorasse eruditum aliqui virum credat, colores & sententias sensuum esse? Quare sicut omnem orationem, ita figuras quoque versari necesse est in sensu, & in verbis. Ut vero natura prius est concipere animo res, quam enuntiare:

S s s

ita

CAP. I. ita de iis figuris ante loquendum est, quæ ad mentem pertinent: quarum quidem utilitas cum magna, tum multiplex, in nullo non orationis opere vel clarissime elucet. Nam etsi minime videtur pertinere ad probationem, quæ figura quicque dicatur, facit tamen credibilia quæ dicimus, & in animos iudicum quæ non observatur irrepit. Namque ut in armorum certamine, adversos ictus, & rectas ac simplices manus cum videre, tum etiam cavere ac propulsare facile est, averſæ tectæque minus sunt observabiles; & aliud ostendisse quam petas, artis est: sic oratio quæ altu caret; pondere, mole, & impulsu præliatur: simulanti, variantique conatus, in latera atque in terga incutere datur, & arma avocare, & velut nutu fallere. Jam vero affectus nihil magis ducit. Nam si frons, oculi, manus multum ad motum animorum valent, quanto plus orationis ipsius vultus ad id quod intendimus efficere, compositus? Plurimum tamen ad commendationem facit, sive in conciliandis agentis moribus, sive ad promovendum actioni favorem, sive ad levandum varietate fastidium, sive ad quædam vel decentius indicanda vel tutius. Sed antequam quæ cuique rei figura conveniat, ostendam, dicendum est nequaquam eas esse tam multas, quam sunt a quibusdam constitutæ. Neque enim me movent nomina illa, quæ fingere utiq; Græcis promptissimum est. Ante omnia igitur illi qui totidem figuras putant, quot affectus, repudiandi: non quin affectus sit quædam qualitas mentis: sed quia figura, quam non communiter, sed proprie nominamus, non sit simplex rei cuiusque enunciatio. Quapropter in dicendo irasci, dolere, miseri, timere, confidere, contemnere, non sunt figuræ

not

non magis quam suadere, minari, rogare, excusare. CAP. L

Sed fallit parum diligenter intuentes, quod inveniunt in omnibus his locis figuras, & earum exempla ex orationibus excerpunt. Neque enim pars ulla dicendi est, quæ non recipere eas possit. Sed aliud est admittere figuram, aliud figuram esse. Neque enim verebor explicandæ rei gratia frequentiores ejusdem nominis repetitionem. Quare dabunt mihi aliquam in irascente, deprecante, miserante, figuram, scio: sed non ideo irasci, misereri, deprecari, figura erit. Cicero quidem omnia orationis lumina in hunc locum congerit, medium quandam (ut arbitror) secutus viam: ut nec omnis sermo schema judicaretur, nec ea sola quæ haberent aliquam remotam ab usu communi fictionem: sed quæ essent clarissima, & ad movendum auditorem valerent plurimum: quem duobus ab eo libris tractatum locum ad literam subjeci, ne fraudarem legentes judicio maximi auctoris. In tertio de Oratore ita scriptum est: *In perpetua autem oratione, cum & conjunctionis lenitatem, & numerorum quam dixi rationem tenuerimus, tum est quasi luminibus distinguenda & frequentanda omnis oratio, sententiarum atque verborum. Nam & commemoratio una in re, permultum movet: & illustris explanatio: rerumque, quasi gerantur, sub aspectum pene subjectio, quæ & in exponenda re plurimum valet, & ad illustrandum id quod exponitur, & ad amplificandum; ut iis qui audient, illud quod augebimus, quantum efficere oratio poterit, tantum esse videatur: & huic contraria sæpe præcisio est: & ad plus intelligendum quam dixeris significatio: & dictionis concisa brevitās, & extenuatio: & huic adjuncta illusio, a præceptis Caesaris non*

S S S 2

abhor-

CAP. I.

abhorrens: & ab re digressio; in qua cum fuerit delectatio: tum reditus ad rem aptus & concinnus esse debet: propositioque quid sis dicturus: & ab eo quod est dictum, junctio: & reditus ad propositum: & iteratio: & rationis apta conclusio: tum augendi minuendive causa veritatis superlatio, atque trajectio: & rogatio, atque huius finitima quasi percontatio: expositioque sententia sua: tum illa qua maxime quasi irrepit in hominum mentes, alia dicentis ac significantis dissimulatio; qua est perjucunda, cum in oratione, non contentione, sed sermone tractatur: deinde dubitatio, tum distributio, tum correctio vel ante vel postquam dixeris, vel cum aliquid a seipso rejicias, pramunitio etiam est ad id quod aggrediare: & rejectio in alium: communicatio, qua est quasi cum iis ipsis apud quos dicas, deliberatio: morum ac vite imitatio, vel in personis, vel sine illis, magnum quoddam ornamentum orationis, & aptum ad animos conciliandos vel maxime, saepe autem etiam ad commovendos: personarum fida inductio, vel gravissimum lumen augendi: descriptio, erroris inductio, ad hilaritatem impulsio, antioceptio: tum duo illa qua maxime movent, similitudo, & exemplum: digestio, interpellatio, contentio, reticentia, commendatio: Vox quadam libera, atque etiam effranta augendi causa iracundia, objurgatio, promissio, deprecatio, obsecratio, declinatio brevis a proposito, non ut superius illa digressio; purgatio, conciliatio, lapsio, optatio, atque execratio. His fere luminibus illustrant orationem sententia. Orationis autem ipsius tanquam armorum est vel ad usum comminatio & quasi petissio, vel ad venustatem ipsa ut etatio. Nam & geminatio verborum habet interdum vim leporem alias: & paululum immutatum verbum atque deflectum: & ejusdem verbi crebra tum a primo repetitio,

tum

rum in extremum conversio, & in eadem verba impetus, & concursio, & adjunctio, & progressio: & ejusdem verbi crebrius positi quaedam distinctio, & revocatio verbi: & illa quæ similiter desinunt, aut quæ cadunt similiter, aut quæ paribus paria referuntur, aut quæ sunt inter se similia. Est etiam gradatio quaedam, & conversio, & verborum concinna transgressio, & contrarium, & dissolutum, & declinatio, & reprehensio, & exclamatio, & imminutio, & quod in multis casibus ponitur, & quod de singulis rebus propositis dictum refertur ad singula, & ad propositum subiecta ratio, & item in distributis supposita ratio, & permissio, & rursus alia dubitatio, & improvisum quiddam, & dinumeratio, & alia correctio, & disputatio, & quod continuatum, & interruptum, & imago, & sibi ipsi responsio, & immutatio, & disjunctio, & ordo, & relatio, & digressio, & circumscriptis. Hæc enim sunt fere: atque horum similia, vel plura etiam esse possunt, quæ sententiis orationem verborumque confirmationibus illuminent. Eadem sunt in Oratore plurima, non omnia tamen, & paulo magis distincta: quia post orationis & sententiarum figuras, tertium quendam subjecit locum, ad alias (ut ipse ait) quasi virtutes dicendi pertinentem: Et reliqua ex collocatione verborum quæ sumuntur quasi lumina, magnum afferunt ornatum orationi. Sunt enim similia illis quæ in amplo ornatu scenæ aut fori appellantur insignia, non quod sola ornent, sed quod excellent. Eadem ratio est horum quæ sunt orationis lumina, & quodammodo insignia: cum aut duplicantur iteranturque verba, aut breviter commutata ponuntur: aut ab eodem verbo ducitur sæpius oratio: aut in idem conjicitur, aut in utrumque: aut adjungitur idem iteratum, aut idem ad extremum refertur: aut continen-

CAP. I.

ter unum verbum non in eadem sententia ponitur : aut cum similiter vel cadunt verba , vel desinunt : aut multis modis contrariis relata contraria : aut cum gradatim sursum versum reditur : aut cum demtis conjunctionibus dissoluitur plura dicuntur : aut cum aliquid præsereunt , cur id faciamus , ostendimus : aut cum corrigimus nosmetipsos , quasi reprehendentes : aut si est aliqua exclamatio vel admirationis vel conqueſtionis : aut cum ejusdem nominis casus sapius commutantur. Sententiarum ornamenta majora sunt : quibus quia frequentissime Demosthenes utitur , sunt qui putent idcirco ejus eloquentiam maxime esse laudabilem. Enimvero nullus fere ab eo locus sine quadam conformatione sententia dicitur : nec aliud quicquam est dicere , nisi omnes aut certe plerasque aliqua specie illuminare sententias. Quas cum tu optime , Brute , teneas , quid attinet nominibus uti , aut exemplis ? tantummodo notetur locus. Sic igitur dicet ille quem expetimus , ut verset saepe multis modis eandem & unam rem , & hanc in eadem commoreturque sententia. Sape etiam ut extenuet aliquid : saepe ut irrideat : ut declinet a proposito , deflectatque sententiam : ut proponat quid dicturus sit : ut eam transfegerit , jam aliquid definiat : ut se ipse revocet : ut quod dixit , iteret : ut argumentum ratione concludat : ut interrogando urgeat : ut rursus quasi ad interrogatum si bi ipse respondeat : ut contra ac dicat , accipi & sentiri velit : ut addubitet quid potius , aut quo modo dicat : ut dividat in partes : ut aliquid relinquat , ac negligat : ut ante premuniat : ut in eo ipso in quo reprehendatur , culpam in adversarium conferat : ut saepe cum iis qui audiunt , nonnunquam etiam cum adversario quasi deliberet : ut hominum mores sermonesque describat : ut muta quadam loquentia inducat : ut ab eo quod agitur , advertat ani-

mos.

mos: ut saepe in hilaritatem risumve convertat: ut ante occupet quod videat opponi: ut comparet similitudines: ut utatur exemplis: ut aliud alii tribuens dispertiat: ut interpellatorem coerceat: ut aliquid reticere se dicat: ut denunciaret quid caveat: ut liberius quid audeat: ut irascatur etiam: ut objurget aliquando: ut deprecetur: ut supplicet: ut medeatur: ut a proposito declinet aliquantulum: ut optet: ut excretur: ut fiat iis apud quos dicet, familiaris: atque alias etiam dicendi quasi virtutes sequatur: breviter, si res petet: saepe etiam rem dicendo subiiciet oculis, saepe supra feret quam fieri possit: significatio saepe erit maior quam oratio: saepe hilaritas: saepe vita naturaeque imitatio. Hoc in genere (nam quasi silvam vides) omnis eluceat oportet eloquentiae magnitudo. CAP. I.

ERG O cui latius complecti conformationes verborum ac sententiarum placuerit, habet quod sequatur: nec affirmare ausim quicquam esse melius, sed hæc ad propositi mei rationem legat. Nam mihi de his sententiarum figuris dicere in animo est, quæ ab illo simplici modo indicandi recedunt: quod idem multis doctissimis viris video placuisse. Omnia tamen illa etiam quæ sunt alterius modi lumina, adeo virtutes sunt orationis, ut sine his nulla intelligi vere possit oratio. Nam quomodo iudex doceri potest, si desit illustris explanatio, propositio, promissio, finitio, seunctio, expositio sententiæ suæ, rationis apta conclusio, præmunio, similitudo, exemplum, digestio, distributio, interpellatio, interpellantis coercitio, contentio, purgatio, læsio? Quid vero agit omnino eloquentia, detractis amplificandi minuendique rationibus? Quarum prior desiderat illam plusquam dixeris signi-

CAP. II. significationem, id est *ἰμφοσιν* & superlationem veritatis, & trajectionem: hæc altera extenuationem, deprecationemque. Qui affectus erunt vel concitati detracta voce libera, effrænatiore iracundia, objurigatione, optatione, execratione? vel illi mitiores, nisi adjuvantur commendatione, conciliatione, ad hilaritatem impulsione? Quæ delectatio, aut quod mediocriter saltem docti hominis indicium, nisi alia repetitione, alia commoratione infigere, digredi a re, & redire ad propositum suum scierit: remove a se, in alium trajicere: quæ relinquenda, quæ contemnenda sint, judicare? Motus est in his orationis atque actus quibus demptis jacet, & velut agitante corpus spiritu caret. Quæ cum adesse debent, tum disponenda atque varianda sunt, ut auditorem, quod in fidibus fieri videmus, omni sono mulceant. Verum ea plerumque recta sunt, nec se fingunt, sed confitentur. Admittunt autem (ut dixi) figuras: quod vel ex proximo doceri potest. Quid enim tam commune, quam interrogare, vel percontari? Nam utroque utimur indifferenter, cum alterum noscendi, alterum arguendi gratia videatur adhiberi. At ea res utroque modo dicatur, etiam multiplex habet schema. Incipiamus enim ab iis quibus acrior ac vehementior sit probatio, quod primo loco posuimus. Simplex est sic rogare;

Sed vos qui tandem? quibus aut venistis ab oris?

Figuratum autem, quoties non sciscitandi gratia assumitur, sed instandi: *Quid enim tuus ille, Tubero, distri-ctus in acie Pharsalica gladius agebat? &; Quousque tandem abutere, Catilina, patientia nostra? &; Patere tua con-silia*

filia non sentis ? & totus denique hic locus. Quanto CAP. II.
enim magis ardet, quam si diceretur ; *Dum abuteris pa-*
sientia nostra : & ; Patent tua consilia. Interrogamus et-
 iam quod negari non possit : *Dixitne tandem causam*
C. Fidiculanus Facula ? Aut ubi respondendi difficilis
 est ratio , ut vulgo uti solemus ; *Quo modo ? Qui fieri*
potest ? Aut invidiæ gratia , ut Medea apud Senecam ;
Quas peti terras jubes ? Aut miserationis , ut Sinon
 apud Virgilium ;

Hec qua me tellus (inquit) qua me aquora possunt
Accipere ?

Aut instandi, & auferendæ dissimulationis: ut Asinius;
Audisne ? furiosum , inquam , non inofficiosum testamen-
sum reprehendimus. Totum hoc plenum est varietatis : nam & indignationi convenit ;

--- *Et quisquam numen Junonis adoret ?*

Et admirationi ;

--- *Quid non mortalia pectora cogis*
Auri sacra fames ? ---

Est interim acrius imperandi genus ;

Non arma expedient , totaque ex urbe sequentur ?

Et ipsi nosmet rogamus : quale est illud Terentianum ;

Quid igitur faciam ?

Est aliqua etiam in respondendo figura, cum aliud in-
 terroganti, ad aliud, quia sic utilius sit, occurritur :
 tum augendi criminis gratia ; ut testis in reum roga-
 tus, an ab reo fustibus vapulasset ; *Et innocens , in-*
quit. Tum declinandi, quod est frequentissimum :
Quæro an occideris hominem , respondetur , Latro-
nem. An fundum occupaveris, respondetur, *meum.*
 Ut confessionem præcedat defensio : ut apud Virgili-
 um in Bucolicis dicenti,

T t t

Non

CAP. II.

*Non ego te vidi Damonis, pessime, caprum
Excipere insidiis? —*

occurritur :

An mihi cantando victus non redderet ille?

Cui est confinis dissimulatio, non alibi quam in risu posita, ideoque tractata suo loco. Nam serio si fiat, pro confessione est. Cæterum & interrogandi seipsum, & respondendi sibi, solent esse non ingratae vices: ut Cicero pro Ligario; *Apud quem igitur hoc dico? nempe apud eum, qui cum hoc sciret, tamen me antequam vidit, reipublica reddidit.* Aliter pro Coelio ficta interrogatio est: *Dicet aliquis; Hac igitur est tua disciplina? sic tu instituis adolescentes?* & totus locus. Deinde; *Ego siquis, iudices, hoc robore animi, atque hac indole virtutis ac continentia fuit, &c.* Cui diversum est, cum aliquem rogaveris, non expectare responsum, & statim subicere: *Domus tibi deerat? at habebas. pecunia superabat? at egebas.* Quod schema quidam per subjectionem vocant. Fit & comparatione: *Uter igitur facilis sua sententia rationem redderet?* Et aliis modis tum brevius, tum latius, tum de una re, tum de pluribus. Mire vero in causis valet præsumptio, quæ πρόληψις dicitur, cum id quod objici potest, occupamus. Id neque in aliis partibus parum est, & præcipue proœmio convenit. Sed quanquam generis unius, diversas tamen species habet. Est enim quædam præmunio, qualis Ciceronis contra Q. Cæcilium; *Quod ad accusandum descendat, qui semper defenderit.* Quædam concessio: ut pro Rabirio Postumo, quem sua quoque sententia reprehendendum fatetur, quod pecuniam regi crediderit. Quædam prædictio: ut; *Dicam enim non augendi criminis gratia.* Quædam e-

men-

mendatio : ut; *Rogo ignoscatis mihi, si longius sum evectus.* Frequentissima præparatio, cum pluribus verbis, vel quare facturi quid simus, vel quare fecerimus, dici solet. Verborum quoque vis ac proprietas confirmatur vel præsumptione : *Quamquam illa non pana, sed prohibitio sceleris fuit.* Aut reprehensione : *Cives, cives, inquam, si hoc eos appellari nomine fas est.* Affert aliquam fidem veritatis & dubitatio, cum simulamus quærere nos unde incipiendum, ubi definendum, quid potissimum dicendum, an omnino dicendum sit : cujusmodi exemplis plena sunt omnia : sed unum interim sufficit ; *Equidem quod ad me attinet, quo me verum nescio. Negem fuisse infamiam iudicii corrupti ?* &c. Hoc etiam in præteritum valet : nam & dubitasse nos fingimus. A quo schemate non procul abest illa quæ dicitur communicatio, cum aut ipsos adversarios consulimus, ut Domitius Afer pro Cloantilla ; *At illa nescit trepida quid liceat femina, quid conjugem deceat : forte vos in illa solitudine obvios casus misera mulieri obtulit : tu frater, vos paterni amici, quod consilium datis ?* Aut cum iudicibus quasi deliberamus, quod est frequentissimum : *Quid suadetis ?* & *Vos interrogo, quid tandem fieri oportuit ?* ut Cato ; *Cedo, si vos in eo loco essetis, quid aliud fecissetis ?* Et alibi ; *Communem rem agi putatote, ac vos huic rei propositos esse.* Sed nonnunquam communicantes aliquid inexpectatum subjungimus, quod & per se schema est : ut in Verrem Cicero ; *Quid deinde ? quid censeatis ? furtum fortasse, aut prædam aliquam ?* Deinde cum diu suspendisset iudicum animos, subiecit quod multo esset improbius. Hoc Celsus sustentationem vocat. Est autem duplex : nam contra frequenter cum ex-

CAP. II. spectationem gravissimorum fecimus , ad aliquid quod sit leve, aut nullo modo criminosum, descendimus. Sed quia non tantum per communicationem fieri solet, παραδοξον alii nominaverunt, id est inopinatum. Illis non accedo, qui schema esse existimant, etiam, si quid nobis ipsis dicamus inexpectatum accidisse: ut Pollio; *Nunquam fore credidi, iudices, ut reo Scauro, ne quid in ejus judicio gratia valeret precarer.* Pene idem fons est illius quam permissionem vocant, qui communicationis: cum aliqua ipsis iudicibus relinquimus æstimanda, aliqua nonnunquam adversariis quoque: ut Calvus Vatinius; *Perfrica frontem, & dic te digniorem qui prator fieres, quam Catonem.* Quæ vero sunt augendis affectibus accommodatæ figuræ, constant maxime simulatione. Namque & irasci nos, & timere, & admirari, & dolere, & gaudere, & indignari, & optare, quæque sunt similia his, fingimus. Inde sunt illa; *Liberatus sum. Respiravi. &; Bene habet. &; Quæ amentia est hæc? &; O tempora! O mores! O miserum me!* consumtis enim lacrymis infixus tamen pectori hæret dolor. &;

Magna nunc hiscite terra.

quod exclamationem quidam vocant, ponuntque inter figuras orationis. Hæc quoties vera sunt, non sunt in ea forma de qua nunc loquimur. Sed assimulata, & arte composita, proculdubio schemata sunt existimanda. Quod idem dictum sit de oratione libera, quam Cornificius licentiam vocat, Græci παραπνοια. Quid enim minus figuratum, quam vera libertas? Sed frequenter sub hac facie latet adulatio. Nam Cicero cum dicit pro Ligario; *Suscepto bello, Caesar, gesto*
jam

jam etiam ex parte magna, nulla vi coactus, consilio ac CÁP. II.
voluntate mea, ad ea arma profectus sum, quæ erant con-
tra te sumpta: non solum ad utilitatem Ligarii respicit,
sed magis laudare victoris clementiam non potest. In
illa vero sententia; *Quid autem aliud egimus, Tubero, nisi
ut quod hic potest, nos possemus?* admirabiliter utriusque
partis facit bonam causam: sed hoc eum demeretur,
cujus mala fuerat. Illa adhuc audaciora, & majorum
(ut Cicero existimat) laterum, fictiones personarum
quæ προσωποποιίας dicuntur. Mire namque cum vari-
ant orationem, tum excitant. His & adversariorum
cogitationes, velut secum loquentium protrahimus:
quæ tamen ita demum a fide non abhorrent, si ea lo-
cutos finxerimus, quæ cogitasse eos non sit absurdum:
& nostros cum aliis sermones, & aliorum inter se cre-
dibiliter introducimus: & suadendo, objurgando, que-
rendo, laudando, miserando, personas idoneas damus.
Quin deducere deos in hoc genere dicendi, & inferos
excitare, concessum est. Urbes etiam populi que vocem
accipiunt. Ac sunt quidam qui has demum προσωπο-
ποιίας dicant, in quibus & corpora & verba fingimus.
Sermones hominum assimulatos dicere διαλόγους ma-
lunt, quod Latinorum quidam dixerunt, *sermocinatio-
nem*. Ego jam recepto more utrumque eodem modo
appellavi. Nam certe sermo fingi non potest, ut
non personæ sermo fingatur. Sed in his quæ naturâ
non permittit, hoc modo mollior fit figura: *Etenim
si mecum patria, quæ mihi vita mea multo est carior, si
cuncta Italia, si omnis respublica sic loquatur, M. Tulli,
quid agis? Illud audacius genus; Quæ tecum, Catilina,
sic agis, & quodammodo tacita loquitur; Nullum jam ali-
quos annis facinus existit, nisi per te.* Commode etiam

Itt 1

aut

CAP. II. aut nobis aliquas ante oculos esse rerum personarum-
 ve imagines fingimus, aut eadem adversariis aut iudi-
 cibus non accidere miramur : qualia sunt ; *Videtur*
mihî, & Nonne videtur tibi ? Sed magna quædam vis
 eloquentiæ desideratur. Falsa enim & incredibilia
 natura necesse est aut magis moveant, quia supra ve-
 ra sunt : aut pro vanis accipiantur, quia vera non sunt.
 Ut dicta autem quædam, ita scripta quoque fingi so-
 lent : quod facit Asinius pro Liburnia ; *Mater mea,*
qua mihî tum carissima, tum dulcissima fuit, quaque mihî
vixit, bisque eadem die mihî vitam dedit , & reliqua :
deinde ; exhaeres esto. Hæc cum per se figura est, tum
 duplicatur, quoties, sicut in hac causa, ad imitatio-
 nem alterius scripturæ componitur. Nam contra
 recitabatur testamentum : *P. Novanius Gallio , cui ego*
omnia meritissimo volo & debeo pro ejus animi in me
summa voluntate , & adjectis deinceps aliis, haeres esto.
 Incipit esse quodammodo παραβολή. quod nomen du-
 ctum a canticis ad aliorum similitudinem modulatis,
 abusive etiam in versificationis ac sermonum imitatio-
 ne servatur. Sed formas quoque fingimus sæpe : ut sa-
 mam Virgilius : ut *voluptatem ac virtutem* (quemad-
 modum a Xenophonte traditur) Prodicus : ut *mortem*
ac vitam, quas contendentes in Satyra tradit Ennius.
 Est & incertæ personæ ficta oratio : *Hic aliquis. & ; di-*
cat aliquis. Est & jactus sine persona sermo : *Hic De-*
lopum manus, hic savus tendebat Achilles. Quod fit mix-
 tura figurarum , cum προσωποποιία accedit illa, quæ
 est orationis per detractionem: detractum est enim; *quis*
diceret. Vertitur enim interim προσωποποιία in speciem
 narrandi. Unde & apud historicos reperiuntur obliquæ
 allocutiones : ut in T. Livii primo statim libro : *Urbes*
que-

quoque, ut cetera, ex infimo nasci : deinde quas sua vir- CAP. II.
tus at dii juvent, magnas opes sibi, magnumque nomen
facere. Aversio quoque sermonis, quæ dicitur ἀποστρε-
φῆ, mire movet, siue adversarios invasimus : Quid
enim tuus ille, Tubero, in acie Pharsalica gladius agebat ?
Sive ad invocationem aliquam convertimur : Vos enim
jam ego, Albani tumuli atque luci. Sive ad invidiosam
implorationem : O leges Porcia, legeſque Sempronia ! Sed
illa quoque vocatur aversio, quæ a proposita quæ-
ſitione abducit audientem :

~~nam ego cum Danais Trojanam excindere gentem~~
~~valide juravi. --~~

Quod sit & multis & variis figuris, cum aut aliud ex-
spectasse nos, aut majus aliquid timuisse simulamus,
aut plus videri posse ignorantibus : quale est proœmi-
um pro Coelio. Illa vero (ut ait Cicero) sub oculos
subjectio, tum fieri solet, cum res non gesta indica-
tur, sed ut sit gesta ostenditur : nec universa, sed per
partes : quem locum proximo libro subjecimus evi-
dentia : & Celsus hoc nomen isti figuræ dedit. ab aliis
ὑποτίθεσθαι, dicitur proposita quædam forma rerum
ita expressa verbis, ut cerni potius videantur, quam
audiri : Ipse inflammatus scelere ac furore, in forum ve-
nit. ardebant oculi : toto ex ore crudelitas emicabat. Nec
solum quæ facta sint aut fiant, sed etiam quæ futura sint,
aut futura fuerint, imaginamur. Mire tractat hoc Cice-
ro pro Milone, quæ facturus fuerit Clodius si præturam
invasisset. Sed hæc quidem translatio temporum, quæ
proprie περὶ τὰς αἰτίας dicitur, in διατυπώσεων verecundior
apud priores fuit. Proponebant enim talia : Credite
vos immersi. ut Cicero ; Hæc quæ non vidistis oculis ani-
mis cernere potestis. Novi vero, & præcipue decla-
ma-

CAP. II. maiores, audacius, nec mehercle sine motu quodam imaginantur: ut Seneca in controversia, cuius summa est, quod pater filium & novercam, inducente altero filio, in adulterio deprehensos occidit: *Duc, sequor: accipe hanc senilem manum, & quocunque vis imprime.* Et paulo post; *Aspice, inquit, quod diu non credidisti. Ego vero non video, nox oboritur, & crassa caligo.* Habet hæc figura manifestius aliquid. Non enim narrari res, sed agi videtur. Locorum quoque dilucida & significans descriptio, eidem virtuti assignatur a quibusdam: alii *ταρογραφίαν* dicunt. *Εἰρωνείαν* inveni qui dissimulationem vocarent: quo nomine, quia parum totius hujus figuræ videntur vires ostendi, nimirum sicut in plerisque, Græca erimus appellatione contenti. Igitur *εἰρωνεία* quæ est schema, ab illa quæ est tropus, genere ipso nihil admodum distat, (in utroque enim contrarium ei quod dicitur, intelligendum est) species vero prudentius intuenti, diversas esse facile est deprehendere. Primum, quod tropus apertior est: & quanquam aliud dicit ac sentit, non tamen aliud simulat. Nam & omnia circa fere recta sunt: ut illud in Catilinam; *A quo repudians, ad sodalem tuum virum optimum Metellum demigrasti.* In duobus demum verbis est ironia, ergo etiam brevior est tropus. At in figura totius voluntatis fictio est, apparens magis quam confessâ: ut illic verba sine verbis diversa, hic sensus sermonis: & joci, & tota interim causæ confirmatio, tum etiam vita universa, ironiam habere videatur; qualis est visâ Socratis. Nam ideo dictus *εἰρων*, id est agens imperitum; & admirator aliorum tanquam sapientum: ut quemadmodum *ἀλλυγορίαν* facit continua *μεταφορά*, sic hoc sche-

schema faciat troporum ille contextus. Quædam vero genera hujus figuræ nullam cum tropis habent societatem : ut illa statim prima quæ dicitur a negando, quam nonnulli vocant ἀποφασίς. *Non agam tecum jure summo, non dicam, quod forsitan obtinerem. & ; Quid ego istius decreta, quid rapinas, quid hereditatum possessiones datas, quid ereptas proferam ? & ; Mitto illam primam libidinis injuriam. & ; Ne illa quidem testimoniare cito, qua dicta sunt de sestertiis sexcentis millibus. & ; Possum dicere.* Quibus generibus per totas interim quaestiones decurrimus, ut Cicero ; *Hoc ego si sic age-
re, tanquam mihi crimen esset diluendum, hæc pluribus dicerem.* Eigo veta est & cum similes imperantibus vel permittentibus sumus,

I, sequere Italiam ventis.

Et cum ea quæ nolumus videri in adversariis esse, concedimus eis. Id acrius fit cum eadem in nobis sunt, & in adversario non sunt :

— *Meque timoris*

Argue tu Drance, quando tot cadis acernos

Tencrorum tua dextra dedis.

Quod idem contra valet, cum aut ea quæ nobis absunt, aut etiam quæ in adversarios recidunt, quasi fatemur :

Me duce Dardanius Spartam expugnavit adulter.

Nec in personis tantum, sed & in rebus versatur hæc contraria dicendi quam quæ intelligi velis ratio, ut totum pro Quinto Ligario proœmium, & illæ elevationes : *videlicet ; O dii boni !*

Scilicet is superis labor est.

Et ille pro Oppio locus ; *O amorem mirum ! O bene-*

V u u

vo-

CAP. II. *volentiam singularem ! Non procul autem absunt ab hac simulatione tres inter se similes : Confessio nihil nocitura : qualis est ; Habes igitur , Tubero , quod est accusatori maxime optandum, consistentem reum.* Et concessio, cum aliquid etiam iniquum videmur causæ fiducia pati : *Metum virgarum navarchus nobilissima civitatis pretio redemit : humanum est.* Et pro Cluentio : *Invidia dominetur in concionibus , jaceat in judiciis.* Tertia, consensio : ut pro eodem ; *judicium esse corruptum.* Hæc evidentior figura est, cum alicui rei assentimur quæ est futura pro nobis : verum id accidere sine adversarii vitio non potest. Quædam etiam velut laudamus , ut Cicero in Verrem circa crimen Apollonii Drepanitani ; *Gaudeo etiam si quid ab eo abstulisti : & abs te nihil rectius factum esse dico.* Interim augemus crimina quæ ex facili aut diluere possumus, aut negare, quod est frequentius, quam ut exemplum desideret. Interim hoc ipso fidem detrahimus illis, quod sint tam gravia : ut pro Roscio Cicero, cum immanitatem parricidii , quanquam per se manifestam, tamen etiam vi orationis exaggerat. *Αποσιώτηται,* quam idem Cicero reticentiam , Celsus obticentiam, nonnulli interruptionem appellant , & ipsa ostendit aliquid affectus vel iræ : ut ;

Quos ego : sed motos præstat componere fluctus.

Vel sollicitudinis, & quasi religionis : *An hujus ille legis, quam Clodius a se inventam gloriatur, mentionem facere ausus esset vivo Milone , ne dicam consule ? De vestrum enim omnium : non audeo totum dicere.* Cui simile est in proœmio pro Ctesiphonte Demosthenis. Vel alio transeundi gratia : *Communis autem ; Tamen, i-*
gnosci-

gnoscite mihi, judices. In quo est & illa (si tamen inter schemata numerari debet, cum aliis etiam pars causæ videatur) digressio: Abit enim causa in laudes Cn. Pompeii. Id quod fieri etiam sine ἀποσιωπήσει potuit. Nam brevior illa, ut ait Cicero, a re digressio, plurimis fit modis. Sed hæc exempli gratia sufficient: Tum *Cajus Varenus, is qui a familia Anchariana occisus est: hoc quæso, judices, diligenter attendite.* Et pro Milone: *Et aspexit me illis quidem oculis, quibus tum solebat, cum omnibus omnia minabatur.* Est alia non quidem reticentia, quæ sit imperfecti sermonis, sed tamen præcisa velut ante legitimum finem oratio: ut illud, *Nimis urgeo, commoveri videtur adolescens.* &: *Quid plura? ipsum adolescentem dicere audistis.* Imitatio morum alienorum, quæ ἱθοποιία, vel ut alii malunt, μίμησις dicitur, jam inter leniores affectus numerari potest. Est enim posita fere in eludendo: sed versatur & in factis, & in dictis. In factis, quod est ὑποτύπωσις vicinum. In dictis, quale est apud Terentium;

At ego nesciebam quorsum tu ires. Parvula

Hinc est abrepta, eduxit mater pro sua,

Soror dicta est: cupio abducere ut reddam suis.

Sed nostrorum quoque dictorum factorumque similis imitatio est per relationem, nisi quod frequentius asseverat quam eludit: *Dicebam habere eos actorem Quin. Cecilium.* Sunt & illa jucunda, & ad commendationem cum varietate, tum etiam ipsa natura plurimum profunt, quæ simplicem quandam, & non præparatam ostendendo orationem, minus nos suspectos iudici faciunt. Hinc est quasi poenitentia dicti: ut pro Cœlio: *Sed quid ego ita gravem personam introduxi? Et quibus utimur vulgo; Imprudens incidi.* Vel cum

V u u z

quæ-

CAP. II. quærere nos quid dicamus, fingimus : *Quid reliquum est?* &, *Num quid omisi?* Et cum ibidem in Verrem ait Cicero : *Unum etiam mihi reliquum hujusmodi crimen est.* &; *Aliud ex alio succurrit mihi.* Unde etiam venusti transitus fiunt : non quia transitus ipse sit schema : ut Cicero narrato Pisonis exemplo , qui anulum sibi cudi ab aurifice in tribunali suo jusserat, velut hoc in memoriam inductus, adjecit ; *Hic modo me commonuit Pisonis annulus , quod totum effluxerat. quam multis istum putatis hominibus honestis de digitis annulos aureos abstulisse?* Et cum aliqua velut ignoramus : *Sed earum rerum artificem , quem ? quemnam ? recte admones, Polycletum esse dicebant.* Quod quidem non in hoc tantum valet. Quibusdam enim dum aliud agere videmur , aliud efficimus : sicut hic Cicero consequitur , ne cum morbum in signis atque tabulis objiciat Verri , ipse quoque earum rerum studiosus esse credatur. Et Demosthenes jurando per interfectos in Marathone & Salamine , id agit , ut minore invidia cladis apud Cheroneam acceptæ laboret. Faciunt illa quoque jucundam orationem , aliqua mentione habita differre , & deponere apud memoriam judicis , & reposcere quæ deposueris , & separare quædam schemate aliquo , (non enim est ipsa per se iteratio schema) & excipere aliqua , & dare actioni varios velut vultus. Gaudent enim res varietate : & sicut oculi diversarum aspectu rerum magis detinentur : ita semper animis præstant , in quod se velut novum intendant. Est emphasis etiam inter figuras, cum ex aliquo dicto latens aliquid eruitur : ut apud Virgilium;

Non

*Non licuit thalami expertem sine crimine vitam
Degere more fera. ----* CAP. II.

Quamquam enim de matrimonio queritur Dido, tamen huc erupit ejus affectus, ut sine thalamis vitam non hominum putet, sed ferarum. Aliud apud Ovidium genus, apud quem & Myrrha nutrici amorem patris sic confitetur,

O, dixit, felicem conjuge matrem!

Huic vel confinis, vel eadem est, qua nunc utimur plurimum. Jam enim ad id genus, quod & frequentissimum est, & expectari maxime credo, veniendum est: in quo per quandam suspicionem, quod non dicimus, accipi volumus: non utique contrarium, ut in *Alpaveta*, sed aliud latens, & auditori quasi inveniendum, quod, ut supra ostendi, jam fere solum schema a nostris vocatur, & unde controversiæ figuratæ dicuntur. Ejus triplex usus est: Unus, si dicere palam parum tutum est. Alter, si non decet. Tertius, qui venustatis modo gratia adhibetur, & ipsa novitate ac varietate magis quam si relatio sit recta, delectat. Ex his quod est primum, frequens in scholis est. Nam & pactiones deponentium imperium tyrannorum, & post bellum civile senatusconsulta finguntur, & capitale est objicere antea acta: ut quod in foro non expedit, illic nec liceat. Sed schematum conditio non eadem est. Quamlibet enim apertum, quod modo & aliter intelligi possit, in illos tyrannos bene dixeris, quia periculum tantum, non etiam offensâ vitatur. Quod si ambiguitate sententiæ possit eludi, nemo non illi furto favet. Vera negotia nunquam adducunt hanc silentii necessitatem, sed aliam huic simili;

V u u ;

lem;

CAP. II. lem; verum multo ad agendum difficiliorem, cum personæ potentes obstant, sine quarum reprehensione teneri causa non possit. Ideoque hoc parcius & circumspectius faciendum: quia nihil interest quomodo offendas: & aperta figura perdit hoc ipsum, quod figura est. Ideoque a quibusdam tota res repudiatur, siue intelligatur, siue non. Sed licet modum adhibere. Imprimis, ne sint manifestæ. Non erunt autem si non ex verbis dubiis & quasi duplicibus petentur: qualis est in suspecta nuru: *Duxi uxorem, qua patri placuit.* Aut, quod est multo ineptius, compositionibus ambiguus: ut illa controversia, in qua infamis amore virginis filia pater raptam eam interrogat a quo vitiata sit; *Quis te, inquit, rapuit? Tu pater: nescis?* Res ipsæ perducant iudicem ad suspicionem, & amoliamur cætera, ut hoc solum supersit: in quo multum etiam affectus juvant, & interrupta silentio dictio, & cunctationes. Sic enim fiet, ut iudex quærat illud nescio quid, quod ipse fortasse non crederet si audiret: & ei quod a se inventum existimat, credat. Sed ne si optimæ quidem sint, esse debent frequentes. Nam densitate ipsa figuræ aperiuntur, nec offensæ minus habent, sed auctoritatis. Nec pudor videtur quod non palam objicias, sed diffidentia. In summa, sic maxime iudex credit figuris, si nos putat nolle dicere. Equidem quandoque & in personas incidi tales, & in rem quoque (quod est magis rarum) quæ obtineri nisi hac arte non posset. Ream tuebar, quæ subjecisse dicebatur marito testamentum: & dicebatur, chirographum marito exspirante hæres dedisse: & verum erat. Nam quia per leges instigui uxor non poterat hæres, id fuerat actum, ut ad eam

eam bona per hoc tacitum fideicommissum pervenirent. Et caput quidem tueri facile erat, si hoc diceremus palam: sed peribat hæreditas. Ita ergo fuit nobis agendum, ut iudices illud intelligerent factum, delatores non possent apprehendere ut dictum: & contigit utrumque. Quod non inferuissem, veritus opinionem jactantiæ, nisi probare voluissem, in foro quoque esse his figuris locum. Quædam etiam quæ probare non possis, figura potius spargenda sunt. Hæret enim nonnunquam telum istud occultum, & hoc ipso quod non apparet, eximi non potest. At si idem dicas palam, & defenditur & probandum est. Cum autem obstat nobis personæ reverentia, (quod secundum posuimus genus) tanto cautius dicendum est, quanto validius bonos inhibet pudor, quam metus. Hic vero tegere nos iudex quod sciamus, & verba vi quadam veritatis erumpentia credat coercere. Nam quominus aut ipsi in quos dicimus, aut iudices, aut assistentes oderint hanc maledicendi lasciviam, si nolle nos credant? Aut quid interest quomodo dicatur, cum & res & animus intelligitur? Quid denique dicendo proficimus, nisi ut palam sit, nos facere, quod ipsi sciamus non esse faciendum? Atqui præcipue prima, quibus præcipere coeperam, tempora hoc vitio laborarunt. Dicebant enim libenter tales controversias, quæ difficultatis gratia placent, cum sint multo faciliores. Nam rectum genus approbari nisi maximis viribus non potest: hæc diverticula & anfractus suffugia sunt infirmitatis: ut qui cursu parum valent, flexu eludunt: cum hæc quæ affectatur ratio sententiarum, non procul a ratione jocandi abhorreat. Adjuvat etiam quod auditor gaudet intel-

CAP. II. intelligere, & favet ingenio suo, & alio dicente se laudat. Itaque non solum si persona obstatet rectæ orationi, (quo in genere sæpius modo quam figuris opus est) decurrebant ad schemata, sed faciebant illis locum etiam ubi personæ inutiles ac nefariæ essent: ut si pater qui infamem in matrem filium secreto occidisset, reus malæ tractationis, jacularetur in uxorem obliquis sententiis. Nam quid impurius quam retinuisse talem? Quid porro tam contrarium, quam eum qui accusetur, quia summum nefas suspicatus de uxore videatur, confirmare id ipsa defensione quod diluendum est? At si iudicum sumerent animum, scirent quam-eiusmodi accusationem laturi non fuissent: multoque etiam minus, cum in parentes abominanda crimina spargerentur. Et quatenus huc incidimus, paulo plus scolis demus. Nam & in his educatur orator: & in eo, quomodo declametur, positum est etiam quomodo agatur. Dicendum ergo de iis quoque in quibus non asperas figuras, sed palam contrarias causæ plerique fecerunt. *Tyrannidis ætate damnatus torqueatur, ut conscios indicet: accusator ejus optet quod volet.* Patrem qui damnavit, optatne is torqueatur. pater ei contradicit. Nemo se tenuit agens pro patre, quin figuras in filium faceret, tanquam illum conscium pater in tormentis esset nominaturus. Quod quid stultius? Nam cum hoc iudices intellexerint, aut non torquebitur cum ideo torqueri velit: aut torto non credetur. At credibile est hoc eum velle fortasse. Dissimulet ergo, ut efficiat. Sed nobis (declamatoribus dico) quid proderit hoc intellexisse, nisi dixerimus? Ergo si vere ageretur, similiter consilium illud latens prodidissimus? Quid si ne-

que

neque utique verum est, & habere alias hic damna- CAP. II.

tus contradicendi causas potest, vel quod legem servandam putet, vel quod nolit accusatori debere beneficium, vel (quod ego maxime sequer) ut se in tormentis innocentem esse pertendat. Quare ne illud quidem semper succurret sic dicentibus; Patrocinium hoc voluit, qui controversiam finxit. Fortasse enim noluit: sed esto, voluerit: continuone si ille stulte cogitavit, nobis quoque stulte dicendum est? At ego in causis agendis frequenter non puto intuendum quid litigator velit. Est & ille in hoc genere frequens error, ut putent aliud quosdam dicere, aliud velle: præcipue cum in themate est, aliquem ut sibi mori liceat postulare: ut in illa controversia; Qui aliquando fortiter fecerat, & alio bello petierat ut militia vacaret ex lege, quod quinquagenarius esset, adversante filio ire in aciem coactus, deseruit. Filius qui fortiter eodem prælio fecerat, incolumitatem ejus optat: contradicit pater. Non enim, inquiunt, mori vult, sed invidiam filio facere. Equidem rideo, quod illi sic timent tanquam ipsi morituri, & in consilium suos merus ferunt, obliti tot exemplorum circa voluntariam mortem, causarum quoque quas habet factus ex viro forti desertor. Sed de una controversia loqui super vacuum est. Ego in universum neque oratoris puto esse unquam prævaricari, neque litem intelligo, in qua pars utraque idem velit: neque tam stultum quendam, qui si vivere velit, mortem potius male petat, quam omnino non petat. Non tamen nego esse controversias hujusmodi figuratas: ut est illa; Reus parricidii, quod fratrem occidisset, damnatum in videbatur. Pater pro testimonio dixit eum se ju-

X x x

bente

CAP. II.

bente fecisse : absolutum abdicat. Nam neque intotum filio parcat, nec quod priore iudicio affirmavit, mutare palam potest, & ut non durat ultra poenam abdicationis ira, abdicat tamen : & alioqui figura in patre plus facit quam licet, in filio minus. Ut autem nemo contra id quod vult dicit, ita potest melius aliquid velle quam dicit : quomodo ille abdicatus, qui a patre ut filium expositum & ab eo educatum solutis alimentis recipiat, postulat, revocari fortasse mavult, non tamen quod petit, non vult. Est latens & illa significatio : qua cum jus asperius petitur a iudice, fit ei tamen spes aliqua clementiæ : non palam, ne paciscamur, sed per quandam credibilem suspensionem : ut in multis controversiis, sed in hac quoque ; *Raptor nisi intra trigesimum diem, & raptæ patrem, & suum exoraverit, pereat.* Qui exorato raptæ patre suum non exorat, agit cum eo dementiæ. Nam si permittat hic pater, lis tollitur : si nullam spem faciat, ut non demens, crudelis certe videatur, & a se iudicem avertat. Latro igitur optime ; *Occides ergo ? si potero.* Remissius, & pro suo ingenio, pater Gallio ; *Dura anime hodie, dura : be-ri fortior fuisti.* Confinia sunt his celebrata apud Græcos schemata, per quæ res asperas mollius significant. Nam Themistocles suasisse existimatur Atheniensibus, ut urbem apud deos deponerent : quia durum erat dicere, ut relinquerent. & qui victorias aureas in usum belli conflare volebat, ita declinavit ; *victoriis utendum esse.* Totum autem allegoriæ simile est, aliud dicere, aliud intelligi velle. Quæsitum etiam est quomodo responderi contra figuras oporteret. Et quidam semper ex diverso aperientes puta-

putaverunt, sicut latentia vitia rescinduntur : Idque sa- CAP. II.
ne frequentissime faciendum est ; aliter enim dilui ob-
jecta non possunt, utique cum quaestio in eo consistit,
quod figuræ petunt. At cum maledicta sunt tantum,
non intelligere interim bonæ conscientiae est. Atque
etiam cum fuerint crebriores figuræ, quam ut dissi-
mulari possint, postulandum est, ut illud nescio quid
quod adversarii obliquis sententiis significare volue-
rint, si fiducia sit, objiciant palam : aut certe non exi-
gant, ut quod ipsi non audent dicere, id iudices non
modo intelligant, sed etiam credant. Utilis etiam ali-
quando dissimulatio est, ut in eo, (nota enim fabula
est) qui cum esset contra eum dictum ; *Jura per pa-
tris tui cineres : paratum se esse* respondit. & iudex
conditione usus est, clamante multum advocato ; schè-
mata de rerum natura tolli : ut protinus etiam præ-
ceptum sit, ejusmodi figuris utendum temere non esse.
Tertium est genus, in quo sola melius dicendi petitur
occasio. ideoque id Cicero non putat esse positum in
contentione. Tale est illud, quo idem utitur in Clo-
dium ; *Quibus iste, qui omnia sacrificia nosset, facile ab
se Deos placari posse arbitrabatur.* Ironia quoque in hoc
genere materiae frequentissima est. Sed eruditissi-
mum longe, si per aliam rem alia inducatur : ut cum
adversus tyrannum qui sub pacto abolitionis domina-
tionem deposuerat, agit competitor ; *Mihi in te dicere
non licet, tu in me dic, & potes : Nuper te volui occide-
re.* Frequens illud est, nec magnopere captandum,
quod petitur a jurejurando : ut pro exhæredato ; *Ita
mihi contingat herede filio mori.* Nam & in totum ju-
rare, nisi ubi necesse est, gravi viro parum convenit :
& est a Seneca dictum eleganter ; *non patronorum hoc
esse*

X x x 2

CAP. II. *esse, sed testium.* Nec meretur fidem, qui sententia gratia jurat: nisi si potest tam bene quam Demosthenes, ut supra dixi. Levissimum autem longè genus ex verbo, etiam si est apud Ciceronem in Clodiam; *Præsertim quam omnes amicam omnium, potius quam cujusquam inimicam putaverunt.* Comparationem equidem video figuram non esse, cum sit interim probationis, interim etiam causæ genus: & sit talis ejus forma, qualis est pro Murena: *Vigilas tu de nocte, ut tuis consultoribus respondeas: ille, ut eo quo tendit, mature cum exercitu perveniat. Te Gallorum, illum baccinarum cantus excitat, & cætera.* Nescio an orationis potius quam sententiæ sit. Id enim solum mutatur, quod non universa universis, sed singula singulis opponuntur. Celsus tamen, & non negligens auctor Visellius in hac eam parte posuerunt. Rutilius quidem Lupus in utroque genere, idque *ἀντίθετον* vocat. Præter illa vero quæ Cicero inter lumina posuit sententiarum, multa alia & idem Rutilius Gorgiam secutus, non illum Leontinum, sed alium sui temporis, cujus quatuor libros in unum suum transtulit, & Celsus videlicet Rutilio accedens, posuerunt schemata: Consummationem, quam Græci *διαλλαγήν* vocant, cum plura argumenta ad unum effectum deducuntur. Consequens, ille *ἐπακλόθησιν*, de quo nos in argumentis diximus. Collectionem, quæ apud illum est *συλλογισμός*. Minas, id est *κατάπληξιν*. Exhortationem, *παρανετικόν*. Quorum nihil non rectum est, nisi cum aliquam ex his, de quibus locuti sumus, figuram accipit. Præter hæc Celsus, excludere, asseverare, detrectare, excitare judicem, proverbiiis uti, & versibus, & joco, & invidia, & invocatione, intendere crimen, quod est *δυσω*

δίνωσι, adulari, ignoscere, fastidire, admonere, satisfacere, precari, corripere, figuras putat. Partitionem quoque, & propositionem, & divisionem, & rerum duarum cognationem, quod est ut idem valeant quæ videntur esse diversa; ut non is demum sit veneficus, qui vitam abstulit data porione, sed etiam qui mentem: quod est in parte finitionis. Rutilius sive Gorgias, ἀναγκαῖον, ἀνάμνησιν, ἀνθυποφορὰν, ἀντίρρῃσιν, παραύξησιν, προέκθεσιν, quod est dicere quid fieri oportuerit, deinde quid factum sit: ἐναντιότητα unde sint enthymemata: κατ' αἰτίαςιν· μετάληψιν etiam, quo statu Hermagoras utitur. Visellius quanquam paucissimas faciat figuras, facit ἐνθύμημα tamen, quod commentum vocat: & rationem appellans ἐπιχείρημα, inter eas habet. quod quidem recipit quodammodo & Celsus: nam consequens an epicherema sit, dubitat. Visellius adjicit & sententiam. Invenio qui aggregent his διασκευάς, ἀπαγορεύσεις, παραδιηγήσεις. Sed ut hæc non sunt schemata: sic alia vel sint forsitan, ac nos fugerint: vel etiam nova fieri adhuc possint, ejusdem tamen naturæ, cujus sunt ea de quibus dictum est.

CAP. II.

VERBORUM vero figuræ & mutatæ sunt semper, & utcunque valuit consuetudo, mutantur. Itaque si antiquum sermonem nostro comparemus, pene jam quicquid loquimur, figura est: ut; *huic rei invidere*: non, ut omnes veteres, & Cicero præcipue; *hanc rem*: &, *incumbere illi*, non, *in illum*: &, *plenum vino*, non, *vini*: &, *huic*, non, *hunc adulari*, jam dicitur, & mille alia: utinamque non pejora vincant. Verum schemata λέξεις duorum sunt generum: alterum loquendi rationem vocant: alterum quod ad colloca-

CAP. III.

X x x 3

tio

CAP. II. tionem maxime exquisitum est. Quorum tamen si utrumque convenit orationi, tamen possis illud grammaticum, hoc rhetoricum magis dicere. Prius sit iisdem generibus, quibus vitia. Esset enim omne schema vitium, si non peteretur, sed accideret. Verum auctoritate, vetustate, consuetudine plerumque defenditur, sæpe etiam ratione quadam. Ideoque cum sit a simplici rectoque loquendi genere deflexa, virtus est, si habeat probabile aliquid quod sequatur. Una tamen in re maxime utilis, ut quotidiani & semper eodem modo formati sermonis levet fastidium, & nos a vulgari dicendi genere defendat. Quo si quis parce, & cum res poscet utetur, velut asperso quodam condimento, jucundior erit: at qui nimium affectaverit, ipsam illam gratiam varietatis amittet. quamquam sunt quædam figuræ ita receptæ, ut pene jam hoc ipsum nomen effugerint: quæ etiam si fuerint crebriores, consuetas aures minus ferient. Nam secreta, & extra vulgarem usum posita, ideoque magis nobiles, ut novitate aurem excitant, ita copia satiant: nec se obvias fuisse dicenti, sed conquisitas, & ex omnibus latebris extractas congestasque declarant. Fiunt ergo & circa genus figuræ in nominibus. Nam & *oculis capti talpæ*, & *timidi damæ* dicuntur a Virgilio: sed subest ratio, quia sexus uterque altero significatur. Tam enim mares esse talpas damasque quam foeminas certum est. Et in verbis: ut; *Fabricatus est gladium*: &; *Inimicos punitus est*. Quod mirum minus est, quod in natura verborum est, & quæ facimus patiendo modo sæpe dicere: ut; *arbitror*, *suspicio*: & contra faciendi quæ patimur: ut; *vapulo*: ideoque frequens permutatio est: & pleraque utroque modo efferruntur:

luxu-

luxuriatur, luxuriat; fluctuatur, fluctuat; assensior, CAP. II.
assentio; Est figura & in numero: vel cum singulari
pluralis subjungitur; Gladio pugnacissima gens Romani.
gens enim ex multis. Vel ex adverso;

--- *Cui non risere parentes,*
Nec Deus hunc mensa, dea nec dignata cubili est.

Ex illis enim qui non risere, hic quem non dignatus
 deus, nec dea dignata. Et; mutatione partium, ut in
 Satyra,

— *Et nostrum istud vivere triste*
Aspexi.

cum infinito verbo sit usus pro appellatione. Nostram
 enim vitam vult intelligi. Utimur & verbo pro par-
 ticipio, ut;

Magnum dat ferre talentum.
 tanquam ferendum. Et participio pro verbo, *Volo da-*
tum. Interim etiam dubitari potest cui simile vitio sit
 schema, ut in hoc,

Virtus est vitium fugere. —

Aut enim partes orationis mutat ex illo; *Virtus est fuga*
vitiorum. Aut casus ex illo, *Virtus est vitium fugere.*
 Multa tamen hoc utroque excitatius junguntur inte-
 rim schemata: *Sthenelus sciens pugna.* Est enim *sciens*
Sthenelus pugnandi. Transferuntur etiam tempora:
Timarchides negat esse ei periculum a securi. Præsens
 enim pro præterito positum est. Et futurum pro præ-
 senti:

Hoc Ithacus velit.

Et ne morer, per omnia fit genera, per quæ fit so-
 læcismus. Hæc est quoque quam *εἰσαγωγή* vocant cum
 dissimilis est, Zeugma dicitur: ut apud Sallustium:
Neque

CAP. II. *Neque ea res falsum me habuit. & ; Duci probare.* Ex quibus fere præter novitatem brevitatem etiam peti solet. Unde eousque processum est, ut, *non poenitendum*, pro non acturo poenitentiam : *visuros*, ad videndum missos, idem auctor dixerit. Quæ ille quidem fecerit schemata ; an idem vocari possint, videndum, quia recepta sint. Nam receptis etiam vulgo auctore contenti sumus. Vti nunc evaluit *rebus agentibus*, quod Pollio in Labieno damnat : & *contumeliam fecit*, quod a Cicerone reprehendi notum est : *affici enim contumelia* dicebant. Alia commendatio vetustatis, cujus amator unice Virgilius fuit :

*Vel cum se pavidum contra mea jurgia jactas.
Progeniem sed enim Trojano a sanguine duci
Audierat. ---*

Quorum similia apud veteres tragicos comicosque sunt plurima. Illud etiam in consuetudine remansit; *Enimvero* : his amplius apud eundem :

Nam quis te juvenum confidentissime : ---
quo sermonis initium fit, & :

*Tam magis illa tremens, & tristibus effera flammis,
Quam magis effuso crudeſcunt sanguine pugna.*
Quod est verſum ex illo ; *Quam magis arumna viget,
tam magis ad malefaciendum urget.* Pleni talibus antiqui : sicut initio Eunuchi Terentius ; *Quid igitur faciam?* inquit. *Alluſit tandem leo.* Catullus in Epithalamio :

--- Dum innupta manet, dum chara ſuis eſt.

Cum prius *dum*, ſignificet *quoad* : ſequens, *uſque* et. Ex Græco vero translata vel Salluſtii plurima : quale eſt ; *vulguſ amat fieri.* vel Horatii. Nam id maxime probat hoc :

Cice-

Ciceris, nec longa invidit avena.

CAP. III.

Et Virgilii:

— *Tyrrhenum navigat aquor.*

Etiā vulgatum actis quoque; *Saucius pectus.* Ex eadem parte figurarum additio & abjectio est. Illaque prior videri potest supervacua, sed non sine gratia est:

Nam neque Parnassi vobis juga, nam neque Pindi.

Potest enim deesse alterum *nam.* Et apud Horatium illud;

— *Fabriciumque,*

Hunc, & intonsis Curium capillis.

Est etiā adjectio quæ in complexu sermonis aut vitium habet, aut figuram. Figuram, ut; *Accede ad ignem hunc: jam calestes plus satis.* plus enim quam satis est. De altera quæ detractio est, pluribus dicendum est. Utimur vulgo & comparativis pro absolutis, ut cum se quis *infirmiorem* esse dixerit. duo inter se comparativa committimus: *Si te jam, Catilina, comprehendis, si interfici jussero; credo erit verendum mihi, ne non hoc potius omnes boni serius a me, quam quisquam crudelius factum esse dicat.* Sunt & illa non similia solocismo quidem, sed tamen numerum mutantia, quæ & tropis assignari solent, ut de uno pluraliter dicamus;

Sed nos immensum spatiis confecimus aquor.

Et de pluribus singulariter;

Haud secus ac patriis acer Romanus in armis.

Specie diversa, sed genere eadem & hæc sunt:

Neve tibi ad solem vergant vineta cadentem.

Nec mihi tum molles sub dio carpere somnos,

Neu dorso nemoris libeat jacuisse per herbas.

Non enim nescio cui alii prius, nec postea sibi uni, fed

Y y y

CAP. III. sed omnibus præcipit. Et de nobis loquimur tanquam de aliis : *Dicit Servius ; Negat Tullius.* Et nostra persona utimur pro aliena , & alios pro aliis fingimus. Utriusque rei exemplum pro Cecinna. Pisonem adversæ partis advocatum alloquens Cicero dicit ; *Restituisse te dixi : Nego me edicto pratoris restitutum esse.* Verum enim illud *restituisse* Ebutius dixit. *Nego me, Cecinna, edicto pratoris restitutum esse.* Ubi & ipsum *dixi*, excusa syllaba, figura in verbo est. Illa quoque ex eodem genere possunt videri , quæ nos interpolationem, vel interclusionem dicimus , Græci *παράθεσις* vocant , dum continuationi sermonis medius aliquis sensus intervenit : *Ego cum te (mecum enim sapissime loquitur) patria reddidissem.* Cui adjiciunt hyperbaton, non illud quod inter tropos esse voluerunt sed alterum, quod est ejus figuræ sententiarum , quæ ἀποστροφὴ dicitur, simile, cum non sensus mutatur, verum forma eloquendi:

— *Decios, Marios, magnosque Camillos,
Scipiadas duos bello, & te maxime Cæsar.*
Acutius adhuc in Polydoro :

*Fas omne abrumpit , Polydorum obtruncat, & auro
Vt potitur. --*

— *Quid non mortalia pectora cogis
Auri sacra fames?*

Qui tam parva momenta nominibus discreverunt, μεταβάσις vocant, quam & aliter fieri putant :

Quid loquor ? aut ubi sum ?

Conjunxit autem παράθεσις & ἀποστροφὴ Virgilius in illo loco:

*Haud procul inde cita Metium in diversa quadriga
Disiulerant (at tu dictis Albane maneres)*

Rapta-

Raptabatque viri mendacis viscera Tullus.

Hæc schemata, & his similia, quæ erunt per mutationem, adjectionem, detractionem, ordinem, & convertunt in se auditorem, nec languere patiuntur subinde aliqua notabili figura excitatum: & habent quandam ex illa vitii similitudine gratiam, ut in cibis interim acor ipse jucundus est. Quod continget, si neque supra modum multæ fuerint, nec ejusdem generis aut junctæ, aut frequentes: quia satietatem ut varietas earum, ita raritas effugit. Illud est acrius genus, quod non tantum in ratione positum est loquendi, sed ipsis sensibus cum gratiam, tum etiam vires accommodat. E quibus primum fit quod fit per adjectionem. plura sunt genera. Nam & verba geminantur, vel amplificandi gratia: ut, *Occidi, occidi, non SP. Melium*. Alterum est enim quod indicat, alterum quod affirmat. Vel miserandi: ut;

Ah Corydon, Corydon. ---

Quæ eadem figura nonnunquam per ironiam ad elevandum convertitur. Similis geminationis post aliquam interjectionem repetitio est, sed paulo etiam vehementior: *Bona, miserum me! (consumtis enim lacrymis tamen infixus animo hæret dolor) bona inquam Cn. Pompeii acerbissimæ voci subjecta præconis. Viris, & vis non ad deponendam, sed ad confirmandam audaciam*. Et ab iisdem verbis plurima acriter & instanter incipiunt: *Nihilne te nocturnum præsidium palatii, nihil urbis vigilia, nihil timor populi, nihil consensus bonorum omnium, nihil hic munitissimus habendi senatus locus, nihil horum ora vultusque moverunt?* Et iisdem desinunt: *Quis eos postulavit? Appius. Quis produxit? Appius.* Quanquam hoc exemplum ad aliud quoque schema

Y y y 2

per-

CAP. III. pertinet, cujus initia inter se & fines iidem sunt; *Quis & quis, Appius & Appius*. Quale est; *Qui sunt qui saepe ruperunt? Carthaginenses. Qui sunt qui crudelissime bellum in Italia gesserunt? Carthaginenses. Qui sunt qui Italiam deformaverunt? Carthaginenses. Qui sunt qui sibi ignosci postulant? Carthaginenses*. Etiam in contrapositionis vel comparativis solet respondere primorum verborum alterna repetitio, quod modo huius esse loci potius dixi: *Vigilas tu de nocte, ut tuis consultoribus respondeas, ille, ut eo quo intendis matre cum exercitu perveniat. Te Gallorum, illum buccinarum cantus exsuscitat. Tu actionem instituis, ille aciem instruit. Tu caves ne consultores tui, ille ne urbes aut castra capiantur*. Sed hac gratia non fuit contentus orator, vertit in contrarium eandem figuram: *Ille tenet & scit, ut hostium copia; tu, ut aqua pluvia arceantur. Ille exercitatus est in propagandis finibus, tu in regendo*. Possunt media quoque respondere, vel primis: ut; *Te nemus Angitia, vitrea te Fucinus unda: Vel ultimis, Hac navis onusta prada Siciliensi, cum & ipsa esset ex prada*. Nec quisquam dubitavit idem posse fieri iteratis utrinque mediis. Respondent primis & ultima: *Multi & graves dolores inventi parentibus, & propinquis multi*. Est & illud repetendi genus, quod semel proposita iterat & dividit,

*Iphitus & Pelias mecum, quorum Iphitus avo
Jam gravior, Pelias & vulnere tardus Ulyssi.*

ἐπ' αὐδ' ὅθ' dicitur Græce, nostri regressionem vocant. Nec solum in eodem sensu, sed etiam in diverso eadem verba contra sumuntur: *Principum dignitas erat pene par, non par fortasse eorum qui sequebantur*. Interim varia-

variatur casibus hæc & generibus retractatio : *Magnus* CAP. III.
est labor dicendi , magna res est. Et apud Rutilium longiore περιόδῳ, Et hæc vitia sententiarum sunt ; *Pater hic tuus ? patrem hunc appellas ? patri tu huius filius es?* Fit casibus modo hoc schema quod πολύπτωτον vocant. Constat & aliis etiam modis : ut pro Cluentio, *Quod autem tempus veneni dandi ? illo die ? in illa frequentia ? Per quem porro datum ? unde sumtum ? qua porro interceptio poculi ? cur non de integro autem datum ?* Hanc rerum conjunctam diversitatem Cæcilius μεταβολὴν vocat : qualis est pro Cluentio locus in Oppianicum ; *Quum tabulas publicas violasse , Censorias corrupisse , decuriones universi judicarunt : cum illo jam nemo rationem , nemo rem ullam contrahebat : nemo illum ex tam multis cognatis & affinibus tutorem unquam liberis suis scripsit : & deinceps adhuc multa.* Ut hæc in unum congeruntur, ita contra illa dispersa sunt, quæ a Cicerone dissipata dici puto :

*Hic segetes , illic veniunt felicius uvæ,
 Arborei fetus alibi. & deinceps.*

Illa vero apud Ciceronem mira figurarum mixtura deprehenditur , in qua & primo verbo, longo post intervallo redditum est ultimum , & media primis, & mediis ultima congruunt : *Vestrum jam hic factum deprehenditur, Patres conscripti, non meum : ac pulcherrimum quidem factum : verum , ut dixi, non meum, sed vestrum.* Hanc frequentiore repetitionem πλοκήν vocant, quæ fit ex permixtis figuris , ut supra dixi, utque se habet epistola ad Brutum : *Ego cum in gratiam redierim cum Appio Claudio , & redierim per Cn. Pompeium, te ego ergo cum redierim.* Et in iisdem sen-

Y Y Y 3

ten-

CAP. III.

tentiis crebrioribus mutata declinationibus iteratione verborum: ut apud Persium;

--- *Usque adeone*

Scire tuum nihil est, nisi te scire hoc sciat alter?

Et apud Ciceronem; *Neque enim poterat iudicio ex his damnatis qui iudicabantur. Sed sensus quoque toti quemadmodum coeperunt desinent: Venit ex Asia, hoc ipsum quam bonum! Trib. pleb. venit ex Asia.* In eadem tamen periodo & verbum ultimum primo refertur, tertium jam sermone adiectum est; *Veruntamen venit.* Interim sententia quidem repetitur, sed eodem verborum ordine; *Quid Cleomenes facere potuit? Non enim possum quenquam insimulare falso. Quid, inquam, Cleomenes magnopere facere potuit?* Prioris sententiæ verbum ultimum, ac sequentis primum frequenter est idem: quo quidem schemate utuntur poetæ sæpius;

Pierides, vos hæc facietis maxima Gallo:

Gall, cuius amor tantum mihi crescit in horas.

Sed ne oratores quidem raro: *Hic tamen vivit; vivit? imo vero etiam in senatum venit.* Aliquando, sicut in geminatione verborum diximus, initia quoque & clausulæ sententiarum aliis, sed non alio tendentibus verbis, inter se consonant. Initia hoc modo: *Dederim periculis omnibus, obtulerim insidiis, objecerim invidia.* Rursus clausulæ: ibidem statim; *Vos enim statimistis, vos sententiam dixistis, vos iudicastis.* Hoc alii *μίσμιν*, alii disjunctionem vocant, utrumque (etiamsi est diversum) recte. Nam est nominum idem significantium separatio. Congregantur quoque verba idem significantia: *Qua cum ita sint, Catilina, perge quo coepisti: egredere aliquando ex urbe: patent porte: proficiscere.* Et in eundem alio libro; *Abiit, excessit, erupit.*

erupit, evasit. Hoc Cæcilio πλεονασμός videtur, id est CAP. III.
abundans supra necessitatem oratio : sicut illa ;
Vidi oculos ante ipse meos. In illo enim *vidi*, inest,
ipse. Verum id, ut alio quoque loco dixi, cum
supervacua oneratur adjectione, vitium est : cum autem
auget manifestam sententiam, sicut hic ; virtus : *Vidi*,
ipse, ante oculos, quot verba, totidem sunt affectus. Cur
tamen hæc proprie nomine tali notarit, non video.
Nam & geminatio, & repetitio, & qualiscunque adje-
ctio, πλεονασμός videri potest. Nec verba modo, sed
sensus quoque idem facientes acervantur. *Perturbatio*
istum mentis, & quædam scelerum offusa caligo, & ar-
dentes furiarum facies excitarunt. Congeruntur & di-
versa : *Mulier, tyranni sava crudelitas, patris amor, ira*
præceps, temeritas, dementia. Et apud Ovidium :

Sed grave Nereidum numen, sed corniger Ammon,

Sed qua visceribus veniebat bellua ponti

Exsaturanda meis. —

Inveni qui & hoc vocaret πλοκή. cui non assentior ; cum
sint unius figuræ mixta quoque, & idem & diversum si-
gnificantia, quod & ipsum διαλλαγήν vocant : *Quæro ab*
inimicis, sint ne hac investigata, comperta, patefacta, sub-
lata, deleta, extincta per me. *Investigata, comperta, pa-*
tefacta, aliud ostendunt : sublata, deleta, extincta, sunt
inter se similia, sed non etiam prioribus. Et hoc
autem exemplum, & superius, aliam quoque efficiunt
figuram, quæ quia conjunctionibus caret, dissolutio
vocatur ; apta, cum quid instantius dicimus. Nam &
singula inculcantur, & quasi plura fiunt. Ideoque
utimur hac figura non in singulis modo verbis, sed
sententiis etiam : ut Cicero dicit contra concionem
Metelli ; *Qui indicabantur, eos vocari, custodiri, ad se-*
natum

CAP. III. *natum adduci jussi, in senatu sunt positi.* & totus hic locus. Hoc genus *βραχυλογία* vocant, quæ potest esse copulata dissolutio. Contrarium est schema, quod conjunctionibus abundat. Illud *ῥοιζήδων*, hoc *πολυσύνδετον*, dicitur. Hoc est, vel iisdem sæpius repetitis: ut;

--- *Tectumque laremque,*

Armaque, Amyclaumque canem, Cressamque pharetram.
Vel diversis;

Arma virumque. ---

Multum ille & terris. ---

Multa quoque & bello. ---

Adverbia quoque & pronomina variantur:

Hic illum vidi juvenem. ---

Bis senos cui nostra dies. ---

Hic mihi responsum primus dedit ille petenti.

Sed utrumque horum coacervatio. Etenim tantum juncta aut dissoluta. Omnibus scriptores sua nomina dederunt, sed varia, & ut cuique fingenti placuit. Fons quidem unus, quia acriora facit & instantiora quæ dicimus, & vim quandam præ se ferentia, velut sæpius erumpentis affectus. Gradatio quæ dicitur *κλίμαξ*, apertio-
riorem habet artem, & magis affectatam, ideoque esse rarior debet. Est autem ipsa quoque adjectionis, repetit enim quæ dicta sunt: & priusquam ad aliud descendat, in prioribus resistit. Ejus exemplum ex Græco notissimo transferatur; *Nec hæc dixi quidem, sed nec scripsi: nec scripsi quidem, sed nec obii legationem: nec obii quidem, sed nec persuasi Thebanis.* Sit tamen tradita & latina: *Aphricano virtutem industria, virtus glori-
am, gloria amulos comparavit.* & Calvi; *Non ergo magis pecuniarum repetundarum quam majestatis, neque majestatis magis quam Plautia legis, neque Plautia legis magis quam*

quam ambitus, neque ambitus magis quam omnium legum CAP. III.
judicia perierunt. Invenitur apud poëtas quoque, ut
apud Homerum de sceptro quod a Jove ad Agame-
mnonem usq; deducit: & apud nostrum etiam tragicum:

Jove propagatus est (ut perhibent) Tantalus,

Ex Tantalò Pelops, ex Pelope autem satus

Atræus, qui nostrum porro propagat genus.

At quæ per detractiōnem fiunt figuræ, brevitatē no-
 vitariſque maxime gratiam petunt: quarum una est ea,
 quam libro proximo in figuras distuli, synecdoche,
 cum subtractum verbum aliquod satis ex cæteris intel-
 ligitur: ut Coelius in Antonium; *Stupere gaudio Græcus.*
 Simul enim auditur, *cæpit.* Cicero ad Brutum, *Sermo*
nullus scilicet nisi de te. Quid enim potius? Tum Flavius,
Erras tabellarie, & ego ibidem orans inter cœnam exora-
vi. Cui similia sunt illa meo quidem iudicio, in qui-
 bus verba decenter pudoris gratia subtrahuntur:

Novimus & qui te, transversa tuentibus hircis,

Et quo, sed faciles Nympha risere, sacello.

Hanc quidam *aposiopesis* putant; frustra. Nam illa quid
 taceat incertum est, aut certe longiore sermone ex-
 plicandum: hic unum verbum, & manifestum quidem
 desideratur: quæ si *aposiopesis* est, nihil non, in quo
 deest aliquid, idem appellabitur. Ne ego illud qui-
 dem *aposiopesis* semper voco, in quo res quæcunque
 relinquitur intelligenda, ut ea quæ in epistolis Cice-
 ro; *Data Lupercalibus, quo die Antonius Casari:* nihil ob-
 tuit, luitque: quia nihil hic aliud intelligi poterat,
 quam hoc; *diadema imposuit.* Altera est per detractio-
 nem figura, de qua modo dictum est, cui conjunctio-
 nes eximuntur. Tertia, quæ dicitur *συνεζευγμένον.* In
 qua unum ad verbum plures sententiæ referuntur,
 Z z z quarum

CAP. III. quarum unaquæque desideraret illud, si sola poneretur. Id accidit aut præposito verbo ad quod reliqua respiciant: *Vicit pudorem libido, timorem audacia, rationem amentia.* Aut illato, quo plura cluduntur: *Neque enim is es, Catilina, ut te aut pudor unquam a turpitudine, aut metus a periculo, aut ratio a furore revocaverit.* Medium quoque potest esse, quod & prioribus & sequentibus sufficiat. Jungit autem & diversos sexus, ut cum marem fœminamque *filios* dicimus. Et singularia pluralibus miscet. Sed hæc adeo sunt vulgaria, ut sibi artem figurarum asserere non possint. Illud plane figura est, qua diversa sermonis forma conjungitur:

--- *Sociis tunc arma capeffant*

Edico, & dira bellum cum gente gerendum.

Quamvis enim pars *bellum* posterior participio insit: utrique tamen convenit illud *edico*: nam utrique de tractionis gratia facta conjunctio. *συνοικείωσι* vocant, quæ duas res diversas colligat: *Tam deest avaro quod habet, quam quod non habet.* Huic diversam volunt esse distinctionem, cui dant nomen *παράδιασλήν*, qua similia discernuntur: *Cum te pro astuto sapientem appelles, pro confidente fortem, pro illiberali diligentem.* quod totum pendet ex finitione, ideoque an figura sit dubito. Cui contraria est ea, quæ ex vicinia transit ad diversa aut similia,

--- *Brevis esse laboro,*

Obscurus fio.

& quæ sequuntur. Tertium est genus figurarum, quæ aut similitudine aliqua vocum, aut paribus, aut contrariis vertunt in se aures, & animos excitant. Huic nomen est *παρωνομασία*, quæ dicitur agnominatio. Ea non uno modo fieri solet, sed ex vicinia quadam præ-

prædicti nominis ducta, casibus declinatur : ut Do- C A P. III.

mitius Afer pro Cloantilla : *Mulier rerum omnium im-
perita, in omnibus rebus infelix.* Et, cum verbo idem
verbum plus significat, subjungitur; *Quomodo homo ho-
stis, homo ?* Quibus exemplis sum in aliud usus : sed in
uno facilis est geminatio. *παρωνομασία* ei contrarium est,
quod eodem verbo quasi falsum augetur : *Qua lex pri-
vatis hominibus esse lex non videbatur.* Cui confinis est
ἀντανάκλασις, ejusdem verbi contraria significatio : *Cum
Proculejus quereretur de filio, quod is mortem suam exspe-
ctaret, & ille dixisset, se vero non expectare : Imo, inquit,
rogo expectes.* Non ex eodem, sed ex diverso vicinum
accipitur, cum *supplicio* afficiendum dicas, quem *sup-
plicatione* dignum judicaris. Aliiter quoque voces aut
eædem diversa in significatione ponuntur, aut produ-
ctione tantum vel correptione mutatae : quod etiam
in jocis frigidum, equidem tradi inter præcepta miror :
eorumque exempla vitandi potius quam imitandi gra-
tia pono. *Amari jucundum est, si curetur ne quid insit
amari. Avium dulcedo ad avium ducit.* & apud Ovidi-
um ludentem ;

Cur ego non dicam Furia, te furiam ?

Cornificius hanc traductionem vocat, videlicet alteri-
us intellectus ad alterum. Sed elegantius, quod est
positum in distinguenda rei proprietate, ut : *Hanc rei-
publica pestem paulisper reprimi, non in perpetuum com-
primi posse.* Et quæ præpositionibus in contrarium
mutantur : *Non emissus ex urbe, sed immissus in urbem
esse videatur.* Melius atque acrius, quod cum figura
jucundum est, tum etiam sensu valet : *Emit morte im-
mortalitatem.* Illa leviôr est; *Non Pisonum, sed pistorum.*
&c; *Ex aratore orator.* Pessimum vero ; *Ne patres con-*

Z z z 2

scri-

CAP. III. *scripti videantur circumscripti. Raro evenit, sed vehementer venit.* Sic contingit ut aliquis sensus vehemens & acer venustatem aliquam non eodem ex verbo non dissonam accipiat. Et cur me prohibeat pudor uti domestico exemplo? Pater meus contra eum qui se legationi immoriturum dixerat, deinde vix paucis diebus insumtis, re infecta redierat; *Non exigo ut immorarius legationi, immorare.* Nam & valet sensus ipse, & in verbis tantum distantibus jucunde consonat vox præsertim non captata, sed velut oblata: cum altero suo sit usus, alterum ab adversario acceperit. Magnæ veteribus curæ fuit, gratiam dicendi e paribus contrariis acquirere. Gorgias in hoc immodicus, copiosus ætate utique prima Isocrates fuit. Delectatus est his etiam M. Tullius, verum & modum adhibuit non ingrata (nisi copia redundet) voluptati, & rem aliqui levem sententiarum pondere implevit. Nam per se frigida & inanis affectatio cum in acres incidit sensus, innata videtur habere, non accersita. Similium fere quadruplex ratio est. Nam est primum, quoties verbum verbo simile, aut non dissimile valde quaritur: ut;

Puppæque tuæ, pubesque tuorum. & Si in hac calamitosa fama, quasi in aliqua perniciosissima flamma. & Non enim tam spes laudanda, quam res est. Aut certe par est extremis syllabis consonans; *Non verbis, sed armis.* Et hoc quoque quoties in sententias acres incidit, pulchrum est: *Quantum possis, in eo semper experire ut pro sis.* Hoc est *πάρισον*, ut plerisque placuit. Cleo Stelæus *πάρισον* existimat, quod sit e membris non dissimilibus. Secundum, ut clausula similiter cadat, vel iisdem in ultimam partem collatis, *ὁμοσιώτων*, similem

lem duarum sententiarum vel plurium finem : *Non* CAP. III.
modo ad salutem ejus extinguendam, sed etiam gloriam
per tales viros inffingendam. Ex quibus fere sunt, non
tamen ut semper ultimis consonent, quæ τριῶλα di-
cunt: *Vicit pudorem libido, timorem audacia, rationem*
amentia. Sed in quaternas quoque ac plures hæc ratio
ire sententias potest. Fit etiam singulis verbis : *Hecub*
ba, hoc dolet, piget, pudet. & ; *Abiit, excessit, erupit, evasit.*
Tertium est quod in eisdem casus cadit, ὁμοιόπλων
dicitur. Sed neque finem habet similem (utique in
eundem finem venit ὁμοιστέλετον) quia ὁμοιόπλων est
tantum casus similis, etiamsi dissimilia sint quæ de-
clinentur: nec tantum in fine deprehenditur, sed re-
spondent vel prima inter se, vel mediis, vel extremis:
vel etiam permutatis his, ut media primis, & summa
mediis accommodentur, & quocunque modo accom-
modari poterunt. Nec enim semper paribus syllabis
constat: ut est apud Afrum; *Amisso nuper infelicis aula,*
si non prasidio inter pericula, tamen solatio vita inter ad-
versa. Ea vero videntur optima, in quibus initia sen-
tentiarum & fines consentiunt: ut hic, *prasidio, solatio.*
Et ut pede similia sint, verbisque paribus cadant, &
eodem desinant modo. Etiam ut sint, quod est quar-
tum, membris æqualibus, quod ἰσόκωλον dicitur: *Si*
quantum in agro locisque desertis audacia potest, tantum
in foro atque judiciis impudentia valeret; ἰσόκωλον est, &
ὁμοιόπλων habet. *Non minus nunc in causa cederet An-*
lus Cecinna Sexti Ebutii impudentia, quam tum in vi fa-
cienda cessit audacie; ἰσόκωλον, ὁμοιόπλων, ὁμοιστέλετον.
Accedit & ex illa figura gratia, qua nomina dixi mu-
tatis casibus repeti: *Non minus cederet, quam cessit.* Ad-
huc ὁμοιστέλετον, & παρωνομασία est: *Neminem posse al-*
terè

CAP. III. *teri dare matrimonium, nisi quem penes sit patrimonium.* Compositum autem, vel, ut quidam vocant, contentio (*ἀντίθετον* dicitur) non uno fit modo. Nam & fit si singula singulis opponuntur: ut in eo quod modo dixi; *Vicit pudorem lidido, timorem audacia.* Et binis; *Non nostri ingenii, vestri auxilii est.* Et sententiæ sententiis; *Dominetur in concionibus, jaceat in judiciis.* Cui commodissime subjungitur & ea species quam distinctionem diximus; *Odit populus Romanus privatam luxuriam, publicam magnificentiam diligit.* Et quæ sunt simili casu, dissimili sententia in ultimo locata: ut; *Quod in tempore mali fuit, nihil obstat: quin quod in causa boni fuit, prodest.* Nec semper contrapositum subjungitur: ut in hoc; *Est enim hac, judices, non scripta, sed nata lex.* Verum sicut Cicero dicit, de singulis rebus propositis refertur ad singula: ut in eo quod sequitur; *quam non didicimus, accepimus, legimus, verum ex natura ipsa arripimus, hausimus, expressimus.* Nec semper quod adversum est, contraponitur, quale est apud Rutilium: *Nobis primum dii immortales fruges dederunt; nos qua soli accepimus, in omnes terras distribuimus. Nobis majores nostri Rempubl. reliquerunt; nos etiam socios nostros de servitute eripimus.* Fit etiam assumpta illa figura, qua verba declinata repetuntur, quod *ἀντιμεταβολή* dicitur: *Non ut edam vivo, sed ut vivam edo.* Et quod apud Ciceronem conversum ita est, ut cum mutationem casus habeat, etiam similiter desinat: *Ut & sine invidia culpa plectatur, & sine culpa invidia ponatur.* Quod & eodem clauditur verbo: ut quod dicit de Roscio: *Etenim cum artifex ejusmodi sit, ut solus dignus videatur esse qui scenam introeat: tum vir ejusmodi sit, ut solus videatur dignus qui eo non accedat.* Est

Est & in nominibus ex diverso collocatis sua gratia: Si CAP. III.

Consul Antonius, Brutus hostis : si conservator reipublicæ Brutus, hostis Antonius. Olim plura de figuris quam necesse erat : & adhuc erit qui putet esse figuram: *Incredibile est quod dico, sed verum.* ἀνθυποπόρῳ vocant. & Aliquis hoc semel tulit, ego bis, ter. Διέξοδον, ἄφοδον: Longius evectus sum, sed redeo ad propositum. Quædam verborum figuræ paulum figuris sententiarum declinantur, ut dubitatio. Nam cum est in re, priori parti assignanda est : cum in verbo, sequenti : *Sive me malitiam, sive stultitiam dicere oportet.* Item correctionis eadem ratio est ; nam quod illic dubitat, hic emendat. Etiam in personæ fictione accidere quidam idem putaverunt, ut in verbis etiam esset hæc figura, *Cru- delitatis est mater avaritia.* Et apud Sallustium in Cicero- nem ; *O Romule Arpinas.* quale est & apud Menan- drum *Oedipus Othryasius.* Hæc omnia copiosius sunt exe- cuti, qui non ut partem operis transcurrerunt, sed proprie libros huic operi dedicaverunt, sicut Cæcilius, Dionysius, Rutilius, Cornificius, Vifellius, aliæque non pauci. sed non minor erit eorum qui vivunt, gloria. Ut fateor autem verborum figuras posse plures reperi- ri a quibusdam, ita iis quæ ab auctoribus claris tradun- tur, meliores, non assentior. Nam imprimis M. Tul- lius multas in tertio de Oratore libro posuit, quas in Oratore, postea scripto, transeundo videtur ipse damnasse : quarum pars est quæ sententiarum potius quam verborum sit, ut imminutio, improvisa imago, sibi ipsi responsio, digressio, permissio, contrarium, hoc enim puto quod dicitur ἐναντιότης, sumpta ex ad- verso probatio. Quædam omnino non sunt figuræ, sicut ordo, dinumeratio, circumscriptio : sive hoc no- mine

CAP. III. mine significatur compressa breviter sententia, sive finitio. Nam & hæc Cornificius atq; Rutilius schemata λέξεις putant. Verborum autem concinna transgressio, id est hyperbaton, quod Cæcilius quoque putat schema, a nobis est interposita. Et mutatio : quæ si ea est, quam Rutilius ἀλλοίωσι vocat, dissimilitudinem ostendit hominum, rerum, factorumque : si latius fiat, figura non est : si angustius, in ἀντιθετον cadet. Si vero hæc appellatio significat ὑπαλλαγήν, satis de ea dictum est. Quod vero schema est ad propositum subiecta ratio? Utrum quod Rutilius διτιολογίαν vocat? nam de illo dubitari possit an schema sit, distributis subiecta ratio: quod apud eundem primo loco positum est, προσσπόδσει; dicitur, quæ ut maxime servetur, sane est in pluribus propositis : quia aut singulis statim ratio subijcitur : ut est apud C. Antonium: *Sed neque accusatorem eum metuo, qui sum innocens : neque competitorum vereor, qui sum Antonius : neque consulem spero, qui est Cicero.* Aut positis duobus vel tribus, eodem ordine singulis continuo redditur: quale apud Brutum de dictatura Cn. Pompeii, *Præstat enim nemini imperare, quam alicui servire. sine illo enim vivere honeste licet, cum hoc vivendi nulla conditio est.* Sed uni rei multiplex ratio subijungitur : ut apud Virgilium;

*Sive inde occultas vires, & pabula terra
Pingua concipiunt, sive illis omne per ignem
Excoquitur vitium. ---*

& totus locus.

Sen plures calor ille vias,

Sen durat magis. ---

Relationem quid accipi velit, non liquet mihi. Nam si ὑπαλλαγήν aut ἐπ'ἀνοδον, aut ἀντιμεταβολήν dicit, de omni-

omnibus locuti sumus. Sed quicquid id est, neque hoc neque superiora in Oratore repetit. Sola est in eo libro posita pariter inter figuras verborum exclamatio, quam sententiæ potius puto: affectus enim est: & cæteris omnibus consentio. Adjicit his Cæcilius *περίφρασιν*, de qua dixi. Cornificius *interrogationem, rationationem, subjectionem, translationem, occultationem*, præterea *sententiam, membrum, articulum, interpretationem, conclusionem*. quorum priora alterius generis sunt schemata; sequentia schemata omnino non sunt. Item Rutilius præter ea quæ apud alios quoque sunt, *ἐκτενολογίαν, ἀναγκαῖον, ἡθοποιίαν, δικαιολογίαν, πρόληψιν, χαρακτηρισμόν, βραχυλογίαν, παρασιώπῃσι, παρρησίαν*: de quibus idem dico. Nam eos quidem auctores, qui nullum prope finem fecerunt exquirendis nominibus, præteribo: qui etiam quæ sunt argumentorum, figuris ascripserunt. Ego illud de iis etiam quæ verè sunt, adjiciam breviter, sicut ornant orationem opportune *πύστις*, ita ineptissimas esse cum immodice petuntur. Sunt qui neglecto rerum pondere, & viribus sententiarum, si vel inania verba in hos modos depravarint, summos se judicent artifices, ideoque non desinunt easnectere: quas sine sententia sectari tam est ridiculum, quam quærere habitum, gestumque sine corpore. Sed ne hæc quidem quæ rectè fiunt, densandæ sunt nimis; nam & vultus mutatio, oculorumque coniectus, multum in actu valet: sed si quis ducere os exquisitis modis, & frontis ac luminum inconstantia trepidare non desinat, rideatur. Et oratio habeat rectam quandam velut faciem, quæ ut stupere immobili rigore non debeat, ita sæpius in ea quam natura dedit specie continenda est. Sciendum vero imprimis,

A a a a

quid

CAP. III. quid quisque in orando postulet locus, quid persona, quid tempus : Major enim pars harum figurarum posita est in delectatione. Ubi vero atrocitate, invidia, miseratione pugnandum est, quis ferat contrapositis, & pariter cadentibus, & consimilibus irascentem, flentem, rogantem? cum in his rebus cura verborum derogat affectibus fidem : & ubicunque ars ostentatur, veritas abesse videatur.

CAP. IV. DE compositione non equidem post Marcum Tullium scribere auderem, (cui nescio an ulla pars operis hujus sit magis elaborata) nisi & ejusdem ætatis homines scriptis ad ipsum etiam literis reprehendere id collocandi genus ausi fuissent, & post eum plures multa ad eandem rem pertinentia memoriæ tradidissent. Itaque accedam in plerisque. Ciceroni, atque in iis ero quæ indubitata sunt, brevior: in quibusdam paulum fortasse dissentiam. Nam etiam cum iudicium meum ostendero, suum tamen legentibus relinquam. Neque ignoro quosdam esse, qui curam omnem compositionis excludant, atque illum horridum sermonem, ut forte effluerit, modo magis naturalem, modo etiam magis virilem esse contendant. Qui si id demum naturale esse dicunt, quod natura primum ortum, & quale ante cultum fuit, tota hæc ars orandi subvertetur. Neque enim loquuti sunt ad hanc regulam & diligentiam primi homines, nec proœmiis præparare, docere expositione, argumentis probare, affectibus commovere scierunt. Ergo his omnibus; non sola compositione caruerunt: quorum si fieri nihil melius licebat, ne domibus quidem casâs, aut vestibus pellium tegmina, aut urbibus montes ac *sylvas* mutari

mutari oportuit. Quæ porro ars statim fuit? quid CAP. IV.
 non cultu nitescit? cur vites cōercemus manu? cur eas fodimus? Rubos arvis excidimus; terra & hos generat. Mansuefacimus animalia; indomita nascuntur. Verum id est maxime naturale, quod fieri natura optime patitur. Fortius vero quomodo incompositum potest esse, quam vinctum, & bene collatum? Neque si parvi pedes vim detrahant rebus, ut Setadeorum, & Galliamborum, & quorundam in oratione simili pene licentia lascivientium, compositionis est iudicandum. Cæterum quanto vehementior fluminum cursus est prono alveo, ac nullas moras obijciente, quam inter obstantia saxa fractis aquis ac reluctantibus; tanto quæ connexa est, & totis viribus fluit, fragosa atque interrupta melior oratio. Cur ergo vires ipsas specie solvi putent, quando nec ulla res sine arte satis valeat, & comitetur semper artem decor? An non eam quæ emissa optime est hastam speciosissime contortam ferri videmus? & arcu dirigentium tela, quo certior manus, hoc est habitus ipse formosior? Jam in certamine armorum, atque in omni palaestra, quid satis recte cavetur ac petitur, cui non artifex motus, & certi quidam pedes adsint? Quæ mihi compositione velut amentis quibusdam nervis intendi & concitari sententiæ videntur. Imo creditur cuique persuasum est, valere eam quam plurimum, non ad delectationem modo, sed ad motum quoque animorum. Primum, quia nihil intrare potest in affectum, quod in aure velut quodam vestibulo statim offendit. Deinde quod natura ducimur ad modos. Neque enim aliter eveniret ut illi quoque organorum soni, quanquam verba non exprimunt

CAP. IV. munt, in alios tamen atque alios motus ducerent auditorem. In certaminibus sacris non eadem ratione concitant animos ac remittunt: nec eosdem modos adhibent cum bellicum est canendum, & cumposito genu supplicandum: nec idem signorum concentus est producendo ad prælium exercitu, idem receptui carmen. Pythagoreis certe moris fuit, & cum evigilassent, animos ad lyram excitare, quo essent ad agendum erectiores: & cum somnum peterent, ad eandem prius lenire mentes, ut si quid fuisset turbidiorum cogitationum, componerent. Quod si numeris & modis inest quædam tacita vis, in oratione est vehementissima: quantumque interest, sensus idem quibus verbis efferatur, tantum, verba eadem qua compositione vel in exitu jungantur, vel sine claudantur. Nam quædam & sententiis parva, & elocutione modica, virtus hæc sola commendat. Denique quod cuique visum erit vehementer, dulciter, speciose dictum, solvat & turbet; abierit omnis vis, jucunditas, decor. Solvit quædam sua in Oratore Cicero: *Nam neque me divitia movent, quibus omnes Africanos & Laliis multi venalitii mercatoresque superarunt*: Immuta paululum, ut sit, *Multi superarunt mercatores, venalitiique*, & sequentes deinceps periodos: quas si ad illum modum turbes, velut fracta aut transversa tela projeceris. Idem corrigit quæ a Graccho composita durius putat. Illum decet: nos hac sumus probatione contenti, quod in scribendo quæ se nobis solutiora obtulerint, componemus. Quid enim attinet eorum exempla querere, quæ sibi quisque experiri potest? Illud notasse satis habeo, quo pulchriora & sensu & elocutione dissolveris, hoc orationem

tionem magis deformem fore : quia negligentia col-
locationis ipsa verborum luce deprehenditur. Itaque
ut confiteor pene ultimam oratoribus artem compo-
sitionis, quæ perfecta sit, contigisse: ita illis priscis
habitam inter curas, in quantum adhuc profecerant,
puto. Neque mihi, quamlibet magnus auctor, Cice-
ro persuaserit, Lysiam, Herodotum, Thucydidem, pa-
rum studiosos ejus fuisse. Genus fortasse sint secuti
non idem quod Demosthenes, aut Plato; quanquam
& ii ipsi inter se dissimiles fuerunt. Nam neque illud
in Lysia dicendi textum tenue atque rasum lætiori-
bus numeris corruptendum erat. Perdidisset enim
gratiam, quæ in eo maxima est, simplicis atque in-
affectati coloris: perdidisset fidem quoque. Nam scri-
bebat aliis, non ipse dicebat: ut oportuerit esse illa
rudibus & incompósitos similia: quod ipsum com-
positio est. Et historiæ (quæ currere debet ac ferri)
minus convenissent intersistentes clausulæ, & debita
actionibus respiratio, & cludendi inchoandique sen-
tentias ratio. In concionibus quidem etiam simili-
ter cadentia quædam, & contrapōsita deprehendas:
in Herodoto vero cum omnia (ut ego quidem sentio)
leniter fluunt, tum ipsa *διάλεκτος* habet etiam jucundi-
tatem, ut latentes in se numeros complexa videatur.
Sed de propositorum diversitate post paulum: nunc
quæ prius iis qui recte componere volent, discenda
sunt. Est igitur ante omnia oratio alia vincta, atque
contexta: soluta alia, qualis in sermone & epistolis:
nisi cum aliquid supra naturam suam tractant, ut de
philosophia, de republica, similibusque. Quod non
eo dico, quia non illud quoque solutum habeat suos
quosdam, & forsitan difficiles etiam pedes: neque

Aaaa 3

enim

CAP. IV. *enim* aut hiare semper vocalibus, aut destitui temporibus volunt sermo & epistola: sed non fluunt, nec cohererent, nec verba de verbis trahunt: ut potius laxiora in his vincula, quam nulla sint. Nonnunquam in causis quoque minoribus decet eadem simplicitas, quæ non illis, sed aliis utitur numeris, dissimulatque eos, & tantum communit occultius. At illa connexa series tres habet formas: Incisa, quæ *κόμματα* dicuntur: Membra, quæ *κῶλα*: & *περίοδον*, quæ est vel ambitus, vel circumductum, vel continuatio, vel conclusio. In omni porro compositione tria sunt genera, ordo, junctura, numerus. Primum igitur de ordine. Ejus observatio in verbis est singulis, & contextis. Singula sunt quæ diximus *ἀνύκτα*. In his cavendum est, ne decrescat oratio, & fortiori subjungatur aliquid infirmius, ut sacrilego fur, aut latroni petulans. Augeri enim debent sententiæ, & insurgere: ut optime Cicero; *Tu, inquit, istis faucibus, istis lateribus, ista gladiatoria totius corporis firmitate*. Aliud enim majus alio supervenit. At si cœpisset a toto corpore, non bene ad latera faucesque descenderet. Est & alius naturalis ordo, ut viros ac feminas, diem ac noctem, ortum & occasum dicas potius, quam retrorsum. Quædam ordine permutato sunt supervacua, ut; *fratres gemini*. Nam si præcesserint *gemini*, *fratres* addere non est necesse. Illa nimia quorundam fuit observatio, ut vocabula verbis, verba rursus adverbis, nomina appositis, & pronominiibus rursus essent priora. Nam fit contra quoque frequenter non indecore. Necnon & illud nimia est superstitionis, ut quæque sunt tempore, ea facere etiam ordine priora: non quin frequenter sit hoc melius, sed quia interdum plus valet ante

ante gesta, ideoque levioribus superponenda sunt. CAP. IV.

Verbo sensum cludere, multo, si compositio patiatur, optimum est. In verbis enim sermonis vis inest. At si id asperum erit, cedat hæc ratio numeris, ut fit apud summos Græcos Latinosque oratores frequentissime. Sine dubio enim omne quod non cludet, hyperbaton est. Ipsum hoc inter tropos vel figuras quæ sunt virtutis, receptum est. Non enim ad pedes verba dimensa sunt: ideoque ex loco transferuntur in locum, ut jungantur quo congruunt maxime: sicut in structura saxorum rudium, etiam ipsa enormitas invenit cui applicari, & in quo possit insistere. Felicissimus tamen sermo est, cui & rectus ordo, & apta junctura, & cum his numerus opportune cadens, contingit. Quædam vero transgressionem & longæ sunt nimis, ut in superioribus diximus libris, & interim etiam compositione vitiosæ, quæ in hoc ipsum petuntur, ut exultent atque lasciviant: quales illæ Mæcenatis: *Sole & auro rubent plurima. Inter sacra movit aqua fraxinos. Ne exequias quidem unus inter miferimos viderem meas.* Quod inter hæc pessimum est, quia in re tristi ludit compositio. Sæpe tamen est vehemens aliquis sensus in verbo: quod si in media parte sententiæ latet, transire intentione, & obscurari circumjacentibus solet: in clausula positum, assignatur auditori, & infigitur: quale est illud Ciceronis; *Ut tibi necesse esset in conspectu populi Romani vomere postridie.* Transfer hoc ultimum, minus valebit. Nam totius ductus hic est quasi mucro, ut per se fœdæ vomendi necessitati, jam nihil ultra expectantibus, hanc quoque adjiceret deformitatem, ut cibus teneri non posset postridie. Solebat Afer Domitius trajicere in clau-

CAP. IV. clausulas verba tantum asperandæ compositionis gratia, & maxime in procemiis : ut pro Cloantilla ; *Gratias agam continuo*. Et pro Lælia ; *Eis utrisque apud te iudicem periclitatur Lælia*. Adeo refugit teneram delicatamque modulandi voluptatem, ut currentibus per se numeris, quo eos inhiberet, objiceret. Amphiboliam quoque fieri vitiosa locatione verborum, nemo est qui nesciat. Hæc arbitror, ut in brevi, de ordine ~~fuisse~~ dicenda : qui si vitiosus est, licet & vincita sit ; ~~et~~ apte cadens oratio, tamen merito incomposita dicatur. Junctura sequitur. Ea est in verbis, incisis, membris, periodis. Omnia namque ista & virtutes & vitia in complexu habent. Atque ut ordinem sequar, primum quæ imperitis quoque ad reprehensionem notabilia videntur, id est, quæ commissis inter se verbis duobus, ex ultima prioris, ac prima sequentis syllaba deforme aliquod nomen efficiunt. Tum vocalium concursus : qui cum accidit, hiat & interstitit & quasi laborat oratio. Pessime longæ quæ eadem inter se literas committunt, sonabunt. Præcipuus tamen erit hiatus earum quæ cavo aut patulo maxime ore efferuntur. *E*, plenior litera est, *I*, angustior : ideoque obscurius in his vitium. Minus peccabit qui longis breves subjiciet, & adhuc qui præponet longæ brevem. Minima est in duabus brevibus offensio. Atque cum aliæ subjunguntur aliis, perinde asperiores erunt, prout oris hiatu simili aut diverso pronunciabuntur. Non tamen id ut crimen ingens expavescendum est ; ac nescio negligentia in hoc, an sollicitudo sit pejor. Inhibeat enim necesse est hic metus impetum dicendi, & a potioribus avertat. Quare ut negligentia pars est hoc pati, ita humilitatis ubique per-

perhorrescere, nimiosque non immerito in hac cura CAP. IV.
 putant omnes Iſocratem ſecutos, præcipue Theopompum. At Demosthenes & Cicero modice respuerunt ad hanc partem. Nam & coëuntes literæ quæ συναλοιφῇ dicitur, etiam leniorem faciunt orationem, quam si omnia verba suo fine cludantur. & nonnunquam hiulca etiam decent, faciuntque ampliora quædam: ut; *Pulchra oratione acta omnino jactare.* Tum longæ per se, & velut opimæ syllabæ aliquid etiam medii temporis inter vocales, quasi intersistatur, assumunt. Qua de re utar Ciceronis potissimum verbis: *Habet, inquit, ille tanquam hiatus & concursus vocalium molle quiddam, & quod indicet non ingratam negligentiam de re hominis magis quam de verbis laborantis.* Cæterum consonantes quoque, eæque præcipue quæ sunt asperiores, in commissura verborum rixantur; & Sultima cum X proxima, quarum tristior etiam, si binæ collidantur, stridor est: ut; *Ars studiorum.* Quæ fuit causa & sermoni (ut dixi) subtrahendæ S literæ, quoties ultima esset, aliaque consonante susciperetur. quod reprehendit L. Afranius, Messala defendit. Nam neque Lucilium putant uti eadem ultima cum dicit, *Servu' fuit*; & *dignu' loco.* Quinetiam Cicero in Oratore plures antiquorum tradit sic locutos: inde *belligerare, po' meridiem*: & illa Censorii Catonis; *Die' hanc*; æque litera Memolita. quæ in veteribus libris reperta mutare imperiti solent: & dum librariorum insectari inscitiam volunt; suam confitentur. Atqui eadem illa litera quoties ultima est, & vocalem verbi sequentis ita contingit; ut in eam transire possit, etiamsi scribatur, tamen parum exprimitur: ut; *Multum ille* -- & *Quantum erat.* adeo

Bbbb

ut

CAP. IV. ut pene cujusdam novæ literæ sonum reddat. Neque enim eximitur, sed obscuratur, & tantum aliqua inter duas vocales velut nota est, ne ipsæ coëant. Videndum etiam, ne syllaba verbi prioris ultima, sit prima sequentis. Id ne quis præcipi miretur, Ciceroni in epistolis excidit, *Res mihi invisæ visæ sunt, Brute*. Et in carmine;

O fortunatam natam me Consule Romanam.

Etiam monosyllaba plura male continuabuntur: quia necesse est compositio multis clausulis concisa subfultet. Ideoque etiam brevium verborum ac nominum vitanda continuatio, & ex diverso quoque longorum: afferunt enim quandam dicendi tarditatem. Illa quoque vitia sunt ejusdem loci, si cadentia similiter & similiter desinentia, & eodem modo declinata, jungantur. Ne verba quidem verbis, aut nomina nominibus, similiaque his continuari decet: cum virtutes etiam ipsæ tædium pariant, nisi gratia varietatis adjutæ. Membrorum, incisorumque junctura non eo modo est observanda, quo verborum, quanquam & in his extrema & prima coëunt. Sed plurimum refert compositionis, quæ quibus anteponas. Nam & *vemens, frustis esculentis vinum redolentibus, gremium suum & totum tribunal implevit*: Et contra, (nam frequentius utar iisdem diversarum quoque rerum exemplis, quo sint magis familiaria) *Saxa atque solitudines vocî respondent, bestia sæpe immanes cantu flectuntur atque consistunt*. Magis id insurgebat, si verteretur. Nam etsi plus est, *saxa* quam, *bestias commoveri*, inest tamen compositioni decor. Sed transeamus ad numeros. Omnis structura ac dimensio & copulatio vocum constat aut numeris (numeros *propter* accipi volo) aut *metris*

τῶν

pes, id est dimensione quadam. Quod etiam si constat utrumque pedibus, habet tamen non simplicem differentiam. Nam rhythmus, id est, numeri, spatio temporum constant: metra etiam ordine: ideoque alterum esse quantitatis videtur, alterum qualitatis. *Pes* aut par est, ut dactylus. unam enim syllabam parem brevibus habet. Est quidem vis eadem & aliis pedibus, sed nomen illud tenet. Longam esse duorum temporum, brevem unius, etiam pueri sciunt. Aut fescuplex, ut pæon: cujus vis est ex longa & tribus brevibus: quique ei contrarius, ex tribus brevibus & longa, vel alio quoquo modo tempora tria ad duo relata fescuplum faciunt. Aut duplex, ut iambus: nam est ex brevi & longa: quique est ei contrarius. Sunt enim & hi metrici pedes: sed hoc interest, quod rhythmo indifferens est, dactylus ne ille priores habeat breves, an sequentes. Tempus enim sonum metitur, ut a sublatione ad positionem iisdem sit spatiis pedum. In versu pro dactylo poni non poterit anapestus aut spondeus: nec pæon eadem ratione a brevibus incipiet ac desinet. Neque solum alium pro alio pedem metrorum ratio non recipit, sed ne dactylum quidem aut forte spondeum alterum pro altero. Itaque si quinque continuos dactylos, ut sunt in illo;

Panditur interea domus omnipotentis olympi,
confundas, solveris versum. Sunt & illa discrimina: quod rhythmis libera spatia, metris finita sunt: & his certa clausulæ; illi quo modo coeperant currunt usque ad *metastrophon*, id est transitum in aliud genus rhythmus. Et quod metrum in verbis modo, rhythmus etiam in corporis motu est. Inania quoque tempora rhythmi

B b b b 2

faci-

CAP. IV. facilius accipient, quanquam hæc & in metris accidunt. major tamen illic licentia est, ubi tempora etiam animo metiuntur, & pedum & digitorum ictu intervalla signant quibusdam notis, atque æstimant quot breves illud spatium habeat: inde τετράσημον, πεντάσημον, & deinceps, longiores fiunt percussiones. Nam σημεῖον tempus est unum. In compositione orationis certior, & magis omnibus aperta servari debet dimensio. Est igitur in pedibus. Et metrici quidem pedes adeo reperiuntur in oratione, ut in ea frequenter non sentientibus nobis omnium generum excidant versus. Econtra nihil est prosa scriptum, quod non redigi possit in quædam versiculorum genera vel membra. Sed in adeo molestos incidimus grammaticos, quam fuerunt qui lyricorum quædam carmina in varias mensuras coegerunt. At Cicero frequentissime dicit totum hoc constare numeris, ideoque reprehenditur a quibusdam tanquam orationem ad rhythmos alliget. Nam sunt numeri rhythmici, ut & ipse constituit, & secuti eum, Virgilius cum dicit;

— *Numeros memini, si verba tenerem.*

& Horatius;

— *Numerisque fertur*

Lege solutis.

Invadunt ergo hanc inter cæteras vocem. *Neque enim Demosthenis fulmina tantopere vibratura, dicit, nisi numeris contorta ferrentur.* In quo si hoc sentimus, *rhythmis contorta*, dissentio. Nam rhythmici, ut dixi, nèque finem habent certum, nec ullam in contextu varietatem, sed qua cœperunt sublatione ac positione ad finem usque decurrunt: oratio non descendit ad strepitum digitorum, Id quod Cicero optime videt, ac testa-

testatur frequenter , se quod numerosum sit quærere: CAP. IV.
 ut magis non ἀριθμῶν, quod esset incitum atque agreste, quam ἑυρυθμῶν, quod poëticum est, esse compositionem velit : sicut etiam quos παλαιῶς esse nolumus, tamen esse nolumus eos qui dicuntur ἀπάλαιστοι. Verum ea quæ efficitur ex pedibus æqua conclusio, nomen aliquod desiderat. Quid sit igitur potius quam numerus, & oratorius numerus, ut enthymema rhetoricus syllogismus ? Ego certe ne in calumniam cadam, qua ne M. quidem Tullius caruit, posco hoc mihi, ut cum pro composito dixero numerum, & ubicunque jam dixi, oratorium dicere intelligar. Collocatio autem verba jam probata, & electa, & velut assignata sibi debet connectere : nam vel dura inter se commissâ potiora sunt inutilibus. Tamen & eligere quædam, dum ex iis quæ idem significant, atque idem valeant, permiserim : & adjicere, dum non ociosa : & detrahare, dum non necessaria : sed & figuris mutare & casus & numeros, quorum varietas frequenter gratia compositionis adscita, etiam sine numero solet esse jucunda : etiam ubi aliud ratio, aliud consuetudo poscit, utrum volet sumat compositio: *Visavisse* vel *vitasse* ; *Deprehendere* vel *deprendere*. Coitus etiam syllabarum non negabo, & quicquid sententiis aut eloquentiæ non nocebit. Præcipuum tamen in hoc opus est, scire quod quoque loco verbum maxime quadret. Atque is optime componet, qui hoc solum componendi gratia faciet. Ratio vero pedum in oratione est multo quam in versu difficilior : primum, quod versus paucis continetur ; oratio longiores habet sæpe circuitus : deinde quod versus semper similis sibi est, & una ratione decurrit, orationis

Bbbb 3

com-

CAP. IV. compositio nisi varia est, & offendit similitudine & affectioneprehenditur & in omni quidē corpore, totoque; (ut ita dixerim) tractu, numeris inserta est. Neque enim loqui possumus nisi e syllabis brevibus ac longis, ex quibus pedes fiunt. Magis tamen & desideratur in clausulis & apparet: primum, quia sensus omnis habet suum finem, possidetque naturale intervallum, quo a sequentis initio dividatur: deinde, quod aures continuam vocem secutæ, ductæque velut prono decurrentis orationis flumine, tum magis judicant, cum ille impetus stetit, & intuendi tempus dedit. Non igitur durum sit neque abruptum, quo animi velut respirant ac reficiuntur. Hæc est sedes orationis, hoc auditor expectat, hic laus omnis declamat. Proximam clausulis diligentiam postulant initia. nam ad hæc intentus auditor; sed eorum facilior ratio est. Non enim coherent aliis, nec præcedentibus serviunt: sed novum exordium sumunt, cum illa, quamlibet sit composita, ipsam gratiam perdat, si ad eam rupta via veniamus. Namque cum sit, ut videtur, severa Demosthenis compositio. *πρῶτον μὲν, ὃ ἀνδρες, Ἀθηναῖοι, τοῖς θεοῖς εὐχομαι πάνσι καὶ πάσαις*; & illa quæ ab uno (quod sciam) Bruto minus. probatur, cæteris placet; *καὶ μήτε βαλὼν, μήτε τοξέων*; non desunt qui Ciceronem carpant in his; *Familiaris caperat esse balneatori*. & ; *Non minus dura archipirata*. nam *balneatori* & *archipirata* idem finis est, qui *πάνσι καὶ πάσαις*, & qui *μήτε τοξέων*. sed propria sunt, ideo severiora. Est in eo quoque nonnihil, quod hic singulis verbis bini pedes continentur, quod etiam in carminibus est permolle: nec solum ubi quinæ syllabæ nectuntur, ut in his; *Fortissima Tyndaridæ*: sed etiam ubi quaternæ, cum versus clauditur *Ἀρετῇ*.

20,

no, & armamentis, & Oriona. Quare hoc quoque vitandum est, ne plurimum syllabarum verbis utamur in fine. Medii quoque non ea modo cura sit, ut inter se cohaereant, sed ne pigra, ne longa sint: ne, quod nunc maximum vitium est, brevium contextu resultent, ac sonum reddant pene puerilium crepitaculorum. Nam ut initia clausulaeque plurimum momenti habent quoties incipit sensus aut desinit: sic in mediis quoque sunt quidam conatus qui leviter insistant: ut currentium pes etiamsi non moratur, tamen vestigium facit. Itaque non modo membra atque incisa bene incipere atque cludi decet, sed etiam in iis quae non dubie contexta sunt, nec respiratione uruntur, illi vel occulti gradus. quis enim dubitet unum sensum & unus spiritus esse; *Animadverti, iudices, omnem accusatoris orationem in duas divisam esse partes?* Tamen & duo prima verba, & tria proxima, & deinceps duo rursus ac tria suos quasi numeros habent spiritum sustinentes: sicut apud rhythmicos aestimantur haec particulae prout sunt graves, acres, lentae, celeres, remissae, exultantes. Proinde id quod ex illis conficitur, aut severum, aut luxuriosum, aut quadratum, aut solutum erit. Quaedam etiam clausulae sunt claudae atque pendent, si relinquantur: sed sequentibus suscipi ac sustineri solent: eoque facto, vitium quod erat in fine, continuatio emendat. *Non vult P. R. obsoletis criminibus accusari Verrem.* durum, si desinas: sed cum est continuatum iis quae sequuntur, quanquam natura ipsa divisa sint; *Nova postulat, inaudita desiderat:* salvus est cursus. *Ut adeas, tantum dabis:* male cluderet. nam & trimetri versus pars ultima est. excipit; *Ut cibum vestitumque introferre liceat, tantum:* praecipit adhuc firmatur

CAP. IV. matur ac sustinetur ultima ; *Recusabat nemo*. Versum in oratione fieri , multo foedissimum est totum : sicut etiam in parte , deforme : utique si pars posterior in clausula deprehendatur , aut rursus prior in ingressu. Nam quod est contra , sæpe etiam decet , quia & cludit interim optime prima pars versus , dum intra paucas syllabas , præcipue senarii atque octonarii. *In Africa fuisse* , initium senarii est , primum pro *Quin.* Ligario caput cludit : *Esse videatur* , nunc nimis frequens , octonarium inchoat. Talia sunt Demosthenis ; *πᾶσι καὶ πάσαις καὶ πᾶσιν ὑμῶν ὅσην εὐνοίαν* & totum pene principium. Et ultima versuum initio conveniunt orationis : *Esse vereor , iudices.* & ; *Animadverti , iudices.* Sed initia initiis non conveniunt. T. Livius hexametri exordio coepit ; *Facturusne opera pretium sim*. Nam ita edidit , estque melius quam quo modo emendatur. Nec clausulæ clausulis : ut Cicero ; *Quo me veritam nescio*. qui trimetri finis est. Trimetrum & ; *Pro misero dicere liceat*. Sex enim pedes , tres percussiones habent. Pejus claudit finis hexametri : ut Brutus in epistolis ; *Neque enim illi malunt habere tutores aut defensores , quanquam sciunt placuisse Catoni*. Illic minus sunt notabiles , quia hoc genus sermoni proximum est. Itaque & versus hi fere excidunt , quos Brutus ipso componendi ductus studio sæpissime facit , non raro Asinius , sed etiam Cicero nonnunquam , ut in principio statim orationis in Lucium Pisonem ; *Pro dii immortales , quis hic illuxit dies?* Non minore autem cura vitandum est , quicquid *εὐφροσύνη* , quale est apud Sallustium ; *Falso queritur de natura sua*. Quamvis enim vincita sit , tamen soluta videri debet oratio. Atqui Plato diligentissimus compositionis , in Timæo prima
statim

statim parte vitare ista non potuit. Nam & initium CAP. IV.
 hexametri statim invenias, & Anacreontion protinus
 colon efficias, & si velis trimetron, & quod duobus
 pedibus & parte *πεντημερές* a Græcis dicitur, & hæc
 omnia in tribus verbis, ut Thucydidis *ἐν ἐνύμασι καί-
 μες ἐφάρησαν*, ex mollissimo rhythmorum genere exci-
 dant. Sed quia orationem omnem constare pedibus
 dixi, aliqua de iis quoque: quorum nomina quoniam va-
 ria esse traduntur, constituendum est quo quemque
 appellemus. Et quidem Ciceronem sequar: nam is
 eminentissimos Græcorum est secutus, excepto quod
 pedes trissyllabos non videtur excedere, quanquam il-
 le pæone dochimoque, quorum prior in quatuor, se-
 cundus in quinque excurrit, utatur. Nec tamen ipse
 dissimulat quibusdam numeros videri, non pedes. nec
 immerito. Quicquid enim supra tres syllabas habet,
 id ex pluribus est pedibus. Ergo cum constant qua-
 tuor pedes binis, octo ternis; spondeum longis dua-
 bus; pyrrhichium, quem alii periambum vocant, bre-
 vibus; jambum brevi longaque; huic contrarium e
 longa & brevi, hunc choreum, non, ut alii trochæum,
 nominemus. Ex iis vero qui ternas syllabas habent,
 dactylum longa duabusque brevibus: huic temporibus
 parem, sed retroactum, appellari constat anapæ-
 ston. Media inter longas brevis faciet amphimacrum:
 sed frequentius ejus nomen est creticus. Longa inter
 breves amphibrachys: duabus longis brevem sequen-
 tib; *ἀσπερχις*: totidem longis brevem præcedentibus,
 huic *ἀντισπερχις* palimbacchius erit. Tres breves tro-
 chæum, quem tribrachyn dici volunt, qui choreo tro-
 chæo nomen imponunt: totidem longæ molosson effici-
 unt. Horum pedum nullus non in orationem venit,

Cccc

sed

CAP. IV. sed quo quique sunt temporibus pleniores, longisque syllabis magis stabiles, hoc graviolem faciunt orationem, breves celerem ac mobilem. Utrumque locis utile. Nam & illud, ubi opus est velocitate, tardum & segne, & hoc ubi pondus exigitur, præceptum ac resultans, merito damnetur. Sit in hoc quoque aliquid fortasse momenti, quod & longis longiores, & brevibus sunt breviores syllabæ: ut quamvis neque plus duobus temporibus, neque uno minus habere videntur, (ideoque in metris omnes breves longæque inter se obsessæ sunt pares) lateat tamen nescio quid, si quicquam supersit, aut desit. Nam versuum propria conditio est, ideoque in his quædam etiam communes. Veritas vero quia patitur æque brevem esse vel longam vocalem cum est sola, quam cum eam consonantes una pluresve præcedunt: certe in dimensione pedum syllaba quæ est brevis, insequente alia vel brevi, quæ tamen duas primas consonantes habeat, fit longa: ut,

Agrestem tenui musam meditaris avena.

nam licet *gre.* brevis, facit tamen longam *A* priorem. Dat igitur illi aliquid ex suo tempore: quo modo, nisi habeat plus quam quæ brevissima, qualis ipsa esset detractis consonantibus? nunc unum tempus accommodat priori, & unum accipit a sequente, ita duæ natura breves, positione sunt temporum quatuor. Miror autem in hac opinione doctissimos homines fuisse, ut alios pedes ita eligerent, alios damarent, quasi ullus esset, quem non sit necesse in oratione deprehendi. Licet enim pæonem sequatur Ephorus, inventum a Thrasy-macho, probatum ab Aristotele, dactylumque, ut temperatiores brevibus ac longis: fugiat sponteum

deum & trochæum, alterius tarditate, alterius celeritate damnata: & herous, qui est idem dactylus, Aristoteli amplior, jambus humanior videatur: trochæum ut nimis currentem damnet, eique *cordacis* nomen imponat, eademque dicant Theodectes ac Theophrastus, similia post eos Halicarnassæus Dionysius; irrupent etiam ad invitos, nec semper illis heroo, aut pæone suo, quem quia versus raro facit, maxime laudant, uti licebit: ut sint tamen aliis alii crebriores, non verba facient, quæ neque augeri, neque minui, neque sicut modulatione produci aut corripui possint: sed transmutatio & collocatio. Plerique enim ex commissuris eorum vel divisione fiunt pedes: quo fit ut iisdem verbis alii atque alii versus fiant: ut memini quendam non ignobilem poëtam ita luisse;

Astra tenet cælum, mare classes, area messes.

Hic retrorsum fit Iotadeus. Itemque Iotadeo adiungat retro trimetros;

Caput exeruit mobile pinus repetita.

Miscendi ergo sunt, curandumque ut sint plures qui placeant, & circumfusi bonis deteriores lateant. Nec vero in literis syllabisque natura mutatur, sed refert quæ cum qua optime coëat. Plurimum igitur auctoritatis, ut dixi, & ponderis habent longæ: celeritatis breves: quæ si miscentur quibusdam longis, currunt: si continuantur, exultant. Acres quæ ex brevibus ad longas insurgunt: leniores, quæ a longis in breves descendunt. Optime incipitur a longis, recte aliquando a brevibus: ut; *Novum crimen, C. Caesar. Lenius, ut, Animadverti, judices.* Quod initium partitionis simul est, quæ celeritate gaudet. Clausula quoque e longis firmissima est: sed cludent & breves, quamvis ha-

Cccc 2

bea-

CAP. IV. beatur indifferens ultima. Neque enim ego ignoro, in fine pro longa accipi brevem, quod videtur aliquid vacantis temporis ex eo quod insequitur, accedere: aures tamen consulens meas, intelligo multum referre, utrumne longa sit quæ cludit, an pro longa. Neque enim tam plenum est, dicere; *Incipientem timere*. quam illud; *Ausus est confiteri*. Atqui si nihil refert brevis an longa sit ultima, idem pes erit: verum nescio quomodo sedebit hoc, illud subsistet. Quo moti quidam, longæ ultimæ tria tempora dederunt, ut illud tempus quod brevis ex longa accipit, huic quoque accederet. Nec solum refert quis claudat, sed quis antecedit. Retrorsum autem neque plus tribus, (iique si non ternas syllabas habebunt, repetendi erunt, absit tamen poëtica observatio) neque minus duobus: alioqui pes erit, non numerus. Potest tamen vel unus esse dichoreus, si unus est qui constat e duobus choreis. Itemque pæon, qui est ex choreo & pyrrhichio, quem aptum initiis putant: vel contra qui est e tribus brevibus & longa, cui clausulam assignant: de quibus fere duobus scriptores hujus artis loquuntur, alios omnes, quocunque sint temporum quæ ad orationem pertineant, pæonas appellant. Est & dochimus, qui fit ex bacchio & jambo, vel jambo & cretico, stabilis in clausulis, & severus. Spondeus quoque, quo plurimum est Demosthenes usus, moram semper per se habet: optime præcedet eum creticus: ut in hoc: *De quo ego nihil dicam nisi depellendi criminis causa*. Illud est quod supra dixi multum referre, uno ne verbo pedes sint duo comprehensi, an uterque liber. Sic enim fit forte; *Criminis causa*: molle; *Archipirata*: mollius si tribrachys præcedat; *facilitates*, *merita*.

meritates. Est enim quoddam in ipsa divisione ver- CAP. IV.
borum latens tempus, ut in pentametri medio spon-
deo, qui nisi alterius verbi fine, alterius initio con-
stet, versum non efficit. Potest, etiamsi minus bene,
præponi anapæstus; *Muliere non solum nobili, verum
etiam nota.* Tum anapæstus & creticus, jambus quo-
que, qui est utroque syllaba minor. præcedet enim
tres longas brevis. Sed & spondeus jambo recte præ-
ponitur; *In armis fui.* Tum spondeus & bacchius: sic
enim fiet ultimus dochimus; *Isdem in armis fui.* Ex
iis quæ supra probavi, apparet molosson quoque clau-
sulæ convenire, dum habeat ex quocunque pede ante
se brevem: *Illud scimus, ubicunque sunt, esse pro nobis.*
Minus gravis erit spondeus præcedente pyrrhichio:
ut; *Judicii Juniani.* & adhuc pejus priore pæone: ut;
Brute, dubitavi: nisi potius hoc esse velimus dactylum
& bacchium. Duo spondei non fere conjungi pati-
untur: quæ in versu quoque notabilis clausula est,
nisi cum id fieri potest ex tribus quasi membris: *Cur
de perfugis nostris copias comparat is contra nos?* una syl-
laba, duabus, una. Ne dactylus quidem spondeo be-
ne præponitur, quia finem versus damnamus in fine
orationis. Bacchius & cludit, & sibi jungitur; *Venenum
timeres.* Vitat choreum, spondeum autem amat: ut
non *venena timeres,* sed; *virus timeres.* Contrarius
quoque qui est, cludet, nisi si ultimam longam esse
volumus: optimeque habebit ante se molosson: ut;
Ex cinis respersum. Aut bacchium; *Quod hic potest, nos
possemus.* Sed verius erit cludere choreum præcedenti
spondeo. Nam hic potius est numerus; *Nos possemus:
&; Romanus sum.* Cludet & dichoreus, si pes idem sibi
ipsi jungetur, quo Asiani sunt usi plurimum. Cujus

CAP. IV. exemplum Cicero ponit; *Patris dictum sapiens, temeritas filii comprobavit.* Accipiet ante se choreus & pyrrhichium: *Omnes prope cives virtute, gloria, dignitate superabat.* Cludet & dactylus, nisi cum observatio ultimæ creticum facit: ut, *Muliercula nixus in litore.* Habebit ante bene creticum & jambum, spondeum male, pejus choreum. Cludit amphibrachus; *2. Ligurium in Africa fuisse,* si non eum malumus esse bacchium. Non optimus est trochæus, si ultima est brevis: quod certe sit necesse est; alioqui quomodo cludet, qui placet plerisque, dichoreus? Illa observatione ex trochæo fit anapæstus. Idem trochæus præcedente longa fit pæon: quale est; *Si potero. &; Dixit hoc Cicero, Obstat invidia.* Sed hoc initiis dederunt. Cludit & pyrrhichius choreo præcedente: nam sic pæon est. Omnes ii qui in breves excidunt, minus erunt stabiles: nec alibi fere satis apti, quam ubi cursus orationis exigitur, & clausulis non intersistitur. Creticus est initiis optimus: *Quod precatus a diis immortalibus sum.* & clausulis; *In conspectu populi Romani vomere possidie.* Apparet vero quam bene eum præcedant, vel anapæstus, vel ille qui videtur fini aptior, pæon. Sed & se ipse sequitur; *Servare quam plurimos.* Sic melius quam choreo præcedente; *Quis non turpe ducet?* si ultima brevis pro longa sit. Sed fingamus sic; *Nam turpe, ducet.* Sed hic est illud inane quod dixi. Paululum enim moræ damus inter ultimum atque proximum verbum, & turpe illud intervallo quodam producimus: alioqui sit exultantissimum, & trimetri finis; *Quis non turpe ducet?* Sicut illud; *Ore spiritum excipere liceret,* si iungas, lascivi carminis est: sed interpunctis quibusdam & tribus quasi initiis, fit plenum

num auctoritatis. Nec ego cum præcedentes pedes **CAR. IV.** posui, legem dedi ne alii essent: sed quid fere accideret, quod in præsentia videretur optimum, ostendi. Et quidem optime est sibi junctus anapæstus, ut qui sit pentametri finis vel rhythmus, qui nomen ab eo traxit: *Nam ubi libido dominatur, innocentia leve præsidium est.* Ita enim synalœphê facit, ut duæ ultimæ syllabæ pro una sonent. Mollior fiet præcedente spondeo vel bacchio: ut si mutes idem; *leve innocentia præsidium est.* Non me capit (ut a magnis viris dissentiam) pæon qui est ex tribus brevibus & longa. Nam est & ipse una plus brevi anapæsto; *facilitas & agilitas.* Quod quid ita placuerit his, non video, nisi quod illum fere probaverint, quibus loquendi magis quam orandi studium fuit. Nam & ante se brevibus gaudet pyrrhichio vel choreo; *mea facilitas, nostra facilitas.* At præcedente spondeo tum plane finis est trimetri: cum sit per se quoque ei contrarius. Principiis merito laudatur. Nam & primam stabilem, & tres celeres habet: tamen hoc quoque meliores alios puto. Totus vero hic locus non ideo tractatur a nobis, ut oratio quæ ferri debet ac fluere, dimetiendis pedibus ac pendendis syllabis consenescat. Nam id cum miseri, tum in minimis est occupati. Neque enim qui se totum in hac cura consumserit, potioribus vacabit: si quidem relicto rerum pondere, ac nitore contempto, *tesserulas* (ut ait Lucilius) struet, & *vermiculate* inter se ~~latis~~ committet. Nonne ergo refrigeretur sic calor, & impetus pereat, ut equorum cursum qui dirigat minutis passibus, frangat? quasi numeri non fuerint in compositione deprehenso: sicut poëma nemo dubitaverit imperito quodam initio fustum, & aurum men-

CAP. IV. mensura, & similiter decurrentium spatiorum observatione esse generatum, mox in eo repertos pedes. Satis igitur in hoc nos componet multum scribendi exercitatio, ut ex tempore etiam similia fundamus. Neque vero tam sint intuendi pedes quam universa comprehensio: ut versum facientes, totum illum decursum, non sex vel quinque partes ex quibus constat versus, aspiciunt. Ante enim carmen ortum est, quam observatio carminis. Indeque illud;

Fauni vatesque canebant.

Ergo quem in poemate locum habet versificatio, cum in oratione compositio. Optime autem de illa iudicant aures, quæ & plena sentiunt, & parum expleta desiderant, & fragoris offenduntur, & lenibus mulcentur, & contortis excitantur, & stabilia probant, clauda deprehendunt, redundantia & nimia fastidiunt. Ideoque docti rationem componendi intelligunt, indocti voluptatem. Quædam vero arte tradere non possunt. Mutandus est casus, si durius is quo cœperamus feratur. Num in quem transeamus ex quo præcipi potest? Figuræ, laboranti etiam compositioni variatæ sæpe succurrunt. Quæ cum orationis sint, tum etiam sententiæ, num præscriptum ejus rei ullum est? Occasionibus utendum, & cum re præsentis deliberandum. Enimvero spatia ipsa, quæ in hac quidem parte plurimum valent, quod possint nisi aurium habere iudicium? Cur alia paucioribus verbis satis plena, vel nimium, alia pluribus breviter & abscessa sunt? Cur in circumductionibus etiam, cum sensus finitus est, aliquid tamen loci vacare videtur? *Neminem vestrum ignorare arbitror, iudices, hunc per hosce*

hosce dies sermonem vulgi, atque hanc opinionem populi CAP. IV.

Romani fuisse. Cur *hosce* potius quam *hos*? Neque enim erat asperum. Rationem fortasse non reddam, sentiam esse melius. Cur non satis sit, *sermonem vulgi fuisse*? Compositio enim patiebatur. Ignorabam, sed ita ut audio, hoc animus accipit, plenum sine hac geminatione non esse. Ad sensum igitur referenda sunt. Nequeat quis satis forte quid severum, quid iucundum sit, intelligere; faciat quidem natura duce melius quam arte: sed naturæ ipsi ars inerit. Illud prorsus oratoris, scire ubi quoque genere compositionis sit utendum. Ea duplex observatio: altera, quæ ad pedes refertur: altera, quæ ad comprehensiones quæ efficiuntur ex pedibus. Et de his prius. Diximus igitur esse incisa, membra, circuitus. Incisum (quantum mea fert opinio) erit sensus non expleto numero conclusus: plerisque pars membri. Tale est enim quo Cicero utitur; *Domus tibi deerat? at habebas. pecunia superabat? at egebas.* Fiunt autem etiam singulis verbis incisa: ut; *Diximus, testes dare volumus.* Incisum est, *diximus.* Membrum autem est sensus numeris conclusus, sed a toto corpore abruptus, & per se nihil efficiens. Id enim; *O callidos homines!* perfectum est: at remotum a cæteris, vim non habet: ut per se manus, & pes, & caput. & *O rem excogitatam! o ingenia metuenda!* Quando ergo incipit corpus esse? cum venit extrema conclusio; *Quem, quæso, nostrum fefellit, id vos ita esse facturos?* Quam Cicero brevissimam putat. Itaque fere incisa & membra mixta sunt, & conclusionem utique desiderant. Periodo plurima nomina dat Cicero, ambitum, circuitum, comprehensionem, continuationem, circumscriptionem. Genera

D d d d

ejus

CAP. IV. ejus duo sunt : alterum simplex , cum sensus unus longiore ambitu circumducitur : alterum , quod constat membris & incisus , quæ plures sensus habent : *Aderat janitor carceris , & carnifex pratoris , & reliqua*. Habet periodus membra minimum duo. Medius numerus videtur quatuor : sed recipit frequenter & plura. Modus ei a Cicerone aut quatuor senarius versibus , aut ipsius spiritus modo terminatur. Præstare debet , ut sensum concludat : sit aperta , ut intelligi possit : non immodica , ut memoria contineri. Membrum longius justo , tardum : brevius , instabile est. Ubicunque acriter erit , instanter , pugnaciter dicendum , membratim cæsimque dicemus. Nam hoc in oratione plurimum valet : adeoque rebus accommodanda compositio , ut asperis asperos etiam numeros adhiberi oporteat , & cum dicente æque audientem inhorrescere. Membratim plerumque narrabimus , aut ipsas periodos majoribus intervallis , & velut laxioribus nodis resolvemus : exceptis quæ non docendi gratia , sed ornandi narrantur : ut in *Verrem Proserpine raptus*. Hæc enim lenis & fluens contextus decet. Periodus apta procemiis majorum causarum , ubi sollicitudine , commendatione , miseratione res eget. Item communibus locis , & in omni amplificatione : sed poscitur tum austera , si accuses ; tum fusa , si laudes. Multum & in epilogis pollet. Totum autem adhibendum est , quo sit amplius compositionis genus , cum judex non solum rem tenet , sed etiam captus est oratione , & se credit actori , & voluptate jam ducitur. Historia non tam finitos numeros , quam orbem quendam contextumque desiderat. Nam omnia ejus membra connexa sunt , quoniam lubrica est , ac
fluit :

fuit : ut homines qui manibus invicem apprehensis CAP. IV.
 gradum firmant, continent & continentur. Demonstrativum genus omne fusiores habet liberioresque numeros. Judiciale & concionale, ut materia varium est, sic etiam ipsa collocatione verborum. Ubi jam nobis pars ex duabus quas modo fecimus, secunda tractanda est. Nam quis dubitat alia lenius, alia concitatus, alia sublimius, alia pugnacius, alia gravius esse dicenda? Gravibus, sublimibus, ornatis longas magis syllabas convenire? Ita ut lenia spatium, sublimia & ornata claritatem quoque vocum poscant, potius quam his contraria. Magis laudarem brevibus argumenta, partitiones, jocos, & quicquid est sermoni magis simile. Itaque componemus proœmium varie, atque ut sensus ejus postulabit. Neque enim accesserim Celso, qui unam quandam huic parti formam dedit: & optimam compositionem esse proœmii, ut apud Asinium dixit; *Si Caesar ex omnibus mortalibus qui sint ac fuerint, posset huic causa disceptator legi, non quisquam te potius optandus nobis fuit.* Non quia negem hoc bene compositum, sed quia legem hanc esse componendi in omnibus principiis recusam. Nam judicis animus varie præparatur: tum miserabiles esse volumus, tum modesti, tum acres, tum graves, tum blandi, tum flectere, tum ad diligentiam hortari. Hæc ut sunt diversa natura, dissimilem componendi quoque rationem desiderant. An similibus Cicero usus est numeris in exordio pro Milone, pro Cluentio, pro Ligario? Narratio fere tardiores, atque, ut sic dixerim, modestiores desiderat pedes, & nominibus maxime mixtos. Nam & verbis ut sapius pressa est, ita interim insurgit: sed docere & insigere animis

Dddd 2

res

CAP. IV. res semper cupit, quod minime festinantium opus est. Ac mihi videtur tota narratio constare longioribus membris, brevioribus periodis. Argumenta acria & citata, pedibus quoque ad hanc naturam accommodatis utentur, non tamen ita ut trochæis, quæ celeria quidem, sed sine viribus sunt. Verum quamvis sint brevibus longisque mixta, non tamen plures longas quam breves habentia. Illa sublimia spatiosas clarasque voces habent, amant amplitudinem dactyli quoque, ac pæonis, etiamsi majori ex parte syllabis brevibus, temporibus tamen satis pleni. Aspera contra jambis maxime concitantur: non solum quod sint e duabus modo syllabis, eoque frequentiore quasi pulsus habent, quæ res lenitati contraria est: sed etiam quod omnibus partibus insurgunt, & a brevibus in longas nituntur & crescunt: ideoque meliores choreis, qui a longis in breves cadunt. Submissa, qualia in epilogis, lentas & ipsa, & minus exclamantes exigunt. Vult esse Celsus aliquam & superiorem compositionem, quam si quidem sciremus, doceremus: sed sit necesse est tarda & supina. Verum nisi ex verbis atque sententiis per sese id quæritur, satis odiosa esse non poterit. Denique, ut semel finiam, sic fere componendum, quomodo pronunciandum erit. Annon in proœmiis plerumque summissi, (nisi cum in aculatione concitandus est iudex, aut aliqua indignatione compellendus) in narratione pleni atque expressi, in argumentis citati, atque ipso etiam motu celeres sumus? ut in locis ac descriptionibus fusi ac fluentes, in epilogis plerumque dejecti & infracti? Atqui corporis quoque motui sua quædam tempora, & ad signa pedum non minus saltationi quam modulationibus

adhibet musica ratio numeros. Quid? non vox & **CAP. IV.**
actus accommodatur naturæ ipsarum de quibus dici-
mus rerum? Quo minus id mirum in pedibus oratio-
nis, cum debeant sublimia ingredi, lenia duci, acria
currere, delicata fluere. Itaque ubi est necesse, affe-
ctamus etiam tumorem ex spondeis atque jambis ma-
xime, quibus continetur;

Ego impero Argis: scepra mihi liquit Pelops.

At ille comicus æque senarius, quem trochaicum vo-
cant, pluribus choreis, qui trochæi ab aliis dicuntur,
pyrrhichiisque decurrit: sed quantum celeritatis ha-
bet, tantum gravitatis amittit:

Quid igitur faciam? non eam ne nunc quidem?

Asperum vero & maledicum etiam in carmine, jam-
bis grassatur;

Quis hoc potest videre, quis potest pati.

Nisi impudicus, & vorax, & aleo?

In universum autem, si sit necesse, duram potius at-
que asperam compositionem malim esse, quam effo-
minatam & enervem, qualis apud multos: & quotidie
magis lascivi sumus syntonorum modis saltitantes. Ac
ne tam bona quidem ulla erit, ut debeat esse continua,
& in eisdem semper pedes ire. Nam & versificandi
genus est, unam legem omnibus sermonibus dare: &
id cum manifesta affectatione (cujus rei maxime ca-
venda suspicio est) tum etiam tædium ex similitudi-
ne ac satietate creat: quoque est dulcius, magis perdit,
æque ut fidem, & affectus, motusque omnes, qui est
in hac cura deprehensus: nec potest ei credere, aut
propter eum dolere & irasci iudex, cui putat hoc va-
care. Ideo quoque vincita quædam quasi solvenda de in-

Dddd 3

dustria

CAP. IV. *ductoria sunt, & illa quidem maximi laboris, ne laborata videantur. Sed neque longioribus quam oportet hyperbatis compositioni serviamus, ne quæ ejus gratia fecerimus, propter eam fecisse videamur. Et certe nullum aptum atque idoneum verbum prætermittimus gratia lenitatis. Neque enim erit ullum tam difficile, quod non commode inseri possit, nisi quod in evitandis ejusmodi verbis non decorem compositionis quærimus, sed facilitatem. Non tamen mirabor Latinos magis indulgisse compositioni, quam Atticos, quamvis minus in verbis habeant varietatis & gratiæ. Nec vitium dixerim si Cicero a Demosthene paululum in hac parte descivit. Sed quæ sit differentia nostri græcique sermonis, explicabit summus liber. Compositio (nam finem imponere egresso destinatum modum volumini festino) debet esse honesta, jucunda, varia. Ejus tres partes, ordo, conjunctio, numerus. Ratio, in adiectione, detractione, mutatione. Usus pro natura rerum quas dicimus. Cura magna, ut sentiendi atque loquendi prior sit. Dissimulatio curæ præcipua, ut numeri sponte fluxisse, non arcessiti nec coacti esse videantur.*

M. Fabii

M. FABII QUINCTILIANI

DE

Institutione Oratoria

LIBER X.

SED hæc eloquendi præcepta sicut cognitioni CAP. I.
 sunt necessaria, ita non satis ad vim dicendi
 valent, nisi illis firma quædam facilitas, quæ
 apud Græcos *ἔξις* nominatur, accesserit: quam
 scribendo plus, an legendo, an dicendo consequamur,
 solere quæri scio. Quod esset diligentius nobis exa-
 minandum, cura si qualibet earum rerum possemus
 una esse contenti. Verum ita sunt inter se connexæ
 & indiscreta omnia, ut si quid ex iis defuerit, frustra
 sit in cæteris laboratum. Nam neque solida atque ro-
 busta fuerit unquam eloquentia, nisi multo stylo vires
 acceperit: & citra lectionis exemplum labor ille ca-
 rens rectore, fluit. Qui autem scierit quo sint quæque
 modo dicenda, nisi tanquam in procinctu paratam
 quidem ad omnes casus habuerit eloquentiam, velut
 clausis thesauris incubabit. Non autem ut quicque præ-
 cipue necessarium est, sic ad efficiendum oratorem
 maximi protinus erit momenti. Nam certe cum sit
 in eloquendo positum oratoris officium, dicere ante
 omnia est: atque hinc initium ejus artis fuisse mani-
 festum est: proximam deinde imitationem: novissi-
 mam scribendi quoque diligentiam. Sed ut perve-
 niri

CAP. I. niri ad summa nisi ex principiis non potest : ita procedente jam opere , minima incipiunt esse quæ prima sunt. Verum nos non quomodo sit instituendus orator , hoc loco dicimus : (nam id quidem aut satis , aut certè uti potuimus dictum est) sed ut athletam qui omnia jam perdidicerit a præceptore , nimirum quo genere exercitationis ad certamina præparandus sit ; ita eum qui res invenire & disponere sciet , verba quoque & eligendi & collocandi rationem perceperit , instruamus qua ratione quæ didicit , facere quam optime & quam facillime possit. Non ergo dubium est , quin ei velut opes sint quædam parandæ , quibus uti , ubicunque desideratum erit , possit. Eæ constant copia rerum ac verborum. Sed res propriæ sunt cuiusque causæ , aut paucis communes : verba in universas paranda : quæ si rebus singulis essent singula , minorem curam postularent : nam cuncta sese cum ipsis protinus rebus offerrent. Sed cum sint aliis alia aut magis propria , aut magis ornata , aut plus efficientia , aut melius sonantia , debent esse non solum nota omnia , sed in promptu , atque (ut ita dicam) in conspectu , ut cum se iudicio dicentis ostenderint , facilis ex his optimorum sit electio. Equidem scio quosdam collecta , quæ idem significarent , vocabula solitos ediscere , quo facilius & occurreret unum ex pluribus , & cum essent usi aliquo , si breve intra spatium rursus desideraretur , effugiendæ repetitionis gratia sumerent aliud quo idem intelligi posset. Quod cum est puerile , & cuiusdam infelicis operæ , tum etiam utile parum ; turbam enim modo congregat , ex qua sine discrimine occupet proximum quodque. Nobis autem copia cum iudicio paranda est : vim orandi , non circulatoriam volu-

volubilitatem spectantibus. Id autem consequemur CAP. I.
optima legendo atque audiendo. Non solum enim nomina ipsa rerum cognoscemus hac cura, sed cui quodque loco sit aptissimum. Omnibus enim fere verbis, præter pauca quæ sunt parum verecunda, in oratione locus est. Nam scriptores quidem jamborum, veterisque comœdiæ, etiam in illis sæpe laudantur: sed nobis nostrum opus interim tueri satis est. Omnia verba (exceptis de quibus dixi) sunt alicubi optima: nam & humilibus interim & vulgaribus est opus, & quæ cultiore in parte videntur sordida, ubi res poscit, proprie dicuntur. Hæc ut sciamus atque eorum non significationem modo, sed formas etiam mensurasque norimus, ut ubicunque erunt posita, convenient, nisi multa lectione aut auditione assequi non possumus: cum omnem sermonem auribus primum accipiamus. Propter quod infantes a mutis nutricibus jussu regum in solitudine educati, etiamsi verba quædam emisisse traduntur, tamen loquendi facultate caruerunt. Sunt autem alia hujus naturæ, ut idem pluribus vocibus declarent, ita ut nihil significationis, quo potius utaris, intersit: ut *ensis* & *gladius*. Alia, quæ etiamsi propria rerum aliquarum sint nomina, *τροπικῶς* tamen ad eundem intellectum feruntur, ut *ferrum* & *macro*. Nam per abusionem *sicarios* etiam omnes vocamus qui eadem telo quocunque commiserint. Alia circuitu verborum plurium ostendimus: quale est;

311
1557 *Et pressi copia lactis.*

Plurima vero mutatione figuramus: *Scio, Non ignoro, &, Non me fugit, Non me præterit, & ; Quis nescit? Nemini dubium est.* Sed etiam ex proximo mutuari licet.

E e e e

Nam

CAP. I. Nam & *intelligo*, & *sentio*, & *video*, sæpe idem valent quod *scio*. Quorum nobis ubertatem ac divitias dabit lectio, ut his non solum quomodo occurrerint, sed etiam quomodo oporteat, utamur. Non semper enim hæc inter se idem faciunt: nec sicut de intellectu animi recte dixerim, *video*: ita de visu oculorum, *intelligo*. Nec ut *mucro* gladium, sic mucronem *gladium* ostendit. Sed ut copia verborum sic paratur, ita non verborum tantum gratia legendum vel audiendum est. Nam omnium quæcunque docemus, hoc sunt exempla potentiora etiam ipsis quæ traduntur artibus, cum eo qui discit perductus est ut intelligere ea sine demonstrante, & sequi jam suis viribus possit: quia quæ doctor præcipit, orator ostendit. Alia vero legentes, alia audientes magis adjuvant. Excitat qui dicit, spiritu ipso, nec imagine & ambitu rerum, sed rebus incendit. Vivunt enim omnia, & moventur, excipimusque nova illa velut nascentia cum favore ac sollicitudine. Nec fortuna modo iudicii, sed etiam ipsorum qui orant, periculo affeimur. Præter hæc, vox & actio decora, accommodata ad quid quisque locus postulabit, pronunciandi vel potentissima in dicendo ratio, & ut semel dicam, pariter omnia docent. In lectione certius iudicium, quod audienti frequenter aut suus cuique favor, aut ille laudantium clamor extorquet. Pudet enim dissentire, & velut tacita quadam verecundia inhibemur plus nobis credere, cum interim & vitiosa pluribus placeant, & a corrogatis laudentur etiam quæ non placent. Sed e contrario quoque accidit, ut optime dictis gratiam prava iudicia non referant. Lectio libera est, nec actionis impetu transcurrit: sed repetere sæpius licet, sive

sive dubites, sive memoriæ penitus affigere velis. CAP. I.)
 Repetamus autem, & tractemus & ut cibos manfos
 ac prope liquefactos demittimus, quo facilius dige-
 rantur, ita lectio non cruda, sed multa iteratione
 mollita, & velut confecta, memoriæ imitationique
 tradatur. Ac diu non nisi optimus quisque, & qui
 credentem sibi minime fallat, legendus est, sed dili-
 genter, ac pene ad scribendi sollicitudinem: nec per
 partes modo scrutanda omnia, sed perlectus liber
 utique ex integro resumendus, præcipueque oratio,
 cujus virtutes frequenter ex industria quoque occultan-
 tur. Sæpe enim, præparat, dissimulat interim insidias ora-
 tor, eaq; in prima parte actionis dicit, quæ sunt in sum-
 ma profutura. Itaque suo loco minus placent, adhuc
 nobis quare dicta sint ignorantibus: ideoque erunt co-
 gnitis omnibus repetenda. Illud vero utilissimum,
 nosse eas causas quarum orationes in manus summi-
 mus: & quoties continget, utrinque habitas legere a-
 ctiones: ut Demosthenis atque Æschinis inter se con-
 trarias: ut Servii Sulpitii, & Messalæ, quorum alter
 pro Aufidia, contra dixit alter: & Pollionis & Cassii
 reo Asprenate, aliasque plurimas. Quinetiam si mi-
 nus pares videbuntur, aliqua tamen ad cognoscen-
 dum litium quæstiones recte requirentur: ut contra
 Ciceronis orationes, Tiberonis in Q. Ligarium, &
 Hortensii pro Verre. Quin etiam easdem causas ut
 quisque egerit, utile erit scire. Nam de domo Cice-
 ronis dixit Callidius: & pro Milone orationem Bru-
 tus exercitationis gratia scripsit, etiam si egisse eum
 Cornelius Celsus falso existimat. Et Pollio ac Messa-
 la defenderunt eodem, & nobis pueris insignes pro
 Voluseno Catulo, Domitii Afri, Crispi Passieni, Deci-

CAP. I. mi Lælii, orationes ferebantur. Neque id statim legenti persuasum sit, omnia quæ magni auctores dixerint, utique esse perfecta. Nam & labuntur aliquando, & oneri cedunt, & indulgent ingeniorum suorum voluptati : nec semper intendunt animum, nonnunquam fatigantur : cum Ciceroni dormire interim Demosthenes, Horatio vero etiam Homerus ipse videatur. Summi enim sunt, homines tamen : acciditque iis qui quicquid apud illos reperitur, dicendi legem putant, ut deteriora imitentur (id enim est facilis) ac se abunde similes putent, si vitia magnorum consequantur. Modeste tamen & circumspecto iudicio de tantis viris pronunciandum est, ne (quod plerisque accidit) damnent quæ non intelligunt. Ac si necesse est in alteram errare partem, omnia eorum legentibus placere, quam multa displicere maluerim. Plurimum dicit oratori conferre Theophrastus lectionem poetarum : multique ejus iudicium sequuntur : neque immerito. Namque ab his & in rebus spiritus, & in verbis sublimitas, & in affectibus motus omnis, & in personis decor petitur, præcipueque velut attrita quotidiano actu forensi ingenia, optime rerum talium blanditia reparantur. Ideoque in hac lectione Cicero requiescendum putat. Meminerimus tamen non per omnia poëtas esse oratori sequendos, nec libertate verborum, nec licentia figurarum, totumque illud studiorum genus ostentationi comparatum, præter id quod solam petit voluptatem, eamque, fingendo non falsa modo sed etiam quædam incredibilia, sectatur, patrocínio quoque aliquo juvari : quod alligati ad certam pedum necessitatem, non semper propriis uti possint, sed depulsi a recta via, necessario ad loquen-

di

di quædam diverticula confugiant : nec mutare quædam modo verba, sed tendere, corripere, convertere, dividere cogantur : nos vero armatos stare in acie, & summis de rebus cernere, & ad victoriam niti decet. Neque ego arma squallere situ ac rubigine velim, sed fulgorem his inesse, qui terreat, qualis est ferri, quo mens simul visusque perstringatur : non qualis auri argentique, imbellis, & potius habenti periculosus. Historia quoque alere orationem quodam molli jucundoque succo potest. Verum & ipsa sic est legenda, ut sciamus plerasque ejus virtutes oratori esse vitandas. Est enim proxima poëtis, & quodammodo carmen solutum : & scribitur ad narrandum, non ad probandum : totumque opus non ad intuitum rei, pugnamque præsentem, sed ad memoriam posteritatis, & ingenii famam componitur : ideoque & verbis liberioribus, & remotioribus figuris narrandi tædium evitat. Itaque, ut dixi, neque illa Sallustiana brevitæ, qua nihil apud aures vacuas atque eruditas potest esse perfectius, apud occupatum variis cogitationibus judicem, & sæpius ineruditum, captanda nobis est : neque illa Livii lactea ubertas satis docebit eum, qui non speciem expositionis, sed fidem quærit. Adde quod M. Tullius ne Thucydidem quidem aut Xenophontem utiles oratori putat, quanquam illum bellicum canere, hujus ore musas esse locutas existimet. Licet tamen nobis in digressionibus uti vel historico nunquam nitore, dum in iis de quibus erit quæstio, meminerimus non athletarum toros, sed militum laceratos esse : nec versicolorem illam qua Demetrius Phalereus dicebatur uti, vestem bene ad forensæ pulverem facere. Est & alius ex historiis usus, & is qui-

Eccc 3

dem

CAP. I. dem maximus, sed non ad præsentem pertinens locum, ex cognitione rerum exemplorumque, quibus inprimis instructus esse debet orator, ne omnia testimonia expectet a litigatore: sed pleraque ex vetustate diligenter sibi cognita sumat: hoc potentiora, quod ea sola criminibus odii & gratiæ vacant. A philosophorum vero lectione ut essent nobis multa petenda, vitio factum est oratorum, qui quidem illis, optima sui operis parte cesserunt. Nam & de justis, honestis, utilibus, quæque sunt his contraria, & de rebus divinis maxime dicunt, & argumentantur acriter: & altercationibus atque interrogationibus oratorem futurum optime Socratici præparant. Sed his quoque adhibendum est simile iudicium, ut etiam cum in rebus versemur iisdem, non tamen eandem esse conditionem sciamus litium ac disputationum, fori & auditorii, præceptorum & periculorum. Credo exacturos plerosque, cum tantum esse utilitatis in legendo iudicemus, ut id quoque adjungamus operi, qui sint legendi, quæ in quoque auctore præcipua virtus. Sed persequi singulos, infiniti fuerit operis. Quippe cum in Bruto M. Tullius tot millibus versuum de Romanis tantum oratoribus loquatur, & tamen de omnibus ætatis suæ, quid quisque condiderat, exceptis Cæsare atque Marcello, silentium egerit: quis erit modus, si & illos, & qui postea fuerunt, & Græcos omnes & philosophos & poëtas persequi velim? Fuerit igitur brevitatis illa tutissima, quæ est apud Livium in epistola ad filium scripta: *Legendos Demosthenem atque Ciceronem: tum ita ut quisque esset Demostheni & Ciceroni simillimus.* Non est tamen dissimulanda nostri quoque iudicii summa. Paucos enim, vel potius

vix

vix ullum ex iis qui vetustatem pertulerunt, existimo CAP. I.
 posse reperiri, quin iudicium adhibentibus allaturus
 sit utilitatis aliquid, cum se Cicero ab illis quoque
 vetustissimis auctoribus, ingeniosis quidem, sed arte
 carentibus, plurimum fateatur adjutum. Nec multo
 aliter de novis sentio. Quotus enim quisque fuerit
 adeo timens posteritatis, qui ne minima quidem alicu-
 jus scientiæ fiducia, partiri memoriam artis sperave-
 rit? qui si quis est, intra primos statim versus depre-
 henderetur, & citius nos dimittet, quam ut ejus nobis
 magno temporis detrimento constet experimentum.
 Sed non quicquid ad aliquam partem scientiæ perti-
 net, protinus ad faciendam etiam *ῥῆσιν* de qua loqui-
 mur, accommodatum est. Verum ante quam de
 singulis, pauca in universum de varietate opinionum
 dicenda sunt. Nam quidam solos veteres legendos
 putant, neque in ullis aliis esse naturalem eloquentiam
 & robur viris dignum: alios recens hæc lascivia, de-
 litæque, & omnia ad voluptatem multitudinis impe-
 ritæ composita delectant. Sunt etiam qui rectum
 dicendi genus sequi volunt. Alii pressa demum & te-
 nuia, & quæ minimum ab usu quotidiano recedant,
 sana & vere Attica putant. Quosdam elatior ingenii
 vis, & magis concitata, & acris spiritus plena capit.
 Sunt & lenis, & nitidi, & compositi generis non pau-
 ci amatores. De qua differentia differam diligentius,
 cum de genere dicendi quærendum erit. Interim
 summatim quid & a qua lectione petere possint, qui
 confirmare facultatem dicendi volunt, attingam. Pau-
 cos enim, qui sunt eminentissimi, excerpere in animo
 est. facile est autem studiosis qui sint his simillimi,
 judicare: ne quisquam queratur omissos forte aliquos
eorum

CAP. I. eorum quos ipse valde probet. Fateor enim plurimos legendos esse, quam qui nominabuntur. Sed nunc genera ipsa lectionum quæ præcipue convenire intendentibus ut oratores fiant existimem, persequar. Igitur ut Aratus ab Jove incipiendum putat, ita nos rite cœpturi ab Homero videmur. Hic enim (quemadmodum *ex oceano* dicit ipse *amniū vim fontiumque cursus initium capere*) omnibus eloquentiæ partibus exemplum & ortum dedit. Hunc nemo in magnis sublimitate, in parvis proprietate superaverit. Idem latus ac pressus, jucundus & gravis, tum copia, tum brevitate mirabilis: nec poëtica modo, sed oratoria virtute eminentissimus. Nam ut de laudibus, exhortationibus, consolationibus taceam: nonne vel nonus liber, quo missa ad Achillem legatio continetur, vel in primo inter duces illa contentio, vel dictæ in secundo sententiæ, omnes litium ac consiliorum explicant artes? Affectus quidem vel illos mites, vel hos concitatos, nemo erit tam indoctus, qui non in sua potestate hunc auctorem habuisse fateatur. Age vero, nonne utriusque operis ingressu paucissimis versibus legem procemiorum non dico servavit, sed constituit? Nam & benevolum auditorem invocatione dearum, quas præsidere vatibus creditum est, & intentum proposita rerum magnitudine, & docilem summa celeriter comprehensa facit. Narrare vero quis brevius, quam qui mortem nunciat Patrocli? quis significantius potest, quam qui Curetum Ætolorumque prælium exponit? Jam similitudines, amplificationes, exempla, digressus, signa rerum & argumenta, cæteraque probandi ac refutandi, sunt ita multa, ut etiam qui de artibus scripserunt, plurima earum rerum testimo-

stimonia ab hoc poëta petant. Nam epilogus quidem quis unquam poterit illis rogantis Achillem Priami precibus æquari? Quid? in verbis, sententiis, figuris, dispositione totius operis, nonne ingenii humani modum excessit? ut magni sit viri, virtutes ejus non æmulatione (quod fieri non potest) sed intellectu sequi. Verum hic omnes sine dubio, & in omni genere eloquentiæ procul a se reliquit: Heroicos tamen præcipue. quia clarissima in materia simili comparatio est. Raro assurgit Hesiodus, magnaue pars ejus in nominibus est occupata; tamen utiles circa præcepta sententiæ, lenitasque verborum, & compositionis probabilis: daturque ei palma in illo medio genere dicendi. Contra in Antimacho vis & gravitas, & minime vulgare eloquentiæ genus habet laudem. Sed quamvis ei secundas fere Grammaticorum consensus deferat; & affectibus, & jucunditate, & dispositione omnino & arte deficitur, ut plane manifesto appareat quanto sit aliud proximum esse, aliud secundum. Panyasin ex utroque mixtum putant, in eloquendo neutrius æquare virtutes: alterum tamen ab eo materia, alterum disponendi ratione superari. Apollonius in ordinem a grammaticis datum non venit, quia Aristarchus atque Aristophanes poëtarum judices, neminem sui temporis in numerum redegerunt: non tamen contemnendum edidit opus æquali quadam mediocritate. Arati materia motu caret, ut in qua nulla varietas, nullus affectus, nulla persona cui usquam sit oratio: sufficit tamen operi, cui se credidit parem. Admirabilis in suo genere Theocritus, sed musa illa rustica & pastoralis non forum modo, verum ipsam etiam urbem reformidat. Audire videor undique

Ffff

con-

CAP. I. congerentes nomina plurimorum poëtarum. Quid? Herculis acta non bene Pisandros? Quid? Nicandrum frustra secuti Macer atque Virgilius? Quid? Euphorionem transibimus? quem nisi probasset Virgilius, idem nunquam certe conditorum Chalcidico versu carminum fecisset mentionem. Quid? Horatius frustra Tyrtæum Homero subjungit? Nec sane quisquam est tam procul a cognitione eorum remotus, ut non indicem certe ex bibliotheca sumtum transferre in libros suos possit. Nec ignoro ego, quamvis transeo; nec utique damno; ut qui dixerim esse in omnibus utilitatis aliquid: sed ad illos jam perfectis constitutisque viribus revertemur. Quod etiam in cœnis grandibus sæpe facimus, ut cum optimis satiati simus, varietas tamen nobis ex vilioribus grata sit. Tunc & elegiam vacabit in manus sumere: cujus princeps habetur Callimachus. Secundas confessione plurimorum Philætas occupavit. Sed dum assequimur illam firmam (ut dixi) facilitatem, optimis assuescendum est: & multa magis quam multorum lectione formanda mens, & ducendus est color. Itaque ex tribus receptis Aristarchi judicio scriptoribus jamborum, ad ἑξῆς maxime pertinebit unus Archilochus. Summa in hoc vis elocutionis; tum validæ, tum breves vibrantesque sententiæ, plurimum sanguinis atque nervorum, adeo ut videatur quibusdam, quod quoquam minor est, materiæ esse non ingenii vitium. Novem vero lyricorum longe Pindarus princeps, spiritu, magnificentia, sententiis, figuris, beatissima rerum verborumque copia, & velut quodam eloquentiæ flumine: propter quæ Horatius eum merito credidit nemini imitabilem. Stesichorum, quam sit ingenio validus, mate-
ria

riæ quoque ostendunt , maxima bella & clarissimos canentem duces , & epici carminis onera lyra sustinentem. Reddit enim personis in agendo simul loquendoque debitam dignitatem : ac si tenuisset modum , videtur æmulari proximus Homerum potuisse : sed redundat , atque effunditur : quod ut est reprehendendum , ita copię vitium est. Alcæus in parte operis aureo plectro merito donatur , qua tyrannos insectatur : multum etiam moribus confert : in eloquendo quoque brevis , & magnificus , & diligens , plurimumque Homero similis , sed in lusus & in amores descendit , majoribus tamen aptior. Simonides tenuis , alioquin sermone proprio & jucunditate quadam commendari potest : præcipua tamen ejus in commovenda miseratione virtus , ut quidam in hac eum parte omnibus ejusdem operis auctoribus præferant. Antiqua comoedia cum sinceram illam sermonis Attici gratiam prope sola retinet , tum facundissimæ libertatis , etsi est in insectandis vitiis præcipua , plurimum tamen virium etiam in cæteris partibus habet. Nam & grandis , & elegans , & venusta , & nescio an ulla , post Homerum tamen , quem ut Achillem semper excipi par est , aut similior sit oratoribus , aut ad oratores faciendos aptior. Plures ejus auctores : Aristophanes tamen & Eupolis Cratinusque præcipui. Tragoedias primus in lucem Æschylus protulit , & sublimis & gravis , & grandiloquus sæpe usque ad vitium , sed rudis in plerisque & incompositus : propter quod correctas ejus fabulas in certamen deferre posterioribus poëtis Athenienses permiscere , suntque eo modo multi coronati. Sed longe clarius illustraverunt hoc opus Sophocles atque Euripides : quorum

CAP. I. in dispari dicendi via uter sit poëta melior, inter plurimos quæritur. Idque ego, quia ad præsentem materiam nihil pertinet, in iudicatum relinquo. Illud, quidem nemo non fateatur necesse est, iis qui se ad agendum comparant, utiliore longe Euripidem fore. Namque hic & sermone, quo ipsum reprehendunt, quibus gravitas & cothurnus & sonus Sophoclis videtur esse sublimior, magis accedit oratorio generi: & sententiis densus; & in iis quæ a sapientibus tradita sunt, pene ipsis par; & in dicendo ac respondendo cuilibet eorum qui fuerunt in foro disertis, comparandus. In affectibus vero tum omnibus mirus, tum in iis qui miseratione constant, facile præcipuus. Hunc & admiratus maxime est (ut sæpe testatur) & secutus, quanquam in opere diverso, Menander: qui vel unus, meo quidem iudicio, diligenter lectus, ad cuncta quæ præcipimus efficienda sufficiat: ita omnem vitæ imaginem expressit: tanta in eo inveniendi copia, & eloquendi facultas: ita est omnibus rebus, personis, affectibus accommodatus. Nec nihil profecto viderunt, qui orationes quæ Charisii nomine eduntur, a Menandro scriptas putant. Sed mihi longe magis orator probari in opere suo videtur, nisi forte aut illa civilia iudicia quæ *Επιτρέφοις, Επίκληρος, Λοχὸς* habent: aut illæ dictiones in *Ψοφοδία, Νομοθέτη, Υποβολιμαία* non omnibus oratoriis numeris sunt absolutæ. Ego tamen plus adhuc quiddam collaturum esse declamatoribus puto, quoniam his necesse est secundum conditionem controversiarum plures subire personas, patrum, filiorum, maritorum, militum, rusticorum, divitum, pauperum, irascentium, deprecantium, mitium, asperorum. In quibus omnibus mire custoditur ab hoc poëta decorum.

rum. Atque ille quidem omnibus ejusdem operis CAP. I.
 auctoribus nomen abstulit, & fulgore quodam suæ cla-
 ritatis tenebras obduxit. Habent tamen alii quoque
 Comici, si cum venia legantur, quædam quæ possis
 decerpere: & præcipue Philemon, qui ut pravis sui
 temporis judiciis Menandro sæpe prælatus est, ita con-
 sensu omnium meruit credi secundus. Historiam mul-
 ti scripsere præclare, sed nemo dubitat duos longe
 cæteris præferendos, quorum diversa virtus laudem
 pene est parem consecuta. Densus, & brevis, & sem-
 per instans sibi Thucydides: dulcis, & candidus, &
 fusus Herodotus: ille concitatis, hic remissis affecti-
 bus melior: ille concionibus, hic sermonibus: ille vi,
 hic voluptate. Theopompus his proximus, ut in hi-
 storia prædictis minor, ita oratori magis similis: ut
 qui antequam ad hoc opus sollicitatus, diu fuerit ora-
 tor. Philistus quoque meretur, qui turbæ quamvis bo-
 norum post hos auctorum eximatur, imitator Thucy-
 didis: & ut multo infirmior, ita aliquatenus lucidior.
 Ephorus, ut Isocrati visum, calcaribus eget. Clitarchi
 probatur ingenium, fides infamatur. Longo post tem-
 poris intervallo natus Timagenes, vel hoc est ipso pro-
 babilis, quod intermissam historias scribendi industri-
 am nova laude reparavit. Xenophon non excidit mihi,
 sed inter philosophos est reddendus. Sequitur orato-
 rum ingens manus, cum decem simul Athenis ætas
 una tulerit: quorum longe princeps Demosthenes,
 ac pene lex orandi fuit. Tanta vis in eo, tam densa
 omnia, ita quibusdam nervis intenta sunt, tam nihil
 otiosum, is dicendi modus, ut nec quod desit in eo,
 nec quod redundet invenias. Plenior Æschines & ma-
 gis fusus, & grandiori similis, quo minus strictus est:

¶¶¶¶ 3

car-

CAP. I. carnis tamen plus habet , lacertorum minus. Dulcis imprimis & acutus Hyperides : sed minoribus causis ut non dixerim utilior , magis par. His ætate Lysias major , subtilis atque elegans , & quo nihil , si oratori satis sit docere , quæras perfectius. nihil enim est inane , nihil arcessitum , puro tamen fonti quam magno flumini propior. Isocrates in diverso genere dicendi nitidus & comtus , & palæstræ quam pugnæ magis accommodatus , omnes dicendi videres sectatus est : nec immerito : auditoriis enim se , non judiciis comparat : in inventione facilis , honesti studiosus : in compositione adeo diligens , ut cura ejus reprehendatur. Neque ego in his , de quibus sum locutus , has solas virtutes , sed has præcipuas puto : nec cæteros parum fuisse magnos. Quinetiam Phalereum illam Demetrium (quanquam is primus inclinasse eloquentiam dicitur) multum ingenii habuisse & facundiæ fateor , vel ob hoc memoria dignum , quod ultimus fere est ex Atticis qui dici possit orator : quem tamen in illo medio genere dicendi præfert omnibus Cicero Philosophorum , ex quibus plurimum se traxisse eloquentiæ M. Tullius confitetur , quis dubitet Platonem esse præcipuum , sive acumine differendi , sive eloquendi facultate quadam divina & Homérica ? multum enim supra prosam orationem , & quam pedestrem Græci vocant , surgit : ut mihi non hominis ingenio , sed quodam videatur oraculo Delphico instinctus. Quid ego commemorem Xenophontis iucunditatem illam inaffectatam , sed quam nulla possit affectatio consequi ? ut ipsæ finxisset sermonem Gratiæ videantur : & quod de Pericle veteris comoediæ testimonium est , in hunc transferri justissime possit , in la-
bris

bris ejus sedisse quandam persuadendi deam. Quid reliquorum Socraticorum elegantiam? Quid Aristotelem? quem dubito scientia rerum, an scriptorum copia, an eloquendi suavitate, an inventionum acumine, an varietate operum, clariorem putem. Nam in Theophrasto tam est eloquendi nitor ille divinus, ut ex eo nomen quoque traxisse dicatur. Minus indulgere eloquentiæ Stoici veteres: sed cum honesta fuissent, tum in colligendo probandoque quæ instituerant, plurimum valuerunt: rebus tamen acuti magis, quam (id quod sane non affectant) oratione magnifici. Idem nobis per Romanos quoque auctores ordo ducendus est. Itaque ut apud illos Homerus, sic apud hos Virgilius auspicatissimum dederit exordium, omnium ejus generis poetarum Græcorum nostrorumque illi haud dubie proximus. Utar enim verbis iisdem, quæ ex Afro Domitio juvenis accepi: qui mihi interroganti, quem Homero crederet maxime accedere; *Secundus, inquit, est Virgilius, propior tamen primo quam tertio.* Et hercle ut illi naturæ cœlesti atque divinæ cesserimus, ita curæ & diligentiae vel ideo in hoc plus est; quod ei magis fuit elaborandum: & quanto eminentioribus vincimur, fortasse æqualitate pensamus. Cæteri omnes longe sequuntur. Nam Macer & Lucretius legendi quidem, sed non ut phrasin, id est corpus eloquentiæ faciant: elegantes in sua quisque materia, sed alter humilis, alter difficilis. Attacimus Varro in iis per quæ nomen est assecutus, interpret operis alieni, non spernendus quidem, verum ad augendam facultatem dicendi parum locuples. Ennium sicut sacros vetustate lucos adoremus, in quibus grandia & antiqua robora jam non tantam habent speciem

CAP. I. ciem, quantam religionem. Propiores alii, atque ad hanc phrasin de qua loquimur, magis utiles. Lascivus quidem in Heroicis quoque Ovidius, & nimium amator ingenii sui: laudandus tamen in partibus. Cornelius autem Severus, etiamsi versificator quam poëta melior, si tamen, ut est dictum, ad exemplar primi libri bellum Siculum perscripisset, vindicaret sibi jure secundum locum. Sed eum consummari mors immatura non passa est: puerilia tamen ejus opera & maximam indolem ostendunt, & mirabilem præcipue in ætate illa recti generis voluntatem. Multum in Valerio Flacco nuper amisimus. Vehemens & poëticum ingenium Saleii Bassi fuit, nec ipsum senectute maturum. Rabirius ac Pedit non indigni cognitione, si vacet. Lucanus ardens, & concitatus, & sententiis clarissimus, &, ut dicam quod sentio, magis oratoribus quam poëtis imitandus. Hos nominavimus, quia Germanicum Augustum ab institutis studiis deflexit cura terrarum, parumque diis visum est esse eum maximum poetarum. Quid tamen iis ipsis ejus operibus, in quæ donatus imperio juvenis successerat, sublimius, doctius, omnibus denique numeris præstantius? Quis enim caneret bella melius, quam qui sic gerit? Quem præsidentes studiis deæ propius audirent? Cui magis suas artes aperiret familiare numen Minervæ? Dicent hæc plenius futura secula. Nunc enim cæterarum fulgore virtutum laus ista præstringitur. Nostamen sacra literarum colentes feras, Cæsar, si non tacitum hoc præterimus, & Virgiliano certe versu testamur,

Inter victrices hederam tibi serpere lauros.

Ele-

Elegia Græcos quoque provocamus , cujus mihi tertius atque elegans maxime videtur auctor Tibullus. Sunt qui Propertium malint. Ovidius utroque lascivior : sicut durior Gallus. Satyra quidem tota nostra est, in qua primus insignem laudem adeptus est Lucilius, qui quosdam ita deditos sibi adhuc habet amatores, ut eum non ejusdem modo operis auctoribus, sed omnibus poetis præferre non dubitent. Ego quantum ab illis, tantum ab Horatio dissentio, qui Lucilium fluere lutulentum, & esse aliquid quod tollere possis, putat. Nam & eruditio in eo mira, & libertas, atque inde acerbitas, & abunde salis. Multo est tersior ac purus magis Horatius, & ad notandos hominum mores præcipuus. Multum & veræ gloriæ, quamvis uno libro, Persius meruit. Sunt clari hodieque, & qui olim nominabuntur. Alterum illud est, & prius Satyræ genus, quod non sola carminum varietate mixtum condidit Terentius Varro, vir Romanorum eruditissimus. Plurimos hic libros & doctissimos composuit, peritissimus linguæ Latinæ, & omnis antiquitatis, & rerum Græcarum, nostrarumque. plus tamen scientiæ collaturus, quam eloquentiæ. Jambus non sane a Romanis celebratus est ut proprium opus, a quibusdam interpositus : cujus acerbitas in Catullo, Bibaculo, Horatio : quanquam illi epodos intervenire reperiatur. At Lyricorum idem Horatius fere solus legi dignus. Nam & insurgit aliquando, & plenus est jucunditatis & gratiæ, & variis figuris & verbis felicissime audax. Si quem adjicere velis, is erit Cæsius Bassus, quem nuper vidimus : sed eum longe præcedunt ingenia viventium. Tragediæ scriptores Accius atque Pacuvius, clarissimi gravitate sententiarum, verborum pondere, & auctori-

G g g

tate

CAP. I. tate personarum. Cæterum nitor, & summa in excolendis operibus manus, magis videri potest temporibus quam ipsis defuisse. Virium tamen Accio plus tribuitur: Pacuvium videri doctiorem, qui esse docti affectant, volunt. Jam Varii *Thyestes* cuilibet Græcorum comparari potest. Ovidii *Medea* videtur mihi ostendere quantum vir ille præstare potuerit, si ingenio suo temperare quam indulgere maluisset. Eorum quos viderim, longe princeps Pomponius Secundus, quem senes parum tragicum putabant, eruditione ac nitore præstare confitebantur. In Comœdia maxime claudicamus. licet Varro dicat; *musas, Ælii Stolonis sententia, Plantino sermone locuturas fuisse, si Latine loqui vellent*; licet Cæcilium veteres laudibus ferant; licet Terentii scripta ad Scipionem Africanum referantur: quæ tamen sunt in hoc genere elegantissima, & plus adhuc habitura gratiæ, si intra versus trimetros stetissent. Vix levem consequimur umbram, adeo ut mihi sermo ipse Romanus non recipere videatur illam folis concessam Atticis venerationem, quando eam ne Græci quidem in alio genere linguæ obtinuerint. Togatis excellit Afranius, utinamque non inquinasset argumenta puerorum fœdis amoribus, mores suos falsus. At historia non cesserit Græcis, nec opponere Thucydidi Sallustium verear: nec indignetur sibi Herodotus æquari T. Livium, cum in narrando miræ jucunditatis, clarissimique candoris, tum in concionibus supra quam enarrari potest eloquentem; ita dicuntur omnia cum rebus tum personis accommodata: sed affectus quidem, præcipue eos qui sunt dulciores, ut parcissime dicam, nemo historicorum commendavit magis. Ideoque immortalem illam Sallustii velocitatem, diversis virtutibus consecutus est. Nam mihi

egre-

egregie dixisse videtur Servilius Novianus pares eos magis quam similes : qui & ipse a nobis auditus est, clari vir ingenii, & sententiis creber, sed minus pressus, quam historiæ auctoritas postulat. Quam paulum ætate præcedens eum Bassus Aufidius egregie utique in libris belli Germanici præstitit, genere ipso probabilis in omnibus, sed in quibusdam suis ipse viribus minor. Superest adhuc, & exornat ætatis nostræ gloriam, vir seculorum memoriâ dignus, qui olim nominabitur, nunc intelligitur. Habet amatores, nec imitatores, ut libertas, quanquam circumcisis quæ dixisset, ei nocuerit. Sed elatum abunde spiritum, & audaces sententias deprehendas etiam in iis quæ manent. Sunt & alii scriptores boni : sed nos genera degustamus, non bibliothecas excutimus. Oratores vero vel præcipue Latinam eloquentiam parem facere Græcæ possunt. Nam Ciceronem cuicunque eorum fortiter opposuerim. Nec ignoro quantam mihi concitem pugnam, cum præsertim id non sit propositi, ut eum Demostheni comparem hoc tempore : neque enim attinet : cum Demosthenem in primis legendum, vel ediscendum potius putem. Quorum ego virtutes pleraque arbitror similes, consilium, ordinem dividendi, præparandi, probandi rationem, omnia denique quæ sunt inventionis. In eloquendo est aliqua diversitas : densior ille, hic copiosior : ille concludit astrictius, hic latius : pugnat ille acumine semper, hic frequenter & pondere : illi nihil detrahi potest, huic nihil adjici : curæ plus in illo, in hoc natura. Salibus certe, & commiseratione (quæ duo plurimum in affectibus valent) vincimus. Et fortasse illi mos civitatis abstulerit : sed & nobis illa quæ Atti-

G g g g 2

ci

CAP. I. ci mirantur, diversa Latini sermonis ratio minus permiserit. In epistolis quidem, quanquam sunt utriusque, dialogisve nulla contentio est. Cedendum vero in hoc quidem, quod ille & prior fuit, & ex magna parte Ciceronem quantus est, fecit. Nam mihi videtur M. Tullius cum se totum ad imitationem Græcorum contulisset, effinxisse vim Demosthenis, copiam Platonis, jucunditatem Isocratis. Nec vero quod in quoque optimum fuit, studio consecutus est tantum, sed plurimas vel potius omnes ex seipso virtutes extulit immortalis ingenii beatissima ubertate. Non enim pluvias (ut ait Pindarus) aquas colligit, sed vivo gurgite exundat, dono quodam providentiæ genitus, in quo totas vires suas eloquentia experiretur. Nam quis docere diligentius, movere vehementius potest? Cui tanta unquam jucunditas affuit? ut ipsa illa quæ extorquet, impetrare eum credas, & cum transversum vi sua judicem ferat, tamen ille non rapi videatur, sed sequi. Jam in omnibus quæ dicit, tanta auctoritas inest, ut dissentire pudeat: nec advocati studium, sed testis aut judicis afferat fidem. Tum interim hæc omnia, quæ vix singula quisquam intentissima cura consequi posset, fluunt ut illaborata: & illa qua nihil pulchrius auditu est, oratio, præ se fert tamen felicissimam facilitatem. Quare non immerito ab hominibus ætatis suæ regnare in judiciis dictus est: apud posteros vero id consecutus, ut Cicero jam non hominis, sed eloquentiæ nomen habeatur. Hunc igitur spectemus: hoc propositum nobis sit exemplum. Ille se profecisse sciat, cui Cicero valde placebit. Multa in Asinio Pollione inventio, summa diligentia: adeo ut quibusdam etiam nimia videatur: & consilii

filiis & animi satis : a nitore & jucunditate Ciceronis ita longe abest , ut videri possit seculo prior. At Messala nitidus & candidus , & quodammodo præ se ferens in dicendo nobilitatem suam : viribus minor. C. vero Cæsar si foro tantum vacasset , non alius ex nostris contra Ciceronem nominaretur. tanta in eo vis est , id acumen , ea concitatio , ut illum eodem animo dixisse , quo bellavit , appareat. Exornat tamen hæc omnia mira sermonis , cujus proprie studiosus fuit , elegantia. Multum ingenii in Cælio , & præcipue in accusando multa urbanitas , dignusque vir , cui & mens melior , & vita longior contigisset. Inveni qui Calvum præferrent omnibus , inveni qui contra crederent eum nimia contra se calumnia verum sanguinem perdidisse. sed est & sancta & gravis oratio , & castigata , & frequenter vehemens quoque. Imitator est autem Atticorum , fecitque illi properata mors injuriam , si quid adjecturus , non si quid detractus fuit. Et Servius Sulpitius insignem non immerito famam tribus orationibus meruit. Multa , si cum judicio legatur , dabit imitatione digna Cassius Severus : qui si ceteris virtutibus colorem & gravitatem orationis adjecisset , ponendus inter præcipuos foret. Nam & ingenii plurimum est in eo , & acerbitas mira , & urbanitas , & vis summa : sed plus stomacho quam consilio dedit. præterea ut amarissimi sales , ita frequenter amaritudo ipsa ridicula est. Sunt & alii multi disertissimi , quos persequi longum est. Eorum quos viderim , Domitius Afer , & Julius Africanus , longe præstantissimi. Verborum arte ille , & toto genere dicendi præferendus , & quem in numero veterum locare non timeas : hic concitator ,

Gggg 3

sed

CAP. I.

sed in cura verborum nimius, & compositione nunquam longior, & translationibus parum modicus. Erant clara & nuper ingenia. Nam & Trachallus plerumque sublimis, & satis apertus fuit, & quem velle optima crederes: auditus tamen maior. Nam & vocis, quantam in nullo cognovi, felicitas, & pronuntiatio vel scenis suffectura, & decor: omnia denique ei, quæ sunt extra, superfuerunt. Et Vibius Crispus, compositus, & jucundus, & delectationi natus: privatis tamen causis quam publicis melior. Julio Secundo si longior contigisset ætas, clarissimum profecto nomen oratoris apud posteros foret. Adjecisset enim atque adjiciebat cæteris virtutibus suis, quod desiderari potest. Id est autem, ut esset multo magis pugnax, & sæpius ad curam rerum ab elocutione respiceret. Cæterum interceptus quoque magnum sibi vindicat locum. Ea est facundia, tanta in explicando quod velit, gratia: tam candidum & lene & speciosum dicendi genus: tanta verborum etiam quæ assumpta sunt, proprietas: tanta in quibusdam ex periculo petitis significantia. Habebunt qui post nos de oratoribus scribent, magnam eos qui nunc vigent materiam vere laudandi. Sunt enim summa hodie, quibus illustratur forum, ingenia. Namque & consummati jam patroni veteribus æmulantur, & eos juvenum ad optima tendentium imitatur ac sequitur industria. Superfunt qui de philosophia scripserunt, quo in genere paucissimos adhuc eloquentes literæ Romanæ tulerunt. Idem igitur M. Tullius, qui ubique, etiam in hoc opere Platonis æmulus existit. Egregius vero multoque quam in orationibus præstantior Brutus, sufficit ponderi rerum: scias cum sentire quæ dicit. Scripte non

non parum multa Cornelius Celsus, Scepticos secutus, non sine cultu ac nitore. Plancus in Stoicis rerum cognitione utilis. In Epicureis levis quidem, sed non injucundus tamen auctor est Catus. Ex industria Senecam in omni genere eloquentiæ distuli, propter vulgatam falso de me opinionem, qua damnare eum, & invisum quoque habere sum creditus. Quod accidit mihi, dum corruptum & omnibus vitiis fractum discendi genus revocare ad severiora judicia contendo. Tum autem solus hic fere in manibus adolescentium fuit. Quem non equidem omnino conabar excutere, sed potioribus præferri non sinebam, quos ille non destiterat inaccessere, cum diversi sibi conscius generis, placere se in dicendo posse iis, quibus illi placerent, diffideret. Amabant autem eum magis, quam imitabantur: tantumque ab illo defluebant, quantum ille ab antiquis descenderat. Foret enim optandum pares, aut saltem proximos illi viro fieri. Sed placebat propter sola vitia, & ad ea se quisque dirigebat effingenda, quæ poterat: deinde cum se jactaret, eodem modo dicere Senecam, infamabat. Cujus & multæ alioqui, & magnæ virtutes fuerunt, ingenium facile & copiosum, plurimum studii, multarum rerum cognitio: in qua tamen aliquando ab iis quibus inquirenda quædam mandabat, deceptus est. Tractavit etiam omnem fere studiorum materiam. Nam & orationes ejus, & poëmata, & epistolæ, & dialogi feruntur. In philosophia parum diligens, egregius tamen vitiorum insectator fuit. Multæ in eo claræque sententiæ, multa etiam morum gratia legenda: sed in eloquendo corrupta pleraque, atque eo perniciosissima, quod abundant dulcibus vitiis. Velles cum suo
in.

CAP. I. ingenio dixisse, alieno iudicio. Nam si aliqua contempsisset, si parum concupisset, si non omnia sua amasset, si rerum pondera minutissimis sententiis non fregisset: consensu potius eruditorum, quam puerorum amore comprobaretur. Verum sic quoque jam robustis & severiore genere satis firmatis legendus, vel ideo, quod exercere potest utrinque iudicium. Multa enim (ut dixi) probanda in eo, multa etiam admiranda sunt: eligere modo curæ sit, quod utinam ipse fecisset. Digna enim fuit illa natura, quæ meliora vellet, quæ, quod voluit, effecit.

CAP. II. EX his cæterisque lectione dignis auctoribus & verborum sumenda copia est, & varietas figurarum, & componendi ratio: tum ad exemplum virtutum omnium mens dirigenda. Neque enim dubitari potest, quin artis pars magna contineatur imitatione. Nam ut invenire primum fuit, estque præcipuum: sic ea quæ bene inventa sunt, utile sequi. Atque omnis vitæ ratio sic constat, ut quæ probamus in aliis, facere ipsi velimus. Sic literarum ductus, ut scribendi fiat usus, pueri sequuntur: sic musici vocem docentium, pictores opera priorum, rustici probatam experimento culturam in exemplum intuentur. Omnis denique disciplinæ initia ad propositum sibi præscriptum formari videmus. Et hercle necesse est aut similes aut dissimiles bonis simus. Similem raro natura præstat, frequenter imitatio. Sed hoc ipsum, quod tanto faciliorem nobis rationem rerum omnium facit, quam fiat iis qui nihil quod sequerentur, habuerunt, nisi caute & cum iudicio apprehenditur, nocet. Ante omnia igitur imitatio per se ipsa non sufficit, vel quia pigri est ingenii,

con-

contentum esse iis quæ sunt ab aliis inventa. Quid enim futurum erat temporibus illis quæ sine exemplo fuerunt, si homines nihil nisi quod jam cognovissent, faciendum sibi aut cogitandum putassent? Nempe nihil fuisset inventum. Cur igitur nefas est reperiri aliquid a nobis, quod ante non fuerit? An illi rudes sola mentis natura ducti sunt in hoc ut tam multa generarent, nos ad quærendum non eo ipso concitemur, quod certe scimus invenisse eos qui quæsierunt? Et cum illi, qui nullum cuiusquam rei habuerunt magistrum, plurima in posteros tradiderint, nobis usus illarum rerum ad eruendas alias non proderit, sed nihil habebimus nisi beneficii alieni? quemadmodum quidam pictores in id solum student, ut describere tabulas mensuris ac lineis sciant. Turpe etiam illud est, contentum esse id consequi, quod imiteris. Nam rursus quid erat futurum, si nemo plus effecisset eo quem sequebatur? Nihil in poetis supra Livium Andronicum, nihil in historiis supra Pontificum annales haberemus: ratibus adhuc navigaretur: non esset pictura, nisi quæ lineas modo extremas umbræ quam corpora in sole fecissent, circumscriberet. Ac si omnia percenseas, nulla sit ars qualis inventa est, nec intra initium stetit: nisi forte nostra potissimum tempora damnamus hujus infelicitatis, ut nunc demum nihil crescat. Nihil enim crescit sola imitatione. Quod si prioribus adjicere fas non est, quomodo sperare possumus illum oratorem perfectum? cum in iis quos maximos adhuc novimus, nemo sit inventus in quo nihil aut desideretur, aut reprehendatur. Sed etiam qui summa non appetunt, contendere potius, quam sequi debent. Nam qui agit ut prior sit, forsitan etiamsi non transferit, æquabit.

H h h h

Eum

CAP. II. Eum vero nemo potest æquare, cujus vestigiis sibi utique insistendum putat. Necesse est enim semper sit posterior, qui sequitur. Adde quod plerumque facilius est plus facere, quam idem. Tantam enim difficultatem habet similitudo, ut ne ipsa quidem natura in hoc ita evaluerit, ut non res simillimæ, quæque pares maxime videantur, discrimine aliquo dissociantur. Adde quod quicquid alteri simile est, necesse est esse minus eo quod imitatur, ut umbra corpore, imago facie, actus histriorum veris affectibus. Quod in orationibus quoque evenit. Namque iis quæ in exemplum assumimus, subest naturæ vera vis: contra omnis imitatio ficta est & ad alienum propositum accommodatur. Quo fit ut minus sanguinis ac virium declamationes habeant, quam orationes: quod in illis vera, in his assimilata materia est. Adde quod ea quæ in oratore maxima sunt, imitabilia non sunt, ingenium, inventio, vis, facilitas, & quicquid arte non traditur. Ideoque plerique cum verba quædam ex orationibus excerpterunt, aut aliquos compositionis certos pedes, mire a se quæ legerunt, effingi arbitrantur: cum & verba intercidant invalescantque temporibus, ut quorum certissima sit regula in consuetudine, eaque non sua natura sint bona aut mala, (nam per se soni tantum sunt) sed prout opportune propriæque aut secus collocata sunt: & compositio cum rebus accommodata sit, tum ipsa varietate gratissima. Quapropter exactissimo iudicio circa hanc partem studiorum illa examinanda sunt omnia. Primum, quos imitemur. Nam sunt plurimi qui similitudinem pessimi cujusque & corruptissimi concupierint. Deinde

inde in ipsis quos elegerimus, quid sit ad quod efficiendum nos comparemus. Nam in magnis quoque auctoribus incidunt aliqua vitiosa, & a doctis inter ipsos etiam mutuo reprehensa. atque utinam tam bona imitantes dicerent melius, quam mala pejus dicunt. Nec vero saltem iis quibus ad evitanda vitia iudicii satis fuit, sufficiat imaginem virtutis effingere, & solum, ut sic dixerim, cutem, vel potius illas Epicuri figuras, quas e summis corporibus dicit effluere. Hoc autem iis accidit, qui non introspectis penitus virtutibus, ad primum se velut aspectum orationis aptarunt: & cum iis felicissime cessit imitatio, qui verbis atque numeris sunt non multum differentes, vim dicendi atque inventionis non assequuntur, sed plerumque declinant in pejus, & proxima virtutibus vitia comprehendunt; fiuntque pro grandibus tumidi: pressis, exiles: fortibus, temerarii: lætis, corrupti: compositis, exultantes: simplicibus, negligentes. Ideoque qui horride atque incompomite quilibet frigidum illud & inane extulerunt, antiquis se pares credunt: qui carent cultu atque sententiis, Atticos scilicet; qui præcis conclusionibus obscuri, Sallustium atque Thucydidem superant: tristes ac jejuni Pollionem æmulantur: otiosi & supini, siquid modo longius circumduxerunt, jurant Ciceronem ita loquuturum fuisse. Noveram quosdam, qui se pulchre expressisse genus illud cœlestis hujus in dicendo viri sibi viderentur, si in clausula posuissent, *Esse videatur*. Ergo primum est, ut quod imitaturus est quisque, intelligat: & quare bonum sit, sciat. Tum in suscipiendo onere consulat suas vires. Nam quædam sunt inimitabilia, quibus aut infirmitas nature

H h h h 2

non

CAP. II. non sufficiat, aut diversitas repugnet. Nec cui tenue ingenium erit, sola velit fortia & abrupta: cui forte quidem, sed indomitum, amore subtilitatis & vim suam perdat, & elegantiam quam cupit, non assequatur. Nihil est enim tam indecens, quam cum mollia durescunt. Atque ego illi præceptori quem instituebam in libro secundo, tradidi non ea sola docenda esse, ad quæ quemque discipulorum natura compositum videret. Nam is & adjuvare debet quæ in quoque eorum invenerit bona, & quantum fieri potest, adjicere quæ desunt, & emendare quædam & mutare. Rector enim est alienorum ingeniorum atque formator: difficilius est naturam suam fingere. Sed ne ille quidem doctor, quanquam omnia quæ recta sunt, velit esse in suis auditoribus quam plenissima, in eo tamen cui naturam ob stare viderit, laborabit. Id quoque vitandum (in quo magna pars erat) ne in oratione poëtas nobis & historicos, in illorum operibus oratores aut declamatores imitandos putemus. Sua cuique proposita lex, suus cuique decor est. Nec comœdia in cothurnos assurgit, nec contra tragoedia focculo ingreditur. Habet tamen omnis eloquentia aliquid commune. Id imitemur, quod commune est. Etiam hoc solet incommodi accidere iis qui se uni alicui generi dediderunt, ut si asperitas his placuit alicujus, hanc etiam in leni ac remisso causarum genere non exuant: si tenuitas, aut nuditas; in asperis gravibusque causis ponderi rerum parum respondeant: cum sit diversa non causarum modo inter ipsas conditio, sed in singulis etiam causis partium: sintque alia leniter, alia aspere, alia concitate, alia remisse, alia docendi, alia movendi gratia dicenda:

quo-

quorum omnium dissimilis atque diversa inter se ratio est. Itaque ne hoc quidem suaserim, uni se alicui proprie, quem per omnia sequatur, addicere. Longe perfectissimus Græcorum Demosthenes, aliquid tamen aliquo in loco melius alii. Plurima ille: sed non qui maxime imitandus, etiam solus imitandus est. Quid ergo? non est satis omnia sic dicere, quomodo Marcus Tullius dixit? Mihi quidem satis esset, si omnia consequi possem. Quid tamen nocet, vim Cæsaris, asperitatem Cælii, diligentiam Pollionis, iudicium Calvi, quibusdam in locis assumere? Nam præter id quod prudentis est, quod in quoque optimum est, si possit, suum facere: tum in tanta rei difficultate unum intuentes, vix aliqua pars sequitur. Ideoque cum totum exprimere quem elegeris, pene sit homini inconcessum: plurimum bona ponamus ante oculos, ut aliud ex alio hæreat, & quo quidque loco conveniat, aptemus. Imitatio autem (nam sæpius idem dicam) non sit tantum in verbis. Illuc intendenda mens, quantum fuerit illis viris decori in rebus atque personis, quod consilium, quæ dispositio, quam omnia etiam quæ delectationi videantur data, ad victoriam spectent: quid agatur procæmio, quæ ratio & quam varia narrandi, quæ vis probandi ac refellendi, quanta in affectibus omnis generis movendis scientia, quantaque laus ipsa popularis utilitatis gratia assumpta: quæ tum est pulcherrima, cum sequitur, non cum arcessitur. Hæc si præviderimus, tum vere imitabimur. Qui vero etiam propria bona adjecerit, ut suppleat quæ deerant, circumcidat si quid redundabit, is erit (quem quærimus) perfectus orator: quem nunc consummari potissimum oportet.

Hhhh 3

bat,

CAP. II. bat, cum tanto plura exempla bene dicendi supersint, quam illis qui adhuc summi sunt, contigerunt. Nam erit hæc quoque laus eorum, ut priores superasse, posteros docuisse dicantur.

CAP. III. ET hæc quidem auxilia extrinsecus adhibentur. In iis autem quæ nobis ipsis paranda sunt, ut laboris, sic utilitatis etiam longe plurimum affert stylus. Nec immerito M. Tullius hunc optimum effectorem ac magistrum dicendi vocat. Cui sententiæ personam L. Crassi in disputationibus quæ sunt de oratore assignando, iudicium suum cum illius auctoritate conjunxit. Scribendum ergo quam diligentissime, & quam plurimum. Nam ut terra altius effossa generandis alendisque seminibus fecundior: sic profectus non a summo petitus, studiorum fructus effundit uberius, & fidelius continet. Nam sine hac quidem conscientia, ipsa illa ex tempore dicendi facultas, inanem modo loquacitatem dabit, & verba in labris nascentia. Illic radices, illic fundamenta sunt: illic opes velut sanctiore quodam ærario reconditæ, unde ad subitos casus, cum res exiget, proferantur. Vires faciamus ante omnia, quæ sufficiant labori certaminum, & usu non exhauriantur. Nihil enim rerum ipsa natura voluit magnum effici cito, præposuitque pulcherrimo cuique operi difficultatem, quæ nascendi quoque hanc fecerit legem, ut majora animalia diutius visceribus parentum continerentur. Sed cum sit duplex quaestio, *quomodo*, & *quæ* maxime scribi oporteat, jam hunc ordinem sequar. Sit primo vel tardus, dum diligens stylus; quæramus optima, nec protinus se offerentibus gaudemus: adhibeatur iudicium inventis, dispo-

dispositio probatis. Delectus enim rerum verborumque agendus est, & pondera singulorum examinanda. Post subeat ratio collocandi, versenturque omni modo numeri: non ut quodque se proferet verbum, occupet locum. Quæ quidem ut diligentius exequamur, repetenda sæpius erunt scriptorum proxima. Nam præter id quod sic melius junguntur prioribus sequentia, calor quoque ille cogitationis, qui scribendi mora refrixit, sic recipit ex integro vires, & velut repetito spatium sumit impetum; quod in certamine saliendi fieri videmus, ut conatum longius petant, & in illud quo contenditur spatium, cursu ferantur: utque in jaculando brachia reducimus, & expulsuri tela, nervos retro tendimus. Interim tamen, si feret flatus, danda sunt vela, dum nos indulgentia illa non fallat. Omnia enim nostra dum nascuntur, placent: alioqui nec scriberentur. Sed redeamus ad iudicium, & retractemus suspectam facilitatem. Sic scripsisse Sallustium accepimus: & sane manifestus est etiam ex opere ipso labor. Virgilium quoque paucissimos die composuisse versus, auctor est Varus. Oratoris quidem alia conditio est. Itaque hanc moram & sollicitudinem initiis impero. Nam primum hoc constituendum, ac obtinendum est, ut quam optime scribamur: celeritatem dabit consuetudo. Paulatim res facilius se ostendent, verba respondebunt, compositio prosequetur: cuncta denique, ut in familia bene instituta, in officio erunt. Summa hæc est rei: Cito scribendo non fit ut bene scribatur, bene scribendo, fit ut cito. Sed tum maxime cum facultas illa contigerit, resistamus, & provideamus, & ferocientes equos frenis quibusdam coercemus: quod non tam moram faciet, quam novos impetus dabit.

CAP. III. dabit. Nec enim rursus eos qui robur aliquod in stylo fecerint, ad infelicem calumniandi sese poenam alligandos puto. Nam quomodo sufficere civilibus officiis possit, qui singulis actionum partibus insenescat? Sunt autem quibus nihil sit satis: omnia mutare, omnia aliter dicere quam occurrat, velint: increduli quidam, & de ingenio suo pessime meriti, qui diligentiam putant, facere sibi scribendi difficultatem. Nec promptum est dicere, utros peccare validius putem, quibus omnia sua placent, an quibus nihil. Accidit enim etiam ingeniosis adolescentibus frequenter, ut labore consumantur, & in silentium usque descendant nimia bene dicendi cupiditate. Qua de re memini narrasse mihi Julium Secundum illum æqualem meum, atque a me, ut notum est, familiariter amatum, miræ facundiæ virum, infinitæ tamen curæ, quid esset sibi a patruo suo dictum. Is fuit Julius Florus, in eloquentia Galliarum (quoniam ibi demum exercuit eam) princeps, alioqui inter paucos disertus, & dignus illa propinquitate. Is cum Secundum scolarum adhuc operatum, tristem forte vidisset, interrogavit; Quæ causa frontis tam obductæ? nec dissimulavit tum adolescens, tertium jam diem esse, quod omni labore materiæ ad scribendum destinatæ non inveniret exordium: quo sibi non præsens tantum dolor, sed etiam desperatio in posterum fieret. Tum Florus arridens; *Nunquid tu, inquit, melius dicere vis, quam potes?* Ita se res habet: Curandum est ut quam optime dicamus; dicendum tamen pro facultate. Ad profectum enim opus est studio, non indignatione. Ut possimus autem scribere etiam plura, & celerius, non exercitatio modo præstabit, in qua
sine

sine dubio multum est, sed etiam ratio; si non resupini, spectantesque tectum, & cogitationem murmure agitantes, expectaverimus quid obveniat, sed quid res poscat, quid personam deceat, quod sit tempus, qui iudicis animus intuiti, humano quodam modo ad scribendum accesserimus. Sic nobis & initia, & quæ sequuntur, natura ipsa præscribit. Certa sunt enim pleraque, & nisi conniveamus, in oculos incurrunt: ideoque nec indocti nec rustici diu quærunt unde incipiant: quo pendendum est magis si difficultatem facit doctrina. Non ergo putemus semper optimum esse, quod latet; immutescamus alioqui, si nihil dicendum videatur, nisi quod non invenimus. Diversum est huic eorum vitium, qui primo decurrere per materiam stylo quam velocissimo volunt, & sequentes calorem atque impetum, ex tempore scribunt: hanc sylvam vocant. repetunt deinde, & componunt quæ effuderant: sed verba emendantur & numeri, manet in rebus temere congestis quæ fuit levitas. Protinus ergo adhibere curam rectius erit, atque ab initio sic opus ducere, ut calandum, non ex integro fabricandum sit. Aliquando tamen affectus sequemur, in quibus fere plus calor quam diligentia valet. Satis apparet ex eo quod hanc scribentium negligentiam damno, quid de illis distandi delitiis sentiam. Nam in stylo quidem quamlibet properato dat aliquam cogitationi moram non consequens celeritatem ejus manus: ille cui dictamus, urget, atque interim pudent etiam dubitare, aut resistere, aut mutare, quasi conscium infirmitatis nostræ timentes. Quo fit, ut non rudia tan-

CAP. III. tum, & fortuita, sed impropria interim, dum sola est connectendi sermonis cupiditas, effluant: quæ nec scribentium curam, nec dicentium impetum consequantur. At idem ille qui excipit, si tardior in scribendo, aut inertior in legendo velut offensor fuerit, inhibetur cursus, atque omnis quæ erat conceptæ mentis intentio, mora & interdum iracundia excutitur. Tum illa quæ altiore animi motum sequuntur, quæque ipsa animum quodammodo concitant, quorum est jactare manum, torquere vultum, simul vertere latus, & interim objurgare, quæque Persius notat cum leviter dicendi genus significat;

Nec pluscuma, inquit, cedit, nec demiorfos sapit angues: etiam ridicula sunt, nisi cum soli sumus. Denique ut semel quod est potentissimum dicam: secretum (quod dictando perit) atque liberum arbitris locum, & quam altissimum silentium scribentibus maxime convenire nemo dubitaverit. Non tamen protinus audiendi, qui credunt aptissima in hoc nemora, sylvasque; quod illa cœli libertas, locorumque amœnitas, sublimem animum, & lætiorem spiritum parent. Mihi certe jucundus hic magis, quam studiorum hortator videtur esse secessus. Namque illa ipsa quæ delectant, necesse est avocent ab intentione operis destinati. Neque enim se bona fide in multa simul intendere animus totum potest: & quocunque respexerit, desinit intueri quod propositum erat. Quare sylvarum amœnitas, & præterlabentia flumina, & inspirantes ramis arborum auræ, volucrumque cantus, & ipsa late circumspiciendi libertas, ad se trahunt; ut mihi remitt-

remittere potius voluptas ista videatur cogitationem, quam intendere. Demosthenes melius, qui se in locum a quo nulla exaudiri vox, & ex quo nihil prospici poterat, recondebat, ne aliud agere mentem cogèrent oculi. Ideoque lucubran-tes, silentium noctis, & clausum cubiculum, & lumen unum velut tectos maxime teneat. Sed cum in omni studiorum genere, tum in hoc præcipue bona valetudo, quæque eam maxime præstat frugalitas, necessaria est: cum tempora ab ipsa rerum natura ad quietem refectionemque nobis data, in acerrimum laborem convertimus. Cui tamen non plus irrogandum est, quam quod somno supererit, haud deerit. Obstat enim diligentis scribendi etiam fatigatio: & abunde si vacet, lucis spatia sufficiunt: occupatos in noctem necessitas agit. Est tamen lucubratio, quoties ad eam integri ad refectionem venimus, optimum secreti genus. Sed silentium & secessus, & undique liber animus, ut sunt maxime optanda, ita non semper possunt contingere: ideoque non statim si quid obstroper, abjiciendi codices erunt, & deplorandus dies: verum incommodis repugnandum, & hic faciendus usus, ut omnia quæ impediunt, vincat intentio, quam si tota mente in opus ipsum direxeris, nihil eorum quæ oculis vel auribus incurstant, ad animum perveniet. An vero frequenter etiam, fortuita hoc cogitatio præstat, ut obvios non videamus, & itinere decoremus: non consequemur idem si & voluerimus? Non est indulgendum causis desidia. Nam si non nisi refectioni, non nisi hilares, non nisi omnibus aliis curis vacantes, studendum existimaverimus, sem-

CAP. III. per erit propter quod nobis ignoscamus. Quare in turba, itinere, conviviiis, vel concione etiam faciat sibi cogitatio ipsa secretum. Quid alioqui fiet, cum in medio foro, tot circumstantibus iudiciis, iurgiis, fortuitis etiam clamoribus, erit subito continua oratione dicendum, si particulas quas ceris mandamus, nisi in solitudine reperire non possumus? Propter quæ idem ille tantus amator secreti Demosthenes, in littore in quod se maximo cum sono fluctus ilhideret, meditans, consuescebat concionum fremitus non expavescere. Illa quoque minora (sed nihil in studiis parvum est) non sunt transeunda, scribi optime ceris, in quibus facillima est ratio delendi: nisi forte visus infirmior membranarum potius usum exiget: quæ ut juvant aciem, ita crebra relatione, quoad intinguntur calami, morantur manum, & cogitationis impetum frangunt. Relinquendæ autem in utrolibet genere vacuæ tabellæ, in quibus libera abjiciendi sit excursio. Nam interim pigritiam emendandi angustia faciunt, aut certe novorum interpositione priora confundunt. Ne latas quidem ultra modum esse ceras velim, expertus juvenem studiosum alioqui prælongos habuisse sermones, quia illos numero versuum metiebatur: idque vitium, quod frequenti admonitione corrigi non potuerat, mutatis codicibus esse sublatum. Debet vacare etiam locus, in quo notentur quæ scribentibus solent extra ordinem, id est ex aliis quam qui sunt in manibus loci, occurrere. Irumpunt enim optimi nonnunquam sensus, quos neque inferere oportet, neque differre tutum est: quia interim elabuntur, interim memoriae suæ in-

ten-

tentos, ab alia inventionione declinant: ideoque optime sunt in deposito. CAP. III.

SEQUITUR emendatio, pars studiorum longe utilissima. Neque enim sine causa creditum est, stylum non minus agere, cum delet. Hujus autem operis est, adjicere, detrahere, mutare. Sed facilius in his simpliciusque judicium, quæ replenda vel dejienda sunt: premere vero tumentia, humilia extollere, luxuriantia stringere, inordinata digerere, soluta componere, exultantia coercere, duplicis operæ. Nam & damnanda sunt quæ placuerant, & invenienda quæ fugerant. Nec dubium est optimum esse emendandi genus si scripta in aliquod tempus reponantur, ut ad ea post intervallum, velut nova atque aliena redeamus, ne nobis scripta nostra tanquam recentes foetus blandiantur. Sed neque hoc contingere semper potest, præsertim oratori, cui sæpius scribere ad præsentis usus necesse est: & ipsa emendatio finem habet. Sunt enim qui ad omnia scripta tanquam vitiosa redeant, & quasi nihil fas sit rectum esse quod primum est, melius existiment quicquid est aliud: idque faciant quoties librum in manus resumserint, similes medicis etiam integra secantibus. Accidit itaque ut cicatricosa sint, & exanguia, & cura pejora. Sit igitur aliquando quod placeat, aut certe quod sufficiat: ut opus poliat lima, non exerat. Temporis quoque esse debet modus. Nam quod Cinnæ *Smyrnæ* novem annis accepimus scriptam, & Panegyricum Isocratis, qui parcissime, decem annis dicunt elabora-

CYP. IV. tum, ad oratorem nihil pertinet: cujus nullum erit, si tam tardum fuerit, auxilium.

CAP. V. PROXIMUM est ut dicamus quæ præcipue scribenda sint. Hoc exuberantis quidem est operis, ut explicemus quæ sint materiæ: quæ prima aut secunda, aut deinceps tractanda sint. Nam id factum est etiam primo libro, quo puerorum: & secundo, quo jam robustorum studiis ordinem dedimus: sed de quo nunc agitur, unde copia & facilitas maxime veniat. Vertere græca in latinum veteres nostri oratores optimum judicabant. Id. se L. Crassus in illis Ciceronis de Oratore libris dicit fecisse. Id. Cicero sua ipse persona frequentissime præcipit: quin etiam libros Platonis atque Xenophontis edidit hoc genere translatos. Idem Messalæ placuit; multæque sunt ab eo scriptæ ad hunc modum orationes: adeo ut etiam cum illa Hyperidis pro Phryne, difficillima Romanis subtilitate, contenderet. Et manifesta est exercitationis hujus ratio. Nam & rerum copia Græci auctores abundant, & plurimum artis in eloquentiam intulerunt: & hos transferentibus, verbis uti optimis licet. Omnibus enim utimur nostris: figuras vero, quibus maxime ornatur oratio, multas ac varias excogitandi etiam necessitas quædam est: quia plerumque a Græcis Romana dissentiant. Sed & illa ex Latinis conversio, multum & ipsa contulerit. Ac de carminibus quidem neminem credo dubitare, quo solo genere exercitationis dicitur usus esse Sulpitius. Nam & sublimis spiritus attollere orationem potest: & verba poetica libertate audaciora,
nec

nec præsumunt eadem proprie dicendi facultatem ; sed & ipsis sententiis adjicere licet oratorium robur, & omiſſa ſupplere , & effuſa ſubſtringere. Neque ego *παράφρασις* eſſe interpretationem tantum vo-
lo , ſed circa eodem ſenſus certamen atque æmu-
lationem. Ideoque ab illis diſſentio , qui vertere
orationes latinas vetant , quia optimis occupatis,
quicquid aliter dixerimus , neceſſe ſit eſſe deterius.
Nam & ſemper eſt ſperandum , aliquid illis quæ di-
cta ſunt , melius poſſe reperiri : neque adeo jeju-
nam ac pauperem natura eloquentiam fecit , ut una
de re bene dici niſi ſemel non poſſit. Niſi forte
hiſtrionum multa circa voces eaſdem variare geſtus
poſteſt ; orandi minor viſ , ut dicatur aliquid , poſt
quod in eadem materia nihil dicendum ſit. Sed eſto,
neque melius quod invenimus ſit , neque par : eſt
certe proximus locus. An vero ipſi non bis ac ſæpius
de eadem re dicimus , & quidem continuas nonnun-
quam ſententias ? Niſi forte contendere nobiſcum
poſſumus , cum aliis non poſſumus. Nam ſi uno
tantum genere bene diceretur , fas erat exiſtimari
præcluſam nobis a prioribus viam in dicendo. Nunc
vero innumerabiles ſunt modi , plurimæque eodem
viæ ducunt. Sua brevitati gratia , ſua copiæ ; alia
translatis virtus , alia propriis. Hoc oratio recta , il-
lud figura declinata commendat. Ipſa denique uti-
liſſima eſt exercitationi difficultas. Quid quod
auctores maximi ſic diligentius cognoscuntur ? Non
enim ſcripta , lectione ſecura tranſcurrimus : ſed
tractamus ſingula & neceſſario introſpicimus : &
quantum virtutis habeant , vel hoc ipſo cognoscei-
mus,

CAP. V. mus, quod imitari non possumus. Nec aliena tantum transferre, sed etiam nostra pluribus tractare proderit: ut ex industria sumamus sententias quasdam, easque versemus quam numerosissime, velut eadem cera aliæ atque aliæ formæ duci solent. Plurimum autem parari facultatis existimo ex simplicissima quaque materia. Nam in illa multiplici personarum, causarum, temporum, locorum, dictorum, factorum diversitate facile delitescet infirmitas, tot se undique rebus, ex quibus aliquam apprehendas, offerentibus. Illud virtutis indicium est, fundere quæ natura contracta sunt, augere parva: varietatem similibus, voluptatem expositis dare, & bene dicere multa de paucis. In hoc optime facient infinitæ quæstiones, quas vocari *Diæreses* diximus, quibus Cicero jam princeps in republica, exerceri solebat. His confinis est destructio & confirmatio sententiarum. Nam cum sit sententia, decretum quoddam atque præceptum, quod de re, idem de iudicio rei quæri potest. Tum loci communes, quos etiam scriptos ab oratoribus scimus. Nam qui hæc recta tantum, & in nullos flexus recedentia copiose tractaverit, utique in illis plures excursus recipientibus magis abundabit, eritque in omnes causas paratus. Omnes enim generalibus quæstionibus constant. Nam quid interest, Cornelius Tribunus plebis quod codicem legerit, reus sit: an quæramus, violeturne majestas, si magistratus rogationem suam populo ipse recitaverit? Milo Clodium rectene occiderit, veniat in iudicium: an, oporteatne insidiatorem interfici; vel perniciosum republicæ civem, etiam-

etiamsi non infidietur? Cato Martiam honeste tradiderit Hortensio; an, conveniatne res talis bono viro? De personis judicatur, sed de rebus contenditur. Declamationes vero, quales in scholis rhetorum dicuntur, si modo sunt ad veritatem accommodatæ, & orationibus similes, non tantum dum adolescens profectus, sunt utilissimæ, quæ inventionem & dispositionem pariter exercent, sed etiam cum est consummatus, ac jam in foro clarus. Ali- tur enim atque enitescit velut pabulo lætiore facun- dia, & assidua contentionum asperitate fatigata re- novatur. Quapropter historiæ nonnunquam uber- tas in aliqua exercendi styli parte ponenda, & dia- logorum libertate gestiendum. Ne carmine quidem ludere contrarium fuerit: sicut athletæ remissa qui- busdam temporibus ciborum atque exercitationum certa necessitate, otio & jucundioribus epulis refi- ciuntur. Ideoque mihi videtur M. Tullius tantum intulisse eloquentiæ lumen, quod in hos quoque studiorum secessus excurrit. Nam si nobis sola ma- teria fuerit ex litibus, necesse est deteratur fulgor, dure scat articulus, & ipse ille mucro ingenii quoti- diana pugna retundatur. Sed quemadmodum fo- rensis certaminibus exercitatos, & quasi militan- tes reficit ac reparat hæc velut sagina dicendi: sic adolescentes non debent nimium in falsa rerum ima- gine detineri, & inanibus simulacris: usque adeo ut difficile ab his digressos sit assuefacere, ne ab il- la in qua prope consenuerint umbra, vera disci- mina velut quendam solem reformident: quod ac- cidisse etiam Porcio Latroni, qui primus clari no- minis professor fuit, traditur: ut cum ei summam

CAP. V.

K k k

in

CAP. V. in scholis opinionem obtinenti, causa in foro esset oranda, impense petierit, uti subsellia in basilicam transferrentur. Ita illi cœlum novum fuit, ut omnis ejus eloquentia contineri testis ac parietibus videretur. Quare juvenis qui rationem inveniendi eloquendique a præceptoribus diligenter acceperit, (quod non est infiniti operis, si docere sciant & velint) exercitationem quoque modicam fuerit consecutus, oratorem sibi aliquem (quod apud majores fieri solebat) deligat, quem sequatur, quem imitetur; judiciis intersit quamplurimis, & sit certaminis cui destinatur, frequens spectator: tum causas vel easdem quas agi audierit, stylo & ipse componat, vel etiam alias, veras modo, & utrinque tractet: & quod in gladiatoribus fieri videmus, dextris & lævia exerceatur: ut fecisse Brutum diximus pro Milone. Melius hoc, quam rescribere veteribus orationibus, ut fecit Sestius contra Ciceronis actionem habitam pro eodem, cum alteram partem satis nosse non posset ex sola defensione. Citius autem sic idoneus erit juvenis, quem præceptor coegerit in declamando quam simillimum esse veritati, & per totas ire materias: quarum nunc facillima, & maxime favorabilia decerpunt. Obstat huic, quod secundo libro posui, frequens turba discipulorum, & consuetudo classium certis diebus audiendarum: nonnihil etiam persuasio patrum, numerantium potius declamationes, quam æstimatorum. Sed (quod dixi primo, ut arbitror, libro) nec ille se bonus præceptor majore numero quam sustinere possit, onerabit: & nimiam loquacitatem recidet, ut omnia quæ sunt in controversia, non
(ut

(ut quidam volunt) quæ in rerum natura, dicantur: & vel longiore potius dierum spatio laxabit dicendi necessitatem, vel materias dividere permittet. Una enim diligenter effecta plus proderit, quam plures inchoate & quasi degustate. Propter quod accidit, ut nec suo loco quicque ponatur; nec illa quæ prima sunt, servent suam legem: juvenibus flosculos omnium partium in ea quæ sunt dicturi congerentibus: quo fit, ut timentes ne sequentia portant, priora confundant. CAP. V.

PROXIMA stylo cogitatio est, quæ & ipsa vires ab hoc accipit, & est inter scribendi laborum, extemporalemque fortunatam media quædam, & nescio an usus frequentissimus. Nam scribere nec ubique nec semper possumus: cogitationi temperis ac loci plurimum est. Hæc paucis admodum horis magnas etiam causas complectitur. Hæc quoties intermissus est somnus, ipsis noctis tenebris adjuvatur. Hæc inter medios rerum actus, aliquid invenit vacui, nec otium patitur. Neque vero rerum ordinem modo (quod ipsum satis erat) intra se ipsa disponit, sed verba etiam copulat, totamque ita contextit orationem, ut ei nihil præter manum desit. Nam memoriæ quoque plerumque inhaeret fideliter, quod nulla scribendi securitate laxatur. Sed ne ad hanc quidem vim cogitandi perveniri potest, aut subito, aut cito. Nam primum facienda multo stylo forma est, quæ nos etiam cogitantes sequatur, tum assumendus usus paulatim, ut pauca primum complectamur animo, quæ reddi fideliter possint: mox per incrementa tam modica, ut onerari CAP. VI.

CAP. VI. rari se labor ille non sentiat, augenda usu, & exercitatione multa continenda est, quæ quidem maxima ex parte memoria constat: ideoque aliqua mihi in illum locum differenda sunt. Eo tamen pervenit, ut is cui non refragetur ingenium, acri studio adjutus tantum consequatur, ut ea etiam quæ cogitarit æque ac quæ scripserit atque edidicerit, in dicendo fidem servent. Cicero certe Græcorum Metrodorum Scepsium, & Eriphylum Rhodium, nostrorumque Hortensium tradidit, quæ cogitaverant, ad verbum retulisse in agendo. Sed si forte aliquis inter dicendum effulserit extemporalis calor, non superstitiose cogitatis demum est inherendum. Neque enim tantam habent curæ, ut non sit dandus & fortunæ locus, cum sæpe etiam scriptis ea quæ subito nata sunt, inserantur. Ideoque totum hoc exercitationis genus ita instituendum est, ut & digredi ex eo, & redire in id facile possimus. Nam ut primum est domo afferre paratam dicendi copiam, & certam: ita refutare temporis munera longe stultissimum est. Quare cogitatio in hoc præparetur, ut nos fortuna decipere non possit, adjuvare possit. Id autem fiet memoriæ viribus, ut illa quæ complexi animo sumus, fluant secunda, non sollicitos & respicientes, & una spe suspensos recollectionis, non sinant providere: alioqui vel extemporalem temeritatem malo, quam male coherentem cogitationem. Pejus enim quaeritur retrorsus, quia cum illa desideramus, ab aliis avertimur: & ex memoria potius res petimus, quam ex materia. Plura sunt autem, si utrumque quaerendum est, quæ inveniri possunt, quam quæ inventa sunt.

MAXI-

MAXIMVS vero studiorum fructus est, & velut præmium quoddam amplissimum longi laboris, ex tempore dicendi facultas : quam qui non erit consecutus, mea quidem sententia civilibus officiis renunciabit, & solam scribendi facultatem potius ad alia opera convertet. Vix enim bonæ fidei viro convenit auxilium in publicum polliceri, quod in præsentissimis quibusque periculis desit : ut indicare portum, ad quem navis accedere nisi lenibus ventis vecta, non possit. Siquidem innumerabiles accidunt subitæ necessitates, vel apud magistratus vel repræsentatis judiciis continuo agendi. Quarum si qua non dico cuicunque innocentium civium, sed amicorum ac propinquorum alicui evenerit, stabitne mutus, & salutarem petentibus vocem, statim, si non succurratur, perituris, moras & secessum & silentium quæret, dum illa verba fabricentur, & memoriæ insidant, & vox ac latus præparetur? Quæ vero patitur hoc ratio ut quisquam sit orator aliquando imparatus ad casus? Quid, cum adversario respondendum erit, fiet? Nam sæpe ea quæ opinati sumus, & contra quæ scripsimus, fallunt, ac tota subito causa mutatur. Atque ut gubernatori ad incursum tempestatum, sic agentr̃ ad varietatem causarum ratio mutanda est. Quid porro multus stylus, & assidua lectio, & longa studiorum ætas facit, si manet, eadem quæ fuit incipientibus difficultas? Periisse profecto confitendum est præteritum laborem, cui semper idem laborandum est. Neque ego hoc ago, ut ex tempore dicere malit, sed ut possit. Id autem maxime hoc modo consequemur. Nota sit primum dicendi via. Neque enim prius contin-

Kkkk 3

gere

CAP. VII.

CAP. VII. gere cursus potest, quam scierimus quo sit & qua perveniendum. Nec satis est non ignorare quæ sunt causarum judicialium partes, aut quæstionum ordinem recte disponere, quanquam ista sunt præcipua: sed quid quoque loco primum sit, quid secundum, ac deinceps: quæ ita sunt natura copulata, ut mutari aut intervelli sine confusione non possint. Quisquis autem viam qua sit ingrediendum discet, ducetur ante omnia rerum ipsa serie, velut duce: propter quod homines etiam modice exercitati, facillime tenorem in narrationibus servant. Deinde, quid quoque loco quærant, scient: nec circumspiciant, nec offerentibus se aliunde sensibus turbantur: nec confundent ex diversis orationem, velut salientes huc illuc, nec usquam insistentes. Postremo habebunt modum & finem, qui esse citra divisionem nullus potest. Expletis pro facultate omnibus quæ proposuerint, pervenisse se ad ultimum sentient. Et hæc quidem ex arte, illa vero ex studio, ut copiam sermonis optimi, quemadmodum præceptum est, comparemus: multo ac *fideli stylo* sic formetur oratio, ut scriptorum colorem etiam qui subito effusa sunt, reddant, ut cum multa scripsimus, etiam multa dicamus. Nam consuetudo & exercitatio facilitatem maxime parit, quæ si paululum intermissa fuerit, non velocitas illa modo datur, sed & *vix per se* ipsum coit atque concurret. Quanquam enim opus est naturali quadam mobilitate animi, ut dum proxima dicimus, struere ulteriora possimus, semperque nostram vocem provisam & formata cogitatio excipiat: vix tamen aut natura aut ratio in tam multiplex officium ducere possunt.

num queat, ut inventioni, dispositioni, elocutioni, ordini rerum verborumque, tum iis quæ dicit, quæ subjuncturus est, quæ ultra spectanda sunt, adhibita vocis, pronunciationis, gestus observatione, una sufficiat. Longe enim præcedat oportet intentio, ac præ se res agat: quantumque dicendo consumitur, tantum ex ultimo prorogetur: ut donec perveniamus ad finem, non minus prospectu procedamus quam gradu, si non interistentes offensantesque brevia illa atque concisa singulantium modo ejecturi simus. Est igitur usus quidam irrationabilis, quem Græci *ἄλογον τρεβήν* vocant, quo manus in scribendo decurrit, quo oculi totos simul in lectione versus flexusque eorum & transitus intuentur & ante sequentia vident, quam priora dixerunt. Quo constant miracula illa in scenis pilariorum ac ventilatorum, ut ea quæ emiserint, ultro venire in manus credas, & quæ jubentur decurrere. Sed hic usus ita proderit, si ea de quæ locuti sumus ars antecesserit, ut ipsum illud quod in se rationem non habet, in ratione versetur. Nam mihi ne dicere quidem videtur, nisi qui disposite, ornate, copiose dicit. Sed nec tumultuarii nec fortuiti sermonis contextum mirabor unquam, quem jurgantibus etiam mulierculis superfluere video: quod si calor ac spiritus tulit (frequenter enim accidit, ut successum extemporalem consequi cura non possit) Deum tunc affuisse, cum id evenisset, veteres oratores (ut Cicero dicit) agebant. Sed ratio manifesta est. Nam bene concepti affectus & recentes rerum imagines continuo impetu feruntur, quæ nonnunquam mora styli refrigescunt, & dilatæ non revertuntur. Utique verò
cum

CAP. VII. cum infelix illa verborum cavillatio accessit, & cursus ad singula vestigia resistit, non potest ferri contorta vis, sed ut optime vocum singularum cedat electio, non continua, sed composita est. Quare capiendæ sunt illæ de quibus dixi, rerum imagines, quas vocari *Παράρτιας* indicavimus, omniaque de quibus dicturi erimus, personæ, quæstiones, spes, metus, habenda in oculis, in affectus recipienda. Pectus est enim quod disertos facit, & vis mentis. Ideoque imperitis quoque, si modo sunt aliquo affectu concitati, verba non desunt. Tum intendendus animus, non in aliquam rem unam, sed in plures simul continuas: ut si per aliquam rectam viam mittamus oculos, simul omnia quæ sunt in ea circaque intuemur, non ultimum tantum videmus, sed usque ad ultimum. Addit ad dicendum etiam pudor stimulos, addit & dicendorum exspectata laus: mirumque videri potest, quod cum stylus secreto gaudeat, atque omnes arbitros reformidet, extemporale actio auditorum frequentia, ut miles congestu signorum excitatur. Namque & difficiliorem cogitationem exprimit & expellit dicendi necessitas, & secundos impetus augeat placendi cupido. Adeo præmium omnia spectant, ut eloquentia quoque, quanquam plurimum habeat in se voluptatis, maxime tamen præsentis fructu laudis opinionisque ducatur. Nec quisquam tantum fidat ingenio, ut id sibi speret incipienti statim posse contingere: sed sicut in cogitatione præcepimus, ita facultatem quoque extemporalem a parvis initiis paulatim perducemus ad summam: quæ neque perfici neque contineri nisi usu potest. Cæterum per-
venire

venire eo debet , ut cogitatio non utique melior sit CAP. VII.
ea , sed tutior ; cum hanc facilitatem , non in
prosa modo multi consecuti , sed etiam in carmi-
ne , ut Antipater Sidonius , & Licinius Archias.
Credendum enim Ciceroni est : non quia nostris
quoque temporibus non & fecerint quidam hoc &
faciant , quod tamen ipsum non tam probabile pu-
to (neque enim habet aut usum res aut necessita-
tem) quam exhortandis in hanc spem , qui foro
præparantur, utile exemplum. Neque vero tantam
esse unquam fiduciam facilitatis velim , ut non bre-
ve saltem tempus ; quod nusquam fere deerit , ad
ea quæ dicturi sumus , dispicienda sumamus ; quod
quidem in judiciis ac foro datur semper. Neque
enim quisquam est , qui causam quam non didice-
rit , agat. Declamatores quosdam perversa ducit
ambitio , ut exposita controversia protinus dicere
velint : quin etiam , quod est in primis frivolum ac
scenicum , verbum petant quo incipiant. Sed tam
contumeliosos in se ridet invicem eloquentia : &
qui stultis videri eruditi volunt , stulti eruditis viden-
tur. Si qua tamen fortuna tam subitam fecerit agen-
di necessitatem , mobiliore quodam opus erit inge-
nio , & vis omnis intendenda rebus , & in præsen-
tia remittendum aliquid ex cura verborum , si sequi
utrumque non dabitur. Tum & tardior pronuncia-
tio moras habet , & suspensa ac velut dubitans ora-
tio : ut tamen deliberare , non hæsitare videamur.
Hoc, dum egredimur e portu , si nos nondum a-
ptatis satis armamentis aget ventus : deinde paulatim
simul euntes aptabimus vela, & disponemus rudentes,

CAP. VII. & impleri sinus optabimus. Id potius quam se inani verborum torrenti dare quasi tempestatibus, quo volent, auferendum. Sed non minore studio continetur hæc facultas, quam paratur. Ars enim semel percepta, mora labitur. Stylus quoque intermissione paulum admodum de celeritate deperdit: promtum hoc, & in expedito positum, exercitatione sola continetur. Hac uti sic optimum est, ut quotidie dicamus audientibus pluribus, maxime de quorum simus iudicio ac opinione solliciti: rarum est enim ut satis se quisquam vereatur. Vel soli tamen dicamus potius, quam non omnino dicamus. Est alia exercitatio cogitandi, & quasque materias vel silentio (dum tamen quasi dicat intra seipsum) persequendi, quæ nullo non & tempore & loco, quando non aliud agimus, explicari potest: & est in parte utilior, quam hæc proxima. Diligentius enim componitur quam illa, in qua contextum dicendi intermittere veremur. Rursus illa prior plus confert, vocis firmitatem, oris facilitatem, motum corporis, qui & ipse, ut dixi, excitat oratorem, & jactatione manus, pedis suppletionem, sicut cauda leones facere dicuntur, hortatur. Studendum vero semper, & ubique. Neque enim fere tam est ullus dies occupatus, ut nihil lucrativæ, ut Cicero Brutum facere tradit, operæ ad scribendum, aut ad legendum, aut dicendum rapi aliquo momento temporis possit. Siquidem C. Carbo etiam in tabernaculo solebat hac uti exercitatione dicendi. Ne id quidem tacendum est, quod eidem Ciceroni placet, nullum nostrum usquam negligentem esse sermonem: quicquid loquemur, ubicunque, sit

fit pro sua scilicet portione perfectum. Scribendum CAP. VII.
certe nunquam est magis, quam cum multa dicemus
ex tempore. Ita enim servabitur pondus, & innatans
illa verborum facilitas in altum reducetur, sicut ru-
stici proximas vitis radices amputant, quæ illam in
summum solum ducant, ut inferiores penitus descen-
dendo firmentur. Ac nescio an utrunque cum cura
& studio fecerimus, invicem profit, ut scribendo di-
camus diligentius, dicendo scribamus facilius. Scri-
bendum ergo, quoties licebit: si id non dabitur, co-
gitandum: ab utroque exclusi, debet tamen dicere: ut
neque deprehensus orator, neque litigator destitutus
esse videatur. Plerumque autem multa agentibus ac-
cidit, ut maxime necessaria, & utique initia scribant,
cætera quæ domo afferunt, cogitatione complectan-
tur, subitis ex tempore occurrant. Quod fecisse M.
Tullium commentariis ipsius apparet. Sed feruntur
aliorum quoque, & inventi forte ut eos dicturus
quisque composuerat, & in libros digesti: ut causa-
rum quæ sunt actæ a Servio Sulpitio, cujus tres
orationes exstant. Sed hi, de quibus loquor, com-
mentarii ita sunt exacti, ut ab ipso mihi in memori-
am posteritatis esse videantur compositi. Nam Cice-
ronis ad præsens modo tempus aptatos libertus Tyro
contraxit: quos non ideo excuso, quia non probem,
sed ut sint magis admirabiles. In hoc genere prorsus
recipio hanc brevem annotationem, libellosque qui
vel manu teneantur, & ad quos interim respicere fas
sit. Illud quod Lenas præcipit, displicet mihi, ea quæ
scripserimus, velut in summas, sive commentarios &
capita conferre. facit enim & discendi negligentiam

CAP. VII. hæc ipsa fiducia , & lacerat ac deformat orationem. Ego autem ne scribendum quidem puto , quod sumus memoria profecturi. Nam hic quoque accidit ut revocet nos cogitatio ad illa elaborata , nec sinat præsentem fortunam experiri. Sic anceps inter utrumque animus æstuat , cum & scripta perdidit. & non quærit nova. Sed de memoria destinatus est libro proximo locus, nec huic parti subjungendus, quia sunt alia prius nobis dicenda.

M. Fabii

Institutione Oratoria

LIBER XI.

PARATA, sicut superiori libro continetur, facultate scribendi, cogitandique, & ex tempore etiam, cum res poscet, orandi; proxima est cura, ut dicamus apte: quam virtutem quartam elocutionis Cicero demonstrat, quæque meo quidem iudicio maxime necessaria est. Nam cum sit ornatus orationis varius & multiplex, conveniatque aliis aliis: nisi fuerit accommodatus rebus atque personis, non modo non illustrabit eam, sed etiam destruet, & vim rerum in contrarium vertet. Quid enim prodest esse verba & Latina, & significantia, & nitida, figuris etiam numerisque elaborata, nisi cum iis in quæ iudicem duci formarique volumus, consentiant? Si genus sublime dicendi parvis in causis, parvum limatumque grandibus, lætum tristibus, lenè asperis, minax supplicibus, summissum concitatis, trux atque violentum, jucundis adhibeamus? Ut monilibus, & margaritis, ac veste longa, quæ sunt ornamenta foeminarum, deformentur viri; nec habitus triumphalis, quo nihil excogitari potest augustius, foeminas deceat. Hunc locum Cicero brevis per in tertio de Oratore libro perstringit: neque tamen vi-

CAP. I.

CAP. I.

deri potest quicquam omisisse, dicendo, non omni causæ, nec auditori, nec personæ, nec tempori congruere orationis unum genus. Nec fere pluribus in Oratore eadem. Sed illic L. Crassus, cum apud summos oratores, hominesque eruditissimos dicat, satis habet partem hanc velut notare inter agnoscentes. Et hic Cicero alloquens Brutum testatur esse ei hæc nota; ideoque brevius a se dici, quanquam sit fusus locus, tracteturque a philosophis latius. Nos institutionem professi, non solum scientibus ista, sed etiam discitibus tradimus: ideoque paulo pluribus verbis debet haberi venia. Quare notum sit nobis ante omnia, quid conciliando, docendo, movendo iudici conveniat: quid quaque parte orationis petamus. Ita nec vetera, nec translata, aut ficta verba in incipiendo, narrando, argumentando tractabimus, neque decurrentis contexto nitore circuitus, ubi dividenda erit causa, & in partes suas digerenda, neque humile atque quotidianum sermonis genus, & compositione ipsa dissolutum epilogis dabimus, nec jocis lacrymas, ubi opus erit miseratione, siccabimus. Nam ornatus omnis non tam sua quam rei cui adhibetur, conditione constat: nec plus refert, quid dicas, quam quo loco. Sed totum hoc apte dicere, non elocutionis tantum genere constat, sed est cum inventione commune. Nam si tantum habent etiam verba momentum, quanto res ipsæ majus? Quarum quæ esset observatio, suis locis subinde subjecimus. Illud est diligentius docendum, cum demum dicere apte, qui non solum quid expediat, sed etiam quid deceat, inspexerit. Nec me fugit plerumque hæc esse conjuncta. Nam quod decet, fere prodest: neque

alio

alio magis animi judicium conciliari; aut si res in contrarium tulit, alienari solent. Aliquando tamen & hæc dissentiunt. Quoties autem pugnabunt, ipsam utilitatem vincet quod decet. Nam quis nescit nihil magis profuturum ad absolutionem Socrati fuisse, quam si esset usus illo judiciali genere defensionis, & oratione summissa conciliasset judicium animos sibi, crimenque ipsum sollicitè redarguisset? Verum id cum minime decebat: ideoque sic egit, ut qui poenam suam honoribus summis esset æstimaturus. Maluit enim vir sapientissimus, quod superesset ex vita, sibi perire, quam quod præterisset. Et quando ab hominibus sui temporis parum intelligebatur, posterorum se judiciis reservavit, brevi detrimento jam ultimæ senectutis, ævum seculorum omnium consecutus. Itaque quamvis Lysias, qui tum in dicendo præstantissimus habebatur, defensionem illi scriptam attulisset, uti ea noluit: cum bonam quidem, sed parum sibi convenientem judicasset. Quo vel solo patet, non persuadendi, sed bene dicendi finem in oratore servandum, cum interim persuadere deformis sit. Non fuit hoc utile absolutioni: sed (quod est majus) homini fuit. Et nos secundum communem potius loquendi consuetudinem, quam ipsam veritatis regulam, divisione hac utimur, ut ab eo quod deceat, utilitatem separemus. Nisi forte prior ille Africanus qui patria cedere, quam cum tribuno plebis humillimo contendere de innocentia sua maluit, inutiliter sibi videtur consuluisse. Aut P. Rutilius vel quum illo pene Socratico genere defensionis est usus, vel quum revocante eum P. Sylla manere in exilio maluit, quid sibi maxime conducere, nesciebat.

Hi

CAP. I. Hi vero parva illa, quæ abjectissimus quisque animus utilia credit, si cum virtute conferantur, despicienda judicaverunt : ideoque perpetua seculorum admiratione celebrantur. Neque nos simus tam humiles, ut quæ laudamus, inutilia credamus. Sed hoc quaecunque discrimen raro admodum evenit. Caterum idem fere (ut dixi) in omni genere causarum & proderit, & decebit. Est autem quod omnes & semper & ubique suadere ac dicere honeste facereque deceat, contraque neminem ullo unquam in loco turpiter. Minora vero, quæque sunt ex mediis, plerunque sunt talia, ut aliis sint concedenda, aliis non sint; aut pro persona, tempore, loco, causâ magis ac minus vel excusanda debeant videri, vel reprehendenda. Cum dicamus autem de rebus aut alienis, aut nostris, dividenda ratio est eorum, dum sciamus pleraque neutro loco convenire. In primis igitur omnis sui virtuosâ jactatio est, eloquentiæ tamen in oratore præcipue : affertque audientibus non fastidium modo, sed plerunque etiam odium. Habet enim mens nostra natura sublime quiddam & erectum, & impatiens superioris. Ideoque abjectos, aut summittentes se, libenter allevamus, quia hoc facere tanquam majores videmur : & quoties discessit æmulatio, succedit humanitas. At qui se supra modum extollit, premere ac despiciere creditur, nec tam se majorem, quam minores cæteros facere. Inde invident humiliores : hoc vitium est eorum, qui nec cedere volunt, nec possunt contendere : rident superiores, improbant boni. Plerunque vero deprehendas arrogantium fallacem de se opinionem : sed in veris quoque sufficit

CQ.

conscientia. Reprehensus est in hac parte non mediocriter Cicero, quanquam is quidem rerum a se gestarum major, quam eloquentiæ, fuit in orationibus utique jactator. At plerunque illud quoque non sine aliqua fecit ratione. Aut enim tuebatur eos quibus erat usus adjutoribus in opprimenda conjuratione, aut respondebat invidiæ: cui tamen non fuit par, servatæ patriæ poenam passus exilium; ut illorum quæ egerat in consulatu frequens commemoratio, possit videri non gloriæ magis quam defensionis data. Eloquentiam quidem cum plenissimam diversæ partis advocatis concederet, sibi nunquam in agendo immodice arrogavit. Illius sunt enim, *Si quid est in me ingenii, judicas, quod sentio quam sit exiguum. & Nam quo minus ingenio possum, subsidium mihi diligentia comparavi.* Quinetiam contra Q. Cæcilium de accusatore in Verrem constituendo, quamvis multum esset in hoc quoque momenti, uter ad agendum magis idoneus veniret, dicendi tamen facultatem magis illi detrahit, quam arrogavit sibi: *sequæ non consecutum, sed omnia fecisse ut posset eam consequi*, dixit. In epistolis aliquando familiariter apud amicos, nonnunquam in dialogis, aliena tamen persona, verum de eloquentia sua dicit. Et aperte tamen gloriari, nescio an sit magis tolerabile vel ipsa vitii hujus simplicitate, quam illa jactatione perversa, si abundans opibus pauperem se neget, nobilis obscurum, & potens infirmum, quam si se disertus imperitum plane & infantem vocet. Ambitiosissimum gloriantis genus est etiam deridere. Ab aliis ergo laudamur. Nam ipsos, ut Demosthenes ait, *erubescere*,
M m m m m etiam

CAP. 10. *etiam cum ab aliis laudamur, decet.* Neque hoc dico, non aliquando de rebus a se gestis oratori esse dicendum, sicut eidem Demostheni pro Ctesiphonte; quod tamen ita emendavit, ut necessitatem id faciendi ostenderet, invidiamque omnem in eum regeretur, qui hoc se coegisset eloqui. Sed & M. Tullius saepe dicit de oppressa conjuratione Catilinæ; sed modo id virtuti senatus, modo providentiae deorum immortalium assignat. Plerumque contra inimicos atque obrectatores plus vindicat sibi. Erant enim tuenda cum objicerentur. In carminibus utinam pepercisset, quæ non desierunt carpere maligni;

*Cedant arma togæ, concedat laurea lingua: &
O fortunatam natam me consule Romam.*

Et, Jovem illum, a quo in concilium deorum advocatur. & Minervam, quæ omnes eum artes edocuit: quæ sibi ille, secutus quædam Græcorum exempla, permisserat. Verum eloquentiæ ut indecora iactatio, sic nonnunquam concedenda fiducia est. Nam quis reprehendat hæc, *Quid putem? contemptumne me? Non video nec in vita, nec in gratia, nec in rebus gestis, nec in hac mea mediocritate ingenii, quid despicere possit Antonius.* Et paulo post apertius: *An decertare mecum voluit contentione dicendi? Hoc quidem beneficium est. Quid enim plenius, quid uberius, quam mihi pro me, & contra Antonium dicere?* Arrogantes & illi, qui se judicasse de causa, nec aliter eam tuturos fuisse proponunt. Nam & inviti iudices audiunt præsumentem partes suas: nec hoc oratori contingere inter adversarios, quod Pythagoræ inter discipulos contigit, potest, *Ipse dixit.* Sed istud magis

nanda sit. Nam sine dubio in omnibus statim accusationibus hoc agendum est, ne ad eas libenter descendisse videamur. Ideoque mihi illud Cassii Severi non mediocriter displicet, *Dii boni, vivo: & quo me vivere juvet, Aspernatem reum video.* Non enim iusta ex causa vel necessaria videri potest postulasse eum, sed quadam accusandi voluptate. Præter hoc tamen, quod est commune, propriam moderationem quædam causæ desiderant. Quapropter & qui curationem bonorum patris postulabit, doleat ejus valetudine: & quamlibet gravia filio pater objecturus, miserrimam sibi ostendat esse hanc ipsam necessitatem: nec hoc paucis modo verbis, sed toto colore actionis, ut id eum non dicere modo, sed etiam vere dicere appareat. Nec causanti pupillo sic tutor irascatur unquam, ut non remaneant amoris vestigia, & sacra quædam patris ejus memoria. Jam quo modo contra abdicantem patrem, querentem uxorem, agi causam oporteret, in libro, ut arbitror, septimo dixi. Quando etiam ipsos loqui, quando advocati voce uti deceret, quartus liber, in quo proœmii præcepta sunt, continet. Esse & in verbis quod deceat, aut turpe sit, nemini dubium est. Unum jam igitur huic loco, quod est sane summæ difficultatis, adjiciendum videtur, quibus modis ea quæ sunt natura parum speciosa, quæque non dicere, si utrumlibet esset liberum, maluissimus, non tamen sint indecora dicentibus. Quid asperiores habere frontem potest, aut quid aures hominum magis respuunt, quam cum est filio filivæ advocatis in matrem perorandum? aliquando tamen necesse est, ut in causa Cluentii Habiti: sed

Nnnn

non

CAP. I. non semper illa via, qua contra Salliam Cicero usus est: non quia non ille optime, sed quia plurimum refert, qua in re & quomodo laudet. Itaque illa cum filii caput palam impugnaret, fortiter fuit repellenda. Duo tamen quæ sola supererant, divine Cicero servavit. Primum, ne oblivisceretur reverentia, quæ parentibus debetur: deinde ut repetitis altius causis diligentissime ostenderet, quam id quod erat in matrem dicturus, non oporteret modo fieri, sed etiam necesse esset. Præter hæc expositio fuit, quanquam ad præsentem questionem nihil pertinebat. adeo in causa difficili atque perplexa nihil prius intueendum credidit, quam quid deceret. Fecit itaque nomen parentis non filio invidiosum, sed ipsi in quam dicebatur. Potest tamen aliquando mater in re levior aut minus infecta contra filium stare: tum lenior atque summissior decebit oratio. Nam & satisfaciendo, aut nostram minuemus invidiam, aut etiam in diversam eam transferemus: & si graviter dolere filium palam fuerit, credetur abesse ab eo culpa, fietque ultro miserabilis. Avertere quoque in alios crimen decet, ut fraude aliquotum concitata credatur: ut omnia nos passuros, nihil asperè dicturos, testandum: ut etiam si non possimus non convitari, nolle videamur. Etiam si quid obijciendum erit, officium est patroni, ut id filio invito, sed fide cogente facere credatur. Ita poterit uterque laudari. Quod de matre dixi, de utroque parente accipiendum est. Nam inter patres etiam filiosque cum intervenisset emancipatio, litigatum scio. In aliis quo-

quoque propinquitatibus custodiendum est, ut in- CAP. I.
viri, & necessario, & parce judicemur dixisse: ma-
gis autem aut minus, ut cuique personæ debetur
reverentia. Eadem pro libertis adversus patronos
observantia. Et ut semel plura complectar, nun-
quam decebit sic adversus tales agere personas, quo
modo contra nos agi ab hominibus conditionis ejus-
dem iniquo animo tulissemus. Præstatur hoc ali-
quando etiam dignitatibus, ut libertatis nostræ ra-
tio reddatur, ne quis nos aut petulantes in læden-
dis his, aut etiam ambiciosos putet. Itaque Cicero
quanquam erat in Cottam gravissime dicturus, ne-
que aliter agi P. Oppii causa poterat, longa tamen
præfatione excusavit officii sui necessitatem. Ali-
quando etiam inferioribus, præcipueque adolescen-
tulis parcere aut mederi decet. Utitur hac mode-
ratione Cicero pro Cælio contra Atracium, ut cum
non inimice corripere, sed pene patrie monere vi-
deatur. Nam & juvenis, & nobilis; & non injusto
dolore venerat ad accusandum. Sed in his quidem
in quibus vel judici, vel etiam assistentibus ratio
nostræ moderationis probari debet, minor est labor:
illie plus difficultatis, ubi ipsos contra quos dici-
mus, veremur offendere. Dux simul hujusmodi per-
sonæ Ciceroni pro Murena dicenti obstituerunt, M.
Catonis, Serviique Sulpicii: quam docenter tamen
Sulpicio cum omnes concessisset virtutes, scientiam
petendi consulatus ademit! Quid enim aliud esset
quo se victum homo nobilis & juris antistes magis
ferret? Ut vero rationem defensionis sue reddidit,
cum se auduisse petitioni Sulpicii contra honorem
Murenæ, non idem debere accusationi contra ca-
put,

CAP. I. put, diceret? Quam molli autem articulo tractavit Catonem? cuius naturam summe admiratus, non ipsius vitio, sed Stoicæ sectæ, quibusdam in rebus factum duriores videri volebat: ut inter eos non forensam contentionem, sed studiosam disputationem crederes incidisse. Hæc est profecto ratio, & certissimum præceptorum genus, illius viri observatio, ut cum aliquid detrachere salva gratia velis, concedas alia omnia: in hoc solo vel minus peritum quam in cæteris, adjecta, si poterit fieri, etiam causa cur ita sit, vel paulo pertinacior, vel credulum, vel iratum, vel impulsivum ab aliis. Hoc illis commune remedium est, si in tota actione æqualiter appareat non honor modo, sed etiam caritas: præterea causa sit nobis iusta sic dicendi: neque id moderate tantum faciamus, sed etiam necessario. Diversum ab hoc, sed facilius, cum hominum aut alioqui turpium, aut nobis invidiosorum quædam facta laudanda sunt. Dedit enim rem ipsam probare in qualicunque persona. Dixit Cicero pro Gabinio & P. Vatinius, inimicissimis antea sibi hominibus, & in quos orationes etiam scripserat: verum causa iusta sit fatendo non se de ingenii fama, sed de fide esse sollicitum. Difficilior ei ratio in iudicio Cluentiano fuit, cum Scamandrum necesse haberet dicere nocentem, cuius egerat causam. Verum illud elegantissime, quum eorum a quibus ipse productus esset, precibus, tum etiam adolescentia sua excusat: detracturus alioqui plus auctoritatis, si in causa præsertim suspecta, se eum esse, qui temere nocentes reos susciperet, fateretur. Apud iudicem vero, quod

gis minusve vitiosum est pro personis dicentium. Q. M. 10
 Defenditur enim aliquatenus ætate, dignitate, au-
 ctoritate: quæ tamen vix in ullo tanta fuerint, ut
 non hoc affirmationis genus temperandum sit ali-
 qua moderatione, sicut omnia in quibus patronus
 argumentum ex seipso petet. Quod fuisset tumidius,
 si criminis loco esse negasset Cicero, Equitis Romani
 esse filium se defendente. At ille fecit hoc etiam
 favorable, conjungendo cum iudicibus dignitatem
 suam. *Equitis autem Romani esse filium, criminis lo-*
co poni ab accusatoribus, neque his iudicantibus oport-
uit, neque defendentibus nobis. Impudens, tumul-
 tuosa, inæcunda actio, omnibus indecora: sed ut
 quisque ætate, dignitate, usu præcedit, magis in ea
 reprehendendus. Videas autem rixatores quosdam
 neque iudicum reverentia, neque agendi more ac
 modo contineri: quos ipso moris habitu manife-
 stum sit tam in suscipiendis quam in agendis cau-
 sis nihil pensi habere. Proferunt enim mores plerun-
 que oratio, & animi secreta detegit. Nec sine cau-
 sa Græci prodiderunt, ut vivat, quemque etiam di-
 cere. Humiliora illa vitia, summissa adulatio, af-
 fectata scurrilitas, in rebus ac verbis parum mode-
 stis ac pudicis vilis pudor, in omni negotio negle-
 cta auctoritas: quæ fere accidunt iis qui nimium
 aut blandi esse, aut ridiculi volunt. Ipsum etiam
 eloquentiæ genus alios aliud dect. Nam neque
 tam plenum & erectum & audax, & percultum seni-
 bus convenit, quam pressum & mite & limatum,
 & quale intelligi vult Cicero, cum dicit orationem
 suam cepisse *cansere*: sicut vestibus quoque non
 purpura coccoque fulgentibus illa ætas satis apta sit.

M m m m 2

In

CAP. I. In juvenibus etiam uberiora paulo, & pene periclitantia feruntur. At in iisdem siccum & sollicitum & contractum dicendi propositum, plerunque affectatione ipsa severitatis invisum est: quando etiam morum senilis auctoritas, immatura in adolescentibus creditur. Simpliciora militares decent. Philosophiam ex professo (ut quidam faciunt) ostentantibus, parum decori sunt plerique orationis ornatus, maximeque ex affectibus, quos illi vitia dicunt. Verba quoque exquisitiora, & compositio numerosa tali proposito diversa. Non enim solum illa latiora, qualia a Cicerone dicuntur, *Saxa atque solitudines voci respondent*: sed etiam illa, quanquam plena sanguinis, *Vos enim jam Albani tumuli atque luci, vos, inquam, imploro atque iessor, vosque Albanorum obruta ara, sacrorum populi Romani socia & aequales*: non conveniant barba illi atque tristitia. At vir civilis, vereque sapiens, qui se non otiosis disputationibus, sed administrationi reipublicæ deditit (a qua longissime isti qui philosophi vocantur, recesserunt): omnia quæ ad efficiendum oratione quod proposuerit, valent, adhibebit: cum prius quod honestum sit, efficere in animo suo constituerit. *Et quod principes deceat, aliis non concesseris.* Imperatorum ac triumphalium separata est aliqua ex parte ratio eloquentiæ: sicut Pompejus abunde disertus rerum suarum narrator: & hic qui bello civili se interfecit, Cato, eloquens senator fuit. Idem dictum, sæpe in alio liberum, in alio furiosum, in alio superbum est. Verba adversus Agamemnonem a Thersite habita ridentur: da illa Diomedis, aliive cui pari, magnum animum ferre præ se vide-

debuntur. *Ego te consulem putem*, inquit L. Crassus Philippo, *cum tu me non putes senatorem?* Vox honestissimæ libertatis; non tamen ferres quemcunque dicentem. Negat se magni facere aliquis poetarum, utrum *Cæsar ater an albus homo sit*; infania. verte, ut idem Cæsar de illo dixerit, arrogantia est. Major in personis observatio est apud comicos tragicosque. Multis enim utuntur, & variis. Eadem & eorum qui orationes aliis scribebant, fuit ratio, & declamantium est. Non enim semper ut advocati, sed plerunque ut litigatores dicimus. Verum etiam in iis causis quibus advocamur eadem differentia diligenter est custodienda. Utimur enim fictione personarum, & velut ore alieno loquimur: dandique sunt iis quibus vocem accommodamus, sui mores. Aliter enim P. Clodius, aliter Appius Cæcus, aliter Cæcilianus ille, aliter Terentianus pater fingitur. Quid asperius lictore Ver-
ris? *Ut adeas, tantum dabis*. Quid fortius illo, cuius inter ipsa verberum supplicia una vox audiebatur, *Civis Romanus sum*. Quam dignæ Milonis in peroratione ipsa voces eo viro, qui pro republica seditiosum civem toties compescuisset, quique infidias virtute superasset? Denique non modo quot in causa, totidem in prosopopœia sunt varietates: sed hoc etiam plures, quod in his puerorum, foeminarum, populorum, mutarum etiam rerum assimulamus affectus, quibus omnibus debetur suus decor. Eadem in iis pro quibus agemus, observanda sunt. Aliter enim pro alio sæpe dicendum est, ut quisque honestus, humilis, invidiosus, favorabilis erit, adjecta propositorum quoque & antea actæ vitæ dis-

Mmm m 3

feren-

CAP. I. ferentia. Jucundissima vero in oratore humanitas, facilitas, moderatio, benevolentia. Sed illa quoque diversa bonum virum decent, malos odisse, publica vice commoveri, ultum ire scelera & injurias: & omnia, ut initio dixi, honesta. Nec tantum quis & pro quo, sed etiam apud quem dicas, interest. Facit enim & fortuna discrimen & potestas: nec eadem apud principem, magistratum, senatorem, privatum tamen liberum, ratio est: nec eodem sono publica judicia, & arbitrorum disceptationes aguntur. Nam ut orantem pro capite sollicitudo deceat & cura, & omnes ad amplificandam orationem quasi machinae: ita in parvis rebus judiciisque vana sint eadem, rideaturque merito qui apud disceptatorem de re levissima sedens dicturus, utatur illa Ciceronis confessione, *non modo se animo commoveri, sed etiam corpore ipso perharrescere*. Quis vero nesciat quanto aliud dicendi genus poscat gravitas senatoria, aliud aura popularis? cum etiam singulis judicantibus, non idem apud graves viros, quod leviores: non idem apud eruditum, quod militarem, ac rusticum deceat: sitque nonnunquam summittenda & contrahenda oratio: ne iudex eam vel intelligere vel capere non possit. Tempus quoque ac locus egent observatione propria. Nam & tempus tum laetum, tum triste, tum liberum, tum angustum est. Atque ad haec omnia componendus orator. Et loco publico, privato; celebri, an secreto; aliena civitate, an tua; in castris denique an foro dicas, interest plurimum: ac suam quicque formam, & propriam quandam modum eloquentiae possit: cum etiam in ceteris actibus vitae non idem

quod aut propter alienum commodum in causa quam susceperimus; aut suum, ut persuadendi ardua ratio, ita dicendi expeditissima. Fiducia enim justitiæ ejus, non causæ, nihil nos timere simulabimus. Ipse erit gloria inflandus, ut tanto clarior futura sit fides ac religio in pronunciando, quanto minus offensæ vel utilitati suæ indulserit. Hoc modo & apud eos a quibus appellatum erit, si forte ad eosdem remittentur, adjicienda ratio vel necessitatis alicujus, si id causæ cedit, vel erroris, vel suspicionis. Tutissimum ergo poenitentiae confessio, & satisfactio culpæ: perducendusque omni modo judex ad iræ pudorem. Accidit etiam nonnunquam, ut eandem causam de qua pronunciavit, cognoscat iterum; tum illud quidem commune, apud alium nos judicem disputaturos de illius sententia non fuisse: neque enim emendari ab alio quam ab ipso fas esse: cæterum ex causa, ut quæque permittet, aut ignorata quædam, aut defuisse testes, aut (quod timidissime, & si nihil aliud plane fuerit, dicendum est) patronos non suffecisse. Succurret etiam, si apud alios judices agetur: ut in secunda assertionem, aut in centumviralibus judiciis duplicibus, parte victa. Decentius erit, quoties contigerit servare judicium pudorem: de qua re latius in probationum loco dictum est. Potest evenire, ut in aliis reprehendenda sint, quæ ipsi fecerimus: ut objicit Tubero Ligario, quod in Africa fuerit. Et ambitus quidam damnati, recuperandæ dignitatis gratia reos ejusdem criminis detulerunt, ut in scolis luxuriantem patrem luxuriosus ipse juvenis accusat. Id

Nnnn 3

quo-

Q. A. I. quomodo decenter fieri possit, equidem non invenio, nisi aliquid reperiat, quod intersit, persona, ætas, tempus, causa, locus, animus. Tubero juvenem se patri habuisse, illum a senatu nullum non ad bellum, sed ad frumentum commendum ait: ut primum licuerit, a partibus cessasse: Liganum & perseverasse, & non pro Ca. Pompeio, inter quem & Cæsarem dignitatis fuerit contentio, cum saltem uterque rempublicam vellet, sed pro Iuba atque Afris inimicissimis populo Romano stetit. Ceterum vel facillimum est illi alienam culpam accusare, ubi fateris tuam. Verum id iam iudicis est, non actoris. Quod si nulla contingit excusatio, sola colorum habet penitentia. Potest enim videri satis emendatus, qui in odium eorum in quibus erraverat, ipse conversus est. Sunt enim quidam, qui hoc natura ipsa rei non inducens faciunt: ut cum pater ex meretrice natus, quod amet meretricem in matrimonium abdicat. Scholastica materia, sed non que non possit accidere. Hic igitur multa non deformiter dicit: vel quod omnium sit votum parentum, ut honestiores quam sint ipsi, liberos habeant, (nam & filia nata, meretrix eam mater pudicam esse voluisset) vel quod humilior ipse fuerit, (licet enim hoc dicere) vel quod non habuerit patrem qui moneret: quin eo minus id sciendum filio fuisse, ne amittat domus pudorem, & exprobraret patri nuptias, matri prius vite necessitatem: ne denique legem quandam suamque subinde libertis daret: & credibilis erit etiam propria quidam in illa meretrice turpitudine, quam

quam nunc hic pater ferre non possit. Alia præterco. Neque enim nunc declamamus, sed ostendimus nonnunquam posse dicentem ipsis incommodis bene uti. Illic major artus, ubi quis pendenda queritur, ut stuprum, præcipue in maribus: aut os prophanatum. Non dico si loquatur ipse: nam quid aliud ei quam gemitus, ac fletus & execratio vitæ conveniat? ut iudex intelligat potius dolorem illum, quam audiat: sed patrono quoque per similes affectus cundum erit, quia hoc injuriæ genus verocundius inest passis, quam ausis. Mollienda est in plerisque alio colore asperitas orationis, ut Cicerone de proscriptorum liberis fecit. *Quid enim crudelius, quam homines honestis parentibus ac majoribus natos, a republica summoveat?* Itaque durum id esse summus ille tractandorum animorum artifex confitetur: sed ita legibus Syllæ coherere statum civitatis affirmat, ut his solutis stare ipsa non possit. Affecutus itaque est, ut aliquid eorum quoque causa videretur facere, contra quos diceret. Illud etiam in jocis monui, quam turpis esset fortunæ infectio: & ne in totos ordines, aut gentes, aut populos petulantia incuteret. Sed interim fides patrii cogit quædam de universo genere aliquorum nominiū dicere, ut libertinorum, vel militum, vel republicanorum, vel similiter aliorum: in quibus omnibus commune remedium est, ut ea quæ sedunt, non libenter tractare videatis: nec in omnia impetum facias, sed in id quod expugnandum est: & reprehendens, alia laude compenses. Si milites cupidos iças esse; non mirum, quod periculum ac sanguinis

CAP. I. nis majora sibi deberi. præmia putent : eosdem petulantes; & hoc fieri, quod bellis magis quam paci assueverint. Libertinis detrahenda est auctoritas; licet his testimonium reddere industriæ, per quam exierint de servitute. Quod ad nationes externas pertinet, Cicerò varie detracturus Græcis testibus fidem, doctrinam his concedit, ac literas, seque ejus gentis amatorem esse proficitur : Sardos contemnit, Allobrogas ut hosteis insectatur : quorum nihil tunc cum diceretur, parum aptum, aut remotum a cura decoris fuit. Verborum etiam moderatione detrahi solet, si qua est rei invidia : sic asperum dicas nimium severum, injustum persuasione labi, pertinacem ultra modum tenacem esse propositi : plerumque velut ipsos coneris ratione vincere, quod est molliissimum. Indecorum est super hæc, omne nimium : ideoque etiam quod natura rei satis aptum est, nisi modo quoque temperetur, gratiam perdit. Cujus rei observatio judicio magis quodam sentiri, quam præceptis tradi potest : quantum satis sit & quantum recipiant aures. Non habet hæc res mensuram & quasi pondus : quia ut in cibis, alia aliis magis complent. Adjiciendum etiam breviter videtur, quod fere dicendi virtutes diversissimæ, non solum suos amatores habeant; sed ab eisdem sæpe laudentur. Nam Cicerò quodam loco scribit *id esse optimum, quod cum te facile credideris consequi imitationem non possis*. Alio vero, *non se id egisse, ut ita diceret quomodo se quilibet posse consideres, sed quomodo nemo*. Quod potest pugnare inter se videri. Verum utrumque, & merito laudatur. Causa enim modoque distat : quæ simplicitas illa, & velut securitas in affectatæ orationis

mire

in foro, curia, campo, theatro, domi, facere conveniat: & pleraque quæ natura non sunt reprehendenda, atque ideo interim sunt necessaria, alibi quam mos permiserit, turpia habeantur. Illud jam diximus, quanto plus nitoris & cultus demonstrativæ materiæ, ut ad delectationem audientium compositæ, quam quæ sunt in actu & contentione, suasoriæ judicialesque permittant. Hoc adhuc adjiciendum, aliquas etiam quæ sunt egregiæ dicendi virtutes, quo minus deceant, effici conditione causarum. An quisquam tulerit reum in discrimine capitis, præcipue qui apud victorem & principem pro se ipse dicat, frequenti translatione, fictis ac repetitis ex vetustate verbis, compositione quæ sit maxime a vulgari usu remota, decurrentibus periodis, quam lætissimis locis sententiisque dicentem? Non perdant hæc omnia necessarium periclitanti sollicitudinis colorem, petendumque etiam innocentibus misericordiæ auxilium? Commoveaturne quisquam ejus fortuna, quem tumidum, ac sui jactantem, & ambitiosum institorem eloquentiæ in anticipi sorte videat? Non. imo oderit reum verba aucupantem, & anxium de fama ingenii, & cui esse disertio vacet. Quod mire M. Cælius in defensione causæ qua reus de vi fuit, comprehendisse mihi videtur, *Ne cui vestrum, atque etiam omnium qui ad rem agendam adsunt, meus aut vultus molestior, aut vox immoderatio-
rior aliqua, aut denique, quod nimium est, jactantior gestus fuisse videatur.* Atqui sunt quædam actiones in satisfactione, deprecatione, confessione positæ: sententiolisne flendum erit? epiphonemata aut ch-
thymemata exorabunt? Non quicquid meris adji-
cie-

C A P. I

CAP. I.

cietur affectibus, omnes eorum diluet vires, & miserationem securitate laxabit? Age si de morte filii sui, vel injuria quæ morte sit gravior, dicendum patri fuerit, aut in narrando gratiam illam expositionis, quæ continget ex sermone puro atque dilucido, quæret, breviter ac significanter ordinem rei protulisse contentus, aut argumenta diducet in digitos, & propositionum ac partitionum captabit leporem? &, ut plerunque in hoc genere moris est, intentione omni remissa loquetur? Quo fugerit interim dolor ille? ubi lacrymæ substituerint? unde se in medium tam secura observatio artium miserit? Non ab exordio usque ad ultimam vocem continuus quidam gemitus, & idem tristitiæ vultus servabitur, si quidem volet dolorem suum etiam in audientes transfundere? quem si usquam remiserit, in animum judicantium non reducet. Quod præcipue declamantibus (neque enim me poenitet ad hoc quoque opus meum, & curam susceptorum semel adolescentium respicere) custodiendum est, quo plures in scola finguntur affectus, quos non ut advocati, sed ut passi subimus. Cum etiam hoc genus simulari litium soleat, cum jus mortis a senatu quidam vel ob aliquam magnam infelicitatem, vel etiam poenitentiam petunt, in quibus non solum cantare, quod vitium pervasit, aut etiam lascivire, sed ne argumentari quidem nisi mistis, & quidem ita, ut in ipsa probatione magis emineant, affectibus decet. Nam qui intermittere in agendo dolorem potest, videtur posse etiam deponere. Nescio tamen an hujus (de quo loquimur) decoris custodia maxime circa eos contra quos dicimus, examinanda

mire tenues causas decet : majoribus illud admirabile dicendi genus magis convenit. In utroque eminet Cicero : ex quibus alterum imperiti se posse consequi credent, neutrum qui intelligunt. CAP. I.

MEMORIAM quidam naturæ modo esse minus existimaverunt ; estque in ea non dubie plurimum, sed ipsa excolendo, sicut alia omnia, augetur : & totus de quo diximus adhuc, inanis est labor , nisi cæteræ partes hoc velut spiritu continentur. Nam & omnis disciplina memoria constat , frustra que docemur , si quicquid audimus, præterfluat : & exemplorum, legum, responsum, dictorum bene factorumque velut quasdam copias , quibus abundare , quasque in promptu semper habere debet orator , eadem illa vis repræsentat. Neque immerito thesaurus hic eloquentiæ dicitur. Sed non firme tantum continere, verum etiam cito percipere multa acturos oportet ; nec quæ scripseris modo iterata lectione complecti, sed in cogitatis quoque rerum ac verborum contextum sequi : & quæ sunt ab adversa parte dicta, meminisse : nec utique eo quo dicta sunt ordine refutare , sed opportunis locis ponere. Quid extemporalis oratio ? nec alio mihi videtur mentis vigore constare. Nam dum alia dicimus , quæ dicturi sumus , intuenda sunt. ita cum semper cogitatio ultra , id quod est longius quærit ; quicquid interim reperit, quodammodo apud memoriam deponit : quod illa quasi media quædam manus acceptum ab inventionem, tradit elocutioni. Non arbitrator autem mihi in hoc immorandum, quid sit quod memoriam faciat : quanquam plerique imprimi quædam vestigia animo , quæ, velut in ceris annulorum

O o o o

CAP. II. Iorum signa servantur, existimant: Neque ero tam credulus, ut quemadmodum habitu tardiores firmioresque memoriam fieri, ejus putem causam quoque ad artificium pertinere: magis admirari naturam subit, tot res vetustas, tanto ex intervallo repetitas reddere se & offerre: nec tantum requirentibus, sed interim sponte: nec vigilantibus, sed etiam quiete compositis magis. Eoque illa quoque animalia quæ carere intellectu videmus, meminerunt, & agnoscunt, & quamlibet longo itinere diducta, ad assuetas sibi sedes revertuntur. Quid? non hæc varietas mira est, excidere proxima, vetera inhærere? hesternorum immemores, acta pueritiæ recordari? Quid, quod quædam requisita se occultant, & eadem forte succurrunt: nec manet semper memoria, sed aliquando etiam redit? Nesciretur tamen quanta vis esset ejus, quanta divinitas illa, ni hoc lumen orandi extulisset. Non enim rerum modo, sed etiam verborum ordinem præstat: nec ea pauca contextit, sed durat prope infinitum, & in longissimis actionibus prius audiendi patientia, quam memoriæ fides deficit. Quod & ipsum argumentum est, subesse artem aliquam, juvari que ratione naturam: cum iidem docti facere illud, indocti & inexercitati non possimus. quanquam invenio apud Platonem obstare memoriæ, usum literarum: videlicet quod illa quæ scriptis reposuimus, velut custodire desinimus, & ipsa securitate dimittimus. Nec dubium est, quin plurimum in hac parte valet mentis intentio, & velut acies luminum a prospectu rerum quas intuetur, non averſa. Unde accidit, ut quæ per plures dies scribimus ediscendi fine, cogitatione ipsa contineat. Artem autem memoriæ pri-
mus

mus ostendisse dicitur Simonides ; cujus vulgata fabu- CAP. II.
la est : Cum pugili coronato carmen quale componi
victoribus solet, mercede pacta scripsisset, abnegata ei
pecuniæ pars est , quod more poetis frequentissimo
digressus, in laudes Castoris & Pollucis exierat: qua-
propter partem ab iis petere, quorum facta cele-
brasset, jubebatur. & persolverunt , ut traditum est.
Nam cum esset grande convivium in honorem ejus-
dem victoriæ , atque adhibitus ei cœnæ Simonides,
nuncio est excitus , quod eum duo juvenes equis ad-
vecti desiderare majorem in modum dicebantur. Et
illos quidem non invenit, fuisse tamen gratos erga se-
se deos exitu comperit. Nam vix eo limen egresso,
triclinium illud supra convivas corruit, atque ita con-
tudit, ut non ora modo oppressorum , sed membra
etiam omnia requirentes ad sepulturam propinqui,
nulla nota possent discernere. Tum Simonides dicitur,
memor ordinis quo quisque discubuerat, corpora suis
reddidisse. Est autem magna inter auctores dissensio,
Glaucōne Carystio, an Leocrati , an Agatharcho , an
Scopæ scriptum sit id carmen : & Pharsali fuerit hæc
domus , ut ipse quodam loco significare Simonides
videtur , atque Apollodorus, & Eratosthenes , & Eu-
phorion, & Larissæus Eurypylus tradiderunt: an Cra-
none, ut Apollas Callimachus , quem secutus Cicero
hanc famam latius fudit. Scopam nobilem Thessalum
periisse in eo convivio constat. adjicitur sororis filius.
putant & ortos plerosque ab alio Scopa , qui major
ætate fuerit. quanquam mihi totum de Tyndaridis
fabulosum videtur : neque omnino hujus rei meminit
usquam poeta ipse ; profecto non taciturus de tanta
sua gloria. Ex hoc Simonides factum notavit, ut videtur,

Oooo 2

juva-

CAP. II. juvari memoriam signatis animo sedibus : idque credet & suo quisque experimento. Nam cum in loca aliqua post tempus reversi sumus, non ipsa agnoscimus tantum, sed etiam quæ in his fecerimus reminiscimur, personæque subeunt, nonnunquam tacitæ quoque cogitationes in mentem revertuntur. Nata est igitur, ut in plerisque, ars ab experimento. Loca discunt quam maxime spatiosa, multa varietate signata, domum forte magnam, & in multos diductam recessus. In ea quicquid notabile est, animo diligenter affigitur, ut sine cunctatione ac mora parteis ejus omnes cogitatio possit percurrere. Et primus hic labor est, non hære in occurso. Plus enim quam firma debet esse memoria, quæ aliam memoriam adjuvet. Tum quæ scripserunt, vel cogitatione complectuntur, & alio signo quo moneantur, notant : quod esse vel ex re tota potest, ut de navigatione, militia : vel ex verbo aliquo. Nam etiam excidentes res, unius admonitione verbi in memoriam reponuntur. Sit autem signum navigationis, ut anchora : militiæ, ut aliquid ex armis. Hæc ita digerunt, primum sensum vel locum vestibulo quasi assignant, secundum atrio, tum impluvia circumeunt ; nec cubiculis modo aut exedris, sed statuis etiam similibusque per ordinem committunt. Hoc facto, cum est repetenda memoria, incipiunt ab initio loca hæc recensere, & quod cuique crediderunt, repossunt, & eorum imagine admonentur : ut quamlibet multa sint quorum meminisse oporteat, fiant singula connexa quodam choro, ne errent conjungentes prioribus sequentia solo ediscendî labore. Quod de domo dixi, & in operibus publicis, & in itinere longo, ut urbium ambitu, & picturis fieri potest. Etiam
fin-

gere sibi has imagines licet. Opus est ergo locis, quæ **CAP. II.**
 vel finguntur, vel sumuntur, imaginibus, vel simula-
 cris, quæ utique fingenda sunt. Imagines notæ sunt,
 quibus ea quæ ediscenda sunt, notamus : ut quomodo
 Cicero dicit, *locus pro cera, simulacris pro literis uti-*
tamur. Illud quoque ad verbum ponere, optimum
 fuerit. *Locis est utendum multis, illustribus, expli-*
catis, modicis intervallis : imaginibus autem agentibus,
acribus, insignitis, quæ occurrere, celeriterque
percutere animum possint. Quo magis miror quo-
 modo Metrodorus in XII. signis per quæ Sol meat, tre-
 cenos & sexagenos invenerit locos. Vanitas nimirum
 fuit atque jactatio circa memoriam suam potius arte
 quam natura gloriantis. Equidem hæc ad quædam
 prodesse non negaverim, ut si rerum nomina multa
 per ordinem audita, reddenda sint. Namque in iis
 quæ didicerunt locis reponunt res illas : mensam, ut
 hoc utar, in vestibulo; in atrio, pulvinum, & sic cæ-
 tera : deinde relegentes, inveniunt ubi posuerint. Et
 forsitan hoc sunt adjuti, qui auctione dimissa,
 quid cuique vendidissent, testibus argentariorum ta-
 bulis reddiderunt. Quod præstitisse Hortensium di-
 cunt. Minus idem proderit in ediscendis quæ ora-
 tionis perpetuæ erunt. Nam & sensus non eandem
 imaginem quam res habent, cum alterum fingendum
 sit, & horum tamen utrumque commonet. Sed ser-
 monis alicujus habiti verborum contextus eadem ar-
 te quomodo comprehendetur? Mitto quod quædam
 nullis simulacris significari possunt, ut certæ conjun-
 ctiones. Habeamus enim sane, ut qui notis scribunt,
 certas imagines nominum, & loca scilicet infinita, per
 quæ verba quæ sunt in quinque contra Verrem se-

0000 3

cun-

CAP. II. cundæ actionis libris, explicentur, ac meminerimus etiam omnium quasi depositorum; nonne impediri quidem eorum quæ dicit, decursum necesse est duplici memoriæ cura? Nam quomodo poterunt copulata fluere, si propter singula verba ad singulas formas respiciendum erit? Quare & Carneades, & Scæpius (de quo modo dixi) Metrodorus, quos Cicero dicit usos hac exercitatione, sibi habeant sua: nos simpliciora tradamus. Si longior complectenda memoria fuerit oratio, proderit per partes ediscere (laborat enim maxime onere) & hæ partes non sint perexiguæ: alioqui nimis multæ erunt, & eam distinguant atque concident. Nec utique certum imperaverim modum, sed maxime ut quisque finiatur locus: nisi forte tam sit numerosus, ut ipse quoque dividi debeat. Dandi sunt certi quidam termini, ut contextum verborum (quod est difficilius) contineat crebra meditatio, partes deinceps ipsas repetitus ordo conjungat. Non est inutile, quo facilius hæreant, aliquas ponere notas, quarum recordatio commoneat & quasi excitet memoriam. Nemo enim fere tam infelix, ut quod cuique loco signum destinaverit, nesciat: ut si erit tardus, ad hoc eo quoque adhuc remedio utatur, ut ipsæ excitent notæ. Hinc est ex illa arte non inutile, appendere signa ad eos qui excidunt sensus: anchoram (ut supra posui) si de nave dicendum esset; spiculum, si de proelio. Multum enim signa faciunt, & ex alia memoria venit alia: ut cum translatus annulus vel alligatus commoneat nos cur id fecerimus. Hæc magis adhuc adstringunt, quæ memoriam ab aliquo simili transferunt ad id quod continendum est: ut in nominibus, si Fabius forte sit t:

nendus, referamus ad illum *cunctatorem*, qui excidere non potest: aut ad aliquem amicum, qui idem vocetur, quod est facilius in *Apris*, & *Ursis* & *Nasone*, aut *Crispo*, ut id memoriæ affigatur, unde sunt nomina. Origo quoque aliquando declinatorum, tenendi magis causa est, ut in *Cicerone*, *Verrio*, *Aurelio*. Si debet misceri illud, neminem non juvabit, iisdem quibus scripserit ceris, ediscere. Sequitur enim vestigiis quibusdam memoriam, & velut oculis intuetur non paginas modo, sed versus prope ipsos, qui tum dicit similis legenti. Jam vero si litura aut adjectio aliqua aut mutatio interveniat, signa sunt quædam quæ intuentes errare non possumus. Est ratio, ut illi de qua primum locutus sum arti non dissimilis, ita (si quid me experimenta docuerunt) & expeditior & potentior, ediscere tacite. Nam id quoque est, quod tum erat, optimum, si non subirent velut otiosum animum plerumque aliæ cogitationes, propter quas excitandus est voce, ut duplici motu juvetur memoria, dicendi & audiendi. Sed hæc vox sit modica, & magis murmur. Qui autem legente alio ediscit, in parte tardatur, quod acrior est oculorum quam aurium sensus: in parte juvari potest, quod cum semel aut bis audierit, continuo illi memoriam suam experiri licet, & cum legente contendere. Nam & alioqui id maxime faciendum est, ut nos subinde tentemus: quia continua lectio, & quæ magis, & quæ minus hærent, æqualiter transit. In experiendo teneasne, & major intentio est, & nihil supervacui temporis perit, quo etiam quæ tenemus, repeti solent: ita sola quæ exciderunt, retractantur, ut crebra iteratione firmentur: quanquam solent hoc ipso maxime hære-

re,

- CAP. II.** re, quod exciderunt. Illud ediscendo scribendoque commune est, utrique plurimum conferre bonam valetudinem, digestum cibum, animum cogitationibus aliis liberum. Verum & in his quæ scripsimus, complectendis, multum valent, & in iis quæ cogitamus, continendis, prope solæ (excepta, quæ potentissima est, exercitatione) divisio & compositio. Nam qui recte dividerit, nunquam poterit in rerum ordine errare. Certa sunt enim non solum in digerendis questionibus, sed etiam in exequendis, si modo recte dicimus, prima ac secunda, & deinceps: cohæretque omnis rerum copulatio, ut ei nihil neque subtrahi sine manifesto intellectu, neque inseri possit. An vero Scævola in lusu duodecim scruporum, cum prior calculum promovisset, essetque victus, dum rus tendit, repetito totius certaminis ordine, quo dato errasset recordatus, rediit ad eum quicum luserat, isque ita factum esse confessus est: minus idem ordo valebit in oratione, præsertim totus nostro arbitrio constitutus, cum tantum ille valeat alternus? Etiam quæ bene composita erunt, memoriam serie sua ducent. Nam sicut facilius versus ediscimus, quam prosam orationem: ita prosam vinctam, quam dissolutam. Sic
- contingit, ut etiam quæ ex tempore videbantur effusa, ad verbum repetita reddantur: quod meæ quoque memoriæ mediocritatem sequebatur, si quando interventus aliquorum, qui hunc honorem mererentur, iterare declamationis partem coegisset: nec est mendacio locus, falvis qui interfuerunt. Si quis tamen unam maximamque a me artem memoriæ quærat, exercitatio est, & labor: multa ediscere, multa cogitare, & (si fieri potest) quotidie, potentissimum est. Ni-
hil

hil æque vel augeatur cura, vel negligentia interci-
dit. Quare & pueri statim, ut præcepi, quam plu-
rima ediscant; & quæcunque ætas operam juvandæ
studio memoriæ dabit, devoret initio, radium illud
& scripta & lecta sæpius revolvendi, & quasi eun-
dem cibum remandendi. Quod ipsum hoc fieri pot-
est levius, si pauca primum & quæ radium non
afferant, coeperimus ediscere: tum quotidie adji-
cere singulos versus, quorum accessio labori sensum
incrementi non afferat, in summam ad infinitum
usque peryeniat: & poetica prius, tum oratorum,
novissime etiam solutiora numeris, & magis ab usu
dicendi remota, qualia sunt jurisconsultorum. Diffi-
cilia enim debent esse quæ exercent, quo sit le-
vius ipsum illud in quod exercent: ut athletæ pon-
deribus plumbeis assuefaciunt manus, quibus vacuis
& nudis in certamine utendum est. Non omittam
etiam quod quotidianis experimentis deprehenditur,
minime fidelem esse paulo tardioribus ingeniis re-
centem memoriam. Mirum dictum est, nec in prom-
tu ratio, quantum nox interposita afferat firmitatis,
sive quiescit labor ille cuius sibi ipsa fatigatio obsta-
bat, sive maturatur, atque concoquitur, seu fir-
missima ejus pars est recordatio: quæ statim re-
ferri non poterant, contexuntur postero die: con-
firmatque memoriam idem illud tempus quod
esse in causa solet oblivionis. Etiam illa prævelox
fere cito effluit, & velut præsentis officio functa ni-
hil in posterum debeat, tanquam dimissa discedit.
Nec est mirum magis hæere animo, quæ diutius
affixa sint. Ex hac ingeniorum diversitate nata du-
bitatio est, an ad verbum sit ediscendum dicturis,

Pppp

an

CAP. II.

an vim modo rerum atque ordinem complecti satis sit : de quo sine dubio non potest in universum pronunciari. Nam si memoria suffragatur, tempus non desit, nulla me velim syllaba effugiat : alioqui etiam scribere fit supervacuum. Idque præcipue a pueris obtinendum, atque in hanc consuetudinem memoria exercitatione redigenda, ne nobis discamus ignoscere. Ideoque & admoneri, & ad libellum respicere vitiosum, quod libertatem negligentia facit, nec quisquam se parum tenere judicat, quod ne sibi excidat, non timet. Inde interruptus actionis impetus, & resistens ac salebrosa oratio, & qui dicit ediscenti similis, etiam omnem bene scriptorum gratiam perdit, vel hoc ipso, quod scripsisse se confitetur. Memoria autem facit etiam prompti ingenii famam, ut illa quæ dicimus, non domo attulisse, sed ibi protinus sumsisse videamur: quod & oratori & ipsi causæ plurimum confert. Nam & magis miratur, & minus timet iudex quæ non putat adversus se præparata. Idque in actionibus inter præcepta servandum est, ut quædam etiam quæ optime vinximus, velut soluta enunciemus : & cogitantibus nonnunquam & dubitantibus similes quærere videamur quæ attulimus. Ergo quid sit optimum, neminem fugit. Si vero aut memoria natura durior erit, aut non suffragabitur tempus, etiam inutile erit ad omnia se verba alligare, cum oblivio unius eorum cujuslibet, aut deformem habitationem, aut etiam silentium inducat. Tutiusque multo, comprehensis animo rebus ipsis, libertatem sibi eloquendi relinquere. Nam & invitus perdit quisque id quod elegerat verbum; nec facile repo-

nit aliud, dum id quod scripserat, querit. Sed ne **CAP. II.**
hoc quidem infirmæ memoriæ remedium est, nisi
in iis qui sibi facultatem aliquam dicendi ex tempo-
re paraverunt. Quod si cui utrumque defuerit, huic
omittere omnino totum actionum laborem, ac si quid
in literis valet, ad scribendum potius suadebo con-
vertere. Sed hæc rara infelicitas erit. Cæterum quan-
tum natura studioque valeat memoria, vel Themisto-
cles testis, quem unum intra annum optime locu-
tum esse Perfice constat: vel Mithridates, cui duas
& viginti linguas, quot nationibus imperabat, tradi-
tur notas fuisse: vel Crassus ille dives, qui cum A-
siae præesset, quinque Græci sermonis differentias
sic tenuit, ut qua quisque apud eum lingua postu-
lasset, eadem sibi jus redditum ferret: vel Cyrus,
quem omnium militum tenuisse creditum est nomina.
Quin semel auditos quamlibet multos versus proti-
nus dicitur reddidisse Theodectes. Dicebatur etiam
nunc esse qui facerent, sed mihi nunquam ut ipse
interessem contigit: habenda tamen fides est vel in
hoc, ut qui crediderit, & speret.

PRONUNCIATIO a plerisque actio dicitur: sed **CAP. III.**
prius nomen a voce, sequens a gestu videtur acci-
pere. Namque actionem Cicero alias quasi sermo-
nem, alias eloquentiam quandam corporis dicit. I-
dem tamen duas ejus partes facit, quæ sunt eadem
pronunciationis, vocem atque motum. Quapropter
utraque appellatione indifferenter uti licet. Habet
autem res ipsa miram quandam in orationibus vim at-
que potestatem. Neque enim tam refert qualia sint
quæ intra nosmetipsos composuimus, quam quo
P p p 2 modo

Cap. III. modo efferantur ; nam ita quisque ut audit , move-
tur. Quare neque probatio ulla , quæ modo venit
ab oratore , tam firma est , ut non perdat vires suas
nisi adjuvetur asseveratione dicentis. Affectus omnes
languescant necesse est , nisi voce , vultu , totius pro-
pe habitu corporis inardescant. Nam cum hæc o-
mnia fecerimus , felices sumus , si nostrum illum
ignem iudex conceperit : nedum eum supini secu-
rique moveamus , ac non & ipse nostrâ oscitatione
solvatur. Documento sunt vel scenici actores , qui
& optimis poetarum tantum adjiciunt gratiæ , ut
nos infinite magis eadem illa audita quam lecta dele-
ctent : & vilissimis etiam quibusdam impetrant au-
res , ut quibus nullus est in bibliothecis locus , sit
etiam frequens in theatris. Quod si in rebus quas
fictas esse scimus & inanes , tantum pronuntiatio
potest , ut iram , lacrymas , sollicitudinem afferat ,
quanto plus valeat necesse est , ubi & credimus ?
Equidem vel mediocrem orationem commendatam
viribus actionis , affirmaverim plus habituram esse mo-
menti , quam optimam eadem illa destitutam. Si-
quidem & Demosthenes quid esset in toto dicendi
opere summum , interrogatus , pronuntiationem pal-
mam dedit , eidemque secundum ac tertium locum ,
donec ab eo quæri desineret : ut eam videri posset
non præcipuam , sed solam judicasse. Ideoque ipse
tam diligenter apud Andronicum Hypocritem au-
duit , ut admirantibus ejus orationem Rhodiis , non
immerito Æschines dixisse videatur , *quid se ipsum
audissetis ?* Et M. Cicero unam in dicendo actionem
dominari putat. Hac Cn. Lentulum plus opinionis
consecutum , quam eloquentia tradit. Eadem C.
Grat.

Gracchum in deflenda fratris nece, totius populi Ro- CAP. III.
mani lacrymas concitasse : Antonium & Crassum
multum valuisse ; plurimum vero Q. Hortensium :
cujus rei fides est , quod ejus scripta tantum intra
famam sunt , qui diu princeps oratorum , aliquando
æmulus Ciceronis , existimatus est , novissime quoad
vixit , secundus : ut appareat placuisse aliquid eo
dicente , quod legentes non invenimus. Et hercle
cum valeant multum verba per se , & vox propriam
vim adjiciat rebus , & gestus motusque significet a-
liquid , profecto perfectum quiddam fieri , cum o-
mnia coierint , necesse est. Sunt tamen qui rudem
illam , & qualem impetus cujusque animi tulit , a-
ctionem judicent fortiozem , & solam viris dignam :
sed non alii fere , quam qui etiam in dicendo curam ,
& artem , & nitorem , & quicquid studio paratur ,
ut affectata & parum naturalia solent improbare ; vel
qui verborum atque ipsius etiam soni rusticitate , ut
L. Cottam dicit Cicero fecisse , imitationem antiqui-
tatis affectant. Verum illi persuasionem suam fruuntur ,
qui hominibus , ut sint oratores , satis putant nasci :
nostro labori dent veniam , qui nihil credimus esse
perfectum , nisi ubi nature cura juvetur. In hoc i-
gitur non contumaciter consentio , primas partes ef-
se nature. Nam certe bene pronunciare non pote-
rit , cui aut in scriptis memoria , aut in iis quæ su-
bito dicenda erunt , facilitas prompta defuerit : nec si
inemendabilia oris incommoda obstabunt. Corporis
etiam potest esse aliqua tanta deformitas , ut nulla ar-
te vincatur. Sed ne vox quidem nisi liberalis , actio-
nem habere optimam potest. Bona enim firmaque
ut volumus uti licet , mala vel imbecilla & inhibet

Pppp 3

multa

CAP. III. multa, ut insurgere, exclamare: & aliqua cogit, ut summittere, deflectere, & raras fauces ac latus fatigatum deformi cantico reficere. Sed nos de eo nunc loquimur, cui non frustra præcipitur. Cum sit autem omnis actio, ut dixi, in duas divisa partes, vocem, gestumque: quorum alter oculos, altera aures movet, per quos duos sensus omnis ad animum penetrat affectus, prius est de voce dicere, cui etiam gestus accommodatur. In ea prima observatio est, qualem habeas: secunda, quomodo utaris. Natura vocis spectatur quantitate & qualitate. Quantitas simplicior est. In summa enim grandis aut exigua est: sed inter has extremitates mediæ sunt species, & ab ima ad summam, ac retro, multi sunt gradus. Qualitas *magis* varia. nam est & candida & fusca, & plena & exilis, & lenis & aspera, & contracta & fusa, & dura & flexibilis, & clara & obtusa. Spiritus etiam longior, breviorque. Nec causas cur quicque eorum accadat, persequi, proposito operi necessarium est: eorumne sit differentia in quibus aura illa concipitur, an eorum per quæ velut organa meat; an ipsi propria natura, an prout movetur; lateris pectorisve firmitas, an capitis etiam plus adjuvet. Nam opus est omnibus, sicut non oris modo suavitate, sed narium quoque, per quas quod superest vocis, egeritur. Dulcis tamen esse debet, non exprobrans sonus. Uten- di voce multiplex ratio. Nam præter illam differen- tiam, quæ est tripartita, acutæ, gravis, flexæ: tum intentis, tum remissis, tum elatis, tum *inferioribus* modis opus est, spatiis quoque lentioribus aut cita- tioribus. Sed his ipsis media interjacent multa: & ut facies quanquam ex paucissimis constat, infinitam habet

habet differentiam : ita vox , etsi paucas quæ nomi- CAP. III.
nari possint , continet species , propria cuique est : &
non hæc minus auribus , quam oculis illa dignoscitur.
Augentur autem sicut omnium , ita vocis quoque
bona , cura : & negligentia minuuntur. Sed cura
non eadem oratoribus , quæ phonascis , convenit :
tamen multa sunt utrisque communia , firmitas cor-
poris , ne ad spadonum & mulierum & ægrorum ex-
ilitatem vox nostra tenuetur : quod ambulatio , un-
ctio , veneris abstinencia , facilis ciborum digestio , id
est frugalitas , præstat. Præterea ut sint fauces inte-
græ , id est molles ac leves , quarum vitio & frangi-
tur , & obscuratur , & asperatur , & scinditur vox.
Nam ut tibiæ eodem spiritu accepto , alium clausis , a-
lium apertis foraminibus , alium non satis purgata ,
alium quassæ sonum reddunt : ita fauces tumentes
strangulant vocem , obtusæ obscurant , rasæ exaspe-
rant , convulsæ fractis sunt organis similes. Finditur
etiam spiritus objectu aliquo , sicut lapillo tenues a-
quæ , quarum fluxus etiamsi ultra paulum coit , ali-
quid tamen cavi relinquit post id ipsum quod offen-
derat. Humor quoque vocem ut nimius impedit , ita
consumtus destituit. Nam & fatigatio corpora non ad
præsens modo tempus , sed etiam in futurum afficit.
Sed ut communiter & phonascis & oratoribus neces-
saria est exercitatio , qua omnia convalescunt , ita cu-
ræ non idem genus. Nam neque certa tempora ad
spatiandum dari possunt tot civilibus officiis occupa-
to , nec præparare ab imis sonis vocem ad summos ,
nec semper a contentione concedere licet , cum plu-
ribus judiciis sæpe dicendum sit. Ne ciborum quidem
est eadem observatio. Non enim tam molli tenera-
que

CAP. III. que voce, quam forti ac durabili opus est: cum illi omnes etiam altissimos sonos leniant cantu oris, nobis pleraque asperere sint concitateque dicenda, & vigilandæ noctes, & fuligo lucubrationum bibenda, & in sudata veste durandum. Quare vocem delitiis non molliamus, nec imbuatur ea consuetudine, quæ duratura non sit: sed exercitatio ejus talis sit, qualis usus: nec silentio subsidat, sed firmetur consuetudine, qua difficultas omnis levatur. Ediscere autem quo exercearis, erit optimum, (nam ex tempore dicenti, avocatur cura vocis ille qui ex rebus ipsis concipitur affectus) & ediscere quam maxime varia, quæ & clamorem, & disputationem, & sermonem, & fluxus habeant, ut simul in omnia paremur. Hoc satis est, alioqui nitida illa & curata vox insolitum laborem recusabit, ut assueta gymnasiis & oleo corpora, quamlibet sint in suis certaminibus speciosa atque robusta, si militare iter, fascemque, & vigilias impetres, deficient, & quærant unctores suos, nudumque sudorem. Illa quidem in hoc opere præcipi quis ferat, vitandos soles atque ventos, & nubila etiam ac ficitates? Ita si dicendum in sole, aut ventoso, humido, calidove die fuerit, reos deferemus? Nam crudum quidem, aut saturum, aut ebrium, aut ejecto modo vomitu (quæ cavenda quidam monent) declamare neminem, qui sit mentis compos, puta. Illud non sine causa est ab omnibus præceptum, ut parcatur maxime voci in illo a pueritia in adolescentiam transitu, quia naturaliter impeditur, non, ut arbitror, propter calorem, quod quidam putaverunt, (nam est major aliis) sed propter humorem potius. Nam hoc ætas illa turgescit. Itaque nares
etiam,

etiam, ac pectus, eo tempore tument, atque omnia velut germinant, tenera, & injuriæ obnoxia. Sed ut ad propositum redeam, jam confirmatæ constitutæque vocis genus exercitationis optimum ducō, quod est operi simillimum, dicere quotidie sicut agimus. Namque hoc modo non vox tantum confirmatur & latus, sed etiam corporis decens & accommodatus orationi motus componitur. Non alia est autem ratio pronuntiationis, quam ipsius orationis. Nam ut illa emendata, dilucida, ornata, apta esse debet: ita hæc quoque emendata erit, id est vitio carebit, si fuerit os facile, explanatum, jucundum, urbanum, id est, in quo nulla neque rusticitas neque peregrinitas resonet. Non enim sine causa dicitur barbarum, Græcumve. Nam sonis homines, ut æra tinnitu, dignoscimus. Ita fiet illud quod Ennius probat, cum dicit *suaviloquenti ore* Cethegum fuisse: non quod Cicero in iis reprehendit, quos ait *latrare, non agere*. Sunt enim multa vitia, de quibus dixi, cum in quadam primi libri parte puerorum ora formarem, opportunius ratus in ea ætate facere illorum mentionem, in qua emendari possunt. Itaque sit ipsa vox primum (ut sic dicam) sana, id est, nullum eorum de quibus nunc dixi, patiatur incommodum: deinde non subsurda, rudis, immanis, dura, rigida, vana, præpinguis, aut tenuis, inanis, acerba, pusilla, mollis, effœminata: spiritus, nec brevis, nec parum durabilis, nec in receptu difficilis. Dilucida vero erit pronuntiatio, primum, si verba tota exierint, quorum pars devorari, pars destitui solet, ple-risque extremas syllabas non proferentibus, dum priorum sono indulgent. Ut est autem necessaria ver-

Qqqq

borum

CAP. III. horum explanatio, ita omnes computare & velut annumerare literas, molestum, & odiosum. Nam & vocales frequentissime coeunt, & consonantibus quædam insequente vocali dissimulantur. utriusque exemplum posuimus, *Mulium ille & terris.*— Vitatur etiam duriorum inter se congressus, unde *pellexit, & collegit,* & quæ alio loco dicta sunt. Ideoque laudatur in Catulo suavis appellatio literarum. Secundum est, ut sit oratio distincta, id est, ut qui dicit, & incipiat ubi oportet, & desinat. Observandum etiam quo loco sustinendus & quasi suspendendus sermo sit (quam Græci *ὑποδιαστολήν*, vel *ὑποσυστολήν*, vel *ὑποσημαίν* vocant) quo deponendus. Suspenditur, *ut virumque cano*, quia illud *virum* ad sequentia pertinet: ut sit, *virum, Troja qui primus ab oris.* & hic iterum, nam etiamsi aliud est unde venit, quam quo venit, non distinguendum tamen, quia utrumque eodem verbo continetur, *venit.* Tertio *Italiam*, quia interjectio est, *fato profugus*, & continuum sermonem qui faciebat, *Italiam, Lavinaque*, dividit. Ob eandem causam, quarto *profugus*, deinde *Lavinaque venit littora*: ubi jam erit distinctio, inde alius incipit sensus. Sed in ipsis etiam distinctionibus tempus alias brevius, alias longius dabitur. Interest enim, sermonem finiant, an sensum. Itaque illam distinctionem *Littora*, protinus altero spiritus initio insequar. cum illuc venero, *Atque alta moenia Rome*, deponam, & morabor, & novum rursus exordium faciam. Sunt aliquando & sine respiratione aliqua, quædam moræ etiam in periodicis ut enim illa, *In catu vero populi Romani, negotium publicum gerens, magister equitum, &c.* multa membra

bra habent, (sensus enim sunt alii atque alii) & u-
nam circumductionem, ita paulum morandum in
his intervallis, non interrompendus est contextus:
& e contrario spiritum interim recipere sine intelle-
ctu moræ necesse est; quo loco quasi surripiendus
est: alioqui si incite recipiatur, non minus afferat
obscuritatis, quam vitiosa distinctio. Virtus autem
distinguendi fortasse sit parva, sine qua tamen esse
nulla alia in agendo potest. Ornata est pronuncia-
tio, cui suffragatur vox facilis, magna, læta, fle-
xibilis, firma, dulcis, durabilis, clara, pura, secans
aera, auribus sedens. Est enim quædam ad auditum
accommodata, non magnitudine, sed proprietate, ad
hoc velut tractabilis, utique habens omnes in se qui
desiderantur sonos, intentionesque, & toto (ut ajunt)
organo instructa: cui aderit lateris firmitas, spiritus
cum spatio pertinax, tum labori non facile cessurus.
Neque gravissimus, ut in musica, sonus, nec acutissi-
mus orationibus convenit. Nam & hic parum cla-
rus, nimiumque plenus, nullum afferre animis mo-
tum potest: & ille pertenuis, & immodicæ clarita-
tis, tum est ultra verum, tum neque pronunciatio-
ne flecti, neque diutius ferre intentionem potest.
Nam vox, ut nervi, quo remissior, hoc & gravior
& plenior: quo tensior, hoc tenuis & acuta magis
est. Sic imma vim non habet, summa rumpi pericli-
tatur. Mediis igitur utendum sonis: hique, cum au-
genda intentio est, excitandi: cum summittenda,
sunt temperandi. Nam prima est observatio recte
pronunciandi, æqualitas, ne sermo subsultet impa-
ribus spatiis ac sonis, miscens longa brevibus, gravia
acutis, elata summissis: & inæqualitate horum o-

Qqqq 2

mnium

CAP. III. mnium, sicut pedum, claudicet. Secunda, varietas est, quæ solum est pronunciatio: ac ne quis pugnare inter se putet æqualitatem & varietatem, cum illi virtuti contrarium sit vitium inæqualitas, huic, quæ dicitur *μωροειδία*, quasi quidam unus aspectus. Ars porro variandi tum gratiam præbet, ac renovat aures, tum dicentem ipsa laboris permutatione reficit: ut standi, ambulandi, sedendi, jacendi vices sunt, nihilque eorum pati unum diu possumus. Illud vero maximum (sed id paulo post tractabimus) quod secundum rationem rerum de quibus dicimus, animorumque habitus, conformanda vox est, ne ab oratione discordet. Vitemus igitur illam quæ Græce *μωροειδία* vocatur, una quædam spiritus ac soni intentio: non solum ne dicamus omnia clamose, quod insanum est: aut intra loquendi modum, quod motu caret: aut summisso murmure, quo etiam debilitatur omnis intentio: sed ut in iisdem partibus, iisdemque affectibus sint tamen quædam non ita magnæ vocis declinationes, prout aut verborum dignitas, aut sententiarum natura, aut depositio, aut inceptio, aut transitus postulabit: ut qui singulis pinxerunt coloribus, alia tamen eminentiora, alia reductiora fecerunt, sine quo ne membris quidem suas lineas dedissent. Proponamus enim nobis illud Ciceronis in oratione nobilissima pro Milone principium, nonne ad singulas pene distinctiones, quamvis in eadem facie, tamen quasi vultus mutandus est? *Et si veremur iudices, ne turpe sit pro fortissimo viro dicere incipientem timere.* Etiam si est toto proposito contractum atque summissum, quia & exordium est, & solliciti exordium; tamen fuerit necesse est aliquid plenius & erectius

erectius, dum dicit, *Pro fortissimo viro*, quam cum, CAP. III.
Esti vereor, &, *Turpe sit*, & *Timere*. Jam secunda re-
 spiratio increseat oportet, & naturali quodam cona-
 tu, quo minus pavide dicimus quæ sequuntur, &
 quo magnitudo animi Milonis ostenditur, *Minime-*
que deceat, cum *T. Annius ipse magis de reipublica salu-*
te, quam de sua perturbetur. Deinde quasi objurgatio
 sui est, *Me ad ejus causam parem animi magnitudinem*
afferre non posse. Tum invidiosiora, *Tamen hac novi*
judicii nova forma terret oculos. Illa vero jam pene
 apertis (ut ajunt) tibiis, *Qui quocunque inciderunt,*
veterem consuetudinem fori, & pristinum morem judicio-
rum requirunt. Nam sequens latum atque etiam fufum
 est: *Non enim corona confessus vester cinctus est, ut solebat.*
 Quod notavi, ut appareret non solum in membris
 causæ, sed etiam in articulis esse aliquam pronunci-
 andi varietatem, sine qua nihil neque majus heque
 minus est. Vox autem ultra vires urgenda non est.
 Nam & suffocata saepe, & majore nisu minus clara
 est, & interim elisa, in illum sonum erumpit, cui
 Græci nomen a gallorum immaturo cantu de-
 derunt. Nec volubilitate nimia confundenda quæ
 dicimus: qua & distinctio perit, & affectus: & non-
 nunquam etiam verba aliqua sui parte fraudantur.
 Cui contrarium est vitium nimiae tarditatis. Nam
 & difficultatem inveniendi fatetur, & segnitia solvit
 animos, &, in quo est aliquid, temporibus præfinitis
 aquam perdit. Promptum sit os, non præceptus:
 moderatum, non lentum. Spiritus quoque nec cre-
 bro receptus concidat sententiam; nec eousque tra-
 hatur, donec deficiat. Nam & deformis est consum-
 ti illius sonus, & respiratio sub aqua diu pressi simi-
 lis, &

CAP. III. lis, & receptus longior, & non opportunus; ut qui fiat non ubi volumus, sed ubi necesse est. Quare longiorem dicturis periodum, colligendus est spiritus: ita tamen, ut id neque diu, neque cum sono faciamus, neque omnino ut manifestum sit: reliquis partibus optime inter juncturas sermonis revocabitur. Exercendus autem est, ut sit quam longissimus: quod Demosthenes ut efficeret, scandens in adversum continuabat quam posset plurimos versus. Idem quo facilius verba ore libero exprimeret, calculos *lingua* volvens dicere domi solebat. Est interim & longus, & plenus, & clarus satis spiritus, non tamen firmæ intentionis, ideoque tremulus: ut corpora *quæ a* spectu integra, nervis parum sustinentur. Id ~~β, γ, δ, ε~~ Græci vocant. Sunt qui spiritum cum stridore per raritatem dentium non recipiunt, sed resorbent. Sunt qui crebro anhelitu, & introrsum etiam clare sonante, imitentur jumenta onere & jugo laborantia. Quod affectant quoque, tanquam inventionis copia urgeantur, majorque vis eloquentiæ ingruat, quam quæ emitti faucibus possit. Est aliis concursus oris, & cum verbis suis colluctatio. Jam tussire, & expectuere crebro, & ab imo pulmone pituitam *troc*leis adducere, & oris humore proximos *spargere*, & majorem partem spiritus in eloquendo per nares effundere, etiam si non utique vocis sunt vitia, quia tamen propter vocem accidunt, potissimum huic loco subjiciantur. Sed quodcunque ex his vitium magis tulerim, quam quo nunc maxime laboratur in causis omnibus scolisque, cantandi: quod inutilius sit an scœdus, nescio. Quid enim minus oratori convenit, quam modulatio scenica, & nonnunquam ebriorum

rum aut commessantium licentiæ similis ? Quid vero movendis affectibus contrarium magis, quam cum dolendum, irascendum, indignandum, commiserandum sit, non solum ab iis affectibus, in quos inducendus est iudex, recedere, sed ipsam fori sanctitatem, ludorum talarium licentia solvere ? Nam Cicero illos ex Lycia & Caria rhetores pene cantare in epilogis dixit. Nos etiam in cantando severiorem paulo modum excessimus. Quisquamne, non dico de homicidio, sacrilegio, parricidio, sed de calculis certe atque rationibus ; quisquam demique (ut semel finiam) in lite cantat ? Quod si omnino recipiendum est, nihil causæ est cur non illam vocis modulationem fidibus ac tibiis, imo mehercule, quod est huic deformitati propius, cymbalis adjuvemus. Facimus tamen hoc libenter. Nam more avium cuique sunt jucunda quæ cantat ipse, & laboris in hoc, quam in agendo minus est. Et sunt quidam qui secundum alia vitæ vitia, etiam hac ubique audiendi quod aures mulceat, voluptate ducantur. Quid ergo ? non & Cicero dicit esse aliquem in oratione cantum obscuriorem ? Et hoc quodam naturali vitio venit. Ostendam non multo post, ubi & quatenus recipiendus sit hic flexus, & cantus quidem, sed (quod plerique intelligere nolunt) obscurior. Jam enim tempus est dicendi quæ sit apta pronuntiatio : quæ certe ea est, quæ iis de quibus dicimus, accommodatur : quod quidem maxima ex parte præstant ipsi motus animorum, sonatque vox ut feritur. Sed cum sint alii veri affectus, alii ficti & imitati : veri naturaliter erumpunt, ut dolentium, irascentium, indignantium : sed carent arte, ideoque non sunt disciplinæ

CAP. III. disciplinæ traditione formandi. Contra qui effinguntur imitatione, artem habent; sed hi carent natura: ideoque in his primum est bene affici, & concipere imagines rerum, & tanquam veris moveri: sic velut media vox, quem habitum a nostris acceperit, hunc iudicum animis dabit. Est enim mentis index & velut exemplar, ac totidem, quot illa, mutationes habet. Itaque lætis in rebus plena, simplex, & ipsa quodam modo hilaris fluit: at in certamine erecta totis viribus, & velut omnibus nervis intenditur. Atrox in ira, & aspera ac depressa, & respiratione crebra. Neque enim potest esse longus irritus, cum immoderate effunditur. Paululum in avidia facienda lenior, quia non fere ad hanc nisi inferiores confugiunt: at in blandiendo, fatendo, satisfaciendo, rogando, lenis & summissa. Suadentium, & monentium, & pollicentium, & consolantium, gravis. In metu & verecundia, contracta; adhortationibus fortis, disputationibus teres, miseratione flexa & flebilis, & consulto quasi obscurior: in egressionibus fusa, & securæ claritatis, in expositione ac sermonibus recta, & inter acutum & grave, & gravem media. Attollitur autem concitatis affectibus, compositis descendit, pro utriusque rei modo altius vel inferius. Quid autem quisque in dicendo postulet locus, paulum differam, ut de potius prius dicam: qui & ipse voci consentit, & animo cum ea simul paret. Is quantum habeat in oratore momenti, satis vel ex eo patet, quod pleraque etiam citra verba significat. Quippe non manus solum, sed nutus etiam declarant nostram voluntatem, & in mutis pro sermone sunt: & salutatio frequenter

ter sine voce intelligitur atque afficit, & ex ingres-
su vultuque perspicitur habitus animorum: & ani-
malium quoque sermone carentium, ira, lætitia, ad-
ulatio, & oculis & quibusdam aliis corporis signis
deprehenditur. Nec mirum si ista, quæ tamen in a-
liquo posita sunt motu, tantum in animis valent;
quum pictura, tacens opus, & habitus semper ejus-
dem, sic in intimos penetret affectus, ut ipsam vim
dicendi nonnunquam superare videatur. Contra si
gestus ac vultus ab oratione dissentiant, tristitia dica-
mus hilares, affirmemus aliqua renuentes: non au-
thoritas modo verbis, sed etiam fides desit. Decor
quoque a gestu atque motu venit. Ideoque De-
mosthenes grande quoddam intuens speculum, com-
ponere actionem solebat. Adeo quamvis fulgur ille
sinistras imagines reddat, suis demum oculis cre-
didit quod efficeret. Præcipuum vero in actione,
sicut in corpore ipso, caput est, cum ad illum de
quo dixi decorem, tum etiam ad significationem.
Capitis illa sunt, ut sit primo rectum, & secundum
naturam. Nam & dejecto humilitas, & supino
arrogantia, & in latus inclinato languor, & præ-
dūro ac rigente barbaria quædam mentis ostendi-
tur. Tum accipiat aptos ex ipsa actione motus,
ut cum gestu concordet, & manibus ac lateribus
obsequatur. Aspectus enim semper eodem verti-
tur quo gestus, exceptis quæ aut damnare, aut
concedere, aut a nobis remove oportebit: ut
idem illud vultu videamur averfari, manu repel-
lere:

Rrrr

—Dis

CAP. III. --- *Dii talem terris avertite pestem.* Et,
 --- *Haud equidem tali me dignor honore.*

Significat vero plurimis modis. Nam præter annuendi, renuendi, confirmandique motus, sunt & verecundiæ, & dubitationis, & admirationis, & indignationis noti & communes omnibus. Solo tamen eo facere gestum scenici quoque doctores vitiosum putaverunt. Etiam frequens ejus nutus non caret vitio: adeo jactare id comasque, & concutientem rotare, phreneticum est. Dominatur autem maxime vultus. Hoc supplices, hoc miraces, hoc blandi, hoc tristes, hoc hilares, hoc erecti, hoc summissi sumus: hoc pendent homines, hunc intuentur, hunc spectant etiam antequam dicamus: hoc *quosdam* amamus, hoc odimus, hoc plurima intelligimus: hic est sæpe pro omnibus verbis. Itaque in iis quæ ad scenam componuntur fabulis, artifices pronuntiandi a personis quoque affectus mutuuntur: ut sit Niobe in tragoedia tristis, atrox Medea, attonitus Ajax, truculentus Hercules. In comœdiis vero præter aliam observationem, qua servi, lenones, parafiti, rustici, milites, vetulæ, meretriculæ, ancillæ, senes austeri ac mites, juvenes severi ac luxuriosi, matronæ, puellæ, inter se discernuntur: pater ille ejus præcipuæ partes sunt, quia interim concitatus, interim lenis est; altero erecto, altero composito est supercilio: atque id ostendere maxime Latinis actoribus moris est, quod cum iis quas agunt partibus, congruat. Sed in ipso vultu plurimum valent oculi, per quos maxime animus emanat, ut citra motum quoque & hilaritate enitescant, & tristitia quoddam nubilum inducant. Quinetiam lacrymas his natura
 mentis

mentis indices dedit: quæ aut erumpunt dolore, aut lætitia manant. Motu vero intenti, remissi, superbi, torvi, mites, asperi fiunt: quæ ut actus poposcoris fingentur. Rigidi vero & extenti, aut languidi & torpentes, aut stupentes, aut lascivi & mobiles, aut patantes, & quadam voluptate suffusi, aut limi, & (ut sic dicam) veneri, aut poscentes aliquid, pollicentesve nonnunquam esse debebunt. Nam operas compressosve eos in dicendo, quis nisi plane rudis aut stultus habeat? Et ad hæc omnia exprimenda in palpebris etiam & in genis est quoddam deserviens his ministerium. Multum & superciliis agitur. Nam & oculos formant aliquatenus, & fronti imperant. His contrahitur, attollitur, demittitur: ut una res in ea plus valeat; sanguis ille qui mentis habitu movetur, & cum infirmam verecundia cutem accipit, effunditur in ruborem; cum metu refugit, abiectionis, & pallore frigescit: temperatus medium quoddam serenum efficit. Vitium in superciliis, si aut immota, sunt omnino, aut nimium mobilia, aut inæqualitate (ut modo de persona comica dixeram) dissident, aut contra id quod dicimus, finguntur. Ira enim contractis, tristitia deductis, hilaritas remissis ostenditur. Annuendi quoque & renuendi ratione demittuntur, aut allevantur. Nambus labrisque non fere quicquam decenter ostendimus, tametsi derisus iis interim, contemptus, fastidium significari solet. Nam & *corrugare nares* (ut Horatius ait) & inflare, & movere, & digito inquietare, & impulsu subito spiritum excutere, & diducere sapius, & plan manu resupinare, indecorum est: cum emunctio etiam frequentior non sine causa reprehendatur. La-

R r r r 2

bra

CAP. III.

bra & porriguntur male, & scinduntur, & adstringuntur, & diducuntur, & dentes nudant, & in latas ac pene ad aurem trahuntur, & velut quodam fastidio replicantur, & pendent, & vocem tantum altera parte dimittunt. Lambere quoque ea & mordere, deforme est: cum etiam in efferendis verbis modicus eorum esse debeat motus. Ore enim magis quam labris loquendum est. Cervicem rectam oportet esse, non rigidam aut supinam. Collum diversa quidem, sed pari deformitate & contrahitur & tenditur: sed tenso subest & labor, tenuaturque vox ac fatigatur. Affixum pectori mentum, minus claram, & quasi hebetiorem presso gutture facit. Humerorum raro decens allevatio atque contractio est. Breviatur enim cervix, & gestum quendam humilem atque servilem & quasi fraudulentum facit, cum se in habitum adulationis, admirationis, metus fingunt. Brachii moderata projectio remissis humeris, atque explicantibus se in proferenda manu digitis, continuos & decurrentes locos maxime decet. At cum speciosius quid uberiusque dicendum est, ut illud, *Saxa atque solitudines voci respondent*, exspatiatur in latas, & ipsa quodammodo se cum gestu fundit oratio. Manus vero, sine quibus trunca esset actio ac debilis, vix dici potest quot motus habeant: cum pene ipsam verborum copiam prosequantur. Nam ceteræ partes loquentem adjuvant, hæ (prope est ut dicam) ipsæ loquuntur. An non his poscimus, pollicemur, vocamus, dimittimus, minamur, supplicamus, timeamus, interrogamus, negamus, gaudium, tristitiam, dubitationem, confessionem, poenitentiam, modum, copiam, numerum, tempus, ostendimus? Non eadem

dem concitant, supplicant, inhibent, probant, admirantur, verecundantur? Non in demonstrandis locis atque personis, adverbiorum atque pronominum obtinent vicem? ut in tanta per omnes gentes nationesque linguae diversitate, hic mihi omnium hominum communis sermo videatur haberi. Et ii quidem de quibus sum locutus, cum ipsis vocibus naturaliter exeunt gestus: alii sunt qui res imitatione significant; ut si agrum tentantis venas medici similitudine, aut citharoedum formatis ad modum percutientis nervos manibus ostendas, quod est genus quam longissime in actione fugiendum. Abesse enim plurimum a saltatore debet orator, ut sit gestus ad sensus magis quam ad verba accomodatus: quod etiam histrionibus paulo gravioribus faceremoris fuit. Ergo ut ad se manum referre, cum de seipso loquatur, & in eum quem demonstrat, intendere, & aliqua his similia permiserim: ita non effingere status quosdam, & quicquid dicet, ostendere. Neque id in manibus solum, sed in omni gestu ac voce servandum est. Non enim aut in illa periodo, *Stetit solentus Prator populi Romani*, inclinatio incumbentis in mulierculam Verris effingenda est: aut in illa, *Cadebatur in medio foro Messana*, motus laterum, qualis esse servorum ad verbera solet, torquendus; aut vox qualis dolore exprimitur, crudenda. Cum mihi comoedi quoque pessime facere videantur, qui etiam si juvenem agant, cum tamen in expositione aut senis sermo, ut in *Hydria* prologo, aut mulieris, ut in *Georgo*, incidit; tremula vel effoeminata voce pronunciant. Adeo in illis quoque est aliqua vitiosa imitatio, quorum ars omnis constat imitatione. Est

Rrrr 3

autem

CAP. III. autem gestus ille maxime communis, quo medius digitus in pollicem contrahitur explicitis tribus, & principiis utilis cum leni in utramque partem motu modice prolatus, simul capite atque humeris sensim ad id quo manus feratur, obsecundantibus: & in narrando certus, sed tum paulo productior: & in exprobrando & arguendo acer atque instans. Longius enim partibus his & liberius exeritur. Vitiose vero idem sinistrum quasi humerum petens in latus agi solet: quanquam adhuc pejus aliqui transversum brachium proferunt, & cubito pronunciant. Duo quoque medii sub pollicem veniunt: & est hic adhuc priore gestus instantior, principio & narrationi non accommodatus. At cum tres contracti pollice premuntur, tum digitus ille, quo usum optime Crassum Cicero dixit, explicari solet. Is in exprobrando & indicando (unde ei nomen est) valet: & allevata ac spectante humerum manu paulum inclinatus affirmat: versus in terram & quasi pronus urget: aliquando pro numero est. Idem summo articulo utrinque leniter apprehenso, duobus modice curvatis, minus tamen minimo, aptus ad disputandum est. Accrius tamen argumentari videntur, qui medium articulum potius tenent: tanto contractioribus ultimis digitis, quanto priores descenderunt. Est & ille verecundæ orationi aptissimus, quo quatuor primis leviter in summum coeuntibus digitis, non procul ab ore aut pectore fertur ad nos manus, & deinde pronæ ac paululum prolata laxatur. Hoc modo coepisse Demosthenem, creditur, in illo pro Ctesiphonte timido summissoque principio: sic formatam Cicero nis manum, cum diceret, *Si quid est in me ingenii, judices*

dicēs, quod sentio quam sit exiguum. Eadem aliquando C. XI. III
 tenuis liberius deorsum spectantibus digitis colligitur
 in os, & fusius paulo in diversum resolvitur, ut quo-
 dammodo sermonem ipsum proferre videatur. Bi-
 nos interim digitos distinguimus, sed non inserto
 pollice, paulo tamen inferioribus intra spectantibus,
 sed ne illis quidem tensis qui supra sunt. Duo inte-
 rim extremi palmam circa ima pollicis premunt,
 ipse prioribus ad medios articulos jungitur: interim
 quartus oblique reponitur: interim quatuor remissis
 magis quam tensis, pollice intus inclinato, habitem
 demonstrando in latus, aut distinguendo quæ dici-
 mus, manum facimus, cum supina in sinistram la-
 tus, prona in alterum fertur. Sunt & illi breves ge-
 stus, cum manus leviter pandata, qualis fœventium
 est, parvis intervallis, & subassistentibus humeris mo-
 vetur: maxime apta parce & quasi timide loquenti-
 bus. Est admirationi conveniens ille gestus, quo ma-
 nus modice supinata, ac per singulos a minimo col-
 lecta digitos, redeunte flexu simul explicatur atque
 convertitur. Nec uno modo interrogantes gestum
 componimus: plerumque tamen vertentes manum,
 utcunque composita est. Pollici proximus digitus,
 mediumque qua dexter est, unguem pollicis summo
 suo jungens, remissis cæteris, est & approbantibus, &
 narrantibus, & distinguentibus decorus. Cui non
 dissimilis, sed compressis tribus digitis, quo nunc
 Græci plurimum utuntur etiam utraque manu, quo-
 ties enthymemata sua gestu velut cornu tundunt ex-
 sim. Manus lenior promittit & assentatur, citatior
 hortatur, interim laudat. Est & ille urgentis oratio-
 nis gestus vulgaris magis quam ex arte, qui contra-
 hit

CAP. III. *hiſ alterno celerique motu & explicat manum. Eſt & illa cava, & lata ſupra humeri altitudinem cum quodam motu velut hortatrix manus, a peregrinis ſcolis jam prope recepta. Tremula, ſcenica eſt. Digitoſ, cum ſummi coierunt, ad os referre, cur quibuſdam diſplicuerit, neſcio. Nam id & leviter admirantes, & interim ſubita indignatione velut paveſcentes, & deprecantes, facimus. Quin compreſſam etiam manum in ſignum poenitentiae vel irae pectori admoveamus, ubi vox vel inter dentes expreſſa non dedecet: *Quid nunc agam? Quid faciam?* Averso pollice demonſtrare aliquid, receptum magis puto, quam oratori decorum. Sed cum omnis motus ſex partes habeat, ſeptimuſque ſit ille qui in ſe redit orbis, vitioſa eſt una circumverſio: reliqui, ante nos, & dextra laevaue, & ſuſſum & deorſum aliquid oſtendunt: in poſteriora geſtus non dirigitur. Interim tamen velut rejici ſolet. Optime autem manus a ſiniſtra incipit parte, in dextra deponitur: ſed ut deponi, non ut ferire videatur: quanquam & in fine interim cadit, ut cito tamen redeat: & nonnunquam reſilit vel negantibus nobis, vel admirantibus. Hic veteres artifices illud recte adjecerunt, ut manus cum ſenſu & inciperet, & deponeretur. Alioquin enim aut ante vocem erit geſtus, aut poſt vocem: quod eſt utrumque deforme. In illo lapſi nimia ſubtilitate ſunt, quod intervallum motus tria verba eſſe voluerunt: quod nec obſervatur, nec fieri poteſt: ſed illi quaſi meſuram tarditatis celeritatiſque aliquam eſſe voluerunt: nec immerito, ne aut diu oſioſa eſſet manus, aut (quod multi faciunt) actionem conti-*

continuo motu conciderent. Aliud est quod & fit CAP. III,
 frequentius & magis fallit. Sunt quædam latentes
 sermonis percussiones, & quasi aliqui pedes, ad quos
 plurimorum gestus cadit: ut sit unus motus, *No-
 vum crimen*: alter, *C. Cæsar*: tertius, *Et ante hanc
 diem*: quartus, *Inauditum*: deinde, *Propinquus meus*:
 &, *Ad te Quintus Tubero detulit*. Unde id quoque
 fuit vitium, ut juvenes cum scribunt, gestu præmo-
 dulati cogitationem sic componant, quomodo casu-
 ra manus est. Inde & illud vitium, ut gestus qui in fine
 dexter esse debet, in sinistrum frequenter desinat.
 Melius illud, cum sint in sermone omni breviter quæ-
 dam membra, ad quæ, si necesse sit, recipere spiri-
 tum liceat, ad hæc gestum disponere: ut puta, *No-
 vum crimen*, *C. Cæsar*, habet per se finem quandam
 suum, quia sequitur conjunctio: deinde, *Et ante hanc
 diem inauditum*, satis circumscriptum est. Ad hæc
 commodanda manus est, idque dum erit prima &
 composita actio. At ubi jam calor eam concitave-
 rit, etiam gestus cum ipsa orationis celeritate cre-
 brescet. Aliis locis citata, aliis pressa conveniet pro-
 nuntiatio. Illa transcurrimus, congerimus, abunda-
 mus, festinamus: hac instamus, inculcamus, infigi-
 mus. Plus autem affectus habent lentiora: ideoque
 Roscius citatior, Æsopus gravior fuit, quod ille co-
 mœdias, hic tragoedias egit. Eadem motus quo-
 que observatio est. Itaque in fabulis, juvenum, se-
 num, militum, matronarum gravior ingressus est:
 servi, ancillæ, parasiti, piscatores citatius moventur.
 Tolle autem manum artifices supra oculos, demitte
 infra pectus vetant: adeo a capite eam petere, aut

Ssss act

CAP. III.

ad imum ventrem deducere vitiosum habetur. Ad sinistram intra humerum promovetur, ultra non de-
 cet. Sed cum averfantes in lævam partem velut propellemus manum, sinister humerus proferendus, ut cum capite ad dextram ferente consentiat. Manus sinistra nunquam sola gestum recte facit: dextræ se frequenter accommodat, sive in digitos argumenta digerimus, sive averfis in sinistrum palmis abominamur, sive objicimus adversas, sive in latus utrumque distendimus, sive satisfaciētes, aut supplicantes. Diversi autem sunt hi gestus, sive summittimus, sive adorantes attollimus, sive aliqua demonstrationi aut invocationi protendimus, *Vos Albani tumuli atque luci.* Aut Gracchanum illud, *Quo me miser conferam? quo vertam? in Capitoliumne? at fratris sanguine redundat. an domum? matremne ut miseram lamentantemque videam & abjectam?* Plus enim affectus in his junctæ exhibent manus. In rebus parvis, tristibus, mitibus, breves; magnis, lætis, atrocibus, extensiores sunt. Vitia quoque earum subjicienda sunt, quæ quidem accidere etiam exercitatis actoribus solent. Nam gestum poculum poscentis, aut verbera minantis, aut numerum quingentorum flexo pollice efficientis, quæ sunt a quibusdam scriptoribus notata, ne in rusticis quidem vidi. At ut brachio exerto introspiciatur latus, ut manum alius ultra sinum proferre non audeat, alius in quantum patet longitudo, protendat, aut ad tectum erigat, aut repetito ultra lævum humerum gestu ita in tergum flagellet, ut consistere post eum parum tutum sit, aut sinistram ducat orbem, aut temere sparsa manu in proximos offendat, aut cubitum utrumque in
 versum

versum latus ventilet, sæpe scio evenire. Solet esse & pigra, & trepida, & secanti similis: interim etiam uncis digitis, aut a capite dejiciatur, aut eadem manus supinata in superiora jactetur. Fit & illè habitus, qui esse in statuis pacificator solet, qui inclinato in humerum dextrum capite, brachio ab aure protenso, manum infesto pollice extendit: qui quidem maxime placet iis, qui se dicere sublata manu jactant. Adjicias licet eos qui sententias vibratis digitis jaculantur, aut manu sublata denunciant, aut (quod per se interim recipiendum est) quoties aliquid ipsis placuit, in ungues eriguntur: sed vitiosum id faciunt aut digito quanto plurimum possunt erecto, aut etiam duobus, aut utraque manu ad modum aliquid portantium composita. His accedunt vitia non naturæ, sed trepidationis, cum ore concurrente rixari, si memoria fefellerit, aut cogitatio non suffragetur, quasi faucibus aliquid obstiterit insonare, in adversum tergere nares, obambulare sermone imperfecto, resistere subito, & laudem silentio poscere: quæ omnia persequi prope infinitum est. Sua enim cuique sunt vitia. Pectus ac venter ne projiciantur, observandum. Pandant enim posteriora, & est odiosa omnis supinitas. Latèra cum gestu consentiant. Facit enim aliquid & totius corporis motus: adeo ut Cicero plus illo agi, quam manibus ipsis putet. Ita enim dicit in Oratore, *Nulla argutia digitorum, non ad numerum articulus cadens, trunco magis toto se ipse moderans, & virili laterum flexione.* Femur ferire, quod Athenis primus fecisse creditur Cleon, & usitatum est, & indignantes decet,

CAP. III.

S s s s 2

& ex.

CAP. III. & excitat auditorem. Idque in Callidio Cicero de-
 siderat. *Non frons*, inquit, *percussa*, *non femur*: *pe-*
dum (quod minimum est) nulla supplegio. Quanquam
 (si licet) de fronte dissentio. Nam & complodere
 manus scenicum est, & pectus cedere. Illud quoque
 raro decebit, cava manu summis digitis pectus ap-
 petere, si quando nosmetipsos alloquemur, cohori-
 tantes, objurgantes, miserantes: quod siquando fiet,
 togam quoque inde removeri non decebit. In pe-
 dibus observatur status & incessus. Prolato dextro
 stare, & eandem manum ac pedem proferre, deforme
 est. In dextrum recumbere interim datur, sed
 æquo pectore: qui tamen comicus magis quam ora-
 torius gestus est. Male etiam in sinistrum pedem in-
 sistentium dexter aut attollitur, aut summis digitis
 suspenditur. Varicare supra modum, & in stando de-
 forme est, & accedente motu prope obscœnum. Pro-
 cursio opportuna, brevis, moderata, rara, conveni-
 ens: etiam ambulatio quædam, propter immodicas
 laudationum moras: quanquam Cicero rarum inces-
 sum, neque ita longum probat. Discursare vero, &
 quod Domitius Afer de Sura Manilio dixit, *fasagere*,
 ineptissimum: urbaneque Flavius Virginius interro-
 gavit de quodam suo antisophiste, *quot millia passuum*
declamasset. Præcipi & illud scio, ne ambulantes aver-
 tamur a iudicibus, sed sint obliqui pedes ad conci-
 lium nobis respicientibus. Id fieri iudiciis privatis non
 potest. Verum & breviora sunt spatia, nec aver-
 si diu sumus. Interim tamen recedere sensim datur.
 Quidam & resiliunt, quod est plane ridiculum. Pe-
 dis supplegio ut loco est opportuna, ut ait Cicero,
 in contentionibus aut incipiendis, aut finiendis: ita
 crebra

crebra, & inepti est hominis, & desinit judicem in CAP. III.

se convertere. Est & illa indecora in dextrum ac lævum latus vacillatio, alternis pedibus insistentium. Longissime fugienda mollis actio, qualem in Tityo Cicero dicit fuisse, unde etiam saltationis quoddam genus *Tityus* sit appellatum. Reprehendenda est & illa frequens & concitata in utramque partem nutatio, quam in Curione patre irrisit & Junius, quærens *quis in lentre loqueretur*. & C. Sicinius: nam cum assidente collega, qui erat propter valetudinem & deligatus, & plurimis medicamentis propter dolorem artuum delibutus, multum se Curio ex more jactasset, *Nunquam*, inquit, *Octavi, collega tuo gratiam referes: qui nisi fuisset, hodie te istic musca comedissent*. Jactantur & humeri: quod vitium Demosthenes ita dicitur emendasse, ut cum in angusto quodam pulpito stans diceret, hasta humero dependens immineret: ut si calore dicendi vitare id excidisset, offensione illa commoneretur. Ambulantem loqui ita demum oportet in causis publicis, in quibus multi sunt iudices, si quod dicimus, quasi singulis inculcare peculiariter velimus. Illud vero non ferendum, quod quidam rejecta in humerum toga, cum dextra sinum usque ad lumbos reduxerunt, sinistra gestum facientes spatiantur, & fabulantur: cum etiam lævam restringere prolata longius dextra sit odiosum. Unde moneor ut ne id quidem transeam ineptissime fieri, cum inter moras laudationum aut in aurem alicujus loquuntur, aut cum sodalibus jocantur, aut nonnunquam ad librarios suos ita respiciunt, ut sportulam dictare videantur. Inclinari ad judicem cum doceas, utique si id de quo loquaris sit obscurius, decet. In-

SSSS 3

cum-

CAP. III. cumbere advocato adversis subselliis sedenti, contumeliosum est. Reclinari etiam ad suos, & manibus sustineri, nisi plane iusta fatigatio est, delicatum fuerit, palam moneri, excidentis; aut legere. Namque in his omnibus & vis illa dicendi solvitur, & frigidit affectus, & iudex parum sibi præstari reverentiæ credit. Transire in diversa subsellia, parum verendum est. Nam & Cassius Severus urbane adversus hoc facientem, lineam poposcit. Et si aliquando concitate itur, nunquam non frigide reditur. Multa ex his quæ præcepimus, mutari necesse est ab iis, qui dicunt apud tribunalia. Nam & vultus erectior, ut eum, apud quem dicitur, spectet: & gestus, ut ad eundem tendens elatior sit necesse est, & alia quæ occurrere etiam me tacente omnibus possunt. Itemque ab iis qui sedentes agunt. Nam & fere fit hoc in rebus minoribus: & iidem impetus actionis esse non possunt, & quædam vitia fiunt necessaria. Nam & dexter pes a læva iudicis sedentis proferendus est, & ex altera parte multi gestus necesse est in sinistrum eant, ut ad iudicem spectent. Equidem plebsque & ad singulas sententiarum clausulas video assurgentes sibi, & nonnullos subinde aliquid etiam spatiantes: quod an deceat, ipsi viderint: cum id faciunt, non sedentes agunt. Bibere, aut etiam esse inter agendum, quod multis moris fuit, & est quibusdam, ab oratore meo procul absit. Nam si quis aliter dicendi onera perferre non possit, non ita miserum est non agere, potiusque multo, quam & operis & hominum contemptum fateri. Cultus non est proprius oratoris aliquis, sed magis in oratore conspicitur. Quare sit, ut in omnibus honestis debet esse,

splen-

splendidus & virilis. Nam & toga, & calceus, & capillus, tam nimia cura quam negligentia sunt reprehendenda. Est aliquid in amictu, quod ipsum aliquatenus temporum conditione mutatum est. Nam veteribus nulli sinus: perquam breves post illos fuerunt. Itaque etiam gestu necesse est usos esse in principiis eos alio, quorum brachium, sicut Græcorum, veste continebatur. Sed nos de præsentibus loquimur. Cui laticlavi jus non erit, ita cingatur, ut tunicæ prioribus oris infra genua paulum posterioribus ad medios poplites usque perveniant. Nam infra mulierum est, supra centurionum. Ut purpuræ recte descendant, levis cura est. Notatur interim negligentia. Latum habentium clavum modus est, ut sit paulum cinctis summissior. Ipsam togam rotundam esse, & apte cæsam velim. Aliter enim multis modis fiet enormis. Pars ejus prior mediis cruribus optime terminatur, posterior eadem portione altius quam cinctura. Sinus decentissimus, si aliquanto supra imam togam fuerit, nunquam certe sit inferior. Ille qui sub humero dextro ad sinistrum oblique ducitur velut baltens, nec strangulet, nec fluat. Pars togæ quæ postea imponitur, sit inferior: nam ita & sedet melius, & continetur. Subducenda etiam pars aliqua tunicæ, ne ad lacertum in actu redeat: tum sinus injiciendus humero, cujus extremam oram rejecisse non dedecet. Operiri autem humerum cum toto jugulo non oportet, alioqui amictus fiet angustior: & dignitatem, quæ est in latitudine pectoris, perdet. Sinistrum brachium eousque allevandum est, ut quasi normalem illum angulum faciat. Super quod ora ex toga duplex æqualiter sedeat. Manu
non

CAP. III. non impleatur annulis, præcipue medios articulos non transeuntibus: cujus erit habitus optimus, al-
levato pollice, & digitis leviter inflexis, nisi si li-
bellum tenebit: quod non utique captandum est.
Videtur enim fateri memoriæ diffidentiam, & ad
multos gestus est impedimento. Togam veteres ad
calceos usque dimittebant, ut Græci pallium. Idque
ut fiat, qui de gestu scripserunt circa tempora illa,
Plotius Nigidiusque præcipiunt. Quo magis miror
Plinii Secundi docti hominis, & in hoc utique libro
pene etiam nimium curiosi, persuasionem, qui soli-
tum id facere Ciceronem velandarum varicum gra-
tia tradit: cum hoc amictus genus in *statuis eorum*
quoque qui post Ciceronem fuerunt, appareat. Pal-
liolum sicut fascias quibus crura vestiuntur, & foca-
lia, & aurium ligamenta, sola excusare potest vale-
tudo. Sed hæc amictus observatio, dum inceperimus:
procedente vero actu, jam pene ab initio narrationis
sinus ab humero recte velut sponte delabitur: & cum
ad argumenta ac locos ventum est, rejicere a sini-
stro togam, dejicere etiam si hæreat, sinum, con-
veniet. Lænam a faucibus ac summo pectore abdu-
cere licet. Ardent enim jam omnia. Et ut vox ve-
hementior ac magis varia est, sic amictus quoque
habet actum quendam velut præliantem. Itaque ut
lævam involvere toga, & incingi, pene furiosum
est: sinum vero in dextrum humerum ab imo reji-
cere, solutum ac delicatum, fiuntque adhuc pejor
aliqua: ita cur laxiorem sinum sinistro brachio nos
subjiciamus? Habet enim acre quiddam atque ex-
peditum, & calori concitationique non inhabile. Cum
vero magna pars est exhausta orationis, utique af-
flante

flante fortuna pene omnia decent, sudor ipse, & fatigatio, & negligentior amictus, & soluta ac velut labens undique toga. Quo magis miror hanc quoque succurrisse Plinio curam, ut ita sudario frontem sicari juberet, ne comæ turbarentur, quas componi post paulum, sicuti dignum erat, graviter & severe vetuit. Mihi vero illæ quoque turbatae præ se ferre aliquid affectus, & ipsa oblivione curæ hujus commendari videntur. At si incipientibus aut paulum progressis decidat toga, non reponere eam, prorsus negligentis, aut pigri, aut quomodo debeat amiciri nescientis est. Hæc sunt vel illustramenta pronunciationis, vel vitia: quibus propositis, multa cogitare debet orator. Primum, quid, apud quos, quibus presentibus sit acturus. Nam ut dicere alia aliis, & apud alios magis convenit: sic etiam facere. Neque eadem in voce, gestu, incessu, apud principem, senatum, populum, magistratum; privato, publico judicio, postulatione, actione similiter decent. Quam differentiam subicere sibi quisque, qui animum intenderit potest, tum qua de re dicat, & efficere quid velit. Rei quadruplex observatio est. Una in tota causa. Sunt enim tristes, hilares, sollicitæ, securæ, grandes, pusillæ: ut vix unquam ita sollicitari partibus earum debeamus, ut non summæ meminerimus. Altera, quæ est in differentia partium, ut in proœmio, narratione, argumentatione, epilogo. Tertia in sententiis ipsis, in quibus secundum res & affectus variantur omnia. Quarta in verbis, quorum ut est vitiosa, si efficere omnia velimus, imitatio: ita quibusdam nisi sua natura redditur, vis omnis aufertur. Igitur in laudationibus, (nisi si funebres erunt) gratia-

Tttt

rum

CAP. III. rum actione, exhortatione, similibus, laeta & magnifica & sublimis est actio. Funebres conciones, consolationes, plerumque causæ reorum, tristes atque summissæ. In senatu conservanda auctoritas, apud populum dignitas, in privatis modus. De partibus causæ, & sententiis verbisque, quæ sunt multiplicia, pluribus dicendum. Triâ autem præstare debet pronuntiatio: conciliet, persuadeat, moveat: quibus natura cohæreret, ut etiam delectet. Conciliatio fere aut commendatione morum, (qui nescio quomodo ex voce etiam atque actione prolucent) aut orationis suavitate constat. Persuadendi vis asseveratione, quæ interim plus ipsis probationibus valet. *An ista (inquit Callidius Cicerus) si verâ essent, sic a te dicerentur? & Tantum abest, ut inflammare nostros animos, somnum isto loco vix tenebamus.* Fiducia igitur appareat, & constantia, utique si auctoritas subest. Movendi autem ratio aut in representandis est, aut imitandis affectibus. Ergo cum iudex in privatis, aut præco in publicis dicere de causâ jusserit, leniter confurgendum: tum in componenda toga, vel (si necesse erit) etiam ex integro injicienda, duntaxat in judiciis (apud principem enim & in magistratus ac tribunalia non licebit) paulum est commorandum, ut & sit amictus decentior, & protinus aliquid spatii ad cogitandum. Etiam cum ad iudicem nos converterimus, & consultus prætor permiserit dicere, non protinus est erumpendum, sed danda brevis cogitationi mora. Mire enim auditurum dicturi cura delectat, & iudex se ipse componit. Hoc præcipit Homerus Ulyssis exemplo, quem *sterisse oculis in terram defixis, immotoque seipso, priusquam illam*

illam eloquentia effunderet procellam; dixit. In hac Cat. III.
cunctatione sunt quædam non indecentes, ut ap-
pellant scenici, moræ, caput mulcere, manum intueri,
infringere articulos, simulare conatum, suspiratione
solicitudinem fateri, aut quod quæque magis de-
cet: eaque diutius, si iudex nondum intendit animum.
Status sit rectus, æqui & diducti paulum pedes,
vel procedens minimo momento sinister: genua re-
cta, sic tamen, ut non extendantur. Humeri remis-
si, vultus severus, non mœstus, nec stupens, nec lan-
guidus: brachia a latere modice remota: manus si-
nistra, qualem supra demonstravi: dextra cum jam
incipiendum erit, paulum prolata ultra sinum ge-
stu quam modestissimo, velut expectans quando in-
icipiendum sit. Vitiosa enim sunt illa, intueri lacu-
naria, perfricare faciem, & quasi improbam facere:
tendere confidentia vultum, aut quo sit magis tor-
vus, superciliis adstringere: capillos a fronte contra
naturam retroagere, ut sit horror ille terribilis: tum
id quod Græci frequentissime faciunt, crebro digi-
torum labiorumque motu commentari, ridere, ex-
scrare, pedem alterum longe proferre, partem to-
gæ sinistra tenere, stare diductum, vel rigidum, vel
supinum, vel incurvum, vel humeris, ut luctaturi so-
lent, ad occipitium ductis. Proœmio frequentissime
lenis convenit pronuntiatio. Nihil est enim ad con-
ciliandum gratus verecundia: non tamen semper.
Nec enim uno modo dicuntur exordia, ut docui. Plo-
rumque tamen & vox temperata, & gestus modestus,
& sedens humero toga, & laterum lenis in utram-
que partem motus, eodem spectantibus oculis, dece-
bit. Narratio magis prolata manu, amictum reci-

CAP. III de *dehntem*, *gestum* distinctum, vocem sermoni proximam, tantum acriorem, sonum simplicem frequentissime postulabit, in his duntaxat, *Quintus igitur Ligarius cum esset adhuc nulla belli suspicio. & A Cluentius Habitus pater huiusce.* Aliquid in eadem poscunt affectus vel concitati. *Nabit genero socrus*, vel flebiles, *Constituitur in foro Laodicea spectaculum acerbum & miserum toti Asia provincia.* Maxime varia & multiplex actio est probationum. Nam & proponere, partiri, interrogare, sermoni sunt proxima, & contra lictionem sumere. Nam ea quoque diversa propositio est. Sed hæc tamen aliquando irridentes, aliquando imitantes pronunciamus. Argumentatio plerumque agilior, & acrior, & instantior, consentientem orationi postulat etiam gestura, id est fortem, Celeriter instandum quibusdam in partibus, & densanda oratio. Egressionem fere lenes, & dulces, & remissæ; ut raptus Proserpinæ, Siciliæ descriptio, Cn. Pompeii laus. Neque est mirum minus habere contentionis ea quæ sunt extra quæstionem. Mollior nonnunquam cum reprehensione diversæ partis imitatio, *Videbar videre alios intrantes, Alias autem excurrentes, quosdam ex vino vacillantes.* Ubi non dissidens a voce permittitur gestus: quo fit in utramque partem tenera quædam, sed intra manus tamen & sine motu laterum translatio. Accendendi iudicis plures sunt gradus. Summus ille, & quo nullus est in oratore acutior: *Suscepto bella, Caesar, gesto jam etiam ex parte magna.* Prædixit enim, *Quantum potero voce contendam, ut populus hac Romanus exaudiat.* Paulum inferior, & habens aliquid etiam iucunditatis, *Quid enim tuus ille Tubero in acie Pharsalica gladius agebat?*
Plenius

Plenius adhuc & lentius ideoque dulcius, *In cœtu vero populi Romani, negotium publicum gerens.* Producentia omnia, trahendæque tum vocales, aperiendæque sunt fauces. Plenior tamen hæc canali fluunt, *Vos albani tumuli atque luci.* Jam cantici quiddam habentia, sensimque resupina sunt, *Saxa atque solitudines voci respondent.* Tales sunt illæ inclinationes vocis, quas invicem Demosthenes atque Æschines exprobrant, non ideo improbandæ: cum enim uterque alteri obiciat, palam est utrumque fecisse. Nam neque ille per Marathonis & Platearum & Salaminis propugnatores recto sono juravit, nec hic Thebas sermone deflevit. Est his diversa vox, & pene extra organum, cui Græci nomen amaritudinis dederunt, supra modum ac pene naturam vocis humanæ acerba, *Quin compestitis vocem istam indicem stultitiæ, testem paucitatis?* Sed id quod excedere modum dixi, in illa parte prima est, *Quin compestitis.* Epilogus si enumerationem rerum habet, desiderat quandam concisionem continuationem: si ad concitandos iudices est accommodatus, aliquid ex iis quæ supra dixi: si placandos, inclinatam quandam lenitatem: si misericordia commovendos, flexum vocis, & flebilem suavitatem, qua præcipue franguntur animi, quæque est maxime naturalis. Nam etiam orbos viduasque videas in ipsis funeribus canoro quodam modo proclamantes. Hic etiam fusca illa vox, qualem Cicero fuisse in Antonio dicit, mire facit. habet enim in se quod imitemur. Duplex est tamen miseratio, altera cum invidia, qualis modo dicta de damnatione Philodami: altera cum deprecatione demissior. Quare etiam si est in illis quoque cantus obscurior, *In cœtu vero populi*

CAP. III. *Romani* : non enim hæc rixantis modo dixit. & , *Vos Albani tumuli* : neque enim quasi inclamaret aut testaretur locutus est : tamen infinito magis illa flexa & circumducta sunt , *Me miserum , me infelicem*. & , *Quid respondebo liberis meis ?* & , *Revocare tu me in patriam potuisti , Milo , per hos ; ego te in eadem patria per eodem retinere non potero ?* Et cum bona C. Rabirii uno festertio addicit , *O meum miserum acerbumque praenium*. Illa quoque mire facit in peroratione vclut deficientis dolore & fatigatione confessio : ut pro eodem Milone , *Sed finis sit : neque enim præ lacrymis jam loqui possum*. Quæ similem verbis habere debent etiam pronuntiationem. Possunt videri alia quoque hujus partis atque officii , reos excitare , pueros attollere , propinquos producere , vestes laniare : sed suo loco dicta sunt. Et quia in partibus causæ etiam aliis est varietas , satis apparet accommodandam sententiis ipsis pronuntiationem , sicut ostendimus. Sed verbis quoque , quod novissime dixeram , non semper , sed aliquando. An non hæc , *Misellus & pauperulus* , summissa atque contracta : *Fortis , & vehemens , & latro* , erecta & concitata voce dicenda sunt ? Accedit enim vis & proprietas rebus tali adstipulatione : quæ nisi adsit , aliud vox , aliud animus ostendat. Quid , quod eadem verba mutata pronuntiatione indicant , affirmant , exprobrant , negant , mirantur , indignantur , interrogant , irrident , elevant ? Aliter enim dicitur ,

Tu mihi quodcunque hoc regni. & ,

Cantando tu illum ? --- & ,

Tunc ille Aeneas ? & ,

--- Meque timoris

Argue tu , Drance.

Et. n.

Et ne morer, intra se quisque vel hoc, vel aliud quod Cap. III.
 volet, per omnes affectus verset; verum esse quod
 dicimus, sciet. Unum jam his adjiciendum est, cum
 præcipue in actione spectetur decorum, sæpe aliud a
 lios decere. Est enim latens quædam in hoc ratio, &
 inenarrabilis: & ut vere hoc dictum est, Caput esse
 artis, decere quod facias: ita id neque sine arte esse,
 neque totum arte tradi potest. In quibusdam virtutes
 non habent gratiam, in quibusdam vitia ipsa dele-
 ctant. Maximos actores comœdiarum, Demetrium
 & Stratoclem, placere diversis virtutibus vidimus.
 Sed illud minus mirum, quod alter deos, & juvenes,
 & bonos patres, fervosque, & matronas, & graves
 anus optime: alter acres senes, callidos servos, pa-
 rasitos, lenones, & omnia agitatione melius. Fuit
 enim natura diversa. Nam vox quoque Demetrii ju-
 cundior, illius acrior erat. Annotandæ magis propri-
 etates, quæ transferri non poterant, manus jactare,
 & dulces exclamationes theatri causa producere, &
 ingrediendo ventum concipere veste, & nonnunquam
 dextro latere facere gestus: quod nomen alium
 præter Demetrium decuit: namque in hæc omnia
 statura & mira specie adjuvabatur. Illum cursus, &
 agilitas, & vel parum conveniens personæ risus,
 (quem non ignarus rationis populo dabat) & contra-
 cta etiam cervicula. Quicquid horum alter fecisset,
 foedissimum videretur. Quare norit se quisque, nec
 tantum ex communibus præceptis, sed etiam ex na-
 tura sua capiat consilium formandæ actionis. Neque
 illud tamen est nefas, ut aliquem vel omnia vel plura
 deceant. Hujus quoque loci clausula sit eadem necesse
 est, quæ cæterorum est, regnare maxime modum.
 Non

CAP. III. Non enim comœdum esse, sed oratorem volo. Quare neque gestu persequemur omnes argutias, nec in loquendo distinctionibus, temporibus, affectionibus moleste utemur: ut si sit in scena dicendum,

*Quid igitur faciam? non eam, ne nunc quidem,
Cum arcessor ulro? an potius ita me comparem,
Non perpeti meretricum contumelias?*

Hic enim dubitationis moras, vocis flexus, varias manus, diversos nutus actor adhibebit. Aliud oratio sapit, nec vult nimium esse condita. Actione enim constat, non imitatione. Quare non immerito reprehenditur pronuntiatio vultuosa, & gesticulationibus molesta, & vocis mutationibus resultans. Nec inutiliter ex Græcis veteres transtulerunt, quod ab his sumtum Lenas Popilius posuit, esse hanc *inociosam actionem*. Optime igitur idem, qui omnia, Cicero præceperat, quæ supra ex oratore posui: quibus similia in Bruto de Marco Antonio dicit. Sed jam recepta est actio paulo etiam agitatior, & exigitur, & quibusdam partibus convenit: ita tamen temperanda, ne dum actoris captamus elegantiam, perdamus viri boni & gravis auctoritatem.

M. FA-

Institutione Oratoria

VENTUM est ad partem operis destinati longe gravissimam. Cujus equidem onus si tantum opinione prima concipere potuisssem, quanto me premi ferens sentio, maturius consuluissem vires meas. Sed initio pudore omittendi quæ promiseram: mox, quanquam per singulas prope partes labor cresceret, ne perderem quæ jam effecta erant, per omnes difficultates animo me sustentavi. Quare nunc quoque, licet major quam unquam moles premat, tamen prospicienti finem mihi constitutum est vel deficere potius, quam desperare. Fefellit autem, quod initium a parvis coeperamus: mox velut aura sollicitante provecti longius, dum tantum nota illa, & plerisque artium scriptoribus tractata præcipimus, nec adhuc a littore procul videbamur, & multos circum velut iisdem se ventis credere ausos habebamus. Jam cum eloquendi rationem novissime repertam, paucissimisque tentatam ingressi sumus, rarus qui jam procul a portu recessisset, reperiebatur. Postquam vero nobis ille, quem instituebamus, orator, a dicendi magistris dimissus, aut suo jam impetu fertur, aut majora sibi auxilia ex ipsis sapientiæ penetralibus petit, quam in altum si-

Uuuu

mus

mus ablati, sentire cœpimus. Nunc *cælum undique & undique pontus*. Unum modo in illa immensa vastitate cernere videmur M. Tullium, qui tamen ipse, quamvis tanta atque tam instructa nave hoc mare ingressus, contrahit vela, inhibetque remos, & de ipso demum genere dicendi quo sit usus perfectus orator, satis habet dicere. At nostra temeritas etiam mores ei conabitur dare, & assignabit officia. Ita nec antecedentem consequi possumus, & longius eundum est, ut res feret. Probabilis tamen cupiditas honestorum; & velut tutioris audentiæ est tentare quibus paratior venia est.

CAP. I.

SIT ergo nobis orator quem instituimus, is qui a M. Catone finitur, *vir bonus dicendi peritus*. Verum id quod ille posuit prius, etiam ipsa natura potius ac majus est, utique *vir bonus*. Id non eo tantum, quod si vis illa dicendi malitiam instruxerit, nihil sit publicis privatisque rebus perniciosius eloquentia: sed nos quoque ipsi, qui pro virili parte conferre aliquid ad facultatem dicendi conati sumus, pessime mereamur de rebus humanis, si latroni comparemus hæc arma, non militi. Quid de nobis loquor? Rerum ipsa natura in eo quod præcipue indulgisse homini videtur, quoque nos a cæteris animalibus separasse, non parens, sed noverca fuerit, si facultatem dicendi, sociam scelerum, adversam innocentiam, hostem veritatis invenit. Mutos enim nasci, & egere omni ratione satius fuisset, quam providentiæ munera in mutuam perniciem convertere. Longius tendit hoc iudicium meum. Neque enim tantum id dico, cum qui sit orator, virum bonum esse oportere: sed ne futurum quidem oratorem, nisi vi-

rum

rum bonum. Nam certe nequē intelligentiam concesseris iis qui proposita honestorum ac turpium via, pejorem sequi malint : neque prudentiam ; cum in gravissimas frequenter legum , semper vero malæ conscientiæ poenas a semetipsis improvise rerum exitu induantur. Quod si neminem malum esse , nisi stultum eundem , non modo a sapientibus dicitur , sed vulgo quoque semper est creditum ; certe non fiet unquam stultus, orator. Adde quod ne studio quidem operis pulcherrimi vacare mens , nisi omnibus vitiis libera , potest : primum quod in eodem pectore nullum est honestorum turpiumque consortium : & cogitare optima simul ac deterrima non magis est unius animi , quam ejusdem hominis bonum esse ac malum. Tum illa quoque ex causa, quod mentem tantæ rei intentam, vacare omnibus aliis etiam culpa carentibus curis oportet. Ita demum enim libera, ac tota, nulla distringente atque alio ducente causa , spectabit id solum ad quod accingitur. Quod si agrorum nimia cura, & sollicitior rei familiaris diligentia , & venandi voluptas, & dati spectaculis dies , multum studiis auferunt (huic enim rei perit tempus quodcunque alteri datur) quid putamus facturas , cupiditatem , avaritiam , invidiam ? quarum impotentissimæ cogitationes somnos etiam ipsos , & illa per quietem visa perturbant. Nihil est enim tam occupatum, tam multiforme, tot ac tam variis affectibus concisum atque laceratum, quam mala mens. Nam & cum insidiatur pectori , spe , curis, labore distringitur : & jam cum sceleris compos fuerit , solitudine , poenitentia , poenarum omnium expectatione torquetur. Quis inter hæc literis , aus

Uuuu 2

ulli

CAP. I. ulli bonæ arti locus ? Non hercle magis quam frugibus in terra sentibus ac rubis occupata. Age , non ad perferendos studiorum labores necessaria frugalitas ? Quid igitur ex libidine ac luxuria spei ? Non præcipue acuit ad cupiditatem literarum , amor laudis ? Num igitur malis esse laudem curæ putamus ? Jam hoc quis non videt , maximam partem orationis in tractatu æqui bonique consistere ? Dicetne de his secundum debitam rerum dignitatem malus atque iniquus ? Denique ut maximam partem questionis eximam , demus id quod nullo modo fieri potest, idem ingenii , studii , doctrinæ , pessimo atque optimo viro , uter melior dicetur orator ? Nimirum qui homo quoque melior. Non igitur unquam malus idem homo erit & perfectus orator. Non enim perfectum est quicquam , quo melius est aliud. Sed ne more Socraticorum nobismetipsis responsum finxisse videamur , sit aliquis adeo contra veritatem obstinatus , ut audeat dicere , eodem ingenio , studio , doctrina præditum , nihilo deteriorem futurum oratorem malum virum quam bonum. Convincamus hujus quoque amentiam. Nam hoc certe nemo dubitabit , omnem oratorem id agere , ut iudici quæ proposita fuerint , vera & honesta videantur. Utrum igitur hoc facilius bonus vir persuadebit , an malus ? Bonus quidem & dicit sæpius vera atque honesta. Sed etiam si quando aliquo ductus officio (quod accidere , ut mox docebimus , potest) falso hæc affirmare conabitur , majore cum fide necesse est audiat. At malis hominibus ex contemptu opinionis , & ignorantia recti , nonnunquam excidit ipsa simulatio. Inde immodeste proponunt , sine pudore affirmant.

mant. Sequitur in iis quæ certum est effici non posse, deformis pertinacia, & irritus labor. Nam sicut in vita, ita in causis quoque spes improbas habent. Frequenter autem accidit, ut his etiam vera dicentibus fides desit, videaturque talis advocatus, malæ causæ argumentum. Nunc de iis dicendum est, quæ mihi quasi conspiratione quadam vulgi reclamari videntur. Orator ergo Demosthenes non fuit? atqui malum virum accepimus. Non Cicero? atqui hujus quoque mores multi reprehenderunt. Quid agam? magna responsi invidia subeunda est, mitigandæ sunt prius aures. Mihi enim nec Demosthenes tam gravi morum dignus videtur invidia, ut omnia quæ in eum ab inimicis congesta sunt, credam; cum & pulcherrima ejus in republica consilia, & finem vitæ clarum legam. Nec Marco Tullio defuisse video in ulla parte civis optimi voluntatem. Testimonio est actus nobilissime consulatus: integerrime provincia administrata: & repudiatus viginti-viratus; & civilibus bellis, quæ in ætatem ejus gravissima inciderunt, neque spe neque metu declinatus animus, quo minus optimis se partibus, id est reipublicæ jungeret. Parum fortis videtur quibusdam: quibus optime respondit ipse, *non se timidum in suscipiendis, sed in providendis periculis*: quod probavit morte quoque ipsa, quam præstantissimo suscepit animo. Quod si defuit his viris summa virtus, sic quærentibus an oratores fuerint, respondebo, quomodo Stoici, si interrogentur an sapiens Zeno, an Cleanthes, an Chrysippus, respondeant magnos quidem illos ac venerabiles, non tamen id quod natura hominis summum habet, consecutos. Nam & Pythagoras, non sapi-

Uuuu 3

entem

CAP. I. *entem se*, ut qui ante eum fuerunt, sed *studiosum sapientia* vocari voluit. Ego tamen secundum communem loquendi consuetudinem, sæpe dixi, dicamque, perfectum oratorem esse Ciceronem; ut amicos & bonos viros & prudentissimos dicimus vulgo, quorum nihil nisi perfecte sapienti datur. Sed cum proprie, & ad legem ipsam veritatis loquendum erit, eum quæram oratorem, quem & ille. Quamquam enim stetisse ipsum in fastigio eloquentiæ fateor, ac vix quid adjici potuerit invenio, fortasse inventurus quod adhuc abscissurum putem fuisse, (nam fere sic docti judicaverunt, plurimum in eo virtutum, nonnihil fuisse vitiorum: & se ipse multa ex illa juvenili abundantia coercuisse testatur) tamen quando nec sapientis sibi nomen, minime sui contemtor, asseruit, & melius dicere certe data longiore vita, & ætate ad componendum severiore potuisset; non maligne crediderim defuisse ei summam illam, ad quam nemo propius accessit. Et licebat, si aliter sentirem, fortius id & liberius defendere. An vero M. Antonius neminem a se visum eloquentem, quod tanto minus erat, professus est: ipse etiam M. Tullius quærit adhuc eum, & tantum imaginatur ac fingit: ego non audeam dicere, aliquid in hac quæ superest æternitate inveniri posse, eo quod fuerit, perfectius? Transeo illos qui Ciceroni ac Demostheni ne in eloquentia quidem satis tribuunt: quamquam neque ipsi Ciceroni Demosthenes videatur esse perfectus, quem dormire interim dicit: nec Cicero Bruto Calvoque, qui certe compositionem illius etiam apud ipsum reprehendunt: nec Asinio utrique, qui vitia orationis ejus etiam inimice pluribus locis insequuntur.

sequuntur. Concedamus sane (quod minime natura patiat) repertum esse aliquem malum virum summe disertum : nihilo tamen minus oratorem eum negabo. Nam nec omnibus qui fuerint manu prompti, viri fortis nomen concesserim, quia sine virtute intelligi non potest fortitudo. An ei qui ad defendendas causas advocatur, non est opus fide, quam nec cupiditas corrumpat, nec gratia avertat, nec metus frangat, sed proditorem, transfugam, prævaricatorem donabimus oratoris illo sacro nomine? Quod si mediocribus etiam patronis convenit hæc quæ vulgo dicitur *bonitas*, cur non orator ille qui nondum fuit, sed potest esse, tam sit moribus quam dicendi virtute perfectus? Non enim forensē quandam instituimus operam, nec mercenariam vocem, nec (ut asperioribus verbis parcamus) non inutilem sane litium advocatum, quem denique causidicum vulgo vocant : sed virum cum ingenii natura præstantem, tum vero tot pulcherrimas artes penitus mente complexum, datum tandem rebus humanis, qualem nulla antea vetustas cognoverit, singularem, perfectumque undique, optima sentientem, optimeque dicentem. In hoc quota pars erit, quod aut innocentes tuebitur, aut improborum scelera compeſcet, aut in pecuniariis quæſtionibus veritati contra calumniam aderit? Summus ille quidem in his quoque operibus fuerit, sed in maioribus clarius elucebit, cum regenda senatus consilia, & popularis error ad meliora ducendus. An non talem quandam videtur finxisse Virgilius, quem in seditione vulgi jam faces & saxa jaculantis, moderatorem dedit?

Tum

CAP. I.

*Tum pietate gravem ac meritis si forte virum quem
Conspexere, silent, arrectisque auribus adstant.*

Habemus igitur ante omnia virum bonum, post hæc
adjecit dicendi peritum,

Ille regit dictis animos, & pectora mulcet.

Quid? non in bellis quoque idem ille vir quem institui-
muſ, ſi ſit ad prælium miles cohortandus, ex me-
diis ſapientiæ præceptis orationem trahet? Nam quo-
modo pugnam ineuntibus, tot ſimul metus laboris,
doloris, poſtremo mortis ipſius exciderint, niſi in eo-
rum locum pietas, & fortitudo, & honeſti præſens
imago ſucceſſerit? Quæ certe melius perſuadebit a-
liis, qui prius perſuaſerit ſibi. Prodit enim ſe, quam-
libet cuſtodiat, ſimulatio: nec unquam tanta fue-
rit loquendi facultas, quæ non titubet ac hæreat quo-
ties ab animo verba diſſentiunt. Vir autem malus
aliud dicat neceſſe eſt, quam ſentit. Bonos nunquam
honeſtus ſermo deficiet, nunquam rerum optima-
rum (nam iidem etiam prudentes erunt) inventio:
quæ etiamſi lenociniis deſtituta ſit, ſatis tamen natu-
ra ſua ornatur: nec quicquam non diſerte, quod ho-
neſte dicitur. Quare juventus, imo omnis ætas (ne-
que enim rectæ voluntati ſerum eſt tempus ullum)
totis mentibus huc tendamus, in hoc elaboremus:
forſan & conſummare contingat. Nam ſi natura non
prohibet & eſſe virum bonum, & eſſe dicendi pe-
ritum: cur non aliquis etiam unus utrumque conſe-
qui poſſit? cur autem non ſe quiſque ſperet fore il-
lum aliquem? Ad quod ſi vires ingenii non ſuffece-
rint, tamen ad quem uſque modum proceſſerimus,
meliores erimus ex utroque. Hoc certe prorsus exi-
matur animo, rerum pulcherrimam eloquentiam
cum

cum vitiis mentis posse misceri. Facultas dicendi, si in malos incidit, & ipsa judicanda est malum: peiores enim illos facit, quibus contingit. Videor mihi audire quosdam (nec enim deerunt unquam qui diserti esse quam boni malint) illa dicentes: Quid ergo tantum est artis in eloquentia? cur tu de coloribus, & difficultium causarum defensione, nonnihil etiam de confesso loquutus es, nisi aliquando vis & facultas dicendi expugnat ipsam veritatem? Bonus enim vir non agit nisi bonas causas, eas porro etiam sine doctrina satis per se tuetur veritas ipsa. Quibus ego, cum de meo primum opere respondero, etiam pro boni viri officio, siquando eum ad defensionem nocentium ratio duxerit, satisfaciam. Pertractare enim quo modo aut pro falsis, aut etiam pro injustis aliquando dicatur, non est inutile, vel propter hoc solum ut ea facilius & deprehendamus, & refellamus; quemadmodum remedia melius adhibebit, cui nota quæ nocent, fuerint. Neque enim Academici cum in utramque disserunt partem, non secundum alteram vivunt. Neque Carneades ille, qui Romæ audiente Censorio Catone non minoribus viribus contra justitiam dicitur disseruisse, quam pridie pro justitia dixerat, injustus ipse vir fuit. Verum & virtus quid sit, adversa ei malitia detegit: & æquitas fit ex iniqui contemplatione manifestior, & plurima contrariis probantur. Debent ergo oratori sic esse adversariorum nota consilia, ut hostium, imperatori. Verum & illud quod prima propositione durum videtur, potest afferre ratio, ut vir bonus in defensione causæ velit auferre aliquando judici veritatem. Quod si quis a me proponi mirabitur (quanquam

X x x

non

CAP. I. non est hæc mea proprie sententia , sed eorum quos gravissimos sapientiæ magistros ætas vetus credidit) sic judicet , pleraque esse quæ non tam factis , quam causis eorum , vel honesta fiant , vel turpia. Nam si hominem occidere , sæpe virtus ; liberos necare , nonnunquam pulcherrimum est ; asperiora adhuc dictu , si communis utilitas exegerit , facere conceditur. Ne hoc quidem nudum est intuendum , qualem causam vir bonus , sed etiam quare , & qua mente defendat. Ac primum concedant mihi omnes oportet , quod Stoicorum quoque asperrimi confitentur , facturum aliquando bonum virum , ut mendacium dicat , & quidem nonnunquam levioribus causis : uti pueris ægrotantibus , utilitatis eorum gratia multa fingimus , multa non facturi promittimus : nedam si ab homine occidendo grassator avertendus sit , aut hostis pro salute patriæ fallendus : ut hoc quod alias in servis quoque reprehendendum est , sit alias in ipso sapiente laudandum. Id si constiterit , multa jam video posse evenire , propter quæ orator bene suscipiat tale causæ genus , quale remota ratione honesta non suscepisset. Nec hoc dico , quia severiores sequi placet leges , pro patre , fratre , amico periclitantibus : tametsi non mediocris hæsitatio est , hinc justitiæ proposita imagine , inde pietatis ; nihil dubii relinquamus : Sit aliquis infidatus tyranno , atque ob id reus : utrumne salvum eum nolet is qui a nobis finitur orator ? an si tuendum suscepit , non tam falsis defendet , quam qui apud iudices malam causam tuetur ? Quid si quædam benefacta damnaturus est iudex , nisi ea non esse facta convicerimus : non vel hoc modo servabit orator non innocentem modo , sed

sed etiam laudabilem civem ? Quid si quædam justa natura, sed conditione temporum inutilia civitati sciemus : nonne utemur arte dicendi, bona quidem, sed malis artibus simillima ? Ad hoc, nemo dubitabit, quin si nocentes mutari in bonam mentem aliquo modo possint, sicut posse interdum conceditur, salvos esse eos magis e republica sit, quam puniri. Si liqueat igitur oratori, futurum bonum virum, cui vera obijciuntur, non id aget, ut salvus sit ? Da nunc ut crimine manifesto prematur dux bonus, & sine quo vincere honeste civitas non possit : nonne ei communis utilitas oratorem advocabit ? Certe Fabricius Cornelium Rufinum, alioqui & malum civem, & sibi inimicum, tamen quia utilem sciebat ducem, imminente bello palam consulem suffragio suo fecit : atque id mirantibus quibusdam, respondit, *A cive se spoliari malle, quam ab hoste vanire.* Ita hic si fuisset orator, non defendisset eundem Rufinum vel manifesti peculatus reum ? Multa dici possunt similia, sed vel unum ex his quodlibet sufficit. Non enim hoc agimus, ut istud illi quem formamus viro sæpe sit faciendum : sed ut si talis coegerit ratio, sit tamen vera finitio, *oratorem esse virum bonum dicendi peritum.* Præcipere vero ac discere quomodo etiam probatione difficili causa pertractetur, necessarium est. Nam frequenter etiam optimæ causæ similes sunt malis, & innocens reus multis verisimilibus premitur : quo fit, ut eadem responsionis accommodatione sit defendendus, qua si nocens esset. Jam innumerabilia sunt bonis causis malisque communia : testes, literæ, suspiciones, opiniones. Non aliter autem verisimilia quam vera confirmantur. Quapropter ut res

X x x x 2

feret,

CAP. I. feret , flectatur oratio , vero manente, & honesta voluntate.

CAP. II. QUANDO igitur orator est vir bonus, is autem citra virtutem intelligi non potest , virtus etiam si quosdam impetus ex natura sumit, tamen perficienda doctrina est : mores ante omnia oratori studiis erunt excolendi , atque omnis honesti iustique disciplina pertractanda : sine qua nemo nec vir bonus esse , nec dicendi peritus potest. Nisi forte accedamus iis, qui natura constare mores , & nihil adjuvari disciplina putant : scilicet , ut ea quidem quæ manu sunt , atque eorum etiam contemptissima, confiteantur egere doctoribus ; virtutem vero , qua nihil homini , quo ad deos immortales propius accederet, datum est , obviam illaboratam , tantum quia nati sumus, habeamus. Abstinens erit , qui id ipsum quid sit abstinencia ignoret ? Et fortis , qui metus doloris, mortis , superstitionis , nulla ratione purgaverit ? Et iustus , qui æqui bonique tractatum , qui leges , quæ natura sunt omnibus datæ , quæque propriæ populis & gentibus constitutæ , non eruditore aliquo sermone tractaverit ? O quam istud parum putant , quibus tam facile videtur ! Sed hoc transeo , de quo neminem qui literas vel primis , ut ajunt, labris degustarit , dubitaturum puto. Ad illud sequens prævertar, ne dicendi quidem satis peritum fore , qui non & naturæ vim omnem penitus perspexerit , & mores præceptis ac ratione formarit. Neque enim frustra in tertio de Oratore libro L. Crassus cuncta quæ de æquo, iusto , vero, bono , deque iis quæ sunt contra posita dicantur , propria esse oratoris affirmat:

ac

ac philosophos cum ea dicendi viribus tuentur, uti rhetorum armis, non suis. Idem tamen confitetur ea jam esse a philosophia petenda, videlicet quia magis hæc illi videtur in possessione earum rerum fuisse. Hinc etiam illud est quod Cicero pluribus libris & epistolis testatur, dicendi facultatem ex intimis sapientiæ fontibus fluere: ideoque aliquandiu præceptores eosdem fuisse morum atque dicendi. Quapropter hæc exhortatio mea non eo pertinet, ut esse oratorem philosophum velim: quando non alia vitæ secta longius a civilibus officiis, atque ab omni munere oratoris recessit. Nam quis philosophorum aut in judiciis frequens, aut clarus in concionibus fuit? Quis denique in ipsa, quam maxime plerique eorum vitandam præcipiunt, reipublicæ administratione versatus est? Atqui ego illum quem instituo, Romanum quendam velim esse sapientem, qui non secretis disputationibus, sed rerum experimentis atque operibus vere civilem virum exhibeat. Sed quia deserta ab iis qui se ad eloquentiam contulerunt, studia sapientiæ, non jam in actu suo atque in hac forti luce versantur, sed in porticus & gymnasia primum, mox in conventus scholarum recesserunt, id quod est oratori necessarium, nec a dicendi præceptoribus traditur, ab iis petere nimirum necesse est, apud quos remansit. Evolvendi penitus auctores qui de virtute præcipiunt, ut oratoris vita cum scientia divinarum rerum sit humanarumque conjuncta. Quæ ipsæ quanto majores ac pulchriores viderentur, si illas ii docerent, qui etiam eloqui præstantissime possent? Utinamque sit tempus unquam, quo perfectus

X x x x 3 .

aliquis

CAP. II. aliquis (qualem optamus) orator hanc artem superbo nomine, & vitiis quorundam bona ejus corruptentium invisam, vindicet sibi, ac velut rebus repetitis in corpus eloquentiæ adducat. Quæ quidem cum sit in tres divisa partes, naturalem, moralem, rationalem: quæ tandem non est cum oratoris opere conjuncta? Nam ut ordinem retroagamus, de ultima illa, quæ tota versatur in verbis, nemo dubitaverit: si & proprietates vocis cujusque nosse, & ambigua aperire, & perplexa discernere, & de falsis judicare, & colligere ac resolvere quæ velis, oratoris est. quanquam ea non est tam minute atque concise in actionibus utendum, quam in disputationibus: quia non docere modo, sed movere etiam ac delectare audientes debet orator: ad quod impetu quoque & viribus ac decore est opus: ut vis annuum major est altis ripis, multoque gurgitis tractu fluentium, quam tenuis aquæ, & objectu lapillorum resurgentis. Et ut palæstrici doctores, illos quos *numeros* vocant, non idcirco discipulis tradunt, ut his omnibus ii qui didicerint, in ipso luctandi certamine utantur, (plus enim pondere & firmitate & spiritu agitur), sed ut subsit copia illa, ex qua unum aut alterum, cujus se occasio dederit, efficiant: ita hæc pars dialectica, siue illam dicere malimus disputatricem, ut est utilis sæpe & finitionibus, & comprehensionibus, & separandis quæ sunt differentia, & resolvenda ambiguitate, & distinguendo, dividendo, illiciendo, implicando: ita si totum sibi vindicaverit in foro certamen, obstabit melioribus, & sectas ad tenuitatem suam vires, ipsa subtilitate consumet. Itaque reperias quosdam in disputando mire calli-

callidos, cum ab illa cavillatione discefferint, non magis sufficere in aliquo graviore actu, quam parva quædam animalia, quæ in angustiis mobilia, campoprehenduntur. Jam quidem pars illa moralis quæ dicitur Ethicæ, tota oratori est accommodata. Nam in tanta causarum (ut superioribus libris diximus) varietate, cum alia conjectura quærantur, alia finitionibus concludantur, alia jure summoveantur vel transferantur, alia colligantur, vel ipsa inter se concurrant, vel in diversum ambiguitate ducantur; nulla fere dici potest, cujus non parte in aliqua tractatus æqui ac boni reperiantur. Plerasque vero esse quis nescit, quæ totæ in sola qualitate consistant? In consiliis vero quæ ratio suadendi est ab honesti questione seposita? Quid illa etiam pars tertia, quæ laudandi ac vituperandi officiis continetur? Nempe in tractatu recti pravique versatur. An de justitia, fortitudine, abstinencia, temperantia, pietate, non plurima dicit orator? sed ille vir bonus, qui hæc non vocibus tantum sibi nota atque nominibus, aurium tenus in usum linguæ perceperit, sed qui virtutes ipsas mente complexus, ita sentiet, nec in cogitando ita laborabit, sed quod sciet, vere dicet. Cum sit autem omnis generalis questio speciali potentior, quia universo partes continentur, non unique accedit parti quod universum est; profecto nemo dubitabit generales questiones in illis maxime studiorum more versatas. Jam vero cum sint multa propriis brevibusque comprehensioribus finiendæ, unde etiam status causarum dicitur finitivus: nonne ad id quodque instrui ab iis qui plus in hoc studio dederunt, oportet? Quid? non questio juris omnis, aut verborum

CAP. II. rum proprietate, aut æqui disputatione, aut voluntatis conjectura continetur? quorum pars ad rationalem, pars ad moralem tractatum redundat. Ergo natura permixta est omnibus istis oratio, quæ quidem oratio est vere. Nam ignara quidem hujusce doctrinæ loquacitas, erret necesse est, ut quæ vel nullos vel falsos duces habeat. Pars vero naturalis, cum est ad exercitationem dicendi tanto cæteris uberior, quanto majore spiritu de divinis rebus quam humanis loquendum est, tum illam etiam moralem, sine qua nulla esse (ut docuimus) oratio potest, totam complectitur. Nam si regitur providentia mundus, administranda certe bonis viris erit *respublica*. Si divina nostris animis origo, tendendum ad virtutem: nec voluptatibus terreni corporis serviendum. An hoc non frequenter tractabit orator? Jam de auguriis, responsis, religioneque omni, de quibus maxima sæpe in senatu consilia sunt versata, non erit ei differendum, si quidem (ut nobis placet) futurus est vir civilis idem? Quæ denique intelligi saltem potest eloquentia hominis optima nescientis? Hæc si ratione manifesta non essent, exemplis tamen crederemus. Siquidem & Periclem, cujus eloquentiæ, etiamsi nulla ad nos monumenta venerunt, vim tamen quandam incredibilem cum historici, tum etiam liberrimum genus hominum comici veteres tradunt; Anaxagoræ physici constat auditorem fuisse: & Demosthenem principem omnium Græciæ oratorum dedisse operam Platoni. Nam M. Tullius non tantum se debere scholis rhetorum, quantum Academiæ spatiis, frequenter ipse testatus est. Neque se tanta in eo unquam fudisset ubertas, si ingenium suum

con-

septo fori • non ipsius rerum naturæ finibus terminasset. Verum ex hoc alia mihi quæstio exoritur, quæ secta conferre plurimum eloquentiæ possit: quam ea non inter multos potest esse contentio. Nam inprimis nos Epicurus a se ipse dimittit, qui fugere omnem disciplinam navigatione quam velocissima jubet. Neque vero Aristippus summum in voluptate corporis bonum ponens, ad hunc nos laborem adhortetur. Pyrrho quidem, quas in hoc opere partes habere potest, cui judices esse apud quos verba faciat, & reum pro quo loquatur, & senatum in quo sit dicenda sententia, non liquebit? Academiam quidam utilissimam credunt, quod mos in utramque partem differendi, ad exercitationem forensium causarum proxime accedat. Adjiciunt loco probationis, quod ea præstantissimos in eloquentia viros ediderit. Peripatetici studio quoque se quodam oratorio jactant. Nam theses dicere exercitationis gratia fere est ab his institutum. Stoici sicut copiam nitoremque eloquentiæ fere præceptoribus suis defuisse concedant necesse est, ita nullos aut probare acrius, aut concludere subtilius contendunt. Sed hæc inter ipsos, qui velut sacramento rogati, vel etiam superstitione constricti, nefas ducunt a suscepta semel persuasionem discedere. Oratori vero nihil est necesse in cujusquam jurare leges. Majus enim est opus atque præstantius ad quod ipse tendit, & cuius est velut candidatus, si quidem est futurus cum vitæ, tum etiam eloquentiæ laude perfectus. Quare in exemplum bene dicendi, facundissimum quemque proponet sibi ad imitandum: moribus vero formandis quam honestissima præcepta, rectissimamque ad vir-

Yyy

tutem

CAP. II. tutem viam deliget. Exercitatione quidem utetur omni, sed tamen erit plurimus in maximis quibusque ac natura pulcherrimis. Nam quæ potest materia reperiri ad graviter copioseque dicendum magis abundans, quam de virtute, de republica, de providentia, de origine animorum, de amicitia. Hæc sunt quibus mens pariter atque oratio insurgant: quæ vere bona, quid mitiget metus, coerceat cupiditates, eximat nos opinionibus vulgi, animumque cœlestem. Neque ea solum quæ talibus disciplinis continentur, sed magis etiam quæ sunt tradita antiquitus, dicta ac facta præclare, & nosse, & animo semper agitare convenit. Quæ profecto nusquam plura majoraque, quam in nostræ civitatis monumentis reperientur. An fortitudinem, justitiam, fidem, continentiam, frugalitatem, contemptum doloris ac mortis, melius alii docebunt, quam Fabritii, Curii, Reguli, Decii, Mutii, aliique innumerabiles? Quantum enim Græci præceptis valent, Romani (quod est majus) exemplis. Tantum quod non cognatis fideribus admoneri; quin non modo proximum tempus, lucemque præsentem intueri, satis credat: sed omnem posteritatis memoriam, spatium vitæ honestæ, & curriculum laudis existimet. Hinc mihi ille justitiæ haustus bibat, hinc sumtam libertatem, in causis atque consiliis præstet. Neque erit perfectus orator, nisi qui honeste dicere & sciet & audebit.

CAP. III. JURIS quoque civilis necessaria huic viro scientia est, & morum ac religionum ejus reipublicæ quam capeffet. Nam qualis esse suafor in consiliis publicis privatisve poterit, tot rerum quibus præcipue

pue civitas continetur, ignarus? Quo autem modo CAP. III.
patronum se causarum non falso dixerit, qui quod
est in causis potentissimum, sit ab altero peti-
turus? pene non dissimilis iis, qui poetarum scripta
pronunciant. Nam quodammodo mandata perferet,
& ea quæ sibi a iudice credi postulaturus est, aliena fi-
de dicet: & ipse litigantium auxiliator egebit auxi-
lio. Quod ut fieri nonnunquam minore incommodo
possit, cum domi præcepta & composita, & sicut
cætera quæ in causa sunt, in discendo cognita ad ju-
dicem perferet; quid fiet in iis quæstionibus quæ
subito inter ipsas actiones nasci solent? non defor-
miter respectet? & inter subsellia minores advoca-
tos interroget? Potest autem satis diligenter accipere
quæ tum audiet, cum ei dicenda sunt? aut fortiter
affirmare, aut ingenue pro suis dicere? possit in a-
ctionibus: quid fiet in altercatione, ubi occurren-
dum continuo, nec libera ad discendum mora est?
Quid si forte peritus juris ille non aderit? Quid si
quis non satis in ea re doctus, falsum aliquid subje-
cerit? Hoc enim est maximum ignorantiae malum,
quod credit eum scire, qui moneat. Neque ego
sum nostri moris ignarus, oblitusve eorum qui velut
ad arculas sedent, & tela agentibus subministrant:
neque idem Græcos quoque nescio fecitasse: unde
nomen his pragmaticorum datum est. Sed loquor
de oratore, qui non clamorem modo suum causis, sed
omnia quæ profutura sunt, debet. Itaque eum nec
inutilem si ad horam forte constiterit, neque in te-
stationibus faciendis esse imperitum velim. Quis e-
nim potius præparabit ea, quæ, cum aget, esse in
causa velio? Nisi forte imperatorem quis idoneum

Yyyy 2

credit

CAP. III. credit in præliis quidem strenuum & fortem, & omnium quæ pugna poscit, artificem : sed neque delectus agere, nec copias contrahere atque instruere, nec prospicere commeatus, nec locum capere castris scientem : prius est enim certe parare bella, quam gerere. Atqui simillimus huic sit advocatus, si plura quæ ad vincendum valent, aliis reliquerit : cum præsertim hoc, quod est maxime necessarium, non tam sit arduum, quam procul intuentibus fortasse videatur. Namque omne jus quod est certum, aut scripto aut moribus constat : dubium æquitatis regula examinandum est. Quæ scripta sunt, aut posita in more civitatis, nullam habent difficultatem : cognitionis sunt enim, non inventionis. at quæ consultorum responsis explicantur, aut in verborum interpretatione sunt posita, aut in recti pravique discrimine. Vim cujusque vocis intelligere, aut commune prudentium est, aut proprium oratoris : æquitas optimo cuique notissima. Nos porro & bonum virum & prudentem, inprimis oratorem putamus : qui cum se ad id quod est optimum natura, direxerit, non magnopere commovebitur, si quis ab eo consultus dissentiet, cum ipsis illis diversas inter se opiniones tueri concessum sit. Sed etiam si nosse quid quisque senserit, volet, lectionis opus est : qua nihil est in studiis minus laboriosum. Quod si plerique desperata facultate agendi, ad discendum jus declinaverunt, quam id scire facile est oratori, quod discunt qui sua quoque confessione oratores esse non possunt ? Verum & M. Cato cum in dicendo præstantissimus, tum juris idem fuit peritissimus : & Scævola Servioque Sulpitio concessa est etiam facundia

diæ virtus. Et M. Tullius non modo inter agendum CAP. III.
nusquam est destitutus scientia juris, sed etiam com-
ponere aliqua de eo cœperat: ut appareat posse o-
ratorem non discendo tantum juri vacare, sed etiam
docendo. Verum ea quæ de moribus excolendis stu-
dioque juris præcepimus modo, ne quis eo credat
reprehendenda, quod multos cognovimus, qui tæ-
dio laboris, quem ferre tendentibus ad eloquentiam
necessè est, confugerint ad hæc diverticula desidæ:
quorum alii se ad album ac rubricas transtulerunt, &
formularii, vel, ut Cicero ait, leguleii quidam esse
maluerunt: tanquam utiliora eligentes ea, quorum
solam facilitatem sequebantur: alii pigritiæ arrogan-
tioris, qui subito fronte conficta, immissaque bar-
ba, veluti despexissent oratoria præcepta, paululum
aliquid federunt in scholis philosophorum, ut deinde
in publico tristes, domi dissoluti, captarent aucto-
ritatem contemptu cæterorum. Philosophia enim si-
mulari potest, eloquentia non potest.

INPRIMIS vero abundare debet orator exem- CAP. IV.
plorum copia, cum veterum, tum etiam novorum:
adeo ut non ea modo quæ conscripta sunt historiis,
aut sermonibus velut per manus tradita, quæque
quotidie aguntur, debeat nosse: verum ne ea qui-
dem quæ sunt a clarioribus poetis ficta, negligere.
Nam illa quidem priora, aut testimoniorum, aut
etiam judicatorum obtinent locum. Sed hæc quoque
aut vetustatis fide tuta sunt, aut ab hominibus ma-
gnis præceptorum loco ficta creduntur. Sciat ergo
quam plurima: unde etiam senibus auctoritas ma-
jor est, quod plura nosse & vidisse creduntur: quod

Yyy 3

Home-

CAP. IV. Homerus frequentissime testatur. Sed non est expectanda ultima ætas: cum studia præsent, ut quantum ad cognitionem pertinet rerum, etiam præteritis seculis vixisse videamur.

CAP. V. HÆC sunt quæ me redditurum promiseram instrumenta, non artis (ut quidam putaverunt) sed ipsius oratoris. Hæc arma habere ad manum, horum scientia debet esse succinctus, accedente verborum figurarumque facili copia, & inventionis ratione, & disponendi usu, & memoriæ firmitate, & actionis gratia. Sed plurimum ex his valet animi præstantia, quam nec metus frangat, nec acclamatio terreat, nec audientium auctoritas ultra debitam reverentiam tardet. Nam ut abominanda sunt contraria his vitia, confidentia, temeritatis, improbitatis, arrogantia: ita citra constantiam, fiduciam, fortitudinem, nihil ars, nihil studium, nihil profectus ipse profuerit: ut si des arma timidis & imbellibus. Invitus mehercle dico, quoniam & aliter accipi potest, ipsam verecundiam, vitium quidem, sed amabile, & quæ virtutes facillime generet, esse interim adversam, multisque in causa fuisse, ut bonæ ingenii studiique in lucem non prolata, situ quodam secreti consumerentur. Sciat autem, si quis hæc forte minus adhuc peritus distinguendi vim cujusque verbi, leget, non probitatem a me reprehendi, sed verecundiam, quæ est timor quidam reducens animum ab iis quæ sunt facienda; unde confusio, & coepta poenitentia, & subitum silentium. Quis porro dubitet vitiis adscribere affectum propter quem facere honeste pudet? Neque ego rursus nolo cum qui sit
dictu-

dicturus, & sollicitum surgere, & colore mutari, & periculum intelligere: quæ si non accident, etiam simulanda erunt: sed intellectus hic sit operis, non metus: moveamurque, non concidamus. Optima est autem emendatio veretundia, fiducia: & quamlibet imbecilla frons, magna conscientia sustinetur. Sunt & naturalia, ut supra dixi, quæ tamen & cura juvantur, instrumenta, vox, latus, decor: quæ quidem tantum valent, ut frequenter famam ingenii faciant. Habuit oratores ævo nostra copiosiores: sed cum diceret, eminere inter æquales Trachallus videbatur: ea corporis sublimitas erat, is ardor oculorum, frontis auctoritas, gestus præstantia, vox quidem, non ut Cicero desiderat, pene tragicædorum, sed super omnes, quos ego quidem audierim, tragicædos. Certe cum in basilica Julia diceret primo tribunali, quatuor autem judicia, ut moris est, cogerentur, atque omnia clamoribus fremerent; & auditum eum, & intellectum, & quod agentibus cæteris contumeliosissimum fuit, laudatum quoque ex quatuor tribunalibus memini. Sed hoc votum est, & rara felicitas: quæ si non adsit, sane sufficiat, ab iis quibus quis dicit, audiri. Talis debet esse orator; hæc scire.

CAP. V.

AGENDI autem initium sine dubio secundum vires cuiusque sumendum est: neque ego annos definiam, cum Demosthenem puerum admodum actiones pupillares habuisse manifestum sit: Calvus, Cæsar, Pollio, multum ante quæstoriam omnes ætatem gravissima judicia susceperint: prætextatos egisse quosdam sit traditum: Cæsar Augustus duodecim natus annos, aviam pro rostris laudaverit. Modus mihi

CAP. VI.

CAP. VI. mihi videtur quidam tenendus, ut neque præpropere diftringatur immatura frons, & quicquid est illud adhuc acerbum, proferatur. Nam inde & contemptus operis nascitur, & fundamenta jaciuntur impudentiæ, & (quod est ubique perniciosissimum) prævenit vires fiducia. Nec rursus differendum est tyrocinium in senectutem. Nam quotidie metus crescit, majusque fit semper quod ausuri sumus: & dum deliberamus quando incipiendum sit, incipere jam serum est. Quare fructus studiorum viridem & adhuc dulcem promi decet, dum & venia & spes est, & paratus favor, & audere non dedecet: & si quid desit operi, supplet ætas: & si qua sunt dicta juveniliter, pro indole accipiuntur: ut totus ille Ciceronis pro Sexto Roscio locus, *Quid enim tam commune, quam spiritus vivis, terra mortuis, mare fluctuantibus, litus ejectis?* Quæ cum sex & viginti natus annos, summis audientium clamoribus dixerit, deferbuisse tempore, & annis liquata jam senior idem fatetur. Et hercle quantumlibet secreta studia contulerint, est tamen proprius quidam fori profectus: alia lux, alia veri discriminis facies: plusque, si separet, usus sine doctrina, quam citra usum doctrina valeat. Ideoque nonnulli senes in scola facti, stupent novitate cum in judicia venerunt, & omnia suis exercitationibus similia desiderant. At illic & iudex tacet, & adversarius obstrepat, & nihil temere dictum perit: & siquid tibi ipse sumas, probandum est: & laboratam congestamque dierum ac noctium studio actionem, aqua deficit: & omisso magna semper flanditumore, in quibusdam causis loquendum est: quod illi disertè minime sciunt. Itaque nonnullos reperias, qui

qui sibi eloquentiores videantur, quam ut causas agant. Caterum illum quem juvenem, tenerisque adhuc viribus nitentem in forum deduximus, & incipere a quammaxime facili ac favorabili causa velim, ut catuli ferarum molliore præda saginantur: & non utique ab hoc initio continuare operam, & ingenio adhuc alendo callum inducere; sed jam scientem quid sit pugna, & in quam rem studendum sit, refici atque renovari. Sic & tyrocinii metam, dum facilius est audere, transierit, nec dicendi facultatem usque ad contemptum operis adduxerit. Usus & hac ratione M. Tullius, cum jam clarum meruisset inter patronos, qui tum erant, nomen, in Asiam navigavit, seque & aliis sine dubio eloquentiæ ac sapientiæ magistris, sed præcipue tamen Apollonio Moloni, quem Romæ quoque audierat, Rhodi rursus formandum ac velut recoquendum dedit. Tum dignum operæ pretium venit, cum inter se congruunt præcepta & experimenta.

UV. 22
CAP. VI.

CU M satis in omne certamen virium fecerit, pri-

ma ei cura in suscipiendis causis est: in quibus defendere quidem reos profecto quam facere vir bonus malet: non tamen ita nomen ipsum accusatoris horrebit, ut nullo neque publico neque privato duci possit officio; ut aliquem ad reddendam rationem vire vocet. Nam & leges ipsæ nihil valeant, nisi actoris idonea voce munita: & si poenas scelerum expuere fas non est, prope est ut scelera ipsa permissa sint: & licentiam inanis dari, certo contra bonos est. Quare necque sociorum querelas, nec amicos vel propinquos necem, nec erupturas in rem publicam consil-

CAP. VII.

-100

Zzzz

ratio.

Cap. VII. rationes inultas patietur orator : non poenæ nocentium cupidus, sed emendandi vitia, corrigendique mores. Nam qui ratione traduci ad meliora non possunt, solo metu continentur. Itaque ut accusatoriam vitam vivere & ad deferendos reos præmio duci, proximum latrocinio est : ita pestem intestinam propulsare, cum propugnatoribus patriæ comparandum. Ideoque principes in republica viri non detrectaverunt hanc officii partem : creditique sunt etiam clari juvenes obsidem reipublicæ dare malorum civium accusationem : quia nec odisse improbos, nec simulates provocare, nisi ex fiducia bonæ mentis videbantur. Idque cum ab Hortensio, Lucullis, Sulpitio, Cicerone, Cæsare, plurimis aliis, tum ab utroque Catone factum est : quorum alter appellatus est sapiens, alter nisi creditur fuisse, vix scio cui reliquerit hujus nominis locum. Namque defendet omnis orator, idemque portum illum eloquentiæ suæ salutarem, non etiam piratis patefaciet, duceturque in advocacionem maxime causâ. Quobiam tamen omnes qui non improbe litigabunt, quorum certe bona pars est, sustinere non potest unus, aliquid etiam commendantium personis dabit, & ipsorum qui judicio decernent, ut optimi cujusque voluntate moveatur. namque hos & amicissimos vir bonus habebit. Summovendum vero est utrumque ambitus genus, vel potentibus contra humiles venditandi operam suam : vel illud etiam jactantius, minores utique contra dignitatem attollendi. Non enim fortuna causas vel justas vel improbas facit. Neque vero pudor obstet, quo minus susceptam, cum melior videretur, litem, cognita inter dicendum iniqui-

quitate dimittat, cum prius litigatori dixerit verum. CAP. VII.

Nam & in hoc maximum, si æqui iudices sumus, beneficium est, ut non fallamus vana spe litigantem. Neque est dignus opera patroni, qui non utitur consilio. Et certe non convenit ei quem oratorem esse volumus, injusta tueri scientem. Nam si ex illis, quas supra diximus causis falsum tuebitur, erit tamen honestum quod ipse faciet. Gratisne ei semper agendum sit, tractari potest. Quod ex prima statim fronte dijudicare, imprudentium est. Nam quis ignorat, quin id longe sit honestissimum, ac liberalibus disciplinis, & illo, quem in eloquente exigemus, animo dignissimum, non vendere operam, nec elevare tanti beneficii auctoritatem? cum pleraque hoc ipso possint videri viliâ, quod pretium habent. Cæcis hoc, ut aiunt, satis clarum est: nec quisquam qui sufficientia sibi (modica autem hæc sunt) possidebit, hunc quæstum sine crimine sordium fecerit. At si res familiaris amplius aliquid ad usus necessarios exiget, secundum omnes sapientium leges patietur sibi gratiam referri: cum & Socrati collatum sit ad victum: & Zeno, Cleanthes, Chrysippus mercedes a discipulis acceptaverint. Neque enim video quæ iustior acquirendi ratio, quam ex honestissimo labore, & ab iis de quibus optime meruerint, quique si nihil invicem præstent, indigni fuerint defensione. Quod quidem non iustum modo, sed necessarium etiam est: cum hæc ipsa opera, tempusque omne alienis negotiis datum, facultatem aliter acquirendi recidant. Sed tum quoque tenendus est modus: ac plurimum refert, & a quo accipiat, & quantum, & quousque. Paciscendi quidem ille piraticus mos, &

Z z z z 2

impo.

CAP. VII. imponentium periculis pretia, procul abominanda negotiatio, etiam a mediocriter improbis aberit: cum præsertim bonos homines bonasque causas tuenti non sit metuendus ingratus: qui si futurus; malo tamen ille peccet. Nihil ergo acquirere volet orator ultra quam satis erit: ac ne pauper quidem tanquam mercedem accipiet, sed mutua benevolentia utetur; cum sciat se tanto plus præstitisse: non enim quia vanire hoc beneficium non oportet, perire oportet. Denique ut gratus sit, ad eum magis pertinet, qui debet.

CAP. VIII. **PROXIMA** discendæ causæ ratio, quod est oratoris fundamentum. Neque enim quisquam tam ingenio tenui reperitur, qui cum omnia quæ sunt in causa, diligenter cognoverit, ad docendum certe judicem non sufficiat. Sed ejus rei paucissimis cura est. Nam ut taceamus de negligentibus, quorum nihil refert ubi litium cardo vertatur, dum sint quæ vel extra causam ex personis aut communi tractatu locorum occasionem clamandi largiantur; aliquos & ambitio pervertit, qui partim tanquam occupati, semperque aliud habentes quod ante agendum sit, pridie ad se venire litigatorem, aut eodem matutino jubent, nonnunquam etiam inter ipsa didicisse subsellia se gloriantur: partim jactantia ingenii, ut res cito accepisse videantur, tenere & intelligere prius pene quam audiant mentiti, cum multa & diserte, summisque clamoribus, quæ neque ad judicem, neque ad litigatorem pertineant, decantaverunt, bene sudantes beneque comitati per forum reducuntur. Ne illas quidem tulerim delitias eorum qui doceri amicos suos

suos jubent : quanquam minus mali est , si illi sal- CAP. VIII.
tem recte discant , recteque doceant. Sed quis discet
tam bene , quam patronus ? Quomodo autem seque-
ster ille , & media litium manus , & quidam inter-
pres , impendet æquo animo laborem in alienas acti-
ones , cum dicturus ipse non sit. Pessimæ vero con-
suetudinis , libellis esse contentum , quos componit
aut litigator , qui confugit ad patronum , quia liti
ipse non sufficit : aut aliquis ex eo genere advoca-
torum , qui se non posse agere confitentur , deinde
faciunt id quod est in agendo difficillimum. Nam
qui judicare quid dicendum , quid dissimulandum ,
quid declinandum , mutandumve , fingendum etiam
quandoque sit , potest ; cur non sit orator , quando
quod difficilius est , facit ? Hi porro non tantum no-
cerent , si omnia scriberent uti gesta sunt. Nunc &
consilium & colores adjiciunt , & aliqua pejora , veris ,
quæ plerique cum acceperunt , immutare nefas ha-
bent , & velut themata in scholis posita custodiunt.
Deinde deprehenduntur , & causam quam discere ex
suis litigatoribus noluerunt , ex adversariis discunt.
Liberum igitur demus ante omnia iis quorum nego-
tium erit , tempus ac locum : exhortemurque ul-
tro , ut omnia quamlibet verbosè , & unde volent
repetito tempore exponant. Non enim tam obest au-
dire supervacua , quam ignorare necessaria. Frequen-
ter autem & vulnus & remedium in iis orator inve-
niet , quæ litigatori in neutram partem habere mo-
mentum videbantur. Nec tanta sit acturo memoriæ
fiducia , ut subscribere audita pigeat. Nec semel au-
disse sit satis : cogendus eadem iterum ac sæpius di-
cere litigator , non solum quia effugere aliqua prima

ZZZZ 3

expo-

CAP. VIII. expositione potuerunt, praesertim hominem (quod saepe evenit) imperitum: sed etiam ut sciamus an eadem dicat. Plurimi enim mentiuntur, & tanquam non doceant causam, sed agant, non ut cum patrono, sed ut cum iudice loquuntur. Quapropter nunquam satis credendum est, sed agendus omnibus modis, & turbandus, & evocandus. Nam ut medicis non apparentia modo vitia curanda sunt, sed etiam inveniendae quae latent, saepe ipsis ea qui curandi sunt occultentibus: ita advocatus plura quam ostenduntur, aspiciat. Nam cum satis in audiendo patientiae impenderit, in aliam rursus ei personam transeundum est, agendusque adversarius, proponendum quicquid omnino excogitari contra potest, quicquid recipit in ejusmodi disceptatione natura. Interrogandus quam infestissime, ac premendus. Nam dum omnia quaerimus, aliquando ad verum, ubi minime expectavimus, pervenimus. In summa, optimus est in discendo patronus incredulus. Promittit enim litigator omnia, testem populum, paratissimas consignationes, ipsum denique adversarium quaedam non negaturum. Ideoque opus est intueri omne litis instrumentum: quod videre non est satis, perlegendum erit. Nam frequentissime aut non sunt omnino quae promittebantur, aut minus continent, aut cum alio aliquo nocituro permixta sunt, aut nimia sunt, & fidem hoc ipso detractura, quod non habent modum. Denique linum ruptum, aut turbata cera, aut sine agnitore signa frequenter intervenient: quae nisi domi excusseris, in foro inopinata decipient: plusque nocebunt destituta, quam non promissa nocuissent. Multa etiam quae litigator nihil ad causam pertinere

credi-

crediderit, patronus eruet : modo per omnes quos CAP. VIII.
tradidimus argumentorum locos eat : quos ut circumspectare in agendo , & attentare singulos minime convenit , propter quas diximus causas : ita in discendo rimari necessarium est , quæ personæ, quæ tempora, quæ loca, instituta , instrumenta, cæteraque ex quibus non tantum illud quod est artificiale probationis genus colligi possit , sed qui metuendi testes , quomodo sint refellendi. Nam plurimum refert, invidia reus, an odio , an contemtu laboret : quorum fere pars prima superiores , proxima pares, tertia humiliores premit. Sic causam perscrutatus, propositis ante oculos omnibus quæ prosint noceantve , tertiam deinceps personam induat iudicis , fingatque apud se agi causam , & quod ipsum movisset de eadem re pronunciaturum , id potentissimum apud quemcunque agetur, existimet : & sic cum raro faller eventus, aut culpa iudicis erit.

CAP. IX.
QUÆ sint in agendo servanda , toto fere opere sumus executi : pauca tamen propria huius loci, quæ non tam dicendi arte , quam officiis agentis continentur , attingam. Ante omnia , ne , quod plerisque accidit , ab utilitate cum causæ, præsentis cupido laudis abducatur. Nam ut gerentibus bella, non semper exercitus per plana & amœna ducendus est , sed adeundi plerumque asperi colles , expugnandæ civitates quamlibet præcisis impositæ rupibus, aut operum mole difficiles : ita oratio gaudebit quidem occasione latius decurrendi , & æquo congressa campo, totas vires populariter explicabit : at si juris anfractus , aut eruendæ veritatis latebras adire cogetur, non

CAP. IX. non obequitabit, nec illis vibrantibus concitatisque sententiis velut missilibus utetur: sed operibus, & cuniculis, & insidiis, & occultis artibus rem geret. Quæ omnia non dum fiunt, laudantur, sed cum facta sunt: unde etiam cupidissimis opinionis, fructus venit. Nam cum illa dicendi vitiosa jactatio inter plausores suos detonuit, resurgit veræ virtutis fortior fama: nec iudices a quo sint moti dissimulant, & doctis creditur: nec est orationis vera laus, nisi cum finita est. Et veteribus quidem etiam dissimulare eloquentiam fuit moris: idque M. Antonius præcipit, quo plus dicentibus fidei, minusque suspectæ advocatorum insidiæ forent. Sed illa dissimulari quæ tum erat, potuit: nondum enim tantum dicendi lumen accesserat, ut etiam per obstantia erumperet. Quare artes quidem & consilia lateant, & quicquid si deprehenditur, perit. Hactenus eloquentia secretum habet. Verborum quidem delectus, gravitas sententiarum, figurarum elegantia, aut non sunt, aut apparent: sed vel propter hoc ipsum ostentanda non sunt, quod apparent: aut si unum est e duobus eligendum, causa potius laudetur quam patronus. Finem tamen hunc præstabit orator, ut videatur optimam causam optime egisse. Illud certum erit, neminem pejus agere, quam qui displicente causa placet; necesse est enim extra causam sit, quod placet. Nec illo fastidio laborabit orator, non agendi causas minores, tanquam infra eum sint, aut detractura sit opinioni minus liberalis materia. Nam & suscipiendi ratio justissima est officium, & optandum etiam ut amici quam minimas lites habeant: & abunde dixit bene, quisquis rei satisfecit. At quidam etiam

etiam qui forte susceperunt negotia paulo ad dicendum tenuiora, extrinsecus adductis ea rebus circumliniunt: ac si defecerint alia, conviciis implent vacua causarum: si contingit, veris; si minus, fictis: modo sit materia ingenii, mereaturque clamorem dum dicitur. Quod ego adeo longe puto ab oratore perfecto, ut eum ne vera quidem objecturum, nisi id causa exigit, credam. Ea est enim prorsus *canina*, ut ait Appius, *eloquentia, cognituram maledicendi subire*: quod facientibus, etiam male audiendi præsumenda patientia est. Nam & in ipsos fit impetus frequenter qui egerunt, & certe patroni petulantiam litigator luit. Sed hæc minora sunt ipso illo vitio animi, quo maledicus a malefico non distat, nisi occasione. Turpis voluptas, & inhumana, & nulli audientium bono grata: a litigatoribus quidem frequenter exigitur, qui ultionem malunt, quam defensionem. Sed neque alia multa ad arbitrium eorum facienda sunt. Hoc quidem quis hominum liberi modo sanguinis sustineat, petulans esse ad alterius arbitrium? Atqui etiam in advocatos partis adversæ libenter nonnulli invehuntur: quod nisi si forte meruerunt, & inhumanum est respectu communium officiorum, & cum ipsi qui dicit, inutile, (nam idem juris responsuris datur) tum causæ contrarium, quia plane adversarii, fiunt & inimici: & quantulumcunque his virium est, contumelia augetur. Super omnia perit illa quæ plurimum oratori & auctoritatis & fidei affert, modestia, si a viro bono in rabulam latratoremque convertitur, compositus non ad animum iudicis, sed ad stomachum litigatoris. Frequenter etiam species libertatis deducere ad temeritatem

A a a a

tatem

CAP. IX. tatem solet, non causis modo, sed ipsis quoque qui dixerunt, periculosam. Nec immerito Pericles solebat optare, ne quod sibi verbum in mentem veniret, quo populus offenderetur. Sed quod ille de populo, id ego de omnibus sentio qui tantundem possunt nocere. Nam quæ fortia, dum dicuntur, videbantur, stulta cum laeserunt, vocantur. Nunc quia varium fere propositum agentium fuit, & quorundam cura, tarditatis; quorundam facilitas, temeritatis crimine laboravit; quem credam fore, in hoc oratoris modum, tradere non alienum videtur. Afferet ad dicendum curæ semper quantum plurimum poterit. Neque enim solum negligentis, sed & mali, & in suscepta causa perfidi ac proditoris est, pejus agere quam possit. Ideoque ne suscipiendæ quidem sunt causæ plures, quam quibus suffecturum se sciat. Dicit scripta quam res patietur plurima; & ut Demosthenes ait, si contingeret, sculpta. Sed hoc aut primæ actiones, aut quæ in iudiciis publicis post interjectos dies dantur, permiserint; at cum protinus respondendum est, omnia parari non possunt: adeo ut paulo minus promptis etiam noceat scripsisse, si alia ex diverso quam opinati fuerant, occurrerint. Inviti enim recedunt a præparatis, & tota actione respiciunt, requiruntque num aliquid ex illis, intervallis atque ex tempore dicendis inseri possit. quod si fiat, non cohaeret, nec commissuris modo, ut in opere male juncto, hiantibus, sed ipsa coloris inæqualitate detegitur. Ita nec liber est impetus, nec cura contexta, & utrumque alteri obstat. Illa enim quæ scripta sunt, retinent animum; quæ ex tempore dicenda sunt, non sequuntur. Itaque in his actionibus

omni, ut agricolæ dicunt, *pede standum est*. Nam cum CAP. IX.
in propositione ac refutatione causa consistat, quæ
nostræ partis sunt, scripta esse possunt: quæ etiam
respondurum adversarium certum est (est enim ali-
quando certum) pari cura refelluntur. Ad alia unum
paratum afferre possumus, ut causam bene noverim-
us; alterum ibi sumere, ut dicentem adversarium
diligenter audiamus. Licet tamen præcogitare plu-
ra, & animum ad omnes casus componere: idque
est tutius stylo, quo facilius & omittitur cogitatio,
& transfertur. Sed, si in respondendo fuerit subito
dicendum, si quæ alia ita exegerit ratio, nun-
quam oppressum se ac deprehensum credet orator,
cui disciplina & studium & exercitatio dederit vires
etiam facilitatis: quemque armatum semper, ac ve-
lut in promptu stantem, non magis unquam in cau-
sis oratio, quam in rebus quotidianis ac domesticis
sermo deficiet; nec se unquam propter hoc oneri
subtrahet, modo sit causæ discendæ tempus: nam ca-
tera semper sciet.

SUPEREST ut dicam de genere orationis. Hic CAP. X.
erat propositus a nobis in divisione prima locus ter-
tius: nam ita promiseram, me de arte, de artifice,
de opere dicturum. Cum sit autem rhetorices atque
oratoris opus, oratio, pluresque ejus formæ, sicut o-
stendamus; in omnibus his & ars est & artifex: plu-
rimum tamen invicem differunt; nec solum specie,
ut signum signo, & tabula tabulæ, & actio actioni;
sed genere ipso, ut Græcis Tuscanicæ statuae, & A-
sianus eloquens Attico. Suos autem hæc operum ge-
nera qua dico, ut auctores, sic etiam amatores hab-

A a a a 2

bent:

CAP. X.

bent : atque ideo nondum est perfectus orator : ac nescio an ars ulla : non solum quia aliud in alio magis eminet , sed quod non una omnibus forma placuit , partim conditione vel temporum vel locorum , partim iudicio cuiusque atque proposito. Primi , quorum quidem opera non vetustatis modo gratia visenda sint , clari pictores fuisse dicuntur Polygnotus atque Aglaophon , quorum simplex color tam sui studiosos adhuc habet , ut illa prope rudia , ac velut futuræ mox artis primordia , maximis qui post eos existiterunt auctoribus præferantur , proprio quodam intelligendi (ut mea fert opinio) ambitu. Post Zeufis atque Parrhasius non multum ætate distantes ~~circa Peloponnesia~~ ambo tempora (nam cum Parrhasio ~~formoso~~ Socratis apud Xenophontem invenitur) plurimum arti addiderunt. Quorum prior luminum ~~umbrarumque~~ invenisse rationem , secundus examinasse subtilius lineas traditur. Nam Zeufis plus membris corporis dedit , id amplius atque augustius ratus , atque (ut existimant) Homerum secutus , cui validissima quæque formæ etiam in foeminis placet. Ille vero ita circumscripsit omnia , ut cum ~~legum~~latorem vocent , quia deorum atque heroum effigies quales ab eo sunt traditæ , cæteri tanquam ita necesse sit , sequuntur. Floruit autem circa Philippum , & usque ad successores Alexandri , pictura præcipue , sed diversis virtutibus. Nam cura Protogenes , ratione Pamphilus ac Melanthius , facilitate Antiphilus , concipiendis ~~visu~~nibus (quas ~~Pharrasias~~ vocant) Theon Samius , ingenio & gratia , quam in se ipse maxime jactat , Appelles est præstantissimus. Euphranorem admirandum facit , quod & cæteris optimis studiis inter præcipuos

cupuos , & pingendi fingendique idem mirus artifex fuit. Similis in statuis differentia. Nam duriora , & Thufcanicis proxima Calon atque Egefias , jam minus rigida Calamis , molliora adhuc fupra dictis Myron fecit. Diligentia ac decor in Polycleto fupra cæteros , cui quanquam a plerifque tribuitur palma , tamen ne nihil detrahatur , deeffe pondus putant. Nam ut humanæ formæ decorem addiderit fupra verum , ita non expleviffe deorum auctoritatem videtur. Quin ætatem quoque graviolem dicitur refugiffe , nihil aufus ultra læves genas. At quæ Polycleto defuerunt , Phidiæ atque Alcameni dantur. Phidias tamen diis quam hominibus efficiendis melior artifex traditur , in ebore vero longe citra æmulum , vel fi nihil nifi Minervam Athenis , aut Olympium in Elide Jovem feciffet : cujus pulchritudo adjeciffe aliquid etiam receptæ religioni videtur ; adeo majestas operis deum æquavit. Ad veritatem Lysippum & Praxitelem accelfiffe optime affirmant. Nam Demetrius tanquam nimius in eo reprehenditur , & fuit fimilitudinis quam pulchritudinis amantior. In oratione vero fi fpecies intueri velis , totidem pene reperias ingeniorum , quot corporum formas. Sed fuere quædam genera dicendi conditione temporum horridiora , alioqui magnam jam ingenii vim præ fe ferentia. Hinc funt Lælii , Africani , Catones , Gracchique , quos tu licet Polygnotos vel Calones appelles. Mediam illam formam teneant L. Craffus , Q. Hortenfius. Tum deinde efflorefcat non multum inter fe diftantium temporum oratorum ingens proventus. Hinc vim Cæfaris , indolem Cœlii , fubtilitatem Callidii , gravitatem Bruti , acumen Sulpitii , acerbicatem Caffii , di-

Aaaaa 3

ligen-

CAP. X. ligentiam Pollionis, dignitatem Messalæ, sanctitatem Calvi reperiemus. In his etiam quos ipsi vidimus copiam Senecæ, vires Africani, maturitatem Afri, jucunditatem Crispi, sonum Trachalli, elegantiam Secundi. At M. Tullium, non illum habemus Euphronem circa plurimum artium species præstantem, sed in omnibus quæ in quoque laudantur, eminentissimum. Quem tamen & suorum homines temporum incessere audebant ut tumidiorem, & Asianum, & redundantem, & in repetitionibus nimium, & in salibus aliquando frigidum, & in compositione fractum, exultantem, ac pene (quod procul absit) viro molliorem. Postea vero quam triumphali proscriptione consumptus est, passim qui oderant, qui invidebant, qui amulabantur, adulescentes etiam præsentis potentiae, non responsurum invaserunt. Ille tamen qui juvenis a quibusdam & aridus habetur, non aliter ab ipsis inimicis male audire, quam nimis floribus & ingenii affluentia potuit. Falsum utrumque, sed tamen illa mentiendi propior occasio. Præcipue vero prefferunt eum, qui videri Atticorum imitatores concupiebant. Hæc manus quasi quibusdam sacris initiata, ut alienigenam, metrorum superstitiosum, devinctumque illis legibus insequeretur. Unde nunc quoque aridi, & exsucco, & exsangues (hi sunt enim qui suæ imbecillitati, sanitatis appellationem, quæ est maxime contraria, obtendant) quia clariorem vim eloquentiæ velut solem ferre non possunt, umbra magni nominis delitescent: quibus quia multa, & pluribus locis Cicero ipse respondit, tutior mihi de hoc differendi brevis erit. Et antiqua quidem illa divisio inter Asianos atque Atticos fuit, cum hi pressi

pressi & integri, contra inflati illi & inanes haberentur: in his nihil superflueret, illis iudicium maxime ac modus deesset. Quod quidam, quorum & Sancta est, hoc putant accidisse, quod paulatim sermone Græco in proximas Asiæ civitates influente, nondum satis periti loquendi, facundiam concupierint: ideoque ea quæ proprie signari poterant, circuitu cœperint enunciare, ac deinde in eo perseverarint. Mihi autem orationis differentiam fecisse & dicentium & audientium naturæ videntur: quod Attici limati quidem & emuncti nihil inane aut redundans ferebant. Asiana gens tumidior alioqui & jactantior, vaniore etiam dicendi gloria inflata est. Tertium mox, qui hæc dividebant, adjecerunt genus, Rhodium: quod velut medium esse atque ex utroque mixtum volunt. Neque enim Attice pressi, neque Asiæ sunt abundantes, ut aliquid habere videantur gentis, aliquid auctoris. Æschines enim, qui hunc exilio delegerat locum, intulit eo studia Athenarum: quæ, velut sata quadam cælo terraque degenerant, saporem illum Atticum peregrino miscuerunt. Lenti ergo quidem ac remissi, non sine pondere tamen: neque fontibus puris, neque torrentibus turbidis, sed lenibus stagnis similes habentur. Nemo igitur dubitaverit longe esse optimum genus Atticorum. In quo ut est aliquid inter ipsos commune, id est, iudicium acre, tersumque: ita ingeniorum plurimæ formæ. Quapropter mihi falli multa videntur, qui solos esse Atticos credunt, tenues, & lucidos, & significantes, sed quadam eloquentiæ frugalitate contentos, ac semper manum intra pallium continentés. Nam quis erit hic Atticus? Sit Lysias, hunc enim amplectuntur

CAP. X. tur amatores istius nominis modum. Non igitur jam usque ad Coccum & Antocidem remitemur. Interrogare tamen velim an Isocrates Attice dixerit: Nichil enim tam est Lysiae diversum. Negabunt? At ejus schola principes oratorum dedit. Quæraturnon similius aliquid. Hyperides Atticus? Certe. At plus indulgit voluptati. Transeo plurimos, Lysurgum, Aristogitona, & his priores, Isæum, Antiphontem: quos ut homines inter se genere similes, differentes dixeris specie. Quid ille, cujus modo fecimus mentionem, Æschines, nonne his latior & audentior, & excellentior? Quid denique Demosthenes? non cunctos illos tenues & circumspectos, vi, sublimitate, impetu, cultu, compositione superavit? non insurgit locis? non figuris gaudet? non translationibus nitet? non oratione ficta dat tacentibus vocem? non illud jusjurandum per cæsos in Marathone ac Salamine propugnatores reipublicæ, satis manifesto docet præceptorem ejus Platonem fuisse? Quem ipsum num Asianum appellabimus, plerumque instinctis divino spiritu verbis comparandum? Quid Periclea? similemne credimus Lysiacæ gracilitati, quem fulminibus & cœlesti fragori comparant Comici, dum illi conviciantur? Quid est igitur cur in iis demum qui tenui venula per calculos fluunt, Atticum saporem putent? ibi demum thymum redolere dicant? Quos ego existimo, si quod in his finibus uberius invenerint solum, fertiliorēve segetem, negaturos Atticam esse, quod plus quam acceperit seminis reddat, quia hanc ejus terræ fidem Menander eludit. Itaque nunc si quis ad eas Demosthenis virtutes, quas ille summus orator habuit, tamen quæ defuisse ei, sive ipsius natura, sive lege

lege civitatis videntur , adjecerit , ut affectus concitatus moveat , audiam dicentem , non fecit hoc Demosthenes : & si quid exierit numeris aptius ; fortasse non possit ; sed tamen si quid exierit , non erit Atticum ? Melius de hoc nomine sentiant , credantque Attice dicere esse optime dicere. Atque in hac tamen opinione perseverantes Græcos magis tulerim. Latina mihi facundia , ut inventionem , dispositionem , consilio , cæteris hujus generis artibus similis Græcæ ac prorsus discipula ejus videtur : ita circa rationem eloquendi vix habere imitationis locum. Namque est ipsi statim sonus durior , quando & jucundissimas ex Græcis literas non habemus , vocalem alteram , alteram consonantem , quibus nullæ apud eos dulcius spirant : quas mutuari solemus , quoties illorum nominibus utimur. Quod cum contingit , nescio quomodo velut hilarior protinus renidet oratio , ut in *Zephyris* & *Zopyris* , quæ si nostris literis scribantur , furdum quiddam & barbarum efficient , & velut in locum earum succedent tristes & horridæ , quibus Græcia caret. Nam & illa quæ sexta est nostrarum , pene non humana voce , vel omnino non voce potius , inter discrimina dentium efflanda est : quæ etiam cum vocalem proximam accipit , quassa quodammodo ; utique quoties aliquam consonantium frangit , multo fit horridior. *Æolicæ* quoque literæ , qua *servum* *cervumque* dicimus , etiamsi forma a nobis repudiata est , vis tamen nos ipsa persequitur. Duras & illa syllabas facit , quæ ad conjungendas demum subjectas sibi vocales est utilis , alias supervacua , ut *equos* ac *equum* scribimus , cum etiam ipsæ hæ vocales duæ efficiant sonum , qualis apud Græcos

Bbbb b

nullus

CAP. X. nullus est; ideoque scribi illorum literis non potest. Quid quod pleraque nos illa quasi mugiente litera cludimus *M*, qua nullum Græce verbum cadit? At illi, *N* jucundam, & in fine præcipue quasi tinnientem, illius loco ponunt, quæ est apud nos rarissima in clausulis. Quid quod syllabæ nostræ in *B* literam, & *D* innituntur? adeo aspere, ut plerique non antiquissimorum quidem, sed tamen veterum, mollire tentaverint, non solum *aversa* pro *abversis* dicendo, sed & in præpositione *B* literæ absonam & ipsam *S* subjiendo. Sed accentus quoque cum rigore quodam, tum similitudine ipsa minus suaves habemus, quia ultima syllaba nec acuta unquam excitatur, nec flexa circunducitur, sed in gravem, vel duas graves cadit semper. Itaque tanto est sermo Græcus Latino jucundior, ut nostri poetæ quoties dulce carmen esse voluerunt, illorum id nominibus exornent. His illa potentiora, quod res plurimæ carent appellationibus, ut eas necesse sit transferre, aut circumire: etiam in iis quæ denominata sunt, summa paupertas in eadem nos frequentissime revolvit: at illis non verborum modo, sed linguarum etiam inter se differentium copia est. Quare qui a Latinis exiget illam gratiam sermonis Attici, det mihi in eloquendo eandem jucunditatem, & parem copiam. Quod si negatum est, sententias aptabimus iis vocibus quas habemus, nec rerum nimiam tenuitatem, ut non dicam pinguioribus, fortioribus certe verbis miscemus: ne virtus utraque pereat ipsa confusione. Nam quo minus adjuvat sermo, rerum inventionem pugnandum est. Sensus sublimes varii eruantur. Permoveendi omnes affectus erunt, oratio translationum nitore

tore illuminanda. Non possumus esse tam graciles? si. CAP. XI
 mus fortiores. Subtilitate vincimur? valeamus pon-
 dere. Proprietas penes illos est certior? copia vinca-
 mus. Ingenia Græcorum etiam minora suos portus
 habent? nos plerumque majoribus velis moveamur:
 validior spiritus nostros sinus tendat. Non tamen al-
 to semper feremur: nam & littora interim sequenda
 sunt. Illis facilis per quælibet vada accessus? ego a-
 liquid non multo tamen altius, in quo mea cymba
 non fidat, inveniam. Neque enim si tenuiora hæc
 ac pressiora Græci melius, in eoque vincimur solo,
 & ideo in comœdiis non contendimus; prorsus ta-
 men omittenda pars hæc orationis, sed exigenda ut
 optime possumus: possumus autem rerum modo &
 iudicio esse similes: verborum gratia, quam in ipsis
 non habemus, extrinsecus condienda est. An non in
 privatis & acutus, & non asper, & non indistinctus,
 & non supra modum elatus M. Tullius? non in M.
 Callidio insignis hæc virtus? non Scipio, Lælius,
 Cato in eloquendo velut Attici Romanorum fuerunt?
 Qui porro non satis est, quo nihil esse melius
 potest? Ad hoc, quidam nullam esse naturalem pu-
 tant eloquentiam, nisi quæ sit quotidiano sermoni si-
 millima, quo cum amicis, conjugibus, liberis, servis
 loquimur, contento promere animi voluntatem, ni-
 hilque arcessiti & elaborati requirente: quicquid huc
 sit adjectum id esse affectationis, & ambiciosa in lo-
 quendo iactantia, remotum a veritate, fictumque
 ipsorum gratia verborum, quibus solum a natura sit
 officium attributum, servire sensibus: sicut athle-
 tarum corpora etiam si validiora fiant exercitatione,
 & lege quadam ciborum, non tamen esse naturalia, ac

CAP. X. que ab illa specie quæ sit concessa hominibus abhor-
 rere. Quid enim, inquiunt, attinet circuitu res o-
 stendere, & translationibus, id est, aut pluribus aut
 alienis verbis, cum sua cuique sint assignata nomina?
 Denique antiquissimum quemque maxime secundum
 naturam dixisse contendunt, mox poetis similiores
 extitisse, etiamsi parcius, simili tamen ratione fal-
 sa & impropria virtutes ducentes. Qua in disputatio-
 ne nonnihil veri est, ideoque non tam procul, quam
 fit a quibusdam, recedendum a propriis atque com-
 munitibus. Si quis tamen (ut in loco dixi compositi-
 onis) ad necessaria, quibus nihil minus est, aliquid
 melius adjecerit, non erit hac calumnia reprehen-
 dendus. Nam mihi aliam quandam videtur habere
 naturam sermo vulgaris, aliam viri eloquentis oratio:
 cui si res indicare modo satis esset, nihil ultra verbo-
 rum proprietatem elaboraret, sed cum debeat delecta-
 re, movere, in plurimas animum audientis species im-
 pellere, utetur iis quoque adiutoriis, quæ sunt ab eadem
 nobis concessa natura. Nam & lacertos exercitatione
 constringere, & augere vires, & colorem trahere,
 naturale est: ideoque in omnibus gentibus alius alio
 facundior habetur, & eloquendo dulcis magis. Quod
 si non eveniret, omnes pares essent, & idem omnes
 deceret. At aliter loquuntur, & servant personarum dif-
 crimen: ita quo quisque plus efficit dicendo, eo ma-
 gis secundum naturæ eloquentiam dicit. Quapropter
 ne illis quidem nimium repugno, qui dandum pu-
 tant nonnihil esse temporibus atque auribus, nitidius
 aliquid atque affectius postulantis. Itaque non
 solum ad priores Catone Gracchisque, sed ne ad hos
 quidem oratorem alligandum puto. Atque id fecisse

M. Tul-

M. Tullium video, ut cum omnia utilitati, tum partem quandam delectationi daret, cum & ipsam se rem agere diceret (agebat autem maxime) litigatoris. Nam hoc ipso proderat, quod placebat. Ad cujus voluptates nihil equidem quod addi possit invenio, nisi ut sensus nos quidem dicamus plures. Neque enim fieri potest salva tractatione causæ & dicendi auctoritate, si nimium crebra hæc lumina & continua fuerint, ut non invicem offecerint. Sed me hætenus cedentem nemo insequatur ultra: do tempori, ne crassa toga sit, non serica: ne intonsum caput, non in gradus atque annulos comtum: cum in eo qui se non ad luxuriam ac libidinem referat, eadem speciosiora quoque sint, quæ honestiora. Cæterum hoc quod vulgo sententias vocamus, quodque veteribus, præcipue Græcis, in usu non fuit, apud Ciceronem enim invenio, dum rem contineant, & copia non redundant, & ad victoriam spectent, quis utile neget? Feriunt animum, & uno ictu frequenter impellunt, & ipsa brevitate magis hærent, & dictione persuadent. Ac sunt qui hæc excitatiora lumina etiamsi dicere permittant, a componendis tamen orationibus excludenda arbitrentur. Quocirca mihi ne hic quidem locus intactus est omittendus, quod plures eruditorum aliam esse dicendi rationem, aliam scribendi putaverunt: ideoque in agendo clarissimos quosdam, nihil posteritati mansurisque mox literis reliquisse, ut Periclem & Demadem: rursus alios ad componendum optimos, actionibus idoneos non fuisse, ut Isocratem: præterea, in agendo plus impetum posse plerumque, & petitas vel paulo licentius voluptates. Commovendos enim esse, docendosque animos im-

B b b b 3

perito-

CAP. X. peritorum. At quod libris dedicatur, & in exemplum editur, tersum ac limatum, & ad legem ac regulam compositum esse oportere : quia veniat in manus doctorum, & iudices artis habeat artifices. Quin illi subtiles, ut similes ac multi persuaserunt magistri, *παράδειγμα* dicendo, *ἐνθύμημα* scribendo esse aptius tradiderunt. Mihi unum atque idem videtur bene dicere, ac bene scribere : neque aliud esse oratio scripta, quam monumentum actionis habitæ. Itaque nullas non (ut opinor) debet habere virtutes ; non dico, nulla vitia. Nam imperitis placere aliquando quæ vitiosa sunt, scio. Quo different igitur ? Quod si mihi des consilium iudicum sapientum, perquam multa recidam ex orationibus non Ciceronis modo, sed etiam ejus qui est strictior multo, Demosthenis. Neque enim affectus omnino movendi erunt, nec aures delectatione mulcendæ, cum etiam proœmia supervacua esse apud tales, Aristoteles existimet. non enim trahentur his illi sapientes. proprie & significanter rem indicare, probatione colligere, satis est. Cum vero iudex detur aut populus, aut ex populo, laturique sententiam indocti sæpius, atque interim rustici : omnia quæ ad obtinendum quod intendimus, prodesse credemus, adhibenda sunt, eaque etiam cum dicemus, promenda, & cum scribimus, ut doceamus quomodo dici oporteat. An Demosthenes male sic egisset ut scripsit, aut Cicero ? aut eos præstantissimos oratores alia quam scriptis cognoscimus ? Melius egerunt igitur, an pejus ? nam si pejus, sic potius oportuit dici ut scripserunt : si melius, sic oportuit scribi ut dixerunt. Quid ergo ? Semper sic aget orator ut scribit ? Si licebit, semper quod

quod si impediunt brevitate tempora a iudice data, CAP. X.
 multum ex eo quod potuit dici, recidetur: editio
 habebit omnia. Quæ autem secundum naturam judi-
 cantium dicta sunt, non ita posteris tradentur, ne
 videantur propositi fuisse, non temporis. Nam id
 quoque plurimum refert, quo modo iudex audire
 velit: atque ejus vultus sæpe ipse rector est dicentis, ut
 Cicero præcipit. Ideoque instandum iis quæ place-
 re intellexeris, resiliendum ab iis quæ non recipien-
 tur. Sermo ipse qui facile iudicem doceat, aptan-
 dus. Nec id mirum sit, cum etiam testium perso-
 nis aliqua mutantur. Prudenter enim, qui cum in-
 terrogasset rusticum testem an Amphiona nosset, ne-
 gante eo, detraxit aspirationem, breviavitque secun-
 dam ejus nominis syllabam, & ille eum sic optime
 norat. Hujusmodi casus efficiunt ut aliquando di-
 catur aliter quam scribitur, cum dicere quomodo
 scribendum est, non licet. Altera est divisio, quæ in
 tres partes & ipsa discedit, quia discerni posse etiam
 recte dicendi genera inter se videntur. Nanque u-
 num subtile, quod *ισχυρόν* vocant. Alterum grande
 atque robustum, quod constituunt *ἀδρόν*. Tertium a-
 lii medium ex duobus: alii floridum, (namque id
αἰνθρον appellant) addiderunt, quorum tamen ea fere
 ratio est, ut primum docendi, secundum movendi,
 tertium illud utrocunque nomine, delectandi, sive
 aliud interconciliandi præstare videtur officium. In
 docendo autem acumen, in interconciliando lenitas,
 in movendo gravitas videatur. Itaque illo subtili præ-
 cipue ratio narrandi probandique consistit: sed quod
 sit etiam detractis cæteris virtutibus, suo genere ple-
 num. Medius hic modus, & translationibus crebrior,
 & figu-

CAP. X. figuris erit jucundior, egressionibus amœnus, compositione aptus, sententiis dulcis, lenior tamen, ut amnis lucidus quidam, & virentibus utrinque sylvis inumbratus. At ille qui saxa devolvat, & pontem indignetur, & ripas sibi faciat, multus & terreus judicem vel nitentem contra feret, cogetque ire qua rapit. Hic orator & defunctos excitabit, ut Appium Cæcum: apud hunc & patria ipsa exclamabit, aliquemque (ut Ciceronem in oratione contra Catilinam in senatu) alloquetur. Hic & amplificationibus extollet orationem, & vi superlationum quoquo eriget: *Qua Charybdæ tam vorax?* & *Oceanus medius fidius ipse*. Nota sunt enim jam studiosis hæc lumina. Hic deos ipsos in congressum prope suum sermonemque deducet, *Vos enim Albani tumuli atque luci: vos, inquam, Albanorum obruta ara, sacrorum populi Romani socia & æquales*. Hic iram, hic misericordiam inspirabit: Cum dicet, *Te vidit, & appellavit, & flevit*: & per omnes affectus auditor huc atque illuc sequetur, nec doceri desiderabit. Quare si ex tribus his generibus necessario sit eligendum unum, quis dubitet hoc præferre omnibus, & validissimum alioqui, & maximis quibusque causis accommodatissimum? Nam & Homerus brevem quidem cum animi jucunditate, & propriam (id enim est non errare verbis) & carentem supervacuis eloquentiam Menelao dedit, quæ sunt virtutes generis illius primi. Et ex ore Nestoris dixit dulciorem melle profluere sermonem: qua certe delectatione nihil fingi majus potest. Sed summam aggressus, ut in Ulyssæ, facundiam, magnitudinem illi junxit: cui orationem nivibus hybernis, & copia verborum atque impetu parem tribuit. Cum hoc
igitur

igitur nemo mortalium contendet : hunc ut deum CAP. X.
homines intuebuntur. Hanc vim & celeritatem in
Pericle miratur Eupolis , hanc fulminibus Aristophanes
comparat : hæc est vera dicendi facultas. Sed neque
his tribus quasi formis inclusa eloquentia est.
Nam ut inter gracile validumque tertium aliquid
constitutum est : ita horum intervalla sunt. Atque inter
hæc ipsa mistum quiddam ex duobus medium est eorum.
Nam & subtili plenius aliquid atque subtilius,
& vehementi remissius atque vehementius invenitur :
ut illud lene aut ascendit ad fortiora , aut ad tenuiora
summittitur : ac sic prope innumerabiles species
reperiuntur , quæ utique aliquo momento inter se
differant : sicut quatuor ventos generaliter a totidem
mundi cardinibus accepimus flare , cum interim plurimi
mediorum , varietate regionum ac flaminum
proprie deprehendantur. Eademque musicis ratio est,
qui cum in cithara quinque constituerunt sonos , plurima
deinde varietate complent spatia illa nervorum,
atque iis quos interposuerunt , inserunt alios , ut pauci
illi transitus multos gradus habeant. Plures igitur
etiam eloquentiæ facies , sed stultissimum quærere
ad quam recturus se sit orator : cum omnis species,
quæ modo recta est , habeat usum , atque id ipsum
omne sit oratoris , quod vulgo genus dicendi vocant.
Utetur enim , ut res exiget , omnibus , nec pro causa
modo , sed pro partibus causæ. Nam ut non eodem
modo pro reo capitis , & in certamine hæreditatis ,
& de interdictis ac sponsonibus , & de certa
re credita dicet ; sententiarum in senatu , & concio-
num , & privatorum consiliorum fervabit discrimina ;
multa ex differentia personarum , locorum , tempo-
rum.

C c c c c

rum.

CAP. X. rumque mutabit : ita in eadem oratione aliter conciliabit, non ex iisdem eventibus iram & misericordiam petet : alias ad docendum, alias ad movendum adhibebit artes. Non unus color proœmii, narrationis, argumentorum, egressionis, perorationis, servabitur. Dicet idem graviter, severe, acriter, vehementer, concitate, copiose, amare, comiter, remisse, subtiliter, blande, leniter, dulciter, breviter, urbane, non ubique simul, sed ubique partibus : Sic fiet cum id propter quod maxime repertus est usus orationis, ut dicat & utiliter, & ad efficiendum quod intendit, potenter : tum laudem quoque, nec doctorum modo, sed etiam vulgi consequetur. Falluntur enim plurimum, qui vitiosum & corruptum dicendi genus, quod aut verborum licentia resultat, aut puerilibus sententiolis lascivit, aut immodico tumore turgescit, aut inanibus locis bacchatur, aut casuris, si leviter excutiantur, flosculis nitet, aut præcipitia pro sublimibus habet, aut specie libertatis insanit, magis existimant populare atque plausibile. Quod quidem placere multis nec inficior, nec miror. Est enim jucundi operis ac favorabilis qualiscunque frequentia, & ducit animos naturali voluptate vox omnis neque aliunde illi per fora atque aggerem circuli, quo minus mirum est quod nulli non agentium parata vulgi corona est. Ubi vero quid exquisitius dictum accidit auribus imperitorum, qualecunque id quod modo se ipsi posse desperent, habet admirationem; neque immerito : nam ne illud quidem facile est. Sed evanescunt hæc atque emoriuntur comparatione meliorum : ut lana tincta fuco citra purpuras placet ; at si contuleris etiam, lacernæ conspectu melioris

lioris obruatur, ut Ovidius ait : si vero iudicium his **CAP. X.** corruptis acrius adhibeas , ut fuco tinctis sulphura, jam illud , quod sefellerat, exuat mentitum colorem, & quadam vix enarrabili foeditate pallefcant. Lucent igitur hæc citra solem , ut & quædam exigua animalia igniculi videntur in tenebris. Denique mala multi probant, nemo improbat bona. Neque vero omnia ista de quibus locuti sumus, orator optime tantum, sed etiam facillime faciet. Neque enim vis summa dicendi est admiratione digna, si infelix usque ad ultimum sollicitudo persequitur, ac oratorem macerat & coquit, ægre verba vertentem , & perpendendis coagmen- tandisque eis intabescens. Nitidus ille , & subli- mis, & locuples, circumfluentibus undique eloquen- tiæ copiis imperat. Desinit enim in adversa niti, qui pervenit in summum. Scendenti circa ima labor est: cæterum quantum processeris , mollietur dives & læ- tius solum. Et si hæc quoque jam levius suprema perseverantibus studiis evaseris , inde fructus illabo- rati offerunt sese, & omnia sponte proveniunt: quæ tamen quotidie nisi decerpantur , arescunt. Sed & copia habet modum , sine quo nihil nec laudabile, nec salutare est : & nitor ille cultum virilem, & in- ventio iudicium. Sic erunt magna , non nimia : sub- limia , non abrupta : fortia , non temeraria : seve- ra , non tristia : gravia, non tarda : læta , non lu- xuriosa : jucunda , non dissoluta : plena , non tu- mida. Similis in cæteris ratio est, ac tutissima fe- re per medium via : quia utriusque ultimum vi- tium est.

CAP. XI.

HIS dicendi virtutibus usus orator in judiciis, consiliis, concionibus, senatu, in omni denique officio boni civis, finem quoque dignum & optimo viro, & opere sanctissimo faciet: non quia prodesse unquam fatis sit, & illa mente atque illa facultate prædito non conveniat operis pulcherrimi quam longissimum tempus; sed quia decet hoc quoque prospicere, ne quid pejus quam fecerit, faciat. Neque enim scientia modo constat orator, quæ augeatur annis, sed voce, latere, firmitate: quibus fractis aut imminutis ætate seu valetudine, cavendum est ne quid in oratore summo desideretur, ne intersistat fatigatus, ne quæ dicet parum audiri sentiat, ne se queratur perire. Vidi ego longe omnium quos mihi cognoscere contigit, summum oratorem, Domitium Afrum, valde senem, quotidie aliquid ex ea quam meruerat auctoritate perdentem, cum agente illo, quem principem fuisse quondam fori non erat dubium, alii (quod indignum videatur) riderent, alii erubescerent. quæ occasio fuit dicendi, *malle eum deficere quam desinere*. Neque erant illa qualiacunque mala, sed minora. Quare antequam in has ætatis veniat insidias, receptui canet, & in portum integra nave perveniet. Neque enim minores eum, cum id fecerit, studiorum fructus prosequuntur. Aut ille monumenta rerum posteris, aut, ut L. Crassus in libris Ciceronis destinabat, jura quærentibus tradet, aut eloquentiæ componet artem, aut pulcherrimis vitæ præceptis dignum os dabit. Frequentabunt vero ejus domum optimi juvenes more veterum, & veram dicendi viam velut ex oraculo petent. Hos ille formabit quasi eloquentiæ parens, & ut vetus gubernator

tor, littora & portus, & quæ tempestatum signa, CAP. XI.
quid secundis flatibus, quid adversis ratis poscat, docebit: non humanitatis solum communi ductus officio, sed amore quodam operis. Nemo enim minui velit id, in quo maximus fuit. Quid porro est honestius, quam docere quod optime scias? Sic ad se Cælium deductum a patre Cicero proficitur. Sic Pan-
sam, Hirtium, Dolabellam in morem præceptoris exercuit, quotidie dicens, audiensque. Ac nescio an eum tunc beatissimum credi oporteat fore, cum jam secretus & consecratus, liber invidia, procul contentionibus, famam in tuto collocarit, & sentiet vivus eam quæ post fata præstari magis solet, venerationem, & quid apud posteros futurus sit, videbit.

Conscius sum mihi, quantum mediocritate valui, quæque antea scierim, quæque operis huiusce gratia potuerim inquirere, candide me atque simpliciter in notitiam eorum, si qui forte cognoscere voluissent, protulisse. Atque id viro bono satis est, docuisse quod scierit. Vereor tamen, ne aut magna nimium videar exigere, qui eundem virum bonum esse, & dicendi peritum velim: aut multa, qui tot artibus in pueritia discendis, morum quoque præcepta, & scientiam juris civilis, præter ea quæ de eloquentia tradebantur, adjecerim; quique hæc operi nostro necessaria esse crediderint, velut remoram perhorrescant, ac desperent ante experimentum. Qui primum renuncient sibi, quanta sit humani ingenii vis, quam potens efficiendi quæ velit: cum maria transire, siderum cursus numerosque cognoscere,

Ccccc 3

mun-

CAP. XI. mundum ipsum pene dimetiri , minores sed difficili-
 ores artes potuerint. Tum cogitent , quantam rem
 petant , quamque nullus sit hoc proposito præmio
 labor recusandus. Quod si mente conceperint , huic
 quoque parti facilius accedent , ut ipsum iter neque
 impervium , neque saltem durum putent. Nam id
 quod prius , quodque majus est , ut boni viri si-
 mus , voluntate maxime constat : quam qui vera fi-
 de induerit , facile easdem quæ virtutem docent ar-
 tes accipiet. Neque enim aut tam perplexa , aut tam
 numerosa sunt quæ petuntur , ut non paucorum ad-
 modum annorum intentione discantur. Longam e-
 nim facit operam , quod repugnamus. Brevis est
 institutio vitæ honestæ beatæque , si credas. Natura
 enim nos ad mentem optimam genuit : adeoque di-
 scere meliora volentibus promptum est , ut vere intu-
 enti mirum sit illud magis , malos esse tam multos.
 Nam ut aqua piscibus , ut sicca terrenis , circumfu-
 sas nobis spiritus volucris convenit : ita certe faci-
 lius esse oportebat , secundum naturam , quam con-
 tra eam vivere. Cætera vero , etiam si ætatem no-
 stram non spatio senectutis , sed tempore adolescen-
 tiæ metiamur , abunde multos ad discendum annos
 habent. Omnia enim breviora reddet ordo , & ra-
 tio , & modus. sed culpa est in præceptoribus prima,
 qui libenter detinent quos occupaverunt , partim cu-
 pitate diutius exigendi mercedulas ; partim ambitio-
 ne , quo difficilius sit quod pollicentur ; partim etiam
 inscientia tradendi , vel negligentia. Proxima in no-
 bis , qui morari in eo quod novimus , quam discere
 quæ nondum scimus , melius putamus. Nam ut de
 nostris potissimum studiis dicam , quid attinet tam
 multis

multis annis, quam in more est plurimorum, (ut de his a quibus magna in hoc pars ætatis absumitur, taceam) declamitare in schola, & tantum laboris in rebus falsis consumere; cum satis sit modico tempore imaginem veri discriminis, & dicendi leges comperisse? Quod non dico, quia sit unquam omittenda dicendi exercitatio, sed quia non sit in una ejus specie confesendum. Cognoscere enim, & præcepta vivendi perdiscere, & in foro nos experiri potuimus, dum scolastici sumus. Dicendi ratio talis, ut non multos annos poscat. Quælibet enim ex iis artibus quarum prius habui mentionem, in paucos libros contrahi solet. adeo infinito spatio ac traditione opus non est. Reliqua est, quæ vires cito facit, consuetudo. Rerum cognitio quotidie crescit, & tamen quam multorum ad eas librorum necessaria lectio est, quibus aut rerum exempla ab historicis, aut dicendi ab oratoribus petuntur? Philosophorum quoque consultorumque opiniones, sicuti alia, velimus legere, quod quidem potest, omnia: sed breve nobis tempus nos facimus. Quantulum enim studiis impertimur? Alias horas vanus salutandi labor, alias datum fabulis otium, alias spectacula, alias convivia trahunt; adjice tot genera ludendi, & insanam corporis curam. Trahat inde peregrinatio, rura, calculorum anxietas sollicitudines, multæ causæ libidinum, & vinum, & flagitiosus omni genere voluptatum animus; ne ea quidem tempora idonea, quæ superfluent. Quæ si omnia studiis impenderentur, jam nobis longa ætas, & abunde satis ad discendum spatia viderentur: & diurna tantum computantibus tempora: & noctes, quarum bona pars omni somno longior

CAP. XI. *gior est, adjuvarent. Nunc computamus annos, non quibus studuimus, sed quibus viximus. Nec vero si Geometræ, & Grammatici, cæterarumque artium professores omnem suam vitam, quamlibet longa fuerit, in singulis artibus consumserunt, sequitur ut plures quasdam vitas ad plura discenda desideremus. Neque illi didicerunt hæc usque in senectutem, sed ea sola didicisse contenti fuerunt, ac tot annos in utendo, non in percipiendo exhausterunt. Cæterum ut de Homero taceam, in quo nullius non artis aut perfectæ aut certe non dubia vestigia reperiuntur: ut Eleum Hippiam transeam, qui non liberalium modo disciplinarum præ se scientiam tulit, sed vestem, & annulum, crepidasque, quæ omnia manu sua fecerat, in usu habuit, atque ita se præparavit, ne cuius alterius ope egeret, neve ullius rei: Gorgias quoque summæ senectutis, quærere auditores, de quo quisque vellet, jubebat. Quæ tandem ars digna literis Platoni defuit? Quot seculis Aristoteles didicit, ut non solum quæ ad philosophos atque Oratores pertinent, scientia complecteretur, sed animalium factorumque naturas omnes perquireret? Illis enim hæc invenienda fuerunt, nobis cognoscenda sunt. Tot nos præceptoribus, tot exemplis instruxit antiquitas, ut non possit videri ulla sorte nascendi ætas felicior, quam nostra, cui docendæ priores elaboraverunt. Marcus Censorius Cato, idem orator, idem historiæ conditor, idem juris, idem rerum rusticarum peritissimus fuit, inter tot operas militiæ, tantas domi contentiones, rudi seculo literas Græcas ætate jam declinata didicit: ut esset hominibus documento, ea quoque percipi posse, quæ senes concupiscent. Quam multa*

multa ; imo pene omnia tradidit Varro ? Quod in-
 strumentum dicendi M. Tullio defuit ? Quid plura ?
 cum etiam Cornelius Celsus mediocri vir ingenio,
 non solum de his omnibus conscripserit artibus, sed
 amplius rei militaris , & rusticæ etiam , & medici-
 næ præcepta reliquerit ? dignus vel ipso proposito, ut
 eum scisse omnia illa credamus. At perficere tantum
 opus , arduum est, & nemo perfecit. Ante omnia
 sufficit ad excitationem studiorum , non capere id
 rerum naturam , ut quicquid non est factum, nec fie-
 ri quidem possit : quin omnia quæ magna sunt atque
 admirabilia , tempus aliquod quo primum efficeren-
 tur , habuisse. Quantum enim Poesis ab Homero
 & Virgilio , tantum fastigium accepit eloquentia a
 Demosthene atque Cicerone. Denique quicquid est
 optimum, ante non fuerat. Verum etiam si quis sum-
 ma desperet (quod cur faciat, cui ingenium, valetu-
 do, facultas, præceptor, non deerunt?) tamen est
 (ut Cicero ait) *pulchrum in secundis tertisque consis-
 ere*. Neque enim si quis Achillis gloriam in bellicis con-
 sequi non potest, Ajacis aut Diomedis laudem asper-
 nabitur : neque qui Homeri non, Tyrtæi. Quinimo
 si hanc cogitationem homines habuissent, ut nemo
 se meliorem fore eo qui optimus fuisset, arbitrare-
 tur ; hi ipsi qui sunt, optimi non fuissent : neque post
 Lucretium ac Macrum Virgilius, neque post Craf-
 sum & Hortensium Cicero, sed nec alii postea vice-
 rint. Verum transcendendi spes non sit : magna ta-
 men est dignitas subsequendi. An Pollio & Messala,
 qui jam Cicerone arcem tenente eloquentiæ, agere
 cœperunt, parum in vita dignitatis habuerunt, pa-
 rum ad posteros gloriæ tradiderunt ? Alioqui pessi-

D d d d d

me

CAP. XI. me de rebus humanis perductæ in summum artes mererentur, si quod optimum fuisset effecissent. Adde quod magnos modica quoque eloquentia parit fructus: ac si quis hæc studia utilitate sola metiatur, pene illi perfectæ par est. Neque erat difficile, vel veteribus vel novis exemplis palam facere, non aliunde majores honores, opes, amicitias, laudem præsentem, futuram, hominibus contigisse: si tamen dignum literis esset, ab opere pulcherrimo, cujus tractatus atque ipsa possessio plenissimam studiis gratiam refert, hanc minorem exigere mercedem, more eorum qui a se non virtutes, sed voluptatem quæ fit ex virtutibus, peti dicunt. Ipsam igitur orandi majestatem, qua nihil dii immortales melius homini dederunt, & qua remota muta sunt omnia, & luce præsentis & memoria posteritatis carent, toto animo petamus, nitamurque semper ad optima: quod facientes, aut evademus in summum, aut certe multos infra nos videbimus.

Habes, Marcelle Victori, quibus præcepta dicendi pro virili parte adjuvari posse per nos videbantur: quorum cognitio studiosis juvenibus si non magnam utilitatem afferet, at certe, quod magis petimus, bonam voluntatem.

F I N I S.

INDEX

RERUM ET VERBORUM MEMORABILIVM

IN

M. FABII QUINCTILIANI INSTITUTIONIBUS;

Quem auxerunt Ciceronis aliorumque Auctorum
loca artem oratoriam illustrantia,

Ex Indice Rhetorico Boecleriano M^{sto}
excerpta.

A.

Abstemius quomodo di-
videndum in scriben-
do. *Q.* I, 7, 51.
*Abusus rerum optimarum non
tollit usum.* *Q.* 2, 16, 120.
*Accentuum ratio in quibusdam
vocibus.* *Q.* I, 5, 33.
*Accusare debet etiam aliquando
orator, quamvis malis defende-
re.* *Q.* 12, 7, 733.
*Actio s. pronuntiatio quantum va-
leat ad movendos auditores.*
Q. II, 3, 669.
*est quasi quadam corporis elo-
quentia. Cic. Or. 17.*
*omnis in duas divisa partes, vo-
cem gestumque.* *Q.* II, 3, 672.
differre debet pro differentia rei

*& personarum apud quas agi-
tur.* *Q.* II, 3, 699.

*Actiois & pronuntiationis appel-
latione indifferenter uti licet.*
Q. II, 3, 669.

Actiois laus. Plutarch. Vit. 8. T. 2.
p. 845. & T. I. p. 849.

*de Actione & pronuntiatione pra-
cepta.* *Q.* I, II, 70.

*in Actione quomodo caput & ca-
tera deinde membra componen-
da ad decorem & significatio-
nem.* *Q.* II, 3, 683.

de Actiois quaestione. *Q.* 7, 5, 428.

Actio in Philotam ap. Curt. lib. 6.

*Actuosa partes orationis, in quibus
actioni plurimus locus. Cic. Or. 36.*

*Adiuvantia quae verbis aperta oc-
culto sensu sunt.* *Q.* 8, 2, 453.

Dddd 2

Admi-

INDEX.

- Admirationem debet habere eloquentia.* Crescoll. th. rhet. 1, 15.
- Adoxov causa genus.* Q. 4, 1, 213.
- Adpor genus dicendi.* Q. 12, 10, 755.
- Adsentior & adsentio.* Q. 1, 5, 31.
- Adultera omnis venesica, judicio Casonis.* Q. 5, 11, 305.
- Advocatus malus saepe mala causa argumentum videtur.* Q. 12, 1, 711.
- Advocato facilius est agere quam litigatori.* Q. 4, 1, 214.
- vid. Patronus.
- Emulatio inter discentes quantum proficit.* Q. 1, 2, 18.
- Enigma, allegoria obscurior.* Q. 8, 6, 497.
- Eolica dialecto sermo Latinus simillimus.* Q. 1, 6, 47.
- Æschines hypocrites inter oratores nomen nactus.* Q. 2, 17, 125.
- Æschines in insula Rhodo exalavit.* Q. 12, 10, 747.
- Æschinis & Demosthenis orationes contraria.* Q. 10, 1, 589.
- Æsopi quæ dicuntur fabula Hesiodum auctorem videntur habere.* Q. 5, 11, 301.
- Ætas, a qua institutionis in literis faciendum initium.* Q. 1, 1, 9.
- Ætas, unde agendi initium sumendum.* Q. 12, 6, 731.
- Ætas nostra sufficit ad discendum.* Q. 12, 11, 762.
- Affectus qui descendit facile deficit.* Q. 6, 1, 342.
- Affectus quomodo movendi.* Q. 4, 2, 242. 6, 2, 351.
- Affectus moventur non dicendo tantum, sed etiam faciendo.* Q. 6, 1, 342.
- etiam in aliis partibus quam in proœmio locum habent. Q. 6, 1, 346. 6, 2, 347.
- Affectus movere proprium oratoris opus.* Q. 6, 2, 348.
- cur oratori necesse sit. Q. 2, 17, 129.
- Athenis per præconem prohibebatur orator.* Q. 2, 16, 120. 6, 1, 337.
- Affectuum movendorum ratio in peroratione.* Q. 6, 1, 338.
- Affectuum dua species.* Q. 6, 2, 349.
- Affectuum quanta sit efficacia apud judicem.* Q. 6, 2, 348.
- in Affectibus exprimendis plus calor quam diligentia valet. Q. 10, 3, 619.
- Aglaophon, antiquus pictor.* Q. 12, 10, 744.
- Agnominatio quæ Gr. παρανομία.* Q. 9, 3, 546.

*Ai diphthongus veterum muta-
tus in x.* Q. 1, 7, 52.

ἄλινος quid? Q. 5, 11, 302.

ἄλσω ποπώητον quid? ibid.

Ἀιτιολογία. Q. 9, 3, 552.

Ἀιτιον & αἰτία. Q. 3, 11, 199.

Ἀιτιον ἐξ αἰτίης. Q. 3, 11, 200.

Ἀκόλυσθα. Q. 5, 10, 288.

Ἀκυρον, Latinis improprium. Q.
8, 2, 450.

Alcarnenes, Statuarius. Q. 12, 10,
745.

*Alexander M. quo premio vanam
artem remuneratus sit.* Q. 2, 20,
135.

*Alexander ab Aristotele prima li-
terarum elementa doctus.* Q. 1,
1, 11.

*Alexander & Cassandra, pro Ale-
xander & Cassandra.* Q. 1, 4, 26.

Allegoria. Q. 8, 6, 495. 9, 1, 503.

Ἀλλοιώσις. Q. 9, 3, 552.

*Ἄλογος τρεῖς, quod Quintiliano,
usus irrationabilis.* Q. 10, 7,
633.

de Alsercatione precepta. Q. 6, 4,
377.

de Ambiguo. Q. 7, 9, 435.

*Ambitio licet ipsa vitium, fre-
quenter tamen causa virtutum
est.* Q. 1, 2, 18.

ibi Amici, ubi opes: vetus dictam.
Q. 5, 11, 306.

Ἀμφιδοξον causa genus. Q. 4, 1,
213.

Ἀμφιβολία. Q. 3, 6, 166. & 174.

Amphibolia species qua? Q. 7, 9,
435.

Amplificatio ut tractanda. Cic.
Partit. 15.

*Amplificationis varia genera enu-
merantur.* Q. 8, 4, 474.

Ἀναγκάσιον. Q. 9, 2, 533. 9, 3, 553.

*Ἀνακατατάξις, quibusdam Latini-
corum, enumeratio.* Q. 6, 1, 336.

*Analogia an sit separanda a simi-
li.* Q. 5, 11, 304.

*Analogie vis qua sit in dijudican-
do sermone.* Q. 5, 6, 424.

Ἀνάμνησις. Q. 9, 2, 533.

*Ἀνασκευή, destructio, exercitium
rhetoricum.* Q. 2, 4, 88.

Ἀναστροφή. Q. 1, 5, 36. 8, 6, 499.

*Anaximenes quomodo diversis ge-
nera causarum.* Q. 3, 4, 151.

Andronicus hypocrises. Q. 11, 3, 670.

Ἀντίφατος, ἄλλιο. Q. 4, 1, 217.

*Animus qualis in oratore requi-
ratur.* Q. 12, 5, 730.

*Animi origo celestis quare credi-
ta.* Q. 1, 1, 6.

*Animorum non pauciores penes
Dddd 3 quam*

INDEX

quam corporum forma. Q. 2, 8, 99.

Annos computamus non quibus seduimus, sed quibus viximus.

Q. 12, 11, 764.

Ἀνοικονόμητον. Q. 8, 3, 467.

Ἀντανάκλασις. Q. 9, 3, 547.

Ἀνταπόδοσις. Q. 8, 3, 471.

Ἀντίκυκλημα *quid.* Q. 7, 4, 420.

Ἀνθρῶδον γεννα dicendi. Q. 12, 10, 755.

Ἀνθοποφορία. Q. 9, 2, 533. 9, 3, 551.

Antigerio, vox obsoleta. Q. 1, 6, 49.

Antiquorum verborum acerrimi iudicii ornamenta. Q. 8, 3, 455.

Ἀντίθετον. Q. 9, 2, 532.

quot fiat modis. Q. 9, 3, 550.

Ἀντίθετα per se numerosa. Cic. Or. 49.

Ἀντικατηγορία. Q. 3, 10, 198.

est tantum accusatio. Q. 7, 2, 401.

duae sunt lites. Q. 7, 2, 403.

quomodo tractanda. *ibid.*

Ἀντιμεταβολή. Q. 9, 3, 550.

Ἀντινομία. Q. 3, 6, 166. 7, 1, 389.

Ἀντίρρησις. Q. 9, 2, 533.

Ἀντίσαςις, quod Latinis comparationum genus defensionis. Q. 7, 4, 421.

Ἀντίφρασις. Q. 8, 9, 498.

Antocides, orator Asticus anti-

quiss. Q. 12, 10, 748.

Antonius defendens M. Aquilium ejus in adverso pectore cicatrices populo ostendit. Q. 2, 15, 114.

Ἀντονομασία. Q. 8, 6, 492. 9, 1, 503.

Ἀπαγόρευσις. Q. 9, 2, 533.

Ἀπάλαιστοι. Q. 9, 4, 565.

Apelles imaginem Antigoni latere tantum altero ostendit, ut amissi oculi deformitas lateret. Q. 2, 13, 110.

Ἀφελεία. Q. 8, 3, 473.

Ἀφοδος. Q. 9, 3, 551.

Ἀποδείξεις. Q. 5, 10, 274.

quid sint. Q. 5, 10, 275.

Apolodorus Pergamenus praeceptor Augusti Caesaris. Q. 3, 1, 145.

Apollonius Molon (Rhetor) Ciceronis praeceptor. Q. 12, 6, 733.

Apologatio, vox non satis usitata. Q. 5, 11, 302.

Ἀποσιώπησις. Q. 8, 3, 472. 9, 2, 522.

Ἀποστροφή. Q. 9, 2, 519. 9, 3, 538. *an in exordiis toleranda.* Q. 4, 1, 217.

Ἀπόφασις, species ironia. Q. 9, 2, 521.

Ἀποφθεγματικόν. Q. 6, 3, 376.

Ape

Apie dicere, quarta virtus elocutionis. Q. II, I, 639.
Archimedes unus obsidionem Syracusarum in longum traxit. Q. I, IO, 69.
Areopagitarum iudicium de puero coturnicum oculos eruente. Q. 5, 9, 273.
Argumenta quo ordine ponenda. Q. 5, 12, 309.
Argumenti vox plures significationes habet. Q. 5, IO, 275.
Argumenti definitio. Q. 5, IO, 276.
Argumentis quomodo sit utendum. Q. 5, 12, 307.
Argumentorum consideratio. Q. 5, IO, 274.
Argumentorum numeri. Q. 9, 4, 582.
Argumentationi qua pronuntiatio & gestus conveniat. Q. II, 3, 702.
Argumentationes non conferta esse debent. Q. 5, 14, 329.
Argumentosum opus vulgo dicitur paulo numerosius. Q. 5, IO, 276.
Aristarchus & Aristophanes iudices Poetarum. Q. IO, I, 595.
Aristoteles prima literarum elementa Alexandro tradidit. Q.

I, I, II.
Aristoteles Rhetorica sua Gorgia debet. Crescoll. th. rh. p. 40.
Aristotelis commendatio. Cic. Top. I. & 2.
Aristotelis Rhetoricorum libri tres. Q. 2, 17, 125.
Ἀρμονία, dissimilium concordia. Q. I, IO, 62.
Ars dicendi non solis praeceptis constat. Q. 2, 13, III.
Ars est potestas via, id est, ordine efficiens, secundum Cleanthem. Q. 2, 17, 137.
Ars definit esse, si apparet. Q. 4, 2, 244.
Ars nulla statim fuit. Q. 9, 4, 555.
Ars post eloquentiam inventa. Q. 5, IO, 299.
Artis initium observatio dedit. Q. 3, 2, 147.
Artis Rhetoricae modus quis. Q. 2, 13, III.
Artis affectatio nimia castigata. Q. 5, 12, 310.
Artis caput est decora quod facias. Q. II, 3, 705.
Artem esse Rhetoricam contra diversos auctores demonstrat. Q. 2, 17, 123. Cic. I. d. Q. 22. & seqq.

ARTE

INDEX

Arte non constat aut paratur elo-
quentia. Cic. I. d. O. 24.

Artes quibus instituendi pueri,
priusquam tradantur Rhetori.
Q. I, IO, 60.

Artes ad usum quomodo discenda.
Cic. 3. de O. 23. & 31.

Artes altiores plerumque occul-
tantur, ut artes sint. Q. 8, 3,
455.

Artium origo. Cic. I. d. O. 42. 2, 8.

Artium divisio in θεωρητικὰς,
πραγματικὰς & ποιητικὰς, Q. 2,
18, 133.

Artium scriptores diligentissimi
ab eloquentia abfuerunt. Q. 8. pro-
torum. p. 442.

Artium mutuarum periti. Q. 12,
II, 764.

circa Artium scriptores pravam
quoddam studium, nihil eis-
dem verbis quae prior aliquis
occupasset, finiendi. Q. 2, 15,
119. *addit: quia ambitio procul*
a me.

Aruspex, quomodo dividendum
in scribendo. Q. I, 7, 511.

Apodos composuit. Q. 9, 4, 569.

de Asiatico genere dicendi. Q. 12, 10,
746.

Asiatica dictionis duo genera. Cic.
Brut. 95.

Asiatici oratores, Cic. Brut. 13, 2,
12, 10, 746.

Ἀσιτισμός. Q. 8, 6, 498.

Ἀσύνδετον. Q. 9, 3, 544. 9, 4, 558.

Ἀρχήματων. Q. 8, 3, 467.

Ἀρχηματισος oratio villosa. Q. 9,

I, 504.

Ἀτεχνοι probationes. Q. 5, I, 258.

Athena parentes eloquentiae. Cic.
Brut. 7.

Attentio iudicis quomodo pareat
in exordiis. Q. 4, I, 211.

Attici oratores qui. Q. 12, 10,
746.

Attice dicere est optime dicere. Q.
12, 10, 749.

Ἀττικισμός. Q. I, 8, 56. 6, 3, 376.

Atticus stylus argutis, exemplis,
urbanitate insignis. Cic. Brut.
45.

Atticum genus orationis est nihil
habere molestiarum, nihil in-
eptiarum. Cic. Brut. 91.

de Attico genere dicendi. Cic. m.
7. 8. 9. Brut. 82. & 83. de opt.

gen. or. 9. & seqq. Q. 12, 10,

747. *de Attico & subtili oratore quid*
eum perficiat. Cic. or. 23. seqq.

Attica felicitas mixta est Latine
expressum, & quidam modus in-
veniens adhiberi. Q. 12, 10, 750.

naro

Avaro tam deest quod habet, quam quod non habet. Q. 8, 5, 481.

Auctores qui pueris ad lectionem commendandi. Q. 1, 8, 56. 2, 5, 96.

Auctores quomodo enarrandi. Q. 1, 8, 57.

Auctores qui legendi, facultatem dicendi confirmare volentibus. Q. 10, 1, 593.

Auctores magni qua dixerint non omnia utique perfecta esse, persuasum sit legenti. Q. 10, 1, 590.

Auctoritas in consiliis plurimum valet. Q. 3, 8, 185.

item in narrationibus. Q. 4, 2, 244.

Auctoritatum consideratio. Q. 5, 11, 305.

Auditores tam diligentes tum erant, ne dicam tam maligni, ut unius verba surripere non possent. At nunc cuilibet orationes invertere tuto licet pro suis. Senec. Suas. 2.

Auditorum differentia consideranda oratori. Q. 3, 8, 189.

Aversio sermonis, Gr. ἀποστροφή. Q. 9, 2, 519.

Augustus Caesar duodecim natus annos aviam pro rostris laudavit. Q. 12, 6, 731.

Augusti epistola ad C. Caesarem. Q. 1, 6, 45.

Aures sono numeroque juvantur. Cic. or. 49.

Aurium iudicium superbissimum. Cic. or. 44. *Auctor ad Herenn. sensum earum fastidiosissimum esse dicit.*

Aurium iudicio standum circa numerum oratorium. Q. 9, 4, 578. *Ἀξία, status quantitatis nonnullis dictus.* Q. 3, 6, 167.

B.

Barbarismus quid. Q. 1, 5, 29.

Barbarismi duo genera. Q. 1, 5, 30.

Bellum ex duello. Q. 1, 4, 25.

Benevolentia unde capietur in exordiis. Q. 4, 1, 206.

pro Berenice Regina apud eam ipsam dixit Quintilianus. Q. 4, 1, 209.

Bipennis fit a pinna. Q. 1, 4, 25.

Βραχύχρον quid Graci vocaverint. Q. 11, 3, 680.

Βραχυλογία. Q. 9, 3, 544. & 553.

Βραχυλογία ubi res aperte sed circumcise & velociter effertur: Q. 8, 3, 472.

Eeeee

Brevi-

INDEX

Brevitas ut in parte dicendi laudabilis, ita in universa eloquentia laudem non habet. Cic.

Brut. 13.

Brevitas ut efficiatur. Cic. Partit. 6.

Brevitas Sallustiana. Q. 4, 2, 229.

Brevitatis illustre exemplum. Vellei. 2. p. 316. m. & p. 354. seq.

Brevitatis affectatio vitiosa. Q. 8, 2, 453.

non tam Brevitati saepe quam venustati servitur in concisa oratione. Cic. 2. d. O. 80. m.

C.

Cadere formula. Q. 3, 6, 170.

Cacilius scripsit de figuris. Q. 9, 3, 551.

Cassa apte toga. Q. 11, 3, 697.

C. Caesaris libri de analogia. Q. 1, 17, 55.

Calamis, statuaris. Q. 12, 10, 745.

Callimachus, elegia princeps. Q. 10, 1, 596.

Calon, statuaris. Q. 12, 10, 745.

Canescere cepisse orationem suam cum dicit Cicero, quid intelligas. Q. 11, 1, 649.

Canina eloquentia est, cognitu-

ram maledicendi subire. Q. 12, 9, 741.

Canobon pro Canobitarum. Q. 1, 5, 31.

Canthus ferrum quo rota vincuntur. Q. 1, 5, 30.

Cantus quis in oratione locum habeat. Q. 11, 3, 681.

Carmen ante ortum est quam observatio carminis. Q. 9, 4, 576.

Carmine ludere interdum utile oratori exercitium. Q. 10, 5, 627.

Carneades Roma pro & contra iustitiam dixit. Q. 12, 1, 717.

Casnar pro affectator, Gallica vox. Q. 1, 5, 30.

Casus septimus. Q. 1, 4, 28.

Catachresis aliquando necessaria. Q. 8, 2, 450.

M. Cato Censorius primus Romanorum in rhetoricis aliqua tradidit. Q. 3, 1, 145.

quomodo definiverit oratorem. Q. 12, 1, 710.

litteras Gracas atate jam declinata didicit. Q. 12, 11, 764.

Causa Latinis est quaestio finita. Q. 3, 5, 154.

Causa alia simplex, alia conjuncta. Q. 3, 10, 197.

Causarum genera tria an plura sint. Q. 3, 4, 150.

Cassa

RERUM ET VERBORUM.

Causarum genera quinque. Q. 4.
I, 213.

Causas probe discere prius debet orator vel Patronus, antequam agat. Q. 12, 8, 736.

Corn. Celsus qua scripserit. Q. 12, II, 765.

Ceratinæ. Q. 1, 10, 61.

M. Cethegus ab Ennio Snada medulla dictus. Q. 2, 15, 114.

χαλεποί Græci vocati versus asperi & pronuntiatio difficles. Q. 1, 1, 13.

χαρακτηρισμός. Q. 9, 3, 553.

Chironomia, lex gestus. Q. 1, 1, 72.

χρηῶδες. Q. 1, 9, 60.

Chriarum plura genera. Q. 1, 9, 59.

Clamator oratori oppositus. Cic.

Brut. 49.

Clarigatio verbum obscurius & ignotius. Q. 7, 3, 414.

Claudius F. literam Æolicam adiecit. Q. 1, 7, 54.

in Clausulis maxime numerus observandus. Q. 9, 4, 566.

Cicero orator perfectus quo sensu dici possit. Q. 12, 1, 714.

supplicationes in toga mernit. Q. 2, 16, 121.

eloquentiam virtutem appellat. Q. 2, 20, 136.

se tenebras offudisse iudiciis

in causa Cluentii gloriatus est. Q. 2, 17, 126.

Rhetoricos libros tanquam adolecenti sibi elapsos improbat.

Q. 3, 1, 146. 3, 5, 156. 3, 6, 169.

libris Rhetoricis (de Invent.) pulcherrimos illos de Oratore substituit. Q. 3, 6, 168.

optimus auctor & magister eloquentia. Q. 5, 11, 301.

nimius risus affectator habitus. Q. 6, 3, 356.

ταυτολογία notatus, securus tam parva observationis. Q. 2,

3, 465.

taxatus, quod dixit Philipp.

3. ne Patres conscripti videntur circumscripti. Q. 9, 3

547.

in lectione Poetarum oratori requiescendum putat. Q. 10, 1,

590.

jam non hominis sed eloquentia nomen habetur. Q. 10, 1,

606.

quos imitatus sit. Q. 10, 1, 606.

reprehensus quod nimius sui jactator fuerit. Q. 11, 1, 643.

an vir bonus fuerit. Q. 12, 1, 713.

Academia spatiis multum se debere testatur. Q. 12, 2, 724.

Apollonii Molonis auditor fuit

Eccc 2

in elo-

I N D E X

- in eloquentia studio.* Q. 12, 6, 733.
quos habuerit discipulos. Q. 12, 11, 761.
plura se ceteris scripsisse testatur Cic.Or. 30.
quibus rebus vicerit ceteros oratores. Cic. Brut. 93.
ne M. quidem Tullius caruit calumnia. Q. 9, 4, 565.
qua Cicero in sua persona, qua in aliorum dicat, distinguit Quintil. 2, 17, 124. & 2, 20, 136.
Ciceronis laus. Q. 3, 1, 145. 10, 1, 606.
Ciceronis & Demosthenis comparatio. Q. 10, 1, 605.
Ciceronis lectio incipientibus commendatur. Q. 2, 5, 96.
Ciceronis scripta obscurarunt vetera, ut legi desinerentur. Cic. Brut. 32.
Ciceronis aliqua partitio notata. Q. 4, 5, 253.
Ciceronis iudicium de figuris. Q. 9, 1, 507.
Ciceronis Philosophia. Q. 10, 1, 600.
Ciceronis studiū & exercitationes dicendi vid. in Brut. 91. & seqq.
Ciceronis auctoritas & fiducia in probando. Q. 5, 13, 322.
Ciceronis ἐνάργεια laudata. Q. 8, 3, 468.
Ciceronis ex Miloniana exemplum mire laudatum. Q. 4, 2, 231.
Ciceronis Simii. Gallandius in Ep. dedic. Quintil. præfixa.
Ciceronis inepta imitatio, quæ artem summam stringit; non vim aut spiritum assequitur, inter causas penurie eloquentium. Galland. ibid.
de Cicerone iudicium. Q. 12, 1, 714.
in Cicerone qua reprehenderint quidam. Q. 12, 1, 714. 12, 10, 746.
ad Civilia animum adiecit Isæus, quod imitatus maxime Demosthenes. Plutarch. 5. Rhet.
Civilitatem esse quidam iudicaverunt Rhetoricen. Q. 2, 15, 119.
Civilitatis particulam Aristoteles rhetoricæ assignat. Q. 2, 17, 135.
Coccus, orator Atticus antiquiss. Q. 12, 10, 748.
Coelibes unde dicti. Q. 1, 6, 48.
de Cogitatione, quæ est inter scribendi laborem extemporalem quæ fortunam media. Q. 10, 6, 629.
Collectio Gr. συλλογισμός. Q. 9, 2, 532.

Cale-

RERUM ET VERBORUM.

Collectio ex variis in uno genere.

Cic. 2. de Invent. 2. pr.

Collectiones Hortensii. Cic. Brut. 88.

Collocatio verborum. Q. 9, 4, 565.

Color unde dicatur, & quid sit in oratione. Q. 4, 2, 238.

Color pœnitentia. Q. 11, 1, 656.

Color longe accersitus. Senec. Controv. 6.

Coloris durioris exemplum. Senec. Controv. 8.

Colorem hunc esse non questionem : eam questionem esse qua impleri argumentis possit. Latro ap. Senec. Controv. 5. f.

Colores omnes miscuit Albutius : & ut hoc liberum esset, Patro- num patri dedit, nec voluit nar- rare. Senec. Controv. 7.

Colorum reprehensorum aliquot exempla. Senec. Controv. 8.

a Coloribus istis Latro se totum re- movit, & advocavit vires suas tanto actionis impetu, ut attonitos homines tenuerit. Hoc enim colore usus est. Nescio &c. Hic color illius viribus appro- bandus est. Quanto enim opus est, ut aliquis accusando se mi- serabile faciat. Senec. Controv. 7.

Comam in gradus frangere. Q.

1, 6, 49.

Comas inultas acu comere. Q. 2, 5, 94.

Comici hominum genus liberri- mum. Q. 12, 2, 724.

Comici Græcorum longe antestant Latinis. Q. 10, 1, 604.

Comicorum oratio nec vulgaris plane, nec longe diversa. Q. 2, 10, 104.

Comicorum sermo præter versum quotidiano similis. Cic. Or. 20. & 55.

Comicorum antiquorum lectio. Q. 10, 1, 598. & 604.

Commentarii Ciceronis quales. Q. 10, 7, 637.

Communicatio, figura. Q. 9, 2, 515.

Comædia elegantiam orationis, & quendam quasi attritionem ora- tioni affert. Q. 1, 8, 56.

de Comædia Latinorum iudicium. Q. 10, 1, 604.

Comædia & Tragædia veterum quæ in representant posterioribus. Q. 1, 8, 56.

Comædorum ars omnis constat imi- tatione. Q. 11, 3, 687.

Comparatio non inter figuras. Q. 9, 2, 532.

Comparisones inter prægyrnas- mata

I N D E X

- mata rhetorica.* Q. 2, 4, 88.
Composita voces quatuorplex. Q. 1, 5, 40.
de Compositione. Q. 9, 4, 554.
de Compositione praecepta summaria. Q. 9, 4, 584.
Compositio rebus accommodanda. Q. 9, 4, 580.
Compositionis curam quidam superfluum esse dicunt. Q. 9, 4, 554.
Compositionem dialectus quoque iuvat, ut in Herodoto. Q. 9, 4, 557.
in Compositione tria, ordo, junctura, numerus. Q. 9, 4, 558.
in Concitando neque affiliendum cito, neque cito a re discedendum est. Cic. 2. de O. 53.
Conclusa maxime laudantur. Cic. Or. 51.
Congregatio verborum sensuumque. Q. 9, 3, 543.
Conjectura unde dicta. Q. 3, 6, 163.
Coniunctura in causis unde ducantur. Q. 7, 2, 405.
Conscientia mille sceleres. Q. 5, 11, 306.
Consequens, Gr. επακολουθησις. Q. 9, 2, 532.
Consilium in oratore res praecipuae. Q. 2, 13, 109.
Consilio nihil est non modo in orando, sed in omni vita prius. Q. 6, 5, 384.
Consilia secundum mores dantur. Q. 3, 8, 185.
Consuetudo certissima loquendi magistra. Q. 1, 6, 42.
Consuetudo loquendi consensus auditorum, sicut vivendi consensus bonorum. Q. 1, 6, 50.
Consuetudinis pravissima regula in loquendo non utenda. Cic. Brut. 74.
Consultare veteribus idem quod judicare. Q. 1, 6, 47.
Consummatio, Gr. διαλλαγή. Q. 9, 2, 532.
Contentio. Plin. Proem. lib. 7.
Contractiones quadam vocum unde. Cic. Brut. 74.
Contrariis plurima probantur. Q. 12, 1, 717.
Convictiones pro Conjunctiones. Q. 1, 4, 26.
Convitia dicere non convenit oratori, vel patrono cause. Q. 12, 9, 741.
Copia verborum quomodo paranda. Q. 10, 1, 586.
Copia loquendi princeps atque inventor Cicero a Casare dictus. Cic.

*Cic. Brut. 72. ea laus triumphis
& praeclaris factis praelata. Cic.
Brut. 73.*
*Corax & Tisias Siculi, rhetorices
doctores antiquiss. Q. 2, 17, 124.
3, 1, 143.*
*Cornelia matris Gracchorum do-
ctissimus sermo. Q. 1, 1, 7.*
*Cornificius scripsit de figuris. Q.
9, 3, 551.*
*Corona aurea donum ap. Atheni-
enses. Cic. de opt. gen. or. 7.*
*Crates puerum videns indoctum, pa-
dagogum ejus percussit. Q. 1, 9, 59.*
*Credibilem tria genera. Q. 5, 10,
276.*
*Criticorum officio functi Gramma-
tici. Q. 1, 4, 23.*
Crocodilinæ. Q. 1, 10, 61.
*Culpam praesertim deprehensam
pertinaciter tueri, culpa altera
est. Q. 6, 4, 381.*
*Cultus (vestium) in oratore quis
probetur. Q. 11, 3, 696.*

D.

*D. litera Latinis veteribus in fine
verborum adjecta Q. 1, 7, 51.*
*Declamare pueri non quae ipsi scri-
pserunt, sed electos ex oratio-
nibus vel historicis locos debent.*

Q. 2, 7, 98.
*Declamatio est forensium actionum
meditatio. Q. 4, 2, 226.*
*est judiciorum consiliorumque
imago. Q. 2, 10, 104.*
*solidiori scripti generi opponi-
tur, Senec. Controv. 8. Add. Cic.
Or. 12.*
*Declamationis vitia exuenda.
nam in eo quomodo declametur,
positum est, quomodo agatur.
Q. 9, 2, 528.*
*Declamationes in quantum sunt
utiles. Q. 10, 5, 627.*
*a vera imagine orandi recesser-
unt. Q. 5, 12, 310.*
*minus sanguinis ac virium ha-
bent quam orationes. Q. 10, 2,
612.*
*quando in Gracia, quando Ro-
ma orta. Q. 2, 4, 92.*
*Declamationes Sophistarum ad
pompam. Cresoll. th. rh. 9, 5,
174.*
*Declamationum utilitas. Q. 2, 10,
102. 10, 5, 627.*
*a forensi genere differentia. Q.
2, 10, 104.*
*Declamationum exercitatio dege-
nerans incredibili verborum
laborat fastidio, ac sibi magnam
partem sermonis abscondit. Q.*

- 8, 3, 459.
- Declamationibus, ad pugnam forensē velut prapilatis exerceri solebant.* Q. 5, 12, 310.
- Declamantes iterabant partem declamationis intervētu aliquorum qui mererentur hunc honorem.* Q. 11, 2, 666.
- Declamatoria actio confertur cum forensi & exercitata a Quint.* 7, 1, 393. add. Eumen. pro restaur. Schol. 2.
- Declamatoria ostentatio.* Q. 4, 3, 246.
- Declamatores quos Scholastici Caldos vocant.* Senec. Suasor. 3.
- Declamatorum ambitio in extemporalī facultate, jactanda.* Q. 10, 7, 635.
- Declamatorum vitia in figuratis causis.* Q. 9, 2, 528.
- Declamatoria licentia similitudines corrupta.* Q. 8, 3, 470.
- de Decoro.* Cic. Or. 21. & seq.
- Decorum in actione aliud alii est.* Q. 11, 3, 705.
- Defendere difficilius est quam accusare.* Q. 5, 13, 311.
- Defensio κατ' ἀντίθεσιν, Latinis, assumptiva, quid.* Q. 7, 4, 420.
- Defensio κατ' ἀντίληψιν, Latinis absoluta, quid.* ibid.
- Δείνωσις.* Q. 6, 2, 352. 8, 3, 473 9, 2, 532.
- de Deliberationibus.* Q. 3, 8, 183.
- in Deliberationibus qualis sermo deceat.* Q. 3, 8, 194.
- Deliberativa s. suasioria orationis an proœmio opus habeant.* Q. 3, 8, 184.
- Deliberativa causa utrum utilitate an dignitate finiantur.* Q. 3, 8, 183.
- Demades remex inter oratores nomen nactus.* Q. 2, 17, 125.
- Demetrius Phalereus primus inclinasse eloquentiam dicitur.* Q. 10, 1, 600.
- Demetrius, actor comœdiarum.* Q. 11, 3, 705.
- Demetrius, Statuarius.* Q. 12, 10, 745.
- Demonstrativum genus unde dictum.* Q. 3, 4, 152.
- Demonstrativi generis numeri.* Q. 9, 4, 581.
- Demonstrativa materia plus nitore & cultus admittunt, quam reliqua.* Q. 11, 1, 649.
- Demosthenes ap. Andronicum hypocritem studuit.* Q. 11, 3, 670.
- dedit operam Platoni.* Q. 12, 2, 724. 12, 10, 748.
- audiendo Platonem locupletat vitam discendi.* Cic. 1. de Or. 2. pr. *studium*

RERUM ET VERBORUM

fluētium ad littus allisorum sono consueſcebat concionum fremitus non expaveſcere. Q. 10, 3, 622.
quomodo exercueris vocem. Q. 11, 3, 680. & geſtum. Q. 11, 3, 683.
ſtrictior multo Cicerone. Q. 12, 10, 754.
puer admodum actiones pupillares habuit. Q. 12, 6, 731.
valuit plurimum virtute diuiciſſimus. Q. 6, 2, 352.
an vir bonus fuerit. Q. 12, 1, 713.
Demosthenis laus. Q. 10, 1, 599.
Demosthenis atque Aſchinis orationes contraria. Q. 10, 1, 589.
Demosthenis & Ciceronis comparatio. Q. 10, 1, 605.
Demostheni riſum movendi facultas defuit. Q. 6, 3, 355.
Denunciatur teſtibus. ſolennis formula, de iis teſtibus, qui non ultro ſe offerunt, ſed publica auctoritate excitantur ad perhibendum teſtimonium. Q. 5, 7, 264. & 265.
Deprecatio ubi locum habeat in controverſiis. Q. 7, 4, 422.
Deſcriptio Sejani. Tacit. 4. Ann. 1. excidiſſi Cremonenſis. Tacit. 3.

Hiſt. 33.
cadis quam Marius in Urbe edidit. Lucanus Pharſal. 2. v. 98.
per Deſtractionem qua ſunt figura. Q. 9, 3, 545.
Deus eſt ſpiritus omnibus partibus immixtus. Q. 7, 3, 412.
Διαίρεσις. Q. 1, 5, 32.
Dialeſtice & Rhetorice ſpecie magis quam genere differunt. Q. 2, 17, 132.
Dialeſtica quaſi contracta & adſtricta eloquentia putanda eſt, & eloquentia dialeſtica dilata. Cic. Brut. 9. Orat. 32. Q. 2, 20, 136.
Dialeſtica cur inutilis oratori. Cic. 2. d. O. 38.
Dialeſtica quomodo utendum oratori. Q. 12, 2, 722.
Dialeſticen compreſſa in pugnam, rhetoricen explicite manui comparabat Zenon. Q. 2, 20, 136.
Dialeſtice raro nec ſamen nunquam probabit orator. Q. 1, 10, 67.
Διάλεκτοι. Q. 1, 5, 34.
Διαλλαγή. Q. 9, 2, 532.
Διάλογοι. Q. 9, 2, 517.
Dialogi inter exercitia ſcribendi. Q. 10, 5, 627.

Fffff

Διανοήσε

I N D E X

Διαβολία figura. *Q.* 1, 8, 58. 9, 1, 505.

Διασκευή. *Q.* 9, 2, 533.

Dicere non aliud quicquam est, nisi omnes aut certe plerasque aliqua specie illuminare sententias. *Cic. in Brut.*

Dicere apte quarta virtus elocutionis. *Q.* 11, 1, 639.

Dicere recte quam cito ante discendum est. *Q.* 2, 4, 88.

Dicere bene nemo potest, nisi qui prudenter intelligit; quare qui eloquentia dat operam, dat prudentia. *Cic. Brut.* 6.

mihi ne *Dicere* quidem videtur, nisi qui disposite, ornate, copiose dicit. *Q.* 10, 7, 633.

Dicendi genera tria. *Q.* 12, 10, 755.

Dicendi genera cur aliis aetatibus alia. *Cic.* 2. d. O. 22.

Dicendi genus vitiosum. *Q.* 12, 10, 758.

Dicendi generibus omnibus utitur orator, pro causa aut partibus causa. *Q.* 12, 10, 757.

Dicendi modus, ut Latine, plane, ornate, & ad id quodcunque agetur apte dicamus. *Cic.* 3. de O. 10.

Dicendi gradus & quasi processus

quidam. *Cic. Brut.* 65.

Dicendi mysteria. *Cic.* 1. de O. 47. in *Dicendo* Cicero quodam loco (in *Orat.*) scribit, id esse optimum quod cum te facile credideris consequi oratione, non possis. *Q.* 11, 1, 658.

neque tam *Dici*, quam isto *dici* modo cupimus. *Cic.* 3. de O. 49.

Dicentem nonnunquam posse ipsis incommodis bene uti. *Q.* 11, 1, 651.

Dicta, i. e. urbane *dicta* s. soci. *Q.* 6, 3, 358.

Διέξοδος. *Q.* 9, 3, 551.

Difficultatis sensus ab initio minor postea crescit. *Q.* 12. *proam.* 709.

Digamma *Aeolicum*. *Q.* 1, 4, 24.

Δικαιολογία. *Q.* 9, 3, 553.

Δικαιολογικὸς status, i. e. *Juridicalis*. *Q.* 3, 6, 163.

Diligentia molestissima perversitas. *Q.* 1, 6, 44.

Dionysius scripsit de figuris. *Q.* 9, 3, 551.

Disciplinarum quoddam inter se vinculum. *Cic.* 3. d. O. 6.

Discipulorum officium. *Q.* 2, 9, 102.

Discitur hodie non studio artium, sed lucri cupidine & respectu queritur & *Quind.* 1, 12, 75.

Discen-

Discendum quomodo ad usum. Cic. 3. de O. 23. & 31.

Discobolus Myronis. Q. 2, 13, 110.

Disertus & eloquens quid differant. Cic. 1. d. O. 21. Q. 8. proæm. p. 445.

Disertos multos, eloquentem omnino neminem se vidisse, Antonius scripsit. Cic. Or. 5.

Disertissime multa tractari debent, nec peculiaria tamen de his apud Rhetores praecepta. Cic. 2. d. O. 15.

Dispositio totius causae oeconomica quae sit. Q. 7, 10, 440.

Dispositio in oratione quam sit necessaria. Q. 7. proæm. 385. *quid sit.* Q. 7, 1, 386. *mutatur utilitate.* ibid.

de Dispositione praecepta. Q. 7, 1, 387.

Dispositiones operose & termini non necessarii ubique. Cic. 2. d. O. 16.

Disputationes superfluis simillima, ubi fere non in re, sed in verbis disceptatio vertitur. Utrum refutatio propria pars, an probationi subiecta. Q. 3, 9, 196.

de numero & distributione partium, ex quibus suasiones petuntur. Q. 3, 8, 187.

de numero Statuum. Q. 3, 6, 162.

de numero partium Rhetor. Q. 3, 3, 148.

de risu, unde ducatur. Q. 6, 3, 356.

de vitiis conjuncti sermonis quadam πά, ρα. Q. 8, 3, 463.

de Compositione. Q. 9, 4, 554.

de pedibus. Q. 9, 4, 564.

videndus contra hanc subtilitatem ipse Quintilianus, 3, 11, 202. ubi excusatio simul.

Disputatores optimi in dicendo ferme inopes. exemplo Stoicorum. Cic. Brut. 30.

Dissipata quae figura Ciceroni dicatur. Q. 9, 3, 541.

Dissolutio, al. ἀσώδης. Q. 9, 3, 542.

Distinctio orationis saepe difficilis. Cic. 2. de O. 53.

Distributione celeri magis ac rotunda usque quam vera. Q. 3, 4, 153.

Divinatio, iudicium de accusatore constituendo. Q. 3, 10, 198. 7, 4, 426.

Divitia eloquentiae pars Socrati. Plut. 1. 2. p. 837.

Divitia, potentia & gratia certissimum faciunt morum experimentum. Q. 3, 7, 180.

FFFFF 2

Ditis

I N D E X

- Ditis, quia minime dives.* Q. 1, 6, 48.
- Dixi pro dixisti. ap. Cicer.* Q. 9, 3, 538.
- Docens ad captum discantis descendat.* Q. 7, 1, 397. *omisso speciosiori illo styli genere ad utilitatem me submitto discendum.*
- Docere gloriosum est eloquentiam, sed non ut in ludo. vide illum alterum modum.* Cic. Or. 42.
- non Docentur tam magnifice multa quam fiunt.* Cic. Or. 48.
- Docilem judicem quo pacto faciamus in exordiis.* Q. 4, 1, 212.
- Doctrina an na uera plus conferat ad eloquentiam.* Q. 2, 19, 134.
- Doctrina cur opus sit, nec sufficiat natura oratori.* Cic. Brut. 29.
- Doctrinam adjungendam natura.* Q. 12, 2, 720.
- δογματικὸι sermones Platonis.* Q. 2, 15, 117.
- Domestica scripta pra externis cur legenda.* Cic. Brut. 29. f.
- Domitianus Aug. sororis suae nepotum curam delegavit Quinctiliano.* Q. 4. proem. 204.
- Domitianus Imp. Poeta.* Q. 10, 1, 602.
- Domitius Marsus de urbanitate diligentissime scripsit.* Q. 6, 3, 375.
- Donum corona aurea ap. Athenienses.* Cic. de opt. gen Or. 7.
- Dualetem quidam Latinis adicere voluerunt.* Q. 1, 5, 36.
- Duapondo.* Q. 1, 5, 31.
- Dubitatio, figura.* Q. 9, 2, 515.
- Ducere classem. i. e. primum in classe locum obtinere.* Q. 1, 2, 18.
- Ducere vasa e luto.* Q. 2, 17, 123.
- Dum clavum rectum teneam, proverbialis locutio.* Q. 2, 17, 129.
- Δυικός numerus Gracorum.* Q. 1, 5, 36.
- Δύναμις quibusdam dicta materia argumentorum.* Q. 5, 10, 280.
- Δυνατὸν tertia pars suadendi.* Q. 3, 8, 187.
- Δυσπρακόλητον cause genus.* Q. 4, 1, 213.

E.

- E loco I in quibus verbis.* Q. 1, 4, 26.
- de Ediscendo.* Q. 2, 7, 98.

Educa-

- Educatio puerorum mollis graphice descripta & taxata.* Q. 1, 2, 15.
- Egeſias, ſtatuaris.* Q. 12, 10, 745.
- Ἐγκυκλιαιδία, orbis doctrina.* Q. 1, 10, 60.
- Ἐγκυκλιατικὸν genus orationis.* Q. 3, 4, 152.
- de Egreſſione.* Q. 4, 3, 246.
- Egreſſio quid.* Q. 4, 3, 248.
an inter narrationem & confirmationem ſemper adhibenda. Q. 4, 3, 246.
- Ἐικότα, ſigna non neceſſaria.* Q. 5, 9, 272.
- Ἐικὼν ſimilitudinis genus.* Q. 5, 11, 302.
- Ἐῖρων dicētiſ Socrates.* Q. 9, 2, 520.
- Ἐῖρωνεία.* Q. 9, 2, 520.
diſverſum ei quod dicit intellectum petit. Q. 6, 2, 350.
- Ἐκβάσις.* Q. 5, 10, 290.
- Ἐκλεψίς.* Q. 8, 6, 490.
- Elegantia loquendi ex lectione comparatur.* Cic. 3. d. O. 10.
- Ἐλεγκτικὸς ſermones Platonis.* Q. 2, 15, 117.
- Elementa circa qua omnis quaestio verſatur.* Q. 3, 6, 161.
- Ἐλλειψίς.* Q. 1, 5, 36.
- de Elocutione.* Q. 8, 1, 449.
- Elocutio pars diſſicillima oratoria.* Q. 8, proæm. 445.
- Elocutionis vitia.* Q. 8, 3, 463.
- in Elocutione nimia cura & affectatio vitanda.* Q. 8. proæm. 446.
- Eloquentem ſe inveniffe negavit Antonius in eo quem ſcripſit libello.* Cic. 3. d. O. 59.
- Eloquentes omnes ſatis eſſe in eo quod ſcirent, falſum.* Cic. 1. d. O. 14. f.
- Eloquentes atque Sapientes iidem habiti.* Q. 1. proæm. 3.
- Eloquentia nihil aliud niſi copioſe loquens Sapientia.* Cic. Partit. 23.
- quibus conſlet rebus.* Q. 2, 13, 111.
- dicendo, legendo, ſcribendo conjunctis ſtudiis comparatur.* Q. 10, 1, 585.
- an artibus, an vero exercitatione atque ingenio conſlet.* Cic. 1. de O. 2.
- an ſine præceptis parari poſſit.* Q. 2, 11, 105.
- quibus rebus conſummetur.* Q. 3, 5, 153.

Eloquentia summo studio, labore, doctrina comparatur. Cic. 2. d. O. 89. ita loquendi laus multis literis, & iis quidem reconditis & exquisitis, summoque studio & diligentia est parata Casari. Cic. Brut. 72. pace viget. Cic. 1. d. O. 4. & 8. Brut. 12. non dialecticis disputationibus similis sit, sed locuples & speciosa, &c. Q. 5, 14, 330. quomodo aliter quam in ludo & gloriosius doceatur. Cic. Or. 42. naturalis quæ. Q. 12, 10, 751. Lacedæmoniorum civitate expulsa. Q. 2, 16, 120. questui habetur. Q. 1, 12, 75. modica quoque magnos parit fructus. Q. 12, 11, 766. si in malos incidit, & ipsa judicanda est malum: peiores enim illos facit, quibus contingit. Q. 12, 1, 717. canina quæ. Q. 12, 9, 741. rerum pondere æstimanda. Cic. 1. d. O. 12. primas Romæ tenuit, juris scientia secundas. Cic. Or. 41. a Stoicis virtus & Sapiencia dicta. Cic. 3. d. O. 18.

Eloquentia summa inter summas occupationes Crasso contigit. Cic. 3. d. O. 32. ridet invicem contumeliosos in se, & qui stultis eruditi videri volunt, stulti eruditis videntur. Q. 10, 7, 635. olim sapientia & Philosophia erat dicebaturque. Cic. 3. d. O. 15. & seqq. & 19. add. cap. 34. & 35. Eloquentia Julii Caesaris. Sueton. 55. 56. Augusti. Suet. 84. 86. Tiberii. Suet. Tiber. 70. 71. & Aug. 86. Germanici. Suet. Calig. 3. Neronis. Suet. 52. Claudii. Suet. 41. 42. Vespasiani. Suet. 18. Titi. Suet. 3. Domitiani. Suet. 20. priorum principum. Tacit. 13. Ann. 3. Scipionis. Cic. Brut. 19. Eloquentia laudatio. Q. 2, 16, 121. Cic. de Invent. 1. Eloquentia origo verborum delectus. Cic. Brut. 72. Eloquentia utilitas & abusus. Q. 2, 16, 120. Eloquentia efficacia. Q. 2, 16, 121.

Eloqua

RERUM ET VERBORUM.

- Eloquentia prima virtus perspicuitas.* Q. 2, 3, 84.
- Eloquentia fundamentum sapientia.* Cic. Or. 21.
- Eloquentia pars maxima animo constat.* Q. 1, 2, 19.
- Eloquentia utilitatem qui extenuant, illis opponenda qua Cicero differit in Brut.* 73.
- Eloquentia genus aliud alios decet.* Q. 11, 1, 645.
- Eloquentia & morum Professores iidem.* Q. 12, 2, 721.
- Eloquentia vis in quibus consistat.* Cic. 3. de O. 14.
- Eloquentia jactatio in oratore vitiosa.* Q. 11, 1, 642.
- Eloquentia vim multi sua facultate, non rei natura metiuntur.* Cic. de opt. gen. or. 4.
- Eloquentia reprehensores qua mala illi imputent.* Q. 2, 16, 120.
- Eloquentiæ tympana.* Q. 5, 12, 311.
- Eloquentia in puerili atate specimina.* Tiberius 9. annos natus patrem laudavit. Sueton. Tiber. 6. vid. Læti Orat. trium principum. Demosthenem admodum puerum actiones pupillares habuisse scribit Quintil. 12, 6, 731. Augustum 12. annos natum aviam laudasse. ibid.
- Eloquentia rudimenta sc. civilium officiorum Tiberius usurpavit.* Sueton. 8.
- Eloquentia satis habuisse ad rempubl. duntaxat quod opus esset.* Lentulus dicitur. Cic. Brut. 28.
- Eloquentia tantum, quod esset in rebus privatis amicis ejus, in republ. ipsius dignitati satis, in C. Clælio.* Cic. Brut. 45.
- Eloquentia nullam partem in Christianis scriptoribus desiderari.* Augustin. lib. 4. de Doctrina Christiana. vid. Erasm. in prefat. Cypriani.
- de Eloquentia primis auctoribus.* Cresoll. th. rh. 1, 6.
- Eloquentiam populo probari velim, disputationes meas doctis.* Cic. Brut. 49.
- Eloquentiam & hanc oratoriam vim inanis quadam profluentia loquendi imitari videtur.* Cic. Partit. 23.
- Eloquentiam dissimulare moris fuit veteribus (in agendis causis.)* Q. 12, 9, 740.
- Eloquentiam suapte ingenia adeptus creditur Antiphon.* Plutarch. in Vit. X. Rhet.

Eloquen-

I N D E X

- Eloquentiam graviorum artium instrumento locupletavit Brutus. Cic. Brut. 97.*
- Eloquentiam inclinasse primus Demetrius Phalerens dicitur. Q. 10, 1, 600.*
- Eloquentiam sacerrimam quia praeſtare non poſſunt, violare non deſinunt. Senec. c. f. lib. 1. Controv.*
- Eloquentiam quidam in clamore & in verborum curſu poſitam eſſe putant. Cic. 3. d. O. 33. f.*
- Eloquentiam forenſem poſſimum deſcribit Cic. 1. d. O. 6.*
- Eloquentiam alio tempore aliam eſſe. Senec. Ep. 114.*
- Eloquentiam obſervatione non arte conſtare in lib. Cic. de Or. dixerat Antonius. Id Quintil. 2, 17, 124. exiſtimat factum eſſe, ratione perſona Antonii diſſimulantis artem. Videri tamen poſſit Antonium alioſque (vid. Cic. 1. d. Or. 2. pr.) ideo ita locutos, quod obſervationis major pene quam artis vis eſſet. Temperamentum rei quaſitor. Cic. 1. de O. 22. ſeqq.*
- ad Eloquentiam conſummatam pervenire natura humani ingenii non prohibet. Q. 1. proœm. 5.*
- ad Eloquentiam ſequendam Juventuti ſignum ſuſtulit Protagoras. Erefoll. 1b. rh. p. 37. & ſeq.*
- Eloquentia carere ſatius eſt quam Sapientia. Cic. 3. d. O. 35.*
- Eloquentia quid magni viri eſſecerint. Cic. Brut. 14.*
- de Eloquentia cur non dubitatis Cicero tantus vir ſcribere. Cic. Or. 41.*
- Emendatio materiaram diſcipulis propoſitarum qualis eſſe debeat. Q. 2, 6, 97.*
- Emendatio puerilium exercitiorum non ſit nimis ſevera, ne diſcentes deſperant. Q. 2, 4, 86.*
- Emendatio pars ſtudioſarum longe utiliſſima. Q. 10, 4, 623.*
- Emendatio non debet eſſe infinita. ibid.*
- Empedocles primus movit aliqua circa Rhetoricen. Q. 3, 1, 143.*
- Emphaſis. Q. 8, 3, 472. 8, 4, 479. 9, 2, 524.*
- Emphaſis in vulgaribus verbis adeo ſimilis eſt arti plerumque natura. Q. 8, 3, 472.*
- Εὐαριότης. Q. 9, 2, 533. 9, 3, 551.*
- Εὐδοξία cauſa genus. Q. 4, 1, 213.*
- Εὐδαιμονία. Q. 8, 3, 467.*
- Ciceroni illuſtratio & evidentia. Q. 6, 2, 354.*

a qui-

a quibusdam inter virtutes narranti relata. Q. 4, 2, 233.

in Enarratione orationum quid a Rheiore observandum. Q. 2, 5, 93.

Ἐνργια. Q. 8, 3, 473.

πεὶ ἐννοίας questio qua dicta A. pollodoro. Q. 3, 6, 164.

Ἐντεχνον probationes. Q. 5, 1, 258.

Ἐνθυμήματα. Q. 5, 10, 274. 9, 2, 533.

Enthymema quid. Q. 5, 10, 274.

Enthymema rhetoricus syllogismus. Q. 1, 10, 67.

Enthymema quid differat a syllogismo. Q. 5, 14, 329.

Enthymema quod sit optimum. Q. 5, 14, 324.

Enthymemata sententia ex contrariis. Cic. Top. 13.

Ἐπαγόμενα. Q. 5, 10, 288.

Ἐπαγωγή, Ciceroni inductio, locus ex similibus. ibid.

Ἐπακολλησις. Q. 9, 2, 532.

Ἐπανάλυσις. Q. 8, 3, 465.

Ἐπείσοδος. Q. 9, 3, 540.

Ἐπεξεργασία. Q. 8, 3, 473.

Epicurus disciplinas omnes fugit. Q. 2, 17, 126.

humanam formam Deo, locumque inter mundos dedit. Q. 7, 3, 412.

Ἐπιδίγησις, repetita narratio. Q. 4, 2, 245.

Ἐπιδεικτικὸν genus orationis. Cic. Or. 61. Q. 3, 4, 152.

Ἐπιδείξεις Sophistarum. Cresoll. th. rh. 3, 5, 174.

Ἐπιχειρήματα. Q. 4, 4, 249. 5, 10, 274. 5, 11, 298. 9, 2, 533.

Epicherema quid sit. Q. 5, 10, 274. quas partes habeat. Q. 5, 14, 325. quid differat a syllogismo. Q. 5, 14, 327.

Ἐπιθετον. Q. 9, 1, 503.

nisi aliquid efficit in oratione redundat. Q. 8, 6, 494.

a quibusdam inter figuras refertur. Q. 9, 1, 502.

Epilogus aut in repetitione rerum, aut in affectibus consistit. Q. 6, 1, 336.

qualem pronuntiationem desideret. Q. 11, 3, 704.

in Epilogo totos eloquentiae aperire fontes licet. Q. 6, 1, 346.

Epiphonema quid. Q. 8, 5, 482.

Epistolarum & sermonis qualis compositio. Q. 9, 4, 558.

Epistolarum stylus qualis. Isidorus Pelusiot. Erasmi. lib. 1. Epist.


Ἐπιταφίς dicere moris erat apud veteres. Q. 3, 4, 151.

G g g g g

Erron

- Error honestus magnos duces frequentibus.* Q. 1, 6, 42.
- Errorē confiteri debemus, exemplo Ciceronis & Quintilianī.* Q. 3, 6, 169.
- Eruditionis intemperantia, & unde.* Cic. 3. d. O. 15.
- Ἐξηγητισμένη oratio.* Q. 9, 1, 505.
- Essentia & entia male a Plauto ex Græco versa.* Q. 2, 14, 112.
- Ἑτέρωσι.* Q. 9, 3, 535.
- E hīc tota oratori accommodata est.* Q. 12, 2, 723.
- Ethopoia vel mimesis.* Q. 9, 2, 523.
- Eymologia Ciceroni dicta Notatio, aliis originitio.* Q. 1, 6, 46.
- ubi necessaria, ibid.*
- multam in se continet eruditionem; sed plurimi pravis ingenii ad foedissimum usque ludibrium delabuntur.* Q. 1, 6, 47.
- Euphranor pingendi fingendique mirus artifex.* Q. 12, 10, 744.
- Ἐυρυθμία, cor, oris, ptus & decens motus.* Q. 1, 10, 65.
- Ἐυρυθμος compositio.* Q. 9, 4, 565.
- Ἐυφαντασιωτὸς quis dicatur.* Q. 6, 2, 354.
- Ἐυφωία.* Q. 1, 5, 29.
- Ἐυχωλή.* Q. 3, 4, 151.
- Exanclare, vox obsoleta.* Q. 1, 6, 49.
- Exclamatio inter figuras sententia potius quam dictionis.* Q. 9, 3, 553.
- Excessus s. Egressio an sit pars causæ.* Q. 3, 9, 196.
- Excusatio ubi locum habeat in controversiis.* Q. 7, 4, 422.
- Exemplum quid.* Q. 5, 11, 299.
- Exempla eorum querere quid attinet, quæ sibi quisque experiri potest.* Q. 9, 4, 556.
- Exemplorum consideratio.* Q. 5, 11, 299.
- Exemplorum copia abundare debet orator.* Q. 12, 4, 729.
- Exemplorum usus nulli materia magis convenit quam suasoriis.* Q. 3, 8, 195.
- Exemplorum magna in probando vis est.* Q. 5, 11, 299.
- Exemplis plus proficimus interdum quam præceptis Rhetoricis. vid. Anton. sua exempla ref. Cic. 2. de O. 47. & seqq.*
- estque illa demonstratio veluti doctrina. ibid.*
- Exemplis ad præcepta commodis & apertis utendum.* Q. 5, 10, 286.
- Cicero scribens ad Trebatium ex jure ea ducere maluit, ego aper-*

RERUM ET VERBORUM.

- apertiora posui. 
- Exemplis suis non aliorum utendum Rhetori docet Auctor ad Herenn. 1.
- ab Exemplis ducta argumenta ad-versarii quomodo refutanda. Q. 5, 13, 316.
- Ἐξορυσία. Q. 8, 3, 473.
- Exercitatio una maximaeque memoria ars. Q. 11, 2, 666.
- Exercitatio efficacissima, scriptio. Cic. 1. d. O. 33.
- Exercitatio eloquendi maxime in conversa oratione versatur. Cic. Partit. 7.
- Exercitatio memoria. Cic. 1. d. O. 34.
- Exercitatio interpretandi auctores. ibid.
- Exercitatio varianda orationis. ibid.
- Exercitatio flagrans Hortensii. Cic. Brut. 88.
- Exercitationis necessitas. Q. 8 pro-æm. 448.
- Exercitationis vis in eloquentia paranda. Cic. 1. de O. 20.
- Exercitationis genus difficile & utile sunt prosopopoeia. Q. 3, 8, 191.
- Exercitationis quanta vis. Cic. 3. d. O. 31.
- tum omni Exercitationis genere, tum maxime stilo nostrum illud quod erat, augere quantum-cunque erat, non desistebamus. Cic. Brut. 93.
- ad Exercitationis negligentiam accommodari debet quod Cicero de C. Memmio ait in Bruto 70. f. qui fugiens non modo dicendi verum etiam cogitandi laborem, tantum sibi de facultate detraxit, quantum immi-nuit industria.
- Exercitatione sola usus ad dicen-dum Socrates creditur. Plu-tarch. 4. Rhet. 1. 2. p. 838. ita Æschines. p. 840. f.
- Exercitationes caute instituenda. Cic. 1. de O. 33.
- Exercitationes eloquentia pluri-ma ap. Romanos, & quæ. Cre-soll. th. rh. p. 17.
- Exercitationes ad augendam elo-quentiam dicere theses & com-munes locos, & cetera citra complexum rerum personarum-que &c. Q. 2, 1, 78.
- Exercitationes Ciceronis, qui quo-tidie legebat & scribebat & commentabatur. Cic. Brut. 89.
- & audiebat concionantes. ibid.
- & studiose Philosophis dabat operam

I N D E X

- operam. ab exercitationibus nullus ei dies vacuus* 90. & seqq.
- Ex rcitationes Bruti assidue scribentis.* Cic. Or. 10.
- Exercitationes Demosthenis.* Plutarch. 8. Vit. 1. 2. p. 844.
- Exercitationes quales Plinius suadeat, vid.* Ep. 7, 9.
- Exercitationes in Scola ad rerum usum aptanda; secus ridicula res.* Q. 5, 13, 320.
- Exercitationes & certamina inter juvenes, & in Achillis chlyeo lites actoresque memorat ex Homero* Quintil. 2, 17, 124.
- Exercitationibus studiisq; conjunctus Ciceroni* Q. Pompejus. Cic. Brut. 68.
- in Exercitationibus commentationibusque multum opera solitus ponere* Carbo. Cic. Brut. 27.
- de Exercitationibus primis ap. Rhetorem.* Q. 2, 4, 85.
- Exercitium ad interrogata quacunque & proposita differendi a Leontino Gorgia institutum.* Cic. 1. d. O. 22. m.
- Exercitia scribendi potissima enumerantur.* Q. 10, 5, 624.
- Exercitia agendarum causarum inter rudimenta civilium officiorum.* Suet. Caf. 55. Tib. 8.
- Exercitia quibus alitur oratoris eloquentia.* Cic. Brut. 11, 12.
- Exercitia Latronis.* Senec. praefat. lib. 1. Controv. f. Supellex ejus. videndus omnino locus.
- Exercuit se quotidianis commentationibus acerrime* Marcellus, indeq; factus orator. Cic. Brut. 71.
- Ejus dicta Gracis firma in dicendo facilitas.* Q. 10, 1, 585.
- Exordium an novissime scribendum.* Q. 3, 9, 197.
- Exordium quando supervacuum.* Q. 4, 1, 219.
- Exordii modus s. magnitudo.* Q. 4, 1, 217.
- Exordii tria officia, benevolum, attentum, docilem auditorem reddere.* Q. 4, 1, 206.
- Exordiorum vitia.* Q. 4, 1, 216. & 219.
- de Exordiis.* Q. 4, 1, 205.
- in Exordiis qua consideranda circumstantia.* Q. 4, 1, 215.
- in Explicandis scriptis qua observanda aut in legendis.* Q. 1, 8, 57.
- in Explicandis rebus saepe non omnia fundamenta ex arte peti debent, sed sufficit monstrare locum & regionem quasi ejus materia, unde proxime oritur, vid.* Cic. 2. d. O. 58.

Expo-

RERUM ET VERBORUM.

Expolitio. Vellei. 2. p. 317.

Extemporalis dicendi facultas oratori necessaria. Q. 10. 7, 631. quomodo comparetur. Q. ibid. quomodo contineatur. ibid.

Extemporalis facultas disputandi de re proposita. Cic. Lal.

Extemporalis facultas dictandi. Gell. de se. 1. 23. pr. Hieron. de vit. susp. contubern. in fin. Sueton. Neron. 52. Augustinus, de cuius extemporalis dictione, & operibus qua notariis dictavit vid. Erasmi. in prafat. ad Augustinum.

Extemporalis facultas scriptiōne firmanda. Q. 10, 3, 616.

Extemporalem facultatem in carmine etiam consecuti Antipater Sidonius & Licinius Archias. Q. 10, 7, 635.

quod & aliis contigit. vid Sueton. Aug. 84. Tit. 3.

Extemporalis oratio maxime memoria indiget. Q. 11, 2, 659.

Extemporalis orationis necessitas. Q. 12, 9, 742.

Extemporalis maxime Demades. Plutarch. t. 1. p. 850. m.

Extemporalis calor, & extemporalis temeritas. Q. 10, 6, 630.

Extemporalis facultate Sylo Rhetor preditus fuit. Schott. in lib. 3. Rhet. ap. Sen.

ad Extemporales dictiones loci communes ut emblemata faciebant. Q. 2, 4, 90.

ad Extemporalem dictionem invitatus Apuleius. Cresoll. th. rh. 3, 4, 170.

Extemporanea exercitationes postferenda meditatis. Cic. 1. d. O. 33. Demostheni improbate interdum. Plutarch. 8. Vit. t. 2. p. 848. & t. 1. p. 849. & seq. licet frequenter usurpaverit. ibid. Cicerō semper meditatus dixit in maioribus causis. Cic. 1. d. LL. 4.

Ex tempore scribendi periculum. Q. 10, 3, 619.

Ex tempore quam a cura prastantior Tiberius. Sueton. Tiber. c. 70. At Lycurgus ἔκ τῆς πρὸς τὰ αὐτοσχέδια πεφυκάς. igitur μελέτα καὶ νυκτὸς καὶ ἡμέρας. Plutarch. 7. Vit. p. 842.

Extrarius. Q. 7, 2, 401.

F.

F. litera aspirationis nota. Q. 1, 4, 24.

Fabricatus est gladium, pro, fabricavit. Q. 9, 3, 534.

Ggggg 3

Fabri-

I N D E X

- Fabricius Cornelium Rufinum inimicum suum suo suffragio Consulē fecit.* Q. 12, 1, 719.
- Fabula & argumentum inter rudimenta dicendi.* Q. 2, 4, 85.
- Fabula de discordantibus membris*
Liv. 2, 32. m. Flor. 1, 24, 2.
de Cane grāvīda. Justin. 43, 4.
de rana ad bovis magnitudinem aspirante. Horat. lib. 2. Sat. 3. f.
argumentum Βατραχομυομαχίας. Heinſ.
- Fabularum quis usus in orationibus.* Q. 5, 11, 301.
- Facetia quales esse debeant.* Cic. Or. 26.
- Facietiarum nulla doctrina.* Cic. 2. d. O. 54.
- Facetum quid.* Q. 6, 3, 359.
- Facilitas etiam in oratore requiritur.* Q. 12, 10, 759.
- Facilius est plerumque plus facere quam idem.* Q. 10, 2, 612.
- Facultas orandi consummatur natura, arte, exercitatione.* Q. 3, 5, 153.
- Fama quomodo confirmanda aut refutanda.* Q. 5, 3, 260.
- Fatendi modus, qui alias indicativus.* Q. 1, 6, 43.
- Favor naturalis pro laborantibus* est. Q. 4, 1, 207.
- Figura quid, & quomodo differat a tropo.* Q. 9, 1, 503.
- Figura genera duo, λέξις & διαφοράς.* Q. 9, 1, 505.
- Figura sicut ornant orationem opportune posita, ita ineptissima sunt, cum immodice feciuntur.* Q. 9, 3, 534. & 553.
- Figura verborum pro consuetudine mutata, & mutabiles.* Q. 9, 3, 533.
- Figura ipsa densitate aperiuntur, minusque habent auctoritatis.* Q. 9, 2, 526.
- Figura quae non sint, & habeantur.* Q. 9, 2, 553. possunt nova fieri. Q. 9, 2, 533.
- Figurarum doctrina vulgaris, usus maximus difficillimusque.* Cic. 3. d. O. 55.
- Figurarum multitudo non estimanda ex multitudine nominum, quae Graeci facillime fingunt.* Q. 9, 1, 506.
- de Figurarum multitudine memorabilis locus.* Q. 9, 3, 553.
- de Figuris Ciceronis iudicium.* Q. 9, 1, 507.
- de Figuris sententiarum.* Q. 9, 2, 511.
- de Figuris verborum.* Q. 9, 3, 533. de Fi-

RERUM ET VERBORUM.

de Figuris verborum sententiarumque breviter, & ἀναφορῶς
Cic. Or. 39. & 40.

de Figuris breviter & nervose,
ita tamen ut indicet magis
quam explicet, Crassus ap. Cic.
3. d. O. 53. & seq. nominibus
quoque obviis & arbitrariis u-
sus.

Figurata controversia unde dican-
tur. Q. 9, 2, 525.

Finita quaestiones quæ. Q. 35, 153.

Finitio quid, & quomodo tractetur.
Q. 7, 3, 412.

Forenses oratores operarios lingua
celeri & exercitata Mnesarchus
dixit. Cic. 1. d. O. 18. m.

Focalia, vestis genus. Q. 11, 3, 698.

Formulam scribere. accusare.
Q. 6, 3, 371.

Formularii, leguleii, Q. 12, 3,
729.

Frugalitas necessaria scribentibus.
Q. 10, 3, 621.

Fusca vox. Q. 11, 3, 703.

Fuscus solebat multa ex Virgilio
trahere, &c. Senec. Suas. 3.

G.

G. litera aliquando Latinis vete-
ribus in fine verborum adjecta.

Q. 1, 7, 52.

Γένεσις, status conjecturalis a qui-
busdam dictus. Q. 3, 6, 167.

Geometria quid conducat oratori.

Q. 1, 10, 66.

de Germanica lingua corruptione
dici potest, quod est ap. Cic. Brut.
74.

Gestus quantum habeat in oratore
momenti. Q. 11, 3, 682.

de Gestu vitioso. Emugiunt omnia
levata manu. Q. 2, 12, 108.

in Gestu si qua ars dicentium, ea
prima est, ne ars esse videatur.
Q. 1, 11, 70.

Gestuum quadam idea posita. Cic.
Or. 18.

in Gestibus modus adhibendus. Q.
11, 3, 687. & 706.

Gladiatorum manus primæ, se-
cundæ, tertiæ, quartæ. Q. 5,
13, 322.

Γλώσσας vocant Græci linguas se-
cretiores. Q. 1, 1, 13.

Glossemata, i. e. voces minus usi-
tata. Q. 1, 8, 57.

Γνώμη, quæ Latinis Sententia. Q.
8, 5, 480.

Gorgias Leontinus Empedoclis di-
scipulus centum & novem an-
nos vixit. Q. 3, 1, 143.

inter-

INDEX

- interrogari se passus est in auditoriis qua quisque de re veller.* Q. 2, 21, 140. 12, 11, 764.
- C. Graccho concionanti musicus fistula modos, quibus deberet intendi, ministrabat.* Q. 1, 10, 65.
- Gradatio, Gr. κλιμαξ.* Q. 9, 3, 544.
- Græca lingua jucundior & copiosior Latina.* Q. 12, 10, 750.
- Græco sermone & disciplinis prius instituendus puer, quam Latinis.* Q. 1, 1, 9.
- Græci alicujus quotidiana loquacitas sine usu, ut ex Scholis cantilena.* Cic. 1. d. O. 23. pr.
- Græcis historiis plerumque poetica similis est licentia.* Q. 2, 4, 88.
- Grammaticæ & Musicæ quondam juncta.* Q. 1, 10, 63.
- Grammaticæ Latine literatura vocata.* Q. 2, 1, 78.
- Grammatica artis laus.* Q. 1, 4, 23.
- Grammatices amor & usus lectionis, non Scolarum temporibus, sed vita spatio terminantur.* Q. 1, 8, 57.
- Grammaticus qua in prelegendis auctoribus observare debeat.* Q. 1, 8, 57.
- inter Grammatici virtutes habebitur, aliqua nescire.* Q. 1, 8, 59.
- Grammatici Criticorum officio functi.* Q. 1, 4, 23.
- Grammaticorum professio in duas partes dividitur.* Q. 1, 4, 23.
- Grammaticorum calumniæ ab omnibus magnis ingeniiis submovenda. (vel spernenda) Senec. Suas. 2.*
- Γραμματικὰ ἀποδείξεις.* Q. 1, 10, 67. 5, 10, 275.
- Grandiloquentia affectata exemplum in Senecione Grandione. Senec. Suas. 2.*
- Gratis agere semper an debeat orator, s. Patronus causa.* Q. 12, 7, 735.
- Gurdis pro stolido, Hispanica vox.* Q. 1, 5, 39.

H.

- H. sive litera sive aspirationis usus veteribus parcissimus, postea nimis.* Q. 1, 5, 32.
- Here quod veteribus heri.* Q. 1, 7, 53.
- in Herodoto omnia leniter flammæ.* Q. 9, 4, 557.
- de Hesiodo judicium.* Q. 10, 1, 595.
- Hippias Eleus omnium disciplinarum scientiam præ se ferens nullius ope egebat.* Q. 12, 11, 764.

Hippo-

Hippocrates medicus errores quosdam suos confessus est, ne posterii errarent. Q. 3, 6, 169.

Historia prima apud Rhetores exercitatio. Q. 2, 4, 85.

Historia inter exercitia scribendi. Q. 10, 5, 627.

Historiarum lectio quid conducat oratori. Q. 10, 1, 591.

Historiarum cognitio oratori necessaria. Q. 12, 4, 729.

Historiarum veritatem corrumpunt, ut argutius aliquid dicant, Rhetores. Cic. Brut. 11.

Historias scribere in parte oratoria merito ponimus. Q. 2, 18, 133.

Historici styli qualis sit compositio. Q. 9, 4, 580.

Historicorum stylus quid ab oratorio differat. Cic. Or. 20.

Historicorum orationes & sententiae magis legenda ad suadendi dissuadendique apparatus, quam praecepta & declamationes. Q. 3, 8, 195.

Homeri laus. Q. 10, 1, 594.

In Hæmero nullius non ardua cuiperfecta, aut certe non dubia vestigia reperiuntur. Q. 12, 11, 764.

Honesta magis iuvanda. Q. 1, 12, 76.

Honesta vel turpia pleraque sunt non tam factis quam causis. Q. 12, 1, 718.

de Horatii Lyricis iudicium. Q. 10, 1, 603.

Horatius filii oratio apud triunviros habita. Q. 1, 1, 7.

Hypallage. Q. 8, 6, 491.

Hyperbaton. Q. 1, 5, 36.

quid, & quando usum habeat.

Q. 8, 6, 499. *a multis non inter tropos, sed figuras referuntur.*

Q. 9, 1, 503.

refertur inter figuras sententiarum. Q. 9, 3, 598.

Hyperbole quid & quocumque. Q. 8, 6, 500.

Hypotyposis. Q. 9, 2, 519.

I.

Jactatio sui omnis vitiosa est, eloquentia tamen in oratore principis. Q. 11, 1, 642.

Idioms, proprietatis statim quibusdama dicitur. Q. 3, 6, 167.

Idioms. Q. 1, 6, 48.

Illusio species tropi. Q. 8, 6, 497.

Illustri oratio aut finis. Cic. Partis. 6.

Imaginem pulcherrimam movit a parte patris. Q. Hæm. 3. Ca-

terius. Hæm. 3. Ca-

pit enim subito, qua solebat cura
su orationis fervere, quasi ex-
audires aliquem tumultum, va-
stari omnia ac rapi, comburi
incendiis villas, fugas agre-
stium: & cum omnia impleffet
terrore, adjecit: quid horru-
isti, adolescens, socer tuus venit.
Senec. Controv. 6. f.

Imagines dicturis capiendae s.
Pharsalia. Q. 6, 3, 354. 10, 7,
634.

Ἡμερον. Q. 3, 8, 187.

Imitatio per se ipsa non sufficit.

Q. 10, 2, 610.

Imitatio non sit tantum in verbis.

Q. 10, 2, 615.

Imitatio duplex. Plin. praefat. ad
Vespas. Scito conferentem aucto-
res me deprehendisse a juratis-
simis & proximis veteres tran-
scriptos ad verbum, neque no-
mines, non illa Virgiliana
virtute, ut certarent, non Ci-
ceroniana simplicitate, qui in
libris de republ. Platonis se co-
mitem profectur: in Conso-
latione filia, Cratorem, in-
quis, sequor: item Panatium
de Officiis.

Sententiae interpretari, & ca-
dem prope iisdem verbis conver-

sa dicere non vult Cicero. vid. 2.
de LL. 7.

Attalus Stoicus, qui solum ver-
tit a Seiano circumscriptus,
magna vir eloquentia, ex Phi-
losophis quos nostra aetas vidit
longe & subtilissimus & facun-
dissimus, cum tam magna &
nobili sententia certavit, ut mi-
hi dixisse videatur animosum
quam prior. (de Leonida dicto
sermo est) Senec. Suasor. 2.

Imitatio aperta. Itaque fecisse
quod in multis aliis versibus
Virgilium fecerat, non surripie-
ndi causa, sed patam imitan-
di, hoc animo ut vellet agnosci.

Senec. Suas. 3.

Panegyricum summe Gorgia &
Lysia scriptis translatisse Isocra-
tes fertur. Plut. 4. Rhet.

Imitatio omnis ab iis quibus ver-
bata Latinae. 6. Panegy-
rici. 1. v. 10.

Imitatio in rebus omnibus quan-
tum valeat, Q. 10, 2, 610.

Imitatio crebris & magnis exer-
citationibus & scribendo con-
stat. Cui. 2. d. 0, 23.

Imitatio vitiorum in magnis au-
ctoribus. Q. 10, 1, 590.

Imi-

- Imitatio frequens transit in moros.*
Q. 1, 11, 69.
- Imitatione continetur pars magna artis.* *Q. 10, 2, 610.*
- in Imitatione quid sit observandum.* *Q. 10, 2, 613.*
- in Imitatione non uni alicui nos addicere debemus.* *Q. 10, 2, 615.*
Senec. prafat. lib. 1. Controv. paulo post pr.
- in Imitatione difficillima est similitudo, ut facilius plus quam simile efficiatur.* *Q. 10, 2, 612.*
- Imitandus aliquis, sed iis in rebus quæ excellent.* *Cic. 2. d. O. 22.*
claruerunt tamen multi sine imitatione. c. 23.
- Imitantium virtus fateri, unde.*
Cic. Brut. 19. de Ennio: qui a Nevio vel sumpsisti multa, si fateris; vel si neges, surripuisti.
- Imitatores qui gracilitates & tenuitatem orationis confectantur.* *Cic. Brut. 16.*
- Imitatores inepti Thucydidis describuntur.* *Cic. Or. 9.*
- Incisa, κόμματα.* *Cic. Or. 62. & 63. incise dicere.*
- Incisum quid.* *Q. 9, 4, 579.*
- Indocti a Musis atque Gratiis absumunt.* *prov. Grec. Q. 1, 10, 64.*
- Indocti quare fortius aliquando dicere videantur.* *Q. 2, 12, 106.*
- Infantia studiorum.* *Q. 1, 1, 10.*
- Inficialis status alias conjecturalis.* *Q. 3, 6, 163.*
- Infinitæ quæstiones quæ dicantur.*
Q. 3, 5, 154.
an oratori inutiles. *Q. 3, 5, 155.*
- Ingenium pueri erudiendi perspicuum.* *Q. 1, 3, 19.*
- Ingenium in numero habere.*
Q. 6, 3, 377.
- Ingenii exercendi ostentandique causa multa absurda defensa aut mala laudata aliquibus.*
Q. 2, 17, 124.
- Ingeniorum discrimina præceptori notanda.* *Q. 2, 8, 99.*
- Iniquum petendum, ut æquum feras.* *prov. Q. 4, 5, 254.*
- Inociosa actio quæ dicatur Gracis.*
Q. 11, 3, 706.
- Insignia scena aut fori quid.* *Cic. Or. 39.*
- in Inspectione positæ artes.* *Q. 2, 18, 133.*
- Insecabilia corpora, atomi.* *Q. 2, 17, 131.*
- Intentus, pro, attentus.* *Q. 4, 2, 201. & 243.*
- Intentio, pro, attentio.* *Q. 4, 2, 230.*
- Interpretationis exemplum.* *ap. Cic. Brut. 15.*

*Interpretationis quæ res & quæ
verba spectat comparatio. Se-
nec. Ep. 108.*

Interrogationis figura. Q. 9, 2, 512.

*Inventio argumenti debet habere
absolutionem argumentandi
conjunctam. Cic. 1. de Invent.
30. f. & c. 41.*

*Irvidiosa causa si incidant, ut in
filii actione contra matrem, quo
modo dicendum. Q. 11, 1, 651.*

Jocus quid. Q. 6, 3, 359.

*Jocorum s. urbane dictorum ex-
empla. Q. 6, 3, 365.*

*Circa Jocos & false dicta quæ sint
observanda. Q. 6, 3, 361.*

Ιωτακισμός. Q. 1, 5, 34.

*Iphicratis defensio contra Aristo-
phantem accusatorem. Q. 5, 12,
308.*

*Iphigenia immolationem quo ju-
dicio pinxerit Timanthes Ci-
cinius. Q. 2, 13, 110.*

Ironia tropus. Q. 8, 6, 497.

Ironia inter schemata. Q. 9, 2, 520.

*Ironia in sententiis multiplex. Q.
9, 2, 520.*

*Isocrates summus doctor in asti-
mandis præsertim disciplina-
rum naturis. Cic. 3. d. O. 9.*

*nonaginta octo annes vixit. Q.
3, 1, 144.*

*Isocratis judicium de duobus di-
scipulis suis Ephoro & Theo-
pompo. Q. 2, 8, 101.*

*Isocratis panegyricus decem annis
elaboratus. Q. 10, 14, 623.*

de Isocrate judicium. Q. 10, 1, 600.

Ἰσικαλόν. Q. 9, 3, 549.

Ἰστέν genus dicendi. Q. 12, 10, 755.

Ἰστένης. Q. 1, 5, 34.

*Ἰθίκον in oratione quid, & quam
vim habeat. Cic. Or. 37.*

*Ἰθαποιὰ alias μίμησις, imitatio
morum aliorum. Q. 9, 2, 523.*

Ἰθός quid. Q. 6, 2, 350.

*Ἰθός propria voce in sermone Ro-
mano exprimi non potest. Q. 6,
2, 349.*

*Ἰθός & πάθος quomodo differant
Q. 6, 2, 349. & 351.*

*Ἰθός non tam mores quam morum
proprietas significat. Q. 6,
2, 349.*

*Ἰθός secundum quendam intelle-
ctum in omnibus causis versan-
tur. Q. 6, 2, 349. ut fluere o-
mnia scil. ex natura rerum ho-
minumque videantur atque hic
explicat quid sit ἰθός scribere.*

*Judaica superstitionis auctor. Q.
3, 7, 181.*

*Judices Poetarum Aristarchus &
Aristophanes. Q. 10, 1, 595.*

Judicium

Judicandum modeste. Modeste tamen & circumspetto judicio de tantis viris pronuntiandum est, ne, quod plerisque accidit, damnent quod non intelligunt. Q.

IO, I, 590.

circa Judiciū precepta. Q. 6, 5, 382.

Judicia de orationis artificio insignia. C. 3. d. O. 26.

Judicialis generis officia duo, intentio ac depulsio. Q. 3, 9, 195. partes quinque. Q. 3, 9, 196. numeri. Q. 9, 4, 581.

Jugeri mensura qua. Q. 1, IO, 68. de Junctura in Compositione precepta. Q. 9, 4, 560.

Jurare nisi ubi necesse est, gravi viro non convenit. Q. 9, 2, 531.

ex Jurejurando probationes quomodo tractanda. Q. 5, 6, 261.

Juridicialis causa molestum nomen. Cic. Top. 24. f.

Juris civilis scientia oratori necessaria. Q. 12, 3, 726.

Juris divisio. Cic. Partit. 37.

Juris accuratam scientiam dialectica & eloquentia quantum instruant. Cic. Brut. 41. & 42.

Jurisconsultorum sumus circa verborum proprietatem labor est. Q. 5, 14, 331.

Jurisperitorum eloquentissimum,

eloquentium Jurisperitissimum Q. Scavolam appellat Cic. I. d. O. 39. m.

Jus in legem, morem, aequitatem dividitur. Cic. Top. 7. nihil hoc ad Jus, Galli ad Cicer. in Top. 12.

K.

K. litera ubi utendum. Q. 1, 7, 51.

Καθολικά precepta. Q. 2, 13, III.

Καθολικά qua dicantur quibusdam. Q. 8, 5, 481.

Κακόζηλον omnium in eloquentia vitium pessimum. Q. 8, 3, 466.

Κακοσύνητον. Q. 8, 3, 467.

Κακοτεχνία quibusdam nominata Rhetorice. Q. 2, 15, 113.

Κακόφατοι. Q. 8, 3, 463.

Καταπεπλασμένον. Q. 1, 11, 70.

Κατάπληξις. 9, 2, 532.

Κατασκευή, confirmatio, exercitium rhetoricum. Q. 2, 4, 88.

Κατάχρησις. Q. 9, 1, 503.

necessaria aliquando. Q. 8, 2, 450. 8, 6, 493.

Κεφάλαιον γενικώτατον. Q. 3, 6, 157.

Κλίμαξ. Q. 9, 3, 544.

Κολοσομία. Q. 1, 5, 34.

Καὶνιτμός. Q. 8, 3, 467.

H h h h h 3

κόμμα-

I N D E X

Κόμματα , Lat. *incisa*. Q. 9, 4, 558.
 Κρινόμενον. Q. 3, II, 199. & 202.
 Κρίσις Græcis dicta quas Latini au-
 thoritates vocant. Q. 5, II, 305.
 Κριτική. Q. 5, 14, 330.
 Κυρταύχην. Q. 1, 5, 41.
 Κῶλα, Lat. *membra*. Q. 9, 4, 558.

L.

Lacrymis nihil facilius inarescit.
 Q. 6, 1, 342.
Lælii filia eloquens. Q. 1, 1, 7.
Læna, vestis genus. Q. 11, 3, 698.
 λαμβδακισμός. Q. 1, 5, 34.
Latina & emendata locutio solum
& quasi fundamentum orato-
ria. Cic. Brut. 74. pr.
Latina Lingua pronuntiatio sua-
vis Roma propria. Cic. 3. de O. 11.
Latina lingua sonus durior quam
Græca. Q. 12, 10, 749.
Latina lingua paupertas in com-
paratione Græca. Q. 12, 10, 750.
Latinam orationem convertendi
ratio. Q. 10, 5, 624.
Latine locuturo quid attenden-
dum. Cic. 3. d. O. 11. pr.
Latine loquebantur olim multi e-
legantissime domestica consue-
tudine, ut Læliorum & Mu-

tiorum familie. Cic. Brut. 72.
Latine aliud est, aliud Grammati-
ce loqui. Q. 1, 6, 46.
Latinitatem quomodo assequamur.
 Cic. 3. de O. 12.
Latinorum verborum elegantia,
etiāmsi orator non sis, tamen ne-
cessaria est. Cic. Brut. 75.
Latinus sermo, laus dicendi non
mediocris ab oratoribus plerif-
que neglecta est. Cic. Brut. 35.
Portius Latro primus clari nomi-
nis professor rhetorices. Q. 10,
 5, 627.
intra parietes eloquens forum
reformidat. ibid.
Laudare qualiacunque discipulo-
rum in scholis vitiosum. Q. 2,
 2, 81.
Laudatio Eloquentia. Q. 2, 16, 121.
 add. 1. Cic. de Invent. 1. seqq.
Laudationes funebres ex Scro sa-
pe mandantur magistratibus.
 Q. 3, 7, 171.
Laudationes funebres Appij Cæsi,
& de eo scripti genere iudicium.
 Cic. Brut. 16.
Laudationes funebres magnis vi-
ris ab Historicis tribui solita.
 Senec. Suasor. 6.
Laudationes inter progymnasmata
Rhetorice. Q. 2, 4, 88.

Lau-

RERUM ET VERBORUM

- Laudationes quem stylum ament.* Q. 8, 3, 457.
- Laudationes habent aliquid simile cum suaseriis.* Q. 3, 7, 183.
- Laudationum commendatio.* Cic. Partit. 20. & earum precepta. c. 21.
- Laudationum scribendarum utilitas.* Q. 2, 4, 88.
- Laudationum cultus.* Q. 2, 10, 104.
- de Laudationibus.* Cic. 2. d. O. 84. Q. 3, 7, 171.
- Laudes Capitolini Jovis perpetua sacri certaminis materia.* Q. 3, 7, 178.
- Laus & vituperatio ad audientiam mores attemperanda.* Q. 3, 7, 181.
- Laus Deorum quomodo tractanda.* Q. 3, 7, 178.
- hominum quomodo tractanda.* Q. 3, 7, 179.
- urbium, operum, locorum, dictarum factorumque & rerum.* Q. 3, 7, 182.
- Laus Bruti.* ap. Cic. *ecquodnam curriculum aliquando sit habitura tua & natura admirabilis, & exquisita doctrina, & singularis industria.* Brut. 6.
- in Laudibus suis cuique tribuendis faciles olim.* Cic. Brut. 21. f.
- Lectio quam necessaria, ut quis in veteribus scriptis sit studiose & multum versatus.* Cic. 3. d. O. 10.
- Lectio eloquentiam aliud agentibus instillat.* Cic. 2. d. O. 14. m. qualis esse debeat. Q. 1, 8, 55.
- apud Grammaticum ab Homero atque Virgilio incipiat.* Q. 1, 8, 56.
- apud Rhetorem a Livio atque Cicerone.* Q. 2, 5, 96.
- in quo praestet auditione.* Q. 10, 1, 588.
- Lectio orationum quomodo instituenda.* Q. 10, 1, 589.
- Lectiois ratio & bona.* Q. 10, 1, 588.
- Lectio in studiis nihil minus laboriosum.* Q. 12, 3, 728.
- in Lectioe Historicorum & oratorum quid demonstret Rhetor.* Q. 2, 5, 93.
- Legendi praecipue Cicero & Demosthenes.* Q. 10, 1, 592.
- Legenda saepe orationes praestantiss.* Cic. Brut. 44. *mibi a pueritia quasi magistra fuit illa in legem Capionis oratio.*
- in Legendo scripta quaedam, etsi minus absoluta aspicienda tamen.* Cic. Brut. 61.

Leg-

Legalis status quid. Q. 3, 6, 173.
Legationis male gesta actio. Q. 7,
 4, 426.

*Lentulus Cornelius unde conjura-
 tionis causam sumserit.* Q. 5, 10,
 279.

*Leonides Alexandri padagogus
 quibusdam eum vitii imbu-
 it.* Q. 1, 1, 8.

*Lex theatralis artem ludicram ex-
 ercentes in quatuordecim pri-
 mis ordinibus sedere prohibet.*
 Q. 3, 6, 160.

*Lex omnis aut tribuit, aut adi-
 mit, aut punit, aut jubet, aut ve-
 sat, aut permittit.* Q. 7, 5, 429.

*Lex legi nunquam contraria jure
 ipso.* Q. 7, 7, 432.

*Legum laus & vituperatio suasti-
 riis. an controversiis magis ac-
 commodata sit.* Q. 2, 4, 91. quo-
 modo tractari debeat. *ibid.*

de Legibus contrariis. Q. 7, 7, 432.

Λέξως, figura. Q. 1, 8, 58. 9, 1, 505.

Libelli memoriales oratorum. Q.
 10, 7, 637.

Liberi natura omnes. Q. 3, 8, 188.

*Libertas que in aliis est, in aliis
 licentia vocatur.* Q. 3, 8, 191.

Licentia, inter figuras. Q. 9, 2, 516.

*Litera unicum adverforum sola-
 ium.* Q. 6, *proem*, 335.

*Litera ne obscœnius concutiant
 cavendum.* Cic. Or. 45.

*Literarum formam prius quam
 nomina & contextum parvuli
 discant.* Q. 1, 1, 11.

*Literarum forma eburnea pueris
 in lulum oblata.* *ibid.*

*Literarum vetustissimis tempori-
 bus dissimiles forma a postero-
 rum temporum literis.* Q. 1, 7, 51.

*Livius quos oratores filio legendos
 commendaverit.* Q. 10, 1, 592.

*Livius magis quam Sallustius pue-
 ris legendus.* Q. 2, 5, 95.

Livius μακρολογίας notatus. Q. 8,
 3, 465.

Livii lactea ubertas. Q. 10, 1, 591.
 *in Livio Patavinatatem deprehen-
 dit Pollio.* Q. 1, 5, 38. 8, 1, 442.

de Livio judicium. Q. 10, 1, 604.

*Locus communis, progymnasma
 rhetoricum.* Q. 2, 4, 89.

*Locus cœmunis: Prima sequentem,
 honestum est in secundis tertiis-
 que consistere: prolixè tractatur
 a Cic. in Or. 1. & 2.*

*Locus communis de adulatione
 Rom. Tacit. 3. Ann. 65.*

*de Annalibus suis. Tacit. 4. Ann.
 32. & 33.*

*de cruciatiœ conscientia tyran-
 nerum. Tac. 6. Ann. 6.*

de fato

RERUM ET VERBORUM.

- de fato Tac. 6. Ann. 22.*
de frugalitate. Lucan. 4. v. 373.
Justin. 2, 2, 10.
non omnibus eadem honesta & surpia. Cornel. Nep. praefat.
de abusu rerum optimarum. Q. 2, 16, 120.
de praestantissimis ingeniis, & eorum etate. Vellei. 1. p. 251.
de illo γνῶθι σεαυτὸν. Cic. de LL. 22.
de pœnis parricidarum. Cic. pro Roscio c. 25. & 26.
de accusatoribus. in ead. c. 20. per tot.
de origine dominationis. Tacit. 2. Hist. 38.
Loco, quo dicimus, accommodanda oratio. Q. 11, 1, 648.
Loci, sedes argumentorum. Q. 5, 10, 277.
Loci communes debent esse orti ex 90. causa, non accersiti. Q. 2, 4.
Loci communes a quibus primum tractati. Q. 3, 1, 144.
Loci communes a Cicerone & Hor- tensio compositi. Q. 2, 1, 79.
Loci a persona. Q. 5, 10, 278.
Loci a rebus. Q. 5, 10, 280.
Loci argumentorum in causis conjecturalibus. Q. 7, 2, 405.
in causis finitivis. Q. 7, 3, 416.
in statu qualitatis. Q. 7, 4, 420.
Λογικὸν, genus rationale. Q. 3, 5, 154.
Λογοδαίδαλοι, dicti a Platone Rhe- tores. Q. 3, 1, 144.
Λογοδαίδαλοι & eorum ineptia. Cic. or. 12. & dulcedo. 13. f. & 19.
Loquacitas ignara doctrina phi- losophica, eloquentia opponitur. Q. 12, 2, 724.
Loquebantur fortasse veteres Ro- mani ut scribebant. Q. 1, 7, 52.
Loquendi facultas maxima homi- nis pra brutis prerogativa. Q. 2, 16, 122.
Loqui inusitate, docte loqui puta- bat esse Sisenna. Cic. Brut. 75.
de Lucano iudicium. Q. 10, 1, 602.
Lucubratio. Q. 10, 3, 621.
Lucus, quia minime luceat. di- ctus. Q. 1, 6, 47.
Ludus, quia longissime ab lusu. ibid.
Lusus duodecim scruporum, Q. 11, 2, 666.
Lycurgus Lacedamoniorum legis- lator musices disciplinam pro- bavit. Q. 1, 10, 63.
Lyra in conviviiis post cœnam cir- cumlata. Q. 1, 10, 64.
Lysippus, statuarium. Q. 12, 10, 745.

INDEX

M.

- M. quasi mugiens litera.* Q. 12, 10, 750.
- Μακρολογία.* Q. 8, 3, 465.
- Maledicus a malefico non distat, nisi occasione.* Q. 12, 9, 741.
- Manus moris in actione.* Q. 11, 3, 686.
- Manus (prope est ut dicam) ipsa loquuntur.* Q. 11, 3, 686.
- Mappa, Punicum nomen.* Q. 1, 5, 39.
- Marcipores.* Q. 1, 4, 28.
- Mastruca.* Q. 1, 5, 30.
- Ματαιοτεχνία, supervacua artis imitatio.* Q. 2, 20, 135.
- Materia Rhetorices quæ.* Q. 2, 21, 137.
- de Materiis dandis puero.* Q. 2, 6, 97.
- Maturitas festinata celerius occidit.* Q. 6. proæm. 334.
- Media artes, quæ neque laudari per se, neque vituperari possunt.* Q. 2, 20, 134.
- Medicina, ut quibusdam placet, tota constat experimentis.* Q. 2, 17, 125.
- Meditatio.* Q. 10, 6, 629.
- oratori necessaria.* de L. Lentulo Cic. Brut. 77. *meditandi non ferebat laborem.*
- sine Meditatione Cicero non ausus unquam ad maiorem causam accedere.* Cic. 1. de LL. 4.
- Μεγαλοπρέπεια a quibusdam virtutibus narrandi adjicitur.* Q. 4, 2, 232.
- Mehe, pro, me.* Q. 1, 5, 32.
- Μείωσις.* Q. 8, 3, 465.
- ejus ratio eadem quæ amplificationis.* Q. 8, 4, 479.
- Melanthius, pictor.* Q. 12, 10, 744.
- Μέλος ἑμμετρον.* Q. 1, 10, 64.
- Membrum in oratione quid.* Q. 9, 4, 579.
- Membra, κῶλα.* Cic. Or. 62. & 63. *membratim dicere.*
- Memoria res mirabilis.* Q. 11, 2, 660.
- quasi media manus acceptum ab inventione tradit elocutioni.* Q. 11, 2, 659.
- firmatur atque alitur exercitatione.* Q. 1, 1, 13.
- Memoria ars, qualem Carneades & Metrodorus tradiderunt.* Q. 11, 2, 662. *improbatur.* Q. 11, 2, 664.
- Memoria ars una maximaque, exercitatio & labor.* Q. 11, 2, 666.
- Memoria artem primus ostendit Simonides.* Q. 11, 2, 660.
- Memo-*

- Memoria subsidia quadam traduntur.* Q. II, 2, 664.
Memoria felicissima in quibusdam exempla. Q. II, 2, 669.
Memoria mandare ad verbum qua dicturi sumus, an debeamus. Q. II, 2, 667.
Memoria sola constant initia literarum. Q. I, 1, 10.
Menandri Poeta Comici laus. Q. 10, 1, 598.
Mendacem oportet esse memorem. prov. Q. 4, 2, 238.
Mendacium dicere etiam Sapienti & viro bono aliquando concessum. Q. 2, 17, 129. 12, 1, 718.
Μερικοί ἐπιλογοί. Q. 6, 1, 347.
Μεταβασίς. Q. 9, 3, 538.
Μεταβολή. Q. 9, 3, 541.
Μεταλήψις. Q. 8, 6, 494. 9, 1, 503. 9, 2, 533.
Metaphora. Q. 8, 6, 487. 9, 1, 503.
est brevior similitudo. Q. 8, 6, 488.
eius vis quadruplex. ibid.
Metaphora dura, Nives capitis. Q. 8, 6, 489.
in Metaphoris quid cavendum. ibid.
Metaplasmus. Q. 1, 8, 57.
Μετασάσις. Q. 3, 6, 167. 7, 4, 422. 9, 2, 519.
Μεταποίησις Horat. 2. Sat. 3. p. 166. ex Terent. Eunuch.
Meticio Suffeticio, pro Metio Suffetio. Q. 1, 5, 31.
Metonymia. Q. 9, 1, 503.
quid & quotuplex. Q. 8, 6, 491.
Metonymia nomine qua figura a quibusdam appellatur. Q. 9, 3, 542.
Milo quem vitulum assueverat ferre, taurum ferebat. Q. 1, 9, 60.
Μίμησις, qua alias ἡθοποιία. Q. 9, 2, 523.
Minutio eadem ratione constat qua amplificatio. Q. 8, 4, 479.
Miseratio & lachryma summis ingenii viribus indigent. Q. 6, 1, 340.
Misericordiam Athenienses pro numine coluerunt. Q. 5, 11, 305.
Modificata ab oratore verba. Cic. Partit. 5.
Modus rei momentum habet principium. Multa fiunt eadem, sed aliter. Q. 2, 20, 137.
ad Modos natura ducimur. Q. 9, 4, 555.
Molliendarum rerum artes. Q. 11, 1, 657.
Mollis frons. Q. 6, 4, 380.
Molli articulo tractare. Q. 11, 1, 654.

Moveto.

Μοῦσική, una quadam spiritus ac soni intentio. Q. 11, 3, 678.

Mores (oratoris) nescio quomodo ex voce etiam atque actione prolucent. Q. 11, 3, 700.

Mors misera non est, aditus ad mortem miser est. Q. 8, 5, 481.

Motus a clarissimis auctoribus dicti tropi. Q. 8, 5, 486. 9, 1, 502.

Mundus musica ratione compositus ex sententia Pythagora. Q. 1, 10, 62.

Musice oratori necessaria. ibid.

Musice & Grammaticae quondam juncta. Q. 1, 10, 63.

Musica laus & utilitas. Q. 1, 10, 63. add. Athenaeum. lib. 14. p. 623. & ibi Animadv. Casauboni.

Muta anima ia, pro brutis. Q. 5, 11, 303. & 304.

Νυκτερισμός. Q. 8, 6, 498.

Myron, statuarius. Q. 12, 10, 745.

Myronis discipulus. Q. 2, 13, 110.

N.

N. jucunda libera in fine quasi tinuit. Q. 12, 10, 750.

Νόμμος. Q. 10, 7, 632.

Narratio an semper proœmio subijcienda. Q. 4, 2, 225.

quomodo fiat dilucida. Q. 4, 2, 227.

quomodo brevis fiat. Q. 4, 2, 228.

quomodo credibilis. Q. 4, 2, 231.

quomodo venustanda. Q. 4, 2, 242.

quando non necessaria. Q. 4, 2, 221.

an sit necessaria in suasoriis. Q. 3, 8, 185.

qualis esse debeat, ubi res contra nos. Q. 4, 2, 233.

Narratio de rei Rom. statu a condita U. in Augustum. Tacit. 1. Ann.

1. & 2. & 1. Hist. 2. & 3. ii. 4. 5. de pomerii prolatione. Tacit.

12. Ann. 23. & 24.

de statu rei Rom. sub Augusto.

Vellei. 2. p. 354. & seq.

de Legibus. Tacit. 3. Ann. 26. & seq.

de Copiis rei Romanae. Tacit. 4.

Ann. 5. & ceteris reipubl. partibus. c. 6. & 7.

de munere praefecti Urbi, Tacit. 6. Ann. 11.

de literarum origine. Tacit. 11. Ann. 14.

Narrationis exemplum ap. Terentium in Andria Act. 1. Sc. 1. quae

laudatur Cic. 2. d. O. 80.

Narrationis definitio. Q. 4, 2, 226. virtutes. ibid.

vitia. Q. 2, 4, 85.

de Narratione praecepta quaedam. Q. 4, 2, 240.

is Nar-

in Narratione qua compositione. utendum. Q. 9, 4, 581.

quali pronuntiatione & gestibus utendum. Q. 11, 3, 702.

Narrationes quales esse debeant. Q. 2, 4, 85. Cic. I. de Invent. 19. 20. 21. 2. d. O. 80.

Narrationū tres species. Q. 2, 4, 85.

Narrationum in iudiciis duas species. Q. 4, 2, 222.

Natura cur non sufficiat oratori sine doctrina. Cic. Brut. 29.

Natura an doctrina plus conferat ad eloquentiam. Q. 2, 19, 134.

Naturalis eloquentia qua. Q. 12, 10, 751.

Naturale stirpis bonum degeneravit vitio depravata voluntatis, in M. Bruto. Cic. Brut. 34.

Naturale quid maxime. Q. 9, 4, 555.

Naturam suam fingere difficilius est, quam aliorum ingenia. Q. 10, 2, 614.

Naturam sibi faciat hujus rei. Q. 2, 4, 88.

Necessariis nihil minus est. Q. 12, 10, 752.

Negotium, Grace περίστασις, in Rhetoricis quid sit. Q. 35, 156.

Negligentia etiam quadam est diligens. Cic. Or. 23.

Nescio an Negligentia in hoc an sollicitudo sit prior. Q. 9, 4, 560.

ibid. ex Cic. negligentia hominis de re magis quam de verbis laborantis non ingrata.

Nicostratus pancratiastes. Q. 2, 8, 101.

Nigidius de Gestibus scripsit. Q. 11, 3, 698.

Nimium magis offendit, quam parum. Cic. Or. 22.

Nónμα. Q. 2, 11, 105. 8, 5, 482.

Νομικόν, genus legale. Q. 3, 5, 154.

Nominum propriorum quorundam ap. Romanos origines. Q. 1, 4, 27.

Nominibus quibus quidque appelletur, non interest discentium, dum res ipsa manifesta sit. Q. 3, 6, 157.

Nōβη nomen Latine reddi non potest. Q. 3, 6, 175.

Notitia animorum in oratore. Cic. I. d. O. 5.

Notatio. Auctor ad Herenn. vid. Senec. Ep. 95. prop. fin.

Nova me saepe videri dicere intelligo, cum pervetera dicam, sed inaudita plerisque. Cic. Or. 3.

Novorum lectio & imitatio differenda, ne imitatio iudicium antecedit. Cic. Q. 2, 5, 97.

liiii 3 de Nu-

- de Numero Oratorio. Cic. Or. 1. Q. 9, 4, 562. de hoc plus Cicero quam quisquam ante eum. Cic. Or. 68.*
- Numerus oratorius difficilior quam poeticus. Q. 9, 4, 565. quomodo sine magno labore observetur. Cic. 3. d. O. 49. patet ex permutatione verborum concinnorum, aut inconcinnorum compositione apta. Cic. Or. 70. cui fini adhibeatur. Cic. 3. d. O. 44. est ab Isocrate. ibid. & adstrictus & solutus est. ibid.*
- Numerorum vitia. Cic. Or. 69. Numerosa suapte natura qua. Cic. Or. 49. & 50. & 65.*
- Numerosa orationis originem, causam, naturam, usum declarat Cic. Or. 52. & seqq. vid. princip. c. 60. m. ejus auctor Isocrates; & ante eum Thrasymachus & Gorgias. ibid.*
- Nutrices futuri oratoris quales esse debeant. Q. 1, 1, 7.*
- O,
- O & V in quibusdam vocibus permutantur. Q. 15, 4, 26.*
- Obiectio absurda, qua verbo possit negari. Cic. Phil. 2, 4.*
- Obscena nudis nominibus non enuntianda. Q. 8, 3, 462.*
- Obscuritas ab ignorantia & infirmitate. Q. 2, 3, 84.*
- Obscuritatis in sermone affectatio vitanda. Q. 8, 2, 453.*
- Obscurum quid dicatur in causa. Q. 5, 13, 315.*
- Observatio initium artis dedit. Q. 3, 2, 147.*
- Ὅμη, cantus. Q. 4, 1, 206.*
- Ὅμιον, via. ibid.*
- Omni pede standum est, proverbium agricolarum. Q. 12, 9, 743.*
- ὁμοιολογία. Q. 8, 3, 465.*
- ὁμοῶς πῶτον. Q. 9, 3, 549.*
- ὁμοιοτέλετον. Q. 9, 3, 548.*
- ὁμωνομία, cum pluribus rebus aut hominibus eadem appellatio est. Q. 7, 9, 535.*
- ὀνοματοποιία. Q. 9, 1, 503.*
- Latinis non concessa. Q. 1, 5, 41, 8, 6, 493.*
- a quibusdam inter figuras refertur. Q. 9, 1, 502.*
- Oppido, antiqua vox. Q. 8, 3, 460.*
- Orandi majestas, qua nihil dii immortales melius homini dederunt. Q. 12, 11, 786.*
- Oratio regina rerum. Euripid.*

ORATIO

RERUM ET VERBORUM.

- Oratio profert mores plerumque, & animi secreta detegit. Nec sine causa Graci prodiderunt, ut vivat, quemque etiam dicere.* Q. 11, 1, 645.
- Oratio vitam fere moresque sequitur.* Cic. Brut. 31. *exemp. Tuberonis. & cap. 26. exemp. Fannii &c. vid. Senec. Ep. 114.*
- Oratio rebus ipsis par & aequalis esse debet.* Cic. Or. 35.
- Oratio nimia religione ac observatione sui attenuatur ac perditur.* Cic. Brut. 82.
- Oratio non debet dialogis & dialecticis disputationibus esse similior, quam actioni, qua quidem inter se plurimum differunt.* Q. 5. 14, 331.
- Oratio pressa & civilis.* Senec. Controv. 8. *Dorion dixit rem paulo quidem elatiorem, quam pressa & civilis oratio recipit, sed qua egregie attonitos patris affectus exprimeret.*
- Oratio senior, ut ita dicam, quam illa aetas ferebat.* Cic. Brut. 43.
- Oratio tamen eorum liberior & latior & pacatior, quam pro consuetudine oratorum & forei.* Cic. Brut. 31.
- Oratio apertissima contra cacozeleos & antiquarios laudata.* Sueton. Aug. 86.
- Oratio Lyfia acuta, strigosior, tenuis, subtilis, nec illaudata tamen quibusdam.* Cic. Brut. 16. f.
- Oratio mollis, tenera, suavis, qua perfunderet, non perfringeret animos: Phalerei, qui non ut e militari tabernaculo, sed ut e Theophrasti umbraculis.* Cic. Brut. 9.
- Oratio Crassi & perornata & perbrevis, quod difficile est.* Cic. Brut. 43.
- Oratio copiosa illa & gravis vim maximam & perfectionem habet.* Cic. Or. 12.
- Oratio praefert unum quid, reliqua sanguinis moda in perpetuo renore perm. fusa.* vid. Cic. 2. d. O. 77. pr.
- Oratio Stoicorum aliena ab oratore, & cur.* Cic. 3. d. O. 18.
- Oratio mixta ex conquestione, expostulatione, objurigatione, exhortatione, ut illa Germanici.* Tacit. 1. Ann. 42. seq.
- Orationis virtutes tres.* Q. 1, 529.
- Orationis varias virtutes recenset.* Cic. Brut. 79.

Oratio-

I N D E X

- Orationis triplex character*, des-
scrib. Cic. Or. 5, 6.
- Orationis genera non sunt tria
tantum.* Q. 12, 10, 757.
- Orationis mensura*, ne brevitās
defraudasse aures videatur, neu
longitudo obtudisse. Cic. Or. 66.
- Orationis ornanda praecepta* συλ-
λῆσθην. Cic. d. Opt. gen. Or. 2.
- Orationis ordo & ornatus pluri-
mum valet apud animos homi-
num.* Cic. Brut. 52.
- Orationis mixtura.* (ratione cha-
racteris dicendi & materiae.)
Cic. Or. 31.
- Orationis vitia.* Cic. de opt. gen. Or. 3.
- Orationis quadranda industria.*
Cic. Or. 58.
- Orationis lenitas, acumen, vis.*
Cic. 2. de O. 29.
- Orationis Gorgia perfectio a subli-
mitatis & lenitatis mixtura.*
Crescoll. th. rh. p. 41.
- Orationis ipsius tanquam armo-
rum vel ad usum comminatio,
& quasi petitio, vel ad venusta-
tem ipsa tractatio.* Cic. 3. d. O.
54. pr.
- Orationis partes utilissima eadem
venustissima.* Cic. 3. d. O. 45.
- Orationis varia genera, neque ut
studia paria, sic natura orato-
rum.* Cic. 3. de O. 7. & seqq.
- Orationis varietas unde, elegans
locus.* Cic. Or. 16.
- Orationis genus magnificentius &
ornatius attulit iuventuti Cice-
ro.* Ipse in Brut. 32.
- adipata dictionis genus.* Cic.
Or. 8.
- Orationis luxuria in adolescente
non improbat.* Cic. 2. d. O. 21.
Q. 2, 4, 85.
- Orationis pugiunculi.* Cic. Or. 67.
de Orationis generibus. Q. 12, 10,
743.
- Orationi acuta & Attica Catonis
offecit posteriorum exaggerata
altius oratio.* Cic. Brut. 17.
- Orationi omni debet insidere qui-
dam venustatis non fuscū illius,
sed sanguine diffusus color.* Cic.
3. d. O. 52.
- Orationem mirabilem reddunt
ἡδὺν & παθητικόν.* Cic. Or. 37.
- Oratione quomodo res augeatur.*
Cic. Partit. 15.
- in Oratione multa sunt quae cogi-
tationem habent facilem, usum
necessarium.* Cic. 3. de O. 10.
- in Oratione Macenas exemplum
cacozeli.* Sueton. Aug. 86. Tibe-
rius antiquarii. Id. ibid.

in Ora-

in Oratione convertenda exercitatio maxima eloquentia. Cic. Partit. 7.

et vertenda ex Græco. Cic. 1. de O. 34.

Orationes ornatissima quæ latissime vagantur. Cic. 3. d. O. 30.

Orationes Thucydidis obscura. Cic. Or. 9.

Orationes Appii Cæci. Cic. Brut. 16.

Orationes patheticas complectitur Cic. Top. 22. f.

Orationes civiles primus ab eristicis separavit Isocrates. Plutarch. T. 2. p. 837.

Orationes aliis scripsere Theodorus et Isocrates. Cic. Brut. 12. sic Antiphon, Lysias &c. Plutarch. ad Cresoll. p. 156. &c.

Orationes scriptitavit multas, orator ipse nunquam fuit Ælius. Cic. Brut. 46.

Orator futurus quid ex Musice petat. Q. 1. 10, 64.

quid a Comædo discere debeat. Q. 1. 11, 69.

Orator non potest esse nisi vir bonus. Q. 1. proæm. 3. L. 2, 14, 2, 15, 113. & 119. 12, 1, 710.

vir vere civilis. Qui proæm. 3. non tantum circa civiles quæ-

stiones versatur. Q. 2, 15, 116. qui injustam causam defendis esse vix potest. Q. 2, 17, 130.

res duas in omni actu spectet, quid deceat et quid expediat. Q. 2, 13, 110.

an omnium artium peritus esse debeat. Q. 2, 21, 139.

tria præstare debet. docere, movere, delectare. Q. 3, 5, 153.

an vitia vicinarum virtutum nomine laudare, et contra, debeat. Q. 3, 7, 182.

tum aptime dicit, cum videtur vera dicere. Q. 4, 2, 228.

non præceptis, sed profunda multarum rerum cognitione fit. Cic. 3. de O. 1. f. & 22. & 30. f. & 31.

bonus is erit, qui humilia subtiliter et summiſſe, magna graviter, mediocria temperate dicet. Cic. Or. 29.

nulla re magis commendatur, quam verborum splendore et copia. Cic. Brut. 59.

temporum personarumque moderator esse debet. Cic. Or. 35.

non concedit Philosopho. Cic. 3. de O. 21.

semper fiduciam præ se ferat. Q. 1. 13, 22.

Kkkkk

an de-

- an debeat pro falsis aut pro iniustis aliquando dicere.* Q. 12, 1, 717.
- mores ante omnia studiis excollere debet.* 12, 2, 720.
- quam diligentiam adhibere debeat in discenda prius causa quam acturus est.* Q. 12, 8, 737.
- non laborabit illo fastidio non agendi causas minores.* Q. 12, 9, 740.
- an scribere debeat quæ est dignitas.* Q. 12, 9, 742.
- multo magis præstat minutis imperatoribus.* Cic. Brut. 73.
- ad quodcumque studiorum genus concedat, ceteris præstabis.* Cic. 1. de O. 15. pr.
- clamatori opponitur.* Cic. Brut. 49.
- qui non solum acnere, sed & alere ingenium potest, Gracchus.* Cic. Brut. 33.
- finem orandi faciat ante quam ob asatem deficiat.* Q. 12, 11, 760.
- quibus studiis postquam orare desist, vitam debeat transigere.* ibid.
- Orator verborum asserque rerum conjunguntur.* Cic. 3. de O. 15.
- Oratoris definitio.* Q. 12, 1, 712.
- Oratoris sacrum nomen.* Q. 12, 1, 715.
- Oratoris animus qualis esse debeat.* Q. 12, 5, 730.
- Oratoris cura quanta esse debeat in dicendo.* Q. 12, 9, 742.
- Oratoris præcipua scientia quæ.* Cic. 1. de O. 11. m.
- Oratoris officia & requisita.* Cic. Brut. 93.
- Oratoris fundamenta jacet grammatica.* Q. 1, 4, 28.
- Oratoris duæ virtutes, una subtiliter disputandi ad docendum, alia graviter agendi ad animos audientium permovendos.* Cic. Brut. 23.
- Oratoris summum est, oratorem summum populo videri.* Cic. Brut. 50.
- Oratoris ex ore verbum nullum nisi aut elegans aut grave exeat.* Cic. Or. 39.
- Oratori quid conducat Geometria.* Q. 1, 10, 66.
- Oratori necessaria est Philosophia.* Q. 12, 2, 721.
- & juris civilis scientia.* Q. 12, 3, 726.
- Oratori non convenit iniusta accersire sententiam.* Q. 12, 7, 735.
- Oratio*

RERUM ET VERBORUM.

Oratori tria videnda, quid dicat, quo quidque loco, & quomodo. Cic. Or. 14.

Oratorem perfectum esse natura non prohibet. Q. 1. 10, 62.

Oratorem quid faciat. Cic. 1. d. O. 21.

Oratorem qua nutrant exercitia. Cic. Or. 11. f.

in Oratore omnes animi virtutes exigit Quintil. in proem. lib. 1. p. 3.

in Oratore res precipua consilium. Q. 2, 13, 109.

in Oratore probando vulgi iudicium cur cum Doctorum sententia congruat. Cic. Brut. 49. 50.

Oratores Romani precipui enumerantur. Q. 12, 10, 745.

Oratores possessione sua depulsi propria a Philosophis mutuantur. Cic. 3. de O. 27. f. & 31.

Oratores boni rarissimi. Cic. 1. d. O. 2.

Oratores Asiani. Q. proem. lib. 8. p. 445.

Oratores politici qui & cur. Crell. 1b. rh. p. 22. & seq.

Oratores mali clamatores odiosi & molesti. Cic. 3. d. O. 21. & 34.

Oratores statarii qui. C. Brut. 30.

Oratores aridi. Q. proem. lib. 8. p. 445.

Oratores summos esse posse qui inter se dissimiles. Cic. Brut. 56. pr.

Oratorum genera distinxit aetatibus Cic. in Brut. vid. c. 19.

Oratorum bonorum duo genera, unum attenuate pressequae, alterum sublata ampleque dicentium. Cic. Brut. 55. *que utrisque vitia vitanda.* ibid.

Oratorie & pulcre dicere nihil aliud, quam optimis sententiis verbisque lectissimis dicere. Cic. Or. 68.

Oratorium ingenium Scavo & Rutilio defuit, cum ingenium non deesset: & quale id oratorium ingenium. Cic. Brut. 29.

Ordinare suprema iudicia. i. e. testamentum facere. Q. 633, 373.

Ordo rerum plenus artu. Cic. Brut. 80.

Ordo in dicendo naturalis quis. Cic. 2. de O. 76.

Ordo quis in agendo & in respondendo observandus. Q. 5, 13, 22.

de Ordine in Compositione regula. Q. 9, 4, 538.

Opportunum. Q. 1, 534. 1, 6, 45.

Kkkkk 2

Opus

I N D E X

ὁρτοῦρὰ Φίω qua in re sita sit. Q. 1, 7, 50.

Ornatus in oratione quantum efficiat. Q. 8, 3, 455.
qualis esse debeat. Q. 8, 3, 456.
non idem omni causarum generi convenit. Q. 8, 3, 457.
breviter comprehensus ap. Cic. 3. d. O. 52. f.
ejus virtutes. Q. 8, 3, 467.

Orpheus cur feras & saxa duxisse dicatur. Q. 1, 10, 62.

Ostenderat se pratori in hortis. i. e. in privato spectaculo operam suam prastiterat. Q. 3, 6, 160.

Ostentatio declamatoria. Q. 4, 3, 248.

Ovidium notatus. Q. 4, 1, 220.
ex tetraſticho Macri carmine librum in malos Poetas composuit. Q. 6, 3, 374.

Ovidii Medea. Q. 10, 1, 604.

de Ovidio judicium. Q. 10, 1, 602.

P.

Padagogi futuri oratoris quales esse debeant. Q. 1, 1, 8.

Παιδομαθῆς qui in sua quidq. arte optime faciunt. Q. 1, 12, 74.

Παλαῖσται. Q. 9, 4, 565.

Paleſtrici etiam illi dicuntur, a

quibus gestus motusque formantur. Q. 1, 11, 71.

Pamphilus, pictor. Q. 12, 10, 744.

Pancratiastēs, omnia certaminis genera doctus. Q. 2, 8, 101.

Panegyrici. Q. 3, 4, 152.
cultum admittunt & ostentant. Q. 2, 10, 104.

Panegyristarum cultus quam sollicitus. Eumen. in Paneg. X. Constantio d. 1. & sermo laboriosus.

Παραβολή. Q. 5, 11, 298.

Ciceroni, Collatio. Q. 5, 11, 302.

Παράδειγμα. Q. 5, 11, 298.

Παράδειγμα discendo, ὑπόμνημα scribendo aptius esse quidam tradiderunt. Q. 12, 10, 754.

Παραδιαβολή. Q. 9, 3, 546.

Παραδιήγησις. Q. 9, 2, 533.

Παράδοξον. Q. 9, 2, 516.

Παράδοξον causa genus. Q. 4, 1, 213.

Παραχόμενα. Q. 8, 6, 493.

Παραπνεύσιον. Q. 9, 2, 532.

Παραπνεύσιον causa qua Athenas distat. Q. 3, 6, 156.

Paraphrasis. Q. 10, 5, 624.

Paraphrasi audacius vertere, qua & brevare quaedam & exornare satvo poeta sensu permittitur. Q. 1, 9, 59. addit: quod opus etiam consummatis professoribus difficile.

Παρα-

Παρασιώπησις. Q. 9, 3, 553.
 Παράυξις. Q. 9, 2, 533.
 Παρέμβασις, Latinis, egressus vel
 egressio. Q. 4, 3, 247.
 Παρωδία. Lat. Interpositio L. In-
 terclusio. Q. 9, 3, 538.
 Parentes futuri oratoris quales esse
 debeant. Q. 1, 1, 7.
 contra Parentes qua moderatione
 causa discenda. Q. 11, 1, 651.
 Pares magis quam similes Livius
 & Sallustius. Q. 10, 1, 605.
 Πάριον. Q. 9, 3, 548.
 Παροιμία. Q. 8, 6, 498.
 Παρομολογία. Q. 9, 3, 553.
 Parrhasius, pictor. Q. 12, 10, 744.
 Παρήσις. Q. 9, 2, 516. 9, 3, 553.
 Partes orationis quot sint, parum
 convenit. Q. 1, 4, 26.
 Partitio non semper necessaria. Q.
 4, 5, 251.
 opportune adhibita orationi
 multum lucis & gratia confert.
 Q. 4, 5, 255.
 nimis concisa & scrupulosa vi-
 tanda. ibid.
 neque prudentia impedienda
 confusione partium, neque me-
 moria multitudine. Cic. de Ex-
 ord. Partit. 8.
 Partitiones. Ciceronis quasi indi-
 cia fontium Academicorum.

Cic. Partit. f.
 Partitiones & Collectiones Horten-
 sii. Cic. Brut. 88.
 Partitiones Rhetorum. παρεγχα-
 ρήσεις. Q. 1, 2, 16.
 Παρωδία. Q. 6, 3, 574.
 Παρωδή. Q. 9, 2, 518.
 Παρωνομασία. Q. 9, 3, 546.
 Πάθος, proprie affectus. Q. 6, 2, 349.
 Πάθος & ἥθος quomodo differant.
 Q. 6, 2, 349. & 351.
 Παθητικαὶ probationes. Q. 5, 12, 308.
 Παθητικὸν in oratione quid &
 quam vim habeat. Cic. Or. 37.
 Patronus non debet fallere vana spe
 litigantem. Q. 12, 7, 735.
 an debeat gratis agere semper.
 ibid.
 incredulus ad discendum est o-
 ptimus. Q. 12, 8, 738.
 pessime agit, qui displicente cau-
 sa placet. Q. 12, 9, 740.
 a convitiis abstinere debet. Q.
 12, 9, 741.
 Paupertas, humilitas, opes, ut
 cuiq; ingenio vis est, in diver-
 sum trahuntur. Q. 7, 2, 406.
 Pedum ratio multo in oratione
 quam in versu difficilior. Q. 9,
 4, 565.
 Pedum nomina. Q. 9, 4, 569.

INDEX

- Πρωτάσημον. Q. 9, 4, 564.
- Peregrinantes eruditionis & eloquentiæ causa.* Crescoll. th. rh. 3, 3.
- Pericles Anaxagora Physici auditor fuit.* Q. 12, 2, 724.
- non loqui sed fulgurare ac tonare dicebatur.* Q. 2, 16, 123.
- solis obscuracione territos Athenienses redditus causis metu liberavit.* Q. 1, 10, 69.
- Periclis scripta.* Q. 3, 1, 144.
- votum.* Q. 12, 9, 742.
- de Pericle dictum, in ejus labiis sedisse quandam persuadendi deam.* Q. 10, 1, 601.
- Περίεργία.* Q. 8, 3, 466.
- Περίεργον.* Q. 1, 6, 45.
- Περίοδος.* Q. 9, 4, 558.
- Periodus quid.* Q. 9, 4, 579.
- qua maxime plena.* Cic. Or. 66.
- Περίφρασις.* Q. 9, 1, 503. 9, 3, 553.
- quid sit, & quando ejus usus.* Q. 8, 6, 498.
- a quibusdam inter figuras refertur.* Q. 9, 1, 502.
- Περисσολογία.* Q. 4, 2, 229.
- est vitium orationis.* Q. 8, 6, 498.
- Περίφρασις.* Q. 3, 5, 156. 5, 10, 293.
- Permissio, figura.* Q. 9, 2, 516.
- Peroratio. vid. Epilogus.*
- Personarum mores intuen-
di, quis,
pro quo, & apud quem dicas.*
Q. 11, 1, 647.
- Perspicuitas prima virtus eloquentiæ.* Q. 2, 3, 84.
- ut efficiatur.* Cic. Partit. 6.
- quibus rebus teneatur impediturve.* Cic. 3. de O. 13.
- in verbis quomodo observanda.* Q. 8, 2, 454.
- Persuasio aliis quoque rebus quam oratione fit.* Q. 2, 15, 114.
- Petitio Hortali.* Tacit. 2. Ann. 37. & 38.
- Germanici ad amicos.* Tacit. 2. Ann. 71.
- Petitor, i. e. actor.* Q. 4, 2, 226. & 245. 7, 1, 387.
- Petoriturum, vox Gallica.* Q. 1, 5, 38.
- Φαντασία.* Q. 8, 3, 473.
- Φαντασίαι, rerum imagines.* Q. 10, 7, 634.
- ad movendos in nobismet ipsis affectus efficaces.* Q. 6, 2, 353. 10, 7, 634.
- Phidias, statuarius.* Q. 12, 10, 745.
- Philosophi vultu & habitu non moribus.* Q. 1. proæm. 4. & 12, 3, 729.
- & Philosophi quidam ornate loquuntur, & qui.* Cic. Or. 19.
- & qualis eorum eloquentia,
ferunt*

- sermo scil. potius quam oratio.*
ibid.
- Philosophi quorum in doctrina & preceptis differendi ratio coniungitur cum suavitate dicendi & copia. Tales Peripatetici & Academici. Cic. Brut. 31.*
- ex Philosophorum lectione quatenus proficiat orator. Q. 10, 1, 592.*
- Philosophorum qua secta oratori utilissima. Q. 12, 2, 725.*
- Philosophorum preceptis etiam cavere orator potest, absurdeque ea interdum adhibentur. Cic. 1. de O. 51. & 52.*
- Philosophantibus etiam in Logicis Latinitatis habendam rationem, patet ex Cic. Top. 7.*
- Philosophia non separanda ab oratore, cuius propria est possessio. Q. 1. proem. p. 3.*
- necessaria oratori. Q. 12, 2, 721.*
- Cic. Or. 32. & 33. moralis praeceptae. Cic. 1. de O. 15. f.*
- Philosophia simulari potest, eloquentia non potest. Q. 12, 3, 729.*
- Philosophia argutationes abhorrens ab usu oratorio. Cic. de Invent. 1, 41. f.*
- Phonascus. Q. 2, 8, 101. 11, 3, 673.*
- Φράσις, qua Latinis, elocutio. Q. 8, 1, 449.*
- Phrygium canere. Q. 1, 10, 66.*
- Phryne non Hyperidia actione, sed aspectu corporis speciosissimi, in iudicio liberata. Q. 2, 15, 114.*
- Physica oratori non negligenda. Q. 12, 2, 724.*
- Pictores clari qui fuerint. Q. 12, 10, 744.*
- Pictura circa Philippum (Macedonem) & usque ad successores Alexandri praecipue floruit. Q. 12, 10, 744.*
- Pilarii in scenis. Q. 10, 7, 635.*
- Pindarus novem Lyricorum princeps. Q. 10, 1, 596.*
- Pinguetudo literarum. Q. 1, 11, 70.*
- Πίστις, i. e. probationes. Q. 5, 10, 275.*
- Pisuitam trochleis ex imo pulmone adducere. Q. 11, 3, 680.*
- Πατριάρχης. Q. 1, 5, 34.*
- Plato Demosthenis Praeceptor. Q. 12, 10, 748.*
- in Socratis persona videtur significare quid sentiat. Q. 2, 15, 117.*
- Aegypti Sacerdotum arcana perdidit. Q. 1, 12, 75.*

de Pla-

de Platonis stilo iudicium. Q. 10,
1, 600.

de Plauto iudicium. Q. 10, 1, 604,
Πλεονασμός. Q. 1, 5, 36. 8, 3, 465.

Πλοκή. Q. 9, 3, 541.

Plotius de gestibus scripsit. Q. 11,
3, 698.

Ploxenum. Q. 1, 5, 30.

*Plura eodem tempore possunt do-
ceri discique.* Q. 1, 12, 72.

*Poema imperito quodam initio su-
sum, & aurium mensura, &
similiter decurrentium spatio-
rum observatione generatum.*
Q. 9, 4, 576.

*Poescos studium ostentationi com-
paratum.* Q. 10, 1, 590.

*Poeta & oratoris cognatio & diffe-
rentia.* Cic. 1. d. O. 16.

Poetarum cognitio gratior pueris.
Q. 1, 1, 13.

*Poetarum lectio inter oratoris re-
quisita, apparet ex Cic. Brut.*
59. *quantum conferat oratori.*
Q. 10, 1, 590.

*Poetarum oratio quid ab oratorum
differat.* Cic. Or. 20.

*Poetarum exemplis fictis quomodo
uti possit orator.* Q. 5, 11, 301. 12,
4, 729.

*Poetarum versus frequenter infer-
ri orationibus a summis orato-*

ribus. Q. 1, 8, 57.

*Poetis metro servire coactis qua
contra legem loquendi sunt posi-
ta ignoscuntur.* Q. 1, 8, 57.

*Poetas inter leviores artes nomi-
nat Cic. Brut. 1.*

Ποιητική quæ ars. Q. 2, 18, 133.

Ποιότης & ποσότης Græcè, *status
qualitatis & quantitatis.* Q.
7, 4, 422.

Politicus dicendi character. Cre-
soll. th. rh. p. 22.

Πολιτικός magis quam Rhetor di-
cendus L. Torquatus, & cur.
Cic. Brut. 76.

Politici viri eloquentia. Q. 11, 1,
646.

ἐπολιτεύσατο ἐπιφανῶς καὶ λέγων
καὶ πράττων Lycurgus. Plutarch.
7. Vit. p. 841.

κατὰ τὰς πολιτικὰς λέγας ἔδειξεν
χαίρων Demochares. Plutarch. 8.
Vit. 1. 2. p. 847.

Polycletus, statuarium. Q. 12, 10, 745.

*Polycrates Busiridem & Clitemne-
stram laudavit, & contra So-
cratem orationem habuit.* Q. 2,
17, 124. 3, 1, 144.

Πολυγαττίας exempla. Q. 11, 2,
669.

Polygnotus, antiquus pictor. Q. 12,
10, 744.

Πολύπ-

Πολύπλοτον. Q. 9, 3, 541.

Πολυσύνδετον, Q. 9, 3, 544.

Pondere cum aliquo dicenda sunt,
& aptis excitanda sententiis,
& figuris utique varianda. Q.
6, 1, 336.

Possibile, dura sed sola appella-
tio τῷ δουατῇ. Q. 3, 8, 187.

Posterorum quidam justiora quam
sua ætatis judicia sunt conse-
quenti. Q. 3, 7, 180.

Præcepta atque artes nihil valent
nisi adjuvante natura. Q. 1. pro-
am. 6.

in omnibus fere minus valent
quam experimenta. Q. 2, 5, 95.
post eloquentiam invenia. Q. 5,
10, 296.

commonesciunt tantum, &
sunt γράμματα ὑπομνηματικά.
Cic. 1. d. O. 32. & 2. de O. 57.
nequaquam sufficiunt aut ab-
solvunt eloquentiam. Q. 5, 10,
297. add. 2, 13, 109.

a securis otiosisque, quique ipsi
non dicunt, composita, necessi-
tate ipsa turbantur. Q. 5, 13,
323.

non semper scrutanda, aut ostia-
sim pulsanda. Q. 5, 10, 297.
natura subvenire debent. Q. 2,
11, 105. & 2, 13, 109.

qua partibus orationis accom-
modantur ad universam perti-
nent. Cic. 2. de O. 19.

Præcepta ornanda orationis a vi-
tiosissimo oratore possunt tradi.
Cic. 3. de O. 26.

Præcepta nimia & tenuia conci-
dunt ingenia & comminuant.
Non obstant tamen hæ discipli-
na per illas euntibus, sed circa
illas hærentibus. Q. 1, 7, 54.

Præcepta καθολικά. Q. 2, 13, 111.

Præcepta de causa cognoscenda.
Cic. 2. de O. 24. imitatione de-
monstranda potius, quam pra-
cipienda. Cic. 2. d. O. 50.

Præcepta sæpe vulgaria, usus gra-
vissimus difficillimusque. Cic. 3.
de O. 55.

Præcepta sterilia & nuda nequa-
quam tradidit Quintilianus,
sed verborum ornatu, velut ossa
carne, operuit. Galland. in præ-
fat. Quintil.

Præcepta aliter institui dividique
ab aliis nihil interest. Cic. 3. d.
O. 30.

Præcepta plerique ut quasdam
quasi leges immutabili necessi-
tate constrictas scripsere. Q.
2, 13, 108. male. quod ostendit
ibid. iis non insistendum. ibid.

LIIII

Cavitz

- Cavillationibus omissis qua nihil ad instituendum oratorem pertinent, necessarios tropos tradam.* Q. 8. 6. 478. & ibid. *qua singula persequi minutioris est cura etiam non oratorem instituentibus.*
- nulla Præcepta ponemus, sed excellentis eloquentia speciem & formam adumbrabimus.* Cic. Or. 14.
- ad Præcepta non omnia revocanda qua loquimur.* Cic. 2. d. O. 11.
- Præceptorum plana & expedita via incipientibus monstranda, & quid intricata noceat.* Q. 8. proem. p. 442.
- Præceptorum qua utilitas.* Cic. Brut. 76. & 78.
- Præceptorum imperfectio, & quantum aliunde petendum sit.* Q. 7. 10. 439.
- Præceptorum dispositio.* Cic. 3. de O. 28. f.
- Præceptorum superstitione contra rationem causa trahi, amentis est.* Q. 4. 2. 237.
- Præceptorum pleraque utilitas vertit.* Q. 7. 2. 408.
- Præceptorum alia, alia periculorum conditio, ut & fori & auditorii.* Q. 10. 1. 592.
- in Præceptorum minutas particular ratio docendi non concedenda.* Q. 3. 11. 202.
- Præceptis insistere quam inutile saepe, exemplo definitionis ostenditur.* Cic. 2. de O. 25. & 27.
- Præceptis lectionem ipsarum orationum & historiarum præferri.* Q. 3. 8. 195.
- Præceptis suis admiscet aliquid vitioris, ne jejuna atque arida traditio avertat animos.* Quintil. 3. 1. 142.
- Præceptis quibus usus Crassus.* Cic. 3. de O. 20. add. 22. pr.
- Præceptis non comparatur eloquentia.* Cic. 1. de O. 5. f. & 12. m.
- Præceptis multa non traduntur, sed exercitationi & similitudini relinquuntur.* Cic. 2. de O. 17.
- Præceptis tradi multa non possunt in eloquentia.* Cic. 1. de O. 29. *sed observatione constant.* Q. 9. 4. 576. *quomodo invenimus illas occultiores quaestiones? scilicet quo modo sententias, verba, figuras, colores, ingenio, cura, exercitatione: non tamen fere unquam nisi imprudentem fugerint, si, ut dixi, naturam sequi ducem velis.* Q. 7. 1. 394. add. proem. lib. 8. p. 444.

Præce-

Præceptis comprehendere nequit id quod in eloquentia paginam utramque facit, consilium. Q. 6, 5, 383. *ut & dispositio.* Q. 7. *proem.* 386.

Præceptis non potest tradi, quid nimum. Q. 11, 1, 658.

quod Præceptis demonstrari posse non arbitror, pauca exempli gratia ponam, quibus manifestetur. Q. 6, 5, 383.

quod Præceptis partim, partim ratione usurpatum cognoveram. Q. 7, 1, 387.

ut peregeris sacra tradentium artes, consilio tamen locus semper superest. Q. 5, 14, 329.

Præceptis qui omnia comprehendere student, duo pariter subeunt incommoda, ut & nimium dicant, nec tamen totum. Q. 5, 10, 293.

qui Præceptis omnia volunt includere, ad eos accommodari possit, quod de facetiis Cicero disserit. 2. de O. 54.

absque Præceptis ex re ipsa sæpe disertissima tractatio instituitur. vid. Cic. 2. d. O. 48. add. 54.

in Præceptis multarum rerum numerus augetur a quibusdam, cum maxime necessaria attin-

genda essent. Q. 8, 3, 467.

in Præceptis non juvat omnia in minutissimas partes secare. exemplo similitudinum ostenditur. Q. 5, 11, 304.

in Præceptis scribendis qua ambitio scriptorum. Q. 2, 15, 120.

Præceptor unus an multitudini discipulorum in Schola publica sufficiat. Q. 1, 2, 16.

Præceptor qualis eligendus puero. Q. 1, 1, 8. & 2, 3, 82.

Præceptor non officium in docendo spectet sed affectum. Q. 1, 2, 17.

Præceptoris officia & mores. Q. 2, 2, 80.

Præjudicia trium generum. Q. 5, 2, 259.

quomodo confirmantur & refellantur. *ibid.*

Præpilatae hasta. Q. 5, 12, 310.

Præsumptio figura, quatuorplex. Q. 9, 2, 514.

Prætor certa lege sortitur. Q. 3, 10, 198.

Prætorum curiosa consilia. Q. 7, 5, 428.

Πραγματικὴ ἑστὶν ἡ ἐκ τῶν πραγμάτων ἐκείνων ἡ ἐκ τῶν ἀπολογισμῶν. Q. 3, 6, 164.

Pragmatici qui. Q. 12, 3, 727.

Πραγματικοὶ Ἕλληνες ὀνομαζομένης τῆς ἑλληνικῆς ἑρμηνείας. Q. 3, 6, 168.

LIII 2

Πραξι.

προκλήν *ars qua.* Q. 2, 18, 133.

Praxiteles *statuarius.* Q. 12, 10, 745.

Preculam pro, pergulam, Q. 1, 5, 31.

Princeps qui vult omnia scire, habet multa ignoscere. Q. 8, 5, 480.

Principium vel Exordium Latinis dictum quod Græcis προόμιον. Q. 4, 1, 205.

Principiis nihil ad historiam pertinentibus orsus Sallustius Catilinæ & Jugurth. Q. 3, 8, 184. in Principiis Crassus semper accuratus. Cic. Brut. 43. pr.

Principia confirmandi refellendique non operosa dialecticorum ambage tradi suaserim, sed breviter & ad usum, ut Cic. 2. de O. 53.

Probabilis oratio qua. Q. 8, 3, 463.

Probabilitas ut efficiatur. Cic. Partit. 6.

Probationes inartificiales & artificiales. Q. 5, 1, 258.

Probationum artificialium consideratio. Q. 5, 8, 269.

προέκθεσις. Q. 9, 2, 533.

προεπιπλήσσειν τῇ ὑπερβολῇ. Q. 8, 3, 462.

Progymnasmata ætatis nondum rhetoricam capientis. Q. 1, 9, 59.

Proletarius, verbum obscurius & ignotius. Q. 7, 3, 414.

Πρόληψις, figura. Q. 4, 1, 215. 9, 2, 584. 9, 3, 553.

Pronunciatio Latina qualis esse debeat. Cic. 3. de O. 11, & 12. facilius a mulieribus retinetur. Cic. 3. de O. 12. apta qua sit. Q. 11, 3, 681.

Pronunciationis & actionis appellatione indifferenter uti licet. Q. 11, 3, 669.

de Pronunciatione & actione præcepta. Q. 1, 11, 70. 11, 3, 669.

in Pronunciatione qua observanda. Q. 11, 3, 675.

Pronunciare apta & finita. Cic. Or. 51.

προόμιον Græcis majore ratione appellatur, quod Latinis principium vel exordium. Q. 4, 11, 205.

Proæmio an opus habeant suasorie. Q. 3, 8, 184.

in Proæmio qua compositione utendum. Q. 9, 4, 581.

in Proæmio qua pronunciatio & gestus quis conveniat. Q. 11, 3, 701.

vid. Exordium.

Propositio quando sit necessaria. Q. 4, 4, 249.

Propria

Propria verba quæ. Q. 1, 5, 41. 8, 2, 450.

Proprietas in verbis quatenus observanda. Q. 8, 2, 449.

Prosapia, vox obsoleta. Q. 1, 6, 49.

Προσωδίας Græci accentus vocant. Q. 1, 5, 33.

Προσομιλιτικὴ oratio. Q. 3, 4, 152.

Prosopopœia, figura. Q. 9, 2, 517.

Prosopopœia utilissimum exercitationis genus. Q. 3, 8, 191.

Prosopopœia difficillima in suaseriis. Q. 3, 8, 191.

Protogenes, pictor. Q. 12, 10, 744.

Προτρεπτικὴ εἰσὸς quæ Athenæo dicta. Q. 3, 6, 166.

Ψευδογραφίας. Q. 1, 10, 67.

Publipores. Q. 1, 4, 28.

Puer quando rhetori tradendus. Q. 2, 1, 78.

Pueri inter quos educatur futurus orator, quales esse debeant. Q. 1, 1, 8.

Pueri in tenera ætate non acerbè, sed quasi per lusu[m] docendi. Q. 1, 1, 10.

in docendo diversimodè tractandi. Q. 1, 3, 20.

an pluribus simul discendis & merandi. Q. 1, 12, 72.

minus fatigantur quam ulla alia ætas. Q. 1, 12, 74.

Puerorum ingenia nimia emendationis severitate deficiunt. Q. 2, 4, 86.

Pueros adolecentibus sedere permixtos in scholis, non placet. Q. 2, 2, 82.

Pullata turba. Q. 6, 4, 379.

Pullatus circulus. Q. 2, 12, 108.

Punitus est inimicos, pro, punit. Q. 9, 3, 534.

Pythagoras mundum harmonia compositum dixit. Q. 1, 10, 62.

juvenes vim pudica domui allaturos tibia in spondeum flexo cantu composuit. Q. 1, 10, 66.

non Sapientem se, sed studiosum sapientia vocari voluit. Q. 12, 1, 713.

Pythagoreorum mos ad animos vel excitandos vel componendos tyra ntendi. Q. 9, 4, 556.

Q.

Q. literæ ratio. Q. 1, 4, 24.

Quæstio quid dicatur. Q. 3, 11, 199.

Quæstionem illam Græci primam solent tractare, quam Romana aures non ferunt, an vir fortis abdicari possit. Senec. Contrav. 8.

LIII 3

Quæstio

Quaestiones in una Controversia plures. Q. 3, 6, 158.

*Quaestiones tres in omni disputati-
one, an sit, quid sit, quale sit.*
Q. 3, 6, 172.

Quaestionum differentia. Q. 3, 5,
194.

Quaestionum divisio. Q. 7, 2, 399.

Qualitatis status quomodo tractetur. Q. 7, 4, 419.

*Quintilianus latinus opus aggreg-
sus multa subtilius inserit.* Q.
6, 5, 678.

*profiteretur, multa praeceptis tra-
di non posse, consiliumque a se
ipso petere actorem jubet: qua-
dam tantum demonstrari posse.*
vid. proem. lib. 7. & fin. lib. 6.
*dum penetralia affectuum re-
cludit, ait, se non aliquo tra-
dente, sed experimento suo ac
natura ipsa duce ea accepisse.*
6, 2, 353.

adulatur Domitiano. 10, 1,
602. & 4. proem. p. 204.

*viginti annos erudiendis juve-
nibus impenderat. Ipse in pro-
em. p. 1.*

*Quintilianus liber de causis corru-
ptae eloquentiae.* Q. 6. proem. 333.
& 8, 6, 501.

*Quintilianus prima quam edidit
oratio.* Q. 7, 2, 404.

*Quintilianus Institutiones Rhetori-
cis Ciceronis libris pleniores u-
berioresque existimant Patin-
nus & Gallandius.* add. Q. 3,
1, 146.

R.

R. & S. permutantur. Q. 4, 25.
Radere aures delicatas. Q. 3, 1,
143.

de Ratiocinatione. Q. 7, 8, 433.

Rationalis status, quid. Q. 3, 6,
173.

de Recitatione. Lipsius *Cens. 2. ad
Belg. Ep.* 48.

*Recta voluntati nullum tempus est
serum.* Q. 12, 1, 716.

*Refert plurimum, pro interest,
s. magna est differentia.* Q. 5,
11, 306.

Refutatio quomodo tractanda. Q.
5, 13, 311.

*Reipublica laesa actio difficillima,
& plurimis cavillationibus ob-
noxia.* Q. 7, 4, 426.

Remissio danda est discipulis. Q.
1, 3, 21.

*Renuntiare sibi, i. e. ad animum
revocare.* Q. 12, 11, 761.

Rcor.

REKUM ET VERBORUM

Reor, *verbum horridum*. Q. 8, 3, 460.

Repositi cibi. Q. 2, 4, 90.

Reprehensio modesta Celsi. Q. 9, 1, 505.

Rerum publicarum species tres accepimus, qua populi, qua paucorum, qua unius potestate regerentur. Q. 5, 10, 286.

Responsi ubi magna invidia subeunda, mitiganda sunt prius aures. Q. 12, 1, 713.

Reticentia, Gr. ἀποσιώπησις. Q. 9, 2, 522.

Rheda, vox Gallica. Q. 1, 5, 38.

Rhetor cui traditur docendus puer qualis esse debeat. Q. 2, 2, 80. dicere ac facere doceat. Q. 2, 3, 84.

Rhetori prius mediocri tradendos pueros quam excellentissimo, falso sibi persuadent quidam. Q. 2, 3, 82.

Rhetores male doctrina usi & carenti. Cic. 3. d. O. 24.

Rhetores quam ridiculi. Cic. 3. de O. 20.

Rhetores Rhodi studiose auditit Tiberius. Q. 3, 1, 145.

Rhetorum Graecorum Latinorumque enumeratio. Q. 2, 1, 143.

Rhetorum omnium exagitator

Plato. Cic. Or. 13.

Rhetorum jejunitas banarum artium in scribendo. Cic. 2. de O. 3.

Rhetorum partitiones & declamationes. Q. 1, 2, 16.

Rhetorum libras ad plenam imberat Augustinus, Platonica Philosophia ideo delectatus, quia rhetorica quadam suavitaguetia ornata esset. Erasmi. in praef. August.

Rhetorum schola eadem nobis Ecclesia doctorem dedit &c. Erasmi. de Cypriano in praefat. ad ejus op.

in Rhetorum commentariis vetat consenescere juventutem Quintil. 3, 8, 195.

non ex Rhetorum officinis, sed Academia spatius orator Cic. Or. 3.

Rhetorice vertitur oratoria & oratrix, non satis feliciter. Q. 2, 14, 112.

an sit utilis. Q. 2, 16, 120.

an sit ars. Q. 2, 17, 123. Cic. 1. de O. 22. & seqq.

scientia civilis pars, secundum Ciceronem. Q. 2, 15, 119.

an ex mediis artibus, an virtus. Q. 2, 20, 134.

propositum non habet semper vera dicendi, sed semper verisimilia.

I N D E X

- similia.* Q. 2, 17, 132.
ars circumcurrrens, quod in o-
mini materia diceret. Q. 2, 21.
 138.
Rhetorice & dialectice specie ma-
gis quam genere differunt. Q.
 2, 17, 132.
Rhetorices divisio. Q. 2, 14, 112.
definitio. Q. 2, 15, 113. *finis.*
ibid.
origo qua. Q. 3, 2, 146.
partes quinque. *ibid.*
materia. Q. 2, 21, 137.
finis non est in eventu positus.
 Q. 2, 17, 129.
scriptores. Q. 3, 1, 143.
scriptores diligentissimi ab elo-
quentia abfuere. Q. 8. *proem.*
 442.
Rhetoricen explicita, dialecticen
compressa in pugnum manusi si-
milem esse dicebat Zenon. Q. 2,
 20, 136.
Rhetorici libelli. Cic. 3. de O. 31.
Rhetoricos libros agrestes putat
Cic. frater Cic. 2. de O. 3. pr.
de Rhythmo. Q. 9, 4, 563. Cic. Or.
 20.
Rhodium genus orationis. Q. 12,
 10, 147.
Risus quomodo moveatur. Q. 6,
 3, 356.
ex quibus locis moveri possit. Q.
 6, 3, 362.
P. Rutilius revocante eum P. Sylla
manere in exilio maluit. Q. 11,
 1, 641.

S.

S. litera post vocales longas gemi-
nabatur Ciceronis temporibus.
 Q. 1, 7, 53.
S. & R. permutantur. Q. 1, 4, 25.
Saliorum carmina vix Sacerdoti-
bus suis satis intellecta. Q. 1, 6,
 49.
Sallustius plurimas ex Græco for-
mulas transtulit. Q. 9, 3, 536.
cum cura scriptus & labore. Q.
 10, 3, 617.
ob verba vetusta notatur. Q.
 8, 3, 460.
Thucydidi comparatur. Q. 10,
 1, 604.
Sallustii brevisas qualis. Q. 10, 1,
 591.
ad Sallustium intelligendum jam
profectu opus. Q. 2, 5, 96.
Salsum quid. Q. 6, 3, 358.
Sapientes atque eloquentes iidem
habiti. Q. 1. *proem.* 3.
Σαφεινός. Q. 8, 6, 498.

Sata-

Satagere, dictum per se urbanum.

Q. 6, 3, 366.

Satisfactum volo omnibus. i. e.

penitus persuasum ac certum.

Q. 3, 6, 170.

Scabellum fit a scamno. Q. 1, 4, 25.

Scelera non habent consilium. vulgare dictum. Q. 7, 2, 409.

Σχήμα. Q. 2, 11, 105.

Σχήματα Græcis vocantur figura.

Q. 9, 1, 502.

Σχήματα διαλόγας, figura mentis.

Q. 6, 3, 369.

Schemata per quæ res aspera mollius significantur. Q. 9, 2, 530.

vid. Figura.

Schematismus. Q. 1, 8, 57.

Schematismus & figurata controversia. Q. 9, 2, 525.

Schola publica cur commendanda.

Q. 1, 2, 17.

Scholarum consuetudo in forum iturris quomodo noceat. Q. 7, 2, 411.

Scholarum consuetudo facit, ut nihil putent in foro mutandum.

Q. 4, 2, 226.

in Scholis an domi utilius erudiantur pueri. Q. 1, 2, 14.

in Scholis mores puerorum corrumpi opinantur. ibid.

in Scholis male fit, quod non spectatur utilitas. Q. 5, 12, 310.

Scholastice tractata controversia

confertur cum forensi & ætiosa, illiusq. pompa & affectatio. huius robur ostenditur a Quint. 7, 1, 394.

inter Scholasticos sanus, inter sanos Scholasticus dicitur sparsus. Senec. Contr. 7. alii legunt, insanus.

Scipio Africanus patria cedere maluit, quam cum Tribuno plebis humillimo de innocentia sua contendere. Q. 11, 1, 641.

Scribere quomodo docendi pueri.

Q. 1, 1, 11.

Scribere an debeat quæ dicturus est orator. Q. 12, 9, 742.

Scribendi exercitium commendatur. Q. 10, 3, 616.

Scribendi morositas. Q. 10, 3, 618.

Scribendi cura bene ac velociter non est aliena res, quæ fere ab honestis negligi solet. Q. 1, 1, 12. vid. causas ibid.

Scribendi ac dicendi aliam esse rationem, non verum. Q. 12, 10, 753. quæ Scribenda sint. Q. 10, 5, 624.

cito Scribendo non fit ut bene scribatur, bene scribendo fit ut cito. Q. 10, 3, 617.

a Scribendo quæ homines distingere soleant causa Cic. Brut. 24.

Scribendū quidque quomodo sonat, nisi consuetudo obstat. Q. 1, 7, 54.

Scribentibus secessus ac silentium

Mmmmm maxime

I N D E X

- maxime convenit.* Q. 10, 3, 620.
valetudo non negligenda. Q. 10, 3, 621.
Scriptiois tardissima exempla. Q. 10, 4, 623. add. argument. Pannegyr. Isocratis a Wolffio scriptū.
Scripta quorundam aspicienda tamē. Cic. Brut. 61. de Curion. orat.
Scripta etiam non bona a firmatis jam legi cum fructu possunt. Q. 2, 5, 96.
Scripti & voluntatis quaestio. Q. 7, 6, 429.
in Scriptis legendis qua via tenenda. Q. 1, 8, 57.
Scriptores multa facilia opinionum pervicacia involvere. Q. 8. proæm. 443.
Scriptorum dissensio & ambitio. Q. 3, 1, 143.
de Scriptoribus Rhetoricis. ibid.
Seçta Philosophorum an una præ reliquis conferre eloquentia possit. Q. 12, 2, 725.
Seçta nulli addictus in rhetoricis Quintilianus. 3, 1, 146.
Secunda assertio. Q. 11, 1, 655.
Secus uterque. Q. 1, 4, 27.
Sensiculi minuti corruptique, & extra rem positi. Q. 8, 5, 483.
& pag. seq. Adhuc plerique minime etiam inventiunculis
gaudent; qua excussa risum habent, inventa facie ingenii blandiuntur.
Sensum bene dictum, dici tamen posse melius, monstrat Senec. Suasor. 2.
Sensum hunc a Latrone fortius dictum, a Lesbocle temerius. vid. quomodo. Senec. Controv. 8.
Sententia quid sit. Q. 8, 5, 480.
Sententia dubia inter admirantes & decedentes: Panem canidas, patri non das. Senec. Controv. 7.
Sententia qua non in declamatione tantum possit placere, sed etiam in solidiore aliquo scripti genere: μή γὰρ ἐστὶ πρὸς τύχην ἀσφάλεια τὰ μὴ τισὶν ἀπὸ πειράσαι. Senec. Controv. 8.
Sententia disertissima, qua vel in oratione vel in historia ponitur: diutius illi perire possunt, quam nos vincere. Senec. Suasor. 5. f.
Sententia verbis consumitur. Senec. lib. 1. Controv. 1. f.
Sententia stulta decentissimi generis. Senec. Suasor. 2.
Sententia genus venustum. Senec. Suasor. 5.
Sententia senatoria quod orationis genus conveniat. Cic. Brut. 22.

Sententia

RERUM ET VERBORUM.

*Sententiam cacozelia genere hamillimo & sordidissimo dixit, quod adjectione aut detractio-
ne syllaba facis. sensum: Peribis
quod Cicero scripsit, manebit-
que quod Antoninus proscripsit.
Senec. Suasor. 7. vel 8. vid. not.
Schotzi.*

*Sententiam adjectione supervacua
atque tumida perdere solitum
Glyconem, asserit Senec. Sua-
sor. 1. f.*

*Sententia oculi eloquentia. Q. 8,
5. 486.*

*Sententia docendi acuta, delectan-
di, quasi arguta, commovendi
graves. Cic. de opt. gen. Or. 2.*

*Sententia concinna acutaque. Cic.
Brut. 78.
recondita exquisitaque. 79. Sen-
tentiarum ornata concinnitas.
95.*

*Sententiarum genera plura. Q. 8,
5. 481.*

utilitas. Q. 12, 10. 753.

*ineptia & incontinuitas. Sac-
ron. August. 86.*

*Sententias solam omnium operum
virtutem putaverunt quidam.
Q. 1, 8. 58.*

*Sententias dulces solebat dicere
Surdinus, frequentius tamen*

*pradulces & infractas. Senec.
Suasor. ult. f.*

*Sententias concinnas magis requi-
rant quam probabiles, Saphista.
Cic. Or. 19.*

*in Sententiis quid observandum.
Q. 8, 5. 481.*

*Sergius Galba miseratione elapsus
iudicio. Q. 2, 15, 114.*

*Sermo nullus negligens sit. Q. 10,
7. 636. ex Cic.*

*Sermone attendum ut nummo, cui
publica forma est. Q. 1, 6. 42.*

Sermocinatio. Q. 9, 2. 517.

*Sestius scripsit contra Ciceronis o-
rationem pro Milone. Q. 10, 5,
628.*

Si pro an. Q. 7, 2. 400.

*Sicarii vocantur omnes qui eadem
relo quocunque commiserint.
Q. 10, 1. 587.*

*Signa an sint argumenta. Q. 3, 9,
271.*

*alia necessaria, alia non neces-
saria. ibid.*

Signa, signa non necessaria. ibid.

*Similitudo confederatio. Q. 5, 11. 302.
ex similibus ducta argumenta quo-
modo eludenda. Q. 5, 13. 306.*

*Similitudinum usus. Q. 5, 11. 302.
Species duae. Q. 8, 3. 469.*

Mmmmm 2

in Si-

in Similitudinibus quid observandum. Q. 8, 3, 470.

de Simonide fabula, ut Castoris & Pollucis beneficio sit servatus.

II, 2, 661. & Phaedrus, qui carmine eam scripsit. Fab. 81.

Socrates dictus εἰπω. Q. 9, 2, 520.

Lyssa defensionem cur noluerit accipere. Q. 2, 15, 118, II, 1, 641.

Socratici in disputationibus sibi ipsis responsa fingunt. Q. 12, 1, 712.

Solis pulvinar juxta adem Quirini. Q. 1, 7, 52.

Solitaurilia, unde compositum. Q. 1, 5, 40.

Soloecismus an in uno verbo fieri possit. Q. 1, 5, 35.

quot modis fiat. *ibid.*

in oratione quid sit. Q. 1, 5, 38.

Σολοικίζων τῇ χυρί. Philostratus.

de Sono in oratione juvando. Cic.

Or. 49. & seq. ne curta, ne redundantia sentiant aures. *vid.*

plura c. 51. f. & 58. & 69.

Sophistarum ab oratoribus differentia. Cic. Or. 19.

Sophistarum eloquentia talis, qualem describit. Q. 12, 10, 758.

de Sophistis *vid.* Cresoll. th. rh.

Sophronis mimographi libros Plato cum moreretur, suppositos capiti habuit. Q. 1, 10, 63.

Sotadei versus. Q. 1, 8, 56.

Statuarii veteres enumerantur. Q. 12, 10, 745.

Status, Græcis στάσις, quid. Q. 3, 6, 157.

non ad judiciales tantum materias pertinet. *ibid.*

quot & qui sint, prolixè ex multorum sententia disputatur.

Q. 3, 6, 163.

generales quatuor. Q. 3, 6, 173.
in genere judiciali qui sint. Q. 3, 10, 198.

Satum an semper is faciat qui respondet. Q. 3, 6, 159.

Status quo sit utendum aliquando dubitari potest. Q. 3, 6, 174.

Satuum cognatio & diversitas. Q. 7, 10, 438.

Stilites. Q. 1, 4, 25.

Stilicum *ibid.*

Stoici melius disputant quam decent. Cic. Brut. 31.

Stoicorum oratio exilis, nec populari assensionem accommodata. Cic. Brut. 30.

Στοιχῆα, elementa. Q. 3, 3, 149.

Stratocles actor comædiarum. Q. 11, 3, 705.

Studere domi an in scola sub publicis præceptoribus utilem. Q. 1, 2, 24.

Stadia

- Studia nullo magis quam spe gaudent.* Q. 2, 4, 87.
- Studia præstant, ut quantum ad cognitionem pertinet rerum, etiam præteritis seculis vixisse videamur.* Q. 12, 4, 730.
- Studia nostra morari quid soleat.* Q. 12, 11, 762.
- Stylus optimus effector ac magister dicendi.* Q. 10, 3, 616.
- Styli puerilis luxuria melior quam ariditas.* Q. 2, 4, 85.
- Suadentis persona quæ sit multum refert.* Q. 3, 8, 191.
- Suasione loci.* Q. 3, 8, 187.
- Suasoria f. Deliberativa orationes an proæmio egeant.* Q. 3, 8, 184.
- an narratione opus habeant,* Q. 3, 8, 185.
- affectus maxime postulant.* ibid.
- Suasoriarum dicendi cultum diversum a judicialibus esse, error declamatorum.* Q. 3, 8, 193.
- Suasoriarum nimius cultus & fracta compositio poterit vos offendere. cum ad meam ætatem veneritis. Interim nō dubito, quin nunc vos ipsa quæ offensura sunt, vitia delectent.* Senec. *Suasor. 2. f.*
- in Suasoriis tria spectanda, & quæ.* Q. 3, 8, 185.
- Suavis oratio ut fiat.* Cic. *Partit. 6.*
- Subiectio sub oculos.* Q. 9, 2, 519.
- Subliciva temporum.* Q. 1, 12, 75.
- Subtilitas orationis inimitabilis illa quidem videtur esse, sed nihil est experiens minus.* Cic. *Or. 23.*
- Subtilitas robur omne natura & virtutem artium debilitare concidendo solet.* Galland. in *præf. Quintil.*
- Subtilitatis maximum vitium, nimis se ostendere.* Senec. *præfat. lib. 1. Controv. ubi dicit: Utilissima est dissimulata subtilitas, quæ effectum apparet, habitum (ambitu) latet.*
- Sulpitius Gallus in exercitu L. Pauli de Luna defectione disservit.* Q. 1, 10, 69.
- Summa affectantem pulchrum est in secundis tertiisque consistere.* Q. 12, 11, 765.
- Superfluunt aures quæ dicuntur.* Q. 2, 5, 95.
- Superlata verba.* Cic. *Partit. 6.*
- Suppeditare pro suppetere.* Q. 1, 1, 12. 1, 12, 75.
- Syllabarum in numero pro materia diversitas.* Q. 9, 4, 581.
- Συλλογισμός.* Q. 7, 3, 414. 9, 2, 532.

Mmmmm 3

Syllo-

INDEX

Syllogismus, status ratiocinativus.

Q. 3, 6, 165.

Syllogismus quid, & quomodo tractandus. *Q.* 7, 8, 433.

Stylus oratorum quid, aliter ap. Cic. in Orat. 3. m. aliter ap. Q. 10, 3, 619.

Σύμβολον. *Q.* 1, 6, 46.

Συνάφαις. *Q.* 1, 5, 32.

Συναφροισμός. *Q.* 8, 4, 479.

Συναλοκή. *Q.* 1, 5, 32, 9, 4, 561.

Σύνδεσμος, Gr. Conjunctio, pars orationis. *Q.* 1, 4, 26.

Synecdoche. *Q.* 8, 6, 490.
inter figuras. *Q.* 9, 3, 545.

Συνεζωγμένον quae figura dicatur. *Ibid.*

Συνουσίαις. *Q.* 9, 3, 546.

Synonyma ediscendi ridicula ratio. *Q.* 10, 1, 586.

Συνωνυμία. *Q.* 8, 3, 458.

Συντελική εἰσὶς quae Athenaeo dicta. *Q.* 3, 6, 166.

Σύντομος oratio quid Gracis. *Q.* 4, 2, 229.

T.

ex Tabulis argumenta quomodo tractanda. *Q.* 5, 5, 261.

Ταπεινωσις. *Q.* 8, 3, 464.

Tarentini juvenes de Pyrrho inter

pocula securius locuti joco evadunt. *Q.* 6, 3, 357.

Ταυτολογία. *Q.* 4, 2, 229, 8, 3, 465.

Technicorum decreta. *Q.* 2, 13, 111.

Τεκμήρια, signa necessaria. *Q.* 5, 9, 271.

Temperantia quae in regendis animi motibus versatur. *Cic. Parit. 22.*

Temporis quod studiis debebatur dispendium unde. *Q.* 12, 11, 763.

Tempori, quo dicimus, accommodanda oratio. *Q.* 11, 1, 648.

Tenores antiquis dicti tonores. *Q.* 1, 5, 32.

circa Testes quid observandum. *Q.* 5, 7, 264.

Testimonia divina. *Q.* 5, 7, 269.

Testimoniorum argumenta inartificialia quomodo tractanda. *Q.* 5, 7, 266.

Τετρασίημον. *Q.* 9, 4, 564.

Tharsomenum pro Thrasimachino. *Q.* 1, 5, 31.

Θίματα quae Ciceroni dicuntur, proposita. *Q.* 7, 1, 387.

Themistocles suasis Atheniensibus, ut urbem apud Deos deponerent. *Q.* 9, 2, 530.

Theodectes, cui opus de Rhetorice adscribitur. *Q.* 2, 15, 115.

Theodo-

Theodorus Gadareus Rhetor a Tiberio Caesare in Insula Rhoda studiose auditus. Q. 3, 1, 145.

Theologis quoque nomen Sophista tributum, & cur. Cresoll. th. rh. p. 19.

in Theologia, quanquam sacram scripturarum eloquentia non indigeat magistris rhetoricis; Chrysostom. in Ps. 4. (vid. Cresoll. th. rh. p. 17.) tamen non parum iuvatur exercitatio ista hac quam quarimus mascula tractatione eloquentia. vid. ibid.

Theon Samius, pictor. Q. 12, 10, 744.

Theopompus Lacedaemonius permixto cum uxore habitu e custodia evasis. Q. 2, 17, 126.

Θωπτική ars qua. Q. 2, 18, 133.

Θέσις, questio infinita. Q. 3, 5, 154.

Theses inter progymnasmasa rhetorica. Q. 2, 4, 89. earum utilitas. Q. 10, 5, 626.

Thesibus scribendis se exercuit Cicero jam princeps in republ. Q. 10, 5, 626.

Thucydides bellicum canit, iudicio Ciceronis. Q. 10, 1, 591.

Thucydidis orationes difficiles obscuraeque. Cic. Or. 9.

Thucydidis orationes noluit imitari Cicero. Brut. 83.

Thucydidii novum imperitorum & inauditum genus. Cic. Or. 9.

Timanthes Cithnii pictor Coleten Teium vicit. Q. 2, 13, 310.

Timor malorum naturaliter apud plurimos plus valet, quam spes bonorum. Q. 3, 8, 190.

Timotheus tibicen duplicem mercedem ab iis discipulis exigebat, quos alius jam instituisset. Q. 2, 3, 8.

Tisias & Corax rhetorices doctores antiquissimi. Q. 2, 17, 124, 3, 1, 143.

Tityus, saltationis quoddam genus. Q. 11, 3, 695.

Togam veteres ad calceas usque dimittebant. Q. 11, 3, 698.

Τοπική. Q. 5, 14, 330.

Topicis argumentis ut nervose utendum remotis subtilibus praescriptionibus, ostendit Cicero in Topicis.

Τοπογραφία. Q. 9, 2, 520.

Topper, vox obsoleta. Q. 1, 6, 49.

ex Tormentis argumenta quomodo tractanda. Q. 5, 4, 260.

Tragoedia & Comedia veterum quae in re praesent posterioribus. Q. 1, 8, 36.

Trans-

- Transitionis artificium.* Herma-
goras in hac controversia transiit a proœmio in narrationem eleganter, rarissimo quidem genere, ut in eadem re transitus esset, sententia esset, schema esset: sed, ut Latroni placebat, schema quod vulneret, non quod titubet. Senec. l. 1. Controv. 1. f. ut Transitus ipse (ab exordio in narrationem) efficiat aliquam sententiam, frigida affectatio. Q. 4, 1, 220.
- Translata verba quæ.* Q. 1, 5, 41.
- Translata cur tantam vim & delectationem habeant.* Cic. 3. de O. 39.
- Translata sic ut non irraisse in alienum locum, sed immigrasse in suum diceret.* Cic. Brut. 79.
- Translatis verbis interdum ali- quid clarius quam propriis dicitur.* Cic. 3. de O. 34. 38 & 39.
- de Translatis.* Q. 8, 6, 487.
- Translationam quanta utilitas jucunditasque.* Cic. Or. 39.
- Translatione omnis sermo frequen- tissime etiam rusticorum utitur.* Cic. Or. 24.
- vid. Metaphora.*
- Translatio criminis.* Q. 7, 4, 422.
- Translationis status an necessa- rius.* Q. 3, 6, 170.
- Trepondo.* Q. 1, 5, 31.
- Τρεῖς.* Q. 9, 3, 540.
- Tropus quid.* Q. 8, 6, 486.
- & quomodo differat a figura.* Q. 9, 1, 503.
- Troporum diversa species.* Q. 8, 6, 487.
- Troporum saltus vitandi.* Q. 8, 6, 496.
- Τρόπος, modus quo queritur quem- admodum quid sit factum.* Q. 5, 10, 283.
- Tumultus nomen quam habeat etymologiam.* Q. 7, 3, 417.

V.

- V. & I. litera sonus medius.* Q. 1, 4, 24.
- V. & O. in quibusdam vocibus per- mutantur.* Q. 1, 4, 26.
- Varianda subinde oratio.* Cic. 1. de Inv. 41.
- Variationes ejusdem orationis u- tiles.* Q. 10, 5, 625.
- Variationis incommoda.* Cic. 1. de O. 34.
- Varietas reficit ac reparat animos.* Q. 1, 12, 73.
- Ventilatores in scenis.* Q. 10, 7, 633.

Venusium

RERUM ET VERBORUM.

Venussum quid in sermone dicatur. Q. 6, 3, 358.

*Verba frequenter juxta ab auctori-
bus sumunt.* Q. 1, 4, 123.

*Verba alia magis propria, aut ma-
gis ornata, aut plus efficientia,
aut melius sonantia.* Q. 10, 1,
586.

*Verba cujusque rei propria, orna-
tissima, optima.* Cic. 1. de O. 34.
eorum deligendorum scientia.
2, 2.

*Verba satis ornata, qua res ipsa
peperisse videtur.* Cic. 2. de O.
34.

Verba separari a rebus nequeunt.
Cic. 3. de O. 6.

Verba sensu tincta in narratione.
Q. 4, 2, 243.

*Verba vetusta auctoritatem ha-
bent, sed neque crebra neque
manifesta sunt.* Q. 1, 6, 48, 8,
3, 459.

Verba fingere an liceat. Q. 8, 3,
461.

*Verba nova non sine periculo quo-
dam fingimus.* Q. 1, 5, 41.

Verba locis aptanda suis. Q. 10,
1, 587.

Verborum genera. Q. 1, 4, 28.

*Verborum certissima regula est in
consuetudine.* Q. 10, 2, 612.

*Verborum & loquendi copia prin-
ceps Cicero atque inventor, se-
ste Casare.* Cic. Brut. 72.

*Verborum delectum originem esse
eloquentia.* Caesar in lib. 1. de
ratione Lat. loq. Cic. Brut. 72.

*Verborum & delectus elegans, &
apta & quasi rotunda constru-
ctio.* Cic. Brut. 78.

Verborum electio & constructio.
Cic. 1. de O. 5.

*Verborum nimia cura & inane
circa voces studium.* Q. 8, pro-
am. 446.

*Verborum simplicium conjunctio-
rumque ornatus.* Cic. Or. 24.

*Verborum vis omnibus, si rei co-
hareant, cernitur.* Q. 8, pro-
am. 446.

*Verborum bonorum usus non arte,
sed quasi naturali sensu judi-
catur.* Cic. 3. de O. 37.

Verborum simplicium vitia. Q. 8,
3, 458.

*Verborum vetustorum turpis affe-
ctatio.* Gellius 1, 5. Sueton. Au-
gust. 86.

Verborum reconditorum foetores.
Suet. Aug. 86.

*Verborum infelix cavillatio ex
tempore dicentibus nocet.* Q.
10, 7, 634.

Nnnnn

Verbo-

- Verborum collocatio qualis esse debeat, tribus membris docet Cic.*
Or. 44. pr.
- Verborum circuitus & quasi orbis in omni oratione observandus.*
Cic. 3. de O. 51.
- de Verborum usu naturaque.* Cic. Or. 44. usque ad 49.
- de Verborum copia.* Q. 10. 1. 586.
- in Verborum collocatione puerilis illa & operosa structura cavenda.* Cic. Or. 44.
- Verbi unius accuratioꝝ ac diffusior explicatio ap. Cic.* 2. de O. 4. m.
- Verbi rarioris licentia notari circumfuso nitore in uberioribus locis non potest.* Q. 4. 1. 217.
- Verbo alio atque alio elata res sepe aut probatur aut rejicitur.* Cic. Or. 22.
- Verbis antiquis quomodo utendum.* Q. 1. 6. 48.
- Verbis translatis interdum aliquid clarius quam propriis dicitur.* Cic. 3. de O. 34. 38. & 39.
- Verbis non obsoletis sed lectissimis utendum.* Cic. 3. de O. 10.
- Verberibus non cogendi pueri discientes.* Q. 1. 3. 21.
- Verecundia vitium quidem, sed amabile.* Q. 12. 5. 730. Ejus definitio. *ibid.*
- Versonis ex Græco in Latium utilitas.* Cic. 1. de O. 34. Q. 10. 5. 624.
- Versus orationis initium.* Cic. Or. 20. & 56. & 57.
- Versus nec totus nec pars ejus in oratione debet poni.* Q. 9. 4. 568.
- Versus in oratione si efficiunt conjunctione verborum, vitium est.* Cic. 3. de O. 44.
- Versus in prosam traducendi exempla vid. ap. Cic.* Or. 49. f.
- Vertex Cicero Demosthenis & Eschinis orationes contrarius.* Cic. de Opt. gen. Or. 5. ubi & de modo & utilitate convertendi.
- Victoriatum, nummi genus.* Q. 6. 3. 371.
- Virgilius amantissimus reclusus.* Q. 1. 7. 52. 9. 3. 536.
- antiquis vocibus sumunt judicio usus.* Q. 8. 3. 459.
- paucissimos die composuit versus.* Q. 10. 3. 617.
- de Virgilio judicium.* Q. 10. 1. 601.
- Virorum illustrium virtutis et magna admiratio, ita censura difficilis est.* Vellei. 2. p. 107. add. Cic. Brut. 65. pr.

*Virtutum semina quadam nobis
sunt concessa natura.* Q. 2, 20,
135.

Vissellius scripsit de figuris. Q. 9,
3, 551.

*ad Vitam quia pertinet multo
magis, quam si ad eloquentiam
pertineret, indicandum vobis.*
Senec. Suas. 2.

Vitia elocutionis. Q. 8, 3, 463.

*Vitia actoris in dicendo quadam
notantur.* Q. 5, 13, 318. *defen-
soris in respondendo.* Q. 5, 13,
319.

*Vituperatio inter progymnasmata
rhetorica.* Q. 2, 4, 88.

*Vituperatio hominum quomodo
instituenda.* Q. 3, 7, 180.

*Voluntate maxime constat, ut bo-
ni viri simus.* Q. 12, 11, 762.

*Vox est mentis index & velut ex-
emplar.* Q. 11, 3, 682.

*Vox cui Græci nomen amaritudi-
nis dederunt.* Q. 11, 3, 703.

Vox fusca. *ibid.*

*Vocis exercitatio qualis esse de-
beat.* Q. 11, 3, 674.

*Vocis differentia & ratio multi-
plex ea utendi.* Q. 11, 3, 672.

*Vocis quædam modulatio, sed non
e Phrygia Cariaque rhetorum*

epilogus, pene canticum. Cic.
Or. 18.

Urbanitas quid sit. Q. 6, 3, 358.
& 375.

*Urbanitas ab Urbe (Roma specia-
lim) dicta.* Q. 6, 3, 375.

*Urbanitatis aliquis color, neque
ille explicatæ facilis.* Cic. Brut.
46.

*Urbis capta facies representata
breviter.* Q. 8, 3, 469.

*Uusus sine doctrina plus, quam ci-
tra usum doctrina valet (in e-
loquentia)* Q. 12, 6, 732.

*ad Usus aliter discendum quam
ad Scholam.* Cic. 3. de O. 23.

*Vulgi opinio mutari vix potest,
ad eamque omnia dirigunt &
qui judicant & qui existimant.*
Cic. Top. 19.

X.

X. litera carere potuimus. Q. 1,
4, 24.

*Xenophonis ore Musas locutas ef-
se existimat Cicero.* Q. 10, 1,
591.

de Xenophonte iudicium. Q. 10,
1, 600.

INDEX

Υ.

Ἰλη, *materia argumentorum*. Q. 5, 10, 280.

Ἰπαλλαγή. Q. 8, 6, 491.

Ἰπαλλακικὴ εἰσὶς *qua Athenae dicta*. Q. 3, 6, 166.

Ἰπέρβατον. Q. 1, 5, 36.

a quibusdam inter figuras refertur. Q. 9, 1, 502.

Ἰπερβολή. Q. 9, 1, 503.

Ἰποδιαστολήν *quid Graci vocaverint*. Q. 11, 3, 676.

Ἰπόθεσις, *questio finita*. Q. 3, 5, 153.

καθ' ὑπόθεσιν *argumenta*. Q. 5, 10, 292.

Ἰπόθετα. Q. 6, 3, 373.

Ἰποθήκαι, *liber Hesiodo olim ad-*

scriptus. Q. 1, 1, 9.

Ἰποσυτολήν *quid Graci vocaverint*. Q. 11, 3, 676.

Ἰποσυγμήν *quid Graci vocaverint*. *ibid.*

Ἰποτύπωση. Q. 9, 2, 519.

Ζ.

Zenon *Dialecticem compressa in pugnum, Rhetoricem explicita manui similem dicebat*. Q. 2, 20, 136.

Zenigma. Q. 9, 3, 535.

Zensus *pietor luminum umbrarum que invenit rationem*. Q. 12, 10, 744.

Ζήτημα. Q. 3, 11, 199.

INDEX

I N D E X A V C T O R U M

Quorum in Institutionibus M. FABII QUIN-
CTILIANI fit mentio.

A.

- | | |
|--|--|
| <p>Accius, Poeta Trag. pag. 57.
320. 461. 603.
L. Ælius, 48.
Æschines, orator. 157. 320. 340.
386. 597. 599. 670. 703. 747.
748.
Æschylus, Poeta Trag. 597.
Æsopus. 301.
Afranius, Comic. 561. 604.
Alcæus, Poeta Lyr. 597.
Albutius, Rhetor. 119. 148. 169.
Alcidamus Eleates, Rhetor.
144.
Anaximenes, Rhetor. 151.
Antimachus, Poeta. 595.
Antiphon, Rhetor. 144. 748.
Antocides, orat. 748.
Antonius Gniphio. 46.
C. Antonius, Orat. 552.
M. Antonius, Orator. 145. 165.
740.
Apollas Callimachus. 661.
Apollonius, Poeta. 595.
Apollonius Molon, Rhetor.
145.</p> | <p>Apollodorus. 115. 142. 156. 163.
164. 199. 322. 403. 504. 661.
Aratus, Poeta. 595.
Archilochus, Poeta Jamb. 596.
Archidemus. 163.
Architas. 63.
Areus, Rhetor. 119. 145.
Aristarchus. 26. 595.
Aristogiton, Orat. 748.
Ariston. 116.
Aristophanes, Comic. 64. 595.
597. 757.
Aristophanes, Grammaticus. 9.
Aristoteles. 26. 115. 140. 144.
150. 166. 184. 196. 227. 258.
277. 308. 456. 570. 571. 601.
754. 764.
Asinius. 57. 340. 513. 518. 606.
Athenæus. 117. 145. 154. 166.
Athenodorus Rhodius. 126.
Atticus, Rhetor. 145.</p> |
|--|--|

B.

- | | |
|---|-----------------------|
| <p>Bassus Aufidius, Histor. 605.
Cæsius, Poet. 603.
Junius. 360. 369.
Saleius, Poet. 602.</p> | <p>Nnnnn 3</p> |
|---|-----------------------|

Biba.

I N D E X

Bibaculus, Poeta. 603.

Brutus, Philos. 608.

C.

Cæcilius, Rhetor. 57. 145. 166. 275.

462. 504. 505. 542. 551.

Cæcilius, Comic. 604.

M. Cælius, orator, 363. 497.

545. 607. 649.

C. Cæsar, 40. 55. 182. 191. 607.

Callidius, orator. 589.

Calvus, orator. 49. 338. 516. 544.
607.

Carneades. 664.

Cassius Severus, orator. 302.

589. 607. 651.

M. Cato. 49. 53. 96. 114. 145.

191. 515. 764.

Catius. 609.

Catullus, Poeta. 30. 536. 603.

Corn, Celsus. 117. 118. 146. 159.

164. 182. 208. 222. 274. 276.

388. 403. 462. 464. 505. 515.

519. 522. 532. 581. 582. 589.

609. 765.

Chrysippus. 9. 66. 72. 119.

Cicero, 30. 31. 39. 40. 41. 45.

46. 53. 55. 57. 60. 64. 72. 79.

92. 95. 107. 112. 114. 119. 121.

123. 124. 131. 136. 138. 139.

144. 146. 147. 148. 150. 154.

156. 159. 165. 167. 168. 169.

175. 183. 185. 191. 193. 200.

201. 209. 212. 213. 214. 218.

220. 225. 226. 231. 233. 237.

240. 241. 242. 245. 248. 253.

254. 275. 279. 281. 285. 286.

287. 288. 289. 290. 292. 294.

300. 301. 302. 303. 304. 306.

311. 314. 315. 316. 317. 318.

319. 320. 324. 325. 338. 340.

341. 343. 344. 346. 347. 355.

358. 360. 363. 364. 365. 366.

359. 370. 371. 372. 373. 374.

383. 384. 388. 396. 401. 404.

407. 408. 413. 415. 417. 422.

426. 431. 437. 445. 447. 450.

455. 459. 460. 461. 462. 463.

465. 468. 471. 474. 475. 477.

479. 486. 489. 490. 492. 502.

507. 514. 515. 516. 517. 519.

521. 522. 523. 524. 531. 532.

536. 538. 541. 542. 545. 548. 550.

551. 554. 556. 557. 558. 561.

562. 564. 565. 566. 568. 569.

579. 581. 589. 590. 592. 602.

605. 624. 630. 635. 636. 637. 639.

645. 648. 652. 653. 654. 657.

658. 659. 661. 663. 669. 670.

671. 675. 678. 681. 688. 693.

694. 695. 698. 700. 703. 706.

710. 713. 729. 731. 732. 733.

746. 751. 753. 754. 755. 761.

765.

Cleo Stelaus, Rhetor. 548.

Clitarchus, Histor. 399.

Coccus, orat. 748.

Corni-

AUCTORUM.

Cornificius, Rhetor. 146. 274.
 516. 547. 551. 552.
Crassus, Orator. 765.
Cratinus, Comic. 597.
Crispus Vibius, orat. 608.
Critolaus. 116. 117. 126.

D.

Demetrius Phalereus. 600.
Demosthenes. 70. 95. 148. 194.
 211. 218. 245. 320. 330. 339.
 340. 352. 355. 359. 383. 386.
 486. 522. 524. 532. 557. 561.
 566. 568. 589. 599. 643. 644.
 670. 688. 695. 703. 713. 765.
Didymus. 58.
Diogenes Babylonius, 8.
Dion. 148.
Dionysius Halicarnassensis. 145.
 551. 552. 571.
Domitius Afer. 71. 72. 73. 263.
 289. 360. 361. 363. 366. 480.
 483. 515. 549. 559. 589. 601.
 607. 760.
Domitius Marsus. 375.

E.

Empedocles. 23.
Ennius. 31. 44. 57. 114. 518. 675.
Ephorus, Histor. 570. 599.
Eratosthenes. 661.
Eriphylus Rhodius. 630.

Euathlus, Rhetor. 144.
Euphorion, Poeta. 596. 661.
Eupolis, Comic. 63. 597. 757.
Euripides, Tragic. 597.
Eurypylus Larissensis. 661.

F.

Fabius Pictor. 44.
Flaccus Valerius, Poet. 602.
Flavius. 427.

G.

Galba. 360.
Gallio, Rhetor. 146. 530.
Gallus, Poeta. 603.
Gorgias Leontinus. 140. 143. 548.
 764.
Gorgias, Rhetor, alius a Leontino, Rutilii coævus. 532. 533.
C. Granius. 48.

H.

Hermagoras. 115. 140. 145. 155.
 157. 160. 168. 199. 202. 533.
Herodotus. 557. 599.
Hesiodus. 9. 595.
Hippias Eleus, Rhetor. 144.
Hirtius. 465.
Homerus. 212. 472. 490. 545.
 594. 700. 730. 744. 756. 765.
Horatius. 39. 451. 459. 467. 495.
 536. 596. 603.

Q. Hor-

I N D E X

Q. Hortensius, orator. 31. 462.
589. 630. 671. 765.

Hyperides, orator. 600. 748.

I.

Isæus, orator. 748.

Isocrates. 113. 144. 152. 156.
184. 226. 348. 561. 600. 748.
753.

C. Julius. 362.

Julius Africanus, Orator. 607.

Julius Secundus, Orator. 608.

L.

Decimus Lælius. 589.

Latro, Orator. 530.

Lenas, Rhetor. 146. 637.

Linus. 62.

T. Livius, 53. 449. 453. 465. 488.
490. 518. 568. 604.

Lucanus, Poeta. 602.

Lucilius, Poeta Satyr. 38. 43. 53.
57. 561. 575. 603.

Lucretius, Poeta. 23. 495. 601.
765.

Lycurgus, Orator. 748.

Lyfias, Orator. 124. 192. 557.
600. 747.

M.

Macer, Poeta. 596. 601. 765.

Mancia Helmius. 362.

Manlius Sura. 366.

Menander, Comic. 64. 130. 592.
748.

Messala, Orator. 31. 39. 49. 53. 55.
407. 561. 589. 607. 624. 765.

Metrodorus Sceptius. 630. 663.
664.

Modestus. 48.

N.

Naucrates, Isocratis discipulus.
157.

Nicander, Poeta. 596.

Nigidius, Rhetor. 698.

Novianus Servilius, Historicus.
605.

O.

Ovidius. 220. 525. 547. 602. 603.
759.

P.

Pacuvius, Poet. Trag. 57. 603.

Palæmon. 26.

Pamphilus, Rhetor. 163.

Panyasis, Poeta. 595.

Paslienus Crispus. 346. 589.

Patrocles. 116. 165.

Pedianus. 53. 275.

Pedo, Poeta. 602.

Persius, Satyr. 30. 542. 603.

Philætas, Poet. Eleg. 596.

Philemon, Comic. 598.

Philistus, Histor. 599.

Philo-

I N D E X

Philoctetes, Poeta. 144.
 Pindarus, Lyric. 596.
 Pisandros, Poet. 596.
 Plancus, 609.
 Plato. 63. 72. 114. 117. 120. 144.
 137. 151. 478. 499. 557. 568.
 600. 764.
 Plautus, Comic. 112. 604.
 Plinius. 146. 698. 699.
 Plotius, Rhetor. 92. 698.
 Pollio, orat. 49. 516. 589. 765.
 Pomponius. 461.
 Pomponius Secundus, Tragic.
 604.
 Posidonius. 164.
 Prodicus. 518.
 Prodicus Cejus, Rhetor. 144.
 Propertius, Poeta. 603.
 Protagoras Abderites, Rhetor.
 144. 151.

R.

Rabirius, Poeta. 602.
 Rutilius Lupus, Rhetor. 146.
 532. 533. 550. 552.

S.

Sallustius. 184. 191. 218. 460. 498.
 535. 536. 551. 604.
 Santra. 747.

Seneca. 461. 483. 520. 531. 609.
 Seneca, Tragicus. 513.
 Septimius. 209.
 Cassius Severus. 360.
 Corn. Severus, Poet. 602.
 Simonides, Poeta. 597.
 Sifenna. 31.
 Socrates. 114. 116. 120.
 Sophocles, Tragic. 597.
 Sophron, mimorum scriptor.
 63.
 Stertinius, Rhetor. 146.
 Stefichorus, Poet. Lyr. 596.
 Sulpitius Servius, Orator. 340.
 589. 607. 624. 637.
 Sulpitius Longus. 361.

T.

Terentius, Comic. 57. 462. 523.
 536. 604.
 Theocritus, Poeta. 595.
 Theodectes, Rhetor. 26. 145.
 233. 571.
 Theodorus. 116. 157. 167. 199.
 203. 210.
 Theodorus Byzantius. 144.
 Theodorus Gadareus. 116. 145.
 Theon. 166.
 Theophrastus. 145. 194. 211.
 571. 590.
 Theopompus, Histor, 561. 599.
 O o o o o Thra-

AUCTORUM:

Thrasymachus Chalcedonius,	Vibius Crispus, 321. 482.
Rhetor. 144. 148. 570.	Virginus, Rhetor. 146. 166.
Thucydides, Histor. 557. 599.	210. 424.
Tibullus, Poet. 603.	Virgilius. 53. 62. 212. 451. 452.
Timagenes. 62. 599.	458. 459. 460. 471. 474. 478.
Tinca Placentinus, 31.	489. 490. 494. 513. 518. 524.
Trachallus, Orat. 370. 483. 608.	536. 564. 596. 601. 715. 765.
Trebatius, Jctus. 202.	Visellius, Rhetor. 532. 533. 551.
Tyrtæus, Poeta. 596.	

X.

V.

C. Valgius, Rhetor. 145. 156. 274.
 Varius, Poeta. 604.
 Varro Terentius. 23. 44. 48. 603.
 765.
 Varro Attacinus, Poeta. 601.
 Vectius. 38.

Xenophon, Histor. & Philos.
 518. 599. 600.

Z.

Zenon, Philos. 136.

F I N I S.



13

